

**CONSIDERATIONES
MODESTÆ ET
PACIFICÆ
CONTROVERSIARU
M, ...**

William Forbes





M

2

455

17th. 1891

333

Digitized by Google

CONSIDERATIONES
MODESTÆ
ET
PACIFICÆ

Controversiarum,

JUSTIFICATIONE,
PURGATORIO,
INVOCATIONE Sanctorum
ET
CHRISTO Mediatore,
EUCCHARISTIA.

De



Per GULIELMUM FORBESIUM
S. T. D. & Episcopum Edenburgensem
Primum.

Opus Posthumum, diu desideratum.

L O N D I N I,

Typis Thomæ Roycroft Impensis Jo. Martin, Jacobi
Allestrye, & Tho. Dicus, ad insigne Campanæ
in Cemiterio D. Pauli, M DC LVIII.

Edmundus Forbeseus



Erudito & Candido
LECTORI.



Prodit tandem opus quod a morte Authoris, totos viginti, & quod excurrit, annos latuit; fuit Author, quod omnes norunt qui ipsum norant, doctrina & pietate insignis, ac Carolo primo Britanniarum Regi tam charus, ut illum nullo commendante, sed proprio, ut loquuntur, motu, seligeret, qui primus fungeretur Episcopatu Edenburgensi, quem ipse ut perrenne apud Scotos pietatis suae monumentum extaret, erexit, & quem honore, omnibus aliis illius Ecclesiae Episc. praere voluit. Functus est Presbyteratus munere in Eccles. Scotiana viginti quatuor, praeter propter, annos, idque variis in locis, aliquamdiu Edenburgi Scotiae urbe primaria, sed diutius multo Abredonia, urbe natali (ibi enim ex honestissima familia oriundus erat) utrobique cum summa laude, amore & honore omnium furiosos modo Zelotas excipias, inter quos & ipsum mutua semper flagrabant odia, in illis iniquissima, sed in ipso sanctissima, idque propter eorum hypocrisin in religione, & incendia perpetua ab ipsis in Ecclesia suscitata. Scripserat haec, quae nunc publici ju-

vis fiant, dum Presbyter esset; nam Episcopatum, probo dolor, immatura mors (vix enim quinquagesimum annum attigerat) & Ecclesie multum lugenda, delibare tantum fiverat; Et cum per defectum virium ex immodicis studiis contractum, mortem non longe abesse presentiret, legavit illa amico fidissimo, qui ea tanquam κειμήλιον, summa cura custodiens, circumspiciebat semper si qua se offerret edendi occasio, quam nunquam ob tristissima quae inciderunt tempora, huc usque nactus est. Fides summa in edendo praestita est, & qui edit, exemplaria secutus est partim ipsius manuscripta, partim amanuensi ab ipso dictata. Scopus Authoris & Editoris unus plane est & idem, nempe ut (primo) veritas in hodiernis Controversiis de quibus hic agitur (utinam & in aliis vita suppetente, idem fecisset) viris doctis & praedjudicio liberis clarius patefiat; deinde ut via hinc ad reconciliandos Christianos facilius se aperiat. Hujus reconciliationis studium absque veritatis necessaria dispendio & in Authore, dum viveret, summum semper fuit; & adhuc in Editore constanter perstat, qui eam adeo necessariam existimat, ut schismata in Ecclesiis, bella in Regnis, una cum rebellionibus in principes, quae passim jam cernere est, quaeque interim omnia a vera pietate longissime absunt, nunquam cessatura putet, donec unio illa effectum sortiatur, quanquam nunquam minor ejusdem conficiendae spes fuerat; sed quando spes minima est, vota ut dictum est olim, solent esse maxima, ad quae concipienda, ut & studia eidem procurrenda conferenda, non opus est, ut multum invitentur, quicumque Deum vere colunt, & Christum sincere profitentur. Liceat hic obiter justum dolorem testari, quod ita regnent odia reciproca, quae vel ex religione, simulata

simulata saltem, vel ex Zelo ἡ ἐν ἡμῶν, sunt con-
 cepta, ut nisi Deus se quasi monstret ex machi-
 na, omnia quae faciunt pro Christiana hac pace
 obtinenda, incassum suscipi videantur. Hec
 quam deploranda sunt multorum nimis ex u-
 traque parte, Protestantium scilicet & Romanensi-
 um, non tantum iudicia, sed & voces ac verba non
 solum libris incerta, sed & auribus meis millies
 audita, quibus in hanc pacem ut pietati pernicio-
 sissimam palam invehuntur, omnesque qui ei fa-
 vent, non leviter detestantur; tam verum etiam-
 num, est illud Thucydidis, τὰ ἐν μέσῳ ἀμφοτέρωθεν
 κλεινοῦται, Hi sibi solis aeternam salutem vindi-
 cant, & alios quosvis quibuscum sibi in minimis
 non convenit, eadem excludunt; cum tamen si
 equiore res velint trutina ponderare, compertu-
 ri sint neutra parte salutem exulare, modo utro-
 bique iis quae credere se praesentur (ea autem
 sunt ex saniorum iudicio omnia ad salutem neces-
 saria) pia vita adjungatur; Sed disputare malu-
 mus, ut scribebat non ita pridem Isaacus Ca-
 saubonus vir optimus & eruditissimus, quam pie
 vivere; cum tamen ab Authore hujus operis non
 Semel auditum sit (quod illi Christianorum con-
 cordiam ardentissime exoptanti in ore erat frequen-
 tissime) pauca inquit credenda; multa agenda;
 intelligebat autem pauca, ad salutem (ut nuper
 dictam) absolute necessaria. Optandum certe est,
 ut crescant agendorum studia, ἀγαθὸν δ' ἐγὼ ἵδεω Beg-
 οῖσι & minuantur incredendis iurgia; quod si fie-
 ret, non omnis spes decollaret hujus tanti bene-
 ficii adipiscendi, cum Sanctissimo Deo nihil ma-
 gis sit cordi hac concordia. Quae autem pro pa-

de hac Christiana haecenus dicta sunt; non co-
 trahi velim, ut inde arripiatur occasio deferendi
 Ecclesias quas Reformatas vocant, praesertim Bri-
 tannicas, Anglicanam intelligo omnium Refor-
 matarum reformatissimam, earundemque gloriam,
 ad effigiem nempe primae suae reformationis effectam,
 & usque ad nuperas turbas omnia pessundantes,
 & πανωλεθρίαν secum ferentes, florentem, una
 cum Scotiana, prout Anglicane conformari coe-
 pit (utinam peccata nostra & Diaboli conuicta
 sic pergere non impedissent!) quamvis utraque
 nunc gravi afflictionum pondere prematur (sed
 non omnium dierum Soles occiderunt) & tran-
 seundi ad Romanam, quod a quibusdam fieri in-
 vitus & mœrens audio, absit, nec ulla suadet
 ratio ut a magis sana parte Ecclesiae decedatur,
 communioque externa colatur cum alia quae minus
 sana est, & crassis ac domo Dei eliminandis erro-
 ribus pollita; Nunquam sane hoc intenderunt aut
 intendunt qui ad veram & Christianam hanc re-
 conciliationem anhelant; Quid quod transitus in Ro-
 mana castra non sine reatu peccatorum & subscripti-
 one errorum, quibus Viri dicti reluctante conscien-
 tia non facile consentient, vulgo conceditur; Sed
 quamvis ullos Sic resiliere & deficere non amo,
 nunquam tamen Legitimam reconciliationem non
 amabo, ad quam promovendam nihil plus condu-
 cere autumo (si modo ea sequi velimus) quam quae
 scripsit Apostolus ad Philip. 3. Ὅσοι ἐν τέλει, τὸ το
 φρονῶμεν καὶ εἰ τι ἐτέρως φρονεῖτε, καὶ τὸ το ὁ Θεὸς ὑμῶν ἀπα-
 γαλῶσει, nempe in quibus veritatem attigimus in iis
 perseveremus, in quibus aut ipsi erramus, aut alii
 plenior a Deo revelationem, mutuam interea cha-
 ritatem

ritatem colentes, expectemus, Ephes. 4. donec omnes
ἐς αὐτὰ τὴν οὐρανὸν evadamus, καὶ ἐς ἀνθρώπου τὸ Χριστὸν
coalescamus, γένοιο, Domine γένοιο. Caterum
quam pie, libere, & prudenter scribat Author, quam
ingenue veritati litet, eam ubicunque cernit, neutri
parti addictus, amplectendo & defendendo, & de er-
roribus eos quos in alterutra parte errare putat, com-
monstrando & redarguendo, quamque firmis argu-
mentis vera astruat, & falsa destruat, pones te, eri-
dite Lector, iudicium esto. Stilum forte invenies non
adeo politum & floridum, latinum tamen satis ni fal-
lor, & controuersis aptum, quia facilem & planum;
spero denique si mentis aciem intenderis, te facturum
opera precium non poenitendum. Supersunt duo, quae
paucis attingam, primum, quod inter alia perspicuum
fiet vel ex hoc opere, quam insignem injuriam a mul-
tis passus sit Reverendus Author, qui cum Catholico-
Romanum predicarunt (qua fuit putida Calbarorum
calumnia) nam praeterquam quod in communione Ec-
clesiarum Reformatarum & vixerit & mortuus sit,
& publicis ac sacro-sanctis muneribus in illis fuxisset
sit, clare hic leges errores non paucos Romana Ecclesia
aut plerumque in illa de Purgatoria, Invocatione
Sanctorum, Transubstantiatione, & alios quando oc-
currunt, notatos & perstrictos, idque aliquando
cum satius magna (nec sine ratione) vehementia; quin
& ipsi Concilio Tridentino, quod jam omnibus, illius
partis instar Palladii est, alicubi non pepercisse vide-
bis. Secundum est, de quo monendus es, quod non
licuit Editori prout volebat, testimonia Scripturae ab
Authore laudata, & alia, num vero consonent, exa-
minare, ausim tamen spondere, modo detur venia levi-
usculis erratis, circa capita, versiculos, vel folia
editionum,

editionum, ubi horum fit mentio, quæ in nullo non in-
veniuntur opere, & quorum exacta cura superat fere
humanam diligentiam, te posse multum fidere tam
eruditioni quam sedulitati Authoris, qui erat incredi-
bilis Lectionis, nec solebat alienis oculis niti, nefas
etiam fuit ejus pietati quicquam proferre, de quo sibi
non bene constaret; ut tamen omnis tibi scrupulus exi-
matur, si vacat, & librorum tibi copia sit, non male
feceris, si tibi met hanc operam naves.

T. G.

Vita



Vitæ AUTHORIS

Elenchus.



Ulielmus Forbesius, SS. T.
Doctor, Episcopus primus
Edinburgensis parentibus
honestis fuit; Patre Tho.
Forbesio cive Aberdonensi
modestia & morum pro-
bitate nullis non probato,
& genere natalitio ex illustri Forbesi-
orum familia, meliores nota civibus con-
sociato & conjuncto? & matre Janeta Car-
gilla sorore germana Jacobi Cargilli Abre-
donensis medicinæ Doctoris celeberrimi:
unde viget adhuc, semperque vigebit grata
Parentum Forbesii memoria, & vitæ ipso-
rum innocentia testata, at majore Proles vir-
tute condecorata.

Natus est Abredoniæ, quæ civitas est in
Septentrionali Scotiæ plaga sita, Almæ Aca-
demiæ, & dignitatis Episcopalis sedes exi-
mia; quæ olim Athenæ Caledoniæ, & stu-
diorum illic generalium gloria nuncupaba-
tur

tur. Hic natus, hic edoctus & educatus Forbescius, hic virtutis semina jecit, quæ progressu temporis in gloriosam messem evaserunt.

Duodecimum vix egressus annum cum primum in Schola Grammaticæ linguæ Latinæ & Græcæ magnam sibi notitiam comparasset (foelicissimi ingenii magis magisque excolendi gratia) ad Collegium Mariscallenum sese recepit, & in matriculam Almæ Academiæ Abredonensis se dedit. Ubi quum totum quadriennium non minus foeliciter, quam obstinate, studiis Philosophicis operam dedisset, tandem emenso Philosophiæ curriculo ad Magistri in Artibus gradum est evectus; & viro Clarissimo Gilberto Grayo, Gymnasiarchæ, plurimum ob singularem modestiam, & in studendo indefessam diligentiam charus, ad professionem Logicæ, in eodem Collegio est adscitus; & illic in docendo Logicam Aristotelis, quam tum a Rami calumniis fortiter vindicabat, summa cum laude, & Auditorum profectu quatuor posuit annos.

Ubi autem decurse hunc in modum, primæ adolescentiæ stadio, aliquantum adolevit, viginti natus annos, ad ulteriorem scientiæ perfectionem & rerum ἐμπειρίαν comparandam anhelans, peregrinationem in exterarum regiones suscepit. Atque ubi Dantiscum

cum primum cum popularibus suis appulisset, ipsis ei nequidquam suadentibus, ut relictis literarum studiis mercaturæ rem faceret, Prussiæ & Poloniæ magna parte peragrata, propositi tenax, in Germaniam tandem, ad majus operæ-pretium in studiis faciendum contendit; compertum habens ibi maxime florere Theologica studia, quibus præ aliis ipse impensius delectabatur. Jamque Germaniam ingressus, celeberrimas Academias præsertim Juliam, Heydelburgensem invisit, instructissimas Bibliothecas perlustrat, scripta Patrum diligenter evoluit, Scholasticorum operosa volumina scrutatur, &, ne eruditionis Theologicæ apicem præteriret, sanctæ linguæ Hebraicæ vehementissimam dedit operam; adeo ut in illius peritia Judæum quemvis æquare videretur. Et ex his seminibus sæcundo solo satis, & cœlo benigno nutritis prodeunte ocyus generosa messe, omnium Doctorum (quibus innotuit) encomiis, præconiis, clarissimus Philosophus, eximius Theologus, & trium linguarum peritissimus celebratur. Hic permotus fama Academiæ Lugdunensis, multis & magnis Orthodoxæ Religionis luminibus coruscantis, relicta Germania (in qua quatuor transegit annos) plenus eruditionis & laudis, in Belgium commigravit. Cumque Lugdunum Bata-

vorum Achademiae sedem attigisset, ecce fama jactatur (nam diu illic inter Academicos latere non potuit) doctissimum Scotum, inter illos clam versari, cujus modestia, se suasque dotes palam ostentare non patiebatur. Ilico accitus ab Academia Proceribus venit, & Scaligerum, Grotium, Vossium, Heynsum, Homium, Jachæum magni nominis Philosophum, cognatum & compatriotam, aliosque literarum & literatorum Coryphæos convenit, notitiam, amicitiamque cum illis contraxit, & variis colloquiis & amicis disputationibus, hinc inde exercitis, eandem promovit & adauxit, paucos post menses ipsis valedicit, & discedenti, frequens ibi Academiae Senatus, amplum illi incredibilis facundiae, prompti & expediti ingenii, & multifariae eruditionis testimonium dedit.

In Galliam deinde & Italiam peregrinationem cogitabat, quam tamen præ valetudine adversa qua tenue & infirmum corpus (magnæ animæ malū hospitium distinebatur, agredi non ausus in Angliam transfretandi consilium capit, & intra paucos dies, velis ventisque secundis usus nobilis Londini allabitur oris. Et ut lux e longinquo hominibus, se viderdā præbet, sic delata ad illustres. Oxoniae Achad. (Europæ lucidissimū sidus omnibus eruditionis aviclis fama singular. doctrinae suæ,

&

& in sancta lingua peritiæ incomparabilis ab Ox. Achad. Præsulibus ad professionem ling. Hebrææ liberali, propositio præmio invisatur. Sed invalescente febre triduana non illic diu subsistere sustinuit. Nam consultis Medicis Regis, præsertim Craggio compatriola, Serenissimi Regis Jacobi (augustæ memoriæ) Archiatro, in patriam ad nativum aera hauriendum, redire suadetur & impellitur. Tandem post quinquennalem peregrinationis ambitum, in Scotiam revertitur, & natale solum Abredoniæ (ubi primos edidit vagitus) revisit. Redux autem (bono cum Deo) factus, quam clero gratus, quam amicis charus, quam omnibus expectatus advenit ! Consul, Senatusque Abredonensis, omnibus humanitatis officiis complectuntur, & juxta Bonæ Concordiæ pristinam consuetudinem, ad testandum tam eximio viro, concivis filio, foelicitè reduci benevolentiam, Municipem creant, & jus municipali diplomate, urbis insignibus & sigillo munito, consignant & confirmant. Hic paucos commoratus dies, juxta medicorū de natali aeris beneficio præsagiū, meliuscule se habere incipit; Et sic Deus illi prospexit, ut paulatim viribus corporis reffectis, & vi morbi defervescente ad Ecclesiæ Alfordensis ministerium (in illa diocesi haud ignobile) a Patrono Comite Forbesio Principe Gentili sollicitaretur, cui vocationi morā gessit & Mi-
stri

stri munere, paucos illic annos, defunctus est.

Verum ingenium tam excelsum, eruditionem tam profundam, pietatem tam sublimem, in rusticana latere villa, voluntate Dei non permissum iri tandem aliquando exitus comprobavit. Nam eloquentiæ in concionando fama percrebescente (erat enim Orator non tantum velox, & vehemens, sed melitus & patheticus) non solum aures demulcentis, sed corda ferientis & multum flectentis, postulatis Abredonensium invitatus, & calculis cleri incitatus, ad Verbi Divini præconium Abredoniæ suscipiendum inducitur. Ubi magno cum populi gaudio, magno auditorum fructu, animarum compendio, ipsius indefessa diligentia illic Evangelium prædicavit, Sacramenta administravit, rudes in fide instituit, flagitiosos a scelere ad meliorem vitæ rationem traduxit, errores & hæreses convulsit, veritatem fallaciarum involucris constrictam expedit, & ut summatim dicam, omnia sacri Ministerii & Religionis purioris officia percoluit.

Serenissimus Rex Jacobus, ejus nominis Scotorum sextus, Magnæ Britanniae & Hiberniæ primus (cujus beata memoria apud omnes adhuc fervet) Scotiam, antiquam Patriam magno invisendi desiderio captus, cum magna pompa & magnificentia Regia, Edenb. Lithgov. Sterlin. Falcolan. magnificis Pallatiis
(quæ

(quæ olim Regum Scotorum, & Regiæ pro-
lis erant habitacula) perlustratis, tandem
Andreapolim, Primatis Scotiæ, & illustris
Universitatis sedem, attigit; quo selectum
Clericorum conventum indixit, ut de arduis
Scotianæ Ecclesiæ negotiis, cum illis consul-
taret. Inter alia, consultum & conventum est,
de dignitatibus Scholast. (quæ absoletæ, &
temporis præscriptione fere emortuæ) recu-
perandis, & ad pristinam vitam & vigorem re-
ducendis. Privilegia jactabant Academiae,
sed non usurpabant, aut saltem usurpare non
audebant. Proinde Authoritate Regia, &
unanimi cleri consensu, quod statutum est,
facto confirmant; & Regis mandato Jo. Ju-
nius SS. Theol. Doctor, Regius Sacellanus,
Scotus vir pius & doctus, promotionis mu-
neri designatur. Postridie aut nuclius-ter-
tius oratione docta & ornata prævia, Hovæ-
um, Brussium, Lyndesium, Forbesium no-
strum, Strangium, &c. (viros omni laude
maiores libro, pileo, annulo, Theologici
Doctoratus ornamentis donavit, amplexuque
fraterno in societatem Theologicam recepit,
& SS. Theologiæ Doctores, creavit.

Exinde Theologiæ Doctor, sed afflicta non-
nihil valetudine domum reversus, consueto
more, Verbi ministerio incumbit, nec segnes-
cit, donec fragile corpus tot laboribus & su-
doribus impar, & indies gravi conscionandi

munere magis magisque attritum, fatiscere
& oneri succumbere cogitur. Sed Senatus,
populusque Abredonensis, municipis sui, &
Pastoris dignissimi, cum adversa valetudine
conflictantis, & in deterius virgentis, vicem
& conditionem graviter dolens & deflens,
quæ, remedia ejus vitæ prolectandæ, & ipsi-
us Angelico contubernio fruendi, conquiri
possunt, excogitant. Tandem Collegii Ma-
riscallani Præfecturam tunc vacantem, Pro-
vinciam leviolem & magis honorariam, ejus
præfenti infirmitati (quæ a concionandi mu-
nere laxamentum postulat) leniendæ, maxime
idoneū pharmacū judicant, & in hanc senten-
tiā omnes conspirant. Nulla mora, impetrato
a Comite Mareschallo, Collegii Fundatore &
Patrono diplomate, Collegii Marischallani
Præfectus seu Gymnasiarcha constituitur.
Hanc Provinciam seriis votis commenda-
tam non detrectans, & mira dexteritate
& sollicitudine procurans, Gymnasiarcham
meritissimum & Scholæ Philosophiæ mo-
deratorem insignem demonstravit. Et ne Col-
legii legibus fundatis deesset, quibus cautum
est, ut Gymnasiarcha ad aperienda fidei my-
steria, & reconditos divini verbi thesau-
ros sese applicet, & Hebrææ linguæ cog-
nitionem propaget, binas singulis sep-
timanis Prælectiones Theologicas habu-
it, & terna vice juventuti, quæ in spem
Ecclesi-

Ecclesiarum educabatur, Hebrææ linguæ perdiscendæ, compendiariam viam proponit & docet; adeo ut studiosos, qui sacris initiati, aut Sacræ Scientiæ consecrandi erant, diatribis suis, recondita literatura plenissimis, ad altiora munia Ecclesiastica idoneos præstiterit, & ut in cautam juventutem, adversus multiplices hostium veritatis strophas instrueret, & præmuniret, nullum laborem subterfugerit.

Jam ad Gymnasiarchatum, alius accedit Scholasticus honos, & ab Episcopo Abredonensi, & Senatu Academico, ad ejus profundam eruditionem obstupescente, Decanus facultatis Theologicæ designatur, ut Candidatorum examini præsit, respondentium patrocinium suscipiat, & ad gradus Promotor promotionis manus exequatur.

Mox hoc munere defunctus ad Rectoris magnifici dignitatem qua nulla post Cancellariatum (qui Episcopi sedis peculiare privilegium est) sublimior, evehitur. Cui officio cum omni laude & omnium gratia defunctus est, ut nulli tunc temporis in Academia vixere, qui ope & præsidio Forbesii, non se aliquid doctrinæ ad bene & recte sentiendum, vel exemplum ad pie & honeste vivendum adeptos esse faterentur.

Unum restat nobile industriæ & Præfecturæ monumentum prædicandum, quod si tacerent
ho-

homines, mœnia, signa, tecta loquerentur, Collegii ædificium, (quod olim Franciscanorum hospitium erat) palatii in morem quadrilaterum, præter unum latus (quod honestus quidam civis Abredonensis instauravit) fere lapsum & ad rudera revocatum postliminio excitavit, splendori pristino majori restituit, & libraria eleganti (quam & extruxit & post alios instruxit) fabricam exornavit. Postea fanum Franc. (quo nihil magnificentius in illa urbe visitur) ex lapide polito & quadrato constructum, semidirutum, Bubonibus, hirundinibus, aliisque cœli volucris, ad nidificandum patens, eleemosynis undique conquisitis, & hilariter collatis, reparandum & vitreis fenestris collustrandum curavit. — Hic Gymnasiarcha duos præfuit annos omni laude & memoria dignissimus, natus ad Collegii ornatum & commodum, tandem rebus sic ad mentem & sanitatem compositis, Abredoniæ ubi prim. hausit lucem (bono cum Deo) expirare decrevit.

Nunc summatim reliqua pars vitæ est percurrenta, quæ variis casibus & fortunæ vicibus fuit exposita cives Edenburg. eloquentis & pii Pastoris cupidi (qualem maxime desiderabant) omnes unanimi consensu Forbesium cogitant, compellant, & nullum non movent lapidem ut ipso potiantur, & animarum curæ Edenburgi admoveant. Sed Forbesi. molestam interpellationem ægre ferens, tandem relecta

Iecta mente gratias quam potuit maximas
Edenb. agit, quod illum tali dignarentur ho-
nore & jussit excusatum habeant, quippe qui
fragilis ætatis reliquias nativæ sedi destinavit
& devoverit. Ubi rumor ad Abredonenses per-
manavit, hi fremere, obstrepere, & Edinburg.
indignari, & ut ab incepto desistant, obnixè
rogare. Sed frustra tam hi quam ille reluctan-
tur. Nam Senatus supremi, & Synodi Provin.
edicto cautum est, ut Provinciam Pastoralem
Edinburgi non amplius detrectet, sed hilariter
amplectatur. Jam nulla mora (cum morosum
& deficilem se præbere, & potestati tam Ec-
cles. quam Politicæ remitti nefas) itineri se ac-
cingit, & multis hinc inde lacrymis fuscis po-
pulo Abredonensi benedixit, valedixit, & in-
tra paucos dies magna comitante caterva E-
denburgum Scotiæ Metropolin, ingreditur,
& summo cum populi concursu & applausu
recipitur, & Pastoralis Officio inauguratur.
Sed (Deus bone) quam repente Pastoris &
Gregis diversa mens, quam dispar opinio,
circa disciplinam Eccles. & Ecclesiastici re-
giminis formam. Edinburgenses Genevensii
disciplinæ zelotæ, Episcopo-martyres, & Pres-
byterorum *ισχυρίαι* acerrimi propugnatores
Forbesii sanam doctrinam de Episcoporum
primatu, multis convitiis incessere, ipsumq;
Pontificiæ professionis rerum insimulare non
verebantur. Ille contra modeste & solide
in

in concionibus ad Clerum & Populum, 'Primarum Episcopalem, verbi divini auctoritate, praxi Apostolica, & primitivæ Ecclesiæ consuetudine niti, & non ab humano instituto ortum habere demonstrabat. Quum autem tot exantlatos labores populo isti infrugiferos, & velut semen in agro sterili satum, nullos fructus proferre, insuper tenue & macilentum corpus urbis fumo involutum periclitari animadverteret, statuit (communicatis optimis & intimis amicis consiliis) sese hoc jugo pastoralis expedire, & Abredoniæ (ubi prius) animarum curæ incumbere, quam primum hoc ejus propositum Abredonensibus compertum, illico gaudio summo perfusi, Procuratores liberali viatico instructos, Edinburgum delegant, ut municipem suum Forbesium Abredoniam reducant, quocum salvus & mediocri valetudine suffultus rediisset, Clerus gratulatur, populus exultat, faustis acclamationibus omnes excipiunt. Sed emerfit non multos post annos nova occasio, Forbesium a charissimo grege avocandi, quæ ipsius immaturam acceleravit mortem.

Carolus ejus nominis primus Rex Britannia de anno 1633. Londino egressus cum magno apparatu & splendido comitatu omnis generis Aulicorum, & cum selecta & gravi turba Patrum Spiritualium, Episcoporum,

Sacellanorum, & aliorum Sacerdotum Scotiæ
Edinburgum proficiscitur, ut avita Regni
Scotiæ corona insigneretur, & Sacro oleo Rex
Scotiæ inungeretur. Repente accitus Forbesius,
cum suis Symmistis, (cultissimi ingenii &
sanctissimi genii viris) ut Regem per politis
suis concionibus, & seriis precibus clero expe-
ctatum & gratum pronuncient. Adsunt; Ipse
vice prima ut statutum est, ad concionem coram
Rege habendam se sistit; ubi demandatum sibi
pensum, tanta doctrina, tanta efficacia exolvit,
ut eximiam suæ Angelicæ doctrinæ & facun-
diæ venerationem ipsi exhibuerunt Rex, &
omniū Ordinum Auditores. Dum hoc accedit
ad doctrinæ & facundiæ laudes, quod non
solum memoria pollebat tenacissima (de quo
vulgo dictum, quod ignoraret, quid sit obli-
visci) sed etiam iudicio sublimato, quo rerum
controversarum pondera & momenta acutis-
sime expendebat & trutinabat. Rex Carolus
Ecclesiæ nutribus Pater, & Religionis Ortho-
doxæ industrius propagator, ad compescen-
dam lucem Presbyteralem, quæ diu, Australem
Ecclesiæ Scoticanæ partem afflixit, &
ad regimen Episcopale promovendum, E-
piscopatum Edinburgenum (perenne suæ
pietatis monumentum) fundavit, amplis
redditibus locupletavit, ædibus spatiosis &
speciosis, cum hortis, pomariis, pascuis, Basilicæ
Regiæ & Fano Sanctæ Crucis finitimis dota-
vit,

vit, & nihil omisit, quod ubivis terrarum,
a quovis Fundatore, ad dignitatem Episcopa-
lem amplificandam fieri consuetum est. Cum
Rex discedens, ab Archiepiscopo Andreapoli-
tano Scotiæ Primate, consuleretur, quem hu-
ic Episc. virum idoneum præficere instituerit;
Respondit Rex, quem nisi Forbesium, celsio-
re (ut nostri) dignitatis gradu dignum? pro-
inde hunc accersere, & juxta Canones Ecclesi-
asticos, Episcopum Edinburgenum consecra-
& renuntia. Archiepiscopus literis ad Forbe-
besium scriptis horum omnium certiore facit,
qui paulo post authoritate regia, anniten-
tibus Præsulibus, communibus Cleri suffragiis,
secund. priscos Canones Episcop. Edenburg.
consecratus & renunciatus est. Sed hic quam
subita mutatio! dum Episcopus Forbesius
multa præclara parat, egregia molitur, paci
& reformationi dioeceseos suæ apprime ne-
cessaria; ecce graviori corripitur morbo &
mens præscia futuri, augurata est, instare
sibi ultimum ævi terminum: proinde
tanta cum tranquillitate mentis sese ad mor-
tem componebat, ac si in alieno versaretur
foro, mox se recipiens in lectum, primum
animæ saluti prospiciens, sacram Eucharisti-
am (extremum viæ viaticum) sibi ad-
ministrandum curavit, quam sincera
peccatorum confessione, & sacerdotali ab-
solutione percepit: deinde ne corpori
curando

curando deesset, medicos consulendos accersit, qui quantum per artem & industriam fieri potuit, indies vi morbi invalescenti obnitebantur: sed frustra, quum indomita mali pertinacia ipsi quoq; arte opprobrium faceret. Tandem Cal. *Aprilis* anno 1634. cum Episcopatum tres tantum menses tenuisset, & vitam annos 49. de præsidio & statione vitæ ab Imperatore summo evocatus, animam exhalavit, & quidē placidissimo fine, mitissimoque, qualem antiquitas obvenire maximis sæpe & sanctissimis viris observavit.

Corpus animæ hospitium, honorifice sepultum est, in Templo Cathedrali, Edinburgi, versus orientem, & compositum tumulo prope locum Altaris illic olim siti.

Pauca scripsit, scire enim maluit quam scribere, & hoc dictærium scripturienti cuidam, & ei magnos labores ostendenti, lepide sed solide usurpavit; Lege plura, & scribe pauciora. Opus hoc posthumum, quod jam in lucem prodit, est pacati ingenii & moderati animi, ingens specimen & indicium: in quo tanquam alter Cassander & Catholicus moderator, rigidas & austeras, utriusque tam Reformatæ quam Pontificiæ partis, opiniones in quibusdam Religionis controversiis, componere, saltem mitigare satagit. Quanti moderationem fecerit ostendens dicto illo frequenter ab ipso usurpato, Si plures fuissent Cassan-
dri

dri & Wicelii, non opus fuisset Luthero aut
Calvino.

Scriptit etiam elaboratas & nervosas anim-
adversiones in 4 Bellar. tomos, in tribus volu-
minibus Editionis Parisien. emissos, & eruditis
notis sua m^{an}u exaratis, margines omnes, infra,
supra, & a latere, in utraque pagina tria volu-
mina percurrentes, replevit : Quas Robert. Ba-
ronius S. T. D. & Professor ei succedaneus
Vir in omni Scholast. Theol. & omni literatu-
ra versatissimus, tanti fecit, ut omnibus con-
tra Bellar. scriptis prætulerit, & nisi, proh do-
lor! immatura morte præventus fuisset, prælo
subjicere & publici juris facere proposuerit.
Jacueruntque in ejus Musæo, post obitum dis-
jectæ schedæ plures eruditissimæ, quibus The-
ol. Cont. non parum potuerunt illustrari; licet
illas nobis inexpectata Authoris mors, magno
rei literariæ dispendio, hætenus inviderit.

Sic vixit, sic mortuus est Episc. Forbesius;
Vir vere Apostolicus, Antiquitatis Catholicæ
callentissimus, qui nulli Primorum ab ævo A-
postolico, doctrina, sanctitate, humilitate, tem-
perantia, modestia, gravitate, oratiōis & jejūii
publici & privati frequentia, bonorum ope-
rum praxi, industria pauperum cura, clinico-
rum crebra visitatione & consolatione, & om-
nifaria virtute Christiana, erat secundus. Cu-
jus beatam memoriam, nullum tempus dele-
bit, nulla vetustas obliterabit.

Consi-



Consideratio æqua & placida
hodiernæ de justificatione Contro-
versæ, prout quinque Libris a

Cardinale BELLARMINO
explicata est.

Liber primus de justificatione, qui est de fide justifi-
cante, ejusdemque Controversiæ consideratio.

C A P U T P R I M U M.

*In quo de communi fidei distinctione in quatuor
species agitur.*

1.



Lerique Protestantes quatuor numerant fi-
dei species, fidei, inquam, qua creditur, non
quæ creditur, eæ sunt, historica, miracu-
lorum, temporaria, & justificans.

2. Fidem quam illi appellant histori-
cam quia; scilicet rem quamlibet prout, in
historia sacra describitur, veram esse cre-
dit, idque non nisi propter authoritatem Dei revelantis, Ro-
manenses dogmaticam sive Catholicam, Patres sequuti appel-
lare malunt. Ubi de rebus convenit, frustra de vocabulis litiga-
tur. Sequamur tamen potius Patres quam quosdam recentio-
res in ipso etiam appellandi modo.

B

3. Quod

3. Quod Protestantes communiter affirmant Dæmones eandem fidem historicam aut Catholicam cum Christianis habere, id faciunt propter illa S. Jacobi cap. 2. v. 19. Etiam Dæmones credunt, &c. Contendunt quidem Romanenses multum differre fidem hominum, etiam informem, & fidem dæmonum; quia scilicet dæmones credunt non fide divinitus infusa sed ex subtilitate naturæ, nec voluntariè sed coactè, sed frustra hoc faciunt, agnoscunt enim Protestantes inter fidem qualemcunque Christianorum & fidem Dæmonum, multum interesse, ex parte subjecti & fidei utriusque naturæ & rationis, ex parte objecti tantum convenire affirmant.

4. Fidem miraculorum a fide Catholica differre contra Bellarminum de Justif. l. 1. c. 5. & 15. aliosque cum illo sentientes probant Protestantes ex I Cor. c. 12. v. 9. ubi inter dona spiritus quæ non omnibus fidelibus donantur numerat Apost. fidem: fides enim (de qua ibi Apost.) tantum est gratia gratis data, h. e. ad aliorum utilitatem propriè concessa quemadmodum & alia charismata ibidem ab Apost. enumerata. Fides autem Catholica pertinet ad gratiam gratum facientem & propter propriam salutem unicuique donatur. Consentiunt veteres, Græci præsertim, Chrysostomus, & abbreviatores, Theophylactus & Oecumenius, Theodoretus, & Hieronymus, sive quis etiam alius in locum. Illud etiam cap. 13, v. 2. si habuero omnem fidem, &c. de fide signorum intelligunt Græci Patres, non de Catholica fide. Suffragantur etiam multi Theologi Romanenses, agnoscente Suarezio ipso de fide Disp. 8. Sect. 1, Abulensis in 17. Matth. Quæst. 165. Vega l. 9. in Concil. Trident. c. 28. & Rossensis Art. 1. qui sentiunt fidem miraculorum esse fiduciam, & consequenter differre a fide Catholica quæ est credulitas seu assensus. Vasquez. in primam 2. Tom. 2. Disp. 210. cap. 4. Idem contra Bellarminum aliosque defendit & ad argumenta contraria respondet Salmero in I Cor. Disp. 20. & 21. Etius in I Cor. 12. 9. & 13. 2. Sed disputatio hæc non est adeo magni momenti, nam & sententia opposita, quod fides signorum nihil aliud sit nisi ipsa fides Catholica sed excellens & eximia sua non destituitur probabilitate. Præterea hoc tempore quando licet non omnia omnino miracula fieri desierunt, gratia tamen miraculorum, ut Patres sæpè affirmant, deliit, fere inutilis est, fides enim miraculorum nunquam donata fuit omnibus fidelibus, sed quibusdam tantum, initio quidem multis, postea vero paucioribus, nunc autem paucissimis aut fere nullis.

5. Fides *πρόκαιρος* & temporaria sive potius *τὸν πρόκαιρῶν* & temporariorum, qui (ut S. Lucas, c. 8. v. 13.) ad tempus credunt & tempore tentationis recedunt, vera fides est & non simulata ejusdemque speciei cum fide justificante, quicquid quidam contra sentiant. Neque enim essentiali fidei distinctionem constituit inconstantia vel constantia credendi, cum ad essentiam rei non facit duratio, distinctionem hanc non nisi ii probant Protestantes qui fidem veram & justificantem amitti non posse contendunt, quod dogma plurimi alii Protestantes docti & moderati rejiciunt, qua de re fusius infra.

6. Restat ut de fide justificante dicamus,

CAPUT SECUNDUM.

In quo natura fidei justificantis indagatur & explicatur.

1. **F**ides justificans proprie non est notitia, sed hæc illius est antecedens, fides enim proprie assensus est, &c. assentiri autem Dei verbo mysteriisque eodem contentis sine notitia & intelligentia, saltem aliquali & secundum *τὸ ὅπ*, non possumus, ut dicat sensus communis. Exactam & exploratam intelligentiam mysteriorum etiam quoad *τὸ διορί* a Protestantibus ad fidem justificantem exigere, mera est calumnia. De fide implicita, de qua hodie inter partes controvertitur, quomodo intelligenda & quatenus admittenda sit non est nostri instituti nunc disserere; confutantur qui hodie controversias fidei copiosius (utinam & solidius) tractant. Fidem explicitam primorum & fundamentalium articulorum qui symbolo Apostolico continentur omnibus Christianis, quantum cujusque capacitas fert, necessariam esse docent Romanenses & quidem rectè. In reliquis articulis sufficere aiunt fidem implicitam communi fidelium plebi, & si credant quicquid S. Mater Ecclesia Rom. credit, & credendum tenet, sed hujusmodi fides, si modo fidei nomen, cæcus assensus, & stupor meretur, hoc tristi & infælici sæculo non est facile admittenda. Nam quot, proli dolor, errores, si non contra fidem, saltem præter fidem, sub nomine tamen fidei, communiter hodie in Ecclesia Rom. docentur & tanquam fidei articuli omnibus obtruduntur. Verba

illa Bellarmini de justis. l. 1. c. 7. Fidem melius per ignorantiam quam per notitiam definiri, licet valde cruda sint & incommode ab illo prolata, quia tamen limitatè & comparatè tantum ab illo dicta videntur, non esse adeo odiose exagitanda duco, quemadmodum hodie fit a compluribus protestantibus.

2. Neque etiã fides justificans propriè est fiducia, sicut pe multi Protestantes contendunt, ipsam formam & quasi animam fidei salvificæ in fiducia constituentes.

3. Non est fiducia specialis misericordiæ sive remissionis peccatorum antè acceptæ. Hæc enim fiducia vel etiam si vis assensus quò speciali quadam applicatione singulatim quisque credit aut certò statuit sibi esse remissa peccata, non est fidei justificantis forma sed quoddam tantum consequens & effectum & non fidei solius sed & aliarum virtutum fidem comitantium; neque etiam necessarium aut inseparabile effectum ut suo loco dicemus. Quis enim certò statuere potest sibi peccata remissa esse nisi ante crediderit Christum esse salvatorem mundi eique omnino parendum esse. Præterea diffiteri non possunt Protestantes neque ulli Christiani remissionem peccatorum esse fidei consequens & effectum, quandoquidem per fidem impetratur (ut accipiant remissionem peccatorum per fidem quæ est in me, Act. 26. 48.) Ac proinde fides justificationem ordine saltem naturæ & causalitatis etsi non tempore antecedit. Perperam igitur fides justificans definitur, Fiducia peccatorum in præterito remissorum videatur Apost. ad Eph. 3. 12. ubi disertè fiduciam fide posteriorem statuit (In quo habemus, &c. aditum cum fiducia per fidem ipsius.)

4. Nec est fiducia qua credimus quisque nobis remitti peccata in præsentì prout alii volunt prioris sententiæ absurditate perspecta (vide Censuram Confess. Remonstr. pag. 159. aliosque permultos) nam fides justificans est instrumentum vel medium per quod remissionem peccatorum consequimur quocirca causa ejusdem & ordine naturæ saltem, prior. Deinde si dicamus fide justificante credi, peccata esse remissa siue in præsentì remitti, remissio semper fidei objectum statuitur ac proinde naturâ fidem præcedit neque enim objectum efficitur per actum illum ipsum, cujus est objectum; quia actus intellectus vel voluntatis saltem creatæ non facit objectum suum sed illud semper præsupponit: sicut visio non facit objectum visibile, sed supponit illud. Doleo igitur Daniele Chamierum (ut alios non nominem) virum alioquin nec indoctum nec indifertum

sertum Panstrat. suæ Cath. Tom. 3. l. 13. de fide c. 6. adeò inconsideratè has ipsas ob rationes affirmare N. 3. fidem justificantem si non tempore, saltem ratione, sequi justificationem & N. 4. fidem non esse causam justificationis. Itaque dicit fidem justificare, non quia efficiat justificationem, sed quia efficitur in justificato & requiritur a justificato, & rursus, Lib. 22. cap. 12. &c. Hæc absurdissima sunt neque Protestans quisquam sanus & sobrius negaverit fidem esse causam justificationis efficientem non principalem quidem neque meritoriam sed instrumentalem, qualem particulæ EX & PEZ (ut recte ex Apost. Rom. 5. 1. & 3. 30. urgent Romanenses) significant, ac proinde justificatione semper ordine naturæ priorem esse. vide, G. Dounanum de Fœdere gratiæ, cap. 3. p. 95. 96. Tertiò, qui contendunt fidem justificantem esse fiduciam remissionis peccatorum uis factæ, sive in præterito, sive in præsentì, non solantur afflictas mentes, quemadmodum existimant: sed plurimis consolationem omnem eripiunt planè, & in desperationis gurgitem tantum non demergunt. Quot enim piæ animæ promissionibus Evangelicis firmiter & ex animo credunt & assentiuntur, atque etiam in Christum unum & unicè recumbunt, &c. quibus tamen peccata sua remissa esse certò non sit, nedum fide divina persuasum, quanquam id unum omnium maxime vellet: destituuntur ne hi fide saltari ac proinde salutis incapaces sunt, absit dicamus. Vide Mayerum Anglum in cap. 2. Ia. v. 19. p. 30. 31. aliosque.

5. Neque etiam tertiò & ultimò fides justificans proprie est fiducia veniæ peccatorum & æternæ salutis per & propter Christum obtinendæ, prout alii paulò moderatiores volunt; nam & hæc fiducia ex fide nascitur, Eph. 3. 12. Atque in voluntate est cum fides in intellectu sit sita. Verum quidem est ista duo in justificatione peccatoris nexu individuo semper esse conjuncta unde & sæpe in Scriptura fidei nomen pro fiducia usurpatur; quod etiam multi Romanenses consentiunt, teste Suarezio de fide, Disp. 1. Sect. 1. N. 5. & de Gratia, Lib. 8. c. 15. N. 2. & res per se clara est; non tamen propterea ista duo confundenda sunt. Confusio rerum distinctarum multas, proh dolor, lites minimè necessarias cum in hoc argumento, tum etiam in aliis peperit atque indies parit fovetque in Ecclesia.

6. Distinctionem fidei & fiduciæ præter multa scripturæ loca atque etiam Patrum testimonia, quæ vulgò citantur ab iis qui de rebus hisce fusiùs disputant & ad quæ à contra sentien-

tibus nihil præter mera Cresphugeta reponitur, & præter rationes hætenus allatas, distinctionem, inquam, hanc suis etiam suffragiis comprobant plurimi doctissimi Protestantes, licet non omnes eadem mente & ratione, Beza in annot. ad Eph. 3. 12. P. Martyr in c. 11. ad Rom. Tract. de justificatione pag. 520. R. Smythæo Anglo Romanensi distinctionem hanc urgenti ex loco ad Eph. sæpius citato, ultrò concedit fidem & fiduciam differre, deinde benignè illorum Theolog. Protest. qui ista confuderunt verba explicans, inquit. “Quid aliud
 „ ferme sibi vult Philippus aliique nostri fideles doctores cum
 „ fidem qua justificamur, appellant fiduciam, nili eam non
 „ esse mortuam, non ignavam, non humanam persuasionem?
 „ Sed tam vehementem assensam ut ipsam fiduciam habeat
 „ quam intimam & conjunctissimam, &c. Zanch. in locum ad Eph. 3. 12. & in miscellaneis, p. 488. ubi affirmat eandem fuisse Bucerii sententiam multis ab illo demonstratam in Lib. de Reconciliatione Ecclesiæ art: de justif. Piscat. Resp. ad Duplic. Vorstii parte 2, p. 294. & in Exegesi aphorismorum pag. 206. J. Rivius de mysterio redemptionis, Lib. 3. pag. 237. Jac. ad portum, Theologus Lansannensis in defensione fidei Orthodoxæ contra Oltorodium Socinianum cap. 30. “Ex quibus
 „ verbis (Eph. 3, 12.) luculenter, inquit, apparet; verum esse
 „ id quod præstantissimi Theologi, Calvinus & Beza, observa-
 „ runt: nempe fiduciam a fide, tanquam effectum à causa, differ-
 „ re, ac proinde à nonnullis perperam confundi, quamvis illa
 „ duo indissolubili nexu quoties de fide justificante agitur,
 „ cohæreant, &c. Ibidem & susè docet hæc duo differre non
 „ tantum ut causam & effectum, sed etiam subjecto, actu, & ob-
 „ jecto, & tandem sic concludit. “Qui aliter sentiunt, atque hæc
 „ confundunt summis difficultatibus se involvunt, ex quibus se
 „ expedire nequeunt, &c. Theologi Remonstr. in Epist. ad Ex-
 „ teros, pag. 85, 86. In scriptis Synodalibus Historicis, pag. 108. In confessione sua cap. 11. Sect. 2. & Apolog. pro Confes. pag. 109. &c. Archiepiscopus Spalatensis de Repub. Eccles. lib. 7. cap. 11, N. 205. Jacksonius Anglus de fide Justif. pag. 108. Chibaldus item Anglus in suo, cui titulus est, Fidei Examen, libello, cap. 3. prolixè refellit sententiam, ut appellat, Lutherano-
 „ rum (quanquam etiam multi alii in eodem luto cum illis hæreant) qui fidem justificantem per fiduciam remissionis peccatorum acceptæ definiunt, Errat tamen & ipse cum multis aliis, vide Peniblum in suis Vindiciis gratiæ, pag. 257. &
 „ sequentes

sequentes circa libri finem, aliosque quando fidem justificantem definit per fiduciam, qua in Christum recumbimus pro gratia & salute per eum obtinenda. Vide Georg. Dounamum de Fœdere gratiæ, &c. *cap. 8. pag. 77, 78.* & in Appendice 7. *pag. 211.* &c. fuisse hac de re contra Pembrum differentem, plures non est necesse in re tam aperta nominare.

7. Fides justificans distinctè & Theologicè loquendo nihil aliud est quam assensus animi firmus ac certus a S. S. per verbum eductus, quo omnia a Deo in Scripturis revelata, ac præsertim de mysterio redemptionis & salutis nostræ per Christum factæ, verissima esse statuimus propter authoritatem Dei revelantis.

8. Proinde in se & essentia sua spectata, nihil est aliud quam fides Catholica quæ & ipsa proculdubio hominem justificat, si cætera omnia ad justificationem necessaria, ei adsint.

9. Ejusque subjectum est intellectus, non autem voluntas, quanquam tamen credere a voluntate imperetur, est enim fides volutarius animæ assensus, Theodoretus Therapent. 1. "Cætera potest homo nolens, (S. August. Tract. 26. in Joh. &c.) sed credere non nisi volens : Et cum cordi actus credendi tribuitur in scriptura, mens intelligitur; cum credere propriè loquendo nihil aliud sit quam ei quod dicitur assentiri, illudque pro vero habere. Hactenus enim pluribus est demonstratum fiduciam nullam fidei partem esse, ut neque propriè spes est, fiducia enim non est tantum futuri fiducia; sed etiam præsentis, veluti cum quis fidit suo robori dum sarcinam portat, vel celeritati dum currit, magis tamen ad spei naturam accedit quam ad fidei, unde dicitur esse spes roborata. Multis Scripturæ & Patrum testimoniis hæc sententia confirmari posse; sed quia brevitati studemus, lectorem ad eos qui hisce de rebus copiosius scribunt remittentes, Audiamus quid plurimi etiam Protestantes hac de re sentiant. Aud. Rivetus, scriptor nuperus, in sua controversiarum Summa Tr. 4. q. 10. *pag. 419.* fatetur hanc esse quorundam Protestantium sententiam quam nec damnare audeat, legat verba apud Authorem cui otium est, Idem tamen aliorum errorem sequutus ibidem *pag. 421.* & in Synopsi illa vulgò jactata & trita purioris Theologiæ, Disp. 31. Sect. 14, 15. 16. 17. &c. contendit fidem justificantem non esse habitum unum numero simplicem absolute: sed unum aggregatione & quodam modo ex duobus compositum, nimirum & assensum in intellectu, atque simul fiduciam in voluntate continere.

nere. Beza in Apol. pro justis. contra Anonymum sæpe idem affirmat pag. 9. 33. 114. 167. edit. 1592. Jacobus ad Portum loco supra citato. Piscator in Resp. ad Vostii duplicationem m. te 2. pag. 294. ubi loca illa Rom. 4. 20. Rom. 10. 10. & Act. 15. 9. quæ ad sententiam contrariam confirmandam adduci solent, non de fiducia sed de mentis certa persuasione intelligenda esse, contendit; argumento etiam communi, sed, solido usus, nullus habitus in subjectis, genere diversis, ut sunt intellectus & voluntas, simul esse potest, &c. Gerardus Vossius in historia Pelag. pag. 407. & seq. R. Hookerus lib. 1. de politia Ecclesiæ: Sect. 11. J. Camero operum Tom. 1. pag. 78. & Tom. 2. p. 359. ubi hæc eadem discrete, astruit plures non cito neque enim necesse est in re tam clara. Quocirca Alsted. Theolog. Polemicæ part 7. pag. 641. Inter quæstiones quæ inter Protestantes Theologos ventilantur hanc ponit, n. 20. An fides sit in intellectu tantum, vel etiam in voluntate. Fidem quidem fiduciam, charitatem & alia dirigere & gubernare verum est; non tamen est idcirco in earum virtutum potentiis, quemadmodum prudentia in omnibus virtutibus vim exercet suam & operatur, non tamen in omnium illarum potentiis inhæret.

10. Generale & adæquatum objectum fidei justificantis est omnis veritas a Deo in Scriptura revelata fatentibus omnibus Protestantibus ut frustra sit Bell. aliique operose hoc contra illos probantes quod ipsi non negant, Dico in Scriptura quia regula adæquata & infallibilis cui fides salvifica innititur in solis scripturis actu aut virtute continetur. Aliud quidem sentiunt hodie multi Romanenses contra scripturam & Patres, aliosque etiam Theologos in ipsa Romana ecclesia celeberrimos, sed disputatio illa non est hujus loci.

11. Principale tamen objectum illius quodque præ aliis fideles respicit in ipso justificandi actu est Christus ut mediator & redemptio per illum facta ut patet ex clarissimis scripturæ locis Act. 13. 38. 39. Per Christum, &c. ad Rom: 3. 21, 22. Justitia dei per fidem Christi, &c. aliisque innumeris. Neque hoc negant Romanenses quia justificatio impii ut inquit Thomas 1. summæ q. 45. Act. 6. pertinet ad bonitatem & misericordiam Dei se superabundanter diffudentem. Hanc autem non est invenire extra Christum & salutem in illo oblatam. Stapleton. de justis. lib. 8. cap: 12. "Fides justificans seu dispositio ad justitiam principaliter quidem respicit Christum ut mediator & redemptionem per illum factam non tamen unicum

„unicum est illud fidei justificantis objectum, &c. Suarez. de
 „Gratia, lib. 8. c. 16. n. 10. Fides dei, ut justificatoris per Chri-
 „stum, est quasi propria fides justificans, &c. Quod confirmat
 ex Paulo *Rom: 4.* Credenti in eum qui justificat impium fides
 ejus reputatur ad justitiam & ex Concil. Trid. decreto de justi-
 ficatione *cap. 6.* dum post generalem fidem eorum quæ revelata
 sunt additur. „Atque illud Imprimis, a deo justificari impi-
 „um per gratiam ejus, &c. Cornelius a Lapide 1 *Rom: versu*
17: n: 6: „Fides quæ inchoat justitiam (quidni etiam quæ
 „continuat provehitque) propriè & proximè est fides in Chri-
 „stum redemptorem. Jac: Reihingius cum adhuc Jesuita
 esset & quidem non obscuri nominis in Germania (postea
 enim se Lutheranis adjunxit) contra Meisnerum, ut legere est
 in Meisneriana excubiarum papisticarum depulsione, *pag:*
106: Meisnerus Fidem relatè sumptam, ut est apprehensio me-
 ritorum Christi a pontificiis non agnosci scribit: Audax ca-
 lunnia, audiamus Trid: Synodum, &c: deinde recitatis verbis
 decreti, *cap: 6:* „Ita inquit si imprimis credimus impium ju-
 „stificari per redemptionem in Christo, si fidimus deum no-
 „bis propter Christum propitium fore, quomodo fidem in
 „Christi merita relatam & fiduciam remissionis per Christum
 „obtinendæ abjicimus, & ut Meisnerus blaterat, exhibilamus?
 „&c: nemo Romanensium nisi malè sanus hoc negaverit ut
 male Protestantes quidam hujus contrarium illis impingant.

CAP: III:

An fides sola justificat?

1. **Q**Uæstio hæc plerisq; utriusque litigantium partis tantæ
 molis esse videtur, ut de ea immortali dissidio & bello
 irreconciliabili sibi contendendum esse putent, quam verè
 nunc in timore Domini & seposito omni partium studio dispi-
 cianus.

2. Protestantes omnes qui sola fide nos justificari conten-
 dunt, semper tamen fidem vivam intelligi volunt & per chari-
 tatem operantem, scilicet operibus & charitati conjunctam,
 proposito saltem bene operandi, cum videlicet bona opera spe-
 cialiter præstari non possunt, proinde in hac propositione (Fi-
 des sola justificat) particulam (sola) non subjectum sed præ-
 dicatum

dicatum determinare volunt. Hanc esse communem Protestantium sententiam non dissentientur ipsi Romanenses quando sobriè agunt. Bellarminus de justif. *lib. 1. cap. 14. Sect.* Respondent, &c. pluribusque aliis in locis. Stapletonus, quanquam adversarius vehemens, de justif. *lib. 9. cap. 7.* denique omnes, ad unum, Protestantes docent fidem quæ justificat esse vivam, & operantem per charitatem aliaque omnia bona opera. Cui sententiæ firmandæ citat Calvinii verba Institut. *lib. 3. cap. 16. Sect. 1.* Non somniamus, &c. qua igitur fide, aut charitate saltem, Bellarminus, cum aliis plurimis Romanensibus, impingit, per distortas consequentias, omnibus hujus temporis sectariis; ut Protestantes, mos illi solennis est appellare, impiissimam hæresim Simonis & Eunomii, eorumque qui tempore Apostolorum exorti (August: *lib: de fide & operibus cap: 14.*) solam fidem sine operibus ad salutem sufficere asseruerunt. Bellarminus de Eccles: *lib: 4. cap. 9 Sect.* Simoniani, &c. Negari non possunt multa incommodius duriusque a Lutheranis aliisque nonnullis rigidioribus Protestantibus in hoc argumento dicta, quibus tamen non tam impugnare illi individuum bonorum operum cum fide justificante nexum quam coram divinæ justitiæ throno ad actum justificationis concursum negare censendi sunt, modo charitas adsit, ab istiusmodi tamen periculosissimis hyperbolis durissimisque catacreis nimis patienter huc usque auditis quacunque demum ratione excusari possint, abstinendum est, nec in Ecclesia diutius ferendæ sunt nisi hominum quorundam novorum auctoritatem divinæ veritati anteferre velimus.

3. Quod ad nauseam usq; ex Augustino de Fide & operibus, *cap. 14.* repetunt. (Bona opera sequi justificatum, non autem præcedere justificandum) Næ illi mentem Augustini nunquam sunt assequuti, loquitur enim eò loci August. de operibus justitiæ quæ percepta & professa fide, ut ipse ait, fidelibus deinde diligenter toto vitæ cursu præstanda sunt, seu de operibus illis quæ per justitiam habitualement i. e. in ipsa justificatione infusam, inhærentem, & permanentem efficiuntur (semper enim August. ut hoc obiter dicam, justificationis gratiam non in sola peccatorum remissione, sed etiam in sanctificatione, statuit, sed de hoc infra) atque sic speciali quadam ratione dicuntur bona opera, non autem de iis quæ per Sp. Sancti gratiam assistentem & præparantem fiunt, ante, & ad justificationem peccatoris, legatur locus, ut & liber de Sp. & litera, ad quem August. lecto-

rem ibidem remittit c. 29. „Per spiritum incorporatus factus-
 „que membrum ejus, potest quisq; illo incrementum intrinse-
 „cus dante, operari justitiam, &c. & in Ps. 110. Opera illa justifi-
 cationem præcedentia non facimus per spiritum inhabitantem & specialem justificationis gratiam, sed per spiritum extrinsecus præparantem & assistentem, ut August: clarissimè distinguit (atque cum eo omnes Theologi doctiores) epist: 105. ad Sixtum, & per gratiam vocationis & conversionis.

4. Graviter errant, qui nullam Dei gratiam præter unicam in justificatione infusam agnoscunt, vel saltem hanc omnibus aliis præire contendunt, quum fidem saltem justificationem natura præcedere, negari non poterit, quam certè non ex nobis, sed ex Christi gratia præveniente habemus, vide colloq. Allemburgense pag. 48. & Robertum Rollocum de vocatione cap. 33. pag. 279. cap. 38. pag. 325. & 328. & G. Dounamum de fœdere gratiæ in Appendice pag. 198. Rectius ergo alii saniores & moderatiores protestantes ultrò concedunt, varios actus dispositorios & præparatorios per Sp. Sanctum assistentem & non per solas arbitrii nostri vires in nobis productos ante justificationem requiri, quanquam vim aliquam justificandi eosdem habere negent illorum plerique; Pareus contra Bellarm. de justif. lib. 1. cap. 3. pag. 35. cum multis aliis.

5. Dicta quidem scriptave omnia quæ pro singulis hisce actibus dispositoriis communiter a Romanensibus aliisque citantur (ut illud Rom: 8. spe salvi facti sumus. Lucæ 7. Remissa sunt ei peccata multa, quoniam dilexit multum, & quædam alia &c.) licet solidè non probent intentum, graviter tamen errant ii qui rem ipsam propterea negant, quæ ex aliis innumeris scripturæ locis certissima est.

6. Dispositorios hosce actus ex fide & gratia præveniente factos, rectè negant omnes Protestantes Justificationem ulla ratione vel etiam de congruo mereri, sed id idem inficiantur plurimi Romanenses contra Bellar. lib. 1. de Justificatione cap. 21. aliisque *ὁμοψωνος*, Dom: a Soto lib: 2. de Natura & gratia cap: 4. Stapletonus de justif. lib. 3. cap. 16. cujus verba quia observatu digna sunt huc ascribam. „Non excluduntur
 „a justificatione opera gratiæ & specialis auxilii, concurren-
 „tia cum fide & disponentia ad remissionem peccatorum, quæ
 „tamen etsi dicantur concurrere cū fide, non merentur tamen
 „ullo sensu, justificationem primam, ut inferunt ex nostra sen-
 „tentia adversarii Nam illud meritū de congruo, respectu pri-
 mæ gratiæ, jam ex Scholis Catholicis pœnè explosum est &c.

Plurimis

Plurimis aliis in illius operum locis eadem legere est, Alvarez de Auxil: grat: lib: 7. Disp: 59. n. 10. quæ etiam sententia est, ut ait, multorum gravissimorum Thomistarum ibidem n. 8. quod etiam confitetur Andreas Vega (quanquam ipse sequutus Scotum, contrarium defendat) lib: 8. de Justif: cap: 8. Sect: Quia) & in opusculo de Justif: 9. 7. Sect: (Quarta propositio, &c. Paulus Benius de efficaci Dei auxilio cap: 18. Hosius in Confes: Petricor. Tom: 2. cap: 13. pag: 51. aliique plurimi quibus citandis supersedeo. Favet Scriptura quoties gratis & per gratiam, &c. nos justificari dicit, favent & Patrum testimonia, August: præsertim, quanquam & quædam ex illo contra sentientes proferre soleant propter meriti live merendi vocabulum latè & laxè ab illo, pro impetratione seu consequutione de facto, hac in causa nonnunquam usurpatum. Favent denique & illa verba Concil: Trid: Sess: 6. cap: 8. in quibus nulla omnino adhibita meriti distinctione, gratis justificari ideo dicimur quia nihil eorum quæ justificationem præcedunt live fides live opera, ipsam justificationis gratiam promeretur. Neque tamen idcirco dispositorios hosce actus vim ullam justificandi habere negandum est cum plurimis Protestantibus. Nisi enim plurimis & quidem clarissimis scripturæ locis vim apertam inferre velimus, concedendum est eos esse causas ipsius justificationis aliquo modo efficientes non quidem per modum meriti ullius vel levissimi ac tenuissimi, sed ex sola Dei beniginitate ac gratuita promissione.

9 De fidei ipsius causalitate quis sanus dubitet? quis etiam dubitet de causalitate Fiduciæ veniæ propter Christum consequendæ in qua tot Protestantes ut supra dictum, ipsam veluti animam fidei justificantis collocant, licet revera ad spem pertineat? „ Nemo (inquit Ambros: lib: 1. de Pæniten: cap: 1.) potest bene agere pœnitentiam (ac proinde nec a peccatis justificari) nisi qui speraverit indulgentiam, &c: Quis autem a Deo indulgentiam certò firmiterque speraverit absque aliqua, saltem imperfecta & inchoata, Dei dilectione? Pœnitentiam quæ sine spe & dilectione Dei non fit non tantum ad justificationem disponere, sed & medium esse, consequendi remissionem peccatorum, ideoque rationem aliquam causæ obtinere clarissimè probant illa scripturæ loca Ezech: 18. 21, 22. & 27. Lucæ 13. 3. Act: 2. 38. Act: 3. 19. 1 Joh: cap: 1. 7. & 9. versibus ut alia infinita mittamus, quibus certe locis non tantum docetur qui, qualesve sint, quibus peccata remittuntur,

ut

ut frigidè ea diversum sentientes Protestantes explicant, sed & quam ob causam, causam, inquam, suo modo & in suo genere vel sub qua conditione remittantur. Inter alios Protestantes videatur Vorst. in Scholiis Alex: contra Sibrandum p. 248. & seq. Nihil frequentius apud Patres legas quam per pœnitentiam peccata deleri, ablui, purgari, ut per medicinam abstergi. Idem etiam affirmant doctiores quidam Protestantes & quotquot hoc contentioso & pugnaci sæculo pacis & concordie inter partes studiosi fuere A. Fricius de quo postea lib: 4. de Ecclesia cap: 11. Archiep. Spalat: de Rep: Eccles: lib: 7. cap. 11. n. 210. & seq. aliquot, Zanchius de Religione cap: 18. de Pœnit. Th. 1. *Credimus*. Vorst. in Antibellarm. p. 444. circa finem & contra Sibrandum passim, Remonstrantes in Apolog: &c. cap: 22. p. 237. Franciscus Whytæus contra Fisherum p. 186. sed hac de re paulo post pluribus agemus. De Orationis etiam vi qua supplices a Deo cum publicano aliisque omnibus piis postulamus veniam peccatorum ut eandem consequamur sic edocti ab ipso Servatore nostro *Dimitte* nobis debita nostra uti de aliis quibusdam præviis actibus quid attinet dicere, res enim ipsa sole meridiano clarior est. Neque tamen non ideo gratis justificamur quemadmodum scriptura docet, nam in his nihil omnino meriti ponimus, non magis quam in fide ipsa qua certum est nos instrumentaliter justificari neque tamen idcirco non omnino gratis. Amandus Polanus scriptor aliquot rigidus vi tamen veritatis coactus in sua Symphonia Catholica cap: 27. De Remissione peccatorum p. 651. &c. hanc ponit thesin (2) tanquam communem omninum Protest. sententiam & Patrum doctrinæ maxime consentaneam. „Remissio-
 „nem peccatorum resipiscentiâ, confessione, precibus, la-
 „chrymis, ex fide prosectis impetramus, sed non meremur pro-
 „prie loquendo, ac proinde impetramus remissionem peccato-
 „rum non merito pœnitentiæ & precationis nostræ, sed mise-
 „ricordia & benignitate Dei. Quam thesin post ejusdem de-
 clarationem satis sanam, confirmat quibusdam clarissimis Pa-
 trum testimoniis, quibus infinita alia adjicere possemus, nisi
 res ipsa clarissima ac certissima esset. Utinam omnes Protest.
 hanc sententiam sic à Polano expressam constanter profiteren-
 tur: nihil enim serè litis hac de re inter saniores utriusq; partis
 amplius superesset. Conradus Pelicamus in cap: 5. *Levit: v.*
 19. „Multę etiam apud Christianos sunt vię consequendi
 „remissionem peccatorum, de quibus Origen: hom: 2. in *Le-*
 „vit

vit. & Cyrillus post eundem lib: 2. suppositio. Quæ & abbreviata invenies in glossa ordinaria super 2. cap. Levit. sc. Baptisum Martyrium, Eleemosyna, remissio in delinquentes contra nos, conversio impiorum verbo & exemplo procurata, charitatis insignia opera, humilis confessio facta, vel Deo, vel, cum lacrymis & cordis amaritudine, homini, &c. Hæc quidem damnant rigidi & pertinaces Zelotæ, imprimis Lutherani, tanquam cum doctrina Romanensium coincidentia C. H. Echardus in Fascic. Controvert: &c. c. 14. de Justificatione. quæst: 1. & I. Himmelius in suo Calvino-papismo parte 1. c. 7. p. 63. aliique) Sed quid aliud, Lector cordate, ab istiusmodi hominibus exspectes, qui non tam iudicio quam insana contradicendi libidine in scribendo ducuntur Eadee legere est de vi & efficacia pii fletus & jejunii in delendis peccatis nostris per immensam Dei misericordiam apud R. Hookærum l. 5. Ecclesiasticæ Politicæ Sect. 72. p. 391. contra inanes Puritanorum cavillationes, & apud Gul. Corelum in sua pro Hookæro Apologia Art. 6. p. 42. & apud Francis. Whitæum in Orthodoxæ Fidei &c. Explanatione, &c. p. 17.

10. Communiter tamen serè Protestantes fide sola nos justificari docent, & quidem non per modum dispositionis, ut Romanenses loquuntur, sed per modum instrumenti, hoc est, nulla alia re justificationem accipi, vel, ut ipsi loquuntur, apprehendi, nisi fide.

11. Hic primum inanes & inutiles quasdam logomachias partibus nimium familiares paucis tollamus, postea de re ipsa fusius dicturi.

12. Justificamur nos fide per modum, cum dispositionis, tum instrumenti, hæc enim duo non repugnant, siquidem fides atque etiam ceteræ prærequiritæ dispositiones instrumenta quædam sunt justificationis nostræ, sive quod eodem redit, media, per quæ ex dei promisso remissionem peccatorum consequimur. Aliqui (inquit Toletus Rom: 3. Annot: 17. pag: 152. &c.) has dispositiones ad iustitiam solent appellare instrumenta interna justificationis. Concil: tamen Tridentinum non usum est ea forma loquendi quamvis vera sit, sed dispositiones nominavit, &c. Archiep. Spalat. lib: & capite sæpe citatis n. 216. affirmat, opera dispositoria remissionem peccatorum secum, si debitè fiant, ex divina benignitate & promissione, aliquo modo *sive dispositive, sive instrumentaliter*, afferre. & paulò ante n. 213. sunt & alia multa, &c. quibus

bus Deus tanquam dispositionibus, aut fortasse etiam tanquam instrumentis promittit remissionem peccatorum, &c. Non fuit necesse adeo timidè & dubitanter loqui, cum res ipsa vera & certa sit.

13. Quod per fidem, tanquam organum, gratiam justificationis accipi vel apprehendi dicunt Protestantes, Næ illi Romanenses (Stephanus Gardinerus Episcopus quondam Wintoniensis Coll. Ratisb: ann: 1546. pag. 524. Bellarm: lib: 1. de Justif: cap: 16 Sect: Restat caput tertium, & rursus Sect. Dicent excludi, &c. aliique nonnulli) nimium morosi censores sunt, quibus ista loquendi forma improbat, præsertim propter verbum (*Apprehendi*) eodem enim modo loquuntur etiam multi doctissimi Romanenses Per. in 5. Rom: 2. „Fides est quasi medium quoddam „per quod apprehenditur justitia & tanquam organum per „quod virtus mortis Christi ad nos derivatur, &c. Maldonat. in 6. Joh. ver. 29. „Per fidem Christum consequimur, apprehendimus & possidemus. Videatur & Estius in 3. Rom: v. 28. Claudius Espencæus in 1 Tim: cap: 6. v. 12. ubi horum novorum Criticorum temeritatem rectè castigat. Vulgatus Latinus interpret Rom: 9. v. 30. Gentes quæ non sectabantur justitiam, apprehenderunt justitiam non aliter certè quam fide, sed meminerint etiam Protestantes permulti verbum (atq; etiam verbo significatam actionem) accipiendi vel apprehendendi non nimis superstitiosè soli fidei tribuendum esse, nam etiam bonis operibus salutem accipere sive apprehendere in scriptura dicimur. 1. Tim: 6. 12. Certa bonum certamen fidei, apprehende, i. e. ut apprehendas vitam æternam, & ibidem versu 19. mone ut divites benefaciant & apprehendant vitam æternam. Ad Philip: 3. 12. Non quod jam accepimus, &c. sequor autem si quomodo apprehendam, 1 Cor: 9. 24. sic currite ut apprehendatis, i. e. ut brabium — accipiatis, verbum accipiendi legitur Matth: 19 vers: 29. Lucæ 11. 10. 1 Cor: 3. 8. atque aliis innumeris in locis.

14. Mittamus etiam & illam Leptologiam, an scriptura disertè alicubi dicat Fidem solam justificare, quod rectè doctissimi quique Protestantes negant. Illud enim Marci 5. 36. tantum crede, & illud Lucæ 8. ver. 50. Tantum crede & servabitur, illa, inquam, nihil ad rem faciunt. Quod Lutherus in sua Germanica versione ad Rom: 3. ver. 28. particulam exclusivam addiderit,

addiderit, nos parum solliciti sumus, defendant qui volunt, &c. An saltem æquippollentia legantur, certè in illo ad Galat. 2. 16, Scientes non justificari hominem ex operibus legis *ἐὰν μὴ* nisi per fidem Jesu Christi, doctissimi quique interpretes Græci & Latini plurimique Romanenses vocabulum (*nisi*) adversativè intelligunt ut idem valeat quod (*sed tantum*) quemadmodum & alibi sæpe in Scriptura usurpatur. Videatur Estius in locum qui etiam illud Rom: 3. 28. Arbitramur justificari hominem per fidem sine operibus legis eodem modo intelligi vult, Cornelius a Lapide in eundem locum Gal: 2. Hanc propositionem hic admittit D. Th: & Adamus Sasbout, homo non justificatur ex operibus legis sed tantum ex fide. Quæstio tota est de sensu particulæ (*Sola vel Tantum*) quocunque demum modo in scriptura extet, sive actu sive virtute tantum.

15. Inanis etiam est Logomachia quæ movetur de distinctione fidei in formatam & informem, illis enim distinctionis terminis nihil aliud intelligunt Romanenses quam fidem vivam & mortuam ut Iac: appellat *cap: 2.* fidei enim formam esse charitatem proprie loquendo & quoad ipsam fidei essentiam, non sunt Romanenses adeo rudes ut affirmant, hoc tantum volunt, fidem quoad esse ejus meritorium, ut eorum quidam inepte loquuntur, sed tantum quoad vim & efficaciam, justitiam & salutem proximè asserendi (*charitate*) significatione vocis (*formæ*) latius extensa, quasi formari; quandoquidem nulla alia fides valet ad justitiam & salutem consequendam quam quæ per charitatem operatur Gal: 5. & per opera eatenus ut loquitur Iac: *cap: 2.* perficitur & consummatur, imò veluti animatur, quanquam & tota hæc charitatis vis à fide primò & originariè fluat ut infra dicetur, vide P. Baronem de fide, &c. *pag: 139. & seq.* Sed pertesi Logomachiarum quibus plerique utriusque litigantium partis sese veluti oblectant de re ipsa dicamus.

16. Sacræ literæ nusquam nec disertè nec per necessariam consequentiam, fidei soli omnem omnino vim justificandi tribuunt, sive quod idem est, asserunt fidem esse unicum instrumentum & medium accipiendæ & apprehendendæ gratiæ justificationis. Hoc ex parte hætenus est demonstratum exequamur tamen idem paulò plenius. De pœnitentia quæ in se timorem dei cæterosque ferè omnes actus complectitur, plurima, ut supra dictum est, occurrunt in scriptura loca quibus proponitur

proponitur ut necessarium medium per quod venia peccatorum obtineatur ; vel (quod re idē est) ut conditio sub qua Deus peccata demum ex gratuito suo promisso condonet. Hæc rationē aliquā causæ obtinere quis negaverit, nili cui disputandi pugnacitas & cavillandi libido magis placet, quā amor veritatis? Quoties remissio peccatorum ut effectus seu fructus pœnitentiæ in Scriptura describitur? *Isaia. 1. & 56. Ier. 18. Ioel. 2. Iosua 29. &c.* Innumera sunt scripturæ loca, quibus, bonis operibus, ex fide & speciali gratiæ auxilio profectis, remissio peccatorum attribuitur: locum illum *Iac. 2.* ubi disertè dicitur hominem justificari ex operibus & non ex fide tantum, de cuius sensu, tanto animorum ardore inter partes certatur; locum, inquam, illum ut nunc omittam (de quo postea suo loco) vide *Ezech. 18. & 33. Matth. 6. 14. & 18,* versu ultimo, & *Luce. 6. 37. Iac. 5. 19. 20, &c.* Immo si quis non oscitant r scripturam legat plura fore numerabit loca quæ conditionem bonorum operum exigunt, ut cum veniam peccatorum tum etiam æternam vitam adipiscamur, quam quæ conditionē fidei, simpliciter sic dictæ, requirunt; quanquam hæc semper in illis omnibus necessario intelligenda, imo præintelligenda sit: adeat qui volet syllabum locorum pro bonis operibus ex utroque testamento per *G. Wicelium*, aliosque, sed ipsas præsertim sacras literas diligenter & absque præiudicio legat. Sacramentorum etiam participatione nos à peccatis purgari scriptura sæpissime docet, *Eph. 5. 26. Act. 2. 38. & 22. 16. Tit. 3. 5, 6, 7. Matth. 27. 26.* atque alibi frequenter.

17. Non immerito tamen S. Scriptura & B. Paulus imprimis de justificatione agens, præcipuè & valde frequenter fidei meminit, non tantum ut loquitur, *Concil. Trid. sess. 6. cap. 8.* Bellarminus, alique, quia fides est. 1. Humanæ salutis ac iustitiæ ipsius initium, 2. Quia est fundamentum omnis nostræ justificationis, ut quæ tota fidei innitatur & ab eo continuò sustentetur, 3. Quia ejusdem nostræ justificationis radix est, quæ rationes veræ quidem sunt & scripturæ Patrumque doctrinæ consentaneæ, sed rem ipsam & Apostoli mentem non satis plene explicant. Sed præter has aliasque, quæ adduci possent rationes, particularis quædam causa est cur fidei potius quam dilectioni aut pœnitentiæ cæterisve operibus justificatio reperiatur: Quam referam verbis Cardinal. *Toleti in cap. 3 ad Rom. Annot. 17.* quia lectu dignissima sunt, & ad protestantium mentem quam proximè accedunt, ea huc adscribam; Quia

nempe in fide magis manifestatur, Hominum non propria virtute, sed Christi merito, justificari: Sicut enim in aspectu in serpentem Deus posuit sanitatem in deserto, quia aspectus magis indicabat sanari homines virtute serpentis, non operis alicujus proprii aut medicinae alicujus, ita fides ostendit justificari peccatores virtute & merito Christi in quem credentes salvi fiunt non propria aliqua ipsorum virtute & merito. Ea causa est cur fidei tribuatur justificatio maxime a S. Paulo qui a justificatione, legis opera, & humanum meritum aut efficaciam excludere, & in sola Christi virtute & merito collocare nitebatur; idcirco meminit fidei id Christum, Hoc nec penitentia nec dilectio nec spes habent: Fides enim immediatius & distinctius in eum fertur cujus virtute justificamur. Non tamen propterea S. Paulus dispositiones ceteras exclusit, quas, &c. Eandem etiam rationem affert Estius in 3. Rom. 28. vide A. Vegam opusculo de Justif. qu. 3. p. 849. Verba brevitatis studio omitto etsi notatu digna.

18. Ut rem paucis expediam. Fides est & animæ oculus quo solo & Christum & justitiam ac salutem gratis in illo oblatam intuemur, & simul manus, qua, licet non sola, tamen singulari quadam ratione non solum cum alijs sed & præ alijs actibus arripimus, accipimus, & apprehendimus; & à qua cetera omnia opera quantamcunque virtutem habeant, ab illa in quem totam habent, non propter ipsius fidei pretium & dignitatem sed propter objectum Christum: scilicet, inquam, immediatius & distinctius fides fertur quam cetera, ut jam dictum. Sicut enim fides sine operibus nihil est, mortua est; sic è diverso & opera sine fide nihil sunt, mortua sunt inquit Gregor. Nazianzenus lib. de Baptismo. Quocirca & A. Vega (opuscul. de justif. p. 843.) confitetur hanc esse etiam quorundam Catholicorum sententiam, quod fides prima & potissima causa sit nostræ justificationis (quanquam inquit illa certior sit, potissimum apud Scholasticos doctores, quod penitentia præcipuas partes teneat, &c.) & omnes opinor hæretici (verba sunt Vegæ malo Romanensium more viros pios & doctos dissentientes, magis incommode sæpè Loquentes, quam sentientes titulo hæreticæ appellationis infamantium) qui dicunt fidem solam justificare nos posse sine operibus, item defenderent; Vbi enim illi admittunt quod negare profecto non possunt alia etiam cum fide concurrere ad nos justificandum, dicunt saltem primas partes tribuendas esse fidei. Et ex his duabus sententiis utra verior sit mihi quidem non satis constat, & crediderim posse utranvis citra hæresis periculum defendi atque adeo totam istam questionem problematicam esse & problematice posse
ex utraque

utraque parte in Scholis disputari, &c: hęc ille quem P. Canisius Iesuita in Operis præfatione, ab eruditione singulari parique sanctimonia cum viveret, commendatum fuisse testatur. Seo & primariis Concilii Tridentini Theologis doctorum judicium numeratum, Immo & Th. Stapl. (de justif. l. 8. cap. ult. haud procul a fine) An vero in ipsa justificatione prima priores partes habeat Fides, quam vel penitentia, vel dilectio, quæst. scholastica est, &c. satis hoc loco est intelligere fide nos necessario vel ante omnia & maxime justificari, dum impius quidem justificatur, quia a fide oriendum est; Dum justus autem justificatur magis, quia omnia justitiæ opera, in fide recta fieri & a fide procedere debent. Hęc ille. Neque enim fides in justificationis vel salutis tantum principio sed & in perpetuo progressu præcipuas agit partes, fides enim sic est aditus & janua ad justitiam & salutem, sicut Patres loquuntur, ut perpetuò etiam prosequatur progredientem, & in deducendo atque in actionibus omnibus pietatis præstandis primas semper teneat: seu, ut dictum, præcipuas agat, partes. Proinde, S. Scriptura non immeritò fidei, ut principi, duci, matri ac fonti omnium bonorum operum in fidelibus (fides enim excitat & movet affectum ad dilectionem, penitentiam &c. quanquam opera exteriora quæ à fide manant, fiant ab ea mediante charitate, quam ipsa fides excitavit & continuò comitatur, ut rectè Vasq. in prim. 2. tom. disp. 210. cap. 7. n. 53. 54) remissionem peccatorum & salutem adeò sæpè ascribit. Sed ne caput hoc nimium excrescat quæ supersunt dicenda hac de re, in capita sequentia rejicientes, pergamus.


CAPUT QUARTUM.

In quo litis de sola fide justificante justa consideratio continuatur.

i. **O**pera quæ à negotio justificationis & salutis excluduntur (Rom. 3. 4. 11. Gal. 2. Eph. 2. Philip. 3. 2. Tim. 1. Tit. 3.) sunt opera legis naturæ, & Mosaicæ, non tantum ceremonialis, sed etiam moralis a Gentilibus vel Judeis antè & citra fidem & gratiam Christi, tolis liberi arbitrii viribus facta, quæ operantes sibi imputabant & non gratiæ Christi, & propter quæ se justificationem ac salutem mereri, Judei maximè, licet falso, existimabant. Non autem opera ex fide & speciali gratiæ Christi concursu facta. Libentissimè concedimus omnibus in universum operibus, etiam fidei, vim justificandi rectè adimi, si opera

ipsa unde & per se spectentur, id est extra respectum fidei in Christum seu gratiæ divinæ in Christo datæ, sique propriæ ipsorum operum dignitatis seu valoris ac merito ratio habeatur, imo innumera Scripturæ loca, ut infra dicemus, excludunt omnem superbam fiduciam seu gloriationem coram Deo quorumcumque operum quæ sunt vel à renatis ex renovatione spirituali, vel ex arbitrii nostri viribus ante regenerationem; ita ut Romanenses etiam plurimi, sua nimium meritorum jactatione, quanquam ex Christi gratia, ut ipsi docent, provenientium, multum Christi gratiam obscurent, quanquam non omnino evertant, quod faciebant ij quibuscum B. Apostolo res erat. Quando tamen de speciali Apostoli scopo & mente in locis supra citatis agitur, certè in illis fatendum est non agere Apostolum de quibuscumque operibus etiam fidei, sed de operibus legis tantum, & per quæ operantes se justitiam ac salutem mereri, quanquam falso, opinabantur. Hoc enim ex professo & præcipue agit Apostolus in Epist. ad Rom. ut & in illa ad Galat. atque etiam in aliis quæ citantur locis incidenter, ut ostendat, neque per legem, neque per vires nostras naturales, aut propter propria merita inde profecta, sed per unam Christi fidem & gratiam Dei impromeritam, nos justificari. Hanc esse B. Apostoli mentem ex eo abunde patet, quod in omnibus serè locis, legis & fidei, operum & gratiæ, ac misericordiæ divinæ antithesis aut expressè legatur aut necessario esse intelligendam, ipsæ locorum circumstantiæ clarissime ostendant. Effecta enim gratiæ & fructus fidei (ut sunt actus spei, dilectionis, poenitentiae, orationis, &c.) ex quibus *Luc. 2.* Fides ipsa quodammodo perfici & consummari dicitur, ipsi gratiæ ac fidei tanquam contraria opponi aut ab eadè in justitia ac salute consequenda simpliciter excludi, aut separari, non nisi absurdissimè & contra innumera Scripturæ loca asseritur. Lege obsecro *cap. 9. ad Rom. v. 30. 31. & cap 10. ver. 3.* ubi Apostolus justitiam suam, i.e. ex suis & naturæ viribus ac virtute legis effectis operibus partam, qualem Judæi superbe jactabant sibi que arrogabant, manifeste opponit justitiæ Dei, i.e. à Deo & Christi gratia provenienti, atque coram Deo propter Christum & non coram hominibus tantum Justos facienti? & *philip. 3. 7, 8, 9.* ubi Apostolus suam justitiam quæ ex lege est, i.e. legalem seu Judaicam, quamque ante conversionem sui ad fidem Christi, &c. pro detrimento & *σκυβαλοῖς*, seu stercorebus, habet, de omnibus suis, tum ante tum post conversionem factis, operibus loqui ibi Apostolum &

omnia omnino pro damno & stercore habere, crassus est quorundam protestantium error. Nam quæ S. Paulus ibi *σύνεργα* vocat, ea opera intelligit (inquit Hosp. in libro de formula concordiae pag. 221.) quæ in pharisaismo fecerat. Vide etiam Bulling. Hyperium Piscatorem, aliosque in locum, atque imprimis Vorstium. in Schol. Alex. contra Sibrandum pag. 226. 227. 228. & 230. ubi hac de re prolixè dixerit, & Coll. Aldeb. pag. 120. 121. 294. nec aliter loca hæc omnia citata intellexere patres, cum Græci tum Latini; ad huc Chrysostomus, Theodoretus, Theoph. OEcumenius aliosque veteres, Augustinus imprimis gratiæ Christi acerrimum propugnatorem toto pæne libro de spiritu & litera vide præsertim cap. 13. & 29. & lib. 83. quæst. qu. 76. &c. Quod affirmant permulti protestantes negare Apostolum simpliciter Rom. 4. 2. & sequ. Abrahamum ex operibus, etiam fidei, justificatum esse, falsum est; sic enim S. Paulus aperte contradiceret S. Jacobo disertissimè contrarium affirmanti cap. 2. 21, (ineptas horum locorum in speciem pugnantium conciliationes à multis hodie excogitatas hic nihil moror, alibi, cum Deo, fuisse refutaturus) intelligit tantum B. Apostolus eo loci opera legis vel naturæ sine fide in Christum facta, primo enim non loquitur hic B. Apostolus de aliis operibus quam de quibus ante cap. 3. v. 20. & seq. verba fecerat; ubi non semel opera legis directè vocavit, secus enim argumenta ipsius nec inter se nec cum thesi principali (quæ est nec Judæos nec Gentiles maximè autem Judæos qui de lege gloriabantur sine fide in Christum coram Deo justificari nunquam potuisse) verè cohærent. 2. Quia versu 2. negat Apost. in Abrahamo justitiam & gloriam ex operibus non simpliciter nec coram hominibus sed coram Deo, sic enim (ut explicat verba Augustinus in expositione Epist. ad Gal. cap. 3. Aliud est non justificari, aliud non justificari apud Deum, &c.) ostendit de illis operibus se loqui quæ ab hominibus quidem laudem, sed mercedem æternam a Deo (quod non nisi per fidem fit) expectare nequeunt. 3. Quia statim versu 3. ex Gen 15 subdit, Credidit Abraham Deo, &c. Hunc enim scripturæ locum idcirco Apostolum adduxisse ut ostendatur in Abrahami operibus fidem adfuisse, egregie docet August. in præf. Enarrat. ps. 31. al. 32. quam præfationem lege obsecro diligenter, cui mentem B. Augustini hoc de Apostoli loco intelligere volupe est. 4. Quia versu 4. & 5. facit oppositionem inter operantem cui merces ex debito tribuatur non ex gratia, & inter non operantē sed credentem



credentem ; ubi per operantem non quemlibet quolibet modo (etiam ex gratia) benè operantem intelligit; sed eum tantum qui iustitiam legis unice sectatur, suisque operibus iustitiæ laudem & præmium a Deo promereri se existimat. Et per non operantem, non eum qui nihil simpliciter operatur; ne ex Christi gratia quidem (hoc enim absurdissimum est, nam & credit, sperat, diligit relipiscit, orat, &c.) sed qui operibus suis sine fide & gratia Christi factis non confidit, nec iustitiam aut meritum illis tribuit; sed totus pendet a Dei gratia, cum agitur de sui justificatione, ideoque in hac antithesi non opponit solam fidem bonis operibus ex fide factis; sed fidem operibus sine fide & Gratia Christi factis. Denique v. 13. & seq. *Legem, & Fidem* eodem sensu inter se opponit, quo antea opera & fidem opposuit, & quo, alibi legem & gratiam opponere solet. Undè liquido apperet per opera, quæ a justificationis actu Apostolus excludit, intelligenda esse duntaxat opera legis, quæ ex nostris viribus proficiuntur, & quibus perfecta & continua obedientia legi præstatur, ac proinde per quæ quis sese iustitiam mereri, quanvis falso, existimat. Non autem opera gratiæ ex fide Christi promanantia. Præter alios viros doctissimos, de quibus infra hoc communiter statuunt qui vulgo appellantur Remonstrantes, vide Arminium, Disp. Theolog. de justificatione Thes. 4. 5. 7. 8. 9. &c. Vorst. in Catal. error. Sibr. Luberti. pag. 49. 54. & in Schol. Alex. pag. 220. 221. 222. 225. 235. 256. 268. 270. atque alibi passim. Videatur Ioh. Gerhardus Theol. Lutheranus disputationum Theolog. parte secunda de Harmonia Calvinianorum & photinian. pag. 912. ubi iniquissimè & falsissimè hanc verissimam sententiam erroribus accenset photinianorum.

3. Quod & ibidem v. 6. et seq. ex autoritate Davidis, ps. 31. al. 32. confirmat Apostolus Beatum esse hominem cui Deus acceptò fert iustitiam sine operibus, &c. de iisdem operibus de quibus hætenus demonstratum est Apostolum loqui, ex tota disputatione & verborum serie, verba illum facere manifestum est.

4. Nec possunt omnia omninò opera a causis justificationis excludi, nisi excludatur etiam fides ipsa; quam esse quoddam opus etiam nostrum (i. e.) auxilio gratiæ a nobis præstitum, quis neget. Atque hic primum injuriam faciunt Romanensibus Remonstrantes in sua nupera Apologia pag. 111. ubi affirmant, pontificios diserte negare, fidem qua justificamur esse actum, nedum actum nostrum sed habitum tantum esse velle, & quidem infusum a Deo. Hæc quidem sententia a plerisque Scholasticis

lasticis defenditur, sed multi sunt Romanenses quibus eadem improbatur, vide A. Vegam (opusc. de justif. q. 1. prop. 1. pag. 795. ubi expresse affirmat, S. Paulum, locis illis quibus de justificatione agit, non de fide habituali nec acquisita nec infusa, sed solum de actuali intellegendum esse; & compluribus rationibus idem confirmat: quas apud authorem lege, vide & Bellar. de justif. lib. 1. cap. 16. sect. (Dicent excludi etiam fidem &c.) aliosque. 2 Errant & illi protestantes qui fidem non proprie sed correlativè & metonymicè accipi volunt, cum illa justificari dicimur scilicet pro justitia Christi & remissione peccatorum per fidem apprehensis. Certe Scripturam non interpretantur sed manifeste torquent & vim ac efficaciam fidei frigidissime exponunt, qui ita sentiunt. Fides enim verè & proprie, ut causa, concurrat ad justificationem nostri, non quidem ut causa principalis vel meritoria, attamen ut instrumentalis, ut sæpè dictum, ideoque effectus nimirum justificatio nostri de illo propriè & sine tropo prædicatur. Fons hujus erroris ut & aliorum multorum est quod opponant causas instrumentales principalibus in negotio justificationis nostræ, quæ tamen omnes conjungendæ sunt, quandoquidem amicè inter se conspirent. Verè enim atque etiam propriè dicimur & per fidem & per Christi merita & per remissionem peccatorum, &c. justificari, quanquam non eodem modo. Quid aliud dicunt omnes omninò protestantes, qui quid dicunt intelligunt, Fide nos organice sive instrumentaliter justificari asserentes. Illorum testimonia in hanc sententiam quæ infinita sere sunt allegare inutilis est labor, vid. Meisn. in philosoph. Sobria contra Calvinum pag. 427. 428. vide & Sibr. loco infra citando. 3. Ineptè subtiles sunt protestantes illi qui fidem etiam ipsam a negotio justificationis excludi volunt, ut est opus; sed non ut instrumentum apprehendens justitiam. Neque enim fides est instrumentum sive medium justificationis nostri, nisi ut opus; quia non habitu, sed actione & operatione fidei, justitiam apprehendimus, sive consequimur: proinde fides in negotio justificationis nostri concipienda est ut actio & operatio, vel ut opus, non meritorium ut sæpè dictum, sed, pure instrumentale, quo justitiam accipimus, sive obtinemus. Ut rectè contra. Par. de Justif. contra Bellarm. lib. 1. cap. 16. p. 280. 281. Theol. Leid. in censura, &c. cap. 10. pag. 148. Aliosque permultos docent Remonstrantes, in Apol. ca. 10. pag. 111. 112. Vorst, in Schol. Alex. contra Sibrandum pag. 224. 232. Immo Sibrandus ipse quo

nemo rigidior, nemo pertinacior, licet hic parum sibi constans. Ita inquit in discept. epist. de fide Justificante contra Bertium pag. 20. Atque hæc est communis nostrorum Doctorum sententia (scilicet fidem non propriè sed relativè nos justificare, quam vere hoc dicat Sibrandus hic non moror, falsissimum tamen est quod asserit quando Theologos protestantes communiter ita et ita tantum intelligi vult) *Si quis tamen dixerit Fidem in hac propositione (Homo justificatur fide) instrumentaliter accipi, non negaverim ego hominem isto opere ut instrumento justificari. Fides enim revera est opus per quod, tanquam per instrumentum sive medium, justitiam apprehendimus, &c.* Idem ibidem confirmat autoritate Ursini in Catech. q. 63. *Illo opere justificamur tanquam instrumento sive medio, non tanquam causa impulsiva, &c.* Et in comin. ad errores. Vorstii pag. 659. *Cum fides quæ est opus, instrumentaliter accipitur, non male dicitur credens ex opere sive per opus justificari, citat ibidem Ursin. in catech. f. 454. & f. 459.*

5 Quando autem dicit Apostolus Rom. 4. 5. *Ei vero qui non operatur, credenti autem &c.* non opponit ibi credentem non operanti simpliciter, nihil enim absurdius dici posset. Nam fides opus est nobis mandatum à Deo sub promissione remissionis peccatorum, &c. 1 Ioh. 3. 23. ideoque vocatur, opus Dei Ioh. 6. 29. quia scilicet Deus ipse id à nobis fieri postulat. Sed non operanti, id est, ut supra dictum, qui non affert sua opera suæ naturæ viribus aut legis adminiculo facta, nec ex iis quærit aut expectat justitiam quasi mercedem iis debitam. Et quod ibidem Apostolus dicit, Deum impium justificare, absit, cum quibusdam rigidioribus protestantibus, intelligas de homine in ipso justificationis actu impio simpliciter existenti (hoc enim cum omni fere scriptura è diametro pugnat) sed eo qui paulo ante talis erat, nunc tamen, suam impietatem serio deplorans & ad thronum gratiæ confugiens, per fidem in Christum gratis justificatur. Inter protestantes, vide Philippum Melanct. in corpore doct. (edit. an. 72.) pag. 100. 106. 455. &c. Perzel. parte 4. Object. &c. pag. 428. & 437. Vorst. Schol. Alex. pag. 242. Et seq. ut alios innumeros mittam.

6 Patres plurimi nos sola fide justificari affirmant. Orig. in ca. 3. ad Rom. circa finem. Hilar. Canone 8. in Math. Basil. M. homilia de humilitate, Ambrosius, qui illorum Com. auctor est in cap. 3. ad Rom. & in cap. 4. & in cap. I. primæ ad Corinth. & Serm. 45. Nisi hic Maximi potius sit quam Ambrosii. Nazianzenus Orat.

Orat. 26. de moderatione in disputando. Chrysost. in cap. 3. ad Gal. & 2. ad Eph. hom. 5. in Sermone de fide & lege &c. hom. 2. ad Rom. hom. 3. ad Titum. Hieron. in cap. 4. ad Rom. & in 5. & in 1. ad Gal. & in 2. & in 3. Theodoretus Therapent. 7. Aug. contra duas epistolas Pelag. lib. 1. cap. 21. l. 83. quæst. g. 76 : de Tempore Sermon. 68. & in exposit. 3. ad Gal. Cyrill. Alex. lib. 14. in Ioh. cap. 18. Leo Epist. 70. & Sermon. 4. de Epiphania. Petrus Chrysologus. Serm. 34. propter. Aquitan. Epigram. 9. Claudius Marius Victor in Genesin, lib. 3. Hesychius in Levit. cap. 14. Sedul. in 4. ad Rom. & in cap. 8. Similiter Primasius in 4. & 8. ad Rom. in cap. 5. 2. ad Cor. ad Gal. Theophil. in 3. ad Gal. OEcum. in 3. ad Rom. Bern. serm. 22. in Cantica, & epist. 77. &c. Lege loca apud authores ipsos. sed si pura mente & ab omni partium studio libera, omnia hæc & quotquot alia in hanc sententiam citari possunt loca legeris, clare videbis per vocem (Sola) patres omnia simpliciter fidei & gratiæ opera à causis justificationis & salutis æternæ nunquam excludere voluisse. Sed primo legem naturæ & Mosaicam. Secundò opera omnia propriis viribus sine fide in Christum & gratia Dei præveniente facta. Tertiò falsam fidem vel hæresin cui tunc fidem, non autem operibus opponunt. Quartò operum externorum etiam ex gratia factorum; ut charitatis, pœnitentiæ, sacramentorum, perceptionis, &c. necessitatem absolutam (quando scilicet aut potestas aut occasio decet) ejusmodi opera faciendi, tum enim sufficit sola fides sine operibus, externis, sed non sine omni bono affectu pœnitentiæ, & dilectionis in Deum, quæ opera sunt interna. Denique quinto omnem inanem fiduciam & gloriationē operum nostrorum quorumlibet non tantum fidem præcedentium, sed & ex gratia fidei sive interne sive externe factorum.

CAP. V.

*Quo eadem consideratio fuse compluribus virorum
doctissimorum protestantium, alio-
rumque sententiis, confirmatur
& concluditur.*

1. **D**OCTRINA hætenus tradita adeò vera adeò certa & clara
est, ut permulti etiam insignes protestantes de parti-
cula

particula *Sola* in propositione, *Fides sola justificat*, presertim cum in scriptura *πῆντε* non inveniatur non esse pertinacius contendendum censuerint, imò posse utiliter omitti pacis causa

2 Anno 1530. quo confessio Augustana Cæsari exhibita fuit, inter septenos conciliatores doctrinæ Romanensium protestantiumque in comitiis utrinque delectos (è protestantibus erant hi tres Theologi, *Melanchton*, qui & ipse confessionem illam scripsit, *Brentius*, *Schneppius*) convenit tranquiliatis publicæ causa non esse docendum quod *Sola fides justificet* sed omittebam voculam *Sola* quia Romanenses dicebant, Eam parere scandala in populo, & reddere homines negligentes circa bona opera, & in scriptura expressè non dici, &c. Sed B. *Iacobum* contrarium asserere hoc testantur non solum scriptores Romanenses *Cochlæus* (in actis Lutheri, ann. 1530, & in libro ad Norimbergenses de viis præparatoriis ad concordiam) qui ex tribus Theologis Romanensibus delectis unus fuit, *Surius*, aliique: sed & multi protestantes *Sleid.* (comment lib. 7. pag. 190.) qui refert inter illos septenos pacificatores de nonnullis convenisse; quænam autem illa fuerint omnino reticet, quod a fidei historico factum non oportuit, cum ea quæ controversa manserunt satis diligentur ibidem annotavit. Sed ut dicamus quod res est, noluit ille rigidiores *Lutheri* sectatores quibus nimio plus addictus fuit, quibusque conciliatio illa vehementer displicuit, offendere. In aliis etiam nonnullis illius ut ut alias laudatissimi historici narrationibus ut hoc obiter dicamus, candorem desiderant multi viri doctissimi, quidam etiam protestantes. (*Lucas Osiander* ex *Sleidano* in *Epit. Hist. Eccl. Cent. 16. lib. 2, cap. 15. Chytreus* in *Hist. Confess. August. Pareus contra Bellarm. de Justif. lib. 1, cap. 12.* ingenuè id factum confitetur, licet conciliationem illam improbet.

3 Anno 1548. Theologi Wittembergici, ex quibus præcipuus *Melanchton*, simul, & *Lipsenses* in actis Sinodicis. (quæ ipsi in lucem ediderunt de justificatione Fidei (tempore interim concordie causa) sic scripserunt “ Homo præcipue Justus & “ Acceptus est coram Deo fide propter Mediatorem. Non pugna- “ mus de voce seu particula *Sola*, sed dicimus & confitemur op- “ ortere in nobis et alias virtutes et bonum propositum inchoari “ et manere: tamen fiduciam non his sed filio Dei oportet niti “ (sicut dictum est) et reliquas virtutes velut obumbrare. Hæc illi, Quæ viros doctissimos et pacis studiosissimos rigidiores Protestantes, *Adiaphoristas* et *Interinistas*, nominibus ad odium compositis

compositis, vulgo vocabant: testantur *Luc. Osiander*, (*Epit. Hist. Eccl. Cent. 16. lib. 2. cap. 72.*) *Chemnic. Loc. com. parte secunda de justif. pag. 777*) cujus verba sunt (in colloquio *Ratisbon.* (primo scilicet An: 1541.) et tempore (interim) a multis (Protestantibus scilicet) disputatum fuit, Non esse pugnandum de particula *Sola*, cum sit, *ἀπαρὸς*. Io. *Gerhardus* (*locorum communium tom. 3. de Justif. per fidem pag. 1327. et seq. vide obsecro apud Iac. Aug. Thuanum nobilem Historicum, insigne elogium Melancthonis ejusque moderationis lib. 26. pag. 809. colloqu. Aldeb. pag. 6. 9. 128. 155. 303. &c. Martinus Bucerus in colloqu. Ratisb. 2. a. 46.*) licet pertinaciter contenderet, Nos sola fide justificari, concessit tamen, vi veritatis victus, collocutoribus alterius partis “ Nos gratiam Dei et justitiam Christi, etiam spe et charitate, modo quodam, apprehendere, “ complecti, & tenere: fide tamen sola nos justificari, quia fide “ primum Christi justitiam apprehendimus, & complectimur. Vide acta ab ipso Bucero scripta pag. 213. 213, &c. Quod quid aliud est, quam fidem non solam? sed quia in hoc opere justificandi prima est primaque apprehendit Dei misericordiam & Christi meritum, ideo illam primam, vel primum, nos justificare? quod, ut verissimum, nemo negat. Neque enim quia aliquid prius est in ordine aliquo, ideo quod sequitur ex eo ordine excluditur. Immo ratio ordinis exposcit ut in eo sit prius et posterius, & recte *A. Fricius*, vir eruditissimus (hoc illum eloquio ornat *Cass. in Conf. art. 4.*) & concordix ac moderationis amantissimus, quamvi protestantium partis in plerisque studiosior, hac de controversia hæc habet (lib. 4. de Eccl. cap. 11. Verba aliquam multa huc libet adscribere, & quia lectu dignissima sunt & quia omnibus ad manum non est liber) “ Tu, inquit, fidei “ justificationem ideo assignas, quod illa apprehendamus & te- “ neamus misericordiam Dei. Cur non idem de spe & charitate “ loqui fas sit, quibus & ipsis Deum amplectimur nos sua bo- “ nitate justificantem, &c. Sunt enim illa omnia ab eodem “ authore profecta, non tantum igitur fidei sed spei & charita- “ ti & aliis bonis operibus remissio peccatorum, accessus ad Deum, “ & bona alia offeruntur. Loca ex scriptura citata apud ipsum authorem: vide pag. 265. “ Multa a contra sentientibus argumen- “ ta adferuntur contra opera, sed videndum est ne illa conclu- “ dant de operibus a fide sejunctis, sine qua impossibile est place- “ re Deo; loquamur enim de operibus fidei conjunctis, in Dei “ quidem misericordiam incumben- “ tibus, in eaque sola prout

& puppim salutis suæ collocantibus: quid quæso absurdi
 fuerit ut fidei, ita illis justificationem tribui? &c. Scilicet ut
 fructus ab arbore, ita opus à fide sejungendum non est, ut-
 rumque vero in Dei misericordia acquiescere debet, &c. Est
 igitur fides instrumentum, vel organum recipiens justificati-
 onem. Quid autem prohibet, quo minus charitati idem tri-
 buamus? dicamusque, ut non propter fidem, ita non propter
 charitatē, sed tamen fide & charitate nos justificari: cū quidē
 multis clarissimis autoritatibus id ostendatur. Illud tamen
 agendū ut avocentur mentes à fiducia operum & gloriatione.
 Ostendatur imperfectio operum: soli Deo gloria tribuatur
 spes salutis omnis, ad meritum Christi & Dei bonitatem re-
 feratur: Hac enim ratione à verbis Divinis nihil disceditur
 quibus remissio peccatorum & vita æterna ut fidei ita & ope-
 ribus frequenter promittitur, &c. Et fusius hac de re differens
 de Ecclesia lib. 2. Tract. 2. cap. 1. *Fidene sola an & operibus*
justificamur; Ita inquit (pag. 418.) “ Quid interest, seu dicas,
 sola fide nos justificari, quæ quidem Dei misericordiam in-
 tueatur: seu fide & operibus, quæ & ipsa eadem misERICOR-
 dianitantur; Misericordia Dei est, cui omnino tribuitur justi-
 ficatio nostri. Illa est quæ nobis acceptam refert justitiā qua
 prorsus destituti sumus. Seui igitur misericordiā comprehendas
 sola fide, seu fide operante nihil refert: quando utroque modo
 consequeris quod opus est. Et pag. 419. Hæc scilicet Dei
 misericordia, in summo gradu collocanda est, eaque nos
 gratuito justificari cum nobis peccata non imputantur, sta-
 tuendum est: ac ut certitudo remissionis peccatorum obtine-
 atur respectus nullus ad dignitatē vel operis vel fidei nostræ
 habendus est, &c. Nec enim fides hic alias partes obtinet
 quam organi, quo apprehenditur misericordia nos justificans.
 Huic organo si addas opus tanquam fructum arbori suæ,
 utrumque vice organi erit. Nam & qui solam fidem docent,
 opera esse justificationis causam sine qua non, non inficiantur
 (utinam non inficiarentur nimis multi scilicet rigidiores om-
 nes) At causa qualis est, hoc nomine quia causa est, effe-
 ctum præcedat necesse est. Illud igitur unicè est cavendum ne
 cum ea quæ gratuito nobis donatur justitia, justitia quæ sit
 ex facultatibus virium nostrarum committatur. Hoc constitu-
 to, naud sane intelligo cur lis fiat de illis formulis, Sola fides;
 Fides cum operibus. Siquidem opera non ad conflictum cum
 justitia

“justitia gratuita opponuntur, sed fidei adjungantur tanquam
 “fructus arbori, ut utraque in Dei solam misericordiam recum-
 “bant, &c. Quod vero ad meam conscientiam attinet, libenter
 “sane & tranquille acquiesco in misericordia Dei. Interea
 “parum mea interesse puto, inquirere, solane fide miser cor-
 “diam apprehendam, an fide & operibus. Utrumque horum
 “requiri à me non ignoro, utriusque magnam imperfectionem
 “agnosco, verum tamen Deum meum peto ut & imbecillitati
 “fidei meae succurrat, & legis justitiam in me impleat, remissis
 “peccatis meis. Neque vero dubito permultos esse qui & ipsi
 “in vulneribus Christi placidissime recumbunt, qui tamen eo
 “ingenio præditi non sint, ut judicent soline fidei, an fidei
 “cum operibus justificationem attribuant; Hæc omnia atque
 alia permulta in eandem sententiam legere est apud authorem
 observatu dignissima, ex serio sensu pietatis cum veritate con-
 junctæ & studio tollendæ dissensionis inter partes profecta.

6 *Petrus Baro Gallus S. Th. in Acad. Cantabr. quondam*
professor, vir doctissimus, & pacis amantissimus in prælect.
in Jonam (anno 1579.) ostendens qua ratione dirimi, aut saltem
minui posse videatur, controversia hodie cum Romanensibus
agitata de operum justificatione, (minuendis enim litibus (ca
verba authoris aurea) dare operam semper debemus, si filii
lucis sumus, pag 249.) Primo per opera quæ Paulus à justificati-
one excludit, intelligit opera legis non tantum ceremonialia
sed & moralia fide destituta eique opposita (pag. 244. Et in
Tr. de Fide anno 1580. pag. 28.) Secundò quamvis perperam
contendit Dei dilectionem, qua scilicet voluntas Deum sibi ab
intellectu demonstratum amare incipit, & cum eo conjungi
cupit, &c. esse de fidei justificantis natura; quia fides, in intelle-
ctu tantum sita est, ut supra fuisse demonstratum, & non quendam
illius effectum ipsa justificatione posteriorem (quod absurde
illius in Academia illa tunc temporis Antagonistæ volebant)
quo scilicet vere & tuto, sicut existimabat, sustinere posset com-
munem protestantium sententiam, fide sola nos justificari, eo
ipso tamen vir doctus & sagax clarissime vidit, fidem, si ab ea
primam illam Dei dilectionem, vel cogitatione solum, remove-
amus, justificare non posse. Quam sic spectata, mentis tantum
actio sit, cui soli vim justificandi tribuere absurdissimum est,
 & cum innumeris S. Scripturæ locis ex diametro pugnans. Ve-
 rum (inquit Author tractatu de fide pag. 119.) Si voluntas
 bonum sibi à mente oblatum expectat, & cum obtinendi fiducia
 quarat

quærat ac consecratur, tum vera fides est una cum spe ac resipiscencia, &c. qua homo consequitur justitiam, &c. Quibus omnibus ibi atque alibi demonstrat manifeste, Non fide sola, proprie sic dicta, & ab aliis actibus contradistincta, sed & spe, dilectione, resipiscencia, &c. nos justificari. Secundo tantum Dei amore (ut author loquitur) ex Christo in nobis per spiritum fidemque habitante exorto, quo illum, non ut Deum modo ac bonorum omnium fontem, a nobis adhuc sejunctum ac remotum, sed jam ut patrem nobisque conjunctissimum, beneficiorum acceptorum memores prosequimur, &c. & externis charitatis, cum erga Deum, tum homines, effectis, negat nos justificari, quum hæc fide justificante & justificatione nostri posteriora sint. Quod tamen cave intelligas nisi de justificationis principio, non etiam de ejusdem progressu et augmento, nisi manifeste errare velis, ut infra dicetur. Hac de re lege prolixas & eruditas disputationes apud scriptorem hunc, Præl. 34. in Jonam per totum, libello prope toto de fidei justificantis natura, &c. Et de præstantia divinæ legis anno 1586. in Egregiæ quæstionis dilucida explicatione, circa finem libri.

7 *Innocentius Gentiletus*, Juris consultus magni nominis inter Protestantes, etiam rigidiores, (in examine concilii *Tridentini* Genevæ, excuso anno 1586. dum examinat canones sess. 6. de justificatione) ita inquit (pag. 66, 67, 68) “ Si partes Tridenti-
 “ ni cum dicunt bona opera cum fide justificationem nostram
 “ cooperari, can. 9. (quanquam hæc loquendi ratio sit impro-
 “ pria) ita sentiunt (scilicet fidem qua justificamur esse illam
 “ solum fidem quæ per charitatem operatur) nequaquam ab
 “ illis dissentimus: neque enim negamus charitatem erga
 “ Deum & proximum esse bona opera, quin immo singularem
 “ bonorum operum particularium fontem & scaturiginem esse
 “ affirmamus: fidem etiam ipsi fatemur esse bonum opus. Sed si
 “ intelligant Elemosynas, jejunia, & id genus alia charitatis ex-
 “ ercitia particularia, una cum fide Christiana nostram justifi-
 “ cationem cooperari quæ eorum videtur esse sententia (sed certe
 “ non est, hæc enim ipsi Romanenses non exigunt nisi cum tem-
 “ pus & vires horum præstandorum occasionem suppeditant)
 “ hoc sane fateri non Possumus, latro enim ille qui a Christo in
 “ cruce justificatus est aperte indicavit, cum ad eum precibus re-
 “ fugeret, se in eo spem suam collocare, deumque diligere, & ex
 “ eo quod culpæ suæ socium corripuit ut eum ad eandem fidem
 “ amplectendant impelleret, perspicue apparuit eum quoque
 proximum

“ proximum suum dilexisse; adeo ut etsi nullas eleemosynas e-
 “ rogasset, neque ullis se jejuniis macerasset, aut alia ejusmodi
 “ privata charitatis opera bona præstitisset, justificatus sit tamen,
 &c. Unde patet authorem hunc non, nisi externa pietatis opera,
 à justificatione excludere in casu scilicet jam dicto; non autem
 interna spei, charitatis, &c. “ Quocirca hæc expressiora sub-
 jungit, “ Cæterum cum dicimus nos sola fide justificari, hoc
 “ non ita accipimus quasi fides sit sola causa efficiens nostræ
 “ salutis (nam ea est misericordia Dei, quam nobis per meritum
 “ filii sui exhibet) sed tantum causam instrumentalem qua nos
 “ sibi conjungit & devincit, conjunctique, virtute Sp. Sancti
 “ justificationem nostram ab eo haurimus. Itaque haud mul-
 “ tum refert solam fidem (quæ, ut ante dictum est, a charitate
 “ sejungi non potest) nostræ justificationis causam esse dica-
 “ mus, an etiam charitatem cooperantem esse asseramus,
 “ dummodo hoc nobis persuasum sit, Solū Christum, patris erga
 “ nos dilectionem impetrantem, causam efficientem esse. Nam
 “ cum una sine altera esse nequeat, ambas conjunctim causas
 “ instrumentales dicere possumus. Quæ subnectuntur, (rectius
 tamen dixeris, fide nos justificari quam fide & charitate &c.)
 In gratiam tantum rigidiorum ab illo addita sunt, ne scilicet
 per antedicta eos nimium offenderet, vel, quod probabilius
 est, ab aliena sunt profecta.

8 De C. Vorstii sententia super hac re nemo dubitare potest,
 qui illius Scol. *Alex.* contra *Sibrand.* diligenter legerit. Quam-
 plurimis, enim, in locis hoc asserit, probatque. Hæc tantum
 verba huc libet ascribere ex pag. 270. circa finem. “ Imo ne
 “ pium quidem piis operibus justificari dico, si opera propriè
 “ ac per se sumantur fideique ac gratiæ opponantur, sed hoc
 “ solum cum scriptura & patribus dico, nos fide viva & ope-
 “ rante justificari, eoque & operibus fidei hætenus justificari,
 “ quatenus, hæc pro fide illa sumuntur & ut fructus, immo
 “ quasi anima fidei considerantur.

9 *Remonstrantes* (Confess. cap. 10. n. 2.) Fidem in negotio
 justificationis non alio modo considerandam esse affirmant,
 quam quatenus obedientiam fidei includit, & tanquam sæcun-
 da bonorum operum mater est, totiusque Christianæ pietatis
 ac sanctimonix fons ac scaturigo. Tantum abest ut huic obedi-
 entix ac pietati & ipsa opponi debeat, aut jure possit. Et in
 Apologia (cap. 1. pag. 113.) sic inquiunt, “ An non mera
 “ logica pugna est, si disputetur an fides quæ est viva, an qua
 viva

“viva est, requiratur ad justificationem? Certè utrinque in de-
 “scribenda fidei natura est consensio: utrinque bonorum ope-
 “rum præsentia necessaria esse statuitur, de respectu tamen
 “quem fides viva ad justificationem habet, quæstio manet.
 “At de respectu statuere non est nostrum sed judicis, deinde
 “quid habet respectus ille merus quod justam magnæ liti cau-
 “sam dare poterit? Imo quid non habet quod occasionem om-
 “nem liti debeat præcidere apud eos qui pietatis & bonorum
 “operum sunt studiosi. Sane si dicatur, fidem requiri ad ju-
 “stificationem, quatenus vel qua est fides viva, necessitas
 “bonorum operum & pietatis Christianæ fortius adstru-
 “itur quam si dicatur fidem requiri ad justificationem,
 “quæ viva est, nam natura rei id evincit, &c. Et pag.
 “114. circa finem Remonstrantes sic statuunt litem pœne to-
 “tamquam hic movent censores de respectibus Metaphysicis
 “esse, quos fides vera & viva habet ad justificationem, de
 “quibus statuere Judicis & Domini est, non subditorum.
 “Enimverò (utinam omnes rigidiores utriusque altercantium
 “partis alte animis suis hæc verba infingerent) quis sine gemitu,
 “sine suspiriis, sine lachrymis cogitet quod nos homunciones,
 “miselli, tardi & negligentes in iis quæ officii nostri sunt accura-
 “tè examinandis, & fideliter præstandis; tantum otii --- & au-
 “dacix nobis sumamus ut involemus in partes Domini &
 “Judicis nostri, & quo respectu hi aut illi actus nostri ab illo
 “sint judicandi in extremo judicio, audeamus definire; &
 “nisi alii conservi, istas definitiones nostras, præter officium
 “& vocationem nostram factas à nobis, admittant, aut popu-
 “lum Christianum, peculium Dei & Domini nostri Jesu
 “Christi, in partes scindere, conservos cædere, flagellare,
 “ejicere. anathematismis & omni genere immisericordiæ in
 “eos sævire non vereamur, &c. Verba hæc ultima digna
 sunt quæ aureis scribantur characteribus. Idem in examine
 Cens. cap. 22. pag. 237. Ad verba Censorum. (Quod fidei
 & obedientiæ mandatorum ex æquo veniam peccatorum &
 vitam æternam attribuunt) Hæc respondent Remonstrantes;
 “Phrasis (ex æquo) æquivoca est si eam pro æque principa-
 “liter accipiat Censor, tum injuriam facit Remonstrantibus,
 “fidei enim ut principi, duci, matri, ac fonti obedientiæ, ve-
 “niam peccatorum & salutem adscribunt. At si eam pro
 “Conjunctim accipiat, tum agnoscunt Remonstrantes se
 “fidei, quæ & quatenus conjunctam sibi habet obedientiam &

ex fide profectam, propositum saltem obediendi, cum scilicet
 actus obedientiæ specialiter exerceri non possunt, &c. pro-
 inde Obedientiæ etiam, &c. Veniam peccatorum et salu-
 tem æternam adscribere. At hoc nihil aliud est, inquit
 Censor, quam justificationem & salutem fidei & operibus,
 indistinctum seu conjunctum, tribuere. Ita est, Scripturam
 sibi præeuntem haberit non tantum in famoso illo loco S.
 Jacobi, cap. 2. ubi diserte dicitur. Concludimus ergo ho-
 minem justificari ex operibus & non ex fide tantum. Sed
 & in aliis plus quam mille locis ubi operibus bonis remissio
 peccatorum & vita æterna tribuitur, &c. Lege Apologiam
 ipsam, & in examine Cens. cap. 25. pag. 307. circa finem.
 Nimirum huc edit universa, quæ circa articulum istum (de
 justificatione) est, dissensio. An fides sive creditio illa, ut
 sic loquamur, qua credimus nobis remissa esse peccata no-
 stra, sive qua apprehendimus misericordiam Dei, & Christi,
 pro nobis satisfactionem, nos coram Deo justificet, qua sim-
 pliciter talis actus est, an quatenus actus vivus est, *i. e.*
 Conjunctam sibi habens vel actualem resipiscentiam, vel
 saltem firmum ac deliberatum animi propositum de vita tota
 normam Christianæ religionis auxilio divinæ gratiæ cum
 timore ac tremore instituenda. Hoc est quod Remonstran-
 tium declaratio asserit & profitetur nihil aliud, &c. Idem
 repetunt in responsione sua ad specimen calumniarum, &c.
 pag. 111. Thamneri Argumenta, quæ anno 1547. & 1548.
 Marpurgi proposita fuerunt contra sententiam de fide sola
 justificante una cum Bened. Aretii responsionibus infirmissi-
 mis; vide in hujus Authoris Problematibus Theologicis, loc. 24.
 de Justificatione, pag. 134. & aliquot sequentibus. Theodo-
 rus Bibliander, Theologus Tigurinus Antisophist. lib. 3. pag.
 167. "Quamquam, inquit, ea quæ religionem Christianam
 absolvunt, ita cohærent, ut invicem nequeant separari:
 tamen synechdochicis sæpenumero una res aut duæ pro
 omnibus aliis ponuntur. Quod, meo judicio, præbuit an-
 sam altercandi, non paucis, in disputatione de hominis justifi-
 catione; qui tropum non observarunt, quo una res pro aliis
 pluribus aliquoties ponitur, &c. vide authorem.

10. Omnes illi Protestantes qui fidem justificantem defi-
 niunt quod sit notitia & assensus, & expetitio misericordiæ
 promissæ & in eum qui promissit fiducia firma, quod faciunt
 multi, vel quod sit fiducia, &c. aut assensus fiducialis atque

etiam obsequiosus, quod volunt alii permulti, quicquid verbo contendunt, Solam fidem justificare; re ipsa tamen idem destruunt si modo actuum fidei, spei, dilectionis, pœnitentiæ, orationis, &c. distinctionem salvam volunt, res adeo diversas ad fidei essentiam reducere nec Theologia neque etiam recta ratio permittit, nisi sub ejusmodi rerum & verborum confusione & ipsi falli atque etiam alios fallere velimus.

11. Archiepiscopus Spalat. de Rep. Eccles. lib. 7. cap. 11. n. 206. Fatetur fidem, si in sola sua pura formalitate sumatur, quatenus est solius actus intellectus; nos justificare non posse, &c. *Sed in vera & viva fide nos (inquit) præter actum intellectus, &c. ponimus etiam bonam dispositionem voluntatis, quæ inchoata charitate erga deum, &c. afficiatur, eique seipsam subdat, & ad ei parendum disponit, magnamque in eum spem collocet, concipiatque fiduciam, &c.* Et rursus, num. 208. *Cum præsertim vera fides includat affectum pium voluntatis, in quo est inchoata erga Deum charitas, & magna ex Christi meritis fiducia, &c.* Et ibidem, *Et quicumque justificantur prope mortem, ut latro in cruce, & similes, profecto sola fide cum illa saltem inchoata dilectione, & fiducia quæ est in omni vera fide viva, justificantur, &c. Quid aliud hæc omnia innuunt, quam fide sola (proprie & contradistincte ab aliis actibus conjunctis fidem intelligendo) nos non justificari? Archiepiscopus quidem unitatis & charitatis Christianæ studiosissimus ibidem, n. 216. affirmat S. Scripturam aliis quoque actibus antecedaneis tribuere vim quandam obtinendæ remissionis peccatorum, ex Dei promissione, & teneri in conscientia Pastores ad hæc ipsa opera populum adhortari, tanquam remissionem peccatorum secum, si debite fiant, ex divina benignitate & promissione, aliquo modo, sive dispositive sive instrumentaliter offerentia. Cum quibus tamen (ut gratificetur rigidioribus Protestantibus) putat stare posse; Fidem solam esse quæ apprehendat formaliter justificationem. Idem tamen paulo ante n. 211. dixerat, fiduciæ solius quæ ad spem reducitur, & ex fide nascitur, sive fidei effectum est n. 205. propriam esse, aut saltem videri actionem, formaliter & proxime Christi justitiam, apprehendere, &c. Quomodo autem hæc cohærere possunt, fide sola apprehendi formaliter Christi justitiam & tamen non nisi fiducia, quæ fidei effectus est? Deinde quod ait n. 216. circa finem sine omni bono opere, licet cum nullo malo opere solam fidem plene justificare, falsum est; nisi bona opera exteriora intelli-*

gat

gat (quod proculdubio facit, licet nimis generaliter & incaute loquatur) Nam inchoatam Dei dilectionem & fiduciam quæ sunt bona opera interna, a fide viva excludi posse, & in se absurdum est, atque etiam idem ante ea includi sæpe confessus est Conciliator. Ac proinde solam fidem sine aliis quibusdam bonis operibus seu actionibus internis nos justificare, intelligi non potest. Pium authoris studium partes conciliandi vehementer probo & laudo, sed conciliationes solidas & veritati consonas semper adhiberi velim. G. Cassander multum ab illo nobili Historico Jac. Aug. Thuano Hist. lib. 36. ob summum animi candorem ac moderationem laudatus in Consult. art. 4. de justis. *Multis erudiis & piis viris satius videtur ut in concionibus popularibus vox illa SOLA, &c. Prætermittatur (quia scilicet perperam plerumque a populo intelligitur) sed scripturæ tantum verba usurpentur: ut, Gratia salvi facti estis per fidem absque operibus. Iustificati gratis per gratiam ipsius. Arbitramur hominem justificari fide, non ex operibus legis.*

12. Georgius Wicelius, vir etiam doctissimus ac moderatissimus in Via regia ad art. 20. Confess. Aug. de Bonis operibus, *Vellemus, inquit, de fide justificante quoties differunt (Protestantes) ut exclusivam istam (SOLA) pacifice & amice omittant, quando sacræ nullæ literæ eam addant, aut ex Scripturis Canonicis potius loqui, ac docere ament, quam ex propriis.* Vide Erasmus tom. 9. adversus Censuras Theol. Paris. Titulo de fide & operibus, pag. 682. 683. & contra Natalem Beddam, pag. 398. 399.


13. Episcopi Ecclesiæ Anglicanæ in Chatholica Christiani hominis institutione Londini excusa, A. 1544. triennio ante Henrici 8 obitum, licet multa, quæ hodie communiter a Romanensibus defenduntur dogmata rejiciant, De justificatione tamen sic loquuntur 13. *Atque ex his quæ diximus liquido apparet, non solam fidem (quatenus fides quidem unum ac simplex donum est, à charitate & spe distinctum) sed cætera etiam gratiæ dona justificationem nostram conficere & in eadem semper adesse oportere, non modo misericordiæ fiduciam, sed emendandæ etiam vitæ, & bene operandi voluntatem ac propositum, &c.* Vide librum. Vide etiam Enchirid. Colon. de justificatione, pag. 141. 142.

14. Quum igitur ut hanc considerationem concludamus, nuspiam in sacris literis (quibuscum tamen & sentiendum & loquendum esse de rebus fidei nulli mortalium Protestantibus,

vehementius hodie contendunt) disertè legatur, *Sola fide nos justificari*, neque Patres quos sic loquutos sæpè constat unquam tamen sensu a Protestantibus hodie communiter recepto intellexerint, quum explicationes & conciliationes nuper excogitatæ prorsus inanes sint. Quumque tandem viri quidem doctissimi & harum & illarum partium, litem hanc minimè necessariam esse existimarint atque etiamnum existiment. Nos etiam veritatis & unitatis Ecclesiæ studio inducti illis accedentes, censemus de illa non amplius pertinaciter altercandum esse, & proinde omnium Rigidiorum Protestantium sententiam, & à veritate & Christiana charitate alienam esse qui assertionem de sola fide non justificante communiter à Romanensibus defensam, citra omnem vel fidei ipsius vel meriti opinionem etiam, improprie dicti re aliorum operum seu actuum cum fide ad justificationē concurrentium; Non solum cum S. Scriptura & piis patribus e diametro pugnare contendunt; sed etiam præter alia innumera, justam protestantibus à Romana Ecclesia secedendi causam præbuisse & præbere. Lege, præter innumeros alios, extrema verba Paræi lib. 1. de Justif. contra Bellarminum.

15. Atque sic ex prædictis liquidò apparet contentionem illam, An fides vera & justificans poterit reipsa à dilectione aliisque virtutibus separari, nihil esse nisi meram logomachiam. Nam si per fidem veram & justificantem intelligatur fides dogmatica (quemadmodum proprie & distincte de fide loquendo nihil aliud intelligi debet) Protestantes ferè omnes id affirmant. Sententia enim illa Martini Bucerique etiam fuit. P. Mart. in Rom. 11. aliorumque quorundam) in Col. Ratisb. pag. 242. & seq. minime absurda est, Omnem hominem, qui peccatum mortale admittit, aut in peccato tali hæret, habere in animo suo assensum Catholicæ fidei contrarium, nec assentiri verè ulli fidei articulo, aut ulli verbo Dei, immo nec credere Deum esse, eum nimirum qui se nobis in Scriptura revelavit, &c. Dogmaticam fidem (inquit R. Abbotus Episc. Sarisburienlis; contra R. Thomsoni diatribam pag. 213. hanc sententiam taxans, omni graviore lapsu excuti, & cum mortali peccato consistere non posse, contra communem sensum est, & omni experientia falsum esse convincitur, Cum videamus homines non ullo modo pios, &c. dogmata fidei serio propugnare. & formam religionis omni animositate defendere, tantum
ad

ad se non applicare quæ usui ad vitam esse debeant, &c. Sed si per fidem Justificantem intelligamus fidem vivam & charitati conjunctam, quod certè proestantes atque etiam multi alii intelligunt; nihil absurdius dici aut fingi potest, quam eam à dilectione separari posse, aperta enim est ἀπλογία &c. fides, ut inquit Aug. lib. 15. de Trinitate cap. 18. sine charitate potest quidem esse, sed non, ut prodesse ac proinde nec, justificare, Vide Aug. lib. 2. contra literas Petil. cap. 77. & Tract. 7. in Johan. cap. 1. &c.



LIBER SECUNDUS.

Quo Controversia de causa formali
Justificationis Consideratur.

CAP. I.

Quo generaliter de ea lite agitur.

UCCEDIT disputatio de causa formali
Justificationis, i. e. Non propter quam, si
proprie loqui velimus, sed per quam, vel se-
cundum quam, homo dicitur justus coram
Deo. Magna sane questio, inquit Bellarm. l. 2.
de justif. cap. 1. & hoc tempore præter ceteras
maxime necessaria. Iure Magnam dicit Bel-
larm. (inquit Paræus contra Bellarm. loco citato) hanc questio-
nem, ea siquidem potissima fuit, & est causa divortii, quod E-
vangelici a Rom. Papatu facere coacti fuerunt. Hæc ille, Sic
hodie, proh dolor! plærique utriusque controvertentium
partis judicant, sic scribunt, Vivimus enim addicti studiis.
Quis tamen veritatis quæ est secundum pietatem & unitatis
Ecclesiæ magis quam rixarum & schismatum amans, non ali-
ter sentiat? Conveniunt enim omnes, ut infra videbimus, in
his, Homini quum primo justificatur peccata gratis remitti,
justitiam Christi imputari, Eundem etiam simul per Sp. San-
ctum renovari & sanctificari. Hæc omnia necessaria sunt cre-
ditu atque etiam extra omnem dubitationis aleam posita. Sed
an justificationis ratio formalis posita sit in sola remissione
peccatorum, an vero etiam in imputatione justitiæ Christi,
aut an etiam in interna renovatione & sanctificatione, dissidia
videri

videri possunt firmè Metaphysica (ut inquit Spal. lib. 7. cap. 11. n. 217.) haud absimilia disputationi Logicæ vel Metaphysicæ potius in quonam ponenda sit essentialis sive formalis ratio quantitatis an in mensura, an in divisibilitate, an vero in extensione partium aliisque plurimis, id genus, dissidiis. In Romana Ecclesia quam multæ discrepantes hac de re sententiæ fuerunt atque etiamnum sunt? quarum mille hæreseos iure damnari potuit aut potest? Audiatur Magister sententiarum, lib. 3. dist. 19. A. *Mors Christi nos justificat, dum per eam Charitas excitatur in cordibus nostris, qua scilicet diligimus Deum qui pro nobis tanta fecit. Dicimur quoque & aliter per mortem Christi justificari, quia per fidem mortis ejus a peccatis mundamur. Unde Apost. justitia Dei est per fidem Iesu Christi. Et item, Quem Deus proposuit propitiatorem per fidem in sanguine ipsius, i. e. per fidem passionis: ut olim aspicientes in Serpentem æneum, in ligno erectum, a morsibus serpentium sanabantur. Si ergo recte, fidei intuitu in illum respicimus, qui pro nobis pependit in ligno, a vinculis diaboli solvimur, i. e. a peccatis, & ita a diabolo liberamur, ut nec post hanc vitam in nobis inveniat quod puniat: Morte quippe sua, uno verissimo sacrificio, quicquid culparum erat, unde nos diabolus ad luenda supplicia detinebat, Christus extinxit &c. Hæc ferè hodiè est sententia Protestantium, quæ aliorum fuit tunc temporis Orthodoxorum in ipsa Rom. Ecclesia. Videantur & alii plurimi, suis locis infra citandi. Certè verba Bellarmini de diversis, imò adversis, Romanensium sententiis, de efficacia Sacramentorum, loquentis de effectu Sacramentorum &c. lib. 2. cap. 1. Observatu digna sunt. Et hoc (scilicet Sacramenta esse efficacia signa gratiæ, in quo omnes conveniunt) sufficit ad fidem, & ad legitimum usum Sacramentorum; quod in miraculis Christi non requirebatur, ut homines qui curandi essent, scirent in quo genere causæ simbria Christi sanaret; satis erat, ut scirent & crederent tactum illius simbriæ adferre sanitatem, neque opus erat ut ipsi Apostoli, &c. quæ sequuntur. Et rursus de dissidiis Rom. de materia & forma Sacramenti Matrimonii, de Matrim. lib. 1. cap. 6. circa finem. Et quamvis etiam tum de materia, tum de forma maxime inter se Catholici dissiderent: nihil id officeret certitudini, quam habemus de Sacramento Matrimonii. Nam ad fidem Catholicam de Sacramentis habendam, & ad eadem Sacramenta fideliter ministranda, vel suscipienda satis est scire, quid necessario requiratur ad Sacramentum celebrandum, & quæ sint illa sine quibus non perficitur Sacramentum, quid autem in his proprie*

- *forma sit, quid materia sine fidei præjudicia disputari, & etiam ignorari potest, &c. quæ sequuntur lectu dignissima.* Hæc omnia inquā Bellar. verba, mutatis mutandis, huic controversiæ aliqua-
tenus aptari possunt. Quæ in justificatione peccatoris pœnitentis & credentis à Deo unico nostri justificatore fiunt vel efficiuntur, ut certe fiunt omnia tria prædicta, firma fide omnes teneamus & complectamur, subtiles autem & scholiasticas disputationes, in quibus forte hæc est; In quo præcise ponenda sit formalis justificationis ratio; Et definitiones audaces atque peremptorias sub pœna anathematis, &c. (cujusmodi sunt permultæ Tridentinæ) fugiamus, ad salutem enim vel plebis vel etiam doctiorum non sunt necessaria & per eas Charitas Christiana gravissime læditur. Satius esset habere justitiam coram Deo atque etiam coram hominibus, quam de ea contentiose disputare. Tandiu ac toties rixamur de justificatione (ut non immerito queritur vir quidam moderationis studiosissimus) & nunquam anhelamus ut iusti simus revera, & iusti reperiamur ad salutem, disputare enim malumus quam bene vivere. Quum tamen fata Ecclesiæ præsentia nos trahant ad specialem eorum; quæ hac de re inter partes disceptantur, considerationem æquam & placidam, age, sequamur quo volunt illa, cum bono Deo.

CAPUT SECUNDUM.

Quo specialiter de ea differitur & imprimis de Imputatione Justitiæ Christi.

I. **N**ON inus inficias in multorum Protestantium scriptis varias, incommodas & crudas, atq; interdum contrarias, de causa formali justificationis nostræ sententias ac loquendi formulas, inveniri, quas licet aliqui excusare multum laborent, nos tamen quibus veritas & Ecclesiæ pax paucorum quorundam præsertim recentium autoritate multo charior est, non excusamus nedum defendimus, ne lites, & iniquas & inutiles, foveamus. Studiose quidem illas Romanenses ex variorum Protestantium scriptis excerpunt & curiose numerant: sed certe non semper candide & bona fide. Nonnullas tamen discrepantes super eadem re sententias in suorum etiam

tiam scriptis extare meminerint, ut infra dicemus, ac proinde cum Protestantibus tanto æquius agendum esse.

2. Fident esse Formalem causam justificationis nostræ, dixerunt quidem multi magni nominis Protestantes, ut Lutherus, Brentius, Scheghiius, imo Calvinus ipse, cum alibi tum, *Instit. lib. 3. cap. 14. Sect. 17.* alique, & fidem pro justitia nostra vera & perfecta, per gratiosam Dei dignationem & acceptationem, propter Christi obedientiam habere dixerunt iidem supra nominati (Calvinum excipio) & inter recentiores J. Arm. in Epist. ad Hippolytum à Collibus, & in articulis perpendendis tit. de Justif. &c. Petrus Bertius cum adhuc Leidæ Theologiam profiteretur in Epist. discept. de Justif. cum Sibrando, alique fidem quidem vivam semper intelligentes: Sed Protestantes communiter utrumque hodie negant & quidem recte. Fides enim etiam proprie & non Metonymice pro Christi justitia fide apprehensa accepta; (quicquid contra multi Rigidiores Protestantes cavillentur) nobis imputatur ad justitiam illam obtinendam qua proprie ac formaliter coram Deo justificamur, vel pro ipsa nimirum consequenda, hoc enim sæpe Scriptura testatur *Gen. 15. Rom. 4. &c.* Sed fides nec est neque uspiam dicitur esse illa ipsa justitia proprie dicta, &c. Sed justitia dicitur esse ex fide & per fidem, &c. Quod si etiam cum Romanensibus libet sic explicare quod in Scriptura dicitur, fidem in justitiam imputari vel reputari quia fides vera justitia est (Dei enim reputatio vel exultatio semper cum veritate conjuncta est) saltem secundum inchoationem. Nam ejusmodi fides à peccatore per Dei gratiam concepta initium est justitiæ & renovationis ejus & quidem tale quod ipsam justitiam apprehendat & ex quo velut semine tota justitia progerminet, ut loquitur Estius in *cap. 4. Rom. 4.* Fides tamen quocunque explicetur modo, illius imputatio ad justitiam proprie loquendo nec est nec habetur pro perfecta illa justitia qua proprie & formaliter coram Deo justi sumus. Et in hoc communiter Protestantes & Romanenses conveniunt ita ut Bellarm. tota illa disputatione *lib. 2. cap. 4.* fidem non esse integram formalem causam justificationis nostræ superfedere potuerit.

3. De sententia A. Osiandri & peregrinis atque absurdis loquendi formulis ab illo usurpatis, quum Protestantes omnes non minus quam Romanenses rejiciant, nihil est necesse dicere.

4. Ad justificationis nostræ formalem rationem spectare remissionem peccatorum quum fateantur omnes utriusque partis, differamus nunc de imputatione justitiæ Christi, & an illa etiam formaliter justificemur.

5. Iustitia Christi nobis imputata consistit non tam in habituali illa justitia qua sanctissima Christi anima à primo suæ conceptionis instanti donata fuit & consors divinæ naturæ facta, quam in justitia ejus actuali, quam in tota hac vita mortali & agendo & patiando operatus est, quæque alterius effectus fuit. Habituali quidem sua justitia nobis justificationem etiam meruit Christus. Talis enim nos decebat Pontifex sanctus, innocens, impollutus, à peccatoribus segregatus Heb. 7. 26. sed actualis illius justitiæ specialior quædam fuit merendi ratio ac proinde scripturæ in justificationis nostræ doctrina de illa præsertim loquuntur.

6. Meruit nobis Christus per omnia quæ in terris egit aut passus est, infinitè enim Deo Patri placuerunt omnia, & immensi atque inexhausti meriti fuere propter unionem hypostaticam personæ divinæ. Humana enim opera divinè operabatur ut docet Dion. de divinis nominibus, & Damasc. lib. 3. de Orthod. fide. Inter omnes tamen Christi actiones & passiones pro nobis susceptas ejus mors & passio eam proximè antecedens nobis maximè & potissimè justificationem meruit. In ea enim singulariter enicuit obedientia Christi erga patrem & dilectio erga humanum genus & tota illius obedientia consummata fuit ut præclare docet Apóst. ad Phil. 2. Hoc infinita Scripturæ & Patrum loca testantur, in hoc etiam omnes Protestantes & Romanenses consentiunt, sed de merito obedientiæ vitæ nonnulla est inter ipsos Protestantes controversia, qua de re, quid vere sentiendum sit, non est omninò ab instituto nostro alienum paucis differere & explicare.

7. Affirmant nonnulli Protestantes Christum nullo modo obedientiâ activa, sive vitæ, ut ipsi loqui malunt, sed sola passiva, sive mortis, nobis justificationem meruisse. Sed errorem errant crassissimum, Nova enim est hæc sententia, ac in Ecclesiam primum invec̃ta a quodam M. Georgio Kangio Pastore Onoldino, ann. 1570. teste Mentzero disp. Theol. Ciess. tom. 3. pag. 451. & Joanne Gerrardo loc. com. tom. 3. de Justiff. pag. 1010. &c. Quam tamen ille rectius a viris piis & eruditis edoctus revocavit. Eadem tamen postea à Zach. Ursino & J. Piscatore Theologo Herbornensi imprimis quasi non plus satis

satis esset hæcenus rixarum in Ecclesia denuo excitata & animosè inò pertinaciter defensa fuit. Hos complures postea sequuti sunt. Eandem etiam sententiam defendit Charolus Molinæus Annot. in 51. partem Harmoniæ. Vide Fr. Fenard. dialogo 4. Cornelium Schultingium contra Instit. Calvin. Tom. 3. pag. 482.

8. Sed sententia hæc adversatur primò S. literis quæ non sola Christi morte sed integra ejusdem vitæ simul & mortis obedientia salutem & justitiam nobis etiam per modum meriti comparatam esse compluribus locis clarè testantur. Is. 9. 6. Lucæ 2. 11. Matth. 3. 15. 2 ad Cor. 8. 9. Gal. 4. 4. 5. imprimis Rom, 5. 18. 19. & Phil. 2. 5. & seq.

9 Secundo pugnat cum communi & perpetuo Patrum consensu. Just. Martyr in Expositione Fidei pag 299. edit. Corumel. Iræneus lib. 5. adversus hæres. cap. 14. juxta Galasii distinctionem, & cap. 15. & cap. 18. Ambros. in 2 ad Cor. 4. & in 1 Cor. cap. 15. Chrysost. in Episc. ad Rom. cap. 5. hom. 10. Cyrillus lib. 11. in Joh. cap. 25. & lib. 12. in Joh. 16. & lib. de recta fide ad Reginas. Primasius in cap. 11. Rom. lib. 1. epist. 70. ad Juvenalem episc. Hierosolym. Damasc. lib. 3. de Orthod. fide cap. 24. Ansel. sive potius Hertæus in cap. 4. Gal. & in libello meditationum. Bern. Serm. 1. de Circumcisione, & Serm. 3. de eadem. In Serm. de verbis Domini pag. 25. Quis ascendet ad montem, &c. & Serm. ad milites Templi, &c. verba ipsa Patrum brevitatis studio omitto: legantur apud authores ipsos.

10 Repugnat tertio unanimi omnium Romanensium sententiæ, hac in re minimè contemnendæ; ut quæ cum Scriptura & Patribus maximè consentiat, Gravissimam enim injuriam facit Romanensibus Barth. Battus, Theol. Luther. lib. 1. de Justif. cap. 8. contra Bel. &c. Illis etiam hanc novam sententiam adscribens ingenuè id confitente I. Gerhardo ipsius Gregali, tom. 3. de Justif. pag. 1011. licet Batti nomen suppressat. Concilium enim Tridentinum Sess. 6. cap. 7. Christum non Simpliciter passione sua, sed sanctissima sua passione, nobis justificationem meruisse dicit: sicut ipse Battus idem agnoscere cogitur. Bellarmi. quidem lib. 1. de Justif. cap. 2. solius passionis Christi in assignanda meritoria Justificationis causa; meminit etiam lib. 2. cap. 5. affirmat (Sect. At longè &c.) nihil frequentius omnem Scripturam testari, quam Christi passionem & mortem plenam atque perfectam satisfactionem fuisse

fuisse pro peccatis ; excludit tamen non sanctitatem vitæ Christi, sed justitiam illam, qua Christus non ut homo, sed ut Deus essentialiter justus est : quemadmodum A. Osiander (contra quem ibidem disputat Bellarminus) contendebat ; & justitiæ mortis Christi tantum meminit, qua scilicet in passione & morte Christi, meriti justificationis nostræ complementum & consummatio fuit. Alioqui idem lib. 5. de Christo Med. cap. 9. initio cap. diserte scribit, Christum operibus ac laboribus suis, non solum nobis omnibus gratiam & gloriam acquisivisse, sed etiam, &c. Vide præter alios ——— Rom. Greg. de Valent. lib. 1. de Christo Redemptore cap. 3. ubi prolixè hac de re differit, Ruardum Tapperum art. 3. de Justif. pag. 26. Th. Staplet. de Justif. lib. 7. cap. 5. & 6. Colterum in Enchirid. pag. 296. &c. Male igitur etiam Amandus Polanus Symphonix suæ Cath. thesin. 10. cap. 12. de Justif. inscripsit (Contra Papanos) qua justitiam illam Christi, quæ nobis imputatur, affirmat esse satisfactionem ejus, qua legem totam implevit, obedientiam nobis præceptam perfectissime præstando & mortem nobis comminatum sustinendo, quamque etiam satis diligenter confirmat consensu Patrum. Sed cum Romanenses non negent, inscribenda fuit (contra Piscatorem ejusque sequaces.)

11. Pugnat quarto cum constanti omnium Lutheranorum sententia ; quorum permulti diversis tractatibus & disputationibus in publicum editis, hanc sententiam refutarunt.

12. Repugnat quinto & ultimo communiori sententiæ etiam eorum Protestantium, qui vulgo Calvinistæ dicuntur, ut ex variis illorum scriptis abunde constat, quæ adeat curiosus lector. Unde Pastores Callicani in Syn. * Ap- * *Vel Cap-*
pinensi congregati an, 1603. Piscatorem per literas, *pinensi.*
quæ publice extant, admonuerunt ; ut dogma hoc non probum atque Evangelio contrarium publice retractaret ; nec in posterum animos studiosorum misere eodem imbueret ; aut infirmis scandalorum, Collegis dissensionum & Pontificiis insultandi occasionem præberet, &c. Hugo Grotius, vir Antiquitatis peritissimus (ut merito Remonstrantes in nupera sua Apologia illum laudant, pag. 230. facie altera) in eruditissima sua defensione fidei Catholicæ de satisfactione Christi contra Socinum cap. 6. pag. 107. *Quamquam vero hætenus, inquit, ostendimus Christi pena Deo satisfactum, negare tamen nolumus vim satisfactionis esse etiam in ipsa Christi actione, &c.*

Et

Et pag. 108. (nota contra errorem Roberti Rolloci lib. de vocatione cap. 4. pag. 43, 44. aliorumque.) Sicut opera temporaliter bona valent ad temporalem impunitatem, ita Christi opus perfecte & spiritualiter bonum ad liberationem à pœna æterna valuit. Quo illud spectat, Per obedientiam unius, justi constituuntur multi, i. e. justificantur, habentur quasi infantes. Rom. 5. vers. 19. &c. & rursus, Quod vero de satisfactione jam diximas, eam primo quidem pœnæ, deinde vero ipsi etiam actioni obsequiosa tribui; idem de placatione Dei, de Redemptione nostra & de expiatione intelligi debet, &c. Et Gerh. J. Vossius vir doctissimus & in antiquitate veratissimus in docta sua præfatione libro nunc laudato præfixa, non procul ab initio hæc habet: Beneficia ejus (Christi) partim in iis consistunt, quæ vita & morte acquisivit nobis, &c. & rursus, Nam actiones & perpeffiones Christi minores æstimet necesse est quisquis illum non quatenus est, agnoscit, &c. Extat epistola quædam D. Parei ad Illustrem Comitem, &c. annexa Explic. Catech. &c. Edit. 1621. qua suam sententiam exponit de justitia Christi activa & passiva, & in quibus ab utraque litigantium parte, peccetur: Denique qua ratione controversia hæc conciliari poterit. Sed multa in ea inveniuntur, in quibus ipsemet haud leviter peccat; In quibus, ut cætera mittam, præcipuum est illud; quod habituales & actuales humanitatis Christi conformitatem cum lege, pro justitia personæ Christi, more suo, tantum habet; & non pro justitia meriti Christi. Neque unquam viris doctis satisfaciet ista ab eo proposita conciliationis ratio, cum manifesta veritatis injuria conjuncta.

13. Errant tamen, ut alios errores brevitatis studio non attingam, omnes illi Protestantæ, qui hanc novam & singularem sententiam impugnantæ, affirmant peccatum originis nobis remitti propter Sanctam CHRISTI conceptionem; peccata omissionis propter Sanctam CHRISTI vitam; Peccata denique Commissionis propter sanctissimam illius passionem; aut obedientiam CHRISTI activam & passivam ratione meriti: ita distinguunt, ut hæc nobis liberationem à morte æterna, illa vero vitam æternam promeruerit. CHRISTI enim justitia, in justitia & salute nobis promorenda, non ita est in partes vel frustra distrahenda vel discerpenda; CHRISTUS enim integra sua obedientia habituali & actuali, vitæ & mortis, non

non solum omnia nostra peccata, quæcunque illa sint expiavit, & mala in quæ per peccatum incideramus abstulit, sed & bona quæ amiseramus, imò illis longè præstantiora acquisivit: ut plurima scripturæ loca testantur: Math. 20. } 28. John 1. 29. Tit. 2. 14. Gal. 3. 13. & 14. Heb. 2. vers. 9. & 10. 1 Pet. 3. 18. &c. Nec activa illius justitia à passiva; vel hæc ab illa, ratione meriti, sic distinguenda est: neutra enim sine altera meritoria fuit; utraque autem à personæ Christi agentis & patientis infinita dignitate valorem ac pondus habuit. Sed. paucis sic ostensa justitia illa Christi, qua justitiam & salutem nobis promeruit, quæque nobis imputatur, in disquisitione cœpta, pergamus ad sequentia.

14. Quibusdam Theologis in concilio Tridentino nimium superstitiosis, vel etiam contentiosis, vocabulum *Imputationis* (justitiæ Christi scilicet) ita invisum, aut saltem suspectum erat (sicut testatur historia illius Concilii lib. 2. pag. 219. 220. edit. lat. & de Dom. à Soto ex illius scriptis constat) ut sublatum cuperent: quia scilicet, Protestantibus adeo esset familiare: cum tamen nec in scriptura, nec in patribus unquam usurpetur; & propter consuetudinem quæ Protestantibus inde eliciunt. Certè nusquam in Scriptura diserte legimus, Christi justitiam nobis ad justitiam imputari: legimus quidem in Scriptura, fidem nobis imputari ad justitiam; propter Christi justitiam Deum non imputare nobis peccata nostra; & imputari nobis justitiam Rom. 4. 6, 11. Nusquam tamen Scriptura expressè dicit; Deum nobis imputare ad justitiam, Christi justitiam. Sententia tamen ipsa rectè intellecta passim in S. literis traditur, justitiam enim, h. e. obedientiam Christi nobis imputari, i. e. quoad effectum vel fructum, scilicet remissionem peccatorum, Justitiam inhærentem, & acceptationem ad vitam æternam, nobis communicari, attribui, ac donari, toties reipsa in Scriptura dicitur, quoties expressè asseritur Christi, vel obedientiæ vel morte, justitiam & salutem nobis comparatam, vel nos à peccatis redemptos ac Deo reconciliatos: quod Scriptura passim docet: vel quoties docetur, Christum à Deo factum esse nobis justitiam. 1 Cor. 1. vel pro nobis factum esse peccatum, ut nos in ipso afficeremur Dei justitia, 2 Cor. 5. vel ejus justitia & obedientia nos coram Deo justos constitui, Rom. 5. Similiter in Patribus, communicationis, participationis, donationis, diffusionis, derivationis, applicationis, copulationis & conjunctionis vocabula sæpè leguntur:

ut constet, & confitentur illi ipsi, quibus imputationis vox maximè displicet; cum tamen hac voce nil aliud præcisè quam illis aliis significetur. Quocirca cum de re ipsa satis constet, frustra de verbis litigatur. Quinimò & imputationis vox in Bernardo legitur epist. 190. ad Innocent. Papam: *Si unus pro omnibus mortuus est, ergo omnes mortui sunt, ut videlicet satisfactio unius omnibus Imputetur; sicut omnium peccata unus ille portavit.* Lege quæso diligenter totam illam epistolam. & Serm. ad milites Templi cap. 11. *Mors in Christi morte fugatur, & Christi nobis justitia imputatur &c.* Hoc idem concedunt plurimi Romanenses. A. Vega de Justif. lib. 15. cap. 2. Bellarm. etiam confitetur rectè dici Christi justitiam & merita nobis imputari, cum nobis donentur ac applicentur; ac si nos ipsi Deo Satisfecissemus: sed non ita ut per Christi justitiam formaliter justi nominemur & simus, de Justif. l. 2. c. 7. Sect. (Quarto refellitur) cap. 10 Sect. (Deinde) & ibidem Resp. ad tertium argumentum & cap. 11. circa finem Sect. (Potest tamen. Suarez de Gratia lib. 7. cap. 7. n. 29. Ruardus Tapperus, art. 8. de Justif. pag. 25, 26, 27. Vasques. in primam 2. Tom. 2. disp. 202. cap. 6. n. 45. Staplt. de Justif. lib. 7. cap. 9. Costerus in Enchirid. pag. 292. A. 93. aliique complures. Et multis ante Bernardum sæculis Athanasius adversus eos, qui damno afficiunt genus nostrum, eo quod negant Servatorem ex natura nostra sumpsisse primitias. Tom. 2. edit. Conmelini pag. 270. affirmat, nostrum esse credere sacris scripturis &c. impletionem legis à primitiis (i. e. Christo) factam toti massæ ascribere seu imputare nam in Græco est *λογίζεσθαι*, verbum quod Apostolus ad Rom. 4. usurpat, &c. vid. loc.

15. Christi justitiam seu obediendam, quatenus per fidem nobis applicatur & imputatur, esse causam Justificationis nostræ formalem, qua coram Deo justifimus & pronunciamur, dicunt multi Protestantes: formæ voce non propriè accepta pro causa interna, quæ subjectum constituit & denominat, vel informantem; omnis enim istiusmodi forma intrinseca & inhærens est; sed latè & impropriè, pro qualibet causa, quæ definitionem rei constituit, & dat esse rei, cujus est forma; quaque remota, res amplius non consistit; sive illa inhæreat, sive assistat, sive quomodocunque per relationem subjecto applicetur aut uniatur. Hanc sententiam Romanenses hodie erroris stulti imò impij damnant: & justitiam Imputatam vocant Putativam, Fictivam, Imaginariam

nariam & fantasticam, spectrum cerebri Lutherani, amen-
tissimam insaniam, Et quid non? Imo Patres Tridentini eo
usque processerunt, ut sic sentientes anathemate percutere
haud sint veriti: Sess. 6. Can. 10. *Si quis dixerit, homines
sine Christi justitia, per quam nobis meruit, justificari, aut per
eam ipsam formaliter justos esse, Anathema sit*: Ubi primo,
quam inique & odiose copulantur, & pariter Anathemate
damnantur, qui dicunt nos sine Christi justitia justificari &
qui per eam ipsam formaliter nos justos esse affirmant? Se-
cundo, quam otiose (ne quid gravius dicam) & præter
omnium Veterum Conciliorum morem, terminus (forma-
liter) non è sacris literis nec ex patrum scriptis; sed ex so-
lis scholarum distinctionibus petitus, quique etiam diversimo-
de accipi potest, conciliari Canonì inseritur? Et qui forma-
litem hanc asserit, anathemati subjicitur? Certe nec ii
Protestantes qui per ipsam Christi justitiam imputatam, &
fide viva apprehensam, nos formaliter justificari dicunt (vo-
ce Formæ (ut dictum) latius accepta) Inherentem justi-
tiam negant; aut nos formaliter ea (voce (Formæ) pro-
prie accepta) justos denominari ac esse asserunt. Sed hoc
est quod contendunt, Nos non per inhærentem justitiam,
propter suam imperfectionem, coram divino tribunali justi-
ficari; sed tantum per perfectissimam Christi obedientiam,
&c. Qua de re infra videbimus. Unde quidam etiam rigi-
diores Protestantes, attendentes propriam vocis (Formæ)
acceptationem, negant nos per imputationem justitiæ Chri-
sti formaliter justificari; sed imputative seu relative tantum;
licet vere & realiter. Pareus de Justif. contra Bellarm. lib. 2.
cap. 7. pag. 469. *Nos, imputari nobis Christi justitiam, ut per
eam formaliter justì nominemur & simus, neque diximus unquam,
neque sentimus, ut aliquoties jam ostendimus: Id enim non mi-
nus sane cum recta ratione pugnaret, quam si reus in judicio ab-
solutus diceret, se clementia judicis donantis sibi vitam, forma-
liter justum esse, &c.* Joh. Prideaux, Theologus Oxoniensis,
in suis lectionibus Theologicis nuper emissis, Oxon. lect. 5. de
Justif. pag. 163. Ad verba Bellarm. lib. 2. de Justif. cap. 7.
sect. Quarto Refellitur, &c. Si justitiam seu merita Christi
solum vellent (Protestantes) nobis imputari, &c. respon-
dens, ita inquit, *At quis unquam è nostris, nos per justitiam
Christi imputatam formaliter justificari, asseruit? Imo quam-
plurimi Protestantes, ut neminem latet? Quinimmo ipsemet,*
licet

licet hic sui oblitus, paulo ante, hac eadem lectione, pag. 156. disertè asseruit formam justificationis nostræ, &c. esse tam activæ quam passivæ obedientiæ Christi imputationem (sed hoc est quod dixi, æquivocatione vocis (formæ) luditur, &c.)

“Annon formam quamlibet inhærentem, qua formaliter justi
 “denominemur, semper explosumus: sic ille. Sibrandus
 contra Vorstii errores, pag. 604, 605. &c. Chamierus de Ju-
 stif. lib. 21. cap. 20. n. 21.

15. Eandem propè sententiam cum hisce Protestantibus, quidam etiam Romanenses ante Concil. Tridentinum sequuti sunt, testibus Romanensibus ipsis, Bellarm. de Justif. lib. 2. cap. 1. Staplet. de Justif. l. 7. c. 9. & imprimis A. Vega de Justif. lib. 7. cap. 21. aliisque. Alb. Pighius strenuus alioqui & peracris Protestantium adversarius. Controvers. 2. de Fide & Justif. cujus verba omnia in hanc sententiam non libet hic adscribere, nam hac in re multus est. Postquam ibi fuscè ostendit neminem mortalium esse, quem si ad regulam divinæ justitiæ exigas, etiam illam imperfectionem, & nostræ fragilitati attemperatam, ad quam exigimur merito, &c. qui non etiam injustitiæ convincatur, quamvis justissimus sit inter homines: subdit divinam misericordiam nobis succurrisse per Christum, “in quo (inquit) justificamur coram
 “Deo, non in nobis; non nostra, sed illius justitia; quæ
 “nobis cum illo jam communicantibus, & ut postea loquitur,
 “ei insertis, conglutinat, & unitis, imputatur. Propriæ
 “justitiæ inopes extra nos in illo docemur justitiam quærere,
 &c. Et paulo post, “In Christi autem obedientia quod no-
 “stra collocatur justitia, inde est, quod nobis illi Incorporatis
 “ac si nostra esset, accepta ea fertur, ita ut ea ipsa etiam nos
 “justi habeamur. Atque hanc sententiam Pighius multis Scripturæ testimoniis, quæ à Protestantibus communiter adducuntur, confirmat; eandemque illustrat exemplo haud ineleganti benedictionis Jacobi Patriarchæ, quo Protestantes multum delectantur. Concludit denique in hunc modum,
 “dissimulare non possumus, hanc (scilicet de Justificatione)
 “vel primam doctrinæ Christianæ partem obscuratam quam
 “illustratam magis Scholasticis spinosis plerumque quæstio-
 “nibus & definitionibus; secundum quas nonnulli magno
 “supercilio primam in omnibus auctoritatem sibi arrogantes
 “& de omnibus facile pronunciantes, fortassis etiam nostram
 “hanc damnarent sententiam, qua propriam, & quæ ex suis
 E operibus

“ operibus esset, coram Deo justitiam derogamus omnibus
 “ Adæ filiis, & docuimus una Dei in Christo niti nos posse
 “ justitia, una illa justos esse; coram Deo, destitutos propria,
 “ nisi hoc ipsum adstruxissemus aliquanto diligentius. Hæc
 ille. Prolixitatis vitandæ studio, cætera quæ dicenda sunt in
 caput sequens rejicienda duxi.

C A P. III.

In quo fusius adhuc de Imputatione Justitiæ Christi tractatur.

1. **C**anonici Colon. in suo Antidid. cap. quo tractant de
 causis per quas justificamur, hæc habent de causa For-
 mali. “ Justificamur (inquiunt) à Deo justitia duplici, tan-
 “ quam per causas formales & essentielles. Quarum una &
 “ prior est consummata Christi justitia, non quidem quo-
 “ modo extra nos in ipso est, sed sicut & quando eadem nobis
 “ (dum tamen fide apprehenditur) ad justitiam imputatur.
 “ Hæc ipsa ita nobis imputata justitia Christi, præcipua est &
 “ summa justificationis nostræ causa, cui principaliter inniti
 “ & fidere debemus. Aliter vero justificamur formaliter per
 “ justitiam inhærentem, qua remissio peccatorum simul cum
 “ renovatione Sp. Sancti, & diffusionem charitatis in corda
 “ nostra, secundum mensuram fidei uniuscujusque, no-
 “ bis donatur, infunditur, & fit propria, &c. Hæc
 illi.

2. Inclinasse videntur in hanc sententiam, inquit Vega,
 Authores etiam libelli, à Carolo Quinto, Collocutoribus in
 Comitibus Ratisb. ad promovendam conciliationem oblatis
 ann. 1541. ut legere est apud Goldast. Constit. Imper. tom 2.
 pag. 186. cap. 5. de Justificatione hominis. Ubi inter cætera
 bona nobis communicata in justificatione nostra ponunt im-
 putationem justitiæ Christi, & fide eatenus dicunt nos justi-
 ficari, i. e. acceptari & reconciliari Deo, quatenus apprehendit
 misericordiam & justitiam, quæ nobis imputatur, propter
 Christum & ejus meritum, non propter dignitatem seu per-
 fectionem justitiæ, nobis in Christo communicatæ: & fi-
 delem animam aiunt non inniti Justitiæ sibi inhærenti,
 sed soli justitiæ Christi nobis donatæ; sine qua omnino nulla
 est,

est nec esse potest justitia, &c. “ licet enim non utantur hi
 “ (inquit Vega loco supra citato) verbo F O R M A L I -
 “ T E R , neque dicant justitiam Christi causam formalem
 “ nostræ justificationis, sicut Colomenses; tamen eandem
 “ cum illis videntur sequuti sententiam, quia præter justitiam
 “ inhærentem, alteram justitiam (nempe Christi) communi-
 “ cari nobis asseruerunt, qua præcipuè sumus iusti; cuique,
 soli, debeamus inniti.

3. Contarenius Cardinalis, vir doctrina & vitæ integritate
 insignis, qui Comitibus illis Ratisb. interfuit, in Tract. de Justif.
 ita inquit, “ Quoniam ad duplicem justitiam pervenimus per
 “ fidem, Justitiam inhærentem nobis & charitatem ac gratiam
 “ qua efficimur consortes divinæ naturæ, & justitiam Christi
 “ nobis donatam & imputatam, quoniam inserti sumus Chri-
 “ sto & induimus Christum; restat inquirere utranam de-
 “ beamus niti & existimare nos justificari coram Deo, i. e.
 “ sanctos & justos haberi. Ego prorsus existimo piè & Christi-
 “ anè dici, quod debemus niti, niti inquam tanquam re stabili,
 “ non quæ certò nos sustentat, justitia Christi nobis donata,
 “ non autem sanctitate, & gratia nobis inhærente. Hæc etenim
 “ nostra justitia est inchoata & imperfecta, quæ tueri nos
 “ non potest quin in multis offendamus, quin assidue pece-
 “ mus ac propterea indigeamus oratione qua quotidie peti-
 “ mus diuitti nobis debita nostra. Idcirco in conspectu Dei
 “ non possumus ob hanc justitiam nostram haberi iusti &
 “ boni, quemadmodum deceret filios Dei esse bonos & san-
 “ ctos. Sed justitia Christi nobis donata est vera & perfecta
 “ justitia, quæ omninò placet oculis Dei in qua nihil est quod
 “ Deum offendant, quod non summopere Deo placeat. Hæc
 “ ergò sola certa & stabili nobis nitendum est, & ob eam
 “ solam credere nos justificari coram Deo, i. e. justos haberi
 “ & dici, hæc ille.

4. Multò æquius & moderatius etiam post concilium Tri-
 dentinum de hac loquendi formula, tantopere à Patribus
 illius concilii damnata, quod scilicet Christi justitia nobis
 imputata iusti simus formaliter, pronunciavit Ru. Tapperus,
 quanquam & ipse de re ipsa diversum à Protestantibus sentiret
 art. 8. de Justif. pag. 27. “ Et si (inquit) in re ipsa esset con-
 “ sensio (i. e. si non excluderetur justitia inhærens) non esset
 “ multum de verbis sermonisque forma pugnandum; quæ ob
 “ varios tropos, quibus Scripturæ et etiam nos plerunque

“ utimur , permitti & dissimulari possit ; quod videlicet
 “ Christi justitia nobis imputata justī simus, formaliter, tam-
 “ etsi nostra justitia non sit justitiæ Christi participatio, nisi in
 “ genere causæ efficientis, &c. Et paulo post, “ Simili ita-
 “ que tropo & nos justī nominari possumus imputatione justī-
 “ tiæ Christi, sicut figurata est loquutio, quod Christus no-
 “ bis factus est sapientia , justitia, &c. 1 Cor. 1. Item
 “ quod enim, &c. pro nobis peccatum fecit, ut nos afficeremur
 “ justitia Dei in ipso 2 Cor. 5. Item Dominus justitia nostra,
 “ Jer. 23. super hac igitur sermonis forma & loquendi modo,
 “ non multum esset contendendum, si nobis concederent
 “ adversarii, quod propria justitia nobis inhæreat, sicut
 “ proprium ex Adamo contrahimus peccatum nos intrinsecè
 “ commaculans. Hæc ille.

5. Rectius tamen nonnulli alii Theologi Protestantes &
 Romanenses communiter, justitiam vel obedientiam Christi
 nobis imputatam seu applicatam, non causam formalem, sed
 causam meritoriam tantum & impulsivam, quam *αφοκαλυσ-
 τικὴν* nominant, Justificationis nostræ esse statuunt. Justitia
 enim Christi nos justificari, & ut causa formali, atque etiam ut
 meritoria ut asserunt ij, qui priorem tuentur sententiam, dici
 non potest; nequit enim fieri ut eadem res simul sit causa effi-
 ciens ad quam meritum reducitur, & formalis ejusdem effecti :
 quia sic simul & de essentia effecti foret & non foret ; cum
 causa formalis interna sit & *τὸ τὸ ὡς ἐστὶν*, efficiens autem
 externa tantum, uti constat.

6. Dico rectius statui, Justitiam Christi causam meritoriam
 non formalem justificationis nostræ ; quia præter id quod
 dictum est, illud primò universa clamat Scriptura ; hoc autem
 nulla omnino Scriptura clarè & necessariò evincit. Quod
 enim Jer. 23. 6. Christus nominatur, Dominus justitia nostra,
 (quem locum cum sequentibus, ut cæteri omnes Protestantes,
 qui hanc sententiam tuentur, vehementer urgent, ita nemo
 magis quam Episcopus Wintoniensis in concione quadam
 Anglicana, doctissima alioqui, de justificatione in Christi
 nomine super hunc locum) & in loco illi parallelo, 1 Cor. 1.
 30. dicitur factus nobis a Deo sapientia & justitia, &c. sensu
 causali & figurato non propriè intelligendum est : quia scilicet
 Christi merito veram justitiam & divinam sapientiam, san-
 ctificationem & redemptionem à Deo accipimus. Quomodo,
 Eph.

Eph. 2. 14. Christus pax nostra vocatur; quia pacem nobis suo merito conciliavit: sic locorum peristases diligenter excussæ cogunt, sic interpretes omnes doctiores suadent hæc dicta explicanda. Quod 2. Cor. 5. vers. ult. dicitur Deus Christum, qui non noverat peccatum, &c. hunc habet sensum, Deus Christum, &c. peccatum fecit pro nobis, i. e. hostiam seu sacrificium pro peccatis nostris: ut multi, cum Veteres, tum Recentiores, vocabulum peccati hoc loco ex variis veteris Scripturæ locis intelligunt; vel hominem morti, miseriis ac ærumnis variis obnoxium & per hæc peccatoribus similem, ut per peccatum similitudo peccati vel pœna peccati intelligatur; sicut alii: vel tertio, ut Chrysost. aliique Græci, Nostri causa tractavit eum tanquam ipsum peccatum, ipsum scelus, i. e. tanquam hominem insigniter sceleratum, ut in quo posuerit iniquitatem omnium nostrum Esaia 53. quando scilicet eum pro nobis morti crucis subjecit quo maledicto & ignominioso supplicii genere solent affici famosi latrones; ut nos per eum, Græcè, *ἐν αὐτῷ*, Hebraismus est pro *δι' αὐτοῦ*, sic etiam exponit Oecumenius, per ipsum, i. e. per Christi meritum efficeremur Justitia Dei, i. e. vere justii: ea nempe justitia, quæ à Deo nobis donata, & Deo probata, propter Christum sit: remissis scilicet peccatis nostris omnibus & nobis per Spiritum Christi sanctificatis. Consulantur Interpretes omnes doctiores, Veteres atque recentes, in locum; nos enim nunc commentarios non scribimus. Ita ut nil minus ex hoc loco intelligi possit, quam ab iis, qui hanc sententiam propugnant, hinc infertur; omnem scilicet nostram justitiam, qua coram Deo justificamur, externam esse, ipsam scilicet Christi justitiam, quæ nostra fiat, dum nobis illam gratuito deus imputat. Eodem (ut loquuntur illi) modo quo Christus peccatum, sive peccator factus est; non propter peccatum sibi inhærens, sed propter imputationem nostrorum peccatorum, &c. Nihil nunc dicam quam a vero alienum sit, quod hinc atque alibi passim ab illis affirmatur, Christum verè & realiter per imputationem coram Deo peccatorem habitum fuisse. Suscepit quidem Christus in se, sponte atque etiam ex patris mandato, debitum solvendæ pœnæ nostris peccatis debitæ (ex quo non peccator sed justus, imo justissimus, dici meruit) peccata tanquam

nostra eorumque reatum in se propriè non recepit. Longè enim aliud peccatum est, quam debitum solvendæ pœnæ, hic enim est effectus consequens, potestque quis debitum hoc pro alio velle solvere, quamvis illius peccatum in se propriè non recipiat. “ Peccatum non suscepit, inquit Augustinus de “ verbis Apost. serm. 14. sed pœnam peccati suscepit; susci- “ piendo sine culpa pœnam, & pœnam sanavit & culpam. Et contra Faustum, lib. 14. cap. 4. “ Suscepit Christus sine “ reatu supplicium nostrum, ut inde solveret reatum nostrum “ & finiret etiam supplicium nostrum, sic ille. Nam nec decuit, neque etiam fieri potuit, ut Christus veram injustitiam in se reciperet, sic enim minimè fuisset idoneus ad satisfaciendum Deo pro injustitia nostra. Sed de tota hac nova atque etiam falsa hujus loci expositione lege inter recentiores Protestantès doctiss. Bilsonum, Episcopum quondam Wintoniensem, in sua recognitione passionum Christi, &c. pag. 271. 272.

7 Neque etiam testimonia Patrum, quæ ad hanc sententiam firmandam vulgò citantur, hoc probant. Verba illa Aug. in Enchirid. ad Laurent. cap. 41. quæ clarissima illis videntur. “ (Ipse ergò peccatum, ut nos justitia; nec nostra, sed “ Dei sumus; nec in nobis, sed in ipso. Sicut ipse peccatum “ non suum sed nostrum; nec in se, sed in nobis constitutum, “ similitudine carnis peccati, in qua crucifixus est, demon- “ stravit, &c.) Sic sunt intelligenda, ut cuivis locum legenti clarissimè patet, Christum in quo peccatum non erat pro nobis peccatum fecit Deus. Cui reconciliandi sumus, inquit August. hoc est sacrificium pro peccatis per quod reconciliari valeremus: Ipse ergo peccatum, *i. e.* in similitudine carnis peccati, in qua venerat, sacrificatus est, ad diluenda peccata nostra, non sua; ut nos justitia, *i. e.* ut nos justì essemus, non nostra, *i. e.* non justitia nostris viribus parta, sed Dei, *i. e.* a Deo donata; nec in nobis, *i. e.* non ex nobis ipsis profecta, sed in ipso, *i. e.* ex ipso & per ipsum. Nihil enim magis alienum à mente S. Aug. fingi potest, quam justitia divinitus infusa? sed semper cum remissione peccatorum conjuncta, propter Christi meritum nos non justificari. Eodem modo intelligenda sunt omnia quæ hanc in rem ex Augustino citantur; ex tom. 10. Serm. 61. de verbis Domini sub finem. Ex Serm. 6. de verbis Apostoli ex tom. 8. in Psal. 30. conc. 2. & in Psal. 70. in enarratione primæ partis, sicut & verba Bernardi,

Bernardi Serm. 61. super Cantica. Domine memorabor justitiæ tuæ solius; ipsa est enim & mea &c. & epist. 190. ad Innoc. Papam, & in Serm. ad milites Templi conc. ij. & verba Justini Martyris in epist. ad Diogenetum. Quid enim aliud potuit peccata nostra tegere quam ejus justitia, &c. Hæc inquam omnia atque alia consimilia non sunt aliter intelligenda, quam de imputatione seu communicatione justitiæ Christi nobis per modum meriti; aut alia quacunque ratione à Theologis observata; non per modum causæ formalis justitiæ, seu justificationis nostræ; ut evidenter patet legentibus hæc aliaque Patrum dicta & Scripta.

8. Neque etiam ulla necessaria ratio ejusmodi imputationis justitiæ Christi afferri potest. Quicquid enim imperfectionis cum peccato conjunctum inest, vel in eise creditur in justitia nostra inhærente, vel habituali, vel actuali inde emanante (an enim omnis omninò imperfectio sive defectus & exiguitas justitiæ nostræ in hac vita verè & propriè peccatum sit infra dicetur) id totum gratis remittitur propter meritum justitiæ Christi nobis imputatum: ita ut præter remissionem peccatorum & justitiam inhærentem, quæ utraque effectus est satisfactionis & meriti Christi nobis imputati, haud quaquam opus sit ad formalem justificationis rationem constituendam nova illa imputationis justitiæ Christi ratione. Immo si per justitiam Christi imputatam justi haberemur & essemus, perindè ac si propria sit nostra intrinseca & formalis justitia, hæc incommoda indè sequi viderentur. Primo, ut urgent Romanenses, non minus justici censeri deberemus coram Deo quam ipse Christus. Hoc quidem discriminis intercedit, quod Christus a se & in se seu inhærenter justus sit, nos tantum precariò & imputativè, i. e. ab illo & in illo. Nihilominus tamen per Christi justitiam nobis sic imputatam verissima Dei æstimatione æquè justici censemur & sumus quam ipse Christus: quod Christianæ aures vix ferre possunt. Certè nec Scriptura, nec patres unquam aut usquam ita loquuntur. Secundo, omnes qui justificantur æquè justificantur, quia non diversa participatione justitiæ a Christo transfusæ justici sunt, sed sola imputatione unius & ejusdem justitiæ Christi quæ tota singulis æquè imputatur. Distinctio hic adhiberi solita ab iis, qui huic sententiæ favent, ad hoc incommodum vitandum inter justitiam justificationis & sanctificationis, non est satis solida, ut cap. seq. monstrabitur.

bitur. Denique hinc sequitur, justos in hoc seculo justiores esse quam in vita æterna futuri sint; quum hic omnes per ipsam Christi justitiam omnium longè perfectissimam sibi imputatam verè coram Deo justî habeantur & sint, illic singuli suam tantum habituri sint; quum nihil amplius loci ejusmodi Christi justitiæ imputationi futurum sit, propter perfectionem justitiæ inhærentis, quæ tamen ipsa Christi justitia multò erit inferior.

9, Denique illis Protestantibus qui formam justificationis, immò totam essentiam, in sola peccatorum remissione constituunt, (quod faciunt ex iis non pauci) hæc imputatio justitiæ Christi non per modum causæ meritorix tantum, sed & per modum causæ formalis, aut saltem quasi formalis (ut quibusdam loqui placet) non probatur. Calvinum in his cum Bellarm. de Justif. lib. 2. cap. 6. ipso capitis initio, & cum quibusdam etiam Protestantibus, vix numerare possum. licet enim aliquando Calvinus totam justitiam nostram in gratuita peccatorum remissione constituat, ut lib. 3. Institut. 2. Sect. 21. 22. & in Antid. Conc. Trid. ad sess. 6. & comment. ad Rom. 4. 5. & in Psal. 32. alibi tamen (ut Bellarm. ipse, de Justif. libro dicto cap. 1. Sect. (Joh. Calvinus) & cap. 2. Sect. (sed non minore fraude, &c.) fateri cogitur disertis verbis, justificationem in peccatorum remissione & justitiæ Christi imputatione positum esse, dicit. lib. Institut. jam dicto, cap. 11. Sect. 2. & rursus ibidem Sect. 3. Justificare nihil aliud est, &c. Locos hos Calvini in speciem pugnantes, aut certe valde ambiguos, qui illius dictis mordicus inhærent, ut Pareus, Chamierus, aliique, conciliare satagunt: an solidè satis, judicet candidus lector. Piscator Exegesi Aphorismorum doctrinæ Christianæ ex Calvinî institut. maximam partem excerptorum de Justif. aphorismo 14. pag. 305. affirmat, formam justificationis esse ipsam remissionem peccatorum, sive non imputationem, sive (quod idem valet) justitiæ imputationem; quod etiam pag. 306. ex pluribus Scripturæ locis probare nititur. & aphorismo 15. pag. 307. Christi justitiam seu obedientiam illam quam Patri præstitit, &c. pro causa tantum procatarctica seu meritoria habet. Vorstius Tesserard. Antipist. parte 2. pag. 32. "Atque hoc dñum sensu, inquit, "alienam justitiam nobis imputari docemus (Protestantes) "quatenus

" quatenus aliena, hoc est, Christi solius obedientia, tan-
 " quam causa meritoria, formalem nostram justitiam, *h. e.*
 " remissionem peccatorum per quam omni modo iusti coram
 " Deo constituimur, nobis comparatam esse affirmamus.
 " Interim justitiam Christi proprie dictam, *h. e.* obedien-
 " tiam ejus tum activam tum passivam; item sanctitatem
 " ejus nativam, &c. sic nobis imputari, ut ipsa nobis
 " subjectivè inhæreat, atque ita nos formaliter per eam iusti
 " constituamur: id neque nos asserimus, neque uspiam in S.
 " literis judicatum esse dicimus. Et rursus ibidem, pag. 49.
 " justitiæ Christi nomine, vel ipsam a Christo præstitam obe-
 " dientiam intelligimus, & tum obedientiam illam Christi non
 " quidem proprie in se & per se, sed effective tantum, sive
 " ratione fructus & effectus sui, nobis imputari, *h. e.* im-
 " partiri & communicari dicimus, vel per justitiam Chri-
 " sti, ipsam in abstracto, sive in genere acceptam justitiam,
 " ex gratia Dei nobis imputatam, sed tamen obedientia
 " Christi revera partam, intelligimus: & tum verbum impu-
 " tandi per verbum donandi, sive re ipsa attribuendi facile
 " patimur explicari: nam certe utrumque verissimum est:
 " ut fructum obedientiæ Christi reipsa nobis donari, ita
 " ut subjectivè nobis inhæreat, adeoque obedientiam ipsam
 " hoc sensu nobiscum communicari (prout jure spiritualis con-
 " jugii nostrum est quicquid Christus habet) & propter ean-
 " dem Christi obedientiam nos, quicumque in Christum cre-
 " dimus, justos a Deo reputari: sicut Rom. 3. 4. & 5. item
 " 1 Cor. 1. & 2 Cor. 5. & alibi videre licet. Interea fatemur,
 " longè tutius esse ipsas Scripturæ phrasas in hoc gravissimo
 " argumento præcise et simpliciter usurpare, quæ vel
 " justitiam nobis in genere (non in specie hujus vel illius
 " justitiam) imputari, vel, fidem ad justitiam nobis impu-
 " tari, dicunt; & utramque phrasin per remissionem sive
 " non imputationem peccatorum declarant. Vide & pag.
 " 114. &c. Idem etiam in suo Antibellarmino pag. 600. af-
 " firmat multorum Protestantium nomine, formam justifi-
 " cationis veram & propriam esse ipsam justitiæ imputatio-
 " nem; vel quod idem est, peccatorum remissionem: &
 " pluribus argumentis idem confirmare satagit. pag. 601. 602.
 " lege & pag. 607. 608. 611. Vide ejusdem Scholia Alexicaca
 " contra Sibrandum, pag. 207. 208. 210. 285. Remonstrantes
 " in responsione ad specimen calumniarum, &c. pag. 111. &c.

An obedientia Christi formaliter est nostra justitia? "Fate-
 "mur hoc à nonnullis dici, sed quomodo hoc consequenter
 "dici possit, non videmus. Nam si Christi obedientia for-
 "maliter est justitia nostra, quomodo fides nobis imputatur
 "in justitiam propter obedientiam, sive meritum Christi?
 "obedientiam enim Christi formaliter, propter obedientiam
 "Christi ut causam *πρὸς ἡμᾶς* nobis imputari, absur-
 "dum est, &c. videatur etiam Th. Mortonus Apell Protest. lib.
 5. cap. 11. Sect. 2. n. 4.

Sed ut Protestantes alios silentio transeamus, Archiep.
 Spalat. de Rep. Eccles. lib. 7. cap. 11. 217. Protestantium sen-
 tentiam, sive potius diversas super hac re exponens sententias,
 ita inquit. "Posteriores (Reformati scilicet) volunt justifica-
 "tionem nostram formalem esse obedientiam Christi, ejusque
 "justitiam nobis imputatam; sive in justificatione requiri
 "quidem hanc imputationem justitiæ Christi nobis sed for-
 "maliter, justificationem nostram esse ipsam peccatorum
 "remissionem per non imputationem, &c. Et paulo post.
 "An verò justitia illa, per quam post justificationem justifi-
 "catur, sit sola imputatio justitiæ Christi nobis, an verò sit
 "aliquid inhærens, quod Deus nos justificando in nobis
 "ponat, &c. an verò etiam justitia formaliter sit ipsa remis-
 "sio peccati, h. e. carentia illa injustitiæ, res est dispu-
 "tabilis, &c. Hæc ille plus æquo partibus dissentienti-
 bus placere studens. Atque hæc de imputatione justitiæ
 Christi.

CAP. IV.

*Quo disquiritur an Justitia Dei nobis infusa &
 inherens spectet ad Formalem justificationis
 rationem.*

1. **N**ON quæritur, quemadmodum rigidiores Prote-
 stantes arbitrantur, ac proinde de malè nec satis can-
 didè ab illis formato statu quæstionis, de formali justifi-
 cationis ratione graviter conqueruntur Romanenses. (Bel-
 larm. de Justif. lib. 2. cap. 2. Sect. (Est autem hoc loco, &c.)
 Staplet. Quæst. quodlib. de varia Protest. altutia, &c. pag.
 408. &c. aliique) Quid sit id propter quod Deus peccatorem
 justificet

justificet & in gratiam recipiat? An sit meritum Christi, an inchoata in nobis novitas? Nam si de causa meritoria justificationis nostræ quærat, quæ proprie designatur voce (propter) libenter concedunt Romanenses hanc solam, esse Christi meritum, neque quicquam nobis inhærens. Quod si de causa formali quæ proprie non voce (propter) sed (per) denotatur, i. e. quid illud sit per quod homo justificatur, affirmant Romanenses justificari hominem per justitiam sibi à Deo propter Christi merita donatam & inhærentem, & non per ipsum Christi meritum extrinsecus imputatum. Interim pluris se facere perfectissimum atque absolutissimum meritum Christi, quam renovationem nostram hic imperfectam & inchoatam profitentur, vide Bellarm. loco supra citato Sect. (Deinde, &c.) Quæ hic contra pro Chemnico, aliisque respondentur à Joh. Gerhardo, Luther. loc. Theol. Tom. 3. de Justif. per fidem pag. 1480. & seq. & Pareo ad lib. 2. Bellarm. de Justif. cap. 2. pag. 384. aliisque, &c. solida non sunt, nec statum quæstionis rectè propositum attingunt.

2. Patres Concil. Trid. Sess. 6. cap. 7. unicam formalem causam justificationis esse dicunt, Justitiam, videlicet Dei, nobis infusam & inhærentem. Videantur ipsa Concilii verba; dum primo dicunt, Justitiam Dei esse quæ nos justos facit, quæ videlicet ab eo donati renovamur spiritu mentis nostræ, &c. Et paulo infra id in hac impii justificatione fit, dum ejusdem sanctissimæ passionis merito, per S. S. charitas Dei diffunditur in cordibus eorum, qui justificantur, atque ipsis inhæret, &c. Idem tamen capitis ejusdem initio, hanc dispositionem inquirunt, justificatio ipsa consequitur, quæ non est sola remissio peccatorum, sed & sanctificatio & renovatio hominis interioris, &c. Et paulo infra. Unde in ipsa justificatione cum remissione peccatorum, hæc omnia simul infusa accipit homo per Christum, &c. Ex hac præcisa & peremptoria determinatione unicæ tantum formalis justificationis causæ, ex Scholarum altercationibus & contentionibus, quemadmodum ex ipsis terminis patet, nata et deprompta, non autem ex Scripturis vel Ecclesiæ veteris doctrina, neque etiam ea sibi satis constante, mirum quantum contentionis inter eos etiam quibus Concil. Trid. utramque facit paginam ad illius auctoritatem tuendam, exortum sit. Vasquez. 1. 2. parte 2. disp. 404. cap. 3. &c. acriter contendit, remissionem peccati
nihil

nihil prorsus in re esse, nisi infusionem justitiæ: tribuitque hanc opinionem aliis quibusdam Romanenſibus: vere ne an falso non laboramus; sed præcipue disputat. ex Concil. Trid. verbis de unica causa formali justificationis. Hanc sententiam Vasquis impugnant acerrimè multi alii Romanenſes & Protestantes omnes, vide Davenantium de Justitia habituali, cap. 28. pag. 353. &c. aliosque Bellarm. de justif. lib. 2. cap. 2. lect. (Quod si concilium, &c.) rectius agnoscit remissionem peccatorum esse aliquid reipsa distinctum ab infusione gratiæ, ac proinde concilium in eodem loco separatim utriusque meminisse: non quidem ut significaret, ut inquit ille, duplicem esse causam formalem justificationis, sed ut iudicaret, duos esse terminos ejus motus, qui dicitur justificatio, sive, duos effectus ejusdem causæ. Quæ glossa quam consentanea sit verbis Concilii Trid. judicet æquus lector. Si enim renovatio nostri per Sp. Sanctum est unica formalis causa justificationis, quemadmodum concilium disertissime loquitur, quomodo justificatio nostra, formaliter & essentialiter proculdubio, ab eodem concilio dicitur esse non solum peccatorum remissio, sed & renovatio? &c. Atque etiam a Bellarmino aliisque, remissio peccatorum esse renovationis nostræ, quæ causa formalis est justificationis, effectus? In eandem sententiam cum Bellarm. disputat Suarez. de gratia divina, lib. 7. de sanctificatione hominis, cap. 11. n. 24. ubi “Concedo (inquit) “intervenire in justificatione impij duos effectus gratiæ “quasi partiales, unum positivum, & alium privativum, seu “exclusivum peccati, &c. & n. 25. Neque hinc sequitur “dari plures causas formales justificationis, quia formalis “causa non est nisi positiva forma; Privatio enim formæ “contrariæ potius est effectus secundarius ejusdem causæ “formalis, ut in, &c. Quod si quis de nomine contendat, “vocando privationem frigoris, formam constituentem “lignum in non esse frigidum; eodem modo loqui potest “de carentia peccati, & tunc respondebit facile, concilium “fuisse loquutum de forma positiva, & de illa dixisse esse “unicam, &c. Hic fructus est Scholasticarum disputationum & determinationum maxime, ne quid gravius dicam, ambiguarum, in res fidei, ab illo nupero Concilio Triden. infœliciter inveſtarum. Sed omnes hi Theologi remissionem peccati cum ipsius deletionem seu abolitionem, quæ

quæ quidem effectus est, aut saltem nunquam sit ordinariè absque infusione gratiæ justificantis, semper confundunt; cum tamen, ut recte Fr. Sylvius a Bramo in 3. The. q. 86. art. 2. pag. 422. Conclus. 2. "Reatus pœnæ
 "proprie tollatur per remissionem peccati. Proprie enim
 "peccatum remittere est peccatorem liberare ab obligatione pœnæ luendæ, siquidem is peccatum remittit
 "qui illud condonat; condonat autem, qui pœnam
 "relaxat, & quam exigere poterat, non exigit. Scriptura vocat alio nomine, non imputare; scilicet ad pœnam
 "Psal. 32. Ad Rom. 4. 2 Cor. 5. Ac proinde peccati
 "remissio, non est proprie ipsius deletio vel abolitio, sed
 "pœnæ illi debitæ condonatio, peccati autem deletio,
 "est maculæ absterfio, quæ nunquam fit (si loquamur de
 "macula peccati mortalis) absque infusione gratiæ justificantis. Hæc ille. Rectius ergo alii dicunt, justificationem peccatoris duas res continere, diversas quidem illas inter se, verum insolubili societate conjunctas, remissionem peccatorum & donationem gratiæ & justitiæ Dei. Perer. in Genes. cap. 15. vers. 6. disp. 3. Croppe-
 rus in Enchirid. Colon de justif. pag. 132. Ant. Delphinus de salutari progressu lib. 5. duas appellat justificationis partes. Andrad. Orthod. explicationum, lib. 6. &c. alique multi.

3. Protestantes unanimi consensu fatentur inhærentis justitiæ seu sanctitatis infusionem, cum gratuita nostri justificatione necessario ac perpetuo conjunctam esse, quemadmodum nec ipsi Romanenses quando sobrie loquuntur, negare possunt: eam tamen esse justificationis nostræ partem aliquam, aut ad formam hujus essentialem pertinere, communiter non admittunt: sanctificationem esse & appellari volunt, quæ accuratè & necessario, ut inquiunt ipsi, à justificatione nostra, cum hujus tantum sit consequens, distinguenda est.

4. Dissentionem hanc, licet magni momenti esse videatur Theologis dissidentibus, præsertim rigidioribus Protestantibus, omnibus tamen recte & sine præjudicio expensis, fortè verbalem & notionalem magis quam realem esse comperiemus; immo sententiam rigidiorum Protestantium nec Scripturis nec Patribus, neque etiam recte rationi satis consentaneam videri.

5. Verba A. Vegæ quibus lib. 15. de Justif. cap. 5. circa finem, Calvinum super hac re sic affatur, observatu dignissima sunt. “Ac ne te amplius, inquit, super his urgeam, “illud tandem pacificè velim tecum perpenderes; Si semper “dum quis justificatur etiam secundum tuam sententiam san- “ctificatur quod peccatum est statuere aliquod verbum quo “explicemus utrumque, & generatim omnia beneficia quæ “illo momento peccatori à Deo fiunt? si aliquem docere veli- “mus, quid à Deo accipiat cum ei remittuntur peccata, aut “cum ad gratiam divinam admittitur, non patieris nos dicere, “velle illum docere beneficia quæ in sua justificatione assequa- “tur? Quo verbo commodius utamur ad complectenda illa “omnia una voce, quam hoc quod frequentissimum est in “Scriptura? & ab illis verbis etymologiam suam ducit, “quibus & absolutio a peccatis & reconciliatio cum Deo & “amicitia ipsius atque adoptio & exequutio operum justitiæ “designatur? &c. Quæ verba a nupero Scriptore Protestante Francisco White in sua Orthodoxæ fidei, &c. explicatione pag. 18. 19. recte, expendenda ad Ecclesiæ pacem concilian- dam hac in re, censentur.

6. Verbum Justificari (Hebr. *Tsadack Hilsdik*. Græc. *δικαιῶν δικαιῶσαι*) forensem, seu judicialem significationem in Scriptura sæpè habere, immo & in quibusdam D. Pauli locis, quæ de justificatione nostra loquuntur, libenter concedunt multi Romanenses: i. e. idem significare quod justum pronunciari seu declarari, &c. Marinarius Cazmelitanus in Concil. Trid. contra Dom. à Soto id urgit; ut legere est in Historia Concil. lib. 2. pag. 219. ex illo ad Rom. 8. ver. 33. 34. ubi voces judiciales, accusandi, & condemnandi oppositæ verbo justificandi evincunt hanc vocem ex usu forensi pro declaratione justitiæ sumendam esse. Joh. Pineda Jesuita in cap. 4. Jobi allato etiam hoc ipso loco Rom. 8. Vega lib. 5. de Justif. cap. 3. præter per multa alia loca adducto loco ex Rom. 6. vers. 7. Toletus in cap. 2. ad Rom. vers. 13. annot. 13. ait significationem hanc in Scriptura frequentissimam esse, ex sexcentis testimoniis probari posse. Et illud ad Rom. 8. 33. in illum locum, eadem in significatione justificandi verbum accipit propter oppositum condemnandi. Estius in 2 Rom. vers. 13. Pererius in eundem locum ubi & illud D. Pauli sæpius jam dictum ad Rom. 8. eodem modo intelligendum esse affirmat, Ru. Tapperus art. 8. de Justif. pag. 20. Bellarm. de Justif. lib. 1. cap.

cap. 1. & lib. 3. cap. 3. sectione (præterea quamvis, &c.) & c. 9. Sect. (Primum sumit, &c.) alique plurimi : ut frustra hoc contra illos probare satagant permulti Protestantes.

7. Sed & verbum (Justificari) quandoque etiam in Scriptura significare, Justitia imbuï, vel donari, non diffitentur per multi docti Protestantes ; contra aliorum rigidiorum id pertinaciter negantium sententiam Rom. 8. 38. Quos vocavit eos & justificavit, &c. ubi Rigidiores, Pareus in illum locum, alique multi sanctificationem, cujus nulla in aurea illa catena mentio fit, non in justificatione, sed in glorificatione includi absurde volunt. & ad Tit. 3. 7. censet Calv. ipse, fatente Pareo de Justif. lib. 2. cap. 3. p. 408. posse concedi sub justificatione regenerationem seu sanctificationem comprehendî ; licet addat nulla necessitate hoc fieri, &c. disertius Beza in cap. 3. ad Titum vers. 7. “ Justificationis nomen, “ inquit, largè accipio ita ut complectatur quicquid a Christo “ consequimur tum per imputationem, tum per Spiritum in “ nobis sanctificandis efficaciam, &c. Sic quoque accipitur “ justificandi verbum Rom. 8. 30. hæc ille. Idem in quæst. “ Sic interdum nomine justificationis intelligitur etiam san- “ ctificatio, quoniam hæc duo prorsus cohærent. Idem etiam contra Heshusium, pag. 330. fatetur justificationis nomine utrumque interdum intelligi. “ Licet (inquit communi errore “ abreptus) accurate distinguî debeant ista duo, sicut passim “ apud Apostolum distinguuntur. In Synopsi purioris Theo- logiæ, Ant. Thylius disp. de Justif. thesi 3. “ Neque tamen “ diffitemur propter summam & arctissimam connexionem, “ justificationem quoque sanctificationem ipsam, ut conse- “ quens, videri nonnunquam complecti, Rom. 8. 30. Tit. 3. 7. “ &c. ad Cor. 1. cap. 6. vers. 11. Et hæc quidam fuistis; sed abluti, sed sanctificati, sed justificati, estis, &c. Hier. Zanchius in cap. 2. ad Eph. vers. 4. loco de Justif. affirmat per justificationem ad sanctificationem unum idemque intelligi; thesi enim 13. verbum justificandi duplicem habere significa- tionem asserit ; primum significare aliquem à criminibus, &c. absolvere, justumque pronunciare, & verbo condemnandi opponi : atque hanc significationem plane forensensem esse. “ Altera (inquit) verbi significatio est, hominem ex iniusto “ justum fieri, sicut etiam sanctificari est, ex profano sanctum “ fieri ; qua significatione dixit Apostolus, (loco jam citato) Et hæc eratis quidem, &c. i. e. ex immundis mundi, ex pro- phanis

phanis sancti, ex injustis iusti facti estis per Sp. Sanctum
 propter Christum in quem creditis. Ad quam significatio-
 nem illud etiam Apocalyp. 22. spectat, Qui iustus est ju-
 stificetur adhuc, i. e. fiat reipsa ex iusto magis iustus,
 nempe sicut etiam ex injusto factus est iustus. Et juxta
 hanc significationem (inquit) Patres, atque imprimis August.
 verbum hoc interpretati sunt, &c. Hæc sunt duo certa
 huius verbi justificandi significata. Hæc ille. H. Bul-
 lingerus in eundem locum, 1 Cor. 6. &c. ita loquitur,
 Diversis verbis eandem rem significat Apostolus cum ait,
 Abluti, sanctificati, & justificati estis : Abluti vero dixit
 propter S. Baptisma, Sanctificati propter Sp. S. Justificati
 autem propter fidem justificantem, &c. Versu ultimo
 capitis 4. ad Rom. Qui traditus est propter delicta nostra, &
 suscitatus est propter justificationē nostrā justificationis nomi-
 ne intelligi posse, vitæ nostræ novitatem, quam Apostolus illo
 loco diserte a remissione peccatorum distinguit, Concedit P.
 Martyr in illum locū scribens, Propositis enim duabus inter-
 pretationis loci, admodum (ut inquit) verisimilibus, quarum
 prima hæc est, fidem mortis & resurrectionis cap. 10. justi-
 ficationem asserre : sed Paulum hæc disjunxisse, ut ele-
 ganter analogiam inter hæc ostenderet, &c. inquit, rursus
 quia justificatio in eo videtur declarari, quod incipimus
 novam vitam ; ideo ea ad Christi resurrectionem refertur ;
 quoniam ille tum visus est, cœlestem & fœlicem vitam
 inchoasse, &c. utra autem istarum expositionum verior
 sit, neque pugno, inquit, neque facile dixerim, &c.
 Deinde cum Christus dicitur excitatus a mortuis propter
 nostram justificationem, facile (inquit) videmus nos ab eo
 evocari ad novam vitam, &c. Hæc ille. Martinus Borræus
 in Genes. cap. 15. ad verba (Reddidit Abraham Deo, &c.)
 pag. 161. eundem explicans locum Apostoli Rom. 4. vers.
 ult. hæc habet verba ; utramque hanc (justificationis sci-
 licet) partem Apostolus his verbis expressit : Qui traditus
 est propter peccata nostra, &c. In morte igitur ejus spe-
 ctatur satisfactio pro peccato ; in resurrectione donum
 Spiritus Sancti, quo nostri justificatio ad vitam conficiatur,
 &c. Idem hæc verba immediate præmiserat, Duo in
 Christo cernuntur quæ ad justificationem nostri necessaria
 sunt : alterum mors est ; alterum excitatio ex mortuis, &c.
 morte ejus expiari mundi peccata oportuit, &c. Per exci-
 tationem

"tationem vero ex mortuis, Sp. S. tribuere eidem bonitati
 "dei placuit, per quem & Evangelio crederetur, & amissa
 "justitia primi Adam vitio, restitueretur. Deinde sequuntur
 "verba suprà citata utramque hanc partem, &c. Martinus
 Bucerus in eundem locum, Rom. 4. &c. scribens Obs. 4. sic
 inquit. "In peccatis nati cum simus, & nihil quam offendere
 "Deum valeamus ex nobis restitui non possumus, nisi sit, qui
 "& pro peccatis nostris satisfaciatur & deinde spiritu nos afflet
 "justitiæ; utrumque perficit Christus. In morte Christi,
 "peccata nostra sanguine ejus esse expiata semper cogitemus:
 "In resurrectione ejus, qua vitam inivit cœlestem, vivitque
 "jam Deo, &c. Agnoscamus nos ad novam & Deo placitam
 "vitam vocatos, camque eum ipsum collaturum, &c. Loco
 Apost. Rom. 5. v. 17. & 19. Si enim per unius delictum, &c.
 Justificari per Christum non esse solum pronunciari justos,
 sed etiam verè fieri & constitui justos, per donationem justitiæ
 inhærentis, affirmat idem M. Borræus loco super citato in
 Gen. pag. 162. "Atqui hic (inquit) quærat aliquis, quod-
 "nam sit illud donum justitiæ, quod ex capite Christo in
 "nos dimanat? &c. De hoc dono sic loquitur Apostolus;
 "Etenim si per unius delictum, &c. quibus verbis S. Paulus de-
 "clarat Adam secundi merito & beneficio multos justitiæ &
 "vitæ donum sumere, ut Adam primi culpa noxam & mor-
 "tem ejus posteri contraxissent. Hoc autem donum quid
 "aliud fuerit, quam Sp. Sancti donum, qui pariter justitiam
 "& vitam illis qui eo præditi sunt, asserat? &c. Et rursus in lib.
 3. Reg. cap 9. v. 4. pag. 681 hæc habet verba, "Utraque ergo
 "justitiæ ratio in justificatione continetur, & neutra ab altera
 "separatur: atque ita in definitione justificationis meritum
 "sanguinis Christi cum remissione delictorum atque cum do-
 "no spiritus sancti justificatoris & regeneratoris includitur.
 "De quo dono justitiæ Apostolus his verbis. Etenim si per
 unius delictum, &c. quæ lege apud Authorem, in hoc enim
 multus est Bucerus itidem in eundem locum, ad verba vers. 16.
 Non sicut per unum, &c. hæc habet; "Cum ex uno Adæ
 "peccato orbis perditus sit, gratia Christi non hoc solum
 "peccatum, & mortem quam intulit, abolevit, sed simul infi-
 "nita illa sustulit peccata, &c. inque plenam justificationem,
 "quotquot ex Christo sunt, adduxit: ut Deus jam illis
 "non solum & Adæ & sua ipsorum, &c. peccata
 "remiserit, sed spiritum simul donaverit, solidæ ac perfectæ
 "justitiæ

“ iustitiæ, qui conformes nos reddat imaginī primogeniti.
 “ *δικαιοσύνη* hic habetur, quod ut opponitur *ὑποχρῖσται*,
 “ ita propriè justificationem significat, qua Deus eos qui Chri-
 “ sti sunt, peccatis omnibus absolvit, &c. Et quia plenam ju-
 “ stificationem intelligit, absoluta quoque iustitiæ collatio in
 “ hac justificatione continetur : Nam ea tum demum consum-
 “ mabitur, quando cum peccato ultimus hostis, mors quoque
 “ fuerit abolita, & sancti omni fructu iustitiæ impleti.
 Et ad verba per J. Christum. “ Hoc quoque semper cogitemus
 “ (inquit) totum Christi beneficium huc pertinere, ut iusti-
 “ tiæ dono polleamus, rectè & ordine viventes omni virtute or-
 “ nati, *h. e.* ad imaginem Dei restituti. hac verba habentur
 “ observ. 3. &c. Videantur & hæc P. Martyris sic explicantis
 “ antithesin, quam facit ibi Apostolus inter Christum & Ada-
 “ mum in L. C. exc. Londini anno 1576. pag. 149. Sect. 4.)
 “ ubi probans peccatum Adæ non propagari tantum per imita-
 “ tionem, quemadmodum Pelagiani volebant, hæc habet ver-
 “ ba. “ Deinde hæc opinio confutatur ex eo, quod Paulus Anti-
 “ thesin facit inter Christum & Adamum : At Christi iustitia
 “ non tantum proponitur nobis imitanda : sed etiam ut qui
 “ credunt in eum, animo mutantur, spiritu corrigantur, &
 “ omnibus viribus emendentur : Quamobrem vicissim requi-
 “ ritur ad rationem *ἀντίθεσις*, ut præter malum exemplum
 “ quod Adamus exhibuit posteris, naturam etiam illorum de-
 “ pravaverit, utque Augustinus de peccatorum meritis & re-
 “ missione loquitur (lib. cap. 9. & 15.) tabe quadam tabifi-
 “ caverit, &c. Rursus pag. 178. “ Non agitur hic (Rom. 5.)
 “ de imitatione alieni peccati, aut persuasionē ad peccandum.
 “ Verum in eo jam est Apostolus, ut doceat ex quo, tanquam
 “ ex principio, peccatum per propagationem traductum fuerit
 “ in humanum genus. Atque hoc esse Apostoli consilium pro-
 “ bari potest, ex ea Antithesi quam facit inter Christum &
 “ primum Adamum. Non enim instauravit nos Dominus,
 “ aut nos justos effecit, tantum se proponendo exemplum ad
 “ imitandum, aut se exhibendo fidelissimum monitorem ; sed
 “ nos prorsus immutando & per Spiritum gratiamque instau-
 “ rando, &c. Hæc ille. Ut perperam rigidiores, Chamierus
 de Justif. lib. 21. cap. n. 4. Pareus de Justif. lib. 2. cap. 3.
 pag. 392. &c. alique (ipsius P. Martyris inconstantiam
 non excuso) neganti Apostolo hoc loco idem significare justos con-

constitui, quod Justificari, si justos constitui etiam de inhaerente justitia intelligamus; nam quum Apostolus utatur verbo futuro *ἵνα ἡμεῖς δικαιωθῶμεν* (justi constituentur) inde sequi putant, si illa duo idem valent neminem in praesens (verba paræi sunt) justificari per Christum. Deus bone! quam debilis & infirma est hæc ratiuncula? Nam & in hoc sæculo per Christi meritum, tum peccata remittuntur (quod illis est totum justificari nostrum) tum inchoatè justi constituimur (quæ revera est altera justificationis nostræ pars) & in vita futura, solennis nostræ absolutionis à peccatis sententia pronunciabitur, ac perfectè justi constituemur, & efficiemur. Apostolus igitur ut cum principium, tum culmen & fastigium operis significaret usus est verbo temporis non praesentis sed futuri. Immo Chamierus loco citato n. 5. affirmat nihil obstrare, quominus illud, per obedientiam Christi constituentur justi, sic intelligamus, ut sensus sit, erunt apud Deum justi non sue sed Christi justitiâ imputatâ: frustra igitur verbum illud *ἵνα ἡμεῖς δικαιωθῶμεν*, tam misere urgetur & vexatur à contrasentientibus, ad sanctificationem nostram in hac vita inchoatam, à justificationis beneficio vel ratione penitus excludendam. Piscat. in loc. putat Apostolum de Industria uti verbo futuri temporis, propter eos qui tum credituri erant, & etiamnum credituri sunt. Apostolus in ejusdem cap. 5. 9. & 10. utitur verbo futuri temporis *ὅτι ἡμεῖς*, (multo magis, justificati nunc sanguine ejus servabimur per) &c. (multo magis reconciliati, servabimur, &c. licet quotquot in Christum fide viva credunt, cum in hoc sæculo ex humana infirmitate delinquentes, ab ira Dei hostili & exterminante servantur, tum in futuro, ab omni omnino illius ira liberandi sint. Danielis 12. Qui justificaverint multos, &c. justificandi verbum non in significatione forensi usurpari, sed pro justos facere, D. Chamierus agnoscit de justis. lib. 21. cap. 5 n. 11. Ita enim inquit, “Ad illam inhaerentiae significationem, qui certò pertineat ego locum nullum observavi (fallitur tamen ut jam vidimus) unicum ex Daniel 12. Qui justificaverint multos, &c. & alterum ex 18. Eccles. qui Apochrypus est, Ne differo usque ad mortem justificari: Et tertium ex Apocal. Qui justus est justificetur adhuc; His exceptis audacter dico, non posse dari alium; Hæc ille. Sed nimis audax est hæc asseveratio. Ben. Aretius in Problem. Theol. loc. 24. de Justis. “Quarto loco

“ (inquit) significat justificare ad justitiam alios promovere
 “ docendo & instituendo Daniel, 12. ver. 3. Qui alios justifi-
 “ cant, hoc est, instituunt, doctrina & institutione efficiunt
 “ justos; & Apocal. 22. ver. 2. Qui justus est, justificetur
 “ adhuc, h.e. proficiat bene agendo, &c. De hoc Apocal. lo-
 co proximè citato nihil est necesse plura dicere: omnes enim
 serè etiam Rigidissimi, verbum Justificandi eo loci sensum
 forenssem non habere agnoscunt, sed profectum inhærentis ju-
 stitiæ significare, Alios locos ut illum Esaia 53. In scientia
 sua justificabit justus servus meus multos, & consimiles, bre-
 vitatis causa nunc non attingam. Audiatur confessio D. Cha-
 mieri quam ei vis veritatis extorsit Tom. 3. de Sanctificatione
 lib. 10. cap. 1. n. 6. “ Non sumus tam inepti vocabulorum æ-
 “ stimatores, ut nesciamus; aut tam importuni Sophistæ,
 “ ut nolimus justificationis, sanctificationisque voces permu-
 “ tati: immo Sanctos hac præcipue ratione scimus appellari,
 “ quod in Christo habeant remissionem peccatorum: Et le-
 “ ginus in Apocal. Qui justus est, justificetur adhuc, quod
 “ nisi de profectu inhærentis justitiæ nequeat intelligi; & aliis
 “ fortè locis non negamus promiscuè venire in usum: Apud
 “ Patres maxime, &c.

8. Immo quodcumque Scriptura facit mentionem de ju-
 stificatione impii coram Deo, ut loquitur B. Paulus & ex illo
 passum, præter alios S. August. Justificandi verbum necessa-
 riò significare non tantum justum pronunciare more forensi,
 sed & revera ac inhærenter justum facere ex eo patet, quod De-
 us aliter justificet impium quam terreni Judices. Ille enim
 cum justificat impium injustumque, pronunciat quidem illum,
 quod & hi faciunt, sed pronunciando justum, quia ejus judi-
 cium est secundum veritatem simul facit illum ex injusto reve-
 ra justum quod hi facere non possunt: Proinde homines qui
 justificant impios Deo sunt abominabiles, &c. Prov. 17. De-
 us autem quum impium justificat omni laudi dignissimus est.
 Respondent hic Rigidiores Protestantes, Deum quidem nos &
 justificare & justos facere, verum non eo justificare quo justos
 facit. Immo justificare prius, post justos facere, ut loquitur
 Chamierius de justis. lib. 21. cap. 5. n. 25. Eadem est & cæte-
 rorum mens. Sed viderint ne nimia ista imò inani subtilitate
 scripturis & patribus plane incognita pondus & dignitatem
 tanti divini beneficii & tantopere in scripturis celebrati, justi-
 ficationis scilicet impii minuant & elevent. Si enim ad justi-
 ficationis.

ificationis' impii formalem rationem omninò non spectat, ut ita loquar, Justi-factio, in peccatoris igitur justificatione quamvis justificatur, inquam, non tollitur peccati macula, sed eadem in illius anima adhuc inhæret, sicut ante justificationem : Atque sic non obstante justificationis beneficio manet sicut antea, injustus & peccator ; nihilque aliud tollitur quam reatus sive obligatio ad pœnam & offensa atque inimicitia Dei per non imputationem. Scripturæ tamen ut & Patres in justificatione peccatoris non solum peccata remitti, condonari, regi, non imputari, affirmant ; sed & tolli, deleri, mundari, ablui, purgari, longissimè a nobis removeri, &c. ut ex plurimis. S. Scripturæ locis constat : ita ut post justificationem nihil maculæ peccati mortalis & gravioris maneat in anima peccatoris, quod nunquam ordinariè sit absque infusione inhærentis gratiæ. Reatus pœnæ & offensa possunt quidem tolli sine infusione justitiæ, ut rectè Bellarm. de justis. lib. 2. cap. ult. Sect. (Reatus pœnæ, &c.) “ Nihil enim impedire videtur quo minus poterit Deus velle, non ordinare ad pœnam & condonare offensam & non habere pro inimico illum cui donum inhærentis justitiæ non concesserit, tamen sine ea ordinariè non tolluntur, &c. Immo probabile est, ut rectè Fr. Sylvius à Brama loco suprâ n. 2. citato, conclus. 3. Quod per absolutam dei potentiam poterit etiam macula tolli sine infusione gratiæ justificantis, quia status gratiæ & status peccati simpliciter loquendo sunt contraria mediata. Qui enim poneretur in puris naturalibus esset in statu medio & sicut potest Deus aliquem in illis creare, ita potest in iis non creatum in eis constituere. Si vero peccatum sic ab aliquo tolleretur is neque esset Deo amicus, vel gratus ad finem vitæ æternæ, neque inimicus, sed medius ; ipsaque macula non deleretur per contrarii positivi introductionem, sed per nudam abolitionem ; ut inquit ille, ordinariè tamen hæc semper simul junguntur, remissio peccatorum & gratiæ collatio qua peccati macula deletur, &c.

9. Quod dixi, per gratiam justificantem omnis peccati mortalis seu gravioris maculam omninò deleri, paucis, & quantum præsentis instituti ratio patitur paulò explicatius sic accipe : Licet habitualis concupiscentiæ seu somitis reatus baptismi vi plane solutus & sublatus sit, atque ipsa etiam viribus fracta & debilitata ; manent tamen adhuc etiam in justificatis, ejus quædam reliquiæ quæ in illis interdum sese exerunt, &

per se etiam moraliter malæ, vitiosæ, deoque odiosæ sunt quemadmodum confitentur ipsi Romanenses (licet admodum inconsideratè post tantam adhibitam curam. Patres Trid. sess. 5. can. 6. dixerint, (In renatis nihil odiùse Deum) Nihil id, candidè & dextrè accipiatur ; multo aliter quam multa quæ à Protestantibus incomodè quidem sed non mala mente dicta & scripta sunt ab illis accipiuntur) Non consentientibus tamen sed viriliter per Christi gratiam resistentibus nocere non valent, Nec coram gratioso Dei tribunali in peccatum imputantur (ut August. loquitur de nuptiis & concupiscentia, lib. 1. cap. 5. & cap. 26.) vel pro peccato amplius habentur. C. Vorstii (ut hoc obiter dicam) hac in quæstione, de qua partes tam contentiosè concertant, moderatio in suo Anti-Bell. in Tom. 4. pag. 538. Non est omnino improbanda. “ Si adversarii
“ (inquit) concesserint Concupiscentiam hanc quamvis etiam
“ am condonatam & per Sp. S. subactam, per se malam & vitiosam esse, (quod certè concedunt, ut ex omnibus illorum
“ scriptis constat) prout vicissim nostri concedunt eam in renatis
“ minimè dominari nec proinde damnationem iis inferre.
“ Atque hoc demum sensu peccati rationem non habere ; jam
“ certè præter inanem Logomachiam nihil fortasse hic
“ reliquum manebit, de quo deinceps operæ præmium sit litigare
“ nimia enim subtilitas in his talibus fugienda est. Hæc ille. vide Cassandri Consult. art. 2. Tit. de Concupiscentia, &c.
“ Manent etiam justificati adhuc obnoxii peccatis levioribus &
“ brevioribus sine quibus hæc vita non ducitur ; quorum tamen
“ venia Justus humiliter ea agnoscentibus & remitti sibi postulantibus
“ facile ex immensa Dei misericordia in Christo parata est : Nec per ea gratia Justificans perditur seu anittitur.
“ Omnis autem peccati mortalis sive gravioris, & exitiosi, ut loquuntur
“ Patres, non tantum reatus sed & macula per Justificationem tollitur.

10. Quod communiter affirmant Protestantes Rigidiores tanquam certum, Deum, licet non tempore, ordine tamen naturæ, prius peccatorem justificare, seu peccata illi remittere, quam justum facere, seu sanctificare ; viderint hic obsecro ne forte nimis audacter & temerè ordinem actionum divinarum in script. manifestè non revelatum definiant. In ipsis scholis multum hac de re certatur & adhuc sub iudice lis est. “ An
“ infusio gratiæ (inquit Stapl. de Justif. l. 5. c. 8.) ordine naturæ præcedat remissionem peccatorum ut : Tradit S. Th. 1. 2.

“q. 113. art. 8. &c. An contra ut alii acerrimè disputant ;
 “Quæstio est magis Scholastica quam hodie controversa, & de
 “qua nihil in alteram partem in Ecclesia vel olim vel nunc de-
 finitum est, &c. Th. Beza, alioquin satis rigidi, modestia hac
 in re probanda est. Is Contra Fl. Illyrici demonstrationes,
 &c. pag. 218. Sic scribit. “Si justificationem generaliter ac-
 “cipias, ut interdum usurpatur ab Apost. sanctificatio non
 “erit ejus effectus, sed pars aut species : sin vero pro justitiæ
 “tantum imputatæ dono, sive gratuita peccatorum remissio-
 “ne, tum sanctificatio alterum erit donum, quod prius illud
 “semper consequitur, quoniam quicumque gratis in Christo
 “justificatur, idem quoque ejus spiritu sanctificatur, &c. Ne-
 “que hic multum nobis contendendum est, utra ordine præce-
 “dat ; cum uno eodemque momento Christus, &c. nos
 “justificet, & nos suo spiritu sanctificare incipiat, &c. & pag.
 237. “Quum dixissem id quod res est, nempe dummodo
 “constaret oportere nos imprimis fieri ipsius Christi partici-
 “pes, ut in eo justificemur & sanctificemur, non esse magno-
 “pere laborandum utrum istorum duorum ordine præcedat ;
 “Illyricus Calvinum opponit, qui in Antidot. Concil. Tri-
 “dentini dicat ; simulatque Justificatur quispiam necessario,
 “innovationem quoque sequi : Atqui Calvinus istic Trid.
 “Concil. placita resellens quibus justificatio cum sanctificati-
 “onis dono confunditur, non de istorum duorum ordine sive
 “serie, sed connexionione disputat ; Ideoque dicit, si quis est
 “Justificatus, Innovationem quoque sequi, i. e. necessario con-
 “cludi, si quis est justificatus, necessario consequi ut dicatur
 “quoque sanctificatus. Obsecro vero, si dicam, si vivit quis-
 “piam sequitur ut sit anima præditus ? an inde recte conclude-
 “retur, quod anima præditum esse, faciam esse quiddam
 “vita posterius ? & pag. 238. circa finem. Simul nos & justifi-
 “ficari & renovari dico in Christo per fidem nobis & applica-
 to ; neque hæc an illa ordine antegrediatur, tantillum labo-
 “randum censeo, cum unam sine altera nunquam recipiamus,
 &c. Utinam hanc modestiam non rigidiores modo Pro-
 testantes, sed & alii plurimi Theologi utriusque partis, qui tot
 & tantas hodie in Ecclesia turbas excitant circa modum
 & ordinem divinarum operationum, religiose sequerentur.

II. Multis etiam aliis rationibus ex scriptura depromptis
 sanctificationem etiam, & non solam remissionem peccatorum,
 ad justificationem pertinere probari posset • ut, quod justifica-
 tione

tione non solum à pœnâ peccatis nostris debitâ liberamur, sed & gloriam æternam consequimur, Rom. 8. 30. Quos justificavit hos & glorificavit, &c. quod efficimur amici Dei, filii per adoptionem, dilecti, hæredes regni cœlestis, &c. ut scripturæ passim testantur. Quæ omnia sola remissione peccatorum absque gratia sanctificante non præstantur, neque etiam stante lege communi, præstari possunt. Has rationes aliasque etiam nonnullas vehementer urgent, Rom. nec ad illas contra sentientes (Pareus ad c. 6. lib. 2. Bell. de justif. Chamerus de justif. l. 21 c. 15. aliique) quicquam solidi respondent. Qua de re judicet lector æquus & harum rerum intelligens.

CAP. V.

Quo doctrina cap. precedente tradita uberius confirmatur.

1. **H**anc fuisse communem Patrum omnium, cum Græcorum tum Latinorum, sententiam, ex quamplurimis illorum dictis, Augustini imprimis, acerrimi gratiæ Christi propugnatoris, nemini in Veterum lectione versato obscurum esse potest. Certe si singula citare ac persequi quæ huic sententiæ firmandæ afferri possent, animus esset; non caput unum vel alterum, sed integrum fere volumen nobis contexendum foret. Sed res adeò certa & manifesta est ut dissentientes ipsimet id ultro concedant. Calv. Instit. lib. 3. cap. 2. Sect. 15. “ &c. ne Augustini quidem, inquit, (quem tamen aliis
“ fere omnibus alibi præfert.) sententia, vel saltem loquen-
“ di ratio, per omnia recipienda est. Tametsi enim egre-
“ giè hominem omni justitiæ laude spoliât, ac totam
“ Dei gratiæ transcribit: gratiam tamen ad sanctifica-
“ tionem refert, qua in vitæ novitatem per Spiritum re-
“ generamur. Hæc ille. Chemnicus in Exam. Concil. Trid. de justif. pag. 129. “ Patribus, licet plerumque
“ verbum (justificare) accipiant pro renovatione, qua
“ efficiuntur in nobis per Spiritum opera justitiæ, non
“ movemus litem, &c. & pag. 130. “ Et patres quidem
“ verbum

“verbum (justificare) in hac significatione (justum scilicet
 “faciendi) sæpe usurpare non ignoro; sed de proprietate lin-
 “guarum quæstio est, &c. Deus bone quid audio? adeone
 rudes & imperiti existimas, lector, fuere patres, clarissima
 Ecclesiæ Christi lumina, rerum & verborum in scripturis
 usurpatissimorum, & ad salutis negotium quam maxime spe-
 ctantium; ut ignorarent etiam propriam verbi (justificari)
 juxta mentem Spiritus Sancti in verbo loquentis vim & signi-
 ficatum? Et rursus: “Patres quidem licet plerumque sequan-
 “tur Analogiam Latinæ compositionis in verbo (justificare,
 “&c.) Bæxa in Apolog. pro justificatione ex sola fide pag. 291.
 “Fateor Patres interdum duo ista beneficia (justificationis
 “scilicet & sanctificationis) non tam accurate distinxisse,
 “quam oportuit: nempe quod ante Pelagianos hæc quæstio
 “de justitia ex operibus in Ecclesia non ageretur, &c. Sed
 audacissima, est hæc immo falsissima, assertio. Hæc enim quæ-
 stio de qua nunc agitur nunquam, nec ante nec post Pelagia-
 nos in Ecclesia, nota fuit, ante hoc postremum sæculum, quo
 tot lites antea incognitæ infelicitè natæ sunt. Zanchius in
 cap. 2. ad Ephes. v. 4. loco de justis. Thesi 13. “Et juxta
 “hanc significationem (Justum scilicet faciendi) Patres, at-
 “que imprimis Aug. verbum justificandi interpretati sunt:
 “Ut justificari illis nil aliud fuerit, quam ex injusto justum
 “fieri, per gratiam Dei, propter Christum. Legatur, præ-
 ter alia loca, Tom. 2. epist. 105. ad Sixtum, item Tom. 7. de
 Gratia Christi contra Pelag. & Cælest. l. 1. Item, de peccato-
 rum meritis & remissione l. 1. Item Tom. 3. de spiritu &
 Gratia cap. 28. &c. M. Bucerus in Colloq. altero Ratisb.
 p. 285. “Nos ultro diximus nos agnoscere & hunc (scil.
 “August.) & alios S. Patres, vocem & rem justificationis
 “ad hunc modum non uno in loco explicare, &c. videatur
 idem in Præfatis in Enarrationem Epist. Pauli ad Rom: cap.
 8. p. 12, 13 Pareus ad cap: 8. l. 2. de Justis: p. 477. re-
 spondens Bellarmino multa Patrum testimonia pro justitia
 Inhærente adferenti, inquit, “De hoc cum adversario
 “hic non litigabo. Fateor in Patrum libris, quos habemus,
 “nonnulla legi, quæ ejus sententiæ favere videantur, &c. Ubi
 inaniter & falso jactat multa etiam legi in Patribus quæ con-
 tra faciant. Chamierus de justis: l. 21. cap: 7. n. ult. “Con-
 “stat justificandi vocabulum alias usurpatum ad Etymolo-
 “giam Grammaticam, alias, ad usum illum forenses: August.

Sed

“ Sed & Veteres reliqui, aut sæpe aut etiam sæpius hæserunt
 “ grammaticæ ; eoque sensu usi sunt vocabulo, &c. Et
 eodem libro c. 19. n. 7. Idem agnoscit de sanctif. lib. 10. cap.
 1. n. 6. in fine. & proinde n. 7. “ Justificationem maluimus
 “ cum Paulo ad Rom. & ad Gal. priorem illam partem ap-
 “ pellare : alteram autem sanctificationem, &c. Quam-
 “ quam, si cui aliter sedeat animo, protestamur nolle λογισμα-
 χειν, &c. Supervacaneum est in re adeo manifesta plures no-
 minare.

2. Imò multi etiam doctissimi Protestantes hanc ipsam sen-
 tentiam sequuti sunt, aut saltem eam non omnino improba-
 runt. Lutherus ipse, qui primus sinceram de Justif. doctrinam
 è tenebris Pontif. eruisse à suis sectatoribus creditur, duas di-
 serte justificationis partes recenset, in psal. 51 tomio Jenensi
 quarto Latino p. 386. ut legere est in Actis Colloq. Aldeburg.
 Lipliæ excus. Anno 1570. pag. 241. & 374. Verba Lu-
 theri sunt. “ Hæ sunt duæ partes Justificationis; prior est gra-
 “ tia, per Christum revelata, quod per ipsum habeamus placæ-
 “ tum Deum, ut peccatum amplius non poterit nos accusare,
 “ sed conscientia, fiducia misericordiæ Dei, sic reducta in secu-
 “ ritatem : posterior est donatio Sp. S. cum donis suis illumi-
 “ nantis contra inquinamenta carnis & spiritus, &c.
 “ Hoc dictum Lutheri cum Theologi Electoris D. Au-
 gusti Ducis Saxoniae opponerent Colloquutoribus adversæ
 partis, dictum hi negare non potuerunt, neque etiam quic-
 quam ad illud solide respondere. Videantur Acta Loc. cit.
 Lutherus quidem hac in sententia ut & in multis aliis non
 diu perstitit, sed quod vis veritatis illi extorsit, dici-
 mus.

3. In Apologia Confess. August. cujus author fuit Melan-
 chton, sæpe legimus ; justificari fide in Script. non tan-
 tum significare Justos pronunciari, sed & ex injustis
 justos effici seu regenerari. pag. 43. 55. 57. 90. 91.
 92.

4. Joh. Brentius Magni inter suos nominis Theologus,
 cum Augustino Justificationis vocabulo in ipso Justif. negotio
 renovationem etiam intelligi semper sensit, atque etiam ea de
 re ad Ph. Melancht. scripsit: Responzionem Philippi admodum
 frigidam, una cum Appendice Lutheri hyperbolica lege in
 Phil. Consiliis Theolog. parte. 1. p. 245. 246. Idem Brentius

in Apol. Conf. Wirtembergensis de justif. pag. 287. sic scribit, citante Joh. Gerardo L. Th. tom. 3. cap. de Justif. per fidem. pag. 1529. “Cum homo credit in Christum, duplici ratione justificatur: Una, juxta alterum ac Hebræum significatum Justificationis, quod absolvitur à peccatis & consequitur remissionem peccatorum, ac imputatur ei justitia Christi, &c. Altera ratio est juxta alterum & Latinum significatum Justificationis, quod cum credimus in Christum, donamur Spiritu S. qui renovat nos & efficit in nobis opera Justitiæ, &c. Quæ justitia & obedientia, etsi sit in homine per Sp. S. tamen in hac vita non est perfecta, ideoque semper respiciendum est ad priorem illam justificationem, qua condonantur nobis peccata gratis per fidem propter Christum. Hæc omnia Brentius, “Quem absit, inquit Gerardus, ut propterea pontificii erroris de Justif. reum suspicari velimus, quod termino Justificationis in latiori significatione, Latinam vocis compositionem sequutus, utatur, &c. Et M. Chemnicus in Exam. &c. Loco de Justif. supra n. 1. citato, pag. scilicet 129. “Sæpè etiam a nostris (Brentinum aliosque etiam Lutheri sequaces intelligens) “monstratum est discrimen illud significationum verbi Justificare, “quomodo juxta analogiam fidei, & perpetuam script. sententiam rectè, piè & dextrè intelligi & admitti poterit illa etiam “significatio, si cum Patribus accipiatur, juxta morem Latinæ “compositionis, &c.

5. Joh. Spangenbergius in sua Margarita Theol. in qua se Melanchtonis doctrinam & verba potissimum sequi profiteatur, de Justif. pag. 19. diserte affirmat, Justificationem tria membra complecti; Remissionem peccatorum, acceptationem ad vitam æternam, & donationem Spiritus Sancti.

6. Joh. Æpinus Ecclesiastes Hamburgensis, & magnæ apud suos auctoritatis Justif. definit remissione peccatorum, & regeneratione seu sanctificatione, citante G. Cassandro Consult. art 4. de Justif.

7. M. Bucerus in præfatis in Enarrationem epist. Pauli ad Rom. cap. 8. pag. 12. “Nunquam ita Justificandi verbo utitur D. Paulus, quin eo non minus hanc veræ Justitiæ communicationem, quam principium illud, & caput totius salutis, peccatorum condonationem dicere videatur. Cap. 3. ad Rom. cum manifestatam dixisset tempore revelati Evangelii justitiam

justitiam, *h. e.* in vita credentium, tam plane exhibitam, ut mundus jam agnosceret, hos solos justitiæ veræ compotes esse : cumque secundo dixisset Christum venisse, ut orbi *ἐνδείξιν*, *i. e.* certam omnibus divinæ justitiæ ostensionem inferret, subiecit : ut sit ipse justus, & justificans ex fide J. Christi. Hic indubie verbo justificandi eam justitiam Christo simul complexus est, quam Deus Spiritu suo in credentibus operatur, ac vult testimonium esse ejus, quod his peccata jam remittit, interque eos habet, quos decrevit justificare, *i. e.* habere inter justos, non tantum condonando illis quod peccarint, sed etiam reddendo imagini filii sui conformes. Ad hunc modum Apostolus de nostri justificatione ubique loquitur, nunquam non complectens illam nostræ salutis summam, quam precatus est Philippensibus cap. 1. vers. 9. 10. 11. Istud oro, inquit, ut dilectio vestra, &c. Sic ergo cum Paulus loqui soleat, & justificationis voce, remissionem peccatorum primum quidem exprimere, simul tamen semper significare, etiam illam justitiæ communicationem quam Deus eodem in nobis spiritu quo de venia peccatorum certos reddit, juxta operatur & illius *σπράγιν* esse statuit, plerique Patrum Sanctorum spectantes nimirum quod in justis. sese magis profert, *δικαιῶσαι i. e.* justificari, justos fieri intellexerunt.

8. In Colloq. Ratisb. a D. 1541. inter Colloquutores utriusque partis Articulus justificationis sic conciliatus est, & ut Conciliatus Carolo. 5. Imp. per Colloquutores exhibitus.
 “ Id quod tamen nulli obtingit scil. ut remissionem peccato-
 “ rum accipiat, nisi etiam simul infundatur Charitas sanans
 “ voluntatem, ut voluntas sanata, sicut ait August ; incipiat
 “ implere legem. Fides ergo viva est, quæ & apprehendit mi-
 “ sericordiam in Christo ac credit justitiam quæ est in Christo
 “ sibi gratis imputari & quæ simul pollicitationem Sp. S. &
 “ charitatem accipit, &c. Etsi autem is, qui justificatur, ju-
 “ stitiam accipit & habet per Christum etiam inhxerentem,
 “ sicut dicit Apost. abluti estis, sanctificati estis, justificati
 “ estis, &c. Hanc Conciliationem Bucerus in actis Colloq. alte-
 “ rius Ratisb. anno 46. vehementer urget pag. 45. &c. Et
 “ ad eam subinde provocat. In hac eadem Explicatione profite-
 “ tur Cassander in Consult. art. 9. nihil se videre quod etiam
 “ gratiæ Dei studiosissimus desiderare potuit.

9. Idem

9. Idem Bucerus in Colloq: hoc altero Ratisb: p. 286. sic scribit. " Hinc declaravimus id non controverti inter
 " nos; An S. Patres per (Justificari) in Paulo, intellexe-
 " rint hominem donari inhærente justitia; & An hæc neces-
 " sario insit justificatis; sed an hæc inchoata Justitia illud sit
 " quod hac voce (justificari) in Apost. primum significatur,
 " quoque ratio nostræ justificationis coram Deo primum con-
 " stat, &c. Eodem plane modo hic agit quo supra in hoc
 eod. Coll. disp. de sola fide justificante, ubi pag. 213. 218.
 &c. concessit Colloquutoribus alterius partis; nos justitiam
 Christi etiam spe & charitate modo quodam apprehendere &
 complecti, fide tamen sola nos justificari; quia fide primum
 Christi justitiam apprehendimus, &c. Sed quod lib. 1. illa
 de quæstione differens dixi, nunc huic quæstioni applicando,
 repetitum volo. An quia peccatorum remissio id est, quod
 Apost. primum cum in voce justificationis intellexerit, tum in
 ratione ejusdem collocavit, ut loquitur ille, idcirco donatio-
 nem inhærentis justitiæ Apost. nec in voce justificationis intel-
 lexit, nec in ratione ejusdem omnino collocavit? Certe, non
 quia aliquid prius aut principaliter est in ordine aliquo, ideo
 quod necessario consequitur aut comitatur ex eo ordine pro-
 tinus excluditur. Romanenses ipsi problematice inter se dispu-
 tant; An magis proprie & principaliter, quasique ex natura
 rei, Infusio gratiæ, seu interna renovatio, & legis obe-
 dientia, ad veram justitiam pertineat, quam remissio peccato-
 rum; quia illa sine hac esse potest, & illa proprie includit lar-
 gitionem vitæ æternæ, & novam formam: Altera vero evasio-
 nem supplicii, & veteris peccati abolitionem, &c. An contra
 æque ad justitiam spectet remissio peccatorum quia reputa-
 tur apud Deum pro justitia, dum removendo prohibens æque
 ad vitam ducit æternam, ac vera obedientia: estque in statu
 naturæ jam reparatæ (in qua sine peccatis non vivitur) prorsus
 necessaria justitiæ pars, &c. Hæc omnia Staplet. verba
 sunt, qui hanc quæstione ut Scholasticam tantum; nec
 dum in Ecclesia definitam rejicit, de justificatione. lib.
 5. cap. 8. circa finem, August. lib. 19. de Civit.
 Dei cap. 27. Justitiam nostram in hac vita potius pec-
 catorum remissione constare, quam perfectione vir-
 tutum diserte asserit. Qua de re postea dico-

mus.

10 M. Borhæus sæpe nobis antea in hoc argumento laudatus, in hoc Genes. citatum p. 162. " In imputatione, inquit, qua Christus credentibus adscribitur ac imputatur pro justitia, pariter & meritum sanguinis ejus, & Sp. S. vi meritorum nobis donatus includitur. Atque ita Christum tum a merito, tum a satisfactione & impetrata remissione peccatorum & a dono spiritus justitiæ, nostram justitiam fatebimur esse. Atque hoc si facimus, in justis. nostri totum Christum ad salutem nobis propositum, non unam aliquam ejus partem considerabimus, &c. Idem pag. 169. " In justificatione igitur nostri Christus consideratur, qui in nobis spiret, & vivat, nimirum per spiritum suum a nobis indutus : de quo indumento Apost. (Christum induistis) pag. 171. Idem concilians diversas si non adversas, protestantium sententias hac de re sic inquit ; " Qui dicunt nos justificari uno merito, satisfactione & obedientia Christi, sine respectu justitiæ in nobis inhærentis, hi in justis. nostri Christum quatenus a satisfactione pro culpa, nostra justitia est, considerant. Nam intelligunt hac parte contra peccatum, mortem, infernum, & contra Authorem peccati & mortis Satanam, in pugna ac lucta condemnantis nos legis solum se consistere posse. " porro cum lex Dei requirat plenam obedientiam his verbis præceptam, Ama Dominum Deum tuum toto corde tuo, & alterum ut teipsum ; & illam obedientiam in nobis non reperiatur, damnandi hos sane rebellionis jus haberet, nisi satisfactionis pretium quo nos redimeremur, & perfecta absolutaque justitia, quam ut nostram severo legis judicio objiceremus, occurreret. Hoc pretium, hæc justitia absoluta Christus est, &c. Hactenus (inquit p. 172) de ea parte qua per fidem, Christum nostram justitiam, à merito, satisfactione & remissione peccatorum agnoscimus, quam Dei judicio contra legis accusationem & condemnationem objiciamus, meminimus. Hanc partem præcipuè tractant hi, qui Justis. definiunt, nostri in gratiam Dei receptionem, per fidem meriti, & obedientiæ Christi. At vero cum Christus non poterit nostra justitia à merito agnosci, sine Sp. S. neque meritum ejus alijs proliis quam ijs qui Fide illud apprehenderunt, & hæc non solum meritum, satisfactionem, & obedientiam Christi, sed & hunc etiam ea parte qua nostra justitia est, a donis vitæ & Justitiæ communicatis ; nos in justificatione nostri, non partem Christi, sed hunc totum quatenus ex om-

" ni

“ in parte nostra justitia est, tractare elaboramus, &c. & pau-
 “ lo infra. Ut igitur B. Paulus in justificatione nostri, cum
 “ ait, Quos justificat, eos glorificabit, comprehendit omnia
 “ quæ ad reconciliandos nos Deo patri, & ad renovationem
 “ nostri aptam assequendæ gloriæ pertinent, ut sunt Fides, ju-
 “ stitia, Christus, & donum justitiæ à Christo exhibitum, quo
 “ regeneremur ad implendam Iustificationem quam lex requi-
 “ rit; ita etiam nos omnia in hac causa, quæ recuperatione ju-
 “ stitiæ & innocentiae continentur, complecti volumus. Hæc
 “ autem cum traduntur, non nova, sed Confessa omnibus, &
 “ Veteribus & Nostris sacrarum literarum professoribus, qui
 “ quidem verè & recte docuerunt, traduntur: nisi fortassis quæ-
 “ dam distinctius dicuntur à nobis, quam vulgo dicuntur in
 “ hoc justificationis negotio; sed in re ipsa abesse dissensio-
 “ nem, nequaquam dubitamus. Etenim omnes in impiorum
 “ justificatione hæc comprehendere movent; Christum justiti-
 “ am nostram; remissionem peccatorum morte illius nobis
 “ partam; Sp. S. vi imputatæ & ascriptæ justitiæ Christi no-
 “ bis donatum; quo freti & peccatorum gratiam nobis fieri
 “ per fidem credamus; & renovationem nostri, Deum & proxi-
 “ mum puro amore diligendo, meditemur, &c. “ Et infra, Sed
 “ dices, charitatem quidem in justificatione non excludi, sed
 “ nimirum illam pro justitia habere. Pro justitia quidem sa-
 “ tisfaciente, & meriti non habent, &c. Sed pro justitia obe-
 “ dientiae, merito sanguinis Christi nata qua conformentur
 “ animi credentium divinæ voluntati, charitatem habendam
 “ illi concedunt, &c. Et infra, “ Hoc modo, in justificati-
 “ onis causa, justitia Dei explicata, graves controversiæ com-
 “ ponuntur dum alii merito Christi justificari nos sine respec-
 “ tu alterius rei; Alii in nobis justitiam versari volunt,
 “ quam divinam naturam atque vim esse contendunt. Utrique
 “ recte sentire intelligerentur, si perpendatur quæ sit illa justiti-
 “ a quam fide ad justificandos nos amplectimur. Nam si in
 “ Christo nostra justitia, eam partem spectemus, qua meruit
 “ morte sua reconciliationem nostri cum Deo Patre; in ea par-
 “ te & ea sola, nulla alia in re justitiam meriti & satisfactionis
 “ pro peccato reponemus. Sin vero Christum nostram justiti-
 “ am consideremus, quatenus nobis in justificatione nostri,
 “ suum Sp. impertit, quo ad novam justitiam, & vitam inno-
 “ vemur, plane justitiam quæ non humana, sed divina vis sit,
 “ qualis est Sp. S. nobis communicari, confirmabimus: Alteri
 igitur,

igitur, qui meritum spectant, Christum quatenus est piacu-
 laris Iustitia, & reconcilians nobis Deum considerant, alte-
 ri vero, qui donatum Sp. merito et beneficio mortis et resur-
 rectionis Christi perpendunt, Christum Iustitiam esse intel-
 ligunt, quatenus nos reconciliatos patri regenerat, & novos
 homines fingit atque format. et p. 180. Iustificationem sic
 definit; Est gratuita imputatio Iustitiæ quâ nos deus in filios
 adoptatos, per fidem à Sp. S. sub Evangelii administratione
 excitatam, remissis sanguinis J. Christi beneficio peccatis,
 justos reddit ad cœlestis regni hæreditatem possidendum, &c.
 p. 181. Forma inquit, justificationis nostræ est, ipsa divina
 iustitia, qua Iusti et probi formamur: Hæc Christus J. est
 qui partim à condonatione peccatorum, partim a renova-
 tione et instauratione ad integritatem, vitio primi Adami
 amissam, iustitia nostra habetur, eo ut novo et cœlesti Ada-
 mo, a nobis induto: de quo Apostolus (Christum indu-
 istis) Induistis, inquam, tanquam formam, h. e. Iustitiam,
 sapientiam et vitam Dei, &c. eadem legere est apud illum in
 lib. 3. Regum c. 9. ad verba, et feceris omnia &c. p. 681.
 Dicat (inquit) aliquis, si res ita habet, ergo et merito
 Christi, & condonatione peccatorum, & Spiritu Sancto
 dicimur Iustificari, Ita sane, De merito enim & obedientia
 Christi legimus, &c. Demum autem, de Spiritu iustificatore
 hæc legimus, Sed iustificati estis per nomen Domini Jesu,
 & per Spiritum Dei nostri, &c. Tot hujus Theologi in
 Academia Basiliensi quondam professoris celeberrimi (vide
 vitas Theologorum Germanorum p. 399. & seq. dicta huc
 adscribere minime piguit; nemo enim Protest. disertius aut
 copiosius hanc sententiam astruit et confirmat, licet in mul-
 tis aliis dogmatis hodie controversis communi errore sæpè ab-
 ripiatur cum aliis gregalibus suis.

2. Claudius Alberius Triuncurianus, Philosophiæ quondam
 professor in Academia Lansamienfi, & in Aristotele (ut de
 eo loquitur Zanchius epist. l. i. p. 346.) optimè versatus, sed
 nec in rebus etiam Theologicis male versatus, ut ex illius
 scriptis apparet, & idcirco Th. Bezzæ, & Abrah. Musculo
 Theologis in Colloquio Montisbelgardensi cum Theologis
 Lutheranis habito A. 1586. adjunctus, acerrimè defendit
 sanctificationem sive renovationem nostri (quam ille inso-
 lenter qualitatem patibilem nuncupare solebat) justificatio-
 nis nostræ partem alteram esse. vide Orat. illius Apodicticas
 Lausannæ

Lausannæ excus. A. 1587. Orat. 2. pag. 86. 87. & seq. errare tamen eos qui dicunt justificationem esse causam, & quasi arborem, sanctificationem autem esse effectum & quasi fructum, contendit pag. 96. 97. Hic (quod obiter te monitum velim lector) ille Anonymus scriptor fuit (vide Polanum in cap. 9. Danielis, pag. 185.) cujus tractatum hac ipsa de re scriptum Beza, in Apologia pro justif. ex sola fide, &c. refutare conatus est, sed quam solide id prestiterit, judicet lector eruditus & æquus. Damnata quidem fuit hæc Alberii atque aliorum quorundam ὁμοψύχων, Sc. Jo. Bovii, & Jo. Merulæ Verbi Ministrorum Lausannæ sententia; sicut & aliæ quædam aliorum de Prædestinatione etiam verissimæ sententiæ, in Synodo quadam per Dominos Bernates, ex quibusdam Helveticarum Ecclesiarum, & tribus Genevensis Ecclesiæ, ex quibus Beza præcipuus fuit, Pastoribus, Bernæ collecta A. 1588. & Theses de justificatione & sanctificatione ab illis perscriptæ, quibus dissentientes subscribere, coacti fuerunt. Vide Bez. Apol. pag. 263, 264, &c. & Jacobi Coveti Apolog. de Justif. pag. 141. &c.* Sed hoc mirandum non est. Nihil enim serè aliud in plerisque, utriusque partis Synodis hoc tristissimo sæculo coactis, quælitum & actum quis non videat, qui oculos habet ad videndum? quam ut veteres ac veriores sententiæ opprimerentur & damnarentur, & novæ ac recens in Ecclesiam invectæ, majori parte eorum qui Synodis istis interfuerunt, meliorem, ut plerumque evenit, vincente, omni vi stabilirentur, & in Ecclesia ac Scholis solæ dominarentur. Ita ut veterem illam Greg. Nazianzeni querimoniam de sui Temporis Synodis epist. 42. ad Procop. de plerisque etiam omnibus nostri sæculi Synodis renovare & repetere jure merito possimus. Sed Deus, in cujus solius manibus situm est, Ecclesiæ suæ nunc afflictissimæ, mederi, omnium hominum malis, cum Ecclesiastici, tum politici ordinis, corda ad meliora quam hætenus sequuti sunt consilia flectati, & saniores nobis pro immensa sua clementia concedere dignetur Synodos, quam quas miserrima hæc ætas magno suo malo vidit & experta est. In illo speremus, etiam contra spem, ipse aliquando ecclesiæ suæ misertus faciet,

12. Extat in fine Dialogorum Seb. Castellionis de prædestinatione, &c. Goudæ excus. 1613. Tractatus cujusdam Anonymi, sed revera Castellionis ipsius, ut ex præfatione con-

stat, de Justif. in quo fusc hæc eadem sententia probatur, & ad rationes quæ contra opponi solent, licet non semper satis solide respondetur.

13. Joh. Himmelius Theologus Lutheranus ineptus in inepta illa sua farragine, quam Calvino-papismum inscripsit c. 7. p. 60. hæc citat verba Zuinglii in epist. ad Principes Germaniæ : Sanctificatio Spiritus est vera justificatio, quæ sola ad justificationem sufficiat. Et hæc Joachimi Curæi in Exeg. pag. 36. 37. Sumus Justi primùm imputatione propter obedientiam filii Dei derivantis in se pœnam pro peccatis generis humani : sed altera pars Justificationis est sanctificatio. Nominat etiam Phil. Melancht. qui in narratione Colloqui Marpurg. An. 1529. habiti recitat de Zuinglio & ejus Sociis, quod incommode loquuti fuerint & scripserint de hominis Justif. coram Deo ; & doctrinam de Fide non satis inculcarunt ; sed ita de justif. docuerint quali sanctificatio & bona opera, quæ fidem sequuntur, sint justificatio hominis. Sed sive bonâ sive malâ fide hæc recitat ille, illius certe Judicio nihil omnino tribuendum est, qui hominum doctorum & piorum sententiam, scripturis & Patrum doctrinæ maxime consentaneam, erroris, immo ut putat ille, papisticæ hæreseos accusare & damnare haud veretur. Sed hic solennis est multorum contentiosorum hujus seculi scriptorum mos, multa quæ ipsimet nunquam rite expenderunt, aut a præceptoribus suis non acceperunt, confestim ut falsa, immo & impia damnare in viris etiam doctissimis & optimis, quos sæpiusculè a rigidis & pertinacibus Zelotis dissentire ipsa cogit veritas. Homine enim imperito nunquam quicquam injustius.

14. Fieldus Anglicus, magni nominis inter suos Theol. in Append. ad l. 3. de Ecclesia, edit. ult. a 1628. cap. 11. de justif. pag. 290. 291. diserte affirmat, In primâ justif. peccatoris, præter remissionem peccatorum præteritorum, & receptionem in Dei gratiam, etiam includi donationem Sp. S. seu sanctificantis & renovantis gratiæ, qua apti seu habiles ad peccata in posterum vitanda, & opera justitiæ præstanda reddimur atque hac de re inter omnes utriusque partis Theologos convenire, etiam ad Colloq. Ratisb. anno 1541. (de quo supra dictum) provocat. Hoc etiam & non alio sensu intelligendum quod Protest. communiter urgent, verbum justifi-

ficandi

ficandi in negotio justificationis nostræ coram Deo esse verbum forense. Vide notam ad oram pag. 291. Idem etiam in fine cap. illius asserit, nos formaliter justificari per remissionem peccatorum, gratiosam Dei acceptationem, & donationem justitiæ inhærentis.

15. R. Montacut. in libro quem contra quendam Romanensem controversiarum hodiernarum abbreviatorem edidit, anno 1624. Art. 18. de justificatione per solam fidem, &c. affirmavit : justis. peccatoris primario, in peccatorum remissione & secundario, in gratiæ infusione positam esse. vide pag. 141. & 143. Idem tamen in libro contra Puritanos edito An. 1625. & inscripto, Appello Cæsarem ; propter illorum clamores, de justificatione tantum late, non autem stricte accepta, hoc sese intellexisse asseverat ; pag. 172. & seq. Sed quam constanter viderit ipse. vide etiam Franc. Whitæum in Eplan. Fidei Orthodox. pag. 18. & 19.

16. Arch. Spalat. de Rep. Eccles. lib. 7. cap. 11. n. 217. &c. asserit tum scripturas, tum Patres docere, utroque modo justitiam dari, sc. tum imputative, tum inhæsiue, & utroque modo peccata nostra aboleri, & per ipsorum tectiōem, seu non imputationem, &c. quod volunt Protest. communiter (ubi tamen nota, dicta quædam patrum, ut Augustini de Grat. Christi contra Pelag. cap. 47. de Spir. & Lit. cap. 9. & epist. 85. ad Cosentium, perperam ab illo videri intelligi de imputatione Justitiæ Christi nobis per modum causæ formalis : quasi nobis illa sit veluti commodata a Christo, ut illa tanquam veste induti placeamus Deo Patri : neque enim unquam S. August. imputationem justitiæ Christi nobis, hunc in modum intellexit, &c.) atque etiam per veram deletionem, seu emundationem & dilutionem maculæ peccati ita ut nihil ipsius in anima maneat ; proinde utrique parti missis illis quæ ut loquitur ille, sunt pura quædam Metaphysicalia, ad salutem nihil necessaria, studium pacis vehementer suadet & commendat. Quædam maxime probamus, quædam minus.

17. G. Cassander in Consult. art. 4. pag. 917. “ De ipsa
“ inquit, justitia, qua justificamur, magna hætenus certamina
“ extiterunt : Aliis in sola Christi Justitia nobis imputa-
“ ta, Aliis in justitia novæ vitæ nobis communicata, justifi-

cationis formam ponentibus ; etiam si postea a doctissimis
 viris observatum sit, ex Apostolica doctrina, & patrum tra-
 ditione, utramque Justitiam in justificationis ratione con-
 jungi debere, &c. & paulo post multo explicatus : “ Ve-
 rum hic rursus necesse est, ut ii qui Protest. vocantur reli-
 quis Catholicis in eo consentiant, qui dicunt hanc Justifica-
 tionem, seu justitiam, qua justificamur, non in sola remissio-
 ne peccatorum, sed etiam in renovatione interioris hominis
 esse positam, &c. Quæ lege apud Authorem ipsum & verita-
 tis & concordie Ecclesiasticæ amantissimum : ubi etiam vide
 quomodo vir hic eruditissimus (ut hoc obiter dicam) intelli-
 gat juxta scripturas & Patres, Christi justitiam nobis imputa-
 tari : Et quidem, inquit, de justitia, *i. e.* merito & satisfactio-
 ne Christi, nobis imputata. *h. e.* nobis ac si propria esset at-
 tributa, scripturæ satis aperte loquuntur, per eam enim justiti-
 am, *i. e.* meritum & intercessionem sanguinis Christi, pec-
 cata nobis remittuntur, id est, non imputantur, &c. Vide
 sequentia, & hoc quidem extra controversiam est, &c. Hoc
 observatum volo, propter nuperum quendam Scriptorem, qui
 inter alios Romanenses existimantes justitiam Christi, per
 inodum etiam causæ formalis nostræ justificationis nobis im-
 putari Cassandrum etiam recenset, hoc loco citato. Sed ma-
 num de tabula.

CAP. VI.

*Quo Objectionibus quibusdam occurritur ; & hac
 disquisitio concluditur.*

I. **Q**UOD objicitur juxta hanc sententiam duas formales
 Justificationis nostræ causas statui ; quod absurdum
 videtur. Respondemus solide, missis vanis Bellarmini alio-
 rumque Romanensium effugiis ad Concilii Trid. can. 7. uni-
 cam tantum esse causam formalem justificationis nostræ, ju-
 stitiam sc. nobis infusam, falso, neque etiam constanter satis
 pronunciantis, auctoritatem statuminandam, & sartam tect-
 am conservandam excogitatis ; respondemus, inquam, justifi-
 cationem esse ens unum aggregatione & ex duobus compo-
 situm,

tum, quæ necessaria conjunctione & coordinatione unum tantum sunt. Proinde nihil esse absurdi si in rebus etiam diversis illius efficientiam constituamus. Suarez. Jesuita non ignobilis multum sudans & misere sese torquens in explicanda & defendenda unica illa a Concilio Trident. causa formali justis. definita, de Gratia l. 7. cap. 11. n. 24. “Ad
 “ primum inconueniens, inquit, concedo intervenire in justis.
 “ impii duos effectus gratiæ quasi partiales ; unum positivum
 “ & alium privativum, &c. ex utroque autem coalescit integra Justitia & sanctitas, a qua homo habet ut sit & nominetur simpliciter justus & sanctus. Neque est inconueniens
 “ in una justificatione includi plures gratias quasi partiales,
 “ cum ipsa justitia integra in quadam collectione consistat : &
 “ quot sunt virtutes ex quibus consurgit tot sunt gratiæ positivæ partiales , &c. Verba hæc multo melius responsioni nostræ firmandæ accommodari possunt. Sed multi etiam Rigidiore Protest. duas statuunt justis. nostræ partes (ac proinde causam justis. formalem duplicem) Remissionem peccatorum & justitiæ Christi imputationem ; & diversos his partibus effectus attribuunt : ut ex illorum scriptis constat. Vide Bezam, Zanchium, Polanum, Synoplin purioris Theologiæ disp. de justis. pag. 436. th. 8, aliosque plurimos. Protest. alii qui remissionem peccatorum & imputationem justitiæ, immo imputationem etiam justitiæ Christi, id est, quam Christus sua obedientia nobis acquisivit, (nam de imputatione justitiæ Christi, An. sc. & quatenus admittenda sit inter Protest. ipsos contenditur, ut supra hac de re diximus: vide præter alios tunc citatos Vorstivum Tom. 4. Anti-bellar. pag. 608. “ Ubi licet (inquit) Alii imputationem Justitiæ
 “ Christi, h. e. morte & passione Christi comparatæ ab
 “ hac peccatorum remissione, tanquam rem diversam, interdum distinguant, tamen plerique doctores (Evangelici)
 “ id non faciunt ; & qui faciunt, improprie loquuntur, quatenus una cum formali causa, proximam efficientem, seu meritariam, conjungunt. Vide etiam p. 611. &c) non re sed tantum τῷ λόγῳ differre existimant, ratione sc. testimoniorum, a quo & ad quem, ut Chamierus de justis. lib. 22. cap. 15. n. 21. Pareus, Vorstius, Joh. Gerardus l. Theol. Tom. 3. de justis. pag. 1415. 1416. Aliique plurimi, licet in illos hoc argumentum retorqueri non potest, ut in alios ; falso tamen

Justificationem sola peccatorum remissione, seu imputatione justitiæ definiunt, sicut abunde demonstratum est. Fides justificans juxta plerorumque Protest. sententiam, notitiam & assensum in intellectu, & simul fiduciam in voluntate includit, unde eam non esse habitum unum numero simplicem absolute, sed aggregatione tantum confiteri coguntur. Vide præter alios Synopsin Purioris Theol. disp. de Fide th. 16. Formam peccati originalis Protest. permulti, ut de Romanensibus nihil dicam, constituunt in imputatione primi peccati Adami, & in justitiæ originalis carentia, atque etiam in positiva quadam prava inclinatione vel proclivitate ad omne malum; quæ tria multum inter se differunt. Formalem rationem sacramenti Protest. omnes doctiores cum Romanensibus constituunt, non solum in significando, sed etiam in sanctificando instrumentaliter sc. At significare & sanctificare res sunt diversorum prædicamentorum; illa Relationis, hæc Actionis. Protest. qui communiter Christum secundum utramque naturam mediatorem esse contendunt, consequenter docent & docere coguntur formalem rationem mediationis illius non tantum in merendo, sed etiam in donando Sp. S. &c. positam esse quæ tamen actiones sunt toto genere differentes, sed necessario juxta illorum sententiam conjunctæ ad munus Mediatorium perficiendum.

2. Quod objicitur Scripturam justificationem a sanctif. aliquando distinguere Rom. 6. 22. I Cor. 1. 30. & rursus cap. 6. v. 11. Apocal. ult. vers. 11. Resp. I. Cum A. Vega de justif. lib. 15. cap. 5. An propter unum aut alterum locum in quibus justificatio a sanctificatione distinguitur, contra communem scripturæ sensum omnibus fere in locis, & Patrum consensum, verbum & rationem totam justificationis ad solam peccatorum remissionem restringere æquum est? 2. Sed singulos, age, qui objiciuntur, locos paucis excutiamus. Rom. 6. 22. (Nunc autem liberati a peccato, servi autem facti Deo) Hæc inquiunt est justificatio nostra (habetis fructum vestrum in sanctificationem) hæc sanctificatio nostra est dicente Apost. justif. fructus. Sic vir quidam, alioqui doctissimus, locum hunc Apost. intelligit. tract. quodam de justif. Sic & cum illo alii: Sed næ omnes hi male locum intelligunt: Nam liberatio a peccato hoc loco non significat liberationem a solo peccati reatu, in qua Illi totam justificationis rationem constituunt;

stituunt ; Sed liberationem etiam a dominio peccati, cui Romani antea serviebant ; sicut clarissime patet ex verbis præcedentibus 19. & 20. & verbis immediate sequentibus (servi autem facti Deo seu mancipati Deo, vel ut prius dixit, servi facti justitia, & habetis fructum vestrum in sanctificationem) Hebraismus est, *i. e.* ipsam sanctificationem sive sanctimoniam, vitæque munditiam, ejusque continuationem & incrementum velut fructum ex illa servitute Dei & justitiæ, capitis seu habetis. Ad 1 Cor. 1. vers. 30. Ubi Christus dicitur esse nobis factus a Deo, &c. & justitia & sanctificatio. Resp. Apostolum vel rem eandem diversis ibi justitiæ & sanctificationis verbis significare (quod S. scriptores sæpe sine tautologia facere consueverunt, ut neminem latet) ad rem ipsam plenius et disertius exprimendam. Vel si distinctæ significantur res quemadmodum quidam veteres (ut recentiorum interpretationes silentio præteream) intelligunt justitiæ nomine remissionem peccatorum, & per sanctificationem id quod communiter sic appellatur, ut forte Chrysost (neque enim ille satis plene & clare hanc in sententiam loquitur) Theodoreti : certe sectatoris magni Chrysostomi in locum & Thophyl. Chrysost. abbreviatoris, & OEcum. verba non sunt satis expressa. Bernardi expressissima serm. 22. in cantica & sæpe repetita, illud tamen tantum inde colligi potest, hoc loco justitiæ verbo non totum justificationis nostræ beneficium intelligi, sed nomen totius præcipuæ ejusdem parti, altera non exclusæ sed diserte expressa, κατ' ἐξοχήν tribui; quod non raro aliis etiam in rebus in script. fieri solet. Ad locum tertium 1 Cor. 6. 11. Respondemus vel ut supra, rem eandem diversis ablu-tionis, sanctificationis, & justificationis verbis ad majorem emphasin & beneficii per Christum accepti amplificationem significari & efferri; quemadmodum & supra cap. 4. n. 7 ex ipsis Protest. Zanchio & Bullingero observavimus. Vel si distinguenda sunt ista, distinctionem tantam partium & totius admittendam esse ; ut sensus sit, Abluti estis, *i. e.* ab his omnibus vitiorum sordibus abluti atque mundati estis baptismo, per quem omnia vobis peccata remissa sunt. “ At ne (inquit “ Estius in loc.) in sola ablutione, *i. e.* peccatorum remission- “ ne consistere putaretur justitia Christiana, addit alterum “ gradum, vel partem ; Sed sanctificati estis, *i. e.* puritatem “ consequuti, ita ut jam vere & coram Deo sancti sitis, deni-

“que summam beneficii accepti uno verbo quod utramque
 “ncludit partem, exprimendo sed justificati estis) & subjun-
 “git Apost. In nomine D. N. J. C. *i. e.* per meritum ejus est
 “in Spiritu Dei nostri *i. e.* Sp. S. a Deo nostro procedentis &
 “nobis per Christum communicati. Ad locum Apoc. 22.
 11. Resp. Qui justus est non significare qui per remissionem
 peccatorum tantum justificatus est sed qui nemini nocet sed
 unicuique reddit quod suum est, ut recte notat in locum Fr.
 Ribera. Justificetur adhuc. *i. e.* Hic agendo pergat & pro-
 ficiat & qui sanctus est, *i. e.* purus & sine sordibus, sanctificetur
 adhuc, *i. e.* sic pergat, &c. Nam Apost. hoc loco justum opponit
 τὸς ἐδικαίωται, *i. e.* ei qui injuste agit vel alterum injuria afficit
 & sanctum τὸς πυκνῶνται *i. e.* sordescenti vel qui in sordibus
 est, nulli sc. nisi sibi ipsi nocens ; ut clarissime patet ex textu,
 & ut præter Riberam aliosque multos agnoscit Piscator in lo-
 cum. Ita ut turpiter erret. Pareus quando l. 2. de justificatio-
 ne contra Bell. cap. 3. pag. 398. 399. inquit, “Qui ju-
 “stus est justificetur adhuc, *i. e.* in justitia fidei perseveret ;
 “de infusione nempe vel de incremento habitualis justitiæ non
 “potest intelligi sine manifesta tautologia membri sequentis,
 “Qui sanctus est sanctificetur adhuc, &c. Hæc ille, sed
 male.

3. Quod ex cap. 4. ad Rom. frequentissime objicitur,
 Apost. ex Davide Justificationem, seu τὸν μαργείσμον, *i. e.*
 beatitudinem, vel beatificationem peccatoris, in sola remissio-
 ne peccatorum collocare : Næ illud magni momenti non est.
 Nam & illi Protest. qui justificationem non sola peccatorum
 remissione, sed etiam imputatione justitiæ Christi constare
 contendunt, Negant verbis his, quæ Apost. ex Davide
 totam justificationis rationem plene exprimi. Beza in
 Quæst. & Resp. “Qu. Atqui David collocat beatificati-
 “onem in peccatorum remissione, Cur igitur adjicis etiam
 “Christi impletionis legis imputationem ? R. Quid si
 “tibi, inquit, objiciam illa, Beati qui sunt mundo
 “corde, Beati qui sunt inculpatores in via, & cætera ejus-
 “modi, An hinc colligeris excludi peccatorum remissio-
 “nem ? Nequaquam opinor. Sic interdum nomine justifica-
 “tionis

tionis intelligitur etiam sanctificatio; Quoniam hæc duo
 prorsus cohærent. Quidni igitur illud quoque responderim,
 unius peccatorum remissionis interdum mentionem fieri,
 non ut excludantur aliæ beatificationis partes, sed quod taci-
 tè cum illa comprehendantur? &c. sic ille. Videatur & syn-
 opsis Theol. purioris, disp. de justif. th. 8. Sic & nos Respon-
 demus, non sequi ex verbis Davidis ab Apost. citatis, beatitu-
 dinem seu justitiam hominis in sola peccatorum remissione,
 seu justitiæ imputatione consistere, cum alibi idem Psalmista
 beatos pronunciet immaculatos in via, qui ambulant in lege
 Dei, quique custodiunt iudicium, & faciunt justitiam. ps. 1. &
 119. & 106. Et hoc ipso ps. 32. post verba ab Apost. citata,
 Beatus homo, cui non imputat Deus iniquitatem, addat Da-
 vid, Nec in spiritu ejus dolus est, i. e. homo recti cordis est, ut
 dicitur ultimis illius Ps. verbis, &c. Itaque nomine remissionis
 peccatorum, tota hominis sanctificatio seu renovatio compre-
 hensa debet intelligi. Nam propter arctissimam utriusque par-
 tis conjunctionem, quia nunquam fit remissio peccatorum
 sine interna mentis sanctificatione, una alteram sæpe synec-
 dochicos complectitur, & remissio quidem peccatorum,
 κατ' ἐξοχὴν sæpè cum in script. tum in Patribus nominatur.
 Hic est omnis fructus, ut auferatur peccatum. Isaïæ. 27. 9. Ec-
 ce agnus Dei, qui tollit peccata mundi. Joh. 1. 29. Hic ser-
 vabit populum suum a peccatis eorum Math. 1. 21. Sic & 2.
 Cor. 5. 10. & in compluribus aliis scrip. locis. Bern. serm. 22.
 Cantic. Factus est nobis sapientia, justitia, &c. Sapientia,
 inquit, in prædicatione, justitia in absolutione peccatorum.
 Et infra. delicta juventutis meæ, & ignorantias meas ne
 memineris, & justus sum: & Serm. 23. in Cantica “ Sufficit
 “ mihi ad omnem justitiam solum habere propitium, cui
 soli peccavi. Et paulo post “ Non peccare Dei justitia est,
 hominis justitia, Indulgentia Dei. Et rursus, “ Justitia Dei
 est non peccare, justitia hominis est non imputari pecca-
 tum. Et epist. 190. ad Innocent. Papam “ Ubi reconci-
 liatio, ibi remissio peccatorum. Et quid ipsa, nisi justifi-
 tio, κατ' ἐξοχὴν; justificationis verbum, cum in script. tum in
 Patrum scriptis remissioni peccatorum sæpius tribui, sequutus
 clarissima Augustini verba lib. 19. de Civit. Dei cap. 27.

“ Ipsa quoque nostra justitia quamvis vera sit, propter veri
 “ boni finem, ad quem refertur, tamen tanta est in hac vita, ut
 “ potius peccatorum remissione constet, quam perfectione vir-
 “ tutum, &c. Quibus verbis hæc duo sanctissimus & doctis-
 “ simus ille pater docet. 1. Justitiam nostram constare, i. e.
 “ Justos nos esse, cum remissione peccatorum, tum perfectione
 “ virtutum, qualis sc. statui hujus vitæ convenit: 2. Sed longe
 “ remissionem peccatorum perfectioni virtutum præferendam
 “ prius illud sensisse August. hoc loco, ut & plurimis in aliis,
 “ ingenue agnoscit Chamierus de justif. l. 21. c. 19. n. 7. 8.
 “ Non excludi virtutes, nos agnoscimus; qui scimus, & alias
 “ testati sumus Augustinum uno justificationis nomine utram-
 “ que partem comprehendere, i. e. tum quam nos propre ju-
 “ stificationem dicimus, tum sanctificationem. Et hætenus
 “ non *Jeusoloyā* Jesuita, &c. Sed male Pareus de justif. l. 2.
 “ c. 13. p. 540. 541. “ Glossa (inquit ille) adversarii de justitia
 “ divisa in remissionem peccatorum & perfectionem virtutis,
 “ haud dubie est falsa, &c. Manifestum enim est, August. re-
 “ missionem peccatorum & perfectionem virtutis, non ut par-
 “ tes unius justitiæ componere, sed ut res disparatas oppone-
 “ re, &c. Sed major Augustini verbis vis, vix a quoquam in-
 “ ferri potuit. Posterius Bell. ipse fateri cogitur de justif. lib. 2.
 “ cap. 13. Sect. (Respondeo) “ Illud (potius) inquit, hoc
 “ loco non excludit perfectionem virtutum, sed præponit re-
 “ missionem peccati, ut sensus sit, justitiam nostram, quæ
 “ partim in remissione peccati, partim in perfectione virtutum
 “ sita est, magis illa quam hac constare, &c. Et quidem du-
 “ plici assignata ratione cur id dicat August. Sect. (Currant)
 “ Una: “ Quia peccata in baptismo perfecte delentur & pur-
 “ gantur ut nihil omnino remaneat, quod habet rationem
 “ culpæ; virtutes autem infusæ, ita suo quodam modo per-
 “ sectæ sunt, ut quotidie magis ac magis perfici debeant: Al-
 “ tera, quoniam remissio peccati semel facta non eget nova in-
 “ fusione virtutum; At virtus semel infusa, eget quotidie no-
 “ va remissione peccati, non lethalis, quod cum justitia simul
 “ esse non potest, sed venialis, &c. Eadem legere est apud Leon.
 “ Coquæum, in suo Comment. ad locum August. citatum, ex
 “ Bellarmino verbatim exscripta. Videtur tamen Bel. illo eo-
 “ dem l. 2. de justif. c. 6. sibi contradicere, quando Sect. (Pri-
 “ mum igitur) sic inquit, “ Hic (Rom. 4. ult.) Apost. no-
 “ men

“men justificationis potius tribuit renovationi internæ, quam
 “remissioni peccatorum, ac per hoc docet justificationem non
 “modo non constare sola remissione peccatorum, sed neque
 “præcipue ea constare, &c. Mentem B. Augustini hoc in
 loco optime vir doctissimus & optimus Lud. Vives in Com-
 ment. sic expressit ut potius, &c. “Magna nempe ex parte,
 “inquit ille, sumus boni, non quod bene vivimus, sed quod
 “commissorum scelerum nobis sit a Deo gratia. Joh. Hessel.
 super Matt. 6. v. 12. “Hujus vitæ justitia præcipue (ut ait
 “Aug. de Civit. Dei l. 19. c. 27.) in remissione peccatorum
 “consistit. Vide eundem in explicatione Symboli Apostoli-
 ci p. 37. “Hac ergo (scil. remissione peccatorum) tanquam
 “præcipua expressa, subintellexerunt Apostoli, &c. v. loc.

4. Quod ultimo multis & script. & Patrum testimoniis
 coacervatis objicitur, in hærentem nostram justitiam in hac
 vita imperfectam esse, & multis permixtam peccatis, ac pro-
 inde divinum judicium sustinere non posse, nec nos per, illam
 formaliter justos in Dei judicio censer. Ref. i. loca quæ contra
 adducuntur, fere omnia ad justitiam actuale, seu operum no-
 strorum potius spectare quam ad justitiam a Deo donatam seu
 habituale, quæ non opus est nostrum, sed Dei opus (licet in
 nobis receptum) qui simul peccata remittit, & dona fidei,
 spei & charitatis infundit. Unde & infantes nuper baptizati,
 vere coram Deo justî sunt, licet nihil operis fecerint; idcirco
 nos hanc disputationem de imperfectione justitiæ nostræ in
 sequentia rejicere, ubi de justitia operum, Deo juvante, pluri-
 bus differemus. 2. Quod si etiam imperfectio illa, quæ in
 ipsis donis Sp. S. nobis in justis. communicatis inest, quamdiu
 nos hic vivimus & illa in nobis augeri possunt atque etiam de-
 bent, proprie peccatum est (August. enim certe vitium & pec-
 catum non veretur appellare, epist. 29. ad Hieron. “Plenis-
 “sima charitas, quæ jam non potest augeri, quamdiu hic ho-
 “mo vivit, est in nemine, quamdiu autem augeri potest, pro-
 “fecto illud quod minus est, quam debet ex vitio est, ex quo
 “vitio non est, qui faciat bonum & non peccat. Et L. de per-
 “fect. justitiæ cap. 15. “Peccatum, inquit, est, cum vel non est
 “charitas, quæ esse debet, vel minor quam debet, &c. Sed an
 largo tantum modo peccatum appellet, ut Rom. communiter,
 atque etiam Protest. quidam doctissimi volunt, aliis etiam ad
 suam sententiam confirmandam ex ipso Aug. locis prolatis;
 An vero etiam proprie, ut alii sentiunt, alias dicemus) sen-
 tentia

tentia quam nos astruximus nihil inde læditur qui cum donatione justitiæ semper remissionem peccatorum conjunximus: Atque non per illam solam, sed etiam per hanc, immo per hanc potius, ut jam dixit Aug. formaliter nos justos coram Deo nominari & esse contendimus.

5. Multa sunt de quibus etiam inter Rom. ipsos de causa formali justifi. nostræ disputatur; ut, An per habitus virtutum infusos justificemur, ut volunt per multi, vel an perpetua Dei motio & operatio in nobis sit illud quo justificamur, An denique horum neutrum præcise, sed ipsa mentis & voluntatis rectitudo ex utrisque resultans sit formalis nostra justitia: Atque etiam an justitia, qua formaliter justificamur, sola habitualis sit, an actualis, i. e. opera vere justa? atque etiam quædam alia, de quibus videantur Staplet. de justificatione l. 5, c. 8. Bell. de justifi. l. 2. c. 15. & 16. Suarez. Vasquez. aliique id genus scriptores plurimi, viri certe doctissimi, sed in dogmatibus fidei, quæ simplicitatis plena sunt, eamque maxime amant, discutiendis sæpe nimio plus subtiles, ne dicam an audaces sunt? Proinde illis aliisque omnibus ab instituti ratione alienis missis, huic libro hunc terminum ponentes, ad alia inter partes controversa transeamus. Deus veritatis & pacis coeptis adspiret.




LIBER TERTIUS,

De Justificatione; quo lites de incertitudine, mutabilitate, & inæqualitate Justitiæ considerantur.

C A P. I.

Quo de certitudine & incertitudine Gratia seu Justitiæ presentis agitur.

I.  Tinam plerique utriusque litigantium partis magis satagerent per bona opera suam vocationem & electionem certam & firmam facere, sicut monet B. Pet. 2. c. 1. v. 10. quam de certitudine utriusque, mensura & gradu ad fovendum triste schisma hodiernum nimis anxie & contentiose disputarent. Sed hoc infelici sæculo rixarum & contentionum admodum feraci, veræ verò pietatis & Justitiæ sterili, plerique magis amant inaniter & inutiliter altercari, quam utiliter & fructuose operari.

2. Mart. Eifengrenius Academiae Ingolstadiensis quondam procancellarius in vestibulo libri sui Apologet. pro Conc. Trid. de certitudine gratiæ Colon. 1569. (de cujus tamen hac de re sententia multo mitiori, ut judicant Protest. quam multorum aliorum gregalium mox plura) affirmat ex hoc unico articulo, quamvis

quamvis minutus a plerisque reputari queat, universum Papatum & Lutheranismum dependere. M. Lutherus in cap. 41. Gen. "Etiam si (inquit) nihil præterea peccatum fuisset in
 "doctrina Pontificia, quam quod docuerunt nos debere vagari
 " & fluctuare ambigentes & dubios de remissione peccatorum,
 " gratia & salute nostra, justas tamen haberemus causas cur ab
 " Ecclesia infideli nos sejungeremus, &c. Vide Chem. in
 Exam. decr. Concil. Trid. de Fide justif. p. 165. aliosque fere
 utriusque partis innumeros. Sed nos omnia seposito omni par-
 tium studio tanquam in Dei ipsius conspectu paucis discuti-
 amus.

3. Nunc non quæritur de certitudine finalis perseverantiæ, ac proinde non de certitudine electionis nostræ, qua de re infra, sed de certitudine Gratiæ seu Justitiæ præsentis; permulti enim Protest. ut postea dicemus, illa negata, hanc tamen constanter tuentur.

4. Neque quæritur aut poterit homo fidelis certo imo certitudine fidei statuere sibi remissa esse peccata sua, si modo eadem, certo atque eadem prædicta certitudine constet de vera & seria sua pœnitentia. Quis enim sanæ mentis hoc neget? Vide Bell. de justif. lib. 3. c. 2. Sect. (Porro statum quæstionis, &c.) Non enim hypothetice sed absolute, hodie inter plerosque utriusque partis de certitudine justitiæ controversia, magna contentione disputatur, ut inquit ille ibidem.

5. Neque etiam quæritur, an omnis omnino propria & peculiaris applicatio, qua quis fidelis ita apprehendat generales, verbi divini promissiones, ut sibi etiam certo confidat vel speret remissa esse peccata, illicita sit. Neque enim Rom. ipsi negant (vide Bell. loc. cit. Sect. deinde, &c.) certam fiduciam in Deo collocandam esse, & certo confidendum, post actam legitime penitentiam & Sacramentum Baptismi vel absolutionis rite perceptum, remissa esse peccata, &c. ut proinde male Chamierus de fide lib. 13. affirmet Bell. videri sibi impugnare cum omnem applicationem propriam, tum etiam certitudinem ejus applicationis: cui adjungit Costerum, negare autem plerosque alios Rom. tantum applicationis certitudinem, non autem omnem omnino applicationem peculiarem. Quod enim scribit Bellarminum c. 3. primi de justif. negare prorsus fidei justificantis objectum esse specialem misericordiam, &c. id totum ad applicationis certitudinem spectat. Disputatio
 enim

enim tota est, non de applicatione sed de applicationis certitudine, ejusdemque mensura & gradu.

6. Communior Romanorum hac de re sententia negat certitudinem fidei divinæ, iusto, de sua justificatione; citra speciale revelationis privilegium, libenter tamen admittit ex vivæ fidei sensu, seu charitatis & bonorum operum experimento, certitudinem aliquam minoris & inferioris gradus oriri, quæ conjecturalis & probabilis nominari potest, & quæ licet non omnem formidinem pellat, tamen tollit omnem anxietatem & hæitationem, & ipsam etiam dubitationem, si dubitatio sumatur pro mera animi fluctuatione sine ullo assensu, quæ sola apud Philosophos nomen dubitationis propriè obtinet. Ideoque quando de aliqua aliqui Rom. dubitatione loquuntur, non aliud intelligere, quam quandam formidinem quæ in omni assensu etiam certo qui non sit infallibilis aut evidens reperitur & latè dubitatio vocatur. vide Bell. l. cit. c. II. sect. (Tertia sententia, &c.) aliosque plurimos. Negant igitur, quia docent fideles non habere certitudinem fidei de sua justificatione, inde igitur sequi, jubere se fideles semper dubitare, & anxie hæsitare de sua cum Deo reconciliatione, quemadmodum Rigidiores Protest. illis impingunt, quia datur aliquid medium. inter hæc extrema, scil. certitudo quædam moralis ex parte intellectus, & spes, ac fiducia ex parte voluntatis; ut loquitur Bell. præter alios innumeros, loco citato, Rectè Remonstrantes in sua nupera Apol. (licet ejusdem p. 215. profiteantur se dubitationem Pontificiam de salute propria, & conscientiarum cornificinam, ita cæterorum Rigidiorum Protest. more loquentes, minimè asserere) de re alia loquentes, p. 7. (Inter dubitationem & divinam assertionem, humana certitudo media est, quæ etsi formidinem contrarii (cum dubitatione scil. conjunctam) excludat, infallibilitatem tamen divinam non includit; rationibus nititur, sed quæ à divinis oraculis differunt, &c.

7. Progrediuntur quidam alii Rom. ulterius, & certitudinem aliquam aliam, minorem quidem certitudinem fidei divinæ, Conjecturali tamen majorem, quam certitudinem Moralem appellendam censent, admittunt. affirmant enim posse, immo etiam solere præsertim, homines spirituales & perfectos (scil. secundum statum viæ) ad eam certitudinem seu securitatem venire, ut nullam habeant de sua justificatione formidinem plane ad eum modum (verba Bell. de justif. l. 3. cap. II.

cap. 11. Sect. Altera sententia, aliorumque plurimorum) quo
 credimus sine ulla hæsitatione & formidine deceptionis,
 Romanam fuisse & esse, Cæsarem in Italia aliquando regnasse,
 &c. Dom. a Soto ab hac sententia non abhorruit in Apol.
 contra Cathar. cap. 2. neque etiam Greg. a Valentia disp. 8.
 q. 5. p. 4. tom. 2. Neque Carthus. in 1. sent. d. 17. q. 5. & 10.
 referente Suarezio de Gratia lib. 9. c. 11. n. 1. Sed Andreas
 Vega diserte tuetur de justis. lib. 9. c. 46. cujus verba exhibeo
 numero sequente.

8. "Mature tamen (inquit Vega) omnibus hinc inde pen-
 "satis probabilius profecto esse crediderim, posse aliquos viros
 "spirituales tantopere in exercitiis spiritualibus, & in famili-
 "aritate divina proficere, ut absque ulla temeritate possunt
 "certo & absque ulla hæsitatione credere, se inuenisse gratiam
 "& remissionem peccatorum suorum apud Deum, &c. Hanc
 sententiam suam multis egregiis argumentis ibidem confir-
 mat; Verba argumenti 9. quo utitur dignissima putavi asscri-
 ptu. "Familiaritas item & eximius amor, quem Cantica
 "Canticorum indicant Deum habere in Ecclesiam, atque ei
 nonnunquam ostendere, exigunt revera ut aliqui sunt sem-
 "per viri spirituales in Ecclesia, quibuscum Deus sic familia-
 "riter loquatur, quique certi sunt & nihil dubitent de ipsius
 "in eos amore, &c. Illa insuper quies & securitas, qua ple-
 "rique migrant de hac vita, illud ardens desiderium, quo cha-
 "ritas, cum perfecta fuerit, clamat: Cupio dissolvi & esse cum
 "Christo. Phil. 1. illa lætitia, qua permulti exultant, dum
 "intelligentes sibi propinquum esse diem mortis, dicunt cum
 "Davide ps. 122. lætatus sum in his, quæ dicta sunt mihi, In
 "domum Domini ibimus: Alacritas etiam & admiranda con-
 "stantia martyrum, & despicientia omnium tormentorum,
 "quam præ se ferebant, quid aliud sunt, quam testimonia
 "apertissima certitudinis moralis, quam habebant de sua
 "justitia & gratia apud Deum? &c. Unde & Ambros: in
 "expositione illius versiculi psal. 119. Memor fui iudiciorum
 "tuorum a seculo Domine, &c. idemque de Hilario Martino,
 & Paulino, aliorumque sanctorum exemplis doctè & elegan-
 ter ostendit Episc. Cathar. &c. quæ apud ipsum Authorem
 legantur, multa enim sunt & observatione dignissima. Hæc
 denum subjungit verba suis argumentis "Licet hæc argu-
 "menta (inquit) non extorqueant certitudinem fidei, certe
 "non plene multis ex illis satisfacit, nisi concedamus possibilem
 "esse

“esse justis aliquam certitudinem de sua gratia, alienam ab om-
 “ni metu & formidine, &c. Idem etiam ad suam sententiam
 roborandam multa adducit Patrum testimonia : ut alios mittamus,
 Augustini lib. de Bono Perseverantiæ, cap. 2. (Sicut ergo
 sanctus, &c. Et Bernardi imprimis, Sermon. 69. in Cantica,
 Quod si quis, &c. Et rursus ibidem, Si senserim aperiri mihi,
 &c. Et Sermon. 37. in Cantica, Ideo spes non confundit,
 &c. Et Epistol. 107. At vero si superna, &c.

9. Hanc sententiam licet Bell. lib. sæpe citato cap. 11. Sect.
 De qua etiam sententia, &c. non probet, ut nec Vasquez. in 1. 2. tom. 2. disp. 200. cap. 8. Neque etiam alii Rigidiores Rom. alii tamen illius etiam partis viri doctissimi probabilem esse putant, & problemmatice defendi posse : ut Ruardus Tapperus Art. 9. Lov. de fide & spe, &c. Cujus verba quia prolixa sunt nec graveri, quæso lector apud ipsum Authorem legere, pag. 79. & 8. Tom. 2. Pererius disp. 9. in cap. 8. ad Rom. Sibi etiam Tapperi judicium de hac & Vega sententia probari asserit. Thomas a Jesu, recens scriptor Romanæ partis de Oratione Divina (excus. Antwerp. 1623.) lib. 4. cap. 12. “Ex his (inquit) constat, valde esse probabile
 “eos, qui ad hanc infallibilem unionem singulari Dei beneficio
 “fuerint sublimati, reddi de sua gratia & acceptatione securos,
 &c.

10. Idem Vega concedit hanc certitudinem moralem a fide divina bona ex parte profluere. lib. 9. cap. 47. “Quamvis
 “autem (inquit) fides infusa neque inclinet nos ad assentien-
 “dum, neque faciat nos certos, neque moveatur a Sp. S. ut ul-
 “lum efficiat nobiscum immediate assensum, nisi eorum quæ
 “ante ipsius concursum prius saltem natura, constat nobis
 “esse a Deo revelata vel ex iis deducta, tamen media-
 “te ad certitudinem moralem de nostra justitia concurrat & ei
 “debent bonam partem, perfecti, suæ certitudinis moralis.
 “Nisi enim per fidem assentientur illi majoribus illis proposi-
 “tionibus de fide, --facienti quod in se est Deus non denegat
 “gratiam : Convertens se ad Deum ex toto corde, invenit &
 “obtinere gratiam ipsius ; sc. Nunquam illi certitudinem ali-
 “quam haberent de sua gratia, &c. Et per fidem hoc, quod si
 in gratia simus, sciri posse ait Concil. Trid. non negare, sed
 tantum negare sciri hoc posse certitudine fidei ; lib. eodem cap.
 8. Immo propter Ecclesiæ pacem, hanc certitudinem hac
 H ratione

ratione certitudinem fidei appellare posse admittit, cap. 47. Quare recte dixit Joh. Baconus hanc certitudinem consequentem fidem. Quod si hoc putas esse satis ut vocetur Certitudo fidei, non admodum repugnabo, sed ut pax sit & omnes in unum conveniamus dabo quod vis & me volens victusque remittam. In eandem sententiam Tapperus Art. 9. prædicto, de Fide & Spe “Quæ (inquit) certitudo (scilicet Moralis) “quamvis multo sit inferior certitudine fidei, quia tamen a “sententiis Script. pendet, ideo fides quæ est virtus infusa me- “diante ad illam inclinatur, & si accedat confidens voluntas illa, “magis firmare potest assensum, sed non adeo ut liceret pro “ejus veritate, quod scil. in gratia sit, mortem subire, in quo “est differentia ab assensu fidei, &c. Hanc Tapperi sententiam diximus Ben. Pererium loc. cit. probare.

11. M. Eisengrenius (de quo in libri vestibulo) in Tract. Apologet. de certitudine gratiæ pro Can. 3. Sess. 6. Concil. Trid. “Hæc (inquit) est Sacri Concilii (Trid. scil.) “doctrina & sententia, prout Ecclesia Catholica & universi “Christiani doctores nunquam aliter docuerint, tales homi- “nes si legitime ac strenue sese exerceant in bonis ac piis ope- “ribus & jam justificati indies magis ac magis justificari sata- “gant, &c. tunc demum illos pro certo statuere & indubita- “tam fiduciam concipere posse, sibi remissa peccata seque in gratia Dei constitutos, &c. Inimò affirmat eum qui suam recte examinabit conscientiam, peccatorum remissionem & gratiam Dei non solum sperare, verum etiam credere posse ac debere eo sensu quo verbum Credo communiter solet intelligi, &c. & ea certitudine qua credit bis duo esse quatuor, &c. Item totum esse majus qualibet sui parte. Item qua credit ea quæ oculis suis vidit & manibus suis contrectavit, &c. Liber hic approbatus fuit a Collegii Theologici Ingolstadii decano, ut patet ex fine libri, In Indice tamen librorum prohibitorum atro stigmatè notatur & libris prohibitis accensetur.

12. Progrediuntur adhuc etiam ulterius alii Rom. & hominem fidelem vel posse vel etiam debere Certitudinem fidei divinæ sine peculiari revelatione, habere de propria gratia & justitia affirmat. Pro hac sententia citatur communiter inter veteres Scholasticos Alexander Alensis parte, 3. q. 61. membro 7. art. 3. sed multum renitente A. Vega. l. 9. c. 36. alijsque & Joh. Baconus Carmelita in L. 3. sent. dist. 30. q. 1. qui

qui diserte quidam non dicet cuiquam esse certam suam gratiam certitudine fidei, sed tantum certitudine consequente fidem, quod quomodo exponi possit Vega super monstravit. Sed quam recte, viderint Carmelitæ, alique qui sententiæ huic favent.

13. Author Enchiridii Colonienſis in Tr. de Justif. p. 139. edit. Paris 1550. " Non jubemus ut perpetuo de justificatione & acceptatione sua dubitent homines, &c. Fatemur enim " verum esse, ad justificationem hominis omnino requiri ut " homo certo credat non tantum generaliter quod propter " Christum vere pœnitentibus remittantur peccata, sed & " quod ipsimet homini credenti remissa sunt propter Christum " per fidem, &c. Multa in hanc sententiam ibidem legere est, & p. præced. 138. & p. 140. & 141. Consultat diligens Lector Authorem ipsum, Bellarmino proinde l. 3. de justif. cap. 3. " Liber is hac in re ut & in multis aliis censura Ecclesiastica dignus esse videtur certe (inquit) in modo loquendi doctrinam Melanctonis & Bucerii valde redolet. Sed multo modestior fuit Georg. Cassander in sua consultatione art. 4. de justif. Quod vero additur in Confess. scil. August. " Cum " credunt se in gratiam recipi & peccata remitti propter Christum, merito ut impium rejici non debet, cum Eruditissimorum virorum ex iis, qui Catholici nomen retinent sententiæ & scriptis consentiat ut patet ex Enchir. Chr. Religionis in Concil. Provinciali Colonienſi An. 1536. edito; qui liber ab omnibus eruditionibus Theologis etiam per Italiam & Galliam summopere fuit collaudatus ut qui summam sententiæ Veterum de Chr. Religione ex quorum scriptis quasi conformatus est, pulcherrime referat. deinde verba a nobis allegata recitat. Idem tamen Cassander hoc eodem loco, hujus authoris (ut & aliorum quorundam Romanentium proxime citandorum & non Protest. tantum) sententiam improbat, quod scil. hanc certitudinem fidei, natura ipsam justificationem & remissionem peccatorem præcedere dicat, Nam (inquit) donum est Sp. S. quod justificatis infunditur, quo de remissione peccatorum & gratuita Dei Patris erga se benevolentia certi redduntur.

14. Authores Antididag. Col. Titulo de justif. idem insinuare videntur, dicunt enim nos justificari per fidem qua absque dubitatione firmiter confidimus nobis qui veram peccatorum pœnitentiam habemus, peccata nostra propter Christum esse remissa,

remissa, & de eo oportere intrinsecus per fidem, Sp. Sancti testimonio certificados nos esse & iustitia inhærenti, tanquam quodam experimento, certificari, nobis remissionem peccatorum esse factam: vide Vegam l. 9. c. 7.

15. Authores libelli Ratisbonæ Imperatori oblatis A. 1541. Art. 5. de Justif. Hominis “ (Docendum est ut qui vere poenitent, semper fide certissima statuant se propter Mediatorem Christum Deo placere, &c. Claudius Gmiliaudus Belijocensis in Collatione sua in Pauli Epistolas in secunda Consideratione ultimi capitis 2. ad Timoth. dicit certos nos posse esse de nostra salute, non ex nobis neque ex natura nostra aut ex operibus vel prosperis vitæ successibus sed per fidem verbo & promissionibus Dei innixam; qui dicit, Omnis qui audit vocem filii Dei & credit in eum, habet vitam æternam, Hæc verba citat Vega. Sed in Editione Paris. 1548. ex Recognitione Authoris hæc omissa sunt, neque absque suspicionem aliqua, quandoquidem in Indice libr. prohibitorum vetatur Collatio hujus Authoris, &c. nisi expurgetur.

16. In hanc sententiam citari possent quædam ex Ja. Fero, præsertim in commentario loci Joan. 14. & alium Paracletum dabit vobis. Sed de mente Feri multum inter se Dominicus a Soto & Michael Medina contendunt, ut legere est apud Sixtum Senens. Biblioth. f. l. 6. Annot. 210. Vide etiam Ferum in verba Joan. 17. Tui erant, & mihi eos dedisti; & eundem Sixtum Sen. ubi supra Annot. 215. Jo. Baptista Folengius professione Benedictinus (ut Ferus Franciscanus) vir insigni pietate ac charitate præditus, & de emendatione Ecclesiæ & scissura tollenda serio cogitans (sic eum, nec immerito, laudante Jac. Aug. Thuano Histor. lib. 23.) ab hac sententia alienus non fuit, aut saltem non fuisse videtur in Comment. 1. Epist. Joan. cap. 5. ad verba, Hæc est victoria, &c. fides nostra. Et, Hæc scribo vobis ut sciatis quoniam vitam habetis æternam, &c. “ Nolem, inquit, (sic me “ sernet Deus) quæ huc usque de certitudine habenda “ in fidei causa diximus, cuiquam scandalo esse atque “ admiratione. Diximus, quæ nos quotidie experimur: “ ut alii hac in re afficiantur, nec quæro, nec scribo. “ Ad hæc, qui verbum illud (scimus) tam frequens “ apud Joannem unquam intelligere potero? &c. Adis
authorem

authorem ipsum istic atque alibi compluribus in scriptorum suorum locis. Florentinus Volusenus Scotus Catholico-Romanus De animi tranquillitate pag. 384. & seq. A. 1543. "Omnes quicumque legitime Christiani sunt, debent certo persuadere sibi, se gratos & esse, & perpetuo fore Deo Patri, propter eum, quem amplectuntur, Christum, &c. Hujusque sententiæ affirmat ibidem fuisse Roffensem Episcopum, & Hieronymum Hangestum Theologum Parisiensem. Imo hanc sententiam multi Catholici, teste Vega ubi supra ante editum decretum de justificatione, probabilem censebant Tridenti, & compluribus argumentis suadere illam conabantur.

17. Verum non tantum ante editum decretum illud ut ait Vega, Ambr. Cath. cum suis fautoribus Ant. Marinario Carmelita (cujus oratio ad Patres in Concil. Trid. habita hac de re, & quibusdam aliis, Dominica 4. in quadragesima 1546. publice extat inter Acta Concilii illius excusa Venetiis 1552.) Immo Carmelitanis omnibus, quorum doctor Joh. Baconus, eam tuebatur, cum Episcopis etiam quibusdam, acerrime contra Sotum aliosque defendit, Certitudinem fidei, etiam divinæ, quam sic neque aliter nuncupandam esse censuit, quia scilicet nititur iis quæ in Dei verbo revelata sunt & testimonio Sp. S. Rom. 8. & hanc privatam cujusque justæ fidem æque certam atque indubitatam esse ac fidem Catholicam, licet non sit omnino cum ea eadem. Atque hæc sententia utut prima facie ardua visa fuerit ipsis Catharini fautoribus, diligenter tamen post expensis rationum momentis, admirabili spectatissimorum e præsulibus consensu fuit approbata (ut refert fide dignissimus author Hist. Concil. Trident. lib. 2. pag. 227. edit. Latin. Francof. 1621.) inclamante Soto nimis favorem esse Lutheranis, aliis vicissim asserentibus Lutherum non fuisse damnandum si dixisset post justificationem, fidem illam sequi, sed damnari quod dicat, eam esse fidem justificantem.

18. Sed etiam post decretum editum, cæteris omnibus de propria opinione decedentibus & simpliciter auscultantibus, ut jacet, decreto Synodi ut refert Sotus in Apolog. contra Cathar. cap. 2. si modo fides illi hac in re habenda sit, Idem Cath. recens factus episcopus Mino-

riensis, eandem sententiam animose contra Sotum defendit, contenditque contra suam sententiam nihil pronunziat se Synod. Trid. “ Quod (inquit ille in confirmatione Defens. Cathol. &c.) ego in primo meo detexi libello, quem ad præsidentes ipsi concilio (quorum alter, Deo gratia, summus est Pontifex Julius tertius) & ad ipsam Synodum destinavi, eos alloquens his plane verbis : Addo, quod sæpius hoc protestati sint ambo Præsidentes, & specialiter in hac controversia, tum in conventu Patrum, tum vero in congregatione Theologorum : & ambos audivimus Contestantes, non videri sibi quæstionem hanc discussam satis ad decisionem. Immo ipsamet S. Synodus bis declaravit, hujus rei definitionem tunc omittendam esse, & in aliud tempus servandam, sicut in Actis possit apparere, denique ipse titulus 9. capitis hoc manifestat abunde, qui sic habet : Contra inanem hæreticorum fiduciam, &c. Hæc ille. Sed de concertationibus Cath. & Soti super hoc argumento, lege ipsorum Apologias & Antipologias, & de ambigua, immo vafra & versuta illius decreti Conc. Trid. ad quod uterque provocabat concinnatione a patribus illis facta, ne partibus dissidentibus displicerent, Vide Hist. Concil. Trid. lib. 2. pag. 254. 255. &c. Quinimo nuper Jo. Barnesius Anglicus, Monachus Benedictinus doctissimus ac pacis Ecclesiæ amantissimus in suo Catholico-Romano pacifico manuscr. SS. S. De justificatione, &c. eandem sententiam defendit. “ Cum, inquit, fides sit scientia salutis, & credere sit quoddam scire, sequitur quod quemadmodum sciens scit se scire ; ita quisquis ad salutem credit, credit se credere salutari fide ; ex quo efficitur pte in Christum credentes certos esse de sua fide justificante qua justi sunt. Hæc ille ; & in Paralipomenis in SS (hanc) certitudinem infallibilem salutis operose probare satagit ex Patribus, ex veteribus Scholasticis & recentioribus Theologis Romanensibus, imprimis Cajetano, Antonio Marinario, Claudio Guilliando. Hier. ab Angesta & late ex Catharino. Atque hæc de diversis imò adversis Romanensium super hac re sententiis.

CAP. II.

Quo ejusdem litis aqua consideratio ex Scripturis, Patribus, Protestantibus, aliisque viris Moderatissimis continuatur & concluditur.

I. **C**ommunior Protestantium sententia est posse vere fideles certa fide & diviua statuere, per gratiam Sp. sibi remissa esse peccata, &c. immo debere etiam omnes hoc de se statuere, quia ad eam certitudinem, Scripturam fideles ubique hortari arbitrantur, sed male adjicit Bel. lib. 3. cap. 3. tanquam ex communi Protest. qui sic sentiunt, opinione, alioqui nec fideles nec justos futuros, detur enim quosdam Rigidiore aliquando adeo incommode & inconsiderate loqui, haud gravate tamen concedunt omnes, alias, quando paulo explicatius loquuntur, in multis etiam fidelibus & justis, certitudinem hanc ἀμεταμέλτων, de facto non inesse & in quibus aliquando est, non semper inesse, sed non raro carnis infirmitatibus interturbari, fidem enim aliquando magnam & vividam esse, aliquando modicam & languidam, ut alios silentio præteream, Remonstrantes qui in sententia sua Synodo Dordr. exhibita circa articulum. 5. de perseverantia, &c. Thesi 7. Vere fidelem pro tempore præsentis de justitia & salute sua certum esse posse ac debere affirmant & hic Pontif. sententiam se improbare (vide Acta Remonstr. art. 5. pag. 186.) in declaratione suæ sententiæ pag. 195. sic loquuntur. Neque tamen diffitemur fieri posse ut quis vel errore aliquo, vel contrariæ opinionis diutina consuetudine, vel infirmitate, vel tentatione aliqua gravi correptus, hæsitet & vacillet inter spem metumque, qui tamen alioquin probissimus & innocentissimus est: Neque id saluti ipsius ullatenus obsuturum credimus. Si quis enim sincere, ex animo Deo obediat, sive sciat & persuadeat sibi se obedire, & in statu proinde Justitiæ ac salutis versari, sive id persuadere sibi aut non possit aut non audeat, salvare tamen nihilominus poterit. Non enim scientia aut certitudo, quod obedientiam talem præste

H 4

“quant

“ quam æterna salus sequutura est, sed obedientia ipsa ad salutem necessaria est, &c. Vide & Fr. Whitæum contra Fischerum Jesuit. de Certitud. salutis pag. 166. & Jo. Mayerum in cap. 2. Jacob. vers. 19. pag. 30. 31. & Dounamum de Fœdere gratiæ cap. 8. pag. 102. & in Appendice pag. 218. &c.

2. Multi etiam Protest. hac ipsa fide, ac sola hac fide (ut refert Bell. loco citato, sed non satis bona fide, eam sententiam omnibus Protestantibus attribuens) quam tamen semper vivam esse existimant, homines justificari volunt: Sed quid de hac ultima multorum Protestantium sententiæ parte judicandum sit, abunde dictum est lib. 1. quo lectorem remitto. |

3. Posse autem & debere vere fideles de præsentī gratia & justitia, fide divina, certos esse, non solum Protest. plærique docent, sed etiam nonnulli Rom. ut cap. præced. fuscè ostensum est. “ Alteri vero (inquit Hist. Concil. Trid. lib. 2. “ pag. 227.) certitudinis Patroni, ab adversariis (Soto ali- “ isque) coacti animi sui sensum diserte exprimere, utrum “ crederent hominem posse certitudinem gratiæ habere; “ aut vero etiam hominem putarent ad id credendum teneri, “ & utrum fides ea divina esset an humana, tandem profes- “ si sunt, quando quidem fides ea exhibeatur testimonio Sp. “ S. non posse eam relinqui hominis libertati, cum unusquis- “ que teneatur credere revelationibus divinis, ac proinde fi- “ dem illam non aliter appellendam quam divinam, &c. Bell. etiam ipse lib. 3. de Justif. cap. tertio Sect. His erroribus, &c. concedit sententiam quam hodie communiter tuentur Rom. communem tamen esse fere omnibus Theologis non igitur esse omnium Theologorum sententiam. Horum suorum sodalium sententiam, licet alii Rom. erroneam esse judicent atque etiam decreto Concillii Trid. adversari; hærescos tamen damnare nec volunt nec audeant. Vide Bell. loco citato Sect. Tertia sententia, &c. aliosque plurimos, in Protestantibus tamen hæresin esse volunt. Utinam illi se adeo æquos Protestantibus, ut suis præberent, certe sic candorem suum & charitatem magis probarent Deo & omnibus piis, & quod eos *περσωπολυμνας* arguerent, minus hodie haberent Protestantes.

4. Sententia tamen hæc plurimorum Protest. atque nonnullorum

culorum etiam Romanensium de certitudine fidei divinæ quo ad hanc rem, ut libere quod res est dicamus, non satis tuta esse videtur.

§. Pugnat enim primo cum multis Scripturæ locis, ut fuse ostendunt ii qui hodiernas controversias pertractant : quos ad lector studiose. Memineris tamen, ne erres, locos quosdam communiter ab illis adduci qui nihil ad hanc rem faciunt ; verba enim illa Ecclesiastæ 9. Nescit homo utrum odio vel amore dignus sit, sed omnia in futurum servantur incerta, quæ argumentum palmarium plærisque Rom. præbere videntur, nihil ad hanc causam spectant, nam locus a multis utriusque partis viris hæbraice doctissimis multo aliter & melius ex hæbreo vertitur quam ab Interprete Vulgato ; cujus tanta apud Rom. ex decreto Concil. Trid. autoritas est, & Salomonis mens non alia est eo loci quam ex eventis externis Dei amorem odiumve certo cognosci non posse. Quod ingenue agnoscunt etiam quidam Rom. doctissimi, Arias Montanus aliique quos nihil necesse est commemorare. Unde Alph. de Castro cum in primis editionibus operis adversus Hæreses lib. 7. Titulo gratia Hæresi 3. ex hoc loco firmissimum argumentum duci posse putasset, ultima tamen errorem revocavit, & hunc Salom. sensum candide agnovit esse. “ Ne-
 “ mo aliquid horum (sitne electus an non) scire potest ex
 “ consideratione rerum externarum, siue prosperæ siue ad-
 “ versæ sint, quia hæc omnia possunt juxta perinde ac pecca-
 “ tori contingere ; Et paulo post rejecto primo illo testimo-
 nio propterea quod dubium est & non convenit inter om-
 nes de sensu illius, oportet aliunde capiamus testimonia. Florentinus Volusensus de Animi tranquillitate pag. 388.
 “ Locum Salom. 9. referendum arbitror ad casus hujus. vitæ:
 “ quod præsentī fortunæ non sit confidendum, eo quod nesci-
 “ amus quid superventura pariat dies, certe absolute vix ac-
 “ cipi potest : eo quod nemo nostrum non novit, aut saltem
 “ noscere debet, se esse odio dignum, &c. Verba etiam illa
 (quæ tam solite imo jactanter a Bell. aliisque urgentur) Ec-
 clesiastici 5. juxta veterum versionem, de propitiato peccato
 noli esse sine metu, &c. nihil probant: aliter enim græce se ha-
 bent verba, & authoris sententia alia plane est. Vide Jansen.
 in locum & Hist. Concil. Trid. lib. 2. pag. 227. & 228.
 Forte etiam quidam alii qui citantur loci parum habent
 roboris,

roboris, firmiter tamen id probant multi alii, quos, qui iudicio valet, eſtor facile discernere poſſit, de locis ſcript. qui contra obſcitantur legantur Controverſiarum Tractatores & doctiſſimi Scripturarum interpretes. Teſtimonium Spiritus, quod affirmat Apoſt. Rom. 8. teſtimonium reddere ſpiritu noltro, quod ſimus filii Dei (quo loco maxime nituntur omnes qui contrariam ſententiam tuentur) eſt quidem per ſe certiſſimum, & ſine ulla dubitatione credendum, utpote a Sp. S. qui eſt Spiritus veritatis proveniens : nobis tamen illud teſtimonium non eſt certitudine fidei compertum, eſſe a Spiritu Sancto, neque enim Sp. id teſtatur per verbum aliquod expreſſum ſeu per revelationem, ſed tantum id probabilibus conjecturis, & ſignis, vel ſummum, certitudine quadam morali nobis eſt cognitum. Ejusmodi autem teſtimonium Spiritus Sancti, quo perſuadetur viris juſtis ipſos eſſe in gratia Dei, pro majori minorive proſectu in vita ſpirituali, & in ſtudio cultuque virtutum, magis, minusve, clarum datur a Spitu S. qui novit optime omnia moderari, & ſuaviſſime, & accomodatiffime, pro cuiusque (ut ſic loquamur) merito, atque utilitate, in tempore atque oportune diſponere ac diſpenſare. Aliquando enim Sp. S. teſtimonium ſuum probabiliter tantum facit notum homini, aliquando certum facit certitudine humana & morali : aliquando etiam (licet rariffime) certitudine fidei divinæ, per ſpecialem aliquam, videlicet ipſius, revelationem, ut recte & ſolide reſpondet Pererius Diſp. 8. in c. 8. ad Rom. videantur & alii in eundem locum.

6. Plurima apud Patres legere eſt, quæ huic ſententiæ repugnant, de quibus alii, ſed ipſi inprimis Patres conſulantur. Neque ullus ex iis locus afferri poteſt, qui certitudinem fidei, cuiquam citra ſpecialem revelationem efficaciter ſuadere poſſit, eſſi plurimos admodum conſolatorios præſertim in Cypr. Ambr. Bern. facile invenias.

7. Pugnat cum ratione, Minor enim Syllogiſmi illius, Omnes vere credentes & pœnitentiam agentes certi ſunt & quidem certitudine fidei de peccatorum ſuorum remiſſione & gratia Dei, ſed ego vere credo, &c. ergo, &c. Minor inquam, nemini fidelium quantamcunque certitudinem habeat, citra revelationem ſpecialem (quæ non niſi pauciſſimis, omnibus ſæculis ſapientiffimo Dei conſilio indulta eſt) æque certa eſt atque Major, ut quæ expreſſum Dei verbum ſit. Unicuique enim fidelium in Scripturis commendatur magna ſolicitudo
&

& cura quotidie seipsum probandi, & magis magisque serio examinandi, an vere & sicut oportet credat, relapsat, &c. Conclusio autem partem debiliorem semper sequitur.

8. Pugnat cum communi fidelium sensu & experientia. Ecquis enim fidelium ausit dicere sibi tam certo constare se esse in gratia, quam quod Deus sit unus, & trinus, vel Christus Deus & homo? &c. De fidei articulis nefas est dubitare: dubitatio enim infidelem vel hæreticum facit, mille, potius mortes in eorum testimonium oppetendæ sunt. Illud autem, quod ego vel ille in gratia sit, in hoc certitudinis gradu certum non est, neque etiam esse potest. Immo audacter provo- co ad ipsorum acerrimorum, hujus sententiæ assertorum conscientias, an hoc fidei divinæ certitudine de seipsis in particulari credere se audeant dicere, secus nullam sibi in Dei gratia & regno partem in æternum optare. Audacissime sane M. Bucerus vir alioqui doctissimus, & quidem omnium Protestantium nomine, illud in Colloq. Ratisb. 2. p. 463. effutiit. “Nostra, inquit, est confessio, Christianum ho-
“minem non esse qui non eadem fidei certitudine credat, &
“Christum esse filium Dei, & se per eum percepturum esse vi-
“tam æternam, &c.

9. Sententia etiam hæc pias mentes non tam solatur, quod arbitrantur illi qui mordicus eam propugnant, quam misere sæpenumero cruceat & torquet. Quando enim hanc fidei certitudinem, quæ ex lege communi non est possibilis in seipsis non inveniunt, neque etiam invenire possunt, nihil tamen vehementius urgere audiunt multos indoctos & imperitos animarum medicos, incredibiles inde dolores & cruciatus in optimis mentibus sæpe nascuntur, ut tristis quotidie testatur experientia.

10. Merito igitur hæc sententia non paucis nec obscuri nominis Protest. aliisque improbatur, ut seq. numeris apparebit.

11. J. Armin. in declaratione sententiæ suæ, &c. hac de re sic loquitur. “Quantum ad certitudinem salutis statuo
“eum, qui credit in J. C. tam ex actione Spiritus S. intus
“ipsum agentis; & fructibus fidei, quam ex propria sua con-
“scientia & testimonio Spiritus una cum ea testanti certum
“persuasumque posse esse atque etiam reipsa certum esse,
“si cor suum se non condemnet, filium se esse Dei, & in
“gratia J. Christi stare; quinimo cum certa fiducia gratiæ
“Dei & misericordiæ in Christo ex hac vita migrare posse,
“& coram tribunali gratiæ comparere, citra anxium timorem,
“&

“ & terribilem metum ; semper tamen orare debere, ut Domi-
 “ nus secum non ingrediatur in iudicium. Sed cum Dominus
 “ major sit corde nostro, & omnium conscius, homoque seip-
 “ sum non iudicet, quinimo etiam quamvis nullius sibi ipsi
 “ conscius, in hoc tamen non iustificatur, sed Deus sit qui ip-
 “ sum iudicet, hanc certitudinem non audeo Tanti facere
 “ quanti est illa certitudo qua scimus Deum esse & quod
 “ Christus sit salvator mundi, &c.

12. Theologi M. Britan. in suffragio suo de Quinto articu-
 “ lo, &c. edit. Lond. 1627. p. 89. th. 30. licet Loquantur de
 perseverantiae fidelium Certitudine, quoad nos, hæc habent
 verba, quæ non minus contra certitudinem fidei de præsentī
 iustitia militant “ Prima debilitas oritur ex ipsa fundamentali
 “ huius personalis fiduciæ dependentia quæ infra fidei dog-
 “ maticæ certitudinem videtur subsidere, assensum quippe
 “ nostrum afficiunt fidei Catholicæ Articuli ut principia im-
 “ mediata ac prima ; Fidei autem specialis veritas non inde
 “ deducitur ut quiddam necessario consequens, sed tamen sub-
 “ jungitur per modum assumptionis, Ergo illius, quæ hanc
 “ persuasionem facit, conclusionis non potest esse firmitudo
 “ major quam quæ præmissarum debiliori inest ; subsumptio
 “ autem illa experimentabilibus nititur iudiciis per privatam
 “ hominis conscientiam pensitatis quæ cum nonnunquam in
 “ dubium vocentur an sint signa genuina, &c. Hæc illi vi ve-
 “ ritatis coacti ; nam p. 91. thes. 4. huiusmodi certitudinem, ve-
 ræ fidei, cui falsum subesse non potest, actum esse volunt.

13. Franciscus Whitæus episcopus nunc Norwicensis in
 suo de Controversiis opere contra Fisherum Jesuitam de cer-
 titudine salutis p. 166. ita scribit “ Particularis certitudo re-
 “ missionis peccatorum, quam Iusti ex resipiscentia & fide
 “ obtinent, in assensus firmitudine minimè æqualis est certi-
 “ tudini quam circa commune fidei objectum viz. de Articulis
 “ de creatione, Trinitate, &c. habent, quia articuli hi immedia-
 “ tē & totaliter in S. Scriptura revelati sunt, sed quod Huic vel
 “ illi poenitenti peccata sua remissa sint, illud ex argumento
 “ pendet cujus pars una tantum immediatē Dei verbum est,
 “ altera autem collectio ex reflexione mentis supra suum ac-
 “ tum & diligenti ac sollicita suarum virtutum & actionem
 “ observatione exurgens. Unde conclusio magis minusve se-
 “ cundum assumptionis conditionem, certa est. Citat in Margi-
 ne Bannelium 22. q. 6. art. 2. concl. 5. p. 235. cujus verba probat
 &

& B. Medinam sup. Th. Aquin. 1. 2. q. 112. art 5. &c. brevitatibus studio verba ab illo notata omitto. Quod proxime subjungit, certitudinem hanc fidelium de sua præsentis justificatione vel justitia, à Protest. ad fidei certitudinem reduci, quia partim innititur propositioni seu sententiæ immediatè divinæ partim propositioni quæ ex ea quæ divina est, insertur & colligitur; regulam enim per quam quispiam se credere & resipiscere dignoscit, esse Dei verbum quo fidei & resipiscentiæ conditio seu qualitas explicatur, næ id frivolum est, tota enim quæstio est de certitudine applicationis regulæ, illiusque gradu quam ille jam concessit certitudini fidei divinæ non esse æqualem. Unde tantam agnoscit dissensionem hac de re inter quosdam doctos Rom., qui etiam post Conc. Trid. Vixere & Protestantes, exigui tantum esse momenti modo ulla sit omnino dissensio. Nominat (vide Marg.) A. Vegam, Tapperum, Perer. Eifengr. &c. de quibus omnibus supra.

14. R. Montacutius episcopus nunc nisi fallor Cicestriensis libro (cujus & antea mentio facta) quem (Appello Cæsarem) illi appellare visum est c. 14. acriter contendit contra Puritanos suos adversarios, Ecclesiam Anglicanam minime docere aut tenere talem absolutam salutis certitudinem in Justis qualem de aliis Fidei objectis expressè & directè per Deum revelatis habent. probat etiam illorum eruditorum Romanensium (quorum Fr. Whitæus, per quem liber approbatus, proximè meminuit) sententiam ibidem p. 212. 213. denique sic Puritanos ironice compellans, inquit “Sed Vos forte ex meliori tuto ficti homines, non tantum omnia quæ ad præsentem justitiam spectant, æque certo cognita & perspecta habetis atque I. C. in cœlis esse, Sed & &c.

15. Robertus Abbottus episcopus nuper Sarisburiensis in sua defensione Pirteinfiani Catholici Reformati contra Bishoppum de certitudine salutis parte 1. p. 285. Concedit, vulgus fidelium, non ita certo & infallibiliter suam in particulari salutem credere ut ab omni formidine contrarii & dubitatione liberi sint, hac ratione addita Quia conclusiones quæ ex principiis & immediatis Dei verbis ad nos ipsos de salute nostra derivantur, seipsis ignotæ sunt & quicquid habent lucis, à principiis tantum id habent, proinde non ad eam firmam fidem vel assensum apprehenduntur ut principia ipsa, hominibus forte dubitantibus ne in principiorum applicatione

& usu, aliquid adniserint vel admittant erroris, &c. Quod quid aliud reipsa est, lector, quicquid, verbo, vel ille vel alii etiam contradicant, quam certitudinem Minoris, ac proinde Conclusionis, etiam illius supra formati syllogismi non esse æqualem certitudini Majoris quæ fide divinâ & firmissimâ creditur, quia immediatum Dei verbum est, & communem & maximæ fidelium partis sensum id ipsum clarissime testari.

16. Vide etiam lector, quia brevitati studeo, I. Whitarum (Fr. supra nominati fratrem) in sua defensione Viæ ad Veram Ecclesiam cap. 16. n. 2. circa finem, p. 136. & n. 4. p. 140. 141. ubi post multa admodum perplexè & intricatè dicta, sententiam Vegæ aliorumque supra laudatorum admittere videtur, & hanc privatam fidelium de sua salute persuasionem esse quidem effectum fidei vult, & mordicus defendit, non tamen æque certò & firmiter hoc fide apprehendi atque ea quæ immediatè revelata & expressè in Dei verbo scripta sunt.

17. Vorstius in suo Anti-Bellarmino multum a multis Protest. quondam laudato In Tom. 4. p. 613. & 647. " In hac autem parte (inquit) scil. De certitudine præsentis
" Justitiæ &c. primum merito conqueruntur Evangelici, statum quæstionis non satis fideliter ab adversariis explicari solere. Non enim absolutam ejusmodi certitudinem, qualis est in historica fide, sed fiduciam persuasionem cum perpetua illa inquietudine & dubitatione animi pugnantiem, &c. homini fideli attribuimus. licet hanc persuasionem multò certiore esse statuamus, quam ut Conjecturalis tantum aut Moralís dici debeat quum non ex obscuris signis, aut frivolis conjecturis, neque ex incerta aliorum hominum attestatione, sed ex interiori animi nostri sensu, seu potius arcano Sp. S. testimonio, & apertissimis gratiæ promissionibus oriatur, eoque conscientiam planè securam efficiat, &c. Pro hac igitur sententia (quæ tantam propriæ justitiæ certitudinem homini fideli attribuit, quanta ad conscientiam coram Deo tranquillandam, & perpetuam dubitationem excludendam, sufficit) Hæc fere argumenta Nostri afferunt, &c. Hæc ille, paulo mollius & melius quam multi alii, sententiam Protestantium explicans.

18. Archiep. Spalat. de Rep. Eccles. l. 7. c. 11. n. 223. " Fides

“ Fides nostra est circa thesin & hypotheticè h. e, dari remissi-
 “ onem peccatorum a Deo, si quis vere pœniteat eaque agat
 “ quæ ab illo Deus requirat ut eum justificet, & in hoc
 “ neminem fidelem hæsitare debere, certo scio; sicut
 “ neque in debita fiducia debet hæsitare qui plurimum
 “ confidat etiam merito sibi dimitti peccata etiam in
 “ hypothesi, a divina misericordia, ubi confidat etiam me-
 “ ritò se esse verè pœnitentem, sed tamen in hypothesi
 “ & absolutè fide, posse quenquam aut debere credere sibi
 “ esse remissa peccata non video quicquam quod cogat.
 “ Video quidem multa quæ magnam ingerant, probabilitatem
 “ de præsentia gratiæ & justificationis immo & moralem
 “ certitudinem per gravissimas & vehementissimas con-
 “ jecturas, interim tamen non pauca quoque suppetunt
 “ ordinariè omnibus, &c. Authorem ipsum adi Curiose
 lector, paulo post admodum prudenter (inquit) “ Sinant ergo
 “ isti (Protest.) nos (Rom.) abjecta hac fidei certitudine,
 “ consolationem sumere, & ex debito ac sancto metu
 “ cautius coram Deo ambulare; Ipsi vero modo caveant
 “ a nimia præsumptione & inde se oscitantia non tra-
 “ dant; abundant in sensu suo, nec inde alteri alteros
 “ damnent, &c. & inferius, viderint ipsi, interim nos
 “ quoque videamus ut salvemus Pauli dictum valde Consola-
 “ torium (Spiritus Dei testimonium reddit Spiritui nostro
 “ quod sumus filii Dei) Sed ad hoc necessaria est discretio
 “ spirituum. Hæc cuius viri in controversiis hodiernis exerci-
 “ tatissimi, & concordia inter partes studiosissimi sententia
 fuit.

19. Sed ut hanc fortasse multis nimis molestam diatribam
 tandem concludamus. 1. Infirmis & pavidis conscientis quæ
 cum gravi & anxia dubitatione sepe luctantur, quæ
 etiam dubitatio, ex propriæ infirmitatis & imper-
 fectionis iustitiæ intuitu nata, virorum sanctissimorum
 mentes non rarò exercet, utrinque, præsertim morte
 imminet, ab omnibus fidelibus pastoribus occurratur
 & tales sedulo admoneantur ut huiusmodi dubitationi-
 bus dulcissimas Evangelii promissiones fortiter oppo-
 nant & fidem atque fiduciam sibi augeri instanter
 orent. Hoc Rom. ipsi solenniter se & facere & fieri ab
 omnibus pastoribus, jubere, protestantur, & gravissimam
 sibi injuriam a Rigidioribus Protest. fieri conqueruntur
 quando

quando illis impingunt quod doceant & jubeant homines de Dei gratia & salute semper dubitare, provocant ad sua ipsorum scripta & ad quotidianam praxin. Vide etiam Cassand. in Consult. art. 14. de Justis. 2. Neque etiam illa summi gradus certitudo seu fidei divinæ plerophoria nimis importune urgeatur, nec a fidelibus quasi præcise necessaria exigatur (utinam moralem illam certitudinem de qua supra dictum assequi possent omnes) 1. ne pavidæ conscientia inde magis paveant, 2. ne timor Dei etiam filialis piorum animis excutatur, aut saltem minuatur; & carnis securitas alatur, beneque operandi studium remittatur. Vide Cassandr. loco supra citato. Solicite studeant omnes utriusque partis suam de præsentis justitia & Dei gratia persuasionem, quantacunque illa sit, per bona opera magis magisque certam & firmam facere, ut monet Apostolus Petrus 2. 1. Quantum enim crescis in gratia, tantum & in fiducia dilataris, inquit Bern. Serm. 3. in Cantic. Denique a nimis curiosa & scrupulosa de hujus certitudinis gradu & mensura disputatione, maxime autem ab omni temeraria & audaci cum aliorum dissentientium damnatione conjuncta definitione, utriusque partis Theologi abstinant. Atque hæc de hac controversia satis sint.

C A P. III.

Quo de certitudine Prædestinationis & finalis in fide & justitia perseverantia, & simul an fides & justitia semel habita amitti possint, paucis differitur.

1. **N**ihil certius quam certitudinem Prædestinationis sive Electionis ad gloriam, sine certitudine finalis perseverantiæ, ab homine vere fideli haberi non posse, ut omnibus constat, cum autem de hac, absoluta certitudo hic nec habeatur neque etiam sine speciali revelatione haberi possit, ut jam dicturi sumus, certe necessario inde efficitur: neque etiam illius certitudinem absolutam & fidei, haberi posse.

2. Sententia M. Bucerii in Colloq. Ratisb. (de qua etiam supra

supra nonnihil dictum) Christianum hominem non esse qui non eadem fidei certitudine credat, &c. aliorumque multorum & magni nominis Protest. sed in hac causa plus æquo rigidorum, nec cum clarissimis Script. testimoniis nec cum Patrum sententiis congruit: Consulantur qui controversias hodiernas fusius tractant. Ut tamen aliquid dicamus, quid clarius illis B. Aug. libr. de Correptione & Gratia cap. 13. "Quis ex multitudine fidelium quamdiu in hac mortalitate
 "vivitur, in numero Prædestinatorum se esse præsumat quia
 "id occultari opus est in hoc loco ubi cavenda est elatio, &c. Et de bono perseverantiæ l. 2. cap. 13. Ad quam vocationem, &c. & 22. & lib. 11. de Civ. Dei c. 12. "licet sancti (inquit)
 "de suæ perseverantiæ præmio certi sint, de ipsa tamen perseverantia sua reperiuntur incerti; Quis enim hominum se in actione, profectuque justitiæ præservaturum usque in finem sciat, nisi aliqua revelatione ab illo fiat certus, qui de
 "hac re justo, latentique judicio non omnes instruit, sed neminem fallit? &c. Et in plurimis aliis Aug. locis eadem legere est. Vide & Prosperum in Resp. ab Ob. Vincentiani. Resp. ad duodecimam & Authorem de Vocatione Gentium lib. 2. c. ultimo. Et, ut alios antiquiores omittam Bernard. Serm. 1. de Septuagesima, "Quis potest dicere, Ego de electis sum? &c. certitudinem, inquit, utique non habemus: sed spei fiducia consolatur nos, ne dubitationis hujus anxietate penitus cruciemur, propter hoc data sunt signa quædam, & indicia manifesta salutis, ut indubitabile sit eum esse de numero electorum, in quo ea signa permanserint, propter hoc, inquam, quos præscivit Deus, & prædestinavit conformes fieri imagini filii sui, ut quibus certitudinem negat causa sollicitudinis, vel fiduciam præstet, gratia consolationis. Hoc enim unde semper solliciti, & in timore & tremore humiliemur necesse est, sub potenti manu Dei, quoniam quales simus, nosse possumus, vel ex parte; quales autem futuri simus, id nosse penitus nobis impossibile est. Itaque qui stat videat ne cadat: & in forma, quæ salutis indicium est, & argumentum prædestinationis, perseveret atque proficiat, &c. vide eundem epist. 107. Hunc authorem in controversia de justis. Prot. etiam rigidores imprimis laudare solent: Quæ autem ad hæc & contra sentientibus responderi solent nimis frivola sunt & a patrum mente omnino aliena, immo plane contraria; audeo provocare ad judicium cujuslibet Lectoris in quo vel uncia est judicium liberi & non affectui mancipari.

3. De finali fidelium perservantia plurimi etiam doctissimi Protest. contra alios gregales suos sic statuunt, quod vere fideles, si in timore & cum pia sollicitudine pergant salutem operari, de continuo divinæ gratiæ auxilio in ista operatione, & ex eodem, de sua finali in fide & gratia perseverantia certi esse possint ac debeant, nisi ipsi sibi delint, penes Deum certe, quo minus perseverent, non staturum : sed absolutam certitudinem fidelibus se officio suo in posterum nunquam defuturos, sed in fide viva & per charitatem efficaci, uti fideles decet, in hac militiæ Christianæ schola semper perseveraturos, uspiam in Scripturis promissum esse negant. Immo nec necessarium nec utile fuisse ut promitteretur, quin imo ut non promitteretur, utilissimum affirmant. Hanc sententiam tuentur, ut constat, Lutherani omnes, & qui in Fœderato Belgio Remonstrantes vocantur : Aliique & alibi doctissimi Protest. ut jam dicemus. Maxima enim animorum & calamorum contentione de hac questione inter Protest. etiam ipsos semper certatum fuit, atque etiamnum certatur.

4. Existimant enim Protest. ante nominati fidem justificantem & gratiam regenerantem non esse electorum propriam, sed aliis quoque multis vocatis, immo omnibus infantibus baptizatis, non κατὰ δίκην tantum, nec solum sacramento tenus quemadmodum diversum sentientes respondent, sed vere etiam contingere, qui tamen a fide & gratia justificante excidere possunt, immo non raro excidere solent, cum totaliter, tum finaliter. Mitissime & mollissime G. J. Vossius Patrum qui de aliquorum fidelium & iustorum defectione loquuntur, sententiam exponens, ita inquit in præfatione Hist. de controversiis Pellagianis, &c. “ Unde consequitur non aliud
 “ eos Patres scilicet voluisse quam primordia quidem veræ fi-
 “ dei & Christianæ spei ac charitatis communia esse electis
 “ ac reprobis, & quamdiu electus in initiis istis & ut ita dicam
 “ inter atria adhuc hæret, de electione sui certum non esse
 “ cum non desint qui ab eo fidei gradu resiliant nec redeant,
 “ decidunt nec resurgant, &c. Aliquanto plenius, August. de Correp. & Grat. cap. 13. “ Credendum est quosdam
 “ de filiis perditionis non accepto dono perseverandi usque in
 “ finem in fide quæ per dilectionem operatur incipere vive-
 “ re & aliquandiu fideliter & iuste vivere & postea cadere,
 Neque de hac vita priusquam hoc eis contingat auferri, &c.
 Atque

Atq; hanc suā sententiam plurimis S. Script. locis, Patrum testimoniis, Augustini etiam ipsius, & qui eum sequutus est Prosper, qui Prædestinationem absolutam defenderunt, variis etiam rationibus confirmant.

5. Existimant etiam ipsos electos justificatos, lapsos in gravia & atrociora peccata & crimina conscientiam vastantia, ut adulterium, homicidium, idolatriam, abnegationem Christi, &c. a fide viva & justificante posse ad tempus deficere & reipsa interdum deficere quodammodo, & fere totaliter, licet non finaliter. Dixi quodammodo & fere totaliter quia sic se intelligi volunt etiam qui hanc sententiam acerrime propugnant. R. Thomsonus Anglus in diatriba de Amissione, &c. Justificat cap. 9. pag. 48. & 49. “ Cum dicimus electum justificatum excidere a fide & justificatione, non ita intelligendi
 “ sumus quasi statuamus ipsum fidei habitum aut omnes fidei
 “ effectus simul auferri, &c. Et paulo post, “ Nemo sane
 “ nostrorum sic insanivit unquam, Exempla enim Ecclesiarum
 “ initio Apocal. plane contrarium evincunt Apoc. 3. Esto
 “ vigilans & confirma cætera quæ moritura erant; & 1 Joh. 3.
 “ 9. diserte dicitur, Semen Dei in illis manere, ideoque non
 “ posse peccare, scil. ad mortem, i.e. finaliter, ut post Veteres
 “ aliquot, etiam nostrorum quidam recte exposuerunt Sp.
 “ S. enim certo excitaturus est semen Dei ad salutarem pœnitentiam
 “ cui illud sevit, est inquit Cypr. Epist. 52. in illis quod
 “ pœnitentia sequente revalescat. Non itaque hoc est quod
 “ docemus, sed dicimus fidem, quoad actum illum vivum quo
 “ justificat, delinquere & justificationem interrumpi donec
 “ homo lapsus, per pœnitentiam ad gratiæ thronum confugiens
 “ veniam & pacem impetret, &c. In eandem sententiam eruditissimus Vossius Hist. Pelag. Lib. 6. Thes. 13. pag.
 “ 575. “ Cum vero justificantem fidem deficere posse & reipsa
 “ interdum deficere Patres docent, intelligunt hoc ratione
 “ actuum qui e potentia sive habitu fidei emanant, nam potentiam
 “ hanc quam dicere possumus semen fidei actualis, haud plane
 “ tolli saltem in electis minime diffitentur sed otiosam
 “ fidei aut charitatis potentiam, fidei aut charitatis nomine
 “ haud dignantur, eo quod talis non sufficiat ad salutem; unde
 “ optime M. Cellarius, sive Borrhæus lib. de operibus Dei, Fidei
 “ virtus non jacet iners, non languet, non friget, sed negotiosa
 “ est, fervet ac calet, &c. Et Greg. Homil. 30. habitata
 “ Die festo Pentecostes, “ Nunquam est Dei amor otiosus,
 I 2 opera

“ operatur enim magna, si est, si vero operari renuit, amor
 “ non est, &c. Digna proinde sunt illo equidem Thomsoni
 verba Loc. citato circa finem capitis. “ Est autem hoc loco
 “ notanda & diligenter attendenda summa Dei in electos suos
 “ benignitas & misericordia quod ex eorum animis habitum
 “ hunc fidei effluere nunquam finit. Cum enim in fidei actum
 “ non nisi mediante & cooperante cum Spiritus Sancti gratia
 (male R. Abbottus in sua animadversione in hanc Thomso-
 ni diatribam cap. 9. pag. 239. legit Typographi errore non
 observato, Et ex eo in Authorem inaniter insurgit, cooperante
 “ cum Spiritu Sancto gratia) voluntate nostra, prorumpa-
 “ mus, quo suavius, promptius, citius mens interne sese exe-
 “ rat, & in Deum feratur, ejusdem Spiritus beneficio & initio
 “ datus est habitus ille & postea diligenter in cordibus electo-
 “ rum conservatus, ut si quando labantur & a Deo recedant
 “ facilius revocentur ad poenitentiam; quod in Davide &
 “ Petro manifestissime videre est, Quorum ille inaudita tan-
 “ tum concione Nathanis, hic galli cantu aut potius suavissi-
 “ mo Christi, &c. aspectu ad poenitentiam conversus est, &c.
 Eundem legere est apud Vossium L. supra citato pag. 575.
 “ quod vero dicebamus potentiam sive habitum fidei non pla-
 “ ne extingui, etiam cum fides renuit operari, eoque salvifica
 “ non est, id mire ob oculos ponit immensam Dei bonitatem,
 &c. Vide Authorem.

6. Immo contendit idem Vossius multos Patrum agnovisse
 quendam fidei ac pietatis gradum ad quem ubi quis adscen-
 derit, excidat nunquam; atque etiam de æterna sui electione
 sit certus (illius verba sunt in epist. ad Lectorem Hist. Pelagi-
 anæ præmissæ) de quo tamen multi alii vehementer dubitant
 an citra specialem revelationem id fieri possit, fuscè tamen
 multis Patrum sententiis adductis confirmare nititur L. 6.
 thes. 13. pag. 585. & seq. “ Talium fides inquit confirmata
 “ dicitur seu roborata sive ut vulgo appellant, radicata; qua-
 “ lis non solum Apostolorum erat postquam miraculose Spi-
 “ ritum Sanctum acceperant; sed & olim multorum Sancto-
 “ rum fuit & nunc est, in quibus fidei donum paulatim pre-
 “ cibus ac crebris actibus piis ita est auctum ut tandem fide-
 “ lem reddiderit stabilem ac insuperabilem, &c. quæ apud
 Authorem ipsum Lector studiose legere ne graveris.

7. Negant autem omnes omnino cum Protest. tum Rom. quancunque de Prædestinatione sententiam tueantur, electorum fidem & justitiam utcunque ad tempus deficiat seu amittatur, finaliter amitti posse, ut constat. siquidem impossibile est prædestinatum seu electum posse a gratia finaliter excidere; & ex electo reprobum fieri, &c. manifestam enim contradictionem implicat, &c.

8. Hanc sententiam de fidei & gratiæ justificantis amissibilitate ratione prædicta, defendunt, ut dixi omnes Lutherani, quorum innumeri pene tractatus & disputationes hac de re extant, inter & post alios nuper An. 1620. opposuit Barth. Battus S. Theol. Professor in Acad. Gryphisvaldensi librum super hoc argumento Libello Sebast. Beneseeldi S. Theol. professoris in Acad. Oxoniensi. Lege lector (si ita tibi visum fuerit) Ph. Melanchton communis Germaniæ præceptor olim a Protestantibus habitus & appellatus cum suis sequacibus, viris doctissimis, & in multis moderatissimis. Remonstrantes omnes in Belgio Fœderato sic nuncupati qui plurima hac de re scripta ediderunt.

Hugo Grotius vir omnisfaria eruditione præditus in pietate Ordinum Hollandiæ, &c. pag. 24. 25. & in Disquisitione An Pelagiana sint ea dogmata quæ nunc sub eo nomine traducuntur Paris. excus. an. 22. pag. 123. & seq. aliquot Ger. Jo. Vossius, vir in Patrum lectione versatissimus, ex iisdem idem fute demonstrat Hist. Pelag. lib. 6. thesi 11. 12. & 13. immo in confirmatione thesios 12. pag. 566. hæc habet verba:
 “ Communem fuisse antiquitatis sententiam quam diximus,
 “ soli hodie negare possunt qui cætera fortasse viri sunt non
 “ ineruditi sed in antiquitate tamen plane sunt hospites vel
 “ animum habent unius & alterius sententiis ita mancipatum
 “ ut eorum oculis videre malunt quam suis. cunque iis errare
 “ præoptent quam cum aliis bene sentire, &c.

Ex Patribus idem prolixè ostendit J. Calvinus Anti-bo-germanni parte 2. cap. 18. & 19. & ex multorum Protestantium scriptis cap. 21.

Petrus Baro Gallus S. Theol. quondam Prof. in Acad. Cantabrigiensi doctissimus aliique cum illo sentientes contra Whitakerum & illi ὁμοῦ καὶ ἑκόντες, ut ex assert. Lambethanis constat de quibus historicam narrationem

apud Corvinum lib. supra citato cap. 24. pag. 566. & seq. vide multo certior illa, quam Antonius Thylius nonnullis scriptis Anglicanis a se nuper editis præfixit. In Colloquio Hamptonienti An. 1603. coram Jacobo 6. M. B. R. Joh. Overal-
 lus Theologus eximius, tunc temporis Decanus ædis Paulinæ & Episcopus nuper Norwicensis aperte defendit, quod & sæpe antea in Academia Cantabrigiensi contra rigidiores adstruxerat; Justificatum si in peccata graviora incidat, antequam poenitentiam agat, quoad præsentem conditionem in statu esse damnationis, hoc tamen adjiciens quod vocati & justificati secundum propositum divinæ electionis, licet in gravia peccata incidere possint & reipsa interdum incidant, atque sic in præsentem statum iræ & damnationis, nunquam tamen exci-
 dant, aut totaliter ab omnibus Dei donis, ita ut omnis gratiæ etiam semen in illis plane tollatur aut finaliter a Justificatione sed quod semper per Dei spiritum mature ad fidem vivam & poenitentiam renoveantur atque sic ab illis peccatis eorumque in quæ lapsi fuerant reatu justificentur, addit Gul. Barlous qui ejus conventus Historiam scripsit contrariam sententiam quæ statuit semel justificatum etiam si in graviora peccata labatur, justificatum tamen manere antequam de iisdem poenitentiam agat, &c. Regis ipsius ore gravissime reprehensam & damnatam fuisse vide Hist. Conventus p. 41. 42. &c.

R. Thomsonus Anglicus, vir multis literarum nominibus non immerito commendatus testante etiam Adversario de quo jam dicemus, diatribam de Amissione & intermissione gratiæ & Justificationis scripsit excus. Lugd. Bat. an. 18. in quam mox emisit Rob. Abbottus episcopus nuper Sarisburiensis, vir etiam doctissimus, Animadversionem bre- em sed de illius soliditate judicet æquus lector. Qualia enim sunt ista obsecro quæ scribit in fine cap. 22? " Verissimum est, inquit, mansisse
 " Davidem in morte, i. e. in reatu mortis quousque mansit in
 " homicidio, nec habuisse vitam æternam in se manentem,
 " quia fidei per quam manet in nobis vita æterna, virtutem
 " & actum infregerat, & excidisse quidem a Justificatione
 " quoad effectum, non quoad rem, privandum quoque reipsa
 " nisi quod cœlesti generatione conservatus & fidei poeniten-
 " tia restitutus est, &c. Et quod cap. 24. Davidem integro
 fere anno quo nondum resipuerat, affirmat non secundum hoc peccatum justificatum & tamen simpliciter quoad personam
 Justi-

Justificatum, futurum tamen ab hac justificatione recidivum nisi ab hoc quoque peccato justificatus fuisset, Davidem enim periturum fuisse (quod etiam ante illum dixit Beza in Colloq. Mompelg. parte 2. p. 74.) si ante pœnitentiam mortuus fuisset pag. 215. Quam asystata hæc sint, vel saltem œnigmatica, quis non videt? Multa alia hujusmodi perplexissima & intricatissima dicta, ex R. Abbotti libro desumpta legere est in Suffragio Theologorum Brittanorum de articulo 5. &c. Thesi. 3. 4. 5. 6. Quod enim aiunt; effectum justificationis interveniente particulari tali peccato ad tempus suspendi, statum tamen justificationis non intercidi ne id omnino frivolum est, siquidem licet omnium peccatorum præcedentium veniam Deus peccatori pœnitenti indulserit, si tamen is in reatum peccati alicujus gravioris & conscientiam vastantis postea lapsus fuerit necdum actu resipuerit, omnis illa primum concessa remissio ad salutem æternam consequendam nihil prorsus confert; sufficit enim vel unum peccatum atrox admissum & cognitum ad hominem quem nondum ejus serio pœnitet, a regno cœlorum excludendum.

R. Montacutius in lib. quem de quibusdam controversis articulis contra Romanensem Anonymum scripsit. cap. 20. & in suo, (Appello Cæsarem) parte 1. cap. 4. multa assert, huic sententiæ firmandæ, & acriter contra Puritanos contendit, hanc fuisse communem Patrum sententiam, atque etiam doctissimos in Ecclesia Anglicana Theologos eidem semper assensos atque etiamnum assentiri hunc librum, ut constat, approbavit Fr. Whitæus Episcopus nunc Norwicensis. Videatur etiam Th. Jacksonus Anglus de Fide Justificante Sect. 2. cap. 8. edit 1. p. 257.

Doctissimus Casaubonus eandem probavit sententiam, ut patet ex illius epist. ad Petrum Bertium scripta an. 1611. quam lege in principio Bertiani libri super hoc argumento scripti, cui Tit. (Hymen Desertor) "Tua inquit quæstio (hæc illa "sc. de qua nunc agitur) pendet ex alia vel aliis potius, de quibus video nostros contraria docere antiquis Patribus, ridicule "faciunt qui hoc negant, &c. ibidem etiam librum R. Thomsoni viri, ut inquit, doctissimi & sibi amicissimi ejusdem argumenti cum Bertiano nominat & laudat. Quæ ex P. Martyris in epist. ad Rom. Comment. cap. 7. ad verba. Non enim quod volo facio, &c. (Nec tamen ex his quisquam arbitretur me statuere, &c.) & cap. 8. ad v. 9. (Quod si potiores partes
dentur

dentur carni, discedit spiritus, &c.) citari possent, brevis causa omitto.

Illa etiam quæ Wolfgangus Musculus hac de re habet in locis Com. Titulo de Peccato ubi agit de discrimine peccati mortalis ac venialis pag. 40. Quod si is qui cœlestis fuerat gratiæ particeps factus, ab ea gratia exciderit, &c. & Tit. de Remiss. Peccatorum explicans an semel impetrata peccatorum remissio poterit fieri irrita : Si quis igitur præteritorum peccatorum condonationem per gratiam Dei consequutus, &c. pag. 63. prætereo, ipse per se lector visat loca signata.

Mitto etiam illa quæ legere est tom. 1. Operum Z. Urfini loco de Peccato, edit. Heidelberg. pag. 613. 614. 615. ubi peccatum regnans i. e. ut explicat, errorem contra Articulos fidei fundamentales, aut peccatum contra conscientiam excludens ex corde fiduciam remissionis peccatorum & obnoxium faciens peccantem morti æternæ, nisi in hac vita fiat conversio, in ipsos etiam electos aliquando cadere affirmat & fuse probat atque ad contraria objectamenta respondet. cap. 8.

Pareus super hac controversia acriter cum Bell. dimicans lib. 3. de justis. cap. 14. &c. sæpe respondet, Protestantes non negare fidem in lapsibus Sanctorum ut Davidis, &c. amitti quoad actum, manere tamen semper quoad habitum seu ut vocant quoad semen fidei. Sed an otiosus fidei habitus vel semen in electis lapsis manens, justificet & ad salutem sufficiat necne, dicat idem Pereus eopse loco ad quem nos amittit de justis. lib 3. cap. 14. pag. 872. Nam contra Bell. differens hac de re, de Amis. gratiæ lib. 1. cap. 7. pag. 74. hæc habet verba, “ Ut rectius intelligat lector quatenus fides
 “ justificet, maneat vel amittatur lapsibus sanctorum, dico fi-
 “ dem esse habitum cujus actus proprius est ex misericordia
 “ Dei accipere remissionem peccatorum propter Christum,
 “ justificat igitur fides non qua habitus habitualiter, sed qua
 “ actus actualiter remissionem peccatorum accipiens, in san-
 “ ctis lapsis manet nec omnino evanescit fides qua habitus.
 “ Nullus enim habitus uno vel altero actu contrario penitus
 “ amittitur quod nullus Sophista negaverit. Non manet ve-
 “ ro sed evanescit qua actus accipiens justitiam Evangelii; San-
 “ cti enim lapsi donec per recipiscentiam sese ad Dei misericor-
 “ diam

“ diam erigant, non spiritus sed carnis actus exercent, tunc
 “ igitur fides in lapsis habitualiter tantum manens, proprie
 “ justificans dici aut eos justificare non potest, &c. Hæc ille
 ex doctrino sui præceptoris Ursini hauserat.

9. Sed ut hanc controversiam tandem concludamus. Archiep.
 Spalat. de Rep. Eccl. lib. 7. cap. 11. postquam ostendit n. 225.
 & aliquot sequentibus ex multis script. locis, Patrum testimo-
 niis, variis etiam rationibus a Bellar. adductis (quibus tamen
 ipse quædam alia adjicit) & optime ut inquit excogitatis, fi-
 dei & gratiæ justificantis amissibilitatem, n. 231. 232. 233. ne
 diversum sentientes nimium offenderet, subjicit sed admodum
 frigide, neq; etiam sibi aut veritati satis consentaneæ, oppositam
 opinionem modernorum multorum habere sua fundamenta
 non contemnenda proinde se non oppugnare, &c. denique sic
 concludit, “ Non possum tamen hoc loco non monere quod
 “ sæpius adverti & observavi, nimios interdum divinæ gratiæ
 “ exaltatores ut Pelagianismum effugiant, in ipsissimum
 “ Pelagianismum incidere aut saltem ei non parum appropin-
 “ quare; Liberi arbitrii usum aut tollunt aut vinculis gratiæ
 “ undequaque arctant, ita ut electi jam ne ad peccandum qui-
 “ dem mortaliter suo possint prolabi arbitrio. Atque hoc
 “ ipsum Pelagiani contendebant posse hominem cum divinæ
 “ gratiæ auxilio, omnino nunquam peccare in quo tanquam
 “ gravis erroris ab Hieron. lib. 1. adv. Pelag. pluribus argu-
 “ untur, peccant ergo etiam filii sed recipiunt, veniam certam
 “ obtenturi, sed quia nemo scit se esse filium prædestinatum,
 “ cum timore & tremore quisque debet suam salutem operari.
 Atque hæc de hac quæstione sufficiant, ad quam tamen tol-
 lendam vel saltem minuendam hoc paucis adjectum volo.

10. Admittant qui in hac causa rigidiores sunt non tantum
 electos sed etiam multos reprobos seu. ut Scholæ loquun-
 tur, præscitos, ad tempus vere credere & Justificari, postea
 tamen a sua fide & justitia vel si ita vis, fidei & justitiæ
 initiis penitus & in perpetuum excidere. Quod certe ve-
 rissimum esse plurima clarissima S. Scripturæ & Patrum te-
 stimonia atque etiam multæ rationes efficacissimæ (de qui-
 bus omnibus alii consulantur) evincunt. Et quæ ad hæc
 responderi solent, inanes tantum sunt argumentorum solidissi-
 morum elusiones & futes evasiones. Et quod ad electos
 just.

justificatos, in gravia peccata lapsos attinget, si negant, illos vel ad tempus aliquod a fide & gratia justificante totaliter deficere, diserte profiteantur, quod doctiores non negant se hoc dictum velle, propter potentiam sive habitum fidei, &c. quæ potentia in electis haud unquam plane tollitur, sed ex immentia & impræmerita Dei bonitate semper in illis relinquitur fidei quasi semen, unde per externum Dei verbum & internam Spiritus Sancti cooperationem, salutaris fidei actus facile postea eliciatur: fateri se alioqui non otiosum fidei habitum, sed actum fidei vivæ illos justificare: Qui autem affirmant plane & totaliter fidem & gratiam justificantem in illis ad tempus tolli profiteantur itidem quod doctiores faciunt, hoc se intelligere tantum ratione actuum salutarium qui e potentia sive habitu fidei emanant, potentiam enim hanc in electis haud unquam omnino extinguere agnoscere se, sed otiosam & inefficacem pro præsentis statu fidei aut charitatis potentia, fidei aut charitatis nomine minime dignari, eo quod talis ad justitiam & salutem consequendam non sufficiat. Finaliter autem electos deficere non posse consentiunt omnes qui electionem describunt vel a priori i. e. ab absoluto quodam Dei decreto, vel a posteriori i. e. a finali in fide gratia & perseverantia. Qua re semper in Ecclesia dissidentes fuere sententiæ, sed non hostiles & ab omni Christiana charitate alienæ ut hodie. Hac moderatione adhibita, lis hæc quæ nunc adeo fervet, & tanta animorum contentione agitur, si non plane tolli, saltem minui facile poterit. Qua de re judicet lector eruditus & rerum harum intelligens. Videatur etiam H. Zanchius in hac causa alioqui rigidissimus, epist. 1, 2. epistola ad Davidem Chaillettum pag. 85. Impr. Hanov.

C A P. Ult.

Quo de Inequalitate Justitiæ fidelium paucissimis agitur.

I. **D**Ocent quidem multi Protestantes una & eadem Christi justitiæ fide apprehensa atque a Deo imputata, omnes vere fideles formaliter, vel quasi formaliter,

ter, ut loquuntur, coram Deo justificari: docent multo plures per fidem, spem, dilectionem, aliasque virtutes neminem justificari, sed sanctificari tantum credentes & justificados. Sed de utroque errore satis superque antea nobis dictum est. Nulli tamen omnino Protestantes, satente ipsomet Bellarmino lib. hujus cap. 16. dicunt omnes justos inter se pares esse, neque esse unum alio Majorem quod attinet ad ejusmodi virtutes. Quam enim absurdum esset dogma istud? potuit igitur Bell. a tam operosa rei minime negatæ probatione abstinere, posse scilicet justos in justitia inhærenti crescere, & unum eatenus alio justiore esse, licet, ut sæpicule dictum antea, perperam permulti Protestantes justitiam inhærentem non a justificato quidem sed tamen ab ipsa justificationis ratione formali procul removeant, & justitiam non justificantem sed sanctificantem appellent.

2. Quod quidam Protestantes justitiæ inhærentis inæqualitatem haud inficientes, sed novitatis nimio plus amantes, excipiunt contra rationem Bellarmini cap. 16. Sect. (Denique idem probant) & Sect. (Quinto pugnant) &c. aliorumque huic sententiæ firmandæ ductam ab imparitate præmiorum in cælo, non satis firmam esse, ut P. Martyr in Comment. in 15. cap. 1. ad Cor. qui etsi protestetur se nihil certi circa hanc quæstionem, audenter varii in vita æterna gloriæ gradus, definire, ita tamen eam tractat ut facile apparebit eum in sententiam negativam propendere, sic & Schonfeldius Theologus Marpurg. & J. Camero S. Theol. in Achad. Salmuriensi nuper professor prælect. tom. 2. pag. 325. & multis seq. Inmo & Pareus lib. 3. de Justif. cap. 16. pag. 917. licet affirmantem partem se quidem facilius ut probabiliorem admittere profiteatur, sententiam tamen P. Martyris id in dubium vocantis non improbat sicut oportuit, sed liberum cuique hic esse debere judicium nimis audacter affirmat. Hanc sententiam communiter rejiciunt cæteri omnes Protestantes, nec immerito; adversatur enim sacris literis quæ ut alia plurima mittam loca, sæpe testantur Christum in die judicii omnibus pro qualitate ac quantitate operum suorum præmia justa pœnasque condignas assignaturum, pugnat etiam cum Patrum communi consensu, quod nec ipsi problematici disputatores negare audent; satetur enim ingenue P. Martyr loco supra citato, quod Patres omnes præmiorum discrimina

discrimina statuerint & hic error ante multa sæcula in Joviano damnatus fuit Hier. lib. 2. contra Jovin. pugnat etiam cum recta ratione. Sed de tota hac re alii multo fusius agentes consulantur atque hic hujus libri finis esto. Nunc cum bono Deo ad sequentem transeamus.

LIBER




LIBER QUARTUS,

Quo de Justitia Operum agitur.

C A P. I.

*Quo de Operum bonorum necessitate ad salutem,
& questionibus coincidentibus, Virum Justum,
&c. usque ad Cap. 10. libri Bellar-
miniani differitur.*

I.  Egari nec potest nec debet multa de operum necessitate ad salutem, a Luthero illiusque sequacibus rigidioribus, admodum incomode atq; etiam inconsiderate dicta quæ quocunque demum sensu live respectu dicta vel scripta fuerint, nos pravo aliorum more non excusamus nedum defendimus; immo reprehensione digna inprimis esse judicamus, illa atque istiusmodi alia quæ Bell. hoc libro cap. I. ex Petro Canisio refert, ex illorum libris excerpta commemorare non libet; æterna enim silentii nube illa sepeliri quam in apertum proferri multo satius est & Deo piisque omnibus gratius. Sed in hoc manifestam sibi injuriam a Romanensibus fieri conqueruntur omnes saniores Protestantes, quod paucorum errata male & calumniose omnibus Theologis Reformatis ab illis impingantur.

2. In Colloq. Altenburg. A. 1568. in hoc convenerunt Theologi & Flacciani sic dicti & Electorales, Bona Opera justificatis & salvandis esse necessaria, sed utrum ista propositio

litio

fitio (Opera sunt necessaria ad salutem) simpliciter esset re-
jicienda, nec ulla ratione in Ecclesia toleranda, disceptatum
fuit, Electorales adversariis suis multo doctiores & saniores di-
cebant necessaria esse ad salutem, non quidem necessitate effi-
cientiæ (non aliam tamen efficientiam quam proprie merito-
riam intellexisse sive exclusisse illos ex variis Actorum locis
mihi admodum probabile videtur) sed necessitate Præsentia
ac proinde propositionem prædictam illo sensu (vide Acta p.
430.) quo a Pontif. traditur, bona viz. opera nostra causam
esse seu meritum justitiæ & salutis, detestari se. Et motò de
hac forma loquendi certamine periculoso & scandali pleno
(scil. tempore Germanici Interim) nunquam se illa forma u-
sos esse, ac ne nunc quidem tueri illam velle, nec deinceps ea
uti decrevisse (in quo ex nimio pacis studio doctissimi hi viri
plus æquo adversariis suis cesserunt) simpliciter tamen ac si-
ne determinatione ulla, se damnare hanc formam, ut per se ac
simpliciter falsam & impiam, non posse, &c. Flacciani au-
tem licet non negarent Bona Opera esse justificatis, &c. ne-
cessaria necessitate præsentia, multas ob causas, quod Bell. e-
tiam agnoscit, tamen propter scandalum & erroris periculum
contendebant propositionem prædictam. Bona Opera Sim-
pliciter necessaria ad Salutem esse, non esse in Ecclesia tole-
randam.

3. Hanc Flaccianorum sententiam Lutherani hodie com-
muniter tuentur V. lib: Concordiæ p. 666. &c. Chemnicium
L. Th. parte 3. de Operibus renatorum q. 7. I. Gerhard. L.
Th. tom: 4. de Bonis operibus cap: 9. ceterosque fere omnes.
Pareus etiam (cum Jo. Davenantio epist: Sarisb: Disput: de
Justitia actuali c. 31. p. 400. &c. aliisque permultis) cap: 1.
Hujus lib: de justis. contra Bellar. "Qua in parte (inquit)
"facile nos eis (Flaccianis scil.) subscribimus, &c. & paulo
"post eadem p. 931. Non quod dicere non liceat opera neces-
"saria esse ad salutem nempe non impediendam, non vero ad
"salutem efficiendam, sed quia volumus ambigue loquen-
do scandalum ponere, &c. Quinimo idem Pareus de Amis-
gratiæ & statu peccati L. 5. c. 1. affirmare non veretur Flaccia-
norum dogmata de Providentia, Prædestinatione, Gratia, Li-
bero Arbitrio, Bonis operibus, Adiaphoris, Statutis, & non-
nulla alia saniora fuisse quam adversæ partis, sed modum ea
tradendi atque tuendi plane turbulentum & furiosum fuisse,
&c. Deus bone, quam morosa & ab omni moderatione alie-

na sunt plerorumq; qui hodie controversias tractant Theologorum ingenia & judicia. Nulli enim fere unquam Theol: Protest: Flaccio & Flaccianis aut pertinaciores aut turbulentiores fuere. Sed de Ph. Melanchtonis singulari eruditione & moderatione in plærisque quæ hodie contravertuntur fidei capitibus (quam etiam discipulorum multi sequuti sunt) cui non constat? Ne gravere Lector apud Historicum Nobilissimum & Candatissimum I. A. Thuanum singulare huius viri elogium legere Hist: lib: 26. p. 809.

4. Sed plærique fere alii Protest, hodie concedunt & solite urgent, bonorum operum necessitatem etiam ad salutem; Plurimi etiam non necessitatem tantum præsentis sed & ætæ admittunt, si nomine efficientiæ non aliquod proprie dictum meritum, aut propria vis ac dignitas ipsorum operum in salute comparanda intelligatur, sed tantum causalitas sive efficientia quædam secundaria minoris ac inferioris ordinis & gradus, & divinæ gratiæ ac fidei semper subordinata, Existimant enim Bona Opera in Justificatis & salvandis necessario exigere, non tantum ut signa & effecta veræ & vivæ fidei, sed etiam ut viam quandam salutis seu causam sine qua non; seu conditionem, qua non præstita, a nemine adulto & cui tempus bene operandi concessum, salus æterna obtineri potest. Immo ut nihil non largiantur quod ipsa veritas fateri cogit, esse causam salutis suo modo & loco adjuvantem & efficientem, non tantum ad salutem non impediendam, seu retinendam & conservandam atque etiam consummandam, quod dicunt quidam licet non satis plene, sed & ad eam consequendam, sed citra omne omnino meritum proprie sic dictum. Ita ut Bellarminum tam operosa immo etiam odiosa rei minime controversæ probatione omnino supersedere potuisse & debuisse judicent omnes doctiores & saniores Protest. Quæcunq; enim quibusdam imperitis, rerum controversarum tractatoribus tenere & inconsiderate aliquando exciderint, cogitare tamen debuit Bell. (atque cum eo etiam alii Rom.) rem sibi fuisse non cum Simonianis, Gnosticis, Eunonnanis, & ejusmodi hominum monstribus, Christi gratiam in Lasciviam vertentibus, sed cum hominibus cum timore & tremore, pro modulo lucis & gratiæ concessæ, salutem suam operari satagentibus. Sed proh dolor, plærique qui hodie ad scribendum de controversiis fidei accedunt, nihil fere aliud afferunt præter judicium affectui mancipatum & affectum perturbatissimum.

5. Licet

5. Licet hæc quæstio de necessitate operum, secundum efficientiam, ex parte pertineat ad lib. 5. in quo de bonorum operum meritis Deo juvante differetur, quia tamen a Bell. cap. 7. 8. & 9. hujus libri & iis qui ad Bellarmini argumenta respondent, disputatur, non erit abs re nec ab instituto nostro alienum, in præsentiarum paucis eam discutere.

6. Plurima S. Scripturæ loca, quorum quædam a Bell. adducuntur sed quibus innumera prope alia adjici possunt Heb. 10. 36. 1. Timoth. 2. 15. Phil. 2. 12. cum timore & tremore operamini salutem vestram 2. Cor. 7. 10. & 1. Cor. 4. 17. Momentanea levitas tribulationis nostræ excellenter pondus gloriæ *κατεργάζεται*, operatur in nobis, Rom. 8. 13. & 17. & 10. 10. Math. 25. 34. 35. possidete regnum cælorum, esurivi enim, &c. & ibidem juxta vulgatum interpretem vers. 21. Quia in paucis fuisti fidelis, supra multa te constituam Jac. 1. 25. & 2. 14. Gal. 6. 8. qui seminat in spiritu, de spiritu metet vitam æternam Apoc. 7. 14. 15. Hi sunt qui venerunt ex magna tribulatione, &c. Ideo *ὁπότε* sunt ante thronum Dei, &c. clarissime demonstrant in adultis opera bona ad salutem relationem habere, non ordinis tantum (ut frigide cum aliis respondet Pareus ad cap. 7. hujus libri p. 1029.) qualem habet medium ad finem, antecedens ad consequens, conditio sine qua non, ad effectum, cujus conditionis præsentia quidem non efficit, absentia vero potest impedire salutem; sed etiam relationem, causalem qualis est relatio causæ suo modo & loco efficientis, vel adjuvantis, ad effectum. Similiter Pareo respondet Davenantius passim cap. 32. Disputat, de justitia actuali.

7. Eaden semper fuit sententia Patrum, quorum plerosque etiam vocabulo, meriti, ad hanc efficientiam significandam usos constat, licet non eo sensu quo hodie a multis Rom. intelligitur & usurpatur, ut postea dicemus. Quod autem ex Bernardo de Gratia & libero arbitrio communiter objicitur (Bona opera esse viam regni non causam regnandi) næ illud valde debile est; Negat tantum Bernardus Opera esse causam proprie sive ex condigno meritoriam regni cælestis quod patet ex ipsis Bernardi verbis, (alioquin si proprie appellentur ea quæ dicimus nostra merita, &c. Via sunt regni non tamen causa

causa regnandi) affirmat tamen esse viam ac proinde aliquomodo causam regni, nam via quando in ea ambulatur, live potius ambulatio in via (sicut in Bonis operibus incedere seu ambulare dicimur Ephes. 2.) revera est causa perveniendi ad metam. Non igitur satis considerate loquuntur ii Protest. qui opera relationem habere ad salutem Medii seu Viæ concedunt, negant tamen relationem ullam causæ habere, nisi illius (sine qua non) quæ proprie causa non est, Omne enim medium respectu propositi finis, omnisque via respectu metæ ad quam tendit, in ipsa praxi live actuali rerum usu, rationem causæ obtinet, ut nemini non constare potest.

8. Suffragantur etiam plurimi doctissimi & maximi nominis Protest. M. Bucerus in Colloq. Ratisb. 2. p. 94. "Cujus igitur rei dicit Dominus hoc loco (Math. 25) causam esse sanctorum bona opera ? Cum causali enim conjunctione subjiciuntur, Esurivi enim, &c. plenæ perceptionis & fructu hujus regni, non juris in hoc regnum, &c. (nota tamen obiter lector hanc Bucerii distinctionem minus solidam esse nisi de principali juris causa intelligatur) & paulò post, Deus itaque bona suorum opera causas facit & augendæ indiesque perficiendæ salutis tandemque plenè etiam fruendæ, &c. Et p. 569. "Causas autem esse aliquomodo mercedes æternæ etiam bona sanctorum opera quis nostrum unquam inficiatus est ? non enim hac de re sed de eo pugnamus unde vim habeant, &c. & in cap. 2. ad Rom. in conciliatione horum, Deus reddet unicuique secundum facta, &c. Sæpe repetit, bona opera causas esse beneficiorum Dei & salutis æternæ, nec id negari posse, cum Deus id passim in Script. testatur, sed non primas neque per se verum secundarias causas & id etiam non nisi ex ultronea benevolentia Dei; &c. p. 99. 100. 101. & seq. aliquot.

J. Calvinus lib. 3. Institut. cap. 14. Sect. 21. Istis nihil obstat quo minus opera Dominus tanquam causas inferiores amplectatur ? sed unde id ? Nempe quos sua misericordia, æternæ vitæ hæreditati destinavit eos ordinaria sua dispensatione per bona opera inducit in ejus possessionem, Quod in ordine dispensationis præcedit, posterioris causam nominat : Hac ratione ab operibus interdum vitam æternam deducet, non quod illis referenda sit accepta, sed quia quos elegit, justificat ut demum glorificet, priorem gratiam quæ gradus est ad sequentem, causam quodammodo facit, &c. Subjungit quidem.

ibidem istis scripturarum loquutionibus seriem magis notari quam causam &c. Quibus tamen verbis causæ rationem simpliciter non negat, Loquiter enim comparate tantum, neque etiam satis ad mentem Sp. S. in Scriptura loquentis:

H. Zanchius L. 5. de Natura Dei cap. 2. “ Non simpliciter negamus bona opera esse causam salutis nempe instrumentalem potius quam efficientem (intellige principalem, efficientem, secus enim sibi ipsi aperte contradiceret) &c. ut causam quam vocant sine qua non &c. et postea, Bona opera causa sunt instrumentalis possessionis vitæ æternæ, per hæc enim tanquam per media & legitimam viam ducet nos Deus in possessionem vitæ æternæ.

Piscator frequentissime, & disertissime in 25. Matth. ad verba, Esurivi enim, &c. “ deinde esto, notari hic causam, inde tamen non sequitur notari meritum seu causam meritoriam, etenim causæ nomen latius patet quam ad meritum, & sane bona opera respectu vitæ æternæ habent rationem causæ efficientis non ut merita, &c. Sed ut via seu ambulatio quæ ad vitam æternam pervenitur ex ordinatione Dei; simili, inquit, res hæc declarari potest ut si cui donetur Thesaurus in cacumine montis reconditus, sed hac lege, ut si potiri eo velit, montem conscendat illumque effodiat; hic certe conscensus montis & effossio thesauri, rationem habent causæ efficientis respectus possessionis ac fruitionis thesauri, at non habent rationem meriti quippe quum thesaurus ille fuerit donatus, &c.

Eadem fere verba legere est apud Anglum illum qui supplementum adjecit Commentario Perkiniano in cap. 6. ad Gal. v. 7. idem piscator in cap. 1. ad Eph. vers. 4. „ Hæc autem ipsa nostri sanctificatio (qua sancte vivimus) actio Dei est qua nos inter alias, ad salutem adducit, ac proinde rationem aliquam causæ efficientis habet. Vide eundem in cap. 6. ad Rom. v. 23. & in Exegesi Aphorismorum p. 336, 337.

Propter hæc ante citata Calvinii, Zanchij, Piscatoris, &c. dicta, magnas hodie excitant tragœdias theol. Lutherani et vociferantur Calvinianos in hac doctrina cum Pontificijs consentire et contra veritatem conspirare; vide J. Gerhard. loco supra-cit. num. 3. Joh. Himmelium in suo Calvinio-Papismo parte 1. cap. 7. &c. aliosque sed sæpius dictum hosce scriptores in plerisque hodie controversis magna iudicii infirmitate laborare,

laborare, ut in paucis quibusdam aliis rectius sapiant. Matthias Martinus in Notis in Methodum suam S. Theol. ad cap. 5. pag. 436. "Ad vitam æternam bona opera aliquid conferre est planissimum, neque propterea illico causa meritoria aliqua hic statuitur. Nam vocabulum causæ latius patet quam meriti, &c. G. Vossius in Theibus Theologicis excus. 1628. de bonis operibus quæst. 1. thesi. 1. pag. 57. & de bonorum operum meritis thesi 10. pag. 79. & 80.

J. Arminius in articulis Perpendendis de Bonis Operibus n. 3.

Vossius in Anti-Bel. pag. 628. in Antipist. parte 2. pag. 126. "Ut igitur deinceps calumniari desinat (Pistorius) aperte fatemur bona opera non tantum ut viam quandam antecedere ipsam salutem tanquam metam nobis propositam sed etiam causam esse salutis suo modo adjuvantem vel efficientem, &c. Vide etiam eundem in Examine libelli J. Piscatoris de Prædest. Gondæ excus. an. 1618. p. 150. 151. "Quæ efficacem nostri vocationem seu fidem & conversionem nostram consequuntur, aliquam in nobis salutis causam habent, non quidem meritoriam (absit) sed tamen infimi ordinis aliquam, &c. Id quod serio hic notandum est, maxime propter eos, qui ut merita salutis contra Pontif. fortius scilicet elidant, ne causas quidem ejus ullas in nobis reperiri posse contendunt. Hæc ille.

Astedius Theol. Polemicæ parte 4. (an bona opera sint necessaria) "Si Bell. nomine efficientiæ, non intelligit aliquod meritum aut propriam vim & dignitatem ipsorum operum in comparanda salute, phrasis ista potest admitti, Bona siquidem opera faciunt ad consequendam vitam æternam, sed non merendo p. 496.

Remonstr. in sua nupera Apol. c. 22. p. 237.

Fr. Whitæus in Opere contra Fisherum supra nominato p. 514. affirmat bona opera esse instrumentalem sed non meritoriam salutis causam, atque sic etiam intelligit illud Bernardi dictum cujus supra mentio facta, & pag. 517. & 520. circa finem & 546. circa principium, ubi bona opera in relatione ad regnum cœlorum, causas admittit esse dispositivas, adjuvantes & impetrantes, non autem meritorias.

R. Rollocus de Vocatione efficaci cap. 3. pag. 28. "Sunt quidem fateor ad vitam æternam opera regenerationis necessaria

“cessaria, sed non tanquam merita aut causæ meritorix, ve-
 “rum tanquam media per quæ progrediendum est, &c.
 “Causæ quidem etiam dici possunt suo quodam modo & lo-
 “co placere enim Deo in Christo eumque suo quodam modo
 “movere. &c.

Plures alios in re certissima & apertissima plane supervaca-
 neum est nominare. Vide tamen Lector qui Rigidissimorum
 scriptorum dictis maxime dilectaris, viri ipso rigore fere rigi-
 dioris G. Amelii Medullam S. Theologiæ lib. 2. cap. 1. thes.
 30. “Obedientia (inquit) nostra licet non sit principalis
 “aut meritoria causa vitæ æternæ, est tamen causa aliquomodo
 “administrans, adjuvans & promovens versus possessionem
 “huius vitæ, &c. lege & thes. 31. aliosque id genus plurimos
 quorum sententiis chartas hæc meas commaculæ ægre pati-
 or. V. Davenant. episc. Sarisb. De justitia, actuali. cap. 32.
 pag. 406. circa finem, licet tibi non semper hac in re satis con-
 stet.

9. Conclusionem itaque illam quam ponit Bell. in fine cap.
 9. Necessaria esse ad salutem opera bona, non solum ratione
 præsentis, sed etiam alicujus efficientiæ, & non minus opera,
 quam fidem ad salutem suo modo referri, ut verissimam admit-
 tunt plurimi etiam doctissimi Protest. ut jam vidimus, & dis-
 putationem hanc inter partes plane inanem & inutilem, iam
 magnam partem, meram esse logomachiam nos existimamus.
 Quod ad alia quædam nunc consideranda attinet, ne hæc
 præsens diatriba in immensum excrescat, in cap. seq. reji-
 cimus.

CAP. II.

An Christus Dominus noster vere Legislator fuerit, & Evangelium proprie ejus lex sit, & vocari debeat, & alia nonnulla.

1. **I**N disputatione Bell. de falsa & vera libertate Christiana magnam partem otiosa, immo & calumniosa, ut Protest. conqueruntur, perperam immo periculose etiam, negant Rigidiore quidam Protest. rectius tamen forte sentientes quam loquentes (vide cap. 5. atque etiam 2.) Christum Mediatorem & Redemptorem nostrum, verum etiam fuisse legislato-rem, & Evangelium esse quandam legem, vere & proprie sic dictam & non lata tantum vocis significatione, Hebraisq; familiari, quibus vox (Torah, lex) late doctrinam significat, quo significato tantum Christum esse Legislatorum i. e. doctorem & Evangelium esse legem i. e. doctrinam in Script. locis vulgo citatis appellari affirmant. Vide Lutheranos, Pareum ad cap. 5. Bell. p. 1007. aliosque nonnullos.

2. Christus enim Mediator, & quæ Mediator noster, fuit non tantum doctor & propheta noster & quidem summus, quem audire i. e. cujus doctrinæ & præceptis per omnia obedire tenemur Deutr. 18. 18. Act. 3. 22. & 7. 37. Heb. 2. 1. 2. 3. & c. 3. v. 5, 6, 7, &c. Sed etiam Dominus seu rex, qui nomine Patris sui a quo missus fuit, ut non suam sed ipsius voluntatem nobis annuntiaret, varias nobis leges tulit & præcepta dedit, præter illa Vetera & Mosaica, Evangelii etiam propria, quibus obsequimur velut subditi præstare tenemur etiam additis promissis & minis Psal. 2. 6. Es. 33. 22. Mat. 5. 2. Lucæ 1. 33. Apocal. 1. 5. & 19. 16. Proverb. 8. 15. Gal. 6. 2. 1 Cor. 9. 21. Rom. 3. 26. Matth. ult. vers. ult. Joh. 14. 21. & 15. 10. & seq. &c. Idem etiam ultimo die Judex futurus eorum omnium qui vel evangelio paruerunt vel parere recusarunt, ut S. Script. passim testatur, Certe magnæ & Prophetici & Regii muneris parte atque honore Christum privant & spoliant qui ipsam quæ Mediator est,

verum Legislatorem fuisse & veras nobis leges tulisse vel incaute vel nimis forte audacter negant.

3. Præcepta de fide in Christum & resipiscentia, Novæ seu Evangelicæ legis propria esse, non audent diffiteri plurimi etiam rigidissimi Protest. Vide Pareum ad cap. 3. hujus libri pag. 985. aliosque, ut nec præcepta de suscipiendo Baptismo & Eucharistia, ut omnibus constat. Circa Polygamiam etiam & divortium extra casum adulterii, alias tulit nobis leges Christus quam Moses, sicut ex Matth. 5. & 19. & 1. Cor. 7. evidentissime apparet. Imperfectus enim Veteris Testamenti status ita ferebat, ut piis sub illo viventibus tanquam pueris quædam indulgerentur, quæ postea sub Novo degentibus tanquam adultioribus prohibenda essent.

4. Eadem etiam communis fuit Patrum sententia ut constat plerisque, enim omnes fere, maximo consensu Christum a ver. 21. cap. 5. Matthæi usque ad finem capitis, existimarunt non tantum falsas Scribarum ac Phariseorum traditiones & Veterum Legum interpretationes correxisse, (sicut Protest. communiter arbitrantur & quidam etiam Rom. vide Maldon in cap. 5. Matth. vers. 21. in quibus Bell. ipse cap. 3. hujus libri Sect. Quod attinet, &c. qui tamen ibidem Sect. Deinde, &c. Christum affirmat non tantum Phariseorum corruptelam & depravationem legis de repudio emendasse, sed & legem ipsam de libello Repudii quam scilicet Moses tulerat, penitus hic abrogasse. Et paulo ante, Sect. Morales leges, &c. In hoc (inquit) præstat Evangelium legi scil. morali, quod quædam graviora quæ a Judæis propter infirmitatem ipsorum, in lege non exigebantur, a Christianis in Evangelio exiguntur, ut patet de libello repudii & Polygamia, &c. (An Bell. satis hic sibi constet judicet æquus lector) sed etiam legem ipsam Veterem correxisse, sive adjunctis iis quæ ad perfectionem Evangelicam desiderabantur, partim præceptis, partim consilis, perfecisse, non quod lex in suo genere perfecta non fuerit, sed quod minus perfecta quam Evangelium, Pædagogum enim fuisse Judæis tanquam pueris ruditer erudiendis adhibitum, donec melior Magister Christus firmioribus jam ingeniis per perfectiora proponeret ut loquitur Maldonatus in cap. 5. Matth. qui accerrime hanc sententiam propugnat, cui etiam favet Nicolaus Serarius Jesuita in suo Trihæresio lib. 2. cap. 8. ipsis Maldonati verbis & rationibus bene multis, verberatim

batim repetitis. Vide etiam Adamum Couzen Jesuitam in cap. 5. Matth. pag. 82. “ Mihi (inquit) certissimum vide-
 “ tur quædam ex Veteri lege Christum tollere, & nova eorum
 “ loco reponere, Quædam vero a Phariseorum corruptelis vin-
 “ dicari ac recte interpretari, & sua declaratione mentem Le-
 “ gislatoris ostendere, Itaque qui unam tantum responsionem
 “ adferunt, a vero sensu aberrant, quod eo magis miror, quod
 “ jam olim inter Augustinum & faustum Manichæum tribus
 “ libris disputata sit illa quæstio, &c. Media igitur via hic ince-
 dit Jesuita ille, nec fortasse omnino male. Vide etiam Eras-
 mum in idem cap. Matth. & inter Protest. Hugonem Grotium
 virum juris & divini & humani peritissimum de jure Belli &
 pacis lib. 1. cap. 2. n. 6. “ Sed ne illos quidem sequar (inquit)
 “ qui aliud sibi sumunt non exiguum, Christum scil. in tra-
 “ dendis præceptis quæ extant Matth. 5. & deinceps, Inter-
 “ pretem tantum agere Legis per Mosem datæ, aliud enim so-
 “ nant verba toties repetita, audistis dictum fuisse Veteribus
 “ Ego vero dico vobis, quæ oppositio sed & Syriaca & aliæ
 “ versiones ostendunt illud (Veteribus) significare ad Vete-
 “ res non a Veteribus (nota contra Bezam in locum, aliosque)
 “ ut (vobis) est ad vos, non a vobis. Veteres autem illi non
 “ alii fuerunt quam qui Moſis tempore vivebant, nam quæ ut
 “ Veteribus dicta recitantur, non legispiritorum sunt sed Mo-
 “ ſis, aut verbo tenus aut sensu, &c. quæ apud authorem
 ipsum lege & ibid. p. 26. “ Sciendum est virtutes quæ a Chri-
 “ stianis exiguntur, etiam Hebræis aut commendari aut præ-
 “ cipi in eo gradu ac latitudine quo Christianis, utroque au-
 “ tem hoc sensu (lege obsecro locum ipsum integrum apud
 “ authorem) Christus sua præcepta opponit Veteribus, Un-
 “ de liquet verba ejus non continere nudam interpretationem,
 &c. Et Vorstium in Catalogo errorem Sibrandi errore 87. &
 in Schol. Alex. pag. 240. 241. Remonstrantes in Apol. sua cap.
 12. pag. 138. licet quæstionem de expositione mandatorum a
 Christo facta Matth. 5. An sit per novorum præceptorum ad-
 ditionem, an vero tantum per interpretationem legis Mosai-
 cæ, necessariam esse non judicent, agnoscunt tamen constantem
 & communem Veterum pene omnium sententiam fuisse,
 Christum nova quædam & perfectiora præcepta, Legis Mosai-
 cæ præceptis addidisse. citant ex Maldonato plurima Patrum
 loca quæ lege apud Patres ipsos, & signum hujus rei manife-
 stum est (inquit) quod Interpretes non pauci Evangelici

qui vocantur, Authores Veteres non leviter taxent & cul-
 pent eo nomine, quod sententiæ illi de præceptorum Nobo-
 rum additione per Christum facta patrocinati fuerint, &
 rursus cap. 15. p. 151. facie altera, "Ita omnia (inquit)
 "quæ nunc in Novo Testamento à Christo clare proposita
 "sunt, in Vetere testamento etiam, sive sub lege licet obscure
 "proposita fuisse, aut potius sententiâ legis contineri, fal-
 "sissimum est, Nam primò certum est præceptum legis 4.
 "de præcisa diei septimi sanctificatione nunc sub Novo
 "Testamento, per Christum sibi Apostolos ejus clare abroga-
 "tum esse. Secundo certum est præceptum 7. (Non mœ-
 "chaberis) sub lege non adeo late se extendisse, ut primo Po-
 "lygamiam etiam vetitam esse ea lege censeretur deberet, secundo
 "ut divortium ob nullam aliam causam quam ob adulte-
 "rium comprehenderet, At hoc pacto nunc præceptum
 "istud accipiendum esse non obscure fatentur pene omnes
 "Christiani, denique certum est multa olim permissa fuis-
 "se sub Vetere Testamento quæ tum sine peccato aut
 "violatione legis divinæ fieri poterant, quæ nunc vetita
 "sunt & sine certo salutis æternæ periculo fieri non pos-
 "sunt. Hæc illi, qui tamen ut dictum est quæstionem
 hanc, An mandata Christi sive Novi Testamenti perfectio-
 ra sint mandatis legis seu veteris Testamenti, non tan-
 tum necessariam non esse & inutilem, sed etiam quia
 quæstio hæc Magnis animis inter Christianos agitur.
 periculosam etiam & noxiam videri debere, affirmant,
 Conradus Ritterhusius I. C. doctissimus ad illud Salviani
 . 1. contra Avaritiam (Aliud vetere aliud Nova
 lege præceptum). Novam legem vocat doctrinam
 Evangelii, quæ multo majoris est perfectionis quam doc-
 trina legis. id manifesto apparet ex concienibus Christi
 in monte habitis Math. 5. v. 21, 22, 27, 28, 31, 32,
 33, 34, 38, 39, 43, 44, ubi sæpiissime hæc habetur anti-
 thesis. Audistis quia dictum est Antiquis, &c. Ego au-
 tem dico vobis, &c. Fluxit autem hæc appellatio Novæ
 Legis ex Ierem. c. 31. vers. 31. & seq. Hæc Ritterhus.
 Quod Rigidiores. Protest. affirmant Polygamiam & di-
 vortium extra casum adulterii lege morali non fuisse con-
 cessa, Sed legibus tantum, forenibus, & Mosem ut poli-
 ticum Magistratum majoris mali vitandi causa, utrumque
 hoc contra moralem Dei legem permisisse, falsum est; Christus
 enim

enim qui res forenses nunquam attingere volunt Math. 22. 18. 19. &c. Luc. 12. 13. 14. Sed Rectoribus Politis eas ordinandas reliquit, hisce de rebus tamen veras nobis legis tulit Mat. 5. & 19. & 1 Cor. 7. adde quod, ut alia quæ secum trahit hæc sententia incommoda transeam, hinc manifeste sequeretur sanctos Veteris Testamenti, toties scientes, (nisi forte communi eaque fortis crassa ignorantia laborasse illos omnes affirmare malis) contra legem moralem peccasse h. e. moechatos fuisse, quoties Poligamiæ aut divortii libertate, à Mose, lege forenli, ut ipsi asserunt concessa, uti sunt: vide præter plurimos alios H. Grotium de Jure belli & pacis L. 2. c. 5. n. 9. Vorst. in Schol. Alex. loc. supra citato Sed hisce de rebus alias fortasse Deo juvante fufius disseremus.

6. Christum Redemptorem, vere etiam legislatorem fuisse & Evangelium legem esse proprie sic dictam, cum Patribus affirmant multi etiam doctissimi Protest. Ph. Melanchton & illius sequaces, in doctrina de propria Evangelii essentia vel definitione & de discrimine legis & Evangelii, Evangelio tantum & non lege recipiscuntiam & fidem in Christum præcipi semper docuerunt. vide præter alios innumeros Hemmingium in Syntagmate, A. tit. Evangelium. Victor. Strigelium in L. Theol. titulo de discrimine legis & Evangelii p. 224. vide etiam Chemnium ipsum licet alioqui satis rigidum in Loc. C. tit. de justis tractat. de usitata definitione Evangelii n. 5. p. 570. edit. Trancosfurt. 1608. Quod si tibi hic atque alibi vacillare videatur, de illius inconstantia non laboro, qui rigidioribus Lutheranis semper se & sua accommodare studuit, ut omnibus doctis constat.

Lanc. Andr. Episcopus nuper Wintoniensis vir doctissimus & gravissimus, gravissime, concione 17. de Christi nativitate super verbis Ps. Narrabo legem p. 162. sententiam eorum qui Evangelium pro lege vere & proprie sic dicta non habent, taxat & refellit.

Rich. Fieldus cuius supra aliquoties nobis mentio facta de Eccl. l. 5. c. 21. circa finem.

I. Arminius in disp. Theol. publicis h. 14. n. 19. & privatis th. 37. n. 5. & 7. De Regio Christi munere, &c. Remonstrantes in nupera sua illa Apol. c. 13. pag. 143. ubi sententiam hanc, Nullum præceptum Evangelio

gelio proprie tradi, legis esse præcipere, Sola promissa ad Evangelium, qua tale, pertinere, valde periculosam & noxiam esse affirmant, & multis rationibus clarissime ostendunt. •

J. Scharpius scriptor alioqui rigidissimus in cursu suo Theologico. “Errant primo Flacciani, qui in Evangelio nul-
“lum præceptum esse volunt, cum manifeste præcipiatur ut
“credamus & pœnitentiam agamus, fides autem est tantum
“ex Evangelio ut & pœnitentia quæ μετανοία, &c. vide
Titulum de Evangel. col. 654. & in thesibus Theol. nuper
Edinburgi editis n. 27. “libertas Christiana nec nos omnino
“a lege morali nec sub Novo Testamento ab omni lege
“Evangelica liberat ac si Christus Mediator tantum & non le-
gislator esset.

Vorstius in Anti-Bell. in 4. tom. p. 628. & in Schol. Alex. pag. 239. fuse idem demonstrat contra Sibrandum Audi obsecro D. Chamierum de operum necessitate lib. 15. cap. 4. n. 7.
“Admittimus (inquit) Christum esse Legislatorem sed negamus sequi, Christus est Legislator ergo Evangelium est lex
“vere & proprie, & quare obsecro? “Quia (inquit) Evange-
“lium tantum obedientiam exigit & peccata remittit, cujus
“causa potest aliquomodo lex dici, sed Evangelium nulla pu-
“nit peccata, nullas comminatur pœnas ibid. n. 4, 5, 6, 10,
&c. Nihil a vero alienius dici potuit an non Christus Le-
gislator in sua lege Nova & Evangelica, sicut & Scripturæ & Patres passim loquuntur, obedientiam suis mandatis debitam exigit, addita sanctione per præmia amplissima & pœnas gravissimas quæque statui legis Evangelicæ maxime proprie conveniunt? Evangelium enim obedientibus summa & præstantissima quæque bona promittit, unde etiam ut a parte nobiliori & potioris nomen Evangelii impositum est ad significandum potissimum Apostolicæ prædicationis officium, inquit Bell. cap. 2. ff. At si res ita se habet, &c. Eadem tamen qua lex Evangelica est, ex propria & sua natura & non ex lege Mo-
sis tantum, ad quam propria novæ legis mandata omnino non spectant, pœnas comminatur maxime tremendas. Vide Luc. 13. 3. Joh. 3. 5. & ult. 1. Cor. 11. 27. & 29. atque alia innumera Script. loca, quid, quod ipsa ratio dictat eandem esse legem contrariorum, & eandem regulam, esse recti & curvi mensuram.

Agnoscit

Agnoscat etiam Pareus in hoc argumento cum rigidus, tum lubricus, Evangelium habere quædam mandata propria de fide in Christum, de resipiscentia quæ lex proprie dicta non habet ad cap. 3. lib. 4. pag. 985. & de Baptismo & Euchar. ad cap. 5. lib. ejusdem pag. 109. ubi quam misere tergiversetur, tuis vide oculis lector. Evangelium etiam proprio ac stricto sensu habere promissiones Salutis, sub sola conditione fidei, & comminationes mortis (qd. tamen jam negavit Chamierus) sub sola conditione incredulitatis, Marci. 16. 16. Joh. 8. 24. (licet utrumque hoc de sola conditione, &c. manifeste falsum sit) sed cum hoc discrimine, quod licet utræque sint Evangelii propriæ, promissiones tamen per se comminationes tantum per accidens Evangelico proprie dicto conveniant. Atqui quanquam admodum improprie & catachrestice loquatur Pareus, hoc non solius Evangelicæ legis proprium est, sed illi cum omnibus aliis legibus commune, obedientibus per se, ut ait, præmia polliceri, & transgressoribus per accidens poenas comminari.

Pudet autem referre, quæ scribit idem Pareus ad cap. 5. p. 1009. "Si vero mox, qui aliquid præcipit, Legislatores dicendus est, omnes parentes, Pædagogi, præceptores, doctores, magistri, opifices, rustici, legum latores erunt. Nemo enim horum est qui non multa suis præcipiat. Deus bone quam rarapit transversos homines alioqui nec ineruditos nec non Deitinentes, insana contradicendi libido.

Archiep. Spalat. de Repub. Eccles. lib 7. cap, 11. n. 234. "Hic vero operum nomine intelligere debemus mandatorum divinorum observantiam, eorum videlicet quæ naturalia dicuntur & continentur in decalago legis quæ sunt præsertim a Christo approbata & confirmata, eorum pariter quæ ipse Christus toti Ecclesiæ præscripsit ut est baptismi susceptio, Monogamia & si quæ talia sunt quæ dicuntur de jure divino positivo, &c.

7. In explicando discrimine legis & Evangelii seu Veteris & Novi Testamenti nonnullos rigidiores Proteſt. ut in quibusdam aliis, ita in hoc etiam errasse doctis omnibus facile constare potest, Quod foedus cum Patriarchis olim factum quodque sancivit Deus promissionibus de Christo, idemque substantia est cum Novo Testamento seu foedere Evangelico, con-

confundere semper soleant cum Fœdere legali & Vetere Testamento quod diu postea in monte Sinai pepigit Deus cum populo carnali, plane contra S. Scripturas Rom. 4. 13. & seq. Gal. 3. 4, 15, 16, 17. & 4. 1, 2, 3, &c. & 19. Heb. 8. 6. & seq. Jerem. 31. 31. Et contra Patrum mentem. Vide August. lib. 2. contra Adversarium legis & Prophetarum cap. 8. & l. 3. ad Bonifacium contra duas epistolas Pelag. cap. 4. aliosque. Vide Calvinum Instit. lib. 2. cap. 11. Sect. 4. sibi ipsi forte contradicentem. "Quod si malis (inquit) (malo inquam ego, & quotquot cum script. loqui amant) ita accipe; Vetus fuisse videlicet testamentum, quod umbratili & inefficaci ceremoniarum observatione involutum tradebatur, ideoque temporarium fuisse, quia veluti in suspensio erat, donec firma & substantiali confirmatione subniteretur. Tum vero demum Novum æternumque factum fuisse, postquam Christi sanguine consecratum stabilitumque fuit, &c. Et Sect. 10. "Quod autem ipsas promissiones, scil. ante legem editas, sub Veteris Testamenti nomine censendas August. negavit (lib. 3. ad Bonif. cap. 4) optime in eo sensit, siquidem ad illas Jeremiæ & Pauli sententias respiciebat, ubi Vetus Testamentum a Verbo Gratiae & misericordiae discernitur, &c. affirmat quidem Calvin. ibid. Augustini sententiam a sua non dissidere, sed fallitur, loquitur enim Augustinus hae de re multo distinctius quam Calvin. & S. Literis congruentius, in quibus Vetus Testamentum nunquam pro fœdere Gratiae usurpatur: vide etiam Synopsin purioris Theologiae loco mox infra citando.

8. Sed quia minutiora prolixè persequi non fert animus, vide præter adversæ partis Theologos plurimos, Theologos etiam Lutheranos hac in re paulo saniores. P. Melanctonem cum suis in doctrina de discrimine Veteris & Novi Testamenti. I. Arm. in disp. Thol. publicis thesi 13. de legis & Evangelii comparatione qua de re fuse ibidem disseritur. & in privatis thesi 51. de Ecclesia Veteris Testamenti seu sub promissione. P. Cunæum. l. 3. de Republ. Eccles. Hebreorum cap. 9. Vorstium etiam si adire libet in Notis ad Disp. 8. de Deo, &c. ad thesin 25 de discrimine Veteris & novi Testamenti. Joh. Cameronis de triplici Dei cum homine fœdere theses Operum tom. 3. thes. 63. In ipsa etiam Synopsi pur. Theol. disp. 23. de Veteri & Novo Test. thesi 5. 6, 7, 12. non
nihil

nihil candoris animadvertere licet quanquam postea disputator communi errore abreptus a vero deflectat. Certe ut huic considerationi finem imponam, confusio promissionis seu fœderis gratuiti cum Patriarchis facti & Veteris Testamenti seu fœderis legalis quod Deus diu postea in monte Sinai pepigit cum populo carnali, plurimis Scripturæ locis apertissime repugnat & non unus hodie erroris causa est. Vide quæso tota hac de re Corn. Schultingium variarum lectionum & animadvers. in Calv. Just. tom. 2. p. 453. & aliquot seq.

Verissimum etiam & Scripturis ac Patribus maxime consentaneum est, quicquid contra sentiant & dicant Rigid. quidem Protest.) proprie & directe Vetus Testamentum bona carnalia ac temporalia, sed in figura & symbolice, sub carnalium rerum typis promittere spiritualia ac æterna. Vide Bell. cap. 3. Sect. (Quod attinet ad promissa &c.) Sed quia res hæc clarissima est, & innumeris tum scripturarum tum Patrum testimoniis, si necesse esset, confirmari posset, nos prolixiori super hac re disputatione abstinemus. Vide inter recentiores Protest. Gerh. Vossii Resp. ad Ravensperg. cap. 23. & Hist. Pelag. lib. 3. parte 2. pag. 334.

C A P. III.

*Quo de possibilitate præstationis Legis
Dei in hac vita differitur.*

i. **L**egem Dei consideratam rigide & *κατ' ἀκριβείαν*, ut omnis etiam haud plene voluntarius concupiscentiæ motus, & titillatio, omnisque omnino vel minina cum levi assensu deflexio a charitate erga Deum & proximum mandata, & uno verbo, quicquid minus est quam omni-
moda

modo spiritualis vitæ perfectio pro statu vitæ exigit, in censum veniat illorum quæ adversus legem Dei committuntur, ab ullo sanctorum non dico per solas naturæ vires quæ impia & ante multa sæcula damnata fuit Pelagii hæresis, sed nec per illam gratiæ mensuram quam Deus sanctissimis etiam in hac vita admetitur, vel per omnem vitam vel etiam longo ejus tempore, actu impleri, vel etiam impleri posse, recte negant Protest. omnes saniores.

2. Hoc enim clarissime docent Scripturæ, vide psal. 143. 2. Eccles. 7. 20. Proverb. 20. 9. 1 Reg. 8. 46. Jacobi 3. 2. 1 John. 1. 8. Oratio etiam dominica justissimis quibusque non veraciter minus quam humiliter quotidie dicenda apertissime demonstrat egre nos quotidiana peccatorum remissione (dimitte nobis debita nostra, &c.) Communis fidelium omnium experientia in quotidianis dilectis & tristissimis quorundam aliquando lapsus idem comprobant.

3. Idem etiam innumeris fere Patrum dictis clarissime probari posset, nisi quod Rom. ipsi ultro concedant ut infra dicemus neminem sanctorum in tota vita mortali immo ut quidam moderatiores volunt, nec per longum vitæ tempus posse omnia peccata etiam leviora, vulgo venialia appellata, vitare, &c. vide prolixum Patrum Catalogum apud Suarezium de Gratia lib. 9. cap. 8. n. 20. & 21. & Vossium in sua Historia Pelag. lib. 5. parte 1: Ad imprimis Patres ipsos cui otium & libri.

4. De B. Augustini & quorundam aliorum sed paucorum Patrum sententia, super hac re multum inter doctiores Theologos contenditur, Ille enim acerrimus alioqui Pelagii opugnator, pacis tamen Ecclesiæ studiosissimus, & homo in sustinendo judicio miræ prudentiæ (ut de eo loquitur Maldonatus) in cap. 16. Lucæ v. 22. differens ubi fuerit sinus Abrahæ cum Pelagio, de potentia per gratiam Christi absque peccato vivendi contendere volebat, utut neminem qui id fecisset, ostendi posse putaret. Vide lib. 2. de peccatorum meritis & remissione cap. 6. Qui dicunt esse posse hominem in hac vita sine peccato, &c. & lib. de Natura & Gratia contra Pelag. cap. 50. Recte quidem, &c. & 60. Utrum enim in hoc sæculo fuerit, &c. & de Spiritu & Litera cap. 1, &c. & libro de Sancta Virginitate cap. 50. Immo libro, de Natura & Gratia cap. 42. a potentia ad actum progressus, deserte affirmat, se non velle acriter contendere an sit aliquis qui ad eam
Justitiæ

Justitiæ perfectionem hic perveniat, ut sit sine peccato, quam non esse ei verius videatur; Nam neque illud inquit nimis curo utrum hic fuerint aliqui, &c. Vide etiam ut supra notatum est cap. 60. & 63. libri de Natura & Gratia & de Gestis Concilii Palæstini cap. 7. & 11. & de peccato Orig. lib. 2. cap. 11. vide & epistolam 95. ab Episcopis quinque Africanis, quorum unus Augustinus, ad Innocentium Papam missam, in qua haud procul a sine fatentur esse viros Catholicos, quibus non videretur a veritate alienum esse qui per gratiam, legem Dei sine peccato præstare valeant in hac vita, atque hos, si errent, tollerabilius sane errare dicunt, quam Pelagium; diligentius hoc pertractandum, &c. Nec diabolicam impietatem, sed errorem humanum esse, elaboranda & optanda affirmare, etiam si is, quod affirmat, non possit ostendere. Id enim, inquit, credit fieri posse, quod certe laudabile est velle, Nobis autem sufficit, quod nullus in Ecclesia Dei fidelium reperitur in quolibet profectu, excellentia, atque justitia qui sibi audeat dicere, non necessariam precationem Orationis Dominicæ, Dimitte nobis, &c. & dicat se non habere peccatum, &c. quamvis jam sine querela vivit. Vide etiam Gelasium in disput. contra Pelag. quæ habetur tom. 1. epist. Pontif. post epist. 5. ejusdem Gelasii. “ Sin vero quispiam (inquit) non possibilitate facultatis humanae, sed per divinam gratiam hoc asserat in hac vita quilibet sanctis (posse) conferri, bene quidem facit (nam Dei dono, cuncta possibilia sunt) talia confidenter opinari & sperare fideliter, &c. & deinde hæc subjicit; “ Sed utrum aliqui tales extiterunt qui usquam ad hanc perfectionem vitæ præsentis accederent, sicut nusquam evidenter astruitur, sic nos facile firmare vel infirmare non convenit, &c.

5. Augustini hac de re sententiam Rigid. Protest. (inter quos P. Molin in Anat. Armin. cap. 49. & Davenant de Justitia actuali cap. 51.) non satis recte explicant, cum affirmant August. quando concedit hominem posse esse sine peccato, ac legem Dei perfecte implere per Dei gratiam, hoc tantum velle, Deum posse, si etiam vellet, allicui istam gratiam in hoc sæculo præstare, neminem tamen inveniri, cui eam præstet, August. enim locis multis citatis non tantum simpliciter affirmat hominem posse esse sine peccato per gratiam, sive si voluntas ejus non desit. ope divina adjuvante, ut loquitur de Sp. & littera cap. 1. sed etiam licet ei probabilius videatur neminem esse

esse sine peccato, tamen se nolle id cum contentione negare
 profitetur : Augustini sententiam explicat meliori fide Pareus
 in c. 12. hujus libri p. 1084. & 1087. lege diligentur. Fallitur
 “ Bell. cum ad quaestionem, An possit homo vivere absque
 “ peccato, scribit libri hujus cap. 12. Augustinum sem-
 “ per respondisse negando, contrarium enim ex plurimis
 “ Aug. locis signatis clarissimè apparet. Affirmat A. Vega
 fidentur, penè certam veritatem visam fuisse Augustino
 quod homo iustus tota vita absque omni peccato etiam
 veniali per gratiam perseverare possit (quam sententiam
 ipse etiam mordicus tuetur ut infra dicemus) & quin-
 que illos episcopos Africanos qui in sua ad Innocentium
 Papam ante memorata epistola sententiam hanc, errorem
 licet tolerabilem, &c. esse dicunt, non veretur taxare, iis-
 que opponere Augustini ut illis multò doctioris authori-
 tatem l. 14. c. 22 p. 716. & quamvis (inquit) quin-
 que illi episcopi qui videntur fuisse præcipui in Concil.
 Milevitano, in epist. quam ad Innocent. Papam scripse-
 runt de Pelag. erroribus, tolerabilem & humanum erro-
 rem dicunt esse neque impium existimandum, quod jam
 tum quidam asseriebant, posse hominem post suam justi-
 ficationem perseverare tota vita absque peccato, per ad-
 jutorium gratiæ & Spiritus Dei, tamen Aug. qui multo
 fuit illis doctior non humanum errorem sed pene certam
 veritatem hoc putavit, &c. Sed vir doctissimus non adver-
 tit Augustinum ipsum unum fuisse illorum quinque episco-
 porum qui hanc epistolam scripserunt, episcoporum enim
 nomina lege in Epistolæ inscriptione, Aurelius, Alipius,
 Augustinus, Evodius & Possidius. Suarez de Gratia l. 9.
 c. 8. n. 22. existimat August. locis citatis ut & Hierony-
 mum dialogo 1. contra Pelag. quando dicunt posse justos
 hic vitare omnia peccata, etiam venialia, licet non hoc faciant;
 loqui vel de potestate physica, seu ad singula vel de potestate
 cum gratia non communi tantum sed singulari. Vossius in
 Hist. Pelag. l. 5. parte 1. Antithesi 5. circa finem censet Au-
 gust. aliosque cum illo Africanos patres, quando dicunt pos-
 se aliquam per dei gratiam hic sine peccato vivere & legem
 dei implere, considerare legem non rigidè sed κατὰ ἐπιμετρίαν,
 & pro viribus gratiæ quas habemus in hac vita, & illud so-
 lum peccati nomine intelligere, quod vulgi judicio peccatum
 censetur, quomodo sine peccato vivunt qui sine querela vivere
 dicuntur

dicuntur in scripturis. J. Armin. affirmat August. hoc sensisse, quod homo in hoc sæculo gratia Christi sine peccato esse possit, &c. “ Sed ego (inquit, in declaratione suæ sententiæ “ de hoc capite pag. 208, 209.) nunquam dixi quod fidelis “ præcepta Dei in hac vita perfecte servare potuit, sed neque “ id negavi unquam; verum totum in medio semper reliqui “ contentus illis quæ Aug. hac de re dicit, &c. & ibid. pag. “ 307. 308. “ Huic Augustini sententiæ (inquit) non re- “ pugno, de tota autem re non contendo : puto enim tem- “ pus felicius & utilius impendi precibus ad impetrandum “ quod nobis deest, & monitis seriis, ut quisque proficere & ad “ metam perfectionis contendere conetur, quam hujusmodi “ disputationibus, &c. Sed quicquid hac de re Aug. aliis in scriptorum suorum locis senserit, vel eruditis sensisse videatur, nobis sententia quinque Episc. Africanorum qui in Concilio Milevit. præcipui proculdubio fuerunt & e quibus unus, ut sæpe jam dictum fuit, August. ipse, in epist. illa ad Innocent. Papani crebro jam laudata, maxime probatur, errare sed errorem humanum, & falli sed tollerabiliter, quia etsi non invenitur homo in hac vita sine peccato, id tamen dicunt posse fieri per adjutorium gratiæ & Spiritus Dei, &c. quæ illorum sunt verba. Hæc enim communior fuit Patrum sententia & pro qua nonnulla etiam ex variis Aug. scriptis citari possent. Nihil enim certi habebat sanctissimus ille pater, quod hac de re in contrarium pronunciare posset, aut auderet; unde nec mirum est aliqua etiam in speciem saltem pugnancia, in illius scriptis dicta inveniri. sed quia hoc abunde ab aliis viris doctissimis ut supra dixi præstitum est, nos hoc labore supersedentes per-
gimus.

6. Fatentur etiam ut supra dixi, ipsi Trident. Patres Conc. Sess. 6. can. 23. Neminem justificatum posse in tota vita peccata omnia etiam venalia vitare, nisi ex speciali Dei privilegio quemadmodum (inquirunt) de B. Virgine tenet Ecclesia; Sed quod hodie Rom. communi consensu tenent, B. Virginem ex speciali Dei privilegio ab omni actuali peccato semper immunem fuisse (nam de immunitate, ab originali peccato jamdiu acriter belligerantur hodieque etiam belligerant multi magni nominis viri, Romanæ partis, ut omnibus constat, legatur inter alia, legatio Philippi 3. & 4. Regum Hispaniarum ad Paul. 5. & Greg. 15. de deficienda controversia immaculatæ conceptionis B. Virginis, &c. nuper excusa Antuerpiæ

in fol. cujus summam legere est in A. Kessleri Theol. Luther. Resp. de Bello Ubiquitico ad Laur. Fozerum Jesuit. &c. Nec tamen sententia aliqua definitiva super hac controversia ad hoc bellum finiendum. a Pont. Romano etiam instantissime sollicitato unquam obtineri potuit) utut Veterum quosdam idem sensisse negari non potest, plurimi tamen eorum aliter senserunt Hier. contra Pelag. ad Ctesiphontem & P. Orosius Apolog. de L. A. Nulli mortalium hanc sanctitatis perfectionem absque omni peccato semper vivendi, convenisse, præterquam Christo diserte affirmant Chrys. in ps. 14. ad verba, Non est qui faciat bonum, &c. & in cap. 2. Joh. homil. 21. Orig. homil. 17. in Lucam ad verba, Et tuam ipsius animam pertransivit gladius; Scriptor Quæst. Veteris & Novi Testamenti inter opera Aug. q. 73. Theophil. Euthimius alique. Vide Maldonatum in cap. 2. Lucæ ad verba supra citata, Et tuam ipsius animam, &c. & in cap. 2. Joh. ad verba vers. 4. (Quid mihi & tibi est mulier, nondum venit hora mea,) "Ubi, inquit, inter veteres auctores paucos admodum invenio, qui non aut aperte dicant aut obscure significant aliquam culpam aut errorem certe fuisse quod filium ad faciendum miraculum incitaverit si non ob aliud, certe quia intempestive & ante tempus id fecit, &c. Vide Chamierum de peccato Orig. lib. 5. tom. 3. cap. 13. n. 2. ubi singularem illius moderationem hac in re non possum non laudare. "Probat bitur (inquit) Virginem peccasse aliquando e scripturis illis que non nostro arbitrio interpretatis, sed Veterum Patrum observationibus illustratis, ut constet antequam, &c. liberi ores fuisse Christianorum sententias in censenda Virgine, neque persuasum, impium esse qui non nihil navorum in ea ut in formosissimo corpore observaret quod, &c. jam Pa pistarum pars maxima induxit in animum; Id autem eo fiet illustrius, quo certius erit in quibusdam nos Virgini esse æquiores quam Veterum nonnullos, qui ejus peccatis imputarunt nonnulla, in quibus nos non habent assentientes, &c. Lege totum caput diligenter dicit quidem August. tom. 7. lib. de Natura & Gratia cap. 36 (Excepta Sancta Virgine Maria de qua propter honorem domini nullam prorsus cum de peccatis agitur, habere volo quæstionem, &c.) sed nihil certius quam de solis peccatis actualibus ibi loqui August. ut omnes loci circumstantiæ ostendunt, & de immunitate ab his loquitur tantum dubitanter, & more suo, sanctissimus pater nihil

nihil in alterutram partem definicens. Vide Dom. a Soto de Natura & Gr. l. 3. cap. 4. pag. 209. "Neque tamen, inquit, affirmans (B. Virginem a peccatis omnibus actualibus immunem fuisse) sed nolens facere de illa mentionem, propter honorem Domini, &c. Sed Rom. hodie ab August. modestia longe recesserunt, qui tanquam certissimam veritatem hoc asserunt & Conciliaribus canonibus inserunt, ut jam vidimus pie certe credimus B. Virginem ab omni peccato actuali graviore immunem fuisse, in pauciora etiam venialia, quam quisquam alius sanctorum incidisse. Sed absque ullo certo & perspicuo Script. fundamento, & constanti veteris Ecclesie consensu, eam ob omni omnino peccato actuali liberare non audemus. Immo plus satis audacem esse Romanam Ecclesiam affirmamus, quæ hodie id ut certum & de fide statuit, credique imperat.

7. Contendit quidem ut supra innui, multis argumentis A. Vega lib. 19. cap. 21. posse justos per Dei gratiam, per totam vitam omnia peccata venalia vitare, non tantum singula seu divisive, sed etiam collective, intelligit autem per gratiam communem, sine speciali privilegio ut recte Suarez observat illius mentem explicans, alias (inquit) frustra laboraret, &c. de Gr. lib. 9. cap. 8. n. 13. Sed hæc illius sententia ut de Script. & Patribus nihil nunc dicam plerisque Romanensium improbat, cum definitione etiam Concilii Trident. supra dicta, iisdem non satis congruere videtur quicquid ille contra sudet cap. ult. illius libri. Vide Suarez. quo supra audi & Vegam ipsum cap. 21. Quoniam autem hoc novum & durum plerisque videbitur, sicut & mihi sæpe visum est, adnitar &c.

8. Immo communiter sentiunt Rom. nullum sanctorum vitare posse omnia venialia peccata per longum vitæ tempus Suarez. quo supra n. 26. Ex quibus inquit colligitur neminem vitasse seu vitare posse omnia venialia peccata per longum tempus, etiamsi non sit totius vitæ. "Hoc (inquit) non est tam certum sicut de toto tempore vitæ, &c. nihilominus tamen hæc illatio est communiter recepta & mihi videtur consequenti ratione omnino tenenda, &c. Sed alias incertas & temerarias immo periculosas & perniciosas de temporis mora longiori vel breviori (quoad actuale omnino peccati vitæ vel etiam vitandi potentiam) scholarum

quæstiones & decisiones missas facio, & quisquis cum timore & tremore salutem suam operari satagit, idem facito.

9. Sed cum nemo sanctorum nec tota vita neque etiam longo vitæ tempore, peccata omnia & singula etiam venialia, vitare possit, ut jam dictum est, perperam Bell. & cum eo alii Romanensium multi, legem Dei κατ' ἀκριβείαν, quasi, simpliciter atque absolute, hic servari posse contendunt, eo quod peccata venialia sine quibus non vivimus, non sunt peccata simpliciter (ut inquit Bel. lib. hujus cap. 14: sect. solida igitur Responsio, &c.) sed imperfecte & secundum quid neque sunt contra legem sed præter legem ut S. Thomas recte docet, &c. Sed sententia hæc omnino a vero dissentanea est, Peccata enim venialia vel omnino non sunt peccata, vel recte legi Dei contraria sunt, omne enim peccatum est ἀνομία, vel legis transgressio 1 Joh. 3. 4. neque enim intelligi quidem peccatum potest quod non sit alicujus legis violatio: peccatum est dictum vel factum vel concupitum contra legem Dei Aug. contra Faustum lib. 22. cap. 27. omne peccatum contra mandatum Dei præsumitur, Bernard. de præcepto & dispensatione cap. 14. Inter ipsos etiam Rom. idem censet Vega (confitente ipso Bell. ubi supra sect. Respondeo) lib. 14 cap. 13. “distinguunt (inquit) & alii (intelligit autem Thomam 1. 2. q. 88. art. 1. & 2. & sectatores ipsius ut in margine notat) “peccata venialia a mortalibus, quod hæc contra mandata sunt, “illa vero leves, quædam culpæ duntaxat, præter ipsa commissæ, &c. verum hanc sententiam permulti scholastici impugnant & contra mandata illa esse affirmant eorumque sententia communior nunc videtur in scholis, &c. Vide & propositionem primam quam paulo infra ponit, & decet ubique ut nostros sermones & Scripturis & sanctorum Patrum verbis attemperemus, &c. quæ apud authorem ipsum lege, quibus tamen paulo post subjungit quædam animadversione digna. Vasquez. in 1. 2. Disp. 212. cap. 2. n. 5. Estius in 2. Sent. Dist. 35. Sect. 2. fuse probat, tum ratione tum autoritate venialia peccata esse contra legem Dei. Imo Joh. Baptista Desbois Bell. breviator cap. 14. hujus libri, hanc Bellarmini distinctionem non probavit. Vide marginem ubi ad illa verba, (Et si dicantur peccata venialia scilicet contra legem, &c.) hæc habet, “Si enim vere peccata sunt, quomodo non contra legem

“ legem aliquam, cum peccatum sit prævaricatio legis, & in
 “ contextu, Nam siue veniale peccatum sit supra legem (scri-
 “ bendum fuit præter legem) siue contra, nusquam justus
 “ dum venialiter peccat, legem dicetur implere, &c. aliis nunc
 citandis supersedeo, exactior enim huius rei consideratio alte-
 rius est loci, loquendo igitur de absoluta legis etiam secundum
 illius rigorem impletione, non sunt duæ diversæ quæstiones,
 ut affirmat Bell. cap. 12. Sect. At Kemnitius, &c. utrum
 præcepta servari possint, &, utrum possit homo vivere absque
 peccato, sed una eademque, &c. Neque unquam aliter sensit
 August. in omnibus suis contra Pelag. scriptis ut neminem in
 iisdem versatum latere potest. ●

10. Legem tamen consideratam non rigide, sed κατ' ἐμ-
 ειχείαν, seu pro modulo nostro, & viribus, quas in hac vita
 habemus, κατὰ μίτρον ὡς ἔσται τὸ Χρίστῳ, ut inquit Apost.
 ad Eph. 4. atque quoad eum legis præstationis gradum, quem
 Deus fœdere Evangelico a nobis præcise requirit, ut promissæ
 remissionis peccatorum & salutis æternæ participes fiamus,
 impleri posse, negari non potest, neque etiam debet.

11. Quicquid enim Deus alias juxta rigorem a nobis po-
 stulare potest tamen ὁ πάντης τῶ ὁικτιρμῶν in Christo fœdere
 gratiæ, nihil postulat nisi secundum ἐμειχείαν & vires quas
 dedit postulato semper proportionatas. Neque enim adeo
 præcise nobiscum agere vult ut damnare velit, si vel in nimi-
 um delictum aliquod incidamus vel non in summo perfectio-
 nis gradu Deum amemus sed pro paterna sua bonitate & in-
 dulgentia, omnia infirmitatis delicta condonare paratus est &
 crimina etiam gravia, si modo seria pœnitentia & propositum
 studiumque ea vitandi non leve, non desultorium, non inaccu-
 ratum, sed quale ipsi Deo probatur, interveniat, ut recte Re-
 monstr. Apol. cap. 17. pag. 158. Hoc totum quantum est,
 gratiæ Christi acceptum referimus.

12. Hoc clarissime docent scripturæ Matth. 11. vers. ult.
 Jugum meum suave est & onus meum leve. 1 Joh. 5. 3.

Hæc est charitas Dei ut mandata ejus servemus & gravia non sunt Luc. 1. 6. & alia innumera Script. loca quæ non tantum de potentia, sed etiam de actu legem modo prædicto præstandi, loquuntur.

13. De Patrum sententia dubitari non potest, qui Deum justum & bonum, simpliciter impossibilia nobis præcipisse, sub pœna damnationis æternæ, constanter negant, singulorum testimonia hic congerere ut brevitati consulamus, & quia res ipsa omnibus qui in Patrum scriptis non sunt plane hospites, certissima & clarissima est, non libet. Nos etiam hoc labore levaverunt plurimi alii viri doctissimi non tantum Romanæ partis sed etiam Protest. Inter alios Gerhar. Vossius Hist. Pelag. lib. 5. parte 1. Antith. 6. qui etiam quod Bernardus serm. 2. in Vigilia Natalis Domini, & supra Cantica serm. 50. atque ante Bernardum August. etiam ipse dixit lib. de Sp. & Lit. cap. 36. Hoc in illa vita complebimus, &c. & de Actis cum Fœlice Manich. lib. 2. cap. 11. data est enim lex superbis hominibus, &c. Deum impossibilia plene præstitum in hac vita præcepisse, cum eo quod reliqui Patres atque ipse imprimis August. contra affirmant, posse per gratiam, legem hic impleri; haud difficulter conciliari posse ostendit duplici legis, duplici item virium nostrarum consideratione adhibita. Nota tamen obiter Lector studiose in hac Antithesi pag. 487. circa finem, sermonem illum 191. de tempore qui ut Aug. citatur & quo Hieronymi sententia lib. 1. adversus Pelag. mandata Dei non a singulis, sed ab omnibus tantum in communi servari posse, ut blasphemum & execrabilis damnatur Augustini non esse, ut putavit Vossius cum aliis sed libellum quendam Pelagii ut observat R. Usserius in Gotteschalici Historia nuper edita cap. 1. pag. 13.

14. Pro communi Patrum sententia accipe verba Concil. 2. Azanlic. Can. ult. "Hoc etiam secundum fidem Catholicam credimus, quod accepta per baptismum gratia omnes baptizati, Christo auxiliante & cooperante, quæ ad salutem pertinent, possint & debeant, si fideliter laborare voluerint, implere, ubi adimpletionem intellige non rigidam & exactam, ut sæpius monui, sed pro modo justitiæ quæ huic competit vitæ ut loquitur August. lib. de sp. & lit. cap. 36. Appellanti alii, nec incommode, perfectionem partium, quæ statui viæ congruit, & imperfecta quædam perfectio est, (ut loquitur Hier.

Hier. lib. 1. adversus Pelag. Hæc est hominis vera sapientia, imperfectum se nosse ; atque ut ita loquar, cunctorum in carne iustorum imperfecta perfectio est) alteram autem quæ post hanc vitam erit, perfectionem graduum.

15. Ratione etiam idem efficacissime probatur hoc ipso enim potissimum lex seu Vetus Testamentum ab Evangelio seu Novo Testamento discriminatur, quod lex venerit sola, rigide imperans & exigens, Evangelium autem non solum, sed cum gratia ac proinde juvans & vires subministrans idoneas ac sufficientes pro statu viæ, ad officia quæcunque illo præscripta exequenda v. Ezech. 36. v. 26. 27. Jer. 31. 33. Heb. 8. Joh. 1. 17. atque alia plurima. Vide August. compluribus in locis sed præcipue toto lib. de Sp. & Lit. Immo in hoc consentiunt Theologi omnes cum veteres tum recentiores qui recte quæ dicunt, expendunt, Evangelium sive legem gratiæ, nihil supra vires quæ a Christo conceduntur tanquam ad salutem æternam assequendam simpliciter necessarium exigere. Et negare, perfecte hominem, legem Dei sic consideratam implere posse, secundum vires quas accepit, contradictionem plane implicat. Hoc enim quid aliud est quam negare hominem posse, quod tamen posse affirmatur, sive non posse pro posse.

C A P. IV.

*In quo doctrina capite precedenti tradita fusius ex
variorum Protestantium aliorumque scriptis
confirmatur.*

1. **I**dem docent multi Protest. doctissimi, alique viri moderatissimi.

Ger. Vossius sæpe jam nobis ante laudatus Hist. Pelag. lib. 5. parte 1. Antithesi. 5. pag. 482. " Patres inquit (Aug. " scil. & alii Africani) qui aiunt posse aliquem eo usq, pervenire " ut servet totam legem, Deumque ex tota anima & omnibus viribus diligat, hi considerant legem non rigide sed

κατ' ἐπιχειραν, pro viribus quas habemus in hac vita, &c.
 “ Hoc pacto ex omnibus viribus nostris possumus obedire Deo
 “ quia manifesta esset ἀντιλογία non posse nos aliquid pro
 “ viribus præstare vel etiam cum sine peccato eos vivere di-
 “ cunt, illud solum peccati nomine intelligunt quod Vulgi ju-
 “ dicio peccatum censetur, quomodo sine peccato vivunt qui
 “ sine querela vivere dicuntur in script. At Patres qui contra
 “ docent, nec sanctissimos longo tempore obedire posse legi
 “ divinæ, hi legem considerant κατ' ἀκριβεῖαν, ut etiam in
 “ peccatorum veniat censum omnis concupiscentiæ titillatio,
 “ cum levi assensu, &c.

J. Arminius in declaratione, &c. pag. extrema 320. Ad
 quæst. propositam, An fideles sub gratia Novi Testamenti pos-
 sunt in hac vita legem Dei perfecte servare, sic Respondet,
 “ sic Deus rigide velit in summo perfectionis gradu legem su-
 “ am observari, non posse hominem legem Dei perfecte præ-
 “ stare, si vero postulet secundum ἐπιχειραν tantum, & vires
 “ collatæ sunt postulato proportionatæ quod dicendum est,
 “ cum Evangelico fœdere postulet, posse perfecte servari;
 atque in margine huic quæstioni hoc ex adverso opponit An-
 terotema, An Deus a consortibus N. Testamenti postulet ne
 caro adversus spiritum concupiscat, tanquam officium gratiæ
 fœderis istius respondens nec ne?

Remonstr. in Resp. ad Epist. Ministeriorum Walachrianor-
 rum pag. 88. 89. “ Credunt Remonstr. ab homine perfecte
 “ legem Dei & ad amissim præstari in hac vita non posse, nec
 “ quenquam mortalium præstitisse unquam, disquiri tamen
 “ patiuntur, an quam in Evangelico fœdere obedientiam exi-
 “ git Deus, non secundum justitiæ suæ rigorem sed secundum
 “ ἐπιχειραν, eam non possit homo præstare, instructus suffi-
 “ cientibus Sp. Sancti viribus. In cujus problematis affirmati-
 vam partem, nonnulli nostrum propendent, &c.

Iidem (Remonstr.) in nupera sua Apolog. cap 11. pag.
 130. 131. perfectionem istius præcepti, diliges Deum toto cor-
 de, tota anima, &c. quatenus nobis fœdere gratiæ mandatur,
 negant

negant esse perfectionem Arithmetica[m] sive legalem sive numeris & gradibus omnibus absolutam quæ novos, imperfectiones, imbecillitates omnes præcise excludat sed Ethicam, sive moralem tantum esse aut potius Evangelicam, quæ ex æquo & bono æstimatur, & quæ coram exacto Dei judicio stare non possit, si per exactum Dei judicium rigidissimum judicium intelligatur, nam si judicium intelligatur quod ad gratiosi fœderis regulam accurate exactum est, quodque juxta eam Deus exigere ac ferre vult, tum inquit alia ratio est, hoc enim judicium proprie exactum judicium non est, &c. Et cap. 15. pag. 152. circa finem. “Hac in re observatio præceptorum Evangelica differt a legali, quod hæc plena rigida & præcisa esse debeat, & si unum modo interveniat peccatum, nec remissioni nec pœnitentiæ locus sit. Illa vero ut plena præcisa & rigida sit observatio, non requirat, dummodo adsit voluntas nihil unquam faciendi contra ullum legis seu præceptum seu interdictum, & in melius semper proficiendi. Si enim fiat ut is in quo voluntas ista est, incidat in grave aliquod peccatum, interveniente pœnitentia, peccatum illud non imputatur a Deo & præcedens mandatorum divinorum observatio, propter Christum habetur pro observatione quæ Deo accepta & grata est. Vide etiam c. 17. pag. 157. 158.

J. Corvinus in Anti-Molinæo. cap. 34. Sect. 8. “diserte, inquit dico. (in Anti-Tileno sc. pag 492.) me fateri neminem esse etiam ex iis qui maxime sunt regeneriti, qui ea perfectione legem Dei impleat aut etiam implere possit, ut ex ea secundum fœdus primum legale, vitam possit accipere, tantummodo dico, regeneritos per Spiritum Christi, vitam ita posse secundum legem instituere, ut ad eum obedientiæ gradum perveniant, quem Deus ab illis requirit, ut promissæ remissionis peccatorum fiant participes, &c. Vide etiam c. 35. Sect. 2.

P. Baro de præstantia divinæ legis lib. 1. cap. 13. pag. 37. 38. idem docet, verba brevitatis causa omitto.

R. Thomsonius in diatriba sua, &c. cap. 7. haud procul a fine. “Sed, inquires, etiam peccatum omnino vitare jubemur, ergone possumus? Sane lex hujusmodi perfectionem a nobis exigit: sed Evangelii doctrina conatu & bono proposito contenta est. Et tamen quis dubitat, hominem in gratia,

“ gratia posse te, *ἡς ἀνῶθεν περιγυμνῆς ἐγὼς*, ut lo-
 “ quitur Pelusiota, ab omni graviore peccato & crimine absti-
 “ nere? quamdiu scil. intentus est animus quamdiu chorda
 “ nullo vitio laxatur in cithara. Hieron. lib. 2. contra Pelag.
 “ & August. serm. 56. de tempore. sicut sine minutis pecca-
 “ tis nemo unquam fuit aut esse poterit, ita sine capitalibus
 “ criminibus, dante & auxiliante Deo, omnimodis esse possu-
 “ mus & debemus.

R. Fieldus in Apend. ad lib. 3. de Ecclesia cap. 11. de
 justificatione p. 298. doctrinam Stapletoni super hac re de
 justif. l. 6. sequentibus propositionibus comprehensam appro-
 bat, propositiones dignæ sunt observatu, ideoque huc adscri-
 bere minime piget.

“ Prima Renovati & justificati in Christo, gratiam Spiritus
 “ Sancti accipiunt, qua legem impleant, quam propositionem
 Stapleton fuisse confirmat, quo supra c. 2.

“ Secunda, Hæc tamen impletio legis non intelligitur ne-
 “ cessario & præcise in omnibus mandatis legis, toto tem-
 “ pore & cursu vitæ humanæ, sed ille censetur implere le-
 “ gem, satisfacere legi, & in conspectu Dei justus habe-
 “ tur, qui voluntatem & effectum habens implendi, uni-
 “ versa legis præcepta eatenus implet, quatenus huma-
 “ na fragilitas, in reliquiis naturæ corruptæ, per grati-
 “ am adjuta, implere in hac vita vel potest vel solet.
 hanc propositionem egregie confirmat cap. 3. ex scrip. &
 Patribus.

Tertia cap. 5. “ Omnimoda mandatorum impletio, & si
 “ talis in hac vita ad veram justitiam non requiritur, ut omni
 “ prorsus peccato careat, tamen talis ac tanta est, ut gravibus
 “ illis, & letiferis peccatis omnino carere possit, ac debeat,
 “ utrunque levioribus illis & venalibus non careat. Hanc pro-
 positionem copiose probat ibidem.

“ Quarta. Justitia hujus vitæ Evangelica, etsi non careat
 “ omni prorsus peccato, ideoq; ex hac parte perfecta non sit, ta-
 “ men suo modo perfecta est, quia id semper agit ut careat pec-
 “ cato, proficiendo de die in diem; lege obsecro diligenter c. 6.
 quo idem uberrime confirmatur.

“ Quinta, Justitia bonorum operum in fide, est vera coram
 “ Deo justitia, utcunque mixta peccatis & imperfecta, tum
 “ quoad universa mandata implenda, tum quoad modum im-
 plendi,

“plendi, vereque & plene legi Dei satisfacit, non solum quia
 “quam proxime accedit ad plenam & perfectam justitiam, aut
 “quia gravioribus saltem criminibus caret, aut etiam quia
 “id agit proficiendo de die in diem, ut omni prorsus peccato
 “careat, & plene satisfaciatur, sed adhuc præterea, quia quic-
 “quid deest, ad plenam, & perfectam adimpletionem, manda-
 “ta prætermittendo, & venialiter frequenter peccando, sive
 “propter imperfectionem, in modo & ratione implendi, id to-
 “tum Christi misericordia & gratia indulget, atque ignoscit,
 “facitque indulgendo ut perinde simus coram Deo justus,
 “ac si universa ad amissimam mandata, eademque perfectissi-
 “me fecissemus. Hæc propositio inquit Stapl. cap. 8. ut est
 cognitu dignissima; & consolatione plenissima, ita ab adver-
 sarius hodie non negatur quidem, sed perperam tamen intel-
 lecta, &c.

Hanc, inquam, doctrinam Stapletoni prædictis propositio-
 nibus expressam affirmat. Fieldus neminem Protest. impro-
 bare posse, &c. Conqueritur quidem ibidem de fraudibus
 quibusdam a Stapl. eodem cap. Protestantibus impactis circa
 hanc propositionem, sed quia ad præsentem controversiam non
 pertinent, de quibusdam etiam eorum supra abunde dictum,
 nunc silentio præterimus.

Thomas Mortonus in appellatione Protest. lib. 5. cap. 12.
 hac de re agens Sect. 3. propositionem illam secundam
 Stapl. supra memoratam laudat & Sect. 4. in quæst. ex-
 pedienda, hac ipsa distinctione, de observatione le-
 gis rigida & secundum ἐμμετρίαν, Evangelicam uti
 cogitur, ne Scripturis & Patribus appertissime contra-
 diceret.

Similiter distinguit Fr. Whitrus contra Fisherum Je-
 suitam pag. 524. & 533. adis lector benevole loca sig-
 nata.

R. Hookerus de Ecclesiastica Politia lib. 6. Sect. 48. pag.
 285. “Certe quamvis hic immunes esse non possumus ab om-
 “ni peccato collective ita ut nulla illius pars in nobis inveni-
 “atur, distributive tamen omnia magna saltem & gravia actu-
 “alia peccata sicut se offerunt unum post aliud, evitari & pos-
 “sunt & debent, ita ut hoc sensu ab omni peccato liberari im-
 “possibile non sit, &c. Et cum huic assertioni ut & aliis non-
 nullis, Puritani in putida quadam ad illum data epistola con-
 tradixissent

contradixissent, respondit pro illo Gul. Covellus. Vide Apolog. art. 9. sed non satis solide.

L. Andreas Episc. Wintoniensis in concione super Deut. cap. 23. 9. quando, &c. custodies te ab omni re mala pag. 190. & super Heb. 13. v. 20. pag. 586. & super Joh. 14. 15. Si diligitis me mandata mea servate pag. 621. 622.

Voritus in Apologia pro Eccles. Orthodoxis disput. 1. pag. 61. "Impossibilis est nobis (scil. legis præstatio) aliquatenus etiam sub gratia constitutis, nempe quatenus hic & præstatio perfectissima, & gratia communis sive ordinaria intelligitur, sed possibilis tamen eadem lex est per Dei gratiam idque duplici modo, nempe quatenus neque respectu communis gratiæ, exquisita perfectio requiritur, neque respectu hujus perfectionis, gratia singularis sive extraordinaria excluditur, &c.

Et in Anti-Bell. tom. 4. p. 632. "Evangelici fatentur præcepta Dei renatis non modoabilia, sed & suo modo facilia observatu esse, si modo duæ istæ conditiones addantur viz. primo non ex propriis suis viribus sed ex Dei gratia, illos hæc præstare posse. Et secundo quicquid defectus in ipsorum obedientia reperitur id gratiose a Deo condonari, &c. (utrumque admittunt Rom.) alioqui si de nostris ipsorum viribus deque summe perfecta illa & perpetua morum integritate quam lex Dei severe requirit ex professo agatur, non immerito & facilitas ac possibilitas ista negatur. Ubi (inquit) nota non quamlibet perfectionem sed eam tantum quæ supremi ordinis & numeris omnibus absoluta (quæ vulgo perfectio graduum appellatur) renatis in hac vita non simpliciter, sed plerumque & ordinarie denegari (sed ut hoc obiter dicam cui obsecro mortalium hanc supremi ordinis perfectionem, &c. concessam esse certo constat?) quum alioqui perfectio partium, item ea perfectionis species, quæ sinceritas vel integritas alio nomine vocatur, iisdem ultro concedatur ab omnibus Evangelicis, &c. & pag. 633. dicimus omnia Bell. argumenta eatenus a nobis admitti quatenus supra dicta duplex cautio in iis habetur.

Idem acriter defendit Seb. Castellio tract. inter Opuscula An possit homo per Spiritum Sanctum perfecte obedire legi Dei atque etiam author tractatus de justificatione in Opusculorum sine (qui fuit Castellio ipse ut ex præfatione constat ut supra monui) nisi forte in sententia hac defendenda modum uterque

uterque excedat, quod faciunt nonnulli hodie fanatici integris libris contendentes hominem exacte legem Dei præstare in terris, saltem posse.

Videatur & R. Montacutius in l. sæpe ante memorato contra Nuperum Controvers. abbreviatorem articulo 17. p. 122. &c.

Archiep. Spalatenis de Republ. Eccles. lib. 7. cap. 11. n. 235. “ Ante omnia impossibile videtur ut sanus intellectus
 “ quiete percipiat, quo pacto Deus det hominibus leges de se
 “ impossibiles, aut in toto, aut etiam in parte, ita tamen ut ex
 “ ea parte qua impossibile sit eas impleri, culpa & peccatum
 “ conjiciatur in hominem, eas plene & perfecte non adimplen-
 “ tem, deinde in contrarium lego, &c. Ubi ex plurimis Script.
 locis probat legis Dei necessariam observationem non esse im-
 possibilem & n. 236. “ Non videtur igitur dubitandum (in-
 quit (præcepta omnia sigillatim ex ea parte impleri posse, ex
 “ qua à Deo proponuntur ut obligativa, sub periculo & pœna
 “ damnationis æternæ, circa crimina nimirum, non circa pec-
 “ cata minora. Quod si humanæ imbecillitati sit impossibilis
 “ aliqua particula, seu conditio, & circumstantia perfectæ
 “ adimplerionis, eam dicam aut non esse sub præcepto, ac
 “ propterea, si non adimpleatur, vix ullum esse homini grave
 “ peccatum, aut saltem non imputari, & de hac non imputa-
 “ tione intellige Augustinum ubi ait Retract. l. 1. c. 19. omnia
 “ mandata facta deputantur, quando quicquid non fit, ignos-
 citur. &c. quæ apud authorem lege. & paulo “ præceptum ita-
 “ que diligendi Deum super omnia, quatenus homines obligat
 “ satis adimplebitur, si homo præferat Deum omnibus quæ ha-
 “ bet in hoc mundo, etiam vitæ propriæ, &c. quod justî omnes
 per gratiam præstare possunt, &c. & paulo inferius “ sensus
 “ præcepti, Non concupisces, hic esse potest, Non concupisces
 “ h. e. non modo actu externo ne fureris, ne occidas, ne mœ-
 “ cheris, Sed etiam solo assensu voluntatis interno ne feraris in
 “ furtum, homicidium, &c. atque hoc non assentiri per grati-
 “ am possibile est, &c. Et n. 240, 241, 242. ad Script. loca quæ
 vulgo pro impossibilitate præstationis legis citantur fusc re-
 spondet, numero autem 239. sententiam Romanensium cum
 sententia Protest. facile conciliari posse affirmat. “ Si (inquit) res
 “ quas utrinq; asserimus, non verba quibus eas asserimus, pon-
 deremus adscribam authoris verba quia observatu digna sunt
 “ Nos Rom. volumus teneri homines servare præcepta divina;
 “ quantum cū divina gratia fieri potest, & hoc tantū sub præceptū
 cadere,

“cadere, qua vero ex parte non possumus ea singula servare
 “perfecte, dicimus id non esse sub præcepto, & ita neque nos
 “peccare in illa imperfectione necessaria, Protest. dicunt præ-
 “cepta ex ea parte qua possibilia sunt, omnino esse servanda,
 “*etc.* ex ea vero parte qua sunt impossibilia, volunt adhuc ea
 “transgredi, esse peccatum, quia etiam ex hac parte obligativa
 “esse censent, sed tamen hoc peccatum, Christi legis obedientia
 “legi, & nobis non imputari. In re ergo ipsa (inquiunt) conve-
 “nimus, idem enim mihi beneficium est, si in me actio aliqua
 “non sit ullum peccatum, atque si sit peccatum, sed non im-
 “putetur, *etc.* Lege & n. 249. 250. Atque hæc de hac con-
 troversia sufficiant, in qua, quicquid Theologi partium studi-
 osi ultro citroque disputent, hoc certum est, Deum lege seu
 fœdere gratiæ nihil a nobis præcise postulare, quod non per vi-
 res collatas eatenus saltem præstare possumus, ut Deus ipse
 clementer & gratiose propter Christum in hac præstatione &
 obedientia tandem acquiescat.

“Deus omnia dat (inquit Davenantius Scriptor certe non
 indoctus, sed in quibusdam plus satis rigidus, in disp. de justi-
 tia actuali cap. 51.) “quæ secundum fœdus Evangelicum
 “necessario pertinent ad salutem obtinendam, & tamen inquit
 “non dat in hac vita possibilitatem implendæ legis. Quod ut
 de stricta & secundum legis rigorem observatione verum esse
 concedimus, ita de præstatione & perfectione ea, quæ est cum
ἐπιμηνία, Evangelica conjuncta, falsum esse jam sæpius dixi-
 mus & probavimus. Sed quid ego in re plana diutius moror?

CAP. V.

*An omnia justorum opera quantumvis bona, sint
 peccati labe aliqua maculata.*

1. **E**Xistimant Protest. rigidiores manifestam sibi a Roma-
 nensium plerisque injuriam fieri, quando illis impin-
 gunt, quod omnia omnino justorum opera peccata esse affir-
 ment; & quidem damnabilia, sive ut loquuntur, mortalia.
 Vide Belar. cap. 15. atque alibi passim, aliosque Romanæ par-
 tis Scriptores plurimos.

2. Hoc

2. Hoc tamen se docere profitentur Protest. ante nominati, quod opera bona justorum, etsi vere bona sint, Deoque placencia, non sint tamen absolute & pure bona & justa, atque sine omni peccati sorde cum justis, quamdiu hic vivitur, contagio & infirmitas carnis seu veteris hominis semper adhærescat; & optimis etiam fidelium actionibus talis peccati macula adhæreat, quæ in mortem etiam æternam eos pertraheret, si ex rigore legis seposita misericordia, eos judicare vellet Deus. Sed missis criminationibus & recriminationibus partibus nimium familiaribus, de re ipsa candide dicamus.

3. Ingenue & vere Vega de justificatione lib. 11. cap. 40. respondens ad verba Gregorii Magni in Job. 9. moral. cap. 1. Quia sanctus vir omne meritum virtutis nostræ vitium esse conspicit, si ab interno arbitrio si districte judicetur: ideo, &c. Et infra cap. 14. ut enim sæpius diximus, omnis humana justitia injustitia esse convincitur districte judicetur, affirmat. “ Si Deus districte opera nostra judicaret, posse dici esse vitia, “ & justitias nostras esse injustitias: quia multa quæ nunc sunt “ bona opera & justa & meritoria, ad eam sanctitatem & puri- “ tatem exacta, qua Deo deberemus servire, quamque Deus a “ nobis posset ex rigore exigere, tum propter suam bonita- “ tem, tum propter eximia sua in nos beneficia, vere vitia es- “ sent, & mala opera & injustitiæ. Non solum enim verum “ est, inquit, vitam quorumvis justorum, multis peccatis veni- “ alibus jugiter sordidari & deturpari; sed ipsa etiam perfe- “ ctorum opera, a bonitate illa longe deficere, quia deceret “ nos deum colere, laudare & honorare. Sunt quippe multis “ imperfectionibus, quoad hic vivitur, conjuncta neque tam “ pura neque tam sancta & ferventia, quam magnitudo divi- “ vine bonitatis & beneficentiæ in nos exigeret. Et cum “ Deus modo, propter eximiam suam in nos dulcedinem & “ suavitatem, ne ad culpam quidem venialem, eos nobis de- “ fectus & imperfectiones imputet, posset tamen culpæ eos no- “ bis tribuere, si districte & præter suavitatem suam & benigni- “ tatem, nobiscum vellet agere. Et in fine cap. “ Multa nunc “ fiunt a nobis bona opera, & absque ulla macula peccati, quæ “ tamen si Deus districte vellet nobiscum agere, vitia & inju- “ stitiæ essent, ac mala & non bona probarentur. Hæc ille. Petrus Cotonus instit. pag. 904. “ Cum Calvinus scribit, “ omnia opera nostra, quantumvis bona, peccata esse coram “ Deo, dicere noluit, id quod a Deo in nobis est, bonum non “ esse:

“esse sed voluit aut debuit docere, id quod in nobis vel acti-
 “onibus nostris, a nobis est, & non a Deo, nihil esse præter
 “sordes. Quoniam autem ordinare aliquid nostri semper
 “admixtum est, cum opere Dei, quemadmodum videmus sco-
 “riam metallo admixtam, propterea iustitias nostras compa-
 “rari panno maculato. Et dici potest, quod si consideren-
 “tur separatim, a meritis Filii, vel sine misericordia exami-
 “nentur, vindictam potius peterent, quam remunerationem,
 “&c. Vide Riveti Catholicum Orthodoxum, Tom. 2.
 pag. 333.

4. Sed cum Deus semper naviter & benigne nobiscum age-
 re velit, nec quicquam fœdere Evangelico, ut sæpe supra
 dictum, exigat, quod vires gratiæ collatas omnino excedat:
 certe nimio plus rigidi & hyperbolici sunt Protest. ij qui præ-
 stantissima etiam iustorum opera peccato inquinata, & ex sœ-
 æterna morte digna, quanquam per Christi gratiam facta esse
 contendunt.

5. Sæpe iustorum operibus aliquid peccati immisceri negari
 non potest; neque etiam negant Rom. ipsi Audiatur Suarez
 in 3. tom. 3. disp. 74. 9. 83. art. “Hæreticorum, inquit,
 “iudicio omnia opera nostra, quantum vir bona, sunt aliquo
 modo coinquinata, & immunda quod licet ita universe dictum
 “verum non sit, sæpe tamen ita accidere non est dubium.
 Arch. Spalat. Vir moderationis studiosissimus de resp. Eccles.
 lib. 7. cap. 11. n. 255. “Non negarim tamen sæpissime,
 “non tamen semper infici opus, vel aliqua vanitate, vel sine
 “humano, vel aliis circumstantiis, & tunc non dubito opus
 “jam fieri, peccatum. Bonum enim ex integra causa, malum
 “autem ex quocunque defectu, ut est apud Areopagit.
 “&c.

6. De bonis iustorum operibus longe aliter loquuntur Sacrae
 literæ quam hujus durissimæ sententiæ assertores, suæ enim
 ea sæpe absolute & simpliciter bona opera nominant; item
 opera lucis, hostias Deo placentes & acceptas, velles mundas,
 puram & immaculatam religionem, byssum; & qui sancte hic
 vivunt iustitiæ opera fecisse, & vestimenta sua non inquinasse
 dicuntur Apoc. 3. 4. bene etiam operantibus magna, ut con-
 stat, passim promittitur, cum in præsentem tum imprimis in secu-
 lo futuro, merces; in multis, inquit Jacob. cap. 3. offendimus
 omnes, non igitur in omnibus. Mitto innumerabilia quæ in
 hanc sententiam ex scripturis citari possent; de quibus legan-
 tur

turali; & ad quæ contra sentientes nihil reponunt, præter inania effugia.

7. Patres autem ab hac sententia adeo abhorruisse constat, ut ii etiam, qui Pelagii dogma de perfectione hominis in hac vita acerrime oppugnarunt, licet negaverint posse hominem iustum per omnem vitam, aut etiam longo vitæ tempore, omne omnino peccatum evitare; semper tamen concesserunt, aliquanto saltem tempore, modo diligenter sibi caveat justus, id præstare posse. De Augustini super hac re sententia, & quousque ille progressus fuerit, satis superque paulo ante dictum. Hieron. lib. 3. adversus Pelagium. "Hoc, inquit, & nos dicimus, posse hominem non peccare, si velit pro tempore, pro loco, pro imbecillitate corporea, quamdiu intentus est animus, quamdiu chorda nullo vitio laxatur in cithara. Quod si paululum se remisserit, &c. Et rursus eodem libro, "Hoc est quod dixeram, in nostra esse positum potestate (per gratiam scilicet adjuta) vel peccare vel non peccare, &c. Sed hoc pro modo & tempore, & conditione fragilitatis humanæ; perpetuitatē autem impeccantiæ soli reservari Deo, &c. nec quia ad breve possū, cogis me ut possim jugiter; possum jejunare, vigilare, ambulare, legere, psallere, &c. nunquid in perpetuū? &c.

8. Pugnat etiam hæc sententia cum recta ratione. Ecquid fere magis injuriose & contumeliose dici potest in Christi gratiam, quæ non tantum a reatu, sed etiam a dominio naturæ corruptionis nos liberavit, teste omni scrip. & omnibus omnino Theologis consentientibus quam asserere nos nihilominus nihil prorsus vel cogitare vel dicere, vel agere posse quod purum sit a peccati sorde? Certe qui sententiam hanc tuentur, licet sibi videantur omnium maxime Dei misericordiam & Christi gratiam prædicare, & laudare, revera tamen, sed imprudentes, Veteris Adami & peccati inhabitantis magis quàm Christi illiusque gratiæ vires, evehunt Quod enim vim gratiæ Christi ad aliquid vel minutissimū & *ἐν ἀτόκῳ* prope præstandū (ut si gemens dicā abba pater vel *πύρις ἰλασθῶν*) absq; omni peccati inquinamento, in futurū tantū sæculum, ubi pleraq; quæ nunc pro statu viæ præcipiuntur officia cessabūt, rejicere audent; judicet is in quo recti judicii, vel mica, inest, quā absurdum sit id dictū. Quam male etiā cum recta ratione convenit, unū idemq; opus ex duobus principiis tam adversis, carne scilicet sive naturæ corruptione, & spiritu ejusque gratia, procedere, ac proinde vere bonum esse, quod non inficias eunt, quem-

admodum hanc sententiam mordicus defendunt, & simul carnis vitio pollutum; dignum præmio divina saltem dignatione, & simul poena damnationis. Frustra respondent rigidiores omnes, nihil esse hac in re contradictionis, nisi eadem opera dicantur bona & non bona, &c. ad idem & secundum idem Davenantius de just. art. cap. 38. pag. 456. cæterique, &c. manifestam ἀνπλογίαν diversi imaginarii immo plane contrarii respectus non tollunt, sed potius confirmant. Si enim opus aliquod est carnis vitio aliquantulum impuratum, certe non modo non perfecte, sed nec vere & simpliciter bonum esse censeferi potest. Nam ut supra recte ex Dionysio cap. 4. de divinis nominibus dictum, Bonum opus non existit nisi ex integra causa, malum vero ex quolibet defectu vel vitio: videantur alii, qui fusius hæc pertractant.

9. Locus ille Isaie cap. 64. de panno menstruato, &c. vulgo notus ex quo potissimum Protest. rigidiores sententiam suam apertissime & invictissime probari putant, multorum etiam doctissimorum Protest. judicio ad rem hanc nihil spectat. Luther in annot. in Esa. in hunc locum affirmat sententiã hanc nihil ad hoc pertinere quod justitia nostra impura sit: & recan- quod aliquando (in assertatione scil. art 3. &c.) illum sensum usurpaverit, aliumque assignat sensum. Neque ad hoc Lutheri testimonium rigidissimi ipsius sectatores quicquam respondent, cum a Bellar. aliisque oppositum esset, sed tacite prætereunt. Vide Gerard. L. Th. tom. 4. de bonis operibus p. 113. &c. Barth Battum lib. 3. de justif. cap. 16. pag. 483. I. Calv. in eundem locum. “ Hic se non nulli, inquit, torquent quod propheta de scelerum inquinamentis loquens sine exceptione “ judeos omnes exprimat, in quibus tamen nonnulli restabant “ puri Dei cultores, sed frustra, quia non loquitur de singulis, “ sed de universo corpore. Quod cum infra omnes homines “ obiectum atque extrema clade affectum esset, panno sordido “ comparat, &c. “ Hic locus, inquit, a quidusdam citari solet, ut probent adeo nihil esse meriti in operibus nostris, ut “ coram Deo putida & foetida sint: sed hoc mihi videtur alienum a Prophetæ sententiã, cum de toto genere humano non “ loquatur atque eorum querimoniam describat, qui in exilium missi iram Domini in se sentiebant, ideoque se cum justis suis panno inquinato similes esse fatebantur, &c. Aug. Marlotarius in sua expositione Ecclesiastica in hunc locum
verba

verba Calvinii recitat, & illius iudicium probat. Musculus in locum “ Solenne erat huic populo, ut de iustitiis legalibus
 “ plurimum præsumeret, quasi per illas in conspectu Domini
 “ mundarentur. Verum nihilo plus habebant illæ munditiei
 “ quam vestimentum immundi hominis, &c. Exponunt alii
 “ de omni iustitia carnis nostræ, &c. Vera quidem est hæc
 “ sententia, puto tamen prophetam ista magis ad populi huius
 “ impuritatem legalibus vocibus accommodasse. Etenim ob
 “ id quoque abominabilis in conspectu Dei fuit, quod cum
 “ corde procul abesset ab ipso, omnem iustitiam ceremoniis
 “ externis citra fidem metiretur, &c. Vorstius in antipist.
 parte 2. pag. 117. “ de loco autem Esa 64. &c. tametsi mul-
 “ to aliter sentiunt, non desunt tamen etiam inter nostros, qui
 “ in illo explicando facile adversario assentiantur : præsertim
 “ cum idem propheta cap. 59. similiter hypocritarum aliosque
 “ mores impiorum ita describat, ut se quoque illis accensere
 “ videatur. Et in Antibel. p. 635. locum Esa. 64. “ de panno
 “ menstruato, quem Bern. huc accomodat, nos tamen utpote
 “ controversum hic omisimus, &c. Author (vulgo existimatus Bertius) Epistolæ præfixæ differt. Arm. de vero sensu
 cap. 7. ep. ad Rom. “ apud Esaiam Ecclesia judaica multipli-
 “ ci idolatria, defectione a Deo, aliisque infinitis sceleribus in-
 “ quinatissima, cum à Deo propter istas sceditates graviter
 “ puniretur lamentabunda querens de gravitate poenarum, si-
 “ mulque etiam exomologesi faciens peccatorum, fatetur
 “ inter cætera iustitias suas ut pannum menstruatum esse ; de-
 “ signans nimirum optima opera quæ durante publica defecti-
 “ one sua præstiterat. Hic locus vulgo perniciose torsione
 “ corrumpitur ; allegatur enim perpetuo ac si sensus illius in-
 “ ferre, excellentissima quæque præstantissimorum Christia-
 “ norum opera, &c. De aliis Protett. paulo post dicemus.
 Archi. Spalat. de Rep. Eccl. lib. 7. c. 11. p. n. 255. “ Quod
 “ vero Esaias clamat, omnes iustitias nostras, &c. loquitur de
 “ scelestis & contaminatis illius temporis, & de iustitiis legali-
 “ bus Festorum, &c. Et sacrificiorum tunc Deo odibilium, ut
 “ optime explicat Bell. Hæc ille.

10. Verum est Bern. in serm. 5. de verbis Isaïæ & serm. 1. in Festo omnium Sanctorum, & serm. de verbis Origenis Gers. parte 3. de consolatione Theolog. & quosdam nuperos Romæ etiam partis scriptores hoc prophetæ dictum ad iustitiam eti-
 am sanctissimorum hominum accommodare. Sed primo illud

præter prophetæ mentem faciunt. Secundo licet de toto cursu operum Sanctorum loquentes dicant, & quidem vere justitiam nostram in hoc sæculo plurimis, quæ illam quotidie committantur, peccatis maculari; nemo tamen eorum eousque progressus est, ut affirmaret, omnia omnino ad unum usque opera sanctissimorum peccato fœdata esse.

II. Quod objiciunt opera nostra bona nunquam hic fieri illa mensura charitatis quam ipsa lex exigit; proinde abundantiam hujus saltem perfectionis debitæ inesse labem peccati, optimis etiam renatorum actionibus, aspergere. Resp. Renatorum opera, licet ex ea fidei & charitatis mensura hic non fiant, quæ ab ipsis jure exigì posset, si Deus cum illis rigide agere vellet, ut supra dictum; non tamen idcirco esse omnia peccato inquinata, quia in questione de præstatione legis semper ad mentem Dei præcipientis respiciendum est. Cum igitur non rigidum & in summo perfectionis gradu legis observationem sic a nobis postulet; sed secundum *ἐπιμετρίαν* tantum & pro viribus gratiæ concessis, ut superiori diatriba fuscè demonstravimus: opera, quæ a renatis hic fiunt illa fidei & charitatis mensura quæ fœdere gratiæ præscribitur, & nobis possibilis est, atque in qua Deus gratiose acquiescit, a peccati macula & reatu omnino immunia sunt unde facile apparet quid respondendum sit ad illud Augustini lib. de perfectione justitiæ cap. 15. “ Peccatum est, cum vel non est charitas, quæ esse debet; vel minor est quam debet. Et ad alia quædam quæ in eandem sententiam tum ex August. tum ex aliis nonnullis Patribus vulgo objici solent. Peccatum certe esset minor dilectio quam esse debet etiam proprie, si Deus nobiscum summo jure agere vellet. Cum autem Deus miserator generis humani nunc suaviter & benigne propter Christum agat, peccatum omnino non est stricte loquendo, sed tantum in lata vocis peccati acceptione; pro defectu vel imperfectione. Videantur hic alii Controversiarum tractatores. Et audiatur Aug. lib. de spiritu & litera c. vel. “ si dici potest quædam justitia minor huic vita competens, qua justus ex fidelibus, quamvis peregrinus a Domino, &c. non absurde dicitur, etiam ad istum pertinere ne peccet: neque enim si esse nondum potest tanta dilectio Dei, quanta illi cognitioni plene perfecteque debetur, jam culpæ deputandum est. Aliud est enim totum nondum assequi charitatem, aliud nullam sequi cupiditatem.

“tatem. Quamobrem debet homo, quamvis longe minus amet Deum, quam eum potest amare conspectum, nihil tamen appetere illicitum; sicut etiam in his quæ adjacent sensibus corporis potest oculus nullis tenebris delectari, quamvis non possit in fulgentissima luce defigi, &c. quæ apud S. Antistitem legantur, dignissima enim sunt observatu.

12. Quod objicitur optimas etiam justorum actiones non vacare motu aliquo malæ concupiscentiæ, ac proinde peccati non esse expertes næ id falsum est ut nihil nunc dicam quænam sit illa concupiscentia, quæ præcepto illo, Ne concupisces, juxta tenorem fœderis Evangelici intellecto, ut peccatum vetatur qua de re supra dictum; & videatur vel locus Augustini jam proxime citatus, & nimis audax & hyperbolica est illa Davenantii, viri alioqui perdocti, assertio de justitia, Act. cap. 34. pag. 427. “Qui inquit, in bonis suis actionibus (omnibus scilicet) hanc peccati (concupiscentiæ scilicet quam malum iniquies appellat, &c.) adhesionem non sentit, illum ego nunquam vel unam actionem bonam edidisse sentio, &c. (Quam sententiam ipse Ambros. quem eopse loco citat ad illam probandam manifestissime refellit. “Frequenter (inquit Ambros. de fuga sæculi cap. 1.) irripit terrenarum illecebrarum cupiditatum & vanitatum effusio mentem occupat, ut quod studeas vitare, hoc cogites animoque volvas. Quod cavere difficile est homini (scil. semper vel diu) exuere autem (scil. omnino) impossibile. Fideles hoc quidem semper agere debent, ut carni in insidiis semper positæ & ad rebellionem natura sua pronæ aditus omnes obstruant; (ut recte Remonstr. in Nupera Apol. cap. 11. pag. 128, 129.) ne ad reluctandum incitetur, quod sine perpetua & sollicita cura fieri non potest. Sed in omni opere etiam hominis sanctissimi carnem actu reluctari vel concupiscere adversus spiritum, falsum est. Natura enim habitus (gratiæ scilicet) id redarguit. Habitus enim proprium est efficere, ut voluntas, actiones quæ antea ei molestæ & graves erant, facile & libenter velit faciatque. Nec Apost. ad Galat. 5. 17. affirmat, (ut vulgo Rigidiores putant) carnem actu semper in regenitis adversus spiritum concupiscere; sed tantum carnis eam esse naturam, ut quando concupiscit, adversus spiritum concupiscat, &c. Contra vero Spiritus eam esse naturam, ut non concupiscat, nisi quod carni contrarium est: ut Remonstr. loco citato vere ex parte affirmant. imo ipsa Apostoli verba hoc ma-

nileste probant, caro, inquit, concupiscit, &c. ut non quæcunque vultis ea faciatis, &c. “ Non enim (ut recte Aug. Staplet. de iustis. lib. 6. cap. 20. circa finem) dicit Apolt. “ nos nulla prorsus facere quæ volumus, sed non omnia facere quæ volumus. Hoc enim non est facere quæcunque volumus facere. Quia videlicet interdum etiam quod nolumus id facimus, scil. concupiscimus, &c. Lege Authorem. Damus ergo libenter carnem, illius scil. concupiscentiam sæpe in regenitis adversus spiritum moveri, in quibusdam sæpius, in aliis vero minus sæpe, pro majori vel minori in gratia profectu. Sed semper & necessario in omnibus etiam oblucri spiritus negamus. Quædam enim ab iis saltem quos scripturæ adultos, & (comparetate ratione imperfectiorum scilicet) perfectos vocant, absque omni lucta & animi ægitudine imo cum magna lætitia fieri negari non potest. Reclamat enim scriptura compluribus in locis, reclamat etiam ipsa multorum fidelium experientia assertioni contrariæ.

13. Sententia hæc rigida multis etiam doctissimis Protest. aliisque viris moderatissimis semper improbata fuit.

Quinglius in expositione fidei tom. 2. fol. 558. “ Ex nostris quidam (Lutherum aliosque nonnullos cum illo sentientes intelligit) Paradoxeos asseruerunt omne opus nostrum esse abominationem. Jacobus Covetus Gallus, verbi minister in Ecclesia Gallica Basil. in Apol. de iustis. contra A. Lescaum ejusdem Ecclesiæ seniore (lege Lector narrationem brevem litis hujus ortæ Basilæ Anno 1590. &c. impress. Paris. Anno 1597. in qua certe miser hic homo miserrime (ut quod res est dicam) ab adversariis suis habitus fuit. pag. 78. “ interea tamen, &c. ex quorundam bonorum virorum consilio jam mihi est admonendus lector, nobis nunquam in mentem venisse, ea sententia, quæ extat Es. 64. v. 6. “ abuti adversus bona opera, in qua dicuntur omnes iustitiæ nostræ similes esse sordidissimo panno quasi id, quod bonum est in bonis nostris operibus & a spiritu sancto proficiscitur, vellemus pro re sordida & immunda haberi. Sed, &c. Quod si quis superbia inflatus sua opera Deo offerre vellit, quasi legi & iustitiæ ejus satisficientia, ut scil. illorum merito coram ipsius tribunali iustificetur; futurum ut Deus illa in exquisitissimo iustitiæ suæ speculo considerata, non priora esse judicet, quam sit pannus menstruatus. Nec dicimus simpliciter bona nostra opera coram Deo consistere non posse, imo

“imo speramus fore, ut propter ejus misericordiam subsistant,
 &c. Multa hic aliena & impotentia admisceri vides lector
 negari tamen non posse, quin bona opera nostra, juxta legem,
 Dei ~~in~~ ⁱⁿ ~~im~~ ^{im} ~~mu~~ ^{mu} ~~xi~~ ^{xi} ~~ci~~ ^{ci} ~~a~~ ^a temperatam, Deo gratia sint atque in extre-
 mo judicii Dei coram throno gratiæ consistere possint.
 Arm. in Articulis perpendendis tit. De operibus bonis fide-
 lium.

Primo, An de bonis operibus fidelium vere dicatur immunda
 esse instar panni menstruatæ, eisque competat dictum illud
 Esa. 64. omnes justitiæ nostræ, &c.

Secundo, Quo sensu recte dicatur fideles in quovis opere
 bono peccare mortaliter. In cap. 7. ad Rom. pag. 11.
 “Regenitus non quæ carni & concupiscentiæ adlubescunt,
 “sed quæ Deo grata sunt, facit, &c. non semper citra inter-
 “ruptionem; impingit enim aliquando, labitur, aberrat, pec-
 “cat, &c. sed subinde & plerumque. Et pag. 90. inspician-
 “tur interpretes nostri Calvinus, Musculus, Guallerus, &c.
 Et constabit totum istum locum Esa 64. v. 6. etiam quod ad
 antecedentia male a multis citari ad probandum quod vo-
 lunt.

Remonstr. in considerationibus circa confessionem Belgi-
 cam in art. 24. “ubi locorum scriptura doceat non posse a
 nobis præstari bona opera, quæ non sint carne inquinata &
 “pœna digna? An non distinguendum sit inter imperfectio-
 “nem & iniquationem? An tituli quibus sancti eorumque
 “opera insigniuntur. in scripturis cum hisce iniquationibus
 “rite conveniant? An ergo fideles in quolibet opere morta-
 liter peccent? Vide scripta Historica Remonstr. pag. 95.
 Et in consider. in Catechesi Heidelberg. ad Esa. & Resp. 62.
 “An opera regeneratorum, quamvis ex ea fidei & charitatis men-
 “sura non fiunt, quæ ab ipsis jure exigì posset, peccatis in-
 “quinata esse merito dici queant? Cum in scripturis passim
 “opera bona insignibus elogiis ormentur, &c. An non re-
 “sponsionis verba respicere videantur ad locum Esa. 64? &
 “an is ad rem hanc faciat? pag. 113. & rursus pag. 126.
 “Quo scripturæ loco probabitur præstantissima nostra opera
 “esse peccatis inquinata? Et nunc locus ex Esa. 64 citatus ad
 “marginem Catechismi id citra contradictionem Doctorum
 “Ecclesiasticorum evincat? Quæri etiam posset, quandoqui-
 “dem Abrahamus ad mandatum Dei immolando filium præ-

“ stitit obedientiæ opus, quo peccato illud opus fuerit in-
 “ natum? & rursus pag. 131. eadem legere est; an præstantis-
 “ sima, &c. “ Annon locus Esa. 64. de panno menstruato in-
 “ epte ad supradicti probationem adferatur, quippe cum vel
 “ ad iustitias legales. vel irrogenitorum, vel peccata populi, a
 “ doctoribus reformatis communiter accommodetur? Immo
 “ ipse Calvinus & Marloratus suis ad eum Commenta-
 “ riis quasi ex professo hunc sensum impugnent.

3. Jo. Corvinus in Anti-Molinæo cap. 32. pag. 520. sic
 Molinæum alloquitur; “ ipsi statuit non tantum Ethni-
 “ corum, sed etiam regenitorum opera peccatis mortalibus
 “ inquinata esse, quæ defectus suos habere nos etiam non ne-
 “ gamus.

Gerard. Vossius Hist. Pelag. lib. 5. parte 1. fuse ex Patri-
 bus contra Pelag. differens, de imperfectione Sanctorum in
 hac vita sese intra terminos a Patribus positos semper continet
 neminem scil. per gratiæ vires tota vita aut etiam longo ejus
 tempore peccatum omne evitare, &c. neque illos unquam
 egreditur.

Vorstius in scholis Alexicacis contra Sibrandam pag. 180.
 “ Addis, omnia etiam sanctissimorum opera multis peccatis
 “ contaminata esse; idque probare niteris locis illis Esa. 64.
 “ 6. &c. Dan. 9. 18. Sed præterquam quod nimis hyperbo-
 “ bolice loqueris etiam probatio neutra quidquam valet. Nam
 “ prior locus, &c. & rursus pag. 182. “ Multa hic aliena &
 “ impertinentia accumulas, ut fidem semper inquinatam esse
 “ in hoc sæculo ostendas. Non enim sequitur quia cognitio
 “ quædam hic imperfecta est, ideo fiduciam quoque obsequi-
 “ olam (quæ certe notitiam rerum necessariarum præ-exigit)
 “ peccatis semper contaminatam esse, cum neque omnis im-
 “ perfectio peccatum sit, neque omnis cognitio ad essentiam
 “ fidei salvificæ requiratur. Multo minus sequitur, quia san-
 “ cti quoque interdum labuntur, & quia ipsi Apostoli aliquan-
 “ do (ante Spiritum Sanctum acceptum) modice fidei fue-
 “ runt ideo & illorum fidem perpetuo inquinatam esse,
 “ & istos in fide semper debiles fuisse & quidem necessario,
 “ &c.

Author (de quo supra) epistolæ præfixæ dissert. 1 Arm. in
 “ 7. ad Rom. hic locus Esa. 64. &c. allegatur enim perpetuo,
 “ ac si sensus illius inferret excellentissima quæque præstan-
 “ tissimorum Christianorum opera, ac proinde etiam arden-
 “ tissimas-

“tissimas preces in nomine Christi fusas ; eleemosynas ex a-
 “nimo vere & intime misericordia commoto præstitas ; deni-
 “que & martyrum propter Christum ad sanguinis fusionem
 “usque obitum, esse ut pannum menstruum *b. e. foeda, &c.*
 vide Authorem.

Author tractatus de justis. qui extat in fine opusculi Ca-
 stellionis pag. 42. “Sic isti (Rigidiores scil. contra quos dis-
 “putat) omnem hominis justitiam in hac vita imperfectam
 “et porro vitiosam esse tradunt, quia vel ipsa fieri major pos-
 “sit, vel alia major inveniatur. Hanc ob causam nullam cu-
 “jusquam in hac vita justitiam dignam esse, &c. quæ in Dei
 “judicio justitiæ nomen obtineat. Hanc sententiam ego dico
 esse plus quam Stoicam. Consule Authorem ipsum qui in per-
 fectione nostræ justitiæ in hac vita asserenda modum videtur
 excedere, ut supra monui.

Anonymus ille Scriptor (de quo supra) adversus quem
 Beza Apologiam pro justis. Scripsit, multis argumentis conten-
 dit, optima regeneratorum opera non esse impura & malo
 admixta : quæ in dicta Apologia legantur. Bezæ certe, re-
 sponiones minus solidæ sunt, nec satisfaciunt argumentis op-
 positis.

R. Montacutius contra quendam Rom. partis Controvers.
 breviatorem art. 17. pag. 122. “Nemo (inquit) renatorum
 “per ordinariam gratiæ mensuram unquam vel observavit,
 “vel etiam observare potest omnia Dei mandata, in omnibus
 “& singulis, & omni tempore. Aliquando potest, in quibus-
 “dam particularibus, vel forte in omnibus partibus, ali-
 “quo tempore vel in aliquibus omni tempore, &c.

Arch. Spalat. de Res. Eccles. lib. 7. cap. 11. n. 255. “Bo-
 “num opus ab homine ex charitate & divina gratia factum,
 “etiamsi vix possit adeo perfectum esse, quin illi aliquid
 “desit integritatis & summæ puritatis, in suo genere
 “tamen potest esse ita bonum, ut Deo gratum sit &
 “acceptum. Talis fuit strages quam Phinees exercuit,
 “Deo acceptissima. Tale templum a Salomone extructum,
 “Deo gratissimum. Talis Apostolorum prædicatio & innu-
 “meræ humanæ bonæ actiones propter Deum factæ, in scri-
 “ptura laudatissimæ, in multis quidem offendimus omnes
 “Jac. 3. 2. Ergo non in omnibus. Ergo multa adhuc sunt
 “vere bona opera & Deo placentia, &c. asserere ergo omnia
 “nostra opera esse peccata mortalia meas plurimum lædit
 aures.

aures. Non negarim tamen sæpissime, non tamen semper, &c. Verba supra habes. Legatur totus hic numerus apud Authorem ipsum, in quo ut in plerisque aliis hodie controversis dogmatis, ita in hoc etiam magnum concordie inter partes procurandæ studium ostendit. Erasmi. Tom. 9. de lib. Arbit. contra Lutherum pag. 1020. “ Quum audio adeo
 “ nullum esse hominis meritum, ut omnia quamvis piorum
 “ hominum opera peccata sint, hyperbole est Lutheri scil.
 “ Quomodo toties legis Sanctos plenos operibus bonis fecisse
 “ iustitiam, ambulasse rectos coram Deo, non declinasse ad
 “ dextram nec ad sinistram, si quicquid agunt etiam eximie
 “ pii, peccatum est, & tale peccatum, ut ni subveniret Dei mi-
 “ sericordia, demersurum esset in tartarum eum pro quo mor-
 “ tuus est Christus? &c.

Verum ut concludamus, nulli quidem justorum de ullo opere bono nimium gloriandum est, quasi rigidissimum Dei iudicium sustinere possit: sufficit, iudicium Dei gratia & misericordia propter Christum temperatum sustinere posse: neque tamen, quod alterum extremum est pariter nobis vitandum, gratiæ Christi adeo sumus ingrati & injurii, ut inficias eamus per illius vires quicquam omnino hic a nobis præstari posse quod non sit peccato aliquo modo inquinatum. Mediam tenere beati.

C A P. Ult.

Quo paucis, an bona opera iustificent, & de loco famoso ac celebri Jacob. 2. præsertim differitur.

1. **P**ERPERAM a Protestantibus rigidioribus rejicitur distinctio usitatissima justificationis in primam & secundam. Nam ut de justificatione prima quæ in omnium præcedentium peccatorum remissione, & gratiæ sanctificantis donatione posita est, nihil nunc dicamus cum de ea sacræ literæ passim loquantur, & nos satis superque lib. 2. dixerimus necessario etiam agnoscenda & admittenda est justificatio. Secunda, quæ con-

sistit

littit in progressu, augmento, & complemento (pro statu viæ) justitiæ primum donatæ, & in remissione eorum delictorum, in quæ quotidie justii incidunt. De hac loquuntur scripturæ Apoc. ult. Qui iustus est justificetur adhuc. Jacob. 2. ubi dicitur, Abrahamus justificatus ex oblatione filii, cum tamen diu antea justificatus fuisset, & plurimis in locis, de quibus videantur Controversiarum tractatores.

2. De Patrum sententia hac in re quis dubitet? Rigidioribus enim Protest. ulterius hic progressi videntur quam par sit: sed false, ut paulo post dicemus.

3. Ratio etiam idem non modo suadet, sed & sateri cogit. Cum enim justificatio homini, coram deo, secundum communem omnium & Protestantium sententiam sit remissio peccatorum, & hominis in Dei gratiam acceptatio propter Christum; certe quanto magis homines in fide viva illiusque operibus crescunt & proficiunt, tanto magis coram Deo iusti, illique grati & accepti, illiusque, ut scriptura loquitur, amici sunt; & quotidianorum delictorum Veniam facilius hic consequuntur, atque etiam maiorem in sæculo futuro, ex immensa Dei benignitate mercedem accipient.

4. Nimis igitur absurda est illorum rigidorum Protest. sententia, qui non tantum cum cæteris Rigidis a justificationis ratione formali inhærentem in nobis justitiæ habitum, & emanantem ex eo operum justitiam omnino excludunt; sed etiam Deum omnia peccata præterita & futura simul & semel remittere in justificatione nostri asserunt.

5. Justificatio certe actus est continuus, qui est & durat quamdiu vivæ fidei actus durant: interrumpitur vero semper & toties, quoties, illi cessant; Christianæ pietatis officio contrarium postulante.

6. Et quod sicut quotidiana est offensio, ita quoque remissio quotidiana sit, ut loquitur apud Aug. tom. 4. Author libri de vera & falsa pœnitentia cap. 5. diserte docet Calvinus ipse Instit. lib. 1. cap. 14. Sect. 10, 11, 12. lib. 9. cap. 1. Sect. 21, 22, 23. Bucerus in defensione Reformationis cap. 13. pag. 85. 86. Ursin. in Cateches. Palatin ad petition. Orationis D. remitte nobis debita nostra. qu. 3. cur petenda sit nobis peccatorum remissio? Pafæus de amissione Gratiæ lib. 1. cap. 7. pag. 73. 74. Zanch. epist. ad Dav. Chailettum p. 85. impress.

impress. Hanovix 1609. G. Dounamus de Fœdere gratiæ c. 8. pag. 109. 110.

R. Abbattus contra Thomsoni diatribam cap. 24. pag. 211. Gerar. Vossius disp. 2. de Sacramentorum vi & efficacia, n. 44. "justificatio & sanctificatio sunt actus quidem perpetuus, in quo & Deus semper donat & homo semper accipit, &c. Synopsis pur. Theologiæ disp. 33. de justificatione hominis Th. 4. Jacksonus de fide justificante. S. 2. cap. 8. pag. 256. edit. 2. Perkinsius in expositione Orationis Dominicæ; dimitte nobis, aliique plurimi.

De secunda justificatione paulo rectius quam alii sentiunt & loquuntur R. Fieldæus lib. 3. de Ecclesia in append. cap. 11. de justif. pag. 298. "affirmat, inquit, Stapletonus (lib. 6. de justif. cap. 8.) ex sententia Protestantium, nec operationem virtutum, aut obedientiam mandatorum ad secundam justificationem sive ad augmentum, cursum, & processum, & perfectionem justitiæ aliquid valere, &c. Sed calumnia est, inquit, illi enim (Protest.) justificationem secundam statuunt duabus constare partibus, quotidiano scil. in bene agendo progressu quo justitia inhærens magis magisque perficitur, & quotidiana remissione vitiosorum defectuum, qui in actionibus nostris inveniuntur: idem repetit eod. cap. pag. 312. Secunda justificatio, inquit, consist. &c. Vide authorem Montacut. contra nuperum controversiarum Breviatorium art. 18. pag. 142. qui tamen sæpe sibi non constat. Vorst. in Schol. Alexicacis pag. 214. justificationis augmentum & complementum contra Sibrandum pluribus urget. "Quid inquit, justificatio hominis coram Deo aliud est, quam receptio illius in hujus gratiam & amicitiam? Quanto igitur magis hæc tanto magis & illa proficere atque augeri indies potest, ac solet. Augescit autem hæc pro augmento fidei; Ergo & illa. Fides denique augescit cum operibus, & ex operibus perficitur, ut ante ex Apostolo audivimus. Ergo quo magis opera bona crescunt & proficiunt, eo magis ipsa justificatio in hominis animo (imo & coram Deo) perficitur. Vide Authorem.

Quod ad locum Jac. 2. unde clarissime probatur justificatio ex operibus fidei tum prima tum secunda, ut paulo post dicemus. Respondent multi Protest. justificationem apud Jacob. necessario intelligendam esse de ostensione justitiæ apud

apud homines, non de vera justificatione coram Deo, ne scil. Jacobus Paulo directe contradicere videatur : id falsum est, ut ex tota serie contextus Apostolici manifeste patet : primo enim quærit Apostolus in disputationis principio v. 14. Quæ utilitas si fidem dicat aliquis habere se, opera vero non habeat ? num potest fides illa eum servare ? De ipsa salvatione, qua coram Deo homo vere servatur, & non de ejusdem tantum ostensione, quis ambigit, servandi verbum hic accipiendum esse ? Neque igitur aliter verbum justificandi postea in eadem disputatione aliquoties usurpatum intelligi debet aut potest, quam de ipsa coram Deo justificatione : secus enim Apostoli disputatio secum ipsa convenire non posset. Secundo, quæ versu 15, 16, 17, 20, & 26. loquitur Apostolus de inutilitate Charitatis tantum verbalis, & de fide absque operibus mortua, & de corpore mortuo sine spiritu, clarissime demonstrant Apostolum hoc unum agere, ut fidem sine operibus sive fidem mortuam ad justificandum & servandum coram Deo prorsus inutilem & inefficacem esse doceat. Tertio, Quod versu 21, 22. loquitur Apostolus de justificatione Abrahami ex operibus, non esse accipiendum de sola justitiæ apud homines declaratione, sed de ipsa coram Deo justificatione evidenter probatur ex versu 23. ubi Apostolus expresse affirmat, impletam esse Scripturam, quæ affirmat fidem (vivam & operosam scilicet) ipsi ad justitiam imputatam fuisse, & ipsum amicum Dei vocatum vel pro amico a Deo habitum fuisse per illam justificationem. Neque aliter intelligi potest alterum esse quod ad propositum confirmandum assertur, exemplum vers. 25. de justificatione Rahab ex operibus. Quarto, Quod versu 24. dicitur, videtis igitur, ex operibus justificari hominem, & non ex fide tantum, de declaratione justitiæ apud homines intelligi non potest nisi dicamus declarationem illam fieri non tantum per opera, sed etiam per ipsam fidem, quod fieri non posset cum nemo alterius fidem, utpote in corde absconditam, videre possit; in se scilicet & per se, per opera tantum eam licet videre aliquo modo (ut recte Piscator in locum) non infallibiter quidem, ut scilicet viva & efficax sit, sed probabiliter tantum, unde versu 18. dicitur, ostende mihi fidem tuam ex operibus tuis, &c.

8. Veteres semper intellexerunt locum hunc de vera justificatione coram Deo, ut sæpe ante diximus, & paulo infra plenius dicemus.

9. Protestantes etiam permulti idem censuerunt : Bullinger. in locum, Piscator alioqui rigidissimus in analysi capitis vers. 21. “ Non est necesse, inquit, ut dicamus, justificari hic
 “ idem esse quod justificatum esse declarari apud homines.
 “ Etenim Jacobum loqui de justificatione Abrahamæ coram Deo
 “ planum est, tum ex questione proposita, quam exemplo
 “ Abrahamæ confirmat, tum ex loco illo Genes. 15. quem de
 “ justis. Abrahamæ citat, is enim locus citra controversiam intel-
 “ ligendus est de justificatione coram Deo, ut liquet ex epist. ad
 Rom. &c. Et rursus a vers. 24. “ Si quis verbum justificari hic
 “ interpretatur, justificatum declarari apud homines, sequitur,
 &c. Consule Authorem. Paræus post sententiam de Homonymia in verbo justificandi apud Jacobum pro justificationis scilicet ostensione coram hominibus, &c. diu & acriter defensam in Comment. ad Rom. 3. dub. 9. & contra Bel. hoc l. cap. 18. in Commentario tamen, quem paulo ante mortem Anno 1621. in epist. B. Jacobi evulgavit, hujus sententiæ infirmitatem clare vidit. In præfatione enim ad Joh. Pisc. ita inquit, “ Ad consiliandum apparentem Pauli & Jacobi
 “ ἀντιλογία, &c. tam ipsis (Rom.) quam nobis sufficiet
 “ ostensio æquivocationis in voce fidei, &c. & neque nobis,
 “ neque ipsis necesse erit ὁμωνυμίαν in verbo justificandi
 “ ulterius urgere, &c. Et in Comment. ad vers. 21. cap. 2.
 “ Paulus negat hominem operibus justificari h. e. a peccatis
 “ coram Deo. Jacobus affirmat hominem operibus justifica-
 “ ri, hoc est, justum declarari coram mundo. Hæc concilia-
 “ tio etiam sustineri potest (vide lector æque, quam frigide
 “ nunc loquatur) prout in Comm. nostro ad Rom. cap. 3.
 “ dub. 9. & ab interpretibus aliis sæpe ostensum est. Est vero
 “ etiam, inquit, alia conciliationis ratio, ex textu evidens &
 “ solida, &c. priorem igitur sententiam nec evidentem, nec
 “ solidam esse satis perspexit. Ita secundæ curæ sapientiores esse solent. Remonstrantes in nupera Apologia cap. 10. pag. 113. “ Nec evadunt hunc ictum censores quando lo-
 “ cum hunc Jac. cap. 2. 24 pro more suo, de declaratione justifi-
 “ cationis intelligendum esse dicunt, &c. Nam præter mul-
 “ ta alia, &c. ipsa verba quibus negatur hominem ex fide
 “ tantum

“ tantum justificari, id perperam dici evincunt. Quis enim
 “ adeo Vecors fuit isto sæculo, qui cum Apostolo contende-
 “ re voluerit, an homo justificetur *i. e.* declaretur justus ex
 “ fide tantum? Fides enim quatenus fiducia est, & distincta ab
 “ operibus pietatis, non est nisi in corde hominis, &c. Vor-
 stius in Schol. Alexica c. pag. 253. & aliquot seq. & pag. 271.
 272. fuse hac de re contra Sibrandum differit. Jacksonus An-
 glus de fide justificante Sect. 2. cap. 6. n. 1. pag. 209. 210.
 edit. primæ, hanc prolixè sententiam improbat & refellit,
 Downamus Theol. pag. 508. Guil. Pemblius in tract. de justi-
 ficatione Sect. 6. cap. 1. pag. 191. 192. & Sect. 6. cap. 2.
 pag. 211. Videatur Bucerus in defensione Reform. &c. c. 15.
 p. 89. 90.

10. Quod permulti Protest. ad tollendum hanc appaten-
 tem Apostolorum ἀντιλογίαν affirmant, secundum Paulum
 hominem justificari sola fide, nempe operante per charitatem;
 secundum Jacobum hominem non justificari sola fide, seu tan-
 tum fide, nempe otiosa & mortua, & inani potius fidei simu-
 lachro, quam fide; sic nullam esse ἀντίφασιν; quia de di-
 versa fide loquuntur Apostoli, ne illud nihil solidi habet. Nul-
 la enim omnino inter Apostolos ἀντιλογία Lectori occula-
 to vel videri potest esse. Verissime enim passim B. Paulus do-
 cet hominem fide justificari absque operibus Legis, sed nun-
 quam & nusquam excludit a justificatione nostri opera in fide
 Christi fundata, & ex ea profecta: ut satis superque lib. 1. pro-
 batum dedimus. Intellexit igitur semper ex fide viva & qua-
 tenus viva est, nos justificari. Atque hoc ipsum est quod B.
 Jacobus hic sed Paulo clarius & distinctius affirmat; Homi-
 nem ex operibus justificari & non ex fide tantum. Eadem est
 fides, considerata ratione formali fidei, de qua uterque loqui-
 tur Apostolus; Sed Paulus habita ratione fidei ut actu justifi-
 cat, & servat; fidei nomine & ambitu etiam opera, interna
 saltem, ex fide orta, & ad justificandum hominem omnino ne-
 cessaria; complectitur. Jacobus vero distincte, & explicite de
 fide & operibus ex ea natis loquitur; atque sic ait, hominem
 ex operibus justificari, & non ex fide tantum, ubi frustra ad e-
 vadendum loci argumenti ictum, particulam μόνον jungi vo-
 luit cum verbo πίστεως proxime præcedente; quasi dixisset
 Apostolus, καὶ ἐκ ἐκ πίστεως μόνον, *i. e.* inquit, μόνος
 non

non ex fide solum *i. e.* sola vel solitaria & operibus vacua;
 non autem cum verbo *διγαιῶται*; ne scil. fide simul & operi-
 bus nos justificari dicamur. Quum sententia B. Apostoli tota
 disputationis serie diligenter perpensa luce meridiana clarior
 sit. Videtis igitur, quod ex operibus justificatur homo,
καὶ ἔκ ἐκ πίστεως μόνον i. e. καὶ ἂ μόνον ἐκ πίστεως.
 Fidem autem, de qua loquitur Jacobus, non esse inanem tan-
 tum fidei professionem aut vanum fidei simulacrum, ut illi vo-
 lunt, sed veram fidem esse, seu veræ fidei essentiam habere ex
 eo abunde patet; quod, licet absque operibus inutilem &
 mortuam esse eam dicit Jacobus *i. e.* inefficacem ad justifi-
 candum & servandum; tamen si bona adsint opera interna & ex-
 terna, quando fieri possunt, diserte dicat hominem ex ea fide
 justificari, eam operibus cooperari; & ex operibus consuma-
 ri seu perfici *i. e.* non tantum ut interpretantur ejus integrita-
 tem & sinceritatem apud homines declarari; sed quando ad-
 juncta habet opera plene, tum demum coram Deo ad justitiam
 & salutem, ex immensa illius propter Christum misericordia,
 valere: denique tunc vivam seu vivificam esse, quæ ante non
 nisi mortua fuit. Hæc de inani fidei professione aut fidei um-
 bra, ubi deest vera fides, in genere scil. fidei, verè enunciari non
 posse quis non videt? Sed de vera fidei ratione seu definiti-
 one abunde lib. 1. disputatum est. Opera ipsam fidei essen-
 tiam ingredi, maxime *ἀδελόλογον* est & dictu per absur-
 dum.

II. Quod tertio, quando Apostolus vers. 21. 24. 25. justi-
 ficationem diserte operibus tribuit, multi Protest. ante nomi-
 nati affirmant, per opera Synechdochice seu per metonymiam
 effecti intelligi ipsam fidem opera bona parientem, & illis con-
 spiciam: quam rationem conciliationis Apostolorum Paræus
 Comment in locum ait ex textu evidentem & solidam esse,
 inane tantum effugium est. Sic enim Apostoli sensus erit, uti
 illum effert Piscator in locum; “ Homo justificatur ex ope-
 “ ribus *i. e.* inquit ille, ex tali fide, quæ conjuncta sit cum o-
 “ peribus, & non ex fide tantum, *i. e.* non autem ex fide quæ
 “ operibus caret. Hunc sensum verborum Apostoli Deus bo-
 ne! quam insolentem & absurdum ut tueatur, non veretur
 taxare hanc Apostoli loquutionem ut impropriad. Quare,
 “ inquit, hic est impropria locutio. Neque enim sensit Jaco-
 “ bus fidem & opera, tanquam duas diversas causas concurrere
 “ ad

“ad effectum justificationis producendum, &c. Certe qui hunc Scripturæ locum (ut de aliis nihil dicam) sic interpretantur Scripturam tantum *σπείβλῃσι* ut inquit Petrus 2. ep. cap. 3. & detorquent ad dogmata præconcepta mordicus tuenda. “ Est dura Catachrelis (inquit durissimus & rigidissimus scriptor Sibrandus in Comment. ad errores Vorstii pag. 715. hanc Piscatoris aliorumque glossam refellens) opera per “ metonymiam effecti ponere pro fide, neque, quod sciam, in scriptura locum habet, &c. Quum toties hic emphatice & “ contradistincte fides & opera ab Apostolo nominentur ; “ præsertim vers. 24. ubi dicitur, Hominem ex operibus justificari non ex fide tantum ; per opera non, quæ semper hic intelliguntur & appellantur opera, ut quod Abrahamus filium obtulit, &c. sed fidem tantum intelligere, quæ conjuncta sit cum operibus, nullo tamen modo ad justificationem concurrentibus, sed justificationem tantum consequentibus ; & per fidem, fidei tantum umbram, non autem veram, secundum fidei rationem fidem, peregrinum & admirabile est interpretamentum. Et si hujusmodi in scripturarum interpretatione pro libitu fingantur & admittantur tropi, quid certi in religione nobis relinquetur ?

12. Quod Bell. cum per multis aliis Rom. (de quibus vide Suares de Gratia lib. 8. cap. 22. n. 13.) ad hos Apostolos conciliandum ; affirmat, Paulum de prima tantum justificationis loqui, qua homo scil. ex impio fit justus Jacobum de secunda qua justus efficitur justior. Et ideo recte Paulum dicere justificari hominem sine operibus, Jacobum justificari ex operibus, &c. id rejiciunt & prolixè refellunt multi alii doctissimi Rom. G. Vasquez in 1. 2. tom. 2. disp. cap. 8. quem consule. Cornelius a lapide in cap. 4. ad Rom. vers. 3. “ Melius, inquit, censent alii tam Paulum quam Jacobum de “ utraque justificatione prima scil. & secunda loqui. Primo, “ quia uterque producit justificationis Abrahamæ exemplum, “ hæc autem justificatio Abrahamæ tam prima quam secunda accipi debet, &c. Secundo, quia Jacobus profert exemplum, “ Rahab, quæ impia erat & meretrix. Ergo cum ipse ait eam “ adeptam esse justitiam, primam intelligit, &c. Estius in cap. 2. Jacobi vers. 21. “ Quod aliqui pro conciliatione dicunt, Paulum agere de prima justif. & Jacobum de secunda “ parum solide videtur dici nam & ad primam justificationem “ opera fidei requiruntur, de quibus loquitur Jacobus : &

“ ad secundam justificationem inutilia sunt opera legis, de
 “ quibus Paulus, &c. Suarez. de Gratia, loco quo supra n. 19.
 “ multi graves authores putant utrumque Apostolum loqui
 “ de utraque justis, &c. Bell. ipse qui contendit jacobum lo-
 “ qui de secunda justis. affirmat tamen probabile esse valde Ra-
 “ hab (cujus exempli meminit Jac :) usque ad illud tempus,
 “ quo suscepit nuncios Josuæ, fuisse, non solum meretricem,
 “ sed etiam infidelem : Sed ab eo tempore credidisse in Deum
 “ & tum primum justificatam, &c. S. Porro sicut Paulus, &c.
 Multo rectius Suarez. l. quo supra. n. 15. “ verisimilimum est,
 quando Rahab nuncios suscepit, & alia via ejecit, jam fuisse
 “ justificatam à peccatis, & vocari meretricem, quia talis an-
 “ tea fuerat, & fortasse in populo talis esse credebatur; non
 “ quia coram Deo in illo statu, vel peccato adhuc permaneret,
 &c. Quam plurimis argumentis id ipsum ibidem suadet,
 Adis authorem ipsum; id ipsum etiam censent multi Protest.
 contra alios rigidiores, quorum nomina & testimonia brevitatis
 causa nunc omitto.

13. Nulla igitur alia solida Jacobi verba explicandi &
 cum Paulo conciliandi ratio relinquitur, quam hæc, quam su-
 pra sæpè exposuimus Paulum à negotio justificationis exclu-
 dere tantum bona opera, quæ fidem Christi præcedunt, & ex
 sola legis cognitione profluunt. Quandoquidem contra Judæ-
 os illi instituta erat disputatio, qui legem sibi ad justitiam &
 salutem sufficere existimabant. Jacobus vero de operibus
 loqui fidem consequentibus, & ex illa natis, atque ab ea dire-
 ctis; sine quibus utique (ut recte Estius in locum) fides in-
 utilis est. “ Ex hujusmodi igitur operibus, inquit ille, homo
 justificatur, tum quia per ea tanquam per actualem justitiam
 “ est, & declaratur homo vere justus, eoque nomine Deo gra-
 tus; tum quia per ea necesse est justitiam conservari; denique,
 “ quia per opera augetur, roberatur & perficitur justitia. Sic
 cum Paulo Jacobum conciliat multis locis S. Augustinus : ut
 in libro de Fide & operibus cap. 14. de Prædestinatione San-
 ctorum cap. 7. in præfatione enarrationis in Ps. 31. &c.
 “ Atque hunc etiam concordie modum (inquit Suarez. loco
 quo supra n. 21.) indicat Anselmus ad Rom. 4. & Thom.
 eundem breviter insinuavit 1. 2. q. 5. art 7. ad 3. &c. aliique
 etiam multi Rom. de quo videantur ipsi in locis a Suarez. aliis-
 que signatis.

14 Hoc tamen certissimum est, quod sicut fides in toto
 justi-

justificationis nostræ negotio sine operibus ad justificandum inutilis est, ita etiam opera sine fide : fidei tamen pariter potiores semper sunt, utpote diligentis & operantis ; ut loquitur Eltius loco supra citato, ad vers. 22. Certissimum etiam est, quod opera nostra ex fide etiam profecta nullo modo proprie, seu ex condigno (ut loquuntur Romanenses) justitiæ sive gratiæ justificantis incrementum, nedum æternam gloriam mereantur, ut lib. seq. cum Deo fusius demonstrabimus. Atque hic hujus libri finis esto.

*Episcopi Ecclesiæ Anglicanæ in Catholica
institutione, &c. Edita tempore Hen-
rici 8. ut lib. 1. dictum est
de Justificatione, ad 13.*

“ **B**ona opera, quæ a justificatis fide viva efficiuntur ;
“ valent ea quidem, tum ad fidei & charitatis in-
“ crementum in nobis ; tum ad justificationis nostræ
“ augmentum & conservationem ; ac denique æternæ sa-
“ lutis adeptionem.

Enchirid. Colon. de Justificatione.

“ De hisce spiritus & fidei operibus, tum quæ in pœni-
“ tentia per operationem gratiæ prævenientis justificationem
“ præcedunt ; tum quæ in ipsa justificatione peraguntur ;
“ tum quæ justificationem sequuntur, proprie dixit Aposto-
“ lus Jacobus : videtis quoniam ex operibus justificatur ho-
“ mo, & non ex fide tantum jam si forsan in dubium voces ;
“ quomodo hæc opera, quæ fides per charitatem post justifica-
“ tionem operatur, justificationem sequi dicimus, & ta-
“ men eisdem hominem justificari cum Jacobo pronūci-
“ amus ; Respondemus, hominem non justificari ad eum

“ modum, ut semel veluti in momento justificatus, alia
“ justificatione a modo non indigeat : Quinimo qui justi-
“ ficatus est per gratuitam remissionem peccatorum, & im-
“ partitionem Spiritus, dehinc continua & perpetua justifi-
“ cationis auctione indiget, donec hoc corpore exutus, in
“ æterna vita glorificetur.

LIBER



LIBER QUINTUS,

De Justificatione, in quo de meritis
Operum agitur.

C A P. I.

*Sintne Opera Bona Justorum vere ac proprie
meritoria Salutis æternæ : usque ad
Caput 7. Libri Bellarmini.*

1.



Ruſtra inter partes contenditur, an Meriti vox
uſpſam in Scripturis inveniatur ; etiam in
Eccleſia, hoc præſertim ſæculo, ferenda ſit,
& non potius in totum damnanda.

2. Latinum meriti vocabulum in fonti-
bus, ut conſtat, legi non poteſt, licet exret
apud Veterem interpretem Eccleſiaſtici, qui liber extra Ca-
nonem Scripturæ poſitus eſt, cap. 16. 14. ubi pro *קָטַבְתָּ לָּנוּ
יְיָ אֱלֹהֵינוּ* reddidit ille, non quidem ad verbum, ſed tamen
juxta communiter receptum tunc temporis in Eccleſia loquen-
di morem, Secundum meritum operum ſuorum. Et ad Hebr.

13. 16. ubi Apoſtolus ait talibus hoſtiis *ἐὐαρεσθήτω ὁ Θεός*,
placatur vel conciliatur Deus, ut aliqui vertunt ; vel ut alii po-
tius, delectatur Deus, placetur Deo, reddidit ille, Deus pro-
meretur paſſive, etſi parum Latine, ut inquit Eſtius in locum,
uſurpato merendi verbo. Primæſius tamen B. Auguſtini

quondam discipulus in hunc locum similiter legit promeretur Deus.

3. Frequenter tamen legitur in Scripturis nomen dignitatis **sive** ἀξιον & ἀξιωμα & χαταξιωμα, Luc. 20. 35. 2 Thes.

1. 5. Apoc. 3. 4. &c. Et apud Græcos Patres, ἀξιατῶν ἔργων, quibus verbis nihil fere aliud Græci designare solent, quam Veteres Patres Latini vocabulis meriti & merendi. Dico, nihil fere aliud, quia meriti vocabulo proprie nullum vocabulum respondet apud Græcos, ut nec apud Hebræos.

4. Passim autē in Patrum Latinorum etiam antiquissimorum & purissimorum sæculorum Scriptis hæc vocabula meriti & merendi legi quis ignorat? Sed quo sensu explicet vir doctissimus & moderatissimus G. Cassander in Hymnis Ecclesiasticis, ad verba Hymni, Nocte surgentes, &c. Cum suis sanctis meremur autem ingredi cœlum simul & beatam ducere vitam. “Vocabulum merendi (inquit) apud Veteres Ecclesiasticos
“Scriptores fere idem valet quod consequi seu aptum idone-
“umque fieri ad consequendum, id quod inter cætera vel ex
“uno Cypriani loco apparet. Nam quod Paulus inquit
1 Tim. 1. ἀλλὰ καὶ ἡλεήθην, quod vulgo legitur misericordiam
“consequutus sum, vel ut Erasmus vertit, adeptus sum, id
“Cyprianus ad Jubaianum legit, misericordiam merui; &
“multa loca sunt in Ecclesiasticis officiis & precibus, ubi hoc
“vocabulum hoc intellectu accipi debent. Quæ vocis notio
“si retineatur, multa quæ durius dici videntur, mitiora &
“commodiora apparebunt. Quæ verba more suo, h. e. plane
tyrannico, expungi jusserunt Hispanici Censores. Sed hac de re plenius paulo infra dicemus.

5. Hoc antiquo sensu plurimi doctissimi Protest. meriti & merendi vocabula nunquam damnarunt, quinimo ipsi etiam usurparunt, licet quibusdam rigidioribus ut nimis fastuosa & scandalosa omnino improbentur, & fugienda, hodie præsertim censeantur.

Apologia confessionis Augustanæ artic. 20. confitente ipso Bellar. “Concedimus Opera vere esse meritoria non remissio-
“nis peccatorum aut justificationis, &c. Sed sunt merito-
“ria aliorum præmiorum corporalium & spiritualium, quæ
“redduntur tum in hac vita, tum post hanc vitam, &c. Et paulo infra, “Cum igitur opera sint quædam impletio legis,
“recte dicuntur meritoria; recte dicitur eis deberi merces,
&c.

¶c. intelligunt autem semper ex Dei immensa benignitate mereri, ¶c.

Confessio Wirtemberg. cap. de bonis operibus. Vide Harmon. confessionem Chemnitius Examinis parte prima de bonis operibus, quæst. 4. Et in hanc sententiam nostri etiam a vocabulo meriti non abhorrent, sicut etiam Patribus usitatum fuit, ¶c.

In Actis Colloquii Aldeburg. Theologi Electorales pag. 110. & pag. 265. "Hoc sensu Ecclesiæ quoque nostræ a meriti vocabulo Patribus usitato, non abhorrent; nec tamen ex propterea quicquam Patrocinantur Pontificio dogmati de merito, ¶c.

Bucerus in Actis Colloquii Ratisb. Anno 1546. pag. 597. "Si sancti Patres aut alii per (mereri) intelligunt facere ex fide gratiæ Dei bona opera, quibus Deus mercedem promisit, & rependet. ¶c. Et si per merita intelligant facta ex fide Christi bona opera, quibus Deus mercedem pollicitus est; & fateantur simul ea opera per se ut bona sunt, *h. e.* ut facta ex gratia, nullam tamen omnino mercedem a Deo mereri posse ex condigno, (quo scilicet significatu & S. Patres bona sanctorum opera merita vocarunt) cum his nos, de nomine tum de re conveniat, nihil contendemus. Nec etiam si quis talia opera velit vocare meritoria.

Nota obiter Lector manifestum a Bellarmino cap. 1. S. Porro, ¶c. injuriam fieri Bucero, quando asserit hunc negare Scripturam vel Patres nomine meriti usos esse; addere tamen, si forte Patres hoc nomine usi sint, durum esse in ea voce Catacrefin. Bucerus enim pag. 590. & 591. ¶c. Ingenue agnoscit, in Patrum scriptis passim usurpari voces Mereri & Merita; sed bona sanctorum opera meritoria negat apud Patres appellari, quod equidem legisse, inquit, me memini. Et si apud aliquem attributa bonis operibus hæc appellatio scil. meritorii reperiatur, hoc durior est ea Catachrelis. Ut mentem Buceri rectius intelligas adi ipsum loco citato.

G. Vossius in Thes. Theol. de bonorum operum meritis, haud procul a principio. "Nos merendi vocabulum non in totum quidem damnare ausi sumus; ut quo tum veterum plurimi utantur, tum Ecclesiæ reformatæ usæ sint in Confessionibus suis: Augustana dico & Wittenbergensis. Subdit autem continuo in gratiam rigidorum hæc. "Nihilominus potius cum Scripturis loquendum putamus, presertim

“cum meriti vox ambigua sit ac nostro imprimis seculo super-
 “bia nemine periculosa. Similiter & Davenant. in disput. de
 iustitia operum cap. 53. pag. 569. “Non igitur cum Patribus
 “neque cum sanioribus Pontificiis lis ulla nobis erit de nudo
 “meriti vocabulo (quanquam multo melius & tutius est ab
 “hoc verbo abstinere) sed contra, &c.

R. Hookerus, Eccles. politicæ lib. 5. Sect. 72. pag. 391. &
 Gul. Covellus in defens. Hookeri art. 6. de Fide & operibus
 p. 43. 44.

Recte & prudenter Cassander consult. art. 6. de bonis ope-
 ribus fidelium. “Quo sensu hoc vocabulo meriti & merendi
 “usi sunt Patres, obscurum non est; nempe ut per illud gratiæ
 “Dei, ex qua merita omnia oriuntur, nil detrahatur. Quare
 “nihil est, cur aut Ecclesiastici ab hac loquendi formula & sen-
 “tentia in Ecclesia jam olim usitata discedant, aut Protestan-
 “tes eam tam odiose repudient & condemnent, &c. Vide
 Erasim. de amabili Ecclesiæ concordia pag. 104.

Sed missa disputatione de nomine Meriti, ut de re ipsa dica-
 mus. Graviter errant plurimi Rom. qui bona justorum opera
 vere proprieque, i. e. non ex promissione solum, sed etiam ju-
 stitiæ debito propter aliquam, ut affirmant operum, & merce-
 dis proportionem & æqualitatem, sive ut verbo dicam, ex
 condigno vitæ æternæ meritoria esse contendunt.

7. Distinguit quidem Bellar. inter quæstionem hanc; sint-
 ne bona opera justorum vere ac proprie vitæ æternæ merito-
 ria; in quo Catholicos omnes contra Sectarios omnes conve-
 nire ait, cap. 1. & quam quæstionem tractat primis sex libri
 capitibus, ut dictum; & inter quæstionem, an sint meritoria
 vitæ æternæ ex Condigno, quam tractat c. 16. & seq. Sed male,
 quia meritum proprie dictum in formali sua ratione inclu-
 dit æqualitatem vel condignitatem ad illam mercedem, cujus
 dicitur esse meritorium; ut recte Davenantius, de iustitia ope-
 rum cap. 60. “Vera ratio meriti (inquit Vasquez. in 1. 2.
 “disp. 213. cap. 6.) in eo posita est, ut opus sit dignum glo-
 “ria, secundum æqualitatem condignitatis, &c. Sed hac de re
 pluribus postea dicemus.

8. Hunc Romanensium errorem multi doctissimi Protest.
 copiose cum ex scripturis tum ex Patribus confutarunt; quos
 quia passim obvii sunt, Lector Sedulus adeat. Nos proinde eo
 labore superfedentes pauca tantum annotabimus, in quibus
 Protest. quidam non satis clare neque etiam satis solide ad ar-
 gumenta

gumenta non nulla a Rom. ex Scripturis & Patribus opposita respondent. Quo responsionibus solidioribus oppositis Romanensibus plenius satisfiat, & veritas ipsa tanto fortius actuatur & propugnetur.

9. Ad argumentum quod ducitur ab aliis scripturæ locis, ubi vita æterna merces nominatur. Vide Bellar. cap. 2. Protest. quidam non sufficienter respondent, mercedem dici præmium quod Deus reddit, non quia debeatur operibus, sed quia debetur promissioni. Certe quicquid Deus vel in hoc sæculo vel in futuro, atque hoc maxime nobis promisit donare, non aliunde primo quam ab ipsius immensa & impromerita gratia & benignitate profluxit; Sed cum nec promiserit dare, neque juxta promissum reddat, nisi bene operantibus (de adultis loquor) vitam æternam, necesse est in considerationem aliquam veniant saltem in rei promissæ redditione opera bona, juxta conditionem requisitā præstita; & rationem aliquam habeant causæ suo quodam modo efficientis, & ut Patres loqui solent sensu innoxio, merentis, nempe impetrantis; præsertim cum id quod redditur toties mercedis nomine in Scripturis insigniatur. Recte Bucerus in Actis Colloquii Ratisbon. pag. 517. “illud ergo solum in hac quæstione de mercede bonorum
“operum controversum est inter nos, an sit in iis aliquod meritum ea condignum mercede quam eis Deus retribuit, &
“maxime vita æterna, &c. Et pag. 568. “Sanctis bona operantibus reddi vitam æternam etiam coronæ & mercedis nomine & loco ultro nos semper dedimus. &c. Vere Arch. Spalat. de Rep. Ecclesiast. lib. 7. c. 11. n. 256. “Gratia mera est quod Deus promittat operi nostro mercedem, non enim
“ulla ratione tenetur. Sed non satis Scripturis consentanee, ac proinde dubitanter ac timide hæc subjungit. Et sic non
“operi nostro, sed suæ gratuita promissioni debetur, & fortasse redditur merces, &c. Conc. Araus. 2. quod adversus gratiæ adversarios celebratum fuit can. 18. “debetur merces bonis operibus; sed gratia, quæ non debetur, præcedit, ut
“ant. Debetur igitur merces etiam operibus, sed propter remissionem primum gratiose factam, & conditionem requisitam pro modulo nostro juxta vim gratiæ concessæ, a nobis
“præstitam; eatenus saltem, ut obedientia nostra Deo propter Christum probetur. Vide Aug. Serm. 16. de verbis Apostoli.

10. Quid respondent alii Protest. vitæ æternæ mercedem appellari

appellari non proprie, quoniam vita æterna in Scriptura vocatur & est proprie hæreditas, &c. Vide Bellar. l. cit. Multo clarius & tutius respondet Vossius in Thes. Theolog. de meritis bonorum operum Thesi 8. “ Non loquuntur (inquit) Sacri.
 “ literæ de mercede, qualis ob dignitatem merito ἀνάλογον,
 “ jure mercenario debetur, sed ea quæ non seignibus verum laborantibus ex ὑιοθεσίας ac gratuitæ promissionis jure confertur. Unde & hæreditas alibi nominatur. Nec hæreditatis
 “ appellatio obstare censenda est, quo minus mercedis nomen
 “ mereatur : Siquidem & filio adoptivo, qui morem adoptanti sedulo gesserit, & multa illius causa sit perpessus, sic
 “ hæreditas jure venit filiali, ut tamen ea ratione operum, quæ
 “ is præstitit, & ratione afflictionum quas is subiit, merces possit appellari. Unde & Bell. ipse loco citato ; “ Datur, inquit, vita æterna ex promissione laborantibus, quod est mercedis proprium ; & non datur nisi filiis quod est proprium hæreditatis ; ac proinde utriusque mercedis, scilicet & hæreditatis conditionem habet. Utinam hic substitisset Bellar. quando affirmat dari vitam æternam ex promissione laborantibus, &c. absque illo odioso additamento quod alibi cum suorum sodalium plurimis defendit, de intrinseca operum condignitate ad præmium. De mercedis apta & vera appellatione pax facile inter partes conciliari posset.

II. Quod Protestantium quidam non ipsam vitam æternam, sed gradum aliquem gloriæ celliorem in ea tanquam mercedem operibus nostris reddi affirmant. Bell. loco quo supra S. Ad hæc, &c. quod etiam censet Arch. Spalat. de Rep. Eccles. lib. 7. cap. 11. n. 257. “ Vita æterna ipsa essentialis
 “ & gloria donum est mere gratuitum, quod ab æterno Deus
 “ iis, quos in filios adoptavit, non tanquam mercedem, sed
 “ tanquam hæreditatem prædestinavit, &c. Nonnulli etiam Rom. vide Bell. cap. 10. S. 4. Primum igitur, &c. sunt enim (inquit) qui sentiunt, &c. Cum sacris litteris non satis congruit ; quæ diserte decent, non tantum gloriæ incrementum, sed ipsam etiam gloriam, ut mercedem operibus bonis reddi, Matt. 19. 29. & 25. versib. 34. 35. Rom. 2. 6. 7. Galat. 6, 7, 8. Coloss. 3. 23, 24. ubi ipsa hæreditas Dei dicitur reddi operibus bonis, & ἀνταπόδοσιν τῆς κληρονομίας, nempe merces hæreditatis appellatur. Jac. 1. 12, &c. Immo Deus ipse Gen. 15. v. 2. Merces nostra appellatur ; certe opera etiam
 optima

optima proprie & ex condigno non merentur; i. e. suo valore non exæquant vel infimum gradum gloriæ cœlestis, nedum ipsam per se gloriam cœlestem ac vitam æternam; propter gratuitam tamen Dei promissionem etiam ipsam vitam æternam, & non gradus tantum in ea præstantiores, bonis operibus reddi negari non potest. Unde & Pareus ad cap. 3. hujus libri pag. 1241. 1242. deserta responsione Apologiæ Aug. Bona opera scilicet esse meritoria præmiorum temporalium & spiritualium, Sed non ipsius vitæ æternæ: inquit “Concedamus verò in præmiis bonorum operum etiam esse vitam æternam, &c. Et Vorst. Antipist. part. 2. p. 125. “Quod ad Confessionistas (ut vocat Pistorius) attinet, qui non quidem vitam æternam, sed gradum aliquem eminentiorem in ea nostris operibus nos promereri tradunt; tametsi pro iis duo quædā facere videntur; unū quod passim dicitur, mercedem nostram in cœlo copiosā futurā Matth. 5. &c. alterum quod minus quiddam esse videtur gradum aliquem gloriæ cœlestis promereri, quam &c. tamen quia neutrum satis solidum est ad opinionem istam probandam idcirco nos eorum hæc in parte hallucinationem non admodum defendemus.

12. Quod respondent Protest. quidam, vitam æternam non reddi operibus, nisi ut signa sunt fidei, scripturis ex diametro adversatur, quæ passim disertè docent, præmium cœleste unicuiq; reddi secundū opera & proportionē laborū & operū ipsius? & non tantum secundum fidem, &c. Unde Pareus ad cap. 3. hujus libri p. 12. 42. “Nos dicimus vitam æternam promitti operibus, non solum ut sunt signa fidei. sed etiam ut sunt obedientia Filialis, Patri cœlesti debita; seu ut sunt positio conditionis, sub quā Deus filiis hæreditatem vitæ æternæ donare promittit. Vossius in thesib. prædictis thesi. 10. eos & nimium dicere putamus, qui mercedem operibus promitti censent ut causæ meritoriae: nec satis dicere judicamus, qui tantummodo ut signis fidei, promissionem factam arbitrantur si quidem multa sunt scripturæ loca, quibus, &c. Vide authores hosce; ut plurimos alios brevitatis studio omittamus.

13. Quod ad argumentum, quod sumitur ex illis scripturæ locis quibus ratio seu causa, cur vita æterna justis reddatur, ab ipsorum operibus petitur, ut particule causales, Quia, enim, ideo, clarè demonstrant. Respondent quidam Protest: (vide etiam Cassand: qui in eandem sententiam propendere videtur epist. 19. ad Joh: Molinæum citatis quibusdam Schola-

Scholastius p. 1109. &c. quorum ex Cassandro testimonia Verbatim repetit. Arch. Spalat: l. quo supra c. 11. n. 259. Vide & n. 258) his locis indicari non meritum, neque causam sed ordinem tantum, & seriem seu viam salutis adipiscendæ; infirmum est, ut abundè supra lib. 4. cap. 1. ostendimus, Absit tantum ratio causæ propriè meritoriae, plurimi doctissimi Potest: non negant opera bona causas etiam aliquas esse regni cœlestis adipiscendi. Davenant: de justitia actuali cap. 60. p. 608. &c. "si omnia (inquit) concedamus, quæ in promissis ponuntur, nihil aliud inde deduci potest, quam opera bona esse causas, non juris nostri ad vitam æternam, Sed introductionis in vitam æternam: neque esse causas meritorias, Sed motivas solummodo, juxta ordinationem voluntariam, & promissionem gratuitam ipsius Dei, &c. Adi authorem ipsum. Obiter tamen nota, lector, malè negare hunc cum aliis quibusdam Protest: opera bona esse causas non juris nostri ad vitam æternam, Sed tantum, &c. Quæ enim rationem causæ habent in introductione nostri in vitam æternam necesse est etiam habeant rationem aliquam causæ juris nostri ad vitam æternam; non quidem principalis aut meritoriae, secundariæ tamen & subordinatæ; neque enim dedit Christus, hoc jus, τὴν ἐξουσίαν, Joh. 1. 12. nobis ut filii Dei essemus, nisi in nomen ejus credamus, eumque accipiamus. Fides autem semper intelligenda est viva, & per bona opera efficax, atque etiam quatenus viva & Efficax est. Vorstius in Anti-Bell: p. 640 "Hic vero sub Matth. 25. & ætiologia à signis ad signatum, vel à causis quidem ad effecta sed non tamen à causis principalibus aut meritoriis deducitur, &c. vide & eundem Antipist. part. 2. p. 126 "à causa (inquit ad hoc ipsum argumentum respondens) generatim accepta ad causam efficientem meritoriam non valet argumentatio. Adi Authorem ipsum.

Quod attinet ad argumentum sumptum ab illis scripturæ locis, ubi præmium bonis operibus ex justitia dicitur esse reddendum, missis brevitatis causa quorundam Potest. responsionibus minus solidis; de quibus lege Bellar: Respondendum est cum aliis, mercedem operibus promissam gratuitam quidem esse, seu ex gratia donari, nullo autem modo propriè & ex justitia æqualitatis meritam esse; donum Dei inquit Apostol. Rom. 6. vita æterna est, attamen etiam justè, seu ex justitia distributiva, Sed gratiosa, sive gratia temperata fidelitur benè operantibus

operantibus respectu pacti ; seu promissionis divinæ dari. Hæc enim non pugnant. Rectè Bernardus l. de Gratia & lib : arbitrio haud procul à fine “ promissum quidem ex misericordia, “ sed tamen ex justitia persolvendum est ; justum quippe est “ ut reddat Deus quod debet, debet autem quod pollicitus est, “ &c. idē tamen doctissime simul & sanctissime librū illum sic “ claudit, alioquin si proprie appellantur ea quæ dicimus nostra “ merita, &c. via sunt regni, non causa (scil: proprie meritoria) “ regnandi. Rectè Davenant: ad hoc ipsum argumentum respondens, inquit p. 610. Deum dici justum in retributione hujus præmii, & injustum per impossibile supponi, si non retribueret Vitam æternam fidelibus benè operantibus ; non secundum rationem justitiæ propriè dictæ, quæ meritum condigni insert, ex eo quod æqualitatem supponit inter opus & mercedem, sed secundum rationem justitiæ communiter dictæ ex qua meritum non potest deduci, &c. Lege sis Authorem ipsum.

Remonstrantes in nupera Apologia. c. 2. p. 47. rectè & fusc idem contra Oppositam censuram demonstrant “ Aliud, inquit, “ est vitæ æternæ præmium promittere. aliud præmium “ promissum distribuere : promissio pure pute gratuita ; Distribuire post promissionem factam, suum cuique proprium pro ratione præstitæ conditionis ad præmium consequendum requisitæ, justitiæ actus est ; tum respectu ejus qui promisit, tum respectu eorum, quibus promissio facta est, &c. “ Nec refert an res promissa sit proportionata labori ejus, cui “ Promissio sub conditione facta est, an non : id enim non ad “ distributionem, Sed ad promissionem considerandam venit. “ Quod vero dicit Censor : Ergo vita æterna est stipendium “ potius ac pretium debitum, quam donum gratuitum : nimis est futile. Debitum enim ex promisso impro merito, & gratiosum donum non repugnant ; imo eo ipso, quia aliud est debitum ex promisso libero & liberali, adeoque pure pute gratioso, gratiosum donum est & manet. Quod vero ex promisso debetur alicui, id justum sanè est, ut ei detur ; quia justitiæ est suum cuique dare. Quod autem mihi debetur meum est, quocunque tandem modo debeatur, & quaecunque tandem sit, &c. Vide Cyprianum : in serm : de Eleemoly-na. Aug : in psal. 109. Fulgentium ad Monimum, &c. Ex prædictis liquido apparet, quomodo solide ad cætera quæ ex Script. a Rom. plurimis urgentur argumenta respondendum sit

fit, videantur multi doctissimi Protest. qui hæc fusius pertrahant.

16. Ad testimonia patrum, qui meriti & merendi vocabula, præsertim de Justorum operibus frequentissime & quidem sensu innoxio, ut supra dictum, usurpant. Recte doctiores Protest: respondent, eos nihil aliud intelligere, quam opera bona justorum non absoluta & exacta, quam in se habent, dignitate sive æqualitate ad præmium, sed ea quam obtinent ex acceptance & dignatione divina & ex gratuito pacto, quod nobiscum facere dignatus est Deus Clementissimus & indulgentissimus pater simul & iudex, mercedem gratiocissime promissam consequi vel impetrare. Atque hæc hac de questione dixisse sufficiat. Qui plura desiderat, adeat copiosiores controversiarum tractatores.

C A P. 2.

Quo an fiducia in meritis seu bonis operibus Collocari possit, & de intuitu mercedis æternæ in bene operando paucis disceptatur Bellermin.

Cap. 7. 8. 9.

1. **F**iduciam sanctorum apud Deum non ex fide sola, sed etiam ex bonis operibus, quæ a fide profluunt, & merita a Patribus Latinis communiter ut dictum appellantur, licet non sint merita proprie sic dicta, nasci atque ali, augeri, & magis magisque in dies confirmari, non negant Protest: ut perperam affirmat Bellar; & irrito conatu ex scripturis & Patribus Contrarium probare satagit. C. 7. S. Hæc propositio directe Contra Calvinum ponitur, &c. Calvinus ipse instit: lib. 3. cap. 14. S. 18. hæc habet “sancti dum se coram Deo recognoscant, nonnullam illis & consolationem & fiduciam affert propriæ conscientie puritas. & rursus “Quando igitur isthæc “operum fiducia locum non habet, nisi totam prius animi “fiduciam in misericordiam Dei rejeceris, non debet illi “videri contraria, unde pendet, &c. Chamærus de “operum merito Tom. 3. l. 14. cap. 5. n. 7. si pro
meritis

“meritis, opera nominasset (Bellarm.) possemus concedere
 “ex operibus nasci confidentiam fidelibus, quæ tota conti-
 “tuatur in misericordia divina. Nimirum quia sanctitas
 “vitæ sit effectus inhabitantis gratiæ: ac proinde ejus-
 “dem testimonium non leve: ideoque nonnullus ad spem
 “salutis gradus, &c. Vide authorem. Pareus idem tradit ad
 “hunc Bell: locum p. 1321. 1322. Cæterique omnes Protest.

2. An vero licet summa ac præcipua fiducia salutis in sola Dei misericordia & Christi meritis collocanda sit, de quo dubitare nefas est; spem tamen nonnullam etiam in bonis operibus, tanquam in mediis ad salutem necessariis & illius aliquo modo causis licet non proprie meritoriis, cum Dei gratia fideles sub Deo sine peccato reponere possint, inutiliter inter partes contenditur. Certe licet totis viribus studendum sit operibus bonis, quam minimum tamen fiduciæ in illis collocandum esse semper censuerunt Viri omnium sæculorum doctissimi juxta ac sanctissimi. Atque hoc sufficit.

3 Unde & Bellarm: qui sententiam hac de re affirmantem defendit propositione secunda; propositione tamen tertia ingenue sic loquitur; “propter incertitudinem (intellige semper incertitudinem fidei) propriæ justitiæ, & periculum
 “inanis gloriæ, tutissimum est fiduciam totam in sola Dei
 “misericordia & benignitate reponere: quam propositionem fuisse deinde confirmat plurimis argumentis ex scripturis gravissimis, publicis Ecclesiæ precibus, & Patribus. Castigat quidem hanc Bellarmini propositionem Vasquez in 1. 2. Tom. 2 disp. 212. c. 7. n. 41. “Quod dicunt, inquit, Theologi allegati, &c.
 “propter incertitudinem propriæ justificationis, fiduciam
 “nostram in sola Dei benignitate collocandam esse, sano modo
 “intelligendum est: non quidem ita, ut existimantes non esse
 “necessaria merita, nec in illis sperandum esse, nullam in illis
 “spem collocemus, sed in sola Dei benignitate & munificentia
 “quæ nullo nostro merito beare nos debeat, aut velit; hoc enim
 “esset incidere in sententiam Calvini, & hereticorum: Sed ita,
 “ut non habeamus fiduciam ex meritis jam factis, quasi securi
 “de præmio, quin potius non curantes de illis, a sola Dei boni-
 “tate nova merita speremus, in quibus fiduciam constituamus
 “perseverantiæ, & adipiscendæ beatitudinis. securum
 “igitur nequaquam est, si em collocare in meritis, rec-
 “tum tamen consilium est non sperare ex meritis fac-
 “tis. Hæc ille, sed male: tutissimum enim est, ut inquit Bellar.
 in

in nullis omnino meritis vel bonis operibus sive hætenus factis live porro faciendis, sed in una Dei misericordia & Christi meritis fiduciam omnem salutis collocare.

4. Tho : Stapletonus de justificat. lib. 10. cap. ult. “ Nemo
 “ inquit Catholicus recte institutus in suis meritis confidit,
 “ vel quia supervenientibus peccatis impediri possunt quæ-
 “ cunque merita, vel quia nemini satis constat de suis meritis,
 “ vel denique quia videri hoc modo posset in se non in domi-
 no gloriari, &c. Harum trium causarum prima a Bellarmi :
 in sua propositione omissa est, Sed ab utroque omissa & alia
 causa, cujus imprimis meminisse debuerunt, hæc scil : Atque
 etiam propter peccata, quæ justitiam nostram quotidie comi-
 tantur ex humana infirmitate ; quorum venia humillime ac
 supplicissime a Deo propter Christum postulanda, & recte
 vita æterna humiliter & non confidenter quærenda est ; ut
 recte dicit ibidem Stapleton. ex Bernardo ; inter cujus
 flores hæc saluberrima legitur sententia “ Vitam etiam æ-
 “ ternam, inquit, fortassis aliqui non similiter quærent, sed
 “ tanquam in suorum confidentia meritorum, &c. Oratio
 “ quæ pro vita æterna fit, circa bene placitum Dei intenta sit,
 “ & in omni humilitate præsumens de sola miseratione divi-
 na. Hæc Bernardus. Unde & ipse Staplet: paulo ante. “ Quia
 “ primum, inquit, & potissimum meriti fundamentum est gra-
 “ tia Christi, adjutorium inquam gratiæ, quæ in singulis acti-
 “ bus ad bene operandum divinitus adjuvamus, propterea &
 “ scripturæ & patres diligentissime docuerunt in solo Deo ac
 “ Christo ejus, non nobis ipsis, non in justitia propria, non in
 “ meritis nostris esse confidendum, &c.

§ A. Uega in opusculo de meritis. in generali q. 4. p.
 “ 857. Et quanquam, inquit, multa faciunt homines
 “ justi meritoria opera beatitudinis, verissime tamen dicitur,
 “ non oportere quenquam in suis meritis fiduciam adipiscen-
 “ dæ beatitudinis collocare. Et hoc quidem ne cuiquam du-
 “ bium sit, possumus tripliciter persuadere, &c. Lege Au-
 thorem. paulo tamen post. p. 858. ita inquit “ Quanquam
 “ autem ista verissima sunt, siquis tamen, &c. Fiduciam pio-
 “ rum modestam & humilem minime damnandum censens, si
 “ scilicet quis non excludat merita Christi aut gratiam divi-
 “ nam a quibus illa opera sua habent totum suum valorem &
 “ acceptionem, sed intelligat se in suis meritis fidere, qua-
 tenus

“ tenus meritis Christi & gratiæ Dei innituntur, verbo, quæ
 “ tenus non tam nostra merita seu opéra sunt, quam Dei ipsius
 “ dona.

6. Hosius confess. Petricov. Tom. 2. cap. 13. pag. 65.

“ Quamvis exempla sanctorum commemorare liceat, qui
 “ cum jam essent morti proximi, non omnino suis operibus
 “ diffidere visi sunt, ut Ezechias Esa. 38. Paulus 2. Tim. 4.

“ &c. Vide authorem. Sed quotum quemque reperire licet,
 “ his præsertim temporibus, quibus abundavit iniquitas,
 “ refrixit Charitas multorum, qui sic vitam suam transege-
 “ rit, ut peræque confidenter, ut isti loqui possit ex diverso
 “ rio corporis hujus æternam illam in domum migraturus.

“ Quamobrem tutius fuerit ut cum sancto Job. c. 9. vereamur
 “ omnia opera nostra, cum non sine causa videamus
 “ in Ecclesia Catholica semper observatum, ut qui morti
 “ jam sint proximi, diligenter admoneantur etiam simula-
 “ chro Christi crucifixi ante oculos posito, quo propriæ iustitiæ
 “ diffusi in una Christi iustitia spem suam & fiduciam omnem
 “ habeant collocatam, illam Patri cœlesti repræsentent, illi
 “ uni innitantur, &c. idem Hosius in consutatione Proleg.

Brentii l. 5. p. 394. “ non gloriamur de meritis nostris, non
 “ habemus in illis fiduciam nostram collocatam; de hoc
 “ solo gloriamur, in hoc solo confidimus, quod mem-
 “ bra sumus illius corporis tum quod pro nobis mortuum
 “ abunde pro peccatis totius mundi satisfecit. Quam-
 “ obrem si merita à nobis requiris, Domine, Ecce proferi-
 “ mus tibi merita corporis tui, quod cum de nostro sit
 “ nostra sunt & illius merita: proferimus tibi meritum
 “ passionis tuæ, &c. Hæc sunt merita nostra, quæ
 “ tu clementissime Domine nobiscum pro immensa be-
 “ nignitate tua communicare dignatus es, secundum hæc
 “ merita abs Te judicari postulamus, iis meritis freti
 “ coram tribunali tuo nos intrepide sistimus, &c. Hæc
 “ merita interponimus inter nos & inter iudicium tuum: ali-
 “ ter iudicio tecum contendere nolumus, de quo sollemniter
 “ protestamur, &c.

7. M. Eisengrenius de Ecclesia cap. 5. p. 93. &c. Sum-
 mam doctrinæ Catholicæ de merito Christi exponens,
 Sic loquitur “ iterum atque iterum diserte & palam pronun-
 “ cio, doctrinam Ecclesiæ Catholicæ non aliam fuisse;
 “ quam nunc à nobis dictum est; nimirum quærere

“ nos remissionem peccatorum, reconciliationem cum Deo,
 “ & regni cœlestis hæreditatem in solo passionis & mortis
 “ Christi merito : præsertim vero quando eo deventum est,
 “ ut hinc migrandum sit, multis in locis memoratæ Scholæ
 “ Doctores expresse scripserunt, ejusmodi hominem in ex-
 “ tremo spiritu constitutum ad solum Christi meritum con-
 “ fugere debere, atque in illud spem & fiduciam omnem
 “ collocare; quod vel ex solo Gersonè perspicuum esse Po-
 “ test. (Tom : de mendicitate spirituali parte 2.) Qui
 “ cum a dæmonibus ad desperationem sollicitaretur, res-
 “ pondit: Non opus est, ut mihi mea peccata commemo-
 “ retis, inferentes hinc me cœlestibus præmiis esse penitus in-
 “ dignum; id enim scio, sed scio quod pius ille meus pater Jesus
 “ Christus meum debitum solvit et mea omnia quotiescun-
 “ que mihi displicuerunt, deleuit peccata, mihi que suo pre-
 “ tiosissimo sanguine cœleste regnum lucrificavit, & emit; &
 “ hoc titulo, & nullo alio possessionem hujus regni præsto-
 “ lor, cœlestiumque bonorum retributionem peto sub titu-
 “ lo & in spe gloriosi mei Redemptoris Jesu Christi. Hæc
 “ quidem, inquit Gerson de sua duntaxat persona pronunci-
 “ avit. Verum Anselmus Archi-Episcopus Cantuariensis,
 “ qui ante Gersonem vixit, interrogationes quasdam con-
 “ scripsit, infirmis in extremis constitutis proponendas; ubi
 “ sane satis evidenter declarat, quem in scopum ducenda sit
 “ ipsorum fiducia; nempe non in aliud quicquam, quam in
 “ mortem, in passionem & meritum Christi inter has inter-
 “ rogationes Agonizantibus proponendas, hæc est postrema :
 “ Credis te non posse salvari, nisi per mortem Christi? Res-
 “ pondet infirmus, Etiam. Tum illi dicitur; Age ergo, dum
 “ superest in te anima, in hac sola morte fiduciam tuam con-
 “ stitue, in nulla alia re fiduciam habe, huic morti te totum
 “ committe, &c. Legantur reliqua quæ brevitatis studio
 omitto apud Authorem hunc. Apud Hosium loco quo su-
 pra pag. 65.

Apud Cassandrum in appendice ad opuscul. Joh : Rossensis
 de fiducia & misericordia Dei edit: Colon : Anno 1556. cujus
 hæc verba sunt “ Formula illa infirmos jam animam agentes
 “ interrogandi, in Bibliothecis passim obvia, quæ & sepa-
 “ ratim Anselmo Cantuariensi inscribitur, & parti Epis-
 tolarum inserta reperitur, &c. vide & Casparum Ulen-
 bergium in Causis, Causa 14. edit: Colonienſis Anno

1589 aliosque Romanæ partis. lege & Chemnit. Exam: parte
I. de justificatione, p. 143. edit: Genev: 1614 jacobum Usser-
ium nunc Archi-episcopum Armachanum in Responsione
ad Jesuit: Hibern: de meritis, &c. 513. aliosque plurimos
Protest:

8. In ordine Baptizandi cum modo visitandi, edit: Venet:
Anno 1575. hæc habentur verba "Credis non propriis meri-
tis, sed passionis Domini nostri J. Christi vertute & morte
ad gloriam pervenire? Credis quod Dominus noster J.
Christus pro nostra salute mortuus sit, & quod ex propriis
meritis vel alio modo, nullus possit salvari, nisi in meri-
to passionis ejus? Non erit desperandum vel dubitandum
de salute illius, qui supra positas positiones corde crediderit,
& ore confessus fuerit, &c.

Hæc quidem verba pontificii Censores in suis indicibus ex-
purgatorius expungi jussuerunt, sed fide pessima. Verba enim
sunt verissima & consolationis plenissima, præsertim homini-
bus de vita migraturis. Florentius Voluseius Scotus Catholico-
Roman: de animi tranquillitate Lugd: 1543. p. 366. &c.
"Fieri potest, inquit, ut divina bonitas, quia divina, h. e.
"immensa est, etiam imperfecta illa nostra officia, cujusmo-
"di esse omnia dixi, boni consulat, meriti loco habeat, &
"laude ac præmio digna judicet. Verum mihi ægre licere
"arbitror, Statuere aliquod meum ulla in re meritum;
"quando quidem ab eo, cujus imperium detractare nefas est,
"jubemur, cum fecerimus omnia quæ officii nostri sunt, fa-
"teri nos servos esse inutiles: neque profecto ille voluit, ut
"aliud in lingua, aliud in animo haberemus, & sucata qua-
"dam uteremur modestia. Deponenda est ergo, quæ ex o-
"peribus, aut rebus nostris gestis; quamlibet præclaris, nas-
"citur fiducia: nos totos in Deum conjiciamus, ille nobis
"sit sacra anchora; una illius bonitate atque misericordia
"nitamur, nos totos in illius fidem ac clientelam conferamus;
"neque sic salutis nostræ laudem dividamus, ut partem al-
"teram Deo permittamus, alteram nobis vendicemus.
"Quod cum nefarie fiat, quid sentiendum est de iis, qui me-
"rita sua jactare, atque venditare, tanquam ipsis superessent,
"non verecundantur, &c.

Innumera alia Virorum doctissimorum Veterum & recentiorum
testimonia huic sententiæ firmandæ adduci possent.

sed in re tam aperta atque omnium fidelium experientia comprobata nihil est necesse diutius morari. Videantur alii.
 “ Hoc faciunt, inquit A. Rivetus summæ controversi. Tract.
 “ 4. q. 12. p. 435. opera bona, non tanquam causæ & fun-
 “ damenta fiduciæ nostræ (intellige non tanquam causæ
 “ principales aut proprie meritoria, &c.) sed tanquam ar-
 “ gumenta, indicia, & testimonia Virtutis S. sancti in nobis
 “ tanquam fidei effectus (Adde, & tanquam salutis con-
 “ sequendæ etiam causæ aliquæ licet secundariæ) ut de mi-
 “ sericordia Dei erga nos confidamus, sed non ob digni-
 “ tatem operum : sic quæstio de fiducia aliqua in bonis
 operibus facile tollitur aut saltem minuitur. Vide Erasmi.
 Tom. 9. contra Theol : Paris : tit : 17. de fiducia bono-
 rum operum & meritorum. p. 718. Lege eundem p. 744.
 750, &c.

9. Licere bene operari intuitu mercedis æternæ nunquam negarunt Protest. etiam Rigidiore : ac proinde Patres Concilii Trident : sess. 6. cap. 11. & Can : 31. Bellar : cæterique Rom : qui contrarium illis impingunt dogma manifestam faciunt injuriam. Hoc tantum negant Protest : licere bene operari intuitu vitæ æternæ tanquam mercedis pro meritis, etiam proprie sic dictis ; sive ex Condigno nobis debitæ : affirmant etiam non tantum nec præcipue intuitu mercedis æternæ bene operandum esse, quando hoc non tam filios deceat, quam mercenarios, à quibus citra mercedis spem nihil impetres, sed primum quidem propter gloriam Dei ; deinde etiam propter mercedem vitæ æternæ bene operantibus ex immensa Dei propter Christi merita benignitate promissam. Quod ipsum docent etiam Romanenses omnes. Tam operosa ergo rei minime controversæ probatione ex scripturis, Patribus, &c. facile supersedere potuisset Bell. c. 8. sed, prohi dolor, plerique Theologi qui hodie controversa fidei dogmata tractant, studio partium adeo misere ducuntur tantum non (quod gemens dico) dementantur ; ut nihil fere ab illis, quos in plurimis non tam adversarios habent, quam faciunt & fingunt, recte dictum esse velint.

10. Quam timide enim loqui cogitur Bell : quando c. 8. &c. ait Calvinum l. 3. instit. c. 16. S. 3. &c. negare, videri operandum esse intuitu mercedis, & quoniam
 negare

negare non potuit, scripturas interdum hortari homines ad bonum spe mercedis, addere, saltem non esse à tali exhortatione ducendum exordium? &c. sed videantur ipsa ex Calvino citata loca: atque alia etiam, quæ ex aliis allegari solent à Rom: & ut dixi, manifestam illis injuriam fieri, luce clarius apparebit.

11. Certe Protest: omnes, si recte & candide illorum dicta in speciem forte durius aliquando sonantia, accipiantur, agnoscunt quod, etsi in bene operando præcipue Deum ejusque gloriam tanquam ultimum finem spectare debeamus; quia tamen subordinata non pugnant, & nostra salus cum Dei gloria arctissime conjuncta est, idcirco ad excitandum socordiam nostram, omnino licitum sit etiam mercedem promissam, ut finem secundarium, qui propter Deum ejusque gloriam expetatur, semper ob oculos habere: sic tamen, ne servilis & mercenaria fiat nostra erga Deum obedientia, sed ut Deum imprimis propter se ipsum, non propter nostrum aliquod commodum, sincere semper diligamus, amore scil: amicitiae, non amore concupiscentiae, uti vulgo vocant, quemadmodum recte Vorstius Anti-Bell: Tom 4. p. 642. " Verbo, illud
 " Bernardi, lib. de diligendo Deo, recte intellectum si-
 " bi probari profitentur. Nam sine præmio diligitur Deus,
 " etsi absque præmii intuitu (i. e. quamvis nullum pro-
 " mitteretur præmium) diligendus sit. Vacua namque
 " vera charitas esse non potest, nec tamen mercenaria est,
 " &c.

12. Imo non tantum servile aut mercenarium non esse,
 " æterni præmii, aut mercedis cœlestis intuitu, bene opera-
 " ri existimant Protest: sed nec servile esse, comminationi-
 " bus, æternæ mortis respectu ad bene agendum mereri.
 " Imo quod majus est, ne quidem promissis hujus vitæ
 " incitari ad bona opera, servile aut sordidum esse, si
 " tantum moveamur eam ipsam ob causam, quia gratiose
 " à Deo promissiones istiusmodi bene operantibus factæ
 " sunt. Quo enim argumento utitur Deus in scripturis
 " passim ad movendum & persuadendum, eodem moneri nos
 " non est servile aut mercenarium. Pietas ad omnia utilis est,
 " promissionem habens vitæ, quæ nunc est, & future, &c. 1
 " Tim. 4. 8. Vide, ut alios innumeros Protest: silentio prætere-
 " amus

amus, Bucerum in 2. ad Rom. pag. 102, 103. &c. Joh. Davenantium Episc. Sarisburiensem in cap. 1. ad Colos. v. 5. pag. 42. 43. &c. & Remonstrantes in nupera sua Apologia cap. 11 pag 126. fusc hac de re differentes. Alsted. Theol. Polemice parte 4 controvers. 15. sic loquitur. "Cum nulla
 " sint nostra merita proprie dicta, in i s nulla potest poni fidu-
 " cia. Alias fiduciam possumus ponere in operibus, quate-
 " nus testimonia sunt electionis & fidei infallibilia. Ita enim
 bona conscientia ex iis oritur, &c. Et controvers. 16. " In
 " bene operando præcipue debemus spectare Deum, ejusque
 gloriam tanquam finem ultimum. Col 3. & secundario no-
 stram salutem, &c. Vide Authorem, quædam magis, quæ-
 dam minus commode pronunciantem.

CAP. III.

*De meriti vite æternæ vere ac proprie dicti
 conditionibus brevissime differitur.*

*Vide Bell. a Cap. 10.
 ad cap. 16.*

1. **D**E proluxa hac Bellar. disputatione; Quæ sint & quot
 conditiones, ut aliquod opus dici possit vere ac pro-
 prie meritorium felicitatis æternæ, paucis hæc monuisse suf-
 ficiat.

2. Primo Protestantes nullum tale in operibus nostris ag-
 noscunt meritum, ac proinde de hac disputationis Bellarmi-
 nianæ parte minus solliciti sunt.

3. Secundo, Neque etiam conditiones illæ septem a Bell.
 commemoratæ. 1. Ut meritum sit opus bonum. 2. Ut
 fiat in obsequium Dei. 3. Ut fiat a viatore. 4. Ut opus
 sit liberum. 5. Ut fiat ab amico & grato Deo. 6. Ut inter-
 cedat promissio. 7. Ut ex charitatis virtute procedat, ad
 verum & proprie dictum meritum vitæ æternæ constituendum
 sufficiunt; aliæ enim præter has requiruntur conditiones, ut
 opera justorum proprie vitam æternam mereri possint; uti
 recte

recte docent Protest. scil. Primo, Ut opera nostra sint undequaque perfecta, non tantum ratione partium, nempe ut nihil unquam faciendum omittamus, nec omittendum committamus, sed etiam graduum ratione. Atqui etiam cum facimus facienda, semper tamen abest illa charitatis perfectio, quam legis *angeli* *sera* requirit, ut recte Vossius disp. sæpe memoratis de Bonis operibus eorumque meritis, frequentissime etiam illa quæ juxta mensuram donationis Christi licet concedatur, ac pro statu viæ renatis possibilis est. Secundo, ut quod præstamus indebitum sit. Tertio, Ut opus plane vel inprimis nostrum sit, non ejus, a quo mercedem expectamus. Quarto, opus est etiam proportionem & æqualitatem inter opera ac mercedem. Hæ conditiones si defint vel earum una; certe opera hominum mortalium & peccatorum quantumvis regeneratorum nihil meriti proprie dicti quod vitæ æternæ adeptionem habere possunt apud Deum.

4. Tertio, De tribus solum e septem illis conditionibus inter Rom. convenire, de cæteris vero dissentire Bell. ipse ingenuè confitetur, initio cap. 10.

5. Libertatem enim arbitrii ad merendum non esse nostram contra communem Theologorum sententiam ex Joh. Pici Apologia q. 8. sensisse Rob. Holcot. refert Bell. ibidem S. Omisissis igitur, &c. sententia hæc, si modo Holcoti sententia fuit, qua de re non disputo, nec scripturis nec Patribus nec recte rationi satis consentanea est, ut recte demonstrat Bell. & libenter concedunt multi doctissimi Protest. qui tamen ab omni merito proprie dicto vitæ æternæ asserendo abhorrent. Sed disquisitio hæc alterius est loci cum spectet ad controversiam de libero arbitrio tantopere hoc sæculo cum inter Rom. tum etiam inter Protest. ipsos agitatum; ac proinde in præsentiarum missam facimus.

6. Ad meritum vitæ æternæ non requiri, ut in statu gratiæ & adoptionis filiorum fiat, censuit Michael Baius Theol. Lovaniensis (vide Bell. c. 12. & 13.) Bellarmino quidem non nominatur, sed cujus sententia hac de re ut de aliis quibusdam recte damnata fuit, licet de aliis nonnullis iniquissime taxata & damnata Bulla Pii 5. Pontificis a Gregorio 13. renovata

7. Ad meritum vitæ æternæ promissionem Dei sive pactum liberale atque gratuitum, requiri negavit idem de quo supra Baius; (vide Bel. c. 14.) atque cum eo multi alii Teol. Rom.

ut mox dicemus. De Michaelē Baio jam bis nominato, & de censura Pii 5. & Greg. 13. aliquarum illius assertionum audi Suarez. de Gratia, Proleg. 6. c. 2. Fuit nostris temporibus in Lovanienſi Academia doctor quidam Catholicus & eruditus, cujus nomen cum Pontifices ſilentio præterierint, libenter tacerem niſi jam ex aliorum libris & ſcriptis eſſet notiſſimum, ſcil. M. Baius, ille igitur in aliquibus libris, quos de charitate & rebus alijs ſcripſit, varios articulos ſeu aſſertiones poſuit, in quibus nunc ad Pelagianiſmum, nunc ad Luthraniſmum, & Calviniſmum inclinat. Cumque eſſet ſpectatæ probitatis & doctrinæ, ut in Bulla dicitur; potuit authoritate ſua plures in ſuam ſententiam ducere, & Academiam illam Catholicam & inſignem corrumpere aut perturbare. Cui malo ut occurrerent dicti Pontifices, hanc Bullam ediderunt, &c. Vide Bullam apud hunc Authorem immediate poſt ſubjectam, & n. 11. & 12. cenſuræ & Judiciū Theol. cujuſdam Jeſuitæ de quibuſdam interpretantibus Bullam illam (perveram ut aſſerit Jeſuita ille, ſed negat Suarez.) cenſuram vero hujus Jeſuitæ a Suarezio non nominati, lege Lector Benevole in opusculis Vaſqueſii, qui Michaelis Baii ſententias nonnullas a Baio non intentas, iniquiſſime torqueri, contra alios Rom. acriter contendit; licet ipſe cum Baio nonnunquam graviter erret.

8. Bonum opus meritorium eſſe poſſe vitæ æternæ, niſi ex charitate procedat, quis ſanæ mentis dixerit? Gul. Altiſiodoreniſis nihil aliud cenſuit, teſte Bell. ipſo cap. 15. quam meritum prius & principalius a fide quam a charitate pendere. Quæ ſententia inquit Bell. non parum favere videtur erroribus huius temporis hæreticorum, &c. Falliter igitur hic doctiſſimus Voſſius, quando diſputatione de meritis bonorum operum Theli. 4. circa finem aſſerit opinionem Gul. Altiſiodoreniſis fuiſſe, non opus eſſe, ut opus vitæ æternæ meritorium ex charitate proficiſcatur. An vero opus bonum ſeu meritorium ſalutis, ut loquuntur Patres, prius & principalius a fide, quam a charitate pendeat, ſæpius ſupra dictum cæteris omiſſis ad ſequentia pergamus.

C A P. IV.

*An opera bona justorum meritoria sint vita aeterna,
ex condigno, &c. a Capite 16. usque
ad finem libri.*

I. **P**ROtestantibus maxime probatur sententia illorum Romanæ partis, qui in hac quæstione censent non esse utendum his vocibus de condigno & de congruo, inquit Bell. c. 16. Sed absolute dicendum opera bona justorum esse meritoria vitæ æternæ ex gratia Dei locum integrum Thomæ Waldensis in hanc sententiam Tom. 3. de sacramentalibus c. 7. quia insignis est, & paucula quædam tantum ex illo communiter a Protest. & ipsis citari solent, huc adscribere minime piget. “Quantum mea sapit modicitas, hæc ipsa determinatio scripturarum, quam sic ex Apostolo & psalmista annotant S. Patres, congruentius jungeretur locutionibus de meritis hominum quam absolute diceretur, quod homo ex meritis est dignus regno cœlorum, aut hac gratia vel illa gloria: quamvis quidam Scholastici invenerunt ad hoc dicendum terminos de condigno & congruo. At Chrysostomus dicit, quid dignum facimus in hoc seculo, ut participes Domini nostri in regnis cœlestibus fieri mereamur? Ideo juste dicit Apostolus, existimo quod non sint condignæ passionibus hujus temporis, ad futuram gloriam. Reputo igitur saniores Theologum, fideliores Catholicum, & Scripturis sanctis magis concordem, qui tale meritum simpliciter abnegat, & cum modificatione Apostoli & scripturarum, concedit, quia simpliciter quis non meretur regnum cœlorum, sed ex gratia Dei, aut voluntate largitoris. Sic enim dicit Apostolus, non quod sufficientes simus, &c. Vide authorem. Et paulo post, Meritorum nostrorum in articulo minime Deus attendit, sive rationem congrui, vel condigni, sed gratiam suam, aut voluntatem suam, aut misericordiam suam, &c. Hæc ille, quem A. Vega opusc. de meritis in generali q. 4. uberimum appellat.

appellat fontem ex quo hauserunt bonam partem pene omnes qui Lutheranam sectam impugnarunt

2. Quibusdam tamen Protest. aliisque viris moderatis & pacis Ecclesiæ amantibus non omnino improbatur sententia etiam eorum Rom. qui meritum de condigno proprie sumptum simpliciter rejicientes, admittunt tamen in bonis justorum operibus meritum aliquod sed improprie dictum, meritum scil. congrui; sed non ut vulgo Scholastici illud meritum intelligunt. Inter Rom. videantur Gregor. Armin. in 1. sent. dist. 17. q. 1. art. 2. Durandus in 1. dist. 17. q. 2. & in 2. dist. 17. q. 2. & in 3. dist. 18. q. 2. Marsilius in 2. q. 18. art. 3. Burgensis in additionibus super Psal. 35. Jo. Eckius in Centuriis de prædestinatione, &c. Vide Bell. c. 16. Vegam opusc. de meritis ex condigno q. 5. aliosque plurimos. Hanc sententiam phrasi tantum discrepare a priore recte affirmat Paræus ad cap. 16. hujus libri Bell. sensu enim convenit. Licet enim concedat meritum congrui, quod non nisi late loquendo meritum appellatur; meritum tamen condigni, de quo solo revera controvertitur, negant; sicut fatetur Bell. S. Alii volunt, &c. Bucerus in actis Colloq. Ratisb. 2. pag. 563. “ Congruum
“ quidem meritum in justificarum operibus inest: Congruit
“ enim cuique creaturæ & operi, Dei id quod Deus omnium
“ conditor ipse cuique rei & operi suo deputat. Cum jam a-
“ mantissimus nostri & benignissimus Pater decreverit nostra
“ bona opera, quæ in nobis tamen ipse efficit, propter filium
“ suum tam liberaliter remunerare, hinc certe decet jam illa
“ opera & eos qui ea fecerunt, atque congruum eis est, ut id
“ ipsis Deus præstet, quod eis non minus juste quam benigne
“ est pollicitus) And. Firicius, cujus supra sæpius meminimus.
“ lib. 4. de Ecclesia cap. 12. Hac ipsa de re disputans contra
eos qui meritum de condigno mordicus defendunt, inquit,
“ Multa in Theologia disceptatrice, de ejusmodi condignitate,
“ &c. disputantur. Verum qui de hoc apposite ad usum con-
“ scientiarum disserunt, meriti congrui mentionem fecerunt,
“ condigni non fuerunt. Pighius vocat meritum ex congruo,
quod non ex se, sed ex Dei gratia aliqua dignitate æstimatur E-
rasmus etiam dicit, “ meritum congruum cum gratia non pug-
“ nare, quemadmodum nec merces nec debitum cum eadem
“ pugnat: præsertim si referas ad Dei promissionem, &c.
p. 276. Et rursus tract. 3. de meritis nostrorum operum pag.
649. “ omne meritum fidelium est quod tamen non ex se, sed
“ ex

“ex Dei misericordia meriti in loco habetur. Cumque hoc
 “Dei dignatione fidelibus contingat, non immerito condigni-
 “tas detrahitur de operibus illorum : congruentia quædam
 “tribuitur illis : Congruum enim esse videtur liberalem ali-
 “quid dare, quod qui accipit, ex condigno non me-
 “ruit.

3. Communem autem sententiam Theologorum admittere simpliciter meritum de condigno, eandemque verissimam esse affirmat quidem Bellarm. cap. 16. Sect. communis sententia, &c. sed hic multa studiose Lector observatu digna occurrunt.

4. In Concil. Trident. Sess. 6. cap. 32. absque omni mentione meriti vel de congruo vel de condigno, hoc tantum dicitur ; “ Si quis dixerit justificati hominis opera bona non
 “ vere mereri vitam æternam, anathema sit. Ubi tamen si per vere mereri intelligunt Patres illi proprie & exacte loquendo mereri, meritum condigni necesse est admittant. Neque enim ullum est, si proprie & exacte loqui velimus meritum, nisi meritum condigni ; meritum enim quod appellatur, congruum, est meritum diminutum & improprium, & titulo tenus non re ipsa. Sed Patres ii non ignari acerrimarum, quæ in Scholis agitantur, contentionum & digladiationum de merito condigni, illiusque ratione & fundamento, more suo hæc de re, ut & de plurimis aliis generaliter tamen & ambigue loqui maxime tutum & commodum esse censuerunt.

5. Cornel. Schulting. Theol. Cholonienſis variarum lectionum & animadversionum in Calvini institutionis tom. 2. cap. 11. lib. 3. adversus Instit. Calvin. sic scribit. “ Quod ad
 “ meritum condigni attinet, aboleri sinimus, aut certe Scholis
 “ remittimus ; ut sine quo subsistere potest Orthodoxæ fidei
 “ veritas ; Cum nec ipse persuaderi potuerit Origines ullum
 “ esse opus nostrum quod ex Debito Dei remunerationem
 “ deponat. Cum neque etiam hoc ipsum quod sumus,
 “ quod agere, quod cogitare, quod proloqui possumus, nisi
 “ ex Dei dono ac largitione sit. Nec etiam existimavit
 “ Apostolus condignas passiones esse etiam eorum, qui Christo
 “ incorporati sunt, ad futuram gloriam, quæ revelabitur in nobis.

6. Jesuita Anglus S. R. in responsione ad librum Th. Belli cui titulus Ruina Papatus p. 220. 224 & 231. affirmat Bellum manifeste Romanibus injurium esse, quando illis impingit,

git, quod de fide certum esse existiment, atque etiam in Concil. Trid. definitum bona iustorum opera vitæ æternæ ex condigno meritoria esse. Nihil enim tale inquit Concilium definivit & qui meritum illud tenent, non pro fidei dogmate, sed pro opinione solum habent. Vide etiam si libet ejusdem Bell. Catholicum, ut nuncupat, Triumphum hoc ipso de argumento c. 9. p. 274. 275.

7. Quocirca Bell ipse communem tantum appellat Theologorum sententiam, fidei autem dogma esse, aut a Concil. Trident. (quod alioqui haud pauca nimis temere definivit quæ melius indecisa & indefinita mansissent) definitum non audet dicere.

8. Sed communem esse Theologorum sententiam, quod bona opera ex condigno & proprie loquendo mereantur, &c. quemadmodum affirmat Bell, ex prædictis falsum esse abunde patet, quo tamen dilucidius adhuc pateat, audi porro alios Romanæ partis Theologos.

Stephanus Brulifer (quem & Hosius in confessione citat) c. 53. in 2. dist. 27. q. 6. "nullus purus viator, quantumcum-
"que purus & perfectus sit, potest mereri cœlestem gloriam de
"condigno, sed si meretur tantum meretur illam de congruo. Et opinio ista est valde devota & fulcitur multis authoritatibus. Pighius de l. arbitr. l. 5. §. 81. facie altera, "Leve hoc & momentaneum (ut inquit Apostolus 2 Cor. 4) operatur æternum
"gloriæ pondus. Nulla ergo hujus ad illud condignitas,
"nulla comparatio. Operatur nihilominus hoc illud, operatur inquam merendo; neque enim alium, quo ipsum operetur, modum imaginari est: merendo inquam non quidem
"de condigno, sed de congruo. Qui meriti modus, uni nihilominus, retribuentis benignitati, liberalitatisque innititur,
"ac gratiæ, &c.

Videatur Clichthovæus in Can. Missæ ad verba "intra quorum nos consortium non æstimatos meriti, sed veniæ quæ sumus largitos admitte. Lucidatorii Ecclesiast. pag. 156. Et ad verba Hymni Ecclesiastici de Sancto Michael. Paradiso redde tuo nos sola clementia pag. 72. Quamvis idem alibi longe aliud doceat, ut affirmat Vasq. in 1. 2. Tom. 2. disp. 214. cap. 4.

9. "Quid quod Scholastici omnes pene (inquit Cassander ep. supra citata 19. scil. ad Jo. Molinæum) Dignitatem,

tem, æqualitatem, & commensurationem meriti & præ-
mii non in re ipsa & intrinseca bonitate actus, sed in
divina acceptatione, pactione, & ordinatione, consti-
tuunt. Quamvis autem nonnulli sint, qui hic æquali-
tatem quandam & justitiam ex divina pactione & con-
ventionem statuunt; affirmantes Deum homini jure pro-
missionis, ad reddendum præmium obligari. Hæc
tamen ipsa obligatio principium habet gratuitum,
neque ullam operibus intrinsecam virtutem addit, sed omne
jus consequendi præmii in gratuita promissione consistit, &c.

10. Quocirca Vasquez ipse prima secundæ, parte 2.
disp. 214. c. n. 1. 2. inquit operabona ex se spectata, &c.
non habere condignitatem & rationem meriti, &c. Sed
totam rationem meriti habere petitam ex promissione &
pacto Dei, affirmant, Scotus, Gregor. Arimini. Ga-
briel Biel, Occam, Alphonsus de Castro, Vega, &c.
Hi doctores revera negant meritum condignum operum,
& totam vim meriti adscribunt solis operibus Christi in-
quit Vasq. ibid. c. 5. n. 23. rursus ibid. c. 1. n. 2. "Contin-
gere potest ut si veram causam & rationem meriti condigni
non affigemus, verbis solum à Protestantibus dissiden-
tes, re ipsa cum eis conveniamus, atque in eorum
sententiam, velimus nolimus, consentire cogamur: quod
fane aliquibus Catholicis in hac controversia accidisse, non
obscure inferius patebit. Nam defendentes veram rationem
meriti condigni in operibus justiore, eorum dignitatem
usque adeo extenuarunt, ut eam simpliciter negare videantur.

11. Assertoribus hujus sententiæ a Vasque enumeratis licet
non paucis plurimi alii adjungi possunt, non tantum Veteres
Scholastici, quod agnoscit Bell. c. 17. S. Alii contra, &c. Sed etiã
recentiores scriptores non obscuri nominis, Vasqu. & Bell. non
Lecti. Clingius in L. C. Ferus in multis operum suorum locis, quo-
rum quædam proinde expungi jubent Rigidi illi Romanæ partis
Censores, Ilidorus Clarius, Genebraldus in expos. Symboli
Athani p. 99. aliique complures, quorum nomina in re tam
certa & clara commemorare nihil necesse est.

12. Horum Rom. sententia omissa vel potius expuncta, &
quidem merito, odioso illo additamento de Condigno, quod
ad rei summam attinet, nihil a Protest. saniorum sententia
differt; quicquid contra affirmet Bell. loco quo supra S.
Distat, &c. ut enim omittamus sententiam rigidiorum
Protest.

Protest. qui opera justorum non esse vita æterna digna contendunt, propter aliquam peccati maculam omnibus etiam rectissime factis adhærentem, qua de re superiori libro dictum; tamen in hoc cum Protest. omnibus Theologi memorati conveniunt, quod citra promissionem & acceptationem divinam opera nostra nullam habere condigne meritoriam vitæ æternæ dignitatem arbitrentur; ut recte observat Vasquez. loco quo supra. cap. 5. n. 22. & 23. “ Porro, inquit, Doctores primæ
 “ opinionis (jam scilicet recitatæ) bonis operibus secundum
 “ se dignitatem vitæ æternæ negantes, totam dignitatem no-
 “ strorum operum referunt in Dei favorem, & acceptationem propter
 “ Christi merita; quod quidem nihil aliud est, quam veram &
 “ perfectam rationem meriti scilicet condigni nostris operibus
 “ denegare, & totam vim meriti solis Christi meritis ascribere; ut supra diximus. Bell. etiam ipse ubi supra confiteri cogitur ex Theologorum prædictorum sententia, justorum opera, licet vere bona sint, non esse tam excellentia ut proportionem habeant cum vita æterna, & ideo acceptari quidem a Deo, ad justitiam & dignam mercedem vitæ æternæ, sed ex pacto & promissione, non ex operum dignitate.

13. Sententiam illam Protestantibus maxime invisam, quam cum quibusdam aliis Romanensibus mordicus tuetur Vasquez. cap. 4. & seq. aliquot; bona opera justorum ex seipsis, absque ullo pacto aut acceptationis favore, condigne mereri vitam æternam, rejiciunt & prolixè refellunt non tantum Protestantes omnes, sed multi etiam doctissimi Rom. Bell. Suarez. alique quos vide sis.

14. Sententia Bellar. aliorumque quorundam, opera bona justorum meritoria esse vitæ æternæ ex condigno ratione pacti & operis simul, solide refellunt & multi Romanenses qui ut dictum, opera bona habere dignitatem & rationem meriti ad vitam æternam, sed ex ordinatione sive acceptatione Dei, non ex intrinseco operum valore contendunt: ut Scotus cum suis sectatoribus, &c. & Protest. omnes.

15. Sententiam Tapperi, Lindani, Hosii, aliorumque quos recuset Vasq. loco quo supra cap. 2. opera nostra esse meritoria, ex dignitate intrinseca, quam habent a gratia ex promissione Dei, & ex meritis Christi, quibus quasi ornantur & tinguntur; quam sententiam videtur amplecti etiam Gregor. de Val. Et huc spectat illud tritum inter Rom. dictum. opera quatenus tincta sunt sanguine Christi mereri vitam æternam, refellunt alii

alii dissentientes Theologi Romanenses ut de Protest. nihil dicamus ; quorum disputationes lege si libet.

16. Ex quibus Romanensium dissensionibus in hac materia , hoc clarissime apparet ; quod cum in nomine solo meriti condigni consensus sit , in re autem ipsa multifaria dissensio (quicquid enim extruit unus , destruit fere alter) non leve signum atque argumentum est vanitatis hujus dogmatis ; & consensionem illam aliunde quam ex vi manifestæ veritatis proficisci ; plana enim & aperta veritas hujusmodi operosis distinctionibus & limitationibus opus non habet , ut intelligatur. Adde quod inanes hæ hominum otiosorum & infelicer curiosorum disputationes non modo in scripturis & Patribus nihil fundamenti habent ; sed utrisque plane repugnant , & ad veram pietatem promovendam non solum nihil faciunt , Sed mirum quantum eidem officiunt. Innumera hujusmodi incommoda & prava cum rectæ fidei tum veræ pietati noxia & perniciofa dogmata peperit Ecclesiæ Christi hic in Occidente Theologia Scholastica sive disputatrix sædissime à plerisque fere omnibus semper vitiata & corrupta.

17. Quod disputat Bell. c. 19. contra suorum gregalium quosdam , Deum bona justorum opera ex mera liberalitate remunerare ultra vel supra condignum , næ libentissime illi concedunt Protest ; quinimo urgent omnes. Etenim eo ipso meritum vitæ æternæ de condigno validissime everti existimant. Responsio autem Bellarm. in fine cap. 18. S. Respon. miserum tantum subterfugium est.

18. Quid de iis , quæ Bell. disputantur à cap. 20. usque ad finem libri. Quænam scilicet sint illa , quæ cadunt sub meritum de condigno , judicandū sit , ex prædictis facile cuivis intelligenti constat. De tota autem hac meritis disputatione , ut alios innumeros Protestantes silentio transeam , lege sis J. Usserium Archiepiscopum nunc Mathanum contra Jesuitam Hibernum Fr. Whiteum contra Fisherum Jesuit. J. Daven. Episcop. Sarisburiens. Disp. de justitia Actuali suffissime a cap. 53. usque ad fin. lib de hoc argumento differentem. Adietiam. Theses Theolog. Ger. Vossii de meritis.


19. Sed quia tota hæc lis de Meritis multis Theol. moderatis logomachia tantum videtur (vide Archiep. Spalat. de Rep. Ecclesiastica l. 7. c. 7. n. 8. “ Dissidium , inquit , in verbis “ est , ubi de meritis certant partes , &c. idem est & aliorum
etiam

etiam iudicium. Certe non imus inficias, ut nec Protest. doctiores & saniores, si opinio meriti de condigno tollatur, quatenus scilicet Bona iustorum opera seu merita, ut Patres Latini appellant, quæ à spiritu sancto proficiuntur, intrinsecum quandam valorem ac dignitatem mercedi æquivalentem habere asseruntur, & qua ratione duntaxat cum gratia Dei in Vita æterna donanda conciliari non possunt: & si dignitas sive condignitas operum (nihil enim refert, sive hoc sive illo modo loquaris) omnis in Dei promissionem mere gratuitam, & illius gratiosam eorundem acceptationem transferatur, hanc controversiam inter Viros moderatos facile non componi tantum, sed etiam omnino cessare posse. Sed sententiam aliorum multorum Romanorum. Jesuitarum imprimis, qui operum ipsorum bonorum intrinsecam dignitatem, etiam quatenus à gratia spiritus sancti profluunt, adeo afferunt & extollunt, ut eis etiam ob illam (& non propter solum Dei promissionem & gratiosam æstimationem, &c.) ex condigno, etiam proprie loquendo, Vitam æternam deberi contendunt, ex Ecclesia explodendam censemus, ut quæ scripturis & Patribus manifeste repugnet, imo quam etiam plurimi alii Romanenses adeoq; quotquot uspiam Gentium Christi nomen invocantes, tenuitatis suæ sibi conscii sunt, toto pectore detestentur & aversentur. Hoc igitur novo dogmate profligato, priscam tantum Ecclesiæ Catholicæ doctrinam hac in materia, ut & in aliis, omnibus hodie obtinere & vigere cupimus, & ardentissimis votis optamus ac postulamus à Deo ter optimo. Maximo.

20. Deus proprie “ (inquit Erasmus de amabili Ecclesiæ Concordia) nulli debitor est nisi forsitan ex gratuito
 “ promisso, quanquam & hoc ipsum, ut præstemus promissi
 “ conditionem, illius est munificentiae; non tamen rejicien-
 “ dum est mercedis aut meriti vocabulum, quod Deus quæ
 “ in nobis aut per nos operatur, pro sua bonitate acceptat ac
 “ pensat, &c. Episcop. Eliensis contra Bellarm: Apolog: c. 7. p. 165. “ Reddi cuique secundum opera in iudicio fa-
 “ temur, sed non ex pondere humani meriti, sed ex vi pro-
 “ missi divini: cujus promissi ex gratia fons quoque; qua
 “ gratia sua benignus servator, mercedem plenam, operi
 “ non pleno; mercedem diariam operi horario repromisit;
 “ quodque ex gratia promisit, ex iustitia reddit; iustus ne-
 “ quaquam futurus nisi dictis maneret. Redde quæ promisti
 cum

“ cum ea, qua par est, humilitate dicere possumus; Redde
 “ quod merui, quod mihi ex merito debes, puto, non debe-
 mus. Denique aliter in missa Cardinalis loquitur, aliter hic in
 “ Apologia in Missa, ut non æstimator meriti, sed veniæ lar-
 “ gitor. Hic jam per ἀτις ἐγγὺν, ut non veniæ largitor sit,
 “ sed æstimator meriti, audacter postulat, &c. Vide etiam
 Andr. Frisium antea nobis sæpe laudatum, in locis superius
 citatis. Quid quod Bell. ipse c. 18. S. Ratio negari non po-
 test, &c. concedere cogitur, æternam vitam & gloriam longe
 excellere actioni meritoria, & quod ibidem ad meritum con-
 digni non requiri absolutam æqualitatem inter meritum &
 præmium, secundum justitiam distributivam, sed sufficere ali-
 qualem proportionem, affirmat. Vide etiam cap. 17. S. jam
 vero, &c. ubi in opere ex gratia procedente frigide dicit esse
 tantum quandam proportionem & æqualitatem ad præmium
 vit. ætern.) vanum & frivolum est: eo ipso enim meritum
 vitæ æternæ condignum, proprie sic loquendo, diserte destruit;
 (quicquid ille contra contendat) utpote ad quod constituen-
 dum non sufficiat quædam proportio, siue proportionalis qua-
 litas; sed absoluta & perfecta æqualitas, siue exacta propor-
 tio requiratur, ut constat. Sufficiat ergo dicere esse meritum
 aliquod, siue dignitatem aliquam operum bonorum (quomo-
 do tantum pia vetustas loqui amavit) quæ tota ex gratia & di-
 gnatione divina pendeat, sed a merito de condigno proprie &
 exacte sic dicto; i. e. a nupero & novitio quorundam Scho-
 lasticorum commento, asserendo ac defendendo abstinetur.
 Multos enim nodos, ut jam alia eoque multo graviora argu-
 menta non allegemus, qui novas & falsas sententias mordicus
 defendendas suscipiunt, ipsi sibi inducunt, quos sine aperta
 contradictione dissolvere non possunt. Sed hic hujus libri,
 imo universæ de justificatione controversiæ, quinque libris a
 Bellarm. pertractatæ, & totidem a nobis optima fide pro modus-
 lo lucis & gratiæ concessæ examinatæ finis esto.

*Benedictus Deus, qui dat lazzo virtutem; & quibus non
 est robur, vires multiplicat. Esa. 40. 29.*



PART. II.

CONSIDERATIO

Æqua & Placida


CONTROVERSIÆ

DE

PURGATORIO.

CAP. I.

*An Purgatorium Romanensium firmum habeat
in Sacris Literis fundamentum, Nec ne?*

1.  Missis in præsentia iis, quæ de circumstantiis Purgatorii, viz. De loco, tempore, pœnarum genere, suffragiis & hujus generis aliis, minus certa apud ipsos Roman. habentur, & de quibus multum inter se variant: (videatur Bell Lib. 2. de Purgatorio per totum) de iis tamen quæ apud eos certa & de fide habentur, dicamus.

2. Quod locus sit aliquis, in quo tanquam in carcere post hanc vitam, eorum fidelium animæ, quæ alicujus temporalis

pœnæ peccatis mortalibus debitæ reatu adhuc obstrictæ, vel cum aliquibus peccatis venialibus migraverunt secundum iustitiæ divinæ rationem gravissime cruciantur, quoad penitus ab huiusmodi peccatis purgatæ in cœlum ingredi valeant, quo nihil intrabit coinquinatum (vide Bell. de purgat. lib. 1. c. 1. &c.) Dogma esse fidei communiter asserunt hodie Roman. & creditu tam necessariū (ut audacissime affirmat Bellarm. lib. 1. de Purgat. cap. 15.) ut qui non credit purgatorium esse, ad illud nunquam sit perventurus, sed in gehenna sempiterno incendio cruciandus. Idem etiam odiosissime repetit in apolog. Torti contra Seren. M. Brit. R. I. vide Episcopi Eliensis respons. ad illam apolog. cap. 8. pag. 209. Imo Panigorolla insaniens non dubitavit negare Deum esse, si purgatorium non sit, Lect de Purg. Taurini habitæ vide Synopsin purior. Theol. disp. 39. de purgat. thesi. 4.

3. Hanc tamen sententiam de Purgat. utut locum forte habere possit inter opiniones Scholæ, quæ non sine formidine contrarii sunt : ut loquitur doctif. Episc. Eliensis ubi supra pag. 208. inter fidei tamen articulos non posse imo nec dogma quidem Ecclesiasticum haberi posse, recte judicant Protestantes.

4. Primo enim dogma hoc nullum habet in Sacris Literis fundamentum neque ex vero, certo & perspicuo scripturæ loco demonstrari potest ; cum tamen in his quæ aperte in Scriptura posita sunt, inveniantur illa omnia, quæ continent fidem moresque vivendi, ut ait August. lib. 2. de doctr. Christi cap. 9.

5. Jactat quidem Bell. lib. 1. de Purg. cap. 15. jam vero atque etiam contra Regem (ubi supra) ex viginti Scripturæ locis Purgatorium patere, atque etiam hoc se probatum dedisse ; sed quam misere illa scripturæ loca detorserit, luculentissime demonstrarunt plurimi doctissimi Protest. aliique viri moderatissimi ex ipsis locorum illorum circumstantiis, ex Patribus, quos & interpretes citat, & ex aliorum Romanens. in eadem loca commentariis ; Lector diligens eos adeat, qui hanc controversiam copiosius contra Rom. tractarunt.

6. Idem etiam memini non clarissime apparere potest ex plurimis frigidissimis & timidissimis ipsius Bell. dictis, in omnibus fere prædictis locis explicandis & urgendis : mirum enim est, quantum sæpe frigeat Bellarm. in hac disputationis parte ad rem calidissimam probandum suscepta sed cogitationes mortalium

mortalium non possunt non esse timidae, & sententiæ incertæ, (ut verba sapientis, Sapien. 9. vers. 14. cum quadam variatione hic usurpem) quando scil. divinitus non diriguntur, per sapientiam ab eo acceptam.

7. Quum incerta enim & lubrica sunt ista lib. 1. cap. 3. ad 5. dum respondere conatur ad id quod obijciunt Protest. Eos pro quibus ex Judæ Machabæi præscripto oratum oblatumque fuit. 2 Machab. 12. in mortali peccato decessisse; ut qui de anathemate, *h. e.* de rebus quæ idolis Jamniæ sacratæ erant, suffurati essent. v. 40. contra legem Deuter. 13. 17. & comminationem quæ est Jos. 7. 12. cum Roman. pro Veniali tantummodo peccato orari & offerri debere doceant. “Dico, inquit Bellarm. peccatum illorum aut fuisse veniale quia forte ignorabant legis prohibitionem, &c. aut certe si mortale fuit, &c. aut saltem Judam Machabæum ita existimasse, &c. Sed quam dubie & hæsitanter hæc a Bellar. dicuntur? Certe sacrificium pro tanti criminis reis, de quorum poenitentia haud certo constaret, fieri non debuit, &c.

8. Ibidem S. ad 7. &c. “Præter hunc locum (Macab. scil.) sunt, inquit, alia quædam (testimonia nimirum) quæ solum probabiliter suadent, &c. Hæc autem sunt omnino novem, quæ post subjungit & urget; ut ibidem videri est: quæ non cogunt, seu solum probabiliter suadent, & quæ fere omnia varie exponi variosque sensus habere possunt, diserte confitente ipso Bellarm. vide loco citat. usque ad finem capitis.

9. Ex loco Matth. 12. ubi dicit Dominus esse quoddam peccatum quod non remittitur neque in hoc seculo, neque in futuro cap. 4. infert; quædam peccata remitti in futuro seculo, nisi in Purgatorio, &c. tamen respondeo, &c. inquit, “respondeo non sequi secundum regulas Dialecticorum id quod inferimus ex verbis Domini, &c.

10. De argumento & Palmario, quod fere omnes Roman. urgent & premunt (ex 1 Cor. 3. vers. 11. & seq.) confite-
tur idem Bellar. cap. 5. In ipso capitis principio locum istum esse unum ex difficillimis totius Scripturæ; quod etiam ex August. confirmat. Quomodo igitur ex eo Purgatorii dogma perspicue demonstrari potest? Ut videas quam misere seipsum fatiget, imo torqueat, ut purgatorium inde non eliciat, sed extorqueat; lege obsecro, æque Lector, totum illud cap. 5. atque insuere illud (ne inobservatum abeat) quod haud pro-

eul a fine Bellar. respondens ad objectionem gravissimam suæ explicationi loci hujus oppositum; absurdum scil. esse, Apostolum in eadem sententia varie accipere nomen ignis, semel pro judicio, & semel pro vero igne purgatorio, inquit S. respondeo primo, &c. "respondeo nos cogi ab ipso textu ad æquívocationem non unam, sed duas admittendas, &c. Male Bellarm. affirmat se ab ipso textu cogi; ipse enim tantum cogit textum æquivoce loqui, ad sensum suum incongruum (ut loquitur Hieron. ad Paulin.) aptando scripturæ testimonium; & ad voluntatem suam scripturam trahendo repugnantem, ut paulo post dicemus.

11. De loco I Cor. 15. quem urget cap. 6. quid faciunt qui baptizantur pro mortuis? &c. Sic loquitur Bellar. "hic locus aperte convincit, quod volumus, si bene intelligatur (caute admodum dictum, si bene, id est, ad mentem Bellarm. intelligatur) longe enim aliter Patres locum hunc intellexerunt, ut ibidem videre est, unde continenter: subdit Bell Sex invenio hujus loci expositiones, &c.

12. Quod ad locum Matth. 5. & Luc. 12. attinet, Esto consentiens, &c. amen dico tibi non exhibis inde donec reddas novissimam quadrantem. Audiatur Bell. c. 7. S. de sexto, &c. "de sexto conveniunt etiam sere omnes, &c. & paulo post, Augustinus putat hic agi de pœnis æternis gehennæ, &c. legatur caput totum.

13. In urgendo loco Matth. 5. Qui irascitur fratri suo reus erit judicio, &c. inquit ca. 8. S. respondeo primo, &c. "secundo dico, saltem ex hoc loco posse deduci pœnas aliquas post hanc vitam purgatorias esse. Ibidem de loco Philip. 2. ut in nomine Jesu, &c. S. utuntur, &c. "utuntur inquit, nostri hoc loco, sed tamen non videtur multum urgere, &c.

14. Vides igitur Lector, quam inaniter gloriatur Bellarm. locis supra citatis, purgatorium etiam ex viginti Scripturæ locis probari posse, atque etiam demonstrasse se illud ad fidei dogmata ita perspicue pertinere, ut quodlibet aliud certissimum dogma fidei.

15. Sed priusquam hinc abeamus, libet pauca ex Guil. Estio de loco illo celebratissimo, & in quo quasi fortunæ Purgatorii positæ plerisque Romanenses videntur, huc adscribere ex Comm. in I Cor. 3. &c. ad vers. 13. "Rursum alii, inquit, Bellarminum præcipue intelligens, cujus sententiam hic tacito illius nomine refellit) "existimant, Apostolum
" non

" non una significatione ignem accipere. Nam primo qui-
 " dem loco conflagrationis ignem intelligunt, secundo ignem
 " interpretantur severum & justum Dei iudicium, quo proban-
 " tur & examinantur omnia hominum opera : tertio denique
 " loco cum dicitur, ipsum hominem salvum fore, sic tamen
 " quasi per ignem, intelligi volunt ignem purgatorium anima-
 " rum post hanc vitam. Verum aliis absurdum haud imme-
 " rito videtur, Apostolum in uno contextu paucorum verbo-
 " rum tam varie loqui de igne : nec facile quisquam sibi per-
 " suaferit tertio loco purgatorium ignem animarum significa-
 " ri, si primo & secundo loco diversus ignis significatus fue-
 " rit. Quare, inquit, ut in hac obscuritate Pauli mentem at-
 " tingamus imprimis apparet ignem uno modo in hoc con-
 " textu accipi debere, &c. Affirmat igitur locum hunc totum
 de igne conflagrationis in die extremi iudicii intelligendum
 esse ; atque hic multa veterum citat testimonia de igne novissi-
 mi diei ; ut Basil. Hilar. Ambros. in Psal. 118. serm. 3. &
 secundo, Eucheri, Alcuin. Lactant. &c. Vide authorem ipsum
 late hac de re differentem. Movet tamen in fine explicationis
 huius loci inter alias quæstiones & hanc, S.3. " Tertia quæstio,
 " an & quomodo probetur ex hoc loco Purgatorium anima-
 " rum post hanc vitam. Si enim, inquit, opus uniuscujus-
 " que probabit ignis, atque ea probatio demum futura est in
 " die Domini, & ad eundem diem referendum est illud, Salvus
 " erit quasi per ignem, non modo non videtur ex hoc loco con-
 " strui Purgatorium animarum statim a morte corporum, ve-
 " rum etiam destrui, cum tota purgatio reservetur extremo
 " iudicio. Atqui Purgatorium ex hac scriptura Latini Patres
 " in concilio Florentino, licet Græcis dissentientibus, statuen-
 " dum putaverunt. Author, ne gregales suos irritaret & ni-
 mio plus offenderet, paucis respondet, Purgatorium anima-
 rum ex hoc etiam Pauli loco bene & solide colligi : sed quan-
 tum frigide id præstet, lector judiciose ipse tuis oculis vide.
 Ludit enim potius quam serio agit in ista sententia / hinc de-
 ducenda. Movet etiam immediate post, quæstione m ; cur A-
 postolus omiſſa mentione purgationis animarum, quæ fit me-
 dio tempore, loquatur tamen de igne extremi iudicii. Ejus-
 dem responsionem ad quæstionem hanc expende Lector, &
 clarissime videbis locum hunc totum nulla ratione ad purga-
 torium animarum, sed ad ignem extremi diei omnium opera
 probaturum, referendum esse. Licet longe aliter vir hic doctis-

simus hunc locum intelligendum censuerit in 4. sent. dist. 21. Sect. prima & quarta de purgatione scilicet animarum post mortem.

16. Audiatur etiam idem Estius de sensu loci I Cor. 15. quid facient qui baptizantur pro mortuis? &c. in comment. in locum ubi sic refellit expositionem illam, quam, Bellermin. cap. 6. veram & germanam, imo verissimam esse affirmat “sunt, inquit, alii quidam recentiores, qui Baptiza-
“ ri interpretantur affligi, quomodo sumitur Luc. 12. &c.
“ proinde sensum hunc faciunt, Frustra quidam pro mor-
“ tuis iuvandis orando, jejunando, & alia quædam dura
“ subeundo sese fatigant & affligunt, si mortui non resur-
“ gunt, &c. Verum certe non multum probabilitatis habere videtur istiusmodi commentarius; primum quod illa
“ baptismi significatio valde figurata sit ac rara, nec ab alio
“ quam a Christo usurpata. Quod enim ad verba Præcur-
“ foris attinet, loquentis de baptismo ignis Matth. 3. melius ea referuntur ad rem gestam in die pentecostes, &c.
“ deinde refellitur ille commentarius, quia baptismus iis
“ duobus locis, qui allegantur Luc. 12. et Marc. 10, non significat afflictionem seu passionem quamlibet, sed vehementem
“ eamque forinsecus illatam aut irruentē, ut sunt in scripturis,
“ persecutionum ac tribulationum, quibus qui merguntur &
“ obruuntur, baptizari videantur. Hoc autem ad voluntarias
“ afflictiones, ut sunt orationes, eleemosynæ & jejunia, quæ
“ pro mortuis adjuvandis suscipiuntur, accommodari non potest. Quas si Paulus omnino significare voluisset, non dixisset, qui baptizantur, tanquam ab aliis, sed qui baptizant
“ se ipsos pro mortuis; quomodo secundum scripturam, qui
“ voluntaria subeunt jejunia, se ipsos aut animas suas affligere dicuntur, ut Levit 16. & 23. & alibi. Hæc ille. Vide etiam Cornelium a Lapide in hunc locum qui Chrysostomi expositionem omnium simplicissimam esse iudicat. Adi etiam theses Vossii de resurrect. carnis thes. 18. & de utroque loco, vide notas J. Scaligeri in fine Novi Test. Græci excusi Londini, Anno 1628.

17. Quam incerte & hæsitante Episcopus Rossensis hac de re contra Luther. art. 37. (qui est; Purgatorium non potest probari ex S. Scriptura, quæ sit in Canone.) differit? “pri-
“ mū, inquit, dicimus, quod tamen ex Scripturis non possit pro-
“ bari purgatoriū veritas ejus nihilominus Christianis cunctis
“ credenda

“credenda est, &c. Paulo post, sibi certe contradicens :
 “quoniam Scriptura S. conclave quoddam est omnium veri-
 “tatum, quæ Christianis scitu necessariæ sunt, (nota hoc
 “obiter lector pro Scripturarum perfectione, &c. nemini
 “potest ambiguum esse, quin Purgatorii veritas in ipsa conti-
 “neatur, & quin ex ipsa quoque probari possit, &c.
 Et paulo infra : “quanquam fortassis unam aliquam Scriptu-
 “ram quæ protervientem adigat, uti rem velit nolit, confitea-
 “tur, in promptu non sit adducere, potest esse nihilominus
 “illic aliqua tametii diligentissimos hætenus inquirentes ipsa
 “latuerit, &c.

18. Joachimus Perionius in Topicis Theologicis, “Solus,
 “inquit, locus, Machabæorum, depromi potest ex Scripturis di-
 “vinis, qui aperte doceat preces & sacrificia prodesse mortuis,
 &c. Hosce autem Machabæorum libros canonicos non esse
 concedit (ut alios prope innumeros testes silentio prætere-
 amus) ipse etiam Gregor. magnus moral. lib. 19. cap. 17.
 “Non inordinate agimus, si ex libris, licet non canonicis, sed
 “tamen ad ædificationem Ecclesiæ editis testimonium profe-
 “ramus, &c. Et postea adducit locum ex 2 Machab. Unde
 “Julius Cæsar Bulingerus (referente Chamiero de Purgat.
 tom. 3. lib. 26. cap. 2. n. 3.) cum Mornæus hoc Perionii ob-
 jiceret apothegma : nullum se scire Scripturæ locum ad Purga-
 torium probandum ; adjecit difficile esse dari aliquem textum
 expressum & clarum, seque eam ob causam hæsisse locis iis,
 quos Patres Purgatorio applicarint, ut ostenderet non esse hanc
 rem novam, sed fuisse in primitiva Ecclesia. “Nam si rati-
 “onibus, inquit, agatur, de horum locorum interpretatione,
 “annus abiret totus, & tandem res maneret indefinita.

19. Petrus a Soto (qui Tridenti tempore Concilii obiit)
 in assertione Catholica p. 83. “Non est, inquit, cur mirari de-
 “beamus quod nec prophetica nec Apostolica scripta aliquid
 “certi & perspicui de Purgatorio tradiderint, cum certum sit
 “multa sine Scripturis esse tradita, &c. Et 84. “illis Scriptu-
 “ræ locis (quæ scil. pro Purgatorio citari solent) fatemur
 “non apte Purgatorium probari ; sed quod ex certa fidei re-
 “gula credimus, id autoritatibus illis advertimus judicari,
 &c. Et pag. 85. “Nec eorum, qui purgatorium negant,
 “argumenta efficacia sunt sumpta ex eo maxime, quod in scri-
 “ptura nihil perspicue de eo traditur, cum jam constet, multa
 “non

“ non scripta fuisse eorum, quæ credenda sunt, sed authoritas
 “ Ecclesiæ satis est, &c.

20. Idem in sacerdotum instructione lect. 1. de purgat. ingenuè confitetur; “ Minus apertas, minus efficaces esse, &
 “ minus probare authoritates scripturæ, quæ ad probandum
 “ purgatorium a suis doctoribus adseruntur: illis itaque non
 “ esse utendum, &c. Item non esse necessarium nec oportu-
 “ num initi loco Matt. 12. Non remittetur neque in hoc seculo,
 “ &c. quia responderi potest, dictum esse secundum quandam
 exaggerationem & hyperbolen. Neque etiam ex illo 1 Cor. 3.
 “ sic tamen quasi per ignem, probari esse aliquod tale purgatori-
 “ um post mortem; quia talis ignis debet intelligi, ut ambo per
 “ eum transeant tam qui aurum, quam qui fœnum ædificant.
 “ Quæ ratio, (inquit idem) efficacissime arguit, ibi non pro-
 “ bari purgatorium post mortem, aut si cui videtur, nihilo-
 “ minus probari posse, certe propter ambiguitatem sensus mi-
 “ nus est evidens. Quare nec illi innitendum: locus autem ex
 “ Machabæo 2. cap. 12. de igne aliquo purgatorio aut loco in
 “ quo animæ ustulantur, nihil habet, & ita potest explicari,
 “ ut ex eo suffragia pro mortuis saltem ex facto inde probari
 “ non possit. Sed præterea de libri illius authoritate, an scil.
 “ Canonicus sit, dubium fuit apud antiquos, quod tempore
 “ Augustini nondum satis explicatum videbatur, ait idem So-
 to: qui asserit, dogma de purgatorio certius & evidentius
 quam sit libri illius authoritas: nec esse evidentiora minus evi-
 dentibus confirmanda, &c. Vide Synopsin purior. Theol. loco
 supra citato.

21. De authoritate 2 Mach. Adi sis inter alios innumeros
 viri longe doctissimi Petri Picherelli judicium in appendice de
 Missa pag. 34. “ Quo ex loco (2 Machab. cap. 2. 29.) in-
 “ quit (ut hoc obiter annotem) Author ipse Epitomes satis
 “ indicat, quantum ipsi veritatis & sinceræ exactæque dili-
 “ gentiæ sit tribuendum qui eam non a se, sed ab autore Jasone
 “ velit requiri, &c. Et in dissertatione de Missa, pag. 142.
 de loco cap. 12. vers. 43. in omnibus bibliis latinis corrupto,
 ita loquitur “ 2 Maccab. 12. *ἡμῶν ἀμαρτίας θυσιὰν*, pro
 “ peccato sacrificium dicit author, sed corruptus locus Latine
 “ corrupte adhuc legitur in templis, in omnibus bibliis pro
 “ peccatis mortuorum.

22. Imo purgatorium, quod hodie astruunt Roman: non
 modo

modo nihil fundamenti habet in scripturis, Sed etiam cum plurimis illarum testimoniis aperte pugnat : sicut Protestantes aliique etiam viri moderati abunde demonstrarunt. Quos quia nos brevitatem affectamus tibi consulendos reliquimus, Lector studiose.

23. Sufficiat impræsentiarum locus maxime insignis & illustris quo (ut recte Picherellus dissert. de Missa pag. 156.) paucis verbis B. Johannes purgatorium ignem extinxit, Apoc. 14. v. 13. beati mortui, qui in Domino moriuntur ; a modo (etiam dicit spiritus) ut requiescant a laboribus suis, &c. quem paulo accuratius excutere & a corruptelis contradicentium vindicare fortasse nec ingratum nec inutile erit Lectoribus.

24. Ad hunc locum respondent. 1. multi Rom. non esse intelligendum nisi de martyribus, ita ut mori in Domino sit mori pro Domino, aut propter Dominum, quia scil. sæpe præpositio] in, apud Hebræos idem valet quod propter aut pro, &c. In hanc etiam sententiam explicant quidam Protestant. Beza & Piscator in locum Bellarm. lib. 1. cap. 12. affirmat loqui B. Joan de viris perfectis, ac præsertim de sanctis martyribus (eos enim eo loco, inquit, consolari volebat) qui simpliciter moriuntur in Domino, neque aliquid purgandum secum ferunt. Similiter & Estius in locum, &c. de viris perfectis intelligit.

25. Sed expositio hæc repugnat communi fere omnium exppositorum sententiæ, quæ est, (ut confitetur Ribera ipse in locum) hæc de omnibus justis dici. “ Primasius illi in Domino dicuntur mori, qui fide vitæque probabiles hinc meruerunt evocari, &c. vide Authorem. Arethas Cæsariensis in locum, non omnes prædicat beatos mortuos, sed in Domino morientes. Ἰὼς νεκρωθείτας τῷ κόσμῳ, καὶ τῷ νεκρῶσιν τῷ κυρίῳ Ἰησοῦ ἐν τῷ σώματι περιφέροντας, mortificatos mundo, & mortificationem Domini Jesu in corpore circumferentes.

Videatur Gagnæus in locum sententiam Veterum Græc. referens Beda, citante Ribera, “ gratias tibi ago, Jesu, qui beatificas eos in cælo, qui in te moriuntur in terra. Quanto magis illos, qui & in tua & pro tua fide felices ponunt animas ! Anselmus, qui in confessione Domini vera dissolvuntur.

Haymo, quem Bellarm. & Ribera citant, sententiam hanc non improbat. “ Qua, inquit, sententia Beati qui, &c. simpliciter potest, intelligi. Beati mortui seculo, qui in Domino moriuntur, viventes virtutibus, qui scil. pleni fide, & ceteris bonis operibus de hoc mundo migrant. Hæc vox tam ad ipsum Johannem pertinet, quam ad omnes fideles, qui remunerationem sempiternam expectant. Quod superius dicit, Beati qui in Domino moriuntur, omnibus electis congruit, &c. videantur & alii.

26. Unde, Ribera in locum, “ quæritur, inquit, an probanda sit communis illa expositio, de omnibus fidelibus scil. &c. Respondeo, veram etiam esse & probandam, eique favore consuetudinem Ecclesiæ, quæ in officio defunctorum hæc verba proponit, quasi de omnibus velit quodammodo intelligi : causa est, quod esse in Domino, sive esse in Christo, significat intra ejus corpus contineri, non quomodocunque, sed ut viva membra. Roman. ultimo salutate eos qui sunt ex Narcissi domo, qui sunt in Domino, vers. 11. Salutate Andronicum & Juniam, qui & ante me fuerunt in Christo, v. 7. Rom. 8. 1. ad Gal. 1. v. 22, &c. Denique idem est esse in Domino & manere in Domino, nec dicuntur in Domino manere, nisi qui cum fide jungunt charitatem. Joh. 15. Manete in me & ego in vobis. Qui manet in me, & ego in eo, &c. ita etiam in Domino moriuntur, qui usque ad mortem in eo manent, & cum moriuntur, viva Christi membra sunt. (vide 1. Cor. 15. 18. 1 Thes. 4. 14.)

“ Est autem & hic sensus ad id, quod Apostolus agit, aptissimus, quoniam & priorem illum complectitur, & latius manet, ad omnesque justos pertinet : & quamvis plurimi eo tempore Martyrio vitam finient, tamen multi etiam fugati & spoliati a ministris Antichristi, & multi, incommodis affecti, tandem sine martyrio morientur in summa sanctitate ; de quibus etiam Apostolo loquendum fuit, & quos non putandum ab hac beatitudine excludi. Beati mortui, qui in Domino moriuntur, cum eis causa, quæ subditur, conveniat ; a modo etiam dicit spiritus ut requiescant, &c. Hæc omnia Ribera, qui alioqui sententiam de solis martyribus hic intellectis maxime probat.

27. J. Lorinus Jesuita in Acta Apostol. cap. 7. vers. 60. obdor-

obdormivit in Domino, &c. “ Nihilominus, inquit, pri-
 “ or expositio loci (scilicet, Beati mortui, qui in Domino
 “ moriuntur, de cujus loci sensu illic agit) recipienda est de
 “ omnibus, scilicet iustis, quam Ecclesia agnoscit, proponens
 “ in officio defunctorum illa verba de omnibus iustis, eamque
 “ sequuntur And. Casariensis, Beda, Richardus de S. Vi-
 “ ctore (quem tamen Bellarm. affirmat, locum intelligere
 “ solum de viris perfectis, &c.) Primasius, Answertus,
 “ Joachimus Abbas, Hugo Cardinalis, Carthusianus, Vie-
 “ gas noller (Jesuita scilicet) & alii, nec Haymoni displi-
 “ cet; (nota obiter contra Bellarm.) ita locum illum Ber-
 “ nardus etiam intellexit (in sermone ad milites Templi
 “ cap. 1. epist. 98 & Serm. 29. ex parvis) Favet quo-
 “ que eadem Epistola Pauli ad Roman. modo citata cap.
 “ ultimo v. 7. 11. & Epistola ad Gal. cap. 1. v. 22. aliaque
 “ ex utroque Testamento exempla colligit noster Sa. in in-
 “ dice Scripturæ. Ex quibus intelligi potest, quod esse in
 “ Domino, vel in Christo significat esse, &c. ut supra
 “ apud Riberam habes. Quare in Domino etiam moriun-
 “ tur & obdormiunt, inquit, qui manent in eo usque ad
 “ mortem, & in ipsa morte sunt viva ejus membra. Qui
 “ sensus congruit proposito Johannis, quia etsi sub Anti-
 “ christo plurimi vitam Martyrio finituri sint; alii tamen,
 “ et jam non pauci, ab ejusdem ministris affecti variis aliis in-
 “ commodis morientur sancte, sed sine Martyrio : quibus ta-
 “ men omnibus, & his convenit quod ibidem subditur, a mo-
 “ do etiam dicit Spiritus, &c. Hæc ille ex Ribera fere omnia
 verbatim conscribens.

28. Ex prædictis liquet quam absurdum, imo monstrum
 sermonis novum sit, quod dicet Bellarm. lib. 1. cap. 12. circa
 finem; Fideles aliquos non simpliciter mori in Domino, sed
 partim in Domino ratione charitatis, quam secum ferunt,
 partim non in Domino ratione peccatorum, quæ nihilominus
 secum ferunt.

29. Concessio enim quod multi Patres, & viri quidam hu-
 jus sæculi doctissimi & moderatissimi ut probabile admittunt,
 (qua de re infra plenius dicemus) fideles aliquos posse &
 solere ex hac vita decedere cum peccato aliquo, vel etiam
 aliquibus levioribus hic non remissis, sed in vita fu-
 tura post mortem intercessione Ecclesiæ, non autem
 poenarum Purgatoriarum a Romanensibus fictarum
 tole-

toleratione, remittendis ; moriuntur nihilominus & hi simpliciter in domino, nempe in Christi gratia ; & in morte viva illius membra sunt , alioqui perpetuis suppliciis mancipandi essent ; & beati sunt pro statu tali intermedio ; neque poenis illis gravissimis & acerbissimis, quæ finguntur in purgatorio, cruciantur, sed statim a morte & vitæ hujus æruninis ad quietem vel requiem cœlestem abeunt : majorem interim beatitudinis cœlestis gradum in die visionis Dei claræ & plenæ ardentibus votis expetentes & cum plena fiducia ut plurimum expectantes.

30. Bellarminum nihil juvat quod Augustinus lib. 3. contra 2. Epistolas Pelag. cap. 3. dicat ; justos in hac vita partim esse filios Dei, partim filios hujus seculi, ac proinde neque mirum videri debere, quod aliquos dicat ipse mori partim in Domino, partim non in Domino ? Etenim dicet quidem August. eo loci, justos hic esse filios Dei, & filios seculi ; diversa scil. ratione, qua peccant vel non peccant ; sed nusquam dixit August. eosdem esse partim filios Dei, partim non filios Dei : siquidem filii Dei, non filii Dei repugnantia sunt, ut non possit, qui filius est Dei, esse non filius Dei. Diversa autem hic sunt Filii Dei, filii seculi, sed non repugnantia : sed mori in Domino, non mori in domino ut loquitur Bell. non diversa sed potius contradicentia sunt.

31. Sed respondet Bellarm. ad locum, cum Anselmo, illud a modo non significare a morte uniuscujusque, sed ab extremo judicio, de quo, inquit, toto eo cap. S. Joh. loquitur, &c. Sed quam absurde locus hic sic exponitur ? Beati qui in Domino moriuntur, quia a modo, nempe a die extremi judicii, in æternum requiescent a laboribus suis. Ecquis enim & qualis interim erit status in Domino morientium, five animarum piarum a corpore separatarum ante finale judicium ? Beatusne an vero miser erit, quærat quispiam ? Quis non videt ad idem tempus presens scil. utrumque referri ? Beati mortui qui in Domino moriuntur, & a modo, beati scil. sunt five per trajectionem τὸ ἀπ᾿ αὐτοῦ cum nomine Beati cum quibuldam connectere libet (vide Bezam in locum) vel etiam cum sequentibusnectere magis placet cum interprete Latino, a modo etiam, &c. (ubi hoc obiter annotetur hic in Latinis Codicibus pro etiam val legi jam. Vide Riberam in locum ut Petr. Picher. de Missa p. 128. & in appendic. de Missa pag.

pag. 341. 342.) sensus enim loci sic erit, *iva*, ut, ut per tra-
jectionem transposita, ut a modo requiescant a laboribus suis
quam particulæ hujus transpositionem non raro invenire est
in Scripturis Act. 19. 4. Rom. 11. 31. 2 Cor. 2. 7. & 12. 7.
etc. Vide Picherellum ubi supra pag. 128. & 341. & 342.
(quod vero cum verbo Moriuntur potius construendum, indi-
cant quidem etiam e Protestantibus, Piscator, qui ad supplicia
Christianorum tempore Antichristi locum restringit. Cham-
ærus autem tom. 3. lib. 23. cap. 5. n. 5. arbitratur non pos-
se cum sequentibus construi; quia scilicet particula *va* non
solet subjici primæ commatis voci, sed incoare potius ipsam
sententiam, utrumque infirmum est. “Est enim hæc parti-
“cula, inquit Beza in locum, cum *marginis* necessario con-
“nectenda, quoniam alioqui prioribus seculis mortui in hac
sententia non comprehenderentur, etc. Ribera, “si autem
“dicamus, Beati mortui, qui in Domino moriuntur, a modo,
“cur additum est, a modo, cum semper beati fuerint, qui in
“domino moriuntur? illud etiam Chamerianum infirmum
esse, ex sequentibus Ribera patet, dicamus ergo, a modo etiam
dicit spiritus, sive ut legit Primasius, ab hinc etiam Spiritus,
nempe quoniam spiritus sanctus dicit & jubet, ut ex hoc tem-
pore requiescant a laboribus suis, id est, a tempore mortis, etc.
Grebræ enim multarum istiusmodi particularum trajectiones
in sacris literis occurrunt.

32. Sed ut de re ipsa dicamus; audiantur Veteres, qui
τὸ ἀνάγει a tempore mortis exponunt. Consistente Ribera
Ambrosius, vel qui illi tribuitur Commentarius in Apocal. a
modo nempe a tempore mortis suæ requiescent sancti a labo-
ribus suis. Haymo, Beda, qui etiam affert illud Psalmi 126.
cum dederit dilectis suis somnum, ecce hæreditas Domini.
Aretas, illis enim revera exitus a corpore requies est liberans
a laboribus. Ansbertus, etc. Vide Riberam, “in quibus in-
“quit verbis ostenditur sanctos in hoc mundo nequaquam a
“laboribus cessaturos, nec requiem illis esse quæren-
“dam. Quousque enim labor consummetur, necesse est,
“ut ab opere manus intentionis non dissolvantur, etc. Adi
Riberam.

33. Quod affirmat Bellarmus toto illo cap. 14. agi de ex-
tremo judicio, falsum esse probat, vel ipsa textus inspectio
vers.

vers. 8. &c. Concedunt etiam Romanenses plurimi : ac proinde huic solutioni non admodum confidens Bellar. inquit loco supra citato ; “ vel si id minus alicui probetur, respondere
 “ possumus cum Ric. de S. victore, &c. atque hæc de hoc Scripturæ loco imprimis claro sufficiant : pergamus ad sequentia.

C A P. II.

An ex Patribus certo, & perspicue Purgatorium Romanensium probari possit.

1. **S**ED neque etiam ex Patribus ante Gregorii Papæ ætatem Purgatorium quale astruunt Rom. certo & clare probari potest, ut jactitet Bellarm. lib. 1. cap. 15. S. De tertio, &c. Omnes veteres Græcos & Latinos ab ipso tempore Apostolorum constanter docuisse Purgatorium esse; & cap. 10. S. deinde, &c. appertissima esse loca in Patribus (Græcis & Latinis, vide titulum capitis) ubi asserunt Purgatorium. Multo parcior & modestior fuit Roffensis, qui contra artic. 18. Luth. hæc scripsit ; “ apud priscos nulla, vel quam rarissima
 “ fiebat mentio. Sed & Græcis adhuc usque diem non est
 “ creditum Purgatorium esse. Legat qui velit Græcorum Veterum Commentarios, & nullam, quantum opinor, aut quam rarissimum de Purgatorio sermonem invenit. Sed neque Latini simul omnes, sed sensim hujus rei veritatem conceperunt.

Suffragatur Alphonsus de Castro adversus hæres. lib. 8. tit. indulgentiæ. “ In Veteribus de purgatorio sere nulla, potissimum apud Græcos scriptores mentio est, qua de causa
 “ usque in hodiernum diem purgatorium non est a Græcis creditum, &c. Eadem legere est apud Polydorum Vergilium de invent. rerum lib. 8. cap. 1. ex Roffensi Episcopo verbatim repetita.

2. Citat Bellarm. lib. 1. cap. 5. S. ex Græcis, &c. imprimis Originem apertissime ut ait, purgatorium docentem Homil. 6. in Exod. & Homil. 14. in Levit. & Homil. 12. in Hier.
 vide

vide & cap. 10. &c. Sed Deus bone qua fide ! cum certum sit Origenem præter pœnalem hujus seculi purgationem non aliam agnovisse quam per ignem talem, quem extremo judicii die subituri sint Apostoli etiam ipsi, omnesque omnino mortales, uno Christo accepto.

Vide varia Origenis loca hujus rei firmandæ apud Sixtum Senensem Bibliothecæ S. lib. 5. annot. 170. Tutetur etiam idem Bellarm. ipse de purgat. lib. 2. cap. 1. S. adde quod, &c. Imo omnes malos tam demones, quam homines, tandem inferno penitus evacuato salvandos, & proinde omnes pœnas post hanc vitam esse Purgatorias, censuisse Origenem referunt & errorem refellunt Epiph. August. lib. 21. de civit Dei cap. 17. & 23. & libri de hæres. c. 43. &c. Vide Bellarm. ibidem S. secundus error, &c. & lib. 1. c. 2. S. porro non defuerunt, &c. Et Sixt. Sen. Biblioth. lib. 5. annot. 131.

3. Citatur a Bellarm. & quidem primo loco, ubi supra cap. scil. 10. Greg. Nyssenus in oratione de mortuis, operum tom. 2. edit. Græco-Latinæ pag. 1066. “vel, inquit, in præsentī
“vita precibus sapientiæque studio purgatus, vel post obitum
“per expurgantis ignis fornacem expiatus ad pristinam vellet
“redire felicitatem. Et infra pag. 1067. non poterit a corpore
egressus, &c. Et infra pag. 1068. aliis post hanc vitam, &c. Sed parum advertit Bellar. Greg. Nyssenum apocatastasin sive redintegrationem illam, quam etiam peccatores omnes in fine consecuturos existimavit Originem intellexisse & probasse. Audiatur Author tractatus illius Græci de purgat. qui extat cum Nili opusculis excusus Hanoviæ Anno 1608. (apologia fuit Græcorum de purg. igne in concil. Basil. exhibita) pag. 146. “Superest unus, viz. Greg. Nyssenæ Ecclesiæ Præsul.
“qui magis quam alii quæ pro vobis faciunt dicere videtur, at-
“qui satius erat illius auctoritatem præterire nullaque ratione
“nos cogere eorum quæ dixit, defensionem aperte in medium
“proferre ; dicendum tamen nobis est, salva quoad ejus fieri
“potest patris illius existimatione. Homo erat, &c. cum ita-
“que quæstio de pœna æterna nondum agitata, discussaque
“esset, bene etiam Greg. Nyssenus opinioni ἀποκατάστασις
“sive restitutionis aut redintegrationis, quam peccatores con-
“sequentur, & quæ finem supplicii infert, accessisse poterat :
“nihil aliud supplicium illud esse statuens, quam purgationem
“quandam, & fornacem attractionemque ad Deum per dolo-
“rem & labores ; tanquam futura tandem perfecta instaurati-
“one

"one omnium, etiam dæmonum ipsorum; ut sit inquit Deus
 "omnia in omnibus juxta dictum Apostoli, &c. Lege autho-
 rem, & paulo infra pag. 150. "quæ dicta sunt igitur, tam-
 "etsi etiam a B. Gregorio de igne illo dicta sint, purgationem
 "non particularem, sed perfectam inferunt, καὶ τελείαν πάντων
 "ἀποκατάστασιν, absolutam omnium redintegrationem. Ne-
 "quaquam vero nobis fidem faciunt, qui ad communem to-
 "tius Ecclesiæ sententiam respicimus, & sacris Scripturis tan-
 "quam regula ac norma utimur, neque quid unusquisque pe-
 "culiariter scripserit, consideramus. Neque si quis alius de
 "Purgatorio igne alia quædam scriptis mandavit, ea amplecti
 "necesse habemus. Neque enim Scriptura duplicem pœnam
 "(temporalem scilicet in Purgatorio & æternam) & dupli-
 "cem ignem (purgatorium & æternum gehennæ) neque
 "quinta Synodus Oecumenica (quæ scilicet sententiam
 "Origenis & sequacium damnavit) nobis tradidit, &c. Hanc
 autem fuisse sententiam Gregorii Nysseni clarissime liquet ex
 oratione in illud : Quando sibi subjecerit omnia, tunc ipse
 quoque filius subjicietur, &c. Oper. tom. I. pag. 844.
 "Quisnam est ergo scopus verbi, cujus in ea parte dogma tra-
 "dit divinus Apostolus ? quod aliquando ad nihilum transibit
 "mali natura plene & perfecte deleta ex rerum essentia : divi-
 "naque & ab omni interitu aliena bonitas in se continebit
 "omnem naturam ratione præditam, nullo ex iis qui a Deo
 "facti sunt excidente a regno Dei ; quando omni vitio, quod
 "rebus fuerat immistum tanquam aliqua natura adultera, per
 "ignis purgatorii fusionem consumpto, omne quod a Deo or-
 "tum habuit, tale factum fuerit, quale erit ab innitio ; quan-
 "do nondum susceperat unum, &c. Ecquid clarius dici po-
 "test ? Nec alia est Gregorii mens in locis a Bellarm. citatis, ut
 diligens & considerata illorum lectio clarissime demonstrat.
 Similia etiam legere est in Oratione de anima & resurrectione
 tom 2. pag. 654. & 661. Vide Scholia idcirco in margine utri-
 usque loci in editione sæpe nominata, ad authorem ab errore
 Origenico vindicandum, si fieri possit, adjecta. Vide & lo-
 cum de hominis opificio, cap. 21. &c. tom. I. pag. 99. &
 100. Unde in præfatione Nysseni operibus præfixa hæc lege-
 re est. "Huic item Catholico libro, sicut & ille de anima &
 "resurrectione disputationi cum sorore Macrina, quidam hæ-
 "retici, ut in plerisque veterum lucubrationibus, dogmata
 "non

“ non nulla, præcipue vero Origenis injecerant, Nicephoro
 “ teste lib. 11. cap. 19. &c. Adi etiam si libet Arch. Spalat.
 ad prædicta Nysseni loca respondentem, lib. 5. de Rep. Eccles.
 cap. 8. n. 143. 144.

4. Quæ ex Ambrosio in psal. 63. & in psal. 118. serm. 20.
 Hilario in illa verba Psalmi 118. concupivit : lactantio lib. 7.
 cap. 21. Divin. Instit. anima mea, &c. Hieron. in cap. 7.
 Amos. Ruperto lib. 3. in Genesin. cap. 32. a Roman. allegan-
 tur nihil ad purgatorium Scholiasticum, sed ad Origenicum
 dogma, de omnium post hanc vita n, tam bonorum quam ma-
 lorum, uno Christo excepto, igne ultimæ conflagrationis,
 purgatione spectant. Vide Sixt. Senensem Bibl. lib. 5. annot.
 271. ab horum, inquit, authorum sententiis, &c. Imo Bell.
 ipse, qui horum patrum testimonia tanquam appertissima pur-
 gatorio probando adduxerat, lib. 1. cap. 10. libro tamen 2. c.
 1. S. primus, &c. “ Hæc sententia, inquit, purgari scil. debe-
 “ re post hanc vitam tam bonos quam malos, solet tribui Alcu-
 “ ino, sed videtur esse non ejus solum, sed multorum Patrum,
 “ Orig. Ambr. Hil. &c. Et paulo infra. Hæc sententia accepta, ut
 “ sonat, manifestum errorem continet, &c. & infra, adde quod
 “ Patres adducti, origine accepto (cujus verba Homil. 14. in
 “ Lucam, non patiuntur commodam expositionem) videntur
 “ sano modo intelligi posse. Nam aliqui eorum per ignem non
 “ intelligunt ignem purgatorium sed ignem divini judicii, &c. Ita vi-
 “ dentur de igne loqui Hilarius & Hieron. & in loco posteriore
 “ Ambrosius. Aliqui vero videntur intelligere per ignem, ve-
 “ rum ignem purgatorii, per quem tamen dicunt transire san-
 “ ctos sine ulla lætione, ita ut transeant per purgatorium ma-
 “ terialiter, non formaliter. Ita videntur, inquit, loqui Lact-
 antius, Ambros. & Rupert, &c. Vide etiam hic, lector, quæ
 fide Bellarm. supra lib. 1. cap. 10. horum patrum loca, tan-
 quam disertissima, purgatorio firmando, produxerit ; nunc ta-
 men pleraque longe aliter intelligenda videri affirmat. Quam
 etiam inepta est subtilitas ista transeunt etiam sancti, ex Lact-
 antii aliorumque quorundam Veterum sententia, per purga-
 torium materialiter, non formaliter ? Lactantium de igne
 in die resurrectionis tantum loqui ingenue fatetur etiam Sua-
 rez, ipse, tom. 2. in thes. g. 59. art. 6. disp. 57. S. vide etiam
 Estium in 1 Cor. 2. Locus ipse vel leviter inspectus idem effi-
 cacissime probat. Expendantur verba, nec tamen omnes in
 una commansionis custodia, &c.

5. Illud Tertulliani L. de Materia c. 35. “ Ille te in carcerem
 “ mandet infirmum, unde non dimitteris, nisi modico quo-
 “ que delicto mora resurrectionis expenso, (vide etiam caput
 “ ultimum illius libri, quod a Bellarm. bis citatur; lib. 1. c. 7.
 atque rursus cap. 10.) ad Purgatorium Romanensium nihil
 facit. Longe enim aliud est, modicum quodque delictum,
 mora resurrectionis (quam absque Dei visione esse multi
 veterum existimabant) quæ non sensus, sed damni tantum
 poena est, quam poenis purgatoriis, quæ sensus finguntur
 esse, & quidem gravissimæ & acerbissimæ, expendi live re-
 solvi. Præterea expendi mora resurrectionis, nihil aliud esse
 potest, quam pro peccatorum discrimine alios aliis maturius
 vel tardius resurgere. Chiliasmum enim errorem approba-
 vit Tertullian. vide lib. 3. adversus Marcionem, haud pro-
 cul a fine. “ Hæc, inquit, ratio regni cœlestis, post cujus mil-
 “ le annos, intra quam ætatem concluditur Sanctorum resur-
 “ rectio pro meritis maturius vel tardius resurgentium,
 &c. Vide Sixt. Senensem, Bibl. lib. 5. annotat. 233.
 & lib. 6. annotat. vel Riberam in Apocalyps. cap. 20.
 vers. 9.

6. Triumphant fere omnes Romanenses in illo Cypriani
 lib. 4. epist. 2. ad Antonianum, “ aliud est ad veniam sta-
 “ re, aliud ad gloriam pervenire, &c. Vide Bellarm. lib. 1.
 cap. 7. & 10. aliosque innumeros. Sed hic locus primo ob-
 scurus est, unde nihil certi aut perspicui colligi potest. Secun-
 do, respondet Matthæus Sutlivius lib. de Purgatorio contra
 Bellarm. cap. 15. pag. 175. & cap. 17. pag. 237. hæc verba sibi
 adhibita videri a falsario. “ Plane enim, inquit, interum-
 “ punt Cypriani sententiam, & nihil attinent ad ipsius pro-
 positum. Sed hoc modum est secare non solve. Huic in-
 certæ, si non plane inani & falsæ conjecturæ repugnant om-
 nes codices, 3. Respondent communiter Protestantes fere
 omnes hisce verbis comparari statum lapsorum pœnitentium
 in hac vita cum statu Martyrum post mortem; quia scilicet
 hac in epistola tractat Cyprianus de satisfactionibus Ecclesi-
 asticis, sive Canonicis, &c. Ac proinde ut illa ad glori-
 am pervenire, & cætera quæ ut *ἰουδυναμὸν* a Cypriano
 ponuntur, ad statum Martyrum post mortem spectant: ita &
 illa ad veniam stare, & missum in carcerem non exire, nisi so-
 luto novissimo quadrante, & longo dolore cruciatum emun-
 dari

dari & purgari igne diu, &c. ad statum poenitentium in hac vita pertinere. “ Nam his omnibus allegorice designati putant (verba sunt Chamier. tom. 3. l. b. 26. de purgat. cap. 7. n. 26.) “ statum eorum, qui poenitentiam solennem agerent. Nam hujusmodi ad veniam stabant, &c. Lege Chamierum aliosque Protestantes in eandem sententiam respondentes. 4. Sed si locus Cypriani recte expendatur, videtur potius Cyprianus hic eorum Patrum sententiam sequi, qui purgationis animarum eundem finem statuunt cum mundi purgatione per ignem extremæ conflagrationis; oppositio enim (ut utar Chamieri verbis loco quo supra n. 29.) manifestior est, quam dissimulari possit : martyres quidem statim a morte sua coronari sed hos poenitentes differri in ultimum diem judicii, tum demum judicandos, &c. Subjungit quidem Chamierus ibidem, non esse necesse verba Cypriani sic intelligere, &c. Sed si verba ipsa recte perpendantur, & addantur illa, quæ paulo ante habet Cyprianus ibidem, “ utrumne diabolis favemus, “ &c. an vero ut sacerdotes Dei & Christi, &c. Vulneratum de adversariis faucibus rapimus, ut curatum Deo judici reservemus, &c. clare apparebit, Locum vix aliter intelligi posse. Clara enim sunt ista ; “ aliud est ad veniam stare, & pendere in die judicii ad sententiam Domini, &c. Et quæ interfertur, nissum in carcerem non exire inde, &c. pro peccatis longe dolore cruciatum emundari & purgari diu igne, figurative tantum dicta sunt de igne doloris ; quo propter divinæ visionis privationem, cum aliqua etiam saltem aliquarum incertitudine ejus quod futurum est, animas multorum usque ad judicii diem gravissime affici multi Patrum existimabunt. Chamierus ipse non nisi timide communem Protestantium responsionem approbat. Unde lib. dict. nihil absurdi, inquit, esse potest, &c. n. 26. Et hic dolor, imo universa hæc poenitentiae probatio cur non ignis, &c. (licet idem cap. 13. n. 49. paulo audacior sit) & n. 27. hoc certe verius, vel saltem propinquius vero, &c. Responsio Archi-Episcopi Spalatensis de Rep. Eccles. lib. 5. cap. 8. n. 141. In quibusdam ejus loci verbis explicandis a communi Protestantium responsione & sententia non nihil discrepat ; sed nec ea per omnia nobis probantur. Videatur Author. Sed ad Purgatorium Romanensium, quicquid demum hic senserit Cyprian. nihil prorsus facit, hic locus : neque enim qui in Purgatorio

torquentur dici possunt ad veniam stare, dum ab iis exigantur poenæ gravissimæ ad ultimum quadrantem usq; nec ad sententiam Domini in die iudicii pendere, id est, incerti sententiam domini in dei iudicii expectare, quæ-nam illa scilicet futura sit; nam animas in Purgatoria Romanenses ipsi docent de salute sua certas & securas esse.

7. Hieronim in ultima verba Esaia: sicut diaboli & omnium negotiorum, &c. loquitur de poenis peccatorum atque impiorum Christianorum, quorum opera in igne probanda atque purganda sunt; igne scilicet ultimæ conflagrationis; ut supra sæpe dictum, & quorum moderatam arbitratur, mistam clementiæ sententiam iudicis, nempe damnationem æternam quidem futuram, contra quam censuit Origenes; aliquanto tamen leviolem ac mitiorem præca, quæ futura est omnium negatorum atque impiorum, qui dixerunt in corde suo, non est Deus. Similiter & locus alter lib. 1. contra Pelagianos intelligendus est, si autem Origenes, &c. Et Christianos, si in peccato, &c. Salvandos esse, post poenas scilicet in illo extremi iudicii igne. Quod si autem hæc benigna locorum Hironimi explicatio non satisfacit, observa Lector, esse aliquos (teste Bellarmino ipso de Purgatorio lib. 2. cap. 1. Sect. Est autem, &c.) qui arbitrentur, B. Hieronymum in hoc errore fuisse; omnes scilicet Christianos, (modo recte de fide sentiant) quantumvis impios, in fine post poenas inferni salvandos; atque ex duobus locis prædictis idem collegisse. Idem non nisi timide ibidem Bellarminum negant, quando ait, "videtur tamen Hieronymus in hoc errore non fuisse. Sed si verba diligenter considerentur, Hieronymus in locis citatis ab hac sententia non omnino abhorruisse videbitur. Frustra enim Bellarmin. in priore loco affirmat, Hieronymum dicere quidem Christianos impios salvandos, sed addere conditionem restringentem; cum ait, quorum opera in igne probanda & purganda sunt: id est, interprete Bellarmino aliisque etiam Romanensibus, illos solos Christianos impios salvandos, quorum opera mala jam purgata quo ad culpam, purganda erunt quo ad reatum poenæ.

Certe Hieronymus loco dicto non distinguit inter peccatores Christianos, quorum nonnulli igne purgatorio probandi, atq; a peccatis purgandi sint, atq; sic demum salvandi, alii vero ad

ad ignem purgatorium nunquam admittendi, sed ad pœnas æternas amundandi: sed inter diabolum & omnes negatores atque impios, qui dixerunt, &c. quorum æterna credit tormenta, & peccatores atque impios, & tamen Christianos, quorum (simpliciter & solum) opera in igne probanda sunt atque purganda, &c.

Præterea, quam male convenit hoc, quod dicit Hieronymus, impiorum & tamen Christianorum opera igne purgatum iri, cum purgatorio Romanensium, quod solis mediocriter bonis Christianis paratum esse contendunt? Locus autem posterior Hieronymi ex 1. adversus pelag: si ab illis verbis illud vero quod insequenti ponis capitulo in die judicii, &c. usque ad isthæc “si autem Origenes omnes rationabiles creaturas dicit non esse perdendas, & diabolo tribuit poenitentiam: quid ad nos, qui & diabolum & satellites ejus, omnesque impios & prævaricatores dicimus, perire perpetuo; & Christianos, si in peccato præventi fuerunt, salvandos esse post pœnas? &c. diligenter consideretur, liquido patebit; Hieronymum ab hac sententia non omnino fuisse alienum distinguit enim ibidem studiose inter impios & inter iniquos & peccatores “omnis, inquit impius iniquus est, & peccator, licet è converso non omnis peccator, & iniquus etiam impius sit: impietas enim, inquit, proprie ad eos pertinet. Vide sis Lector benevole authorem ipsum. Non ignoro quædam huic sententiæ contraria ex illis Hieronymi scriptis a Romanensibus aliisque proferri. Sed nec miror: nihil enim certi ille sibi habere videbatur, quod super hac re non parum tunc contraverso pronuntiaret, licet cum pietate, ut existimabat, in sententiam molliorem propenderet. Vide Archiepisc. Spalat. de Rep. Ecc'les. lib. 5. cap. 3. n. 149 & inter Protest. Chemnit: exam: Concil: Trident: R. Fieldum de ecclesia editionis novissimæ p. 781. 782, aliosque plurimos, sed nullum Hieronymi dictum Purgatorio Romanensium favet.

8 Gregor: Nazian. ratione in S. lumina circa finem: Forte illic baptizabuntur igne, &c. per ignis baptismum, teste Nicæta in commentario in orat. Illum 39, intelligit examen censuramque extremi judicii; juxta id, quod ait Apostolus 1 Cor. 3. unius cujusque opus, quale est, ignis probabit: & cursus, dies enim declarabit, quia in igne revelabitur, &c. vide Greg: Naz: oratione 26. haud procul a principio: “revelationis, inquit, dies perspicue declarabit ignisque ille

postremus quo nostra omnia *κρίνεσθαι καὶ καθαίρεσθαι* judicabuntur aut purgabuntur. 2. Loquitur etiam de igne illo quo dicit “ Forte illic baptizandos, *ζυχὸν ἐκείνῳ* I. E. in extremo die, “ Novatianos qui lapsis pœnitentibus reditum in Ecclesiam negabant, qui gravis & perniciosus fuit error Romanensibus etiam ipsis iudicibus. Vnde Nicetas paraphrasi in locum quod “ si vos inquit, non flectimus, pro vobis utpote incurabili “ morbo correptis lachrymas effundemus, igni enim baptisabimini sempiterno. 3. imo hanc ipsam ob causam, ut observat

Chamærus ex Turriano. præfatione Græca in *διεταγὰς* Clementis, visa fuit olim oratio hæc Gregor : Loco hoc quibusdam ab Origenistis corrupta. 4. adde quod Gregorium Theologum, dogma Origenistarum tunc temporis tanto-pere Controversum, nec satis clare in Ecclesia, ut videbatur, definitum, in universum damnare non ausum esse ; testantur, Græci in Apologia sua, de igne purgatoria supra memorata hisce verbis ; quod vero jam olim controversum fuerit hoc dogma, neque ita repurgatum, ut ejus veritas esset certa, testis est gregorius Theologus in oratione de baptismo (orat : 40. p. 665. novissimæ editionis Paris :) ubi de inextinguibili illo igne differens, subjungit “ Nisi quispiam malit etiam hic benignius id ipsum intelligere, & punientis dignitati convenientibus, &c. Vides, inquit, quo pacto liberum faciat volentibus ignem illum benignius interpretari, &c. locum tamen hunc aliter intelligit Nicetas comment: in locum quem vide.

9. Basilius in cap. 9. Esaiæ, si igitur, &c. Et infra, non omnimodam internecionem, &c. atque etiam paulo ante, declarat in gratiam & beneficium animæ terrenæ ipsa tradi depascenda igni punitivo, &c. (qui locus Bellar. omissus, quia illi parum ad rem suam facere videbatur) De igne tamen ultimæ conflagrationis loquitur. Vide fixt : Senens. bibli: lib. 5. annot. 171. Johannes Duræus Scotus Jesuita in defensione Campiani contra Whitakerum. p. 338. hæc habet verba “ Quæ res in causa fuit, ut Basilius Greg :

- “ Nazianz. alique veteres. Ecclesiæ scriptores, in ipso judicis adventu quosdam illo igne purgandos senserint, quo “ sine ulla peccati ac contagionis labe divino sisti judicio queant, &c. idem affirmat Estius in 1 Cor. 3. Oecum: in 1 Cor. 3. Bas. dicta de igne æterno interpretatur; in quo, in Æternum purgatur peccator, i. e. pœnas peccatorum luit æternas. Au-

diatur

diatur ipse in expositione Isaia: “ B. Basilius, cum bis deve-
 “ niret in hujus loci mentionem, de Purgatione interpretatus
 “ est, quasi per ignem; omnia metaphorice dixit. Sed
 “ vide, non quasi fascis exustus ad nihilum redigatur.
 “ Sed quid? ipse vero salvabitur: *βωθειάν καλὰν πρὸς αἰ-*
ὲν τῷ πυρὶ ζῶντι καὶ τῷ ἐν αὐτῷ διαβόζεσθαι, salutem vel
 “ conservationem appellans vitam in igne perpetuam, & in
 eo conservari. Unde videre est, quam male, ne quid aspe-
 rius dicam, Bellerminus Oecumenium intellexerit, & citavit
 l. 1. cap. 5. quando inquit S. Ex Græcis œcum: testari Basili-
 um hunc locum intellexisse de igne purgatorio, Romanensium
 scilicet.

10. Locus, qui ex Eusebio Eucisseno Homil. 3. de Epi-
 phania citatur (ut de dubia authoris fide nihil inde dicam;
 qua de re videantur alii plurimi imprimis Critici, tum
 Romanens: tum Protestant: &c.) de igne tamen ulti-
 mi judicii loquitur. Estius in 1 Cor. 3. “ id, inquit, aper-
 “ tius testatur Eucherius Lugdunensis (quidem enim
 has Homilias quæ Eusebio Eucisseno adscribuntur,
 Eucherii potius Lugdunensis Episcopi esse existimant)
 “ Homil: 3. De Epiphania Domini, &c. Vide sis autho-
 rem.

11. Verba quæ citat B. Thomas in opusculo; contra
 Græcos, ex Theodoretō in 1 Cor. 3. hunc credimus ignem
 purgatorium, &c. Et Gagneus in hunc locum, Græce, non
 ut ait Bellarm. l. 1. cap. 5. ex Græcorum Scholiis, Sed ex
 ipso Theodoretō si credere fas est: *τὸ το πῦρ πρὸς δόξαν* &c.
 nusquam nec in Latinis nec in Græcis Theodoretī commen-
 tariis extant; Consistente Sixto Senens Bibl. l. 6. annot 258.
 “ Credi inquit, potest, ea vel a Græculis quibusdam pur-
 “ gatorio infensis subtracta; vel ex alio quopiam opere, ubi
 “ Theodoretus hunc locum sic exposuit, a D. Thoma
 “ desumpta. Vide obiter, Lector, quam mala fide sæpe
 Veteres Patres a Romanensibus ad sua dogmata stabilienda
 hodie allegentur. Græci in sua Apologia de purgatorii igne
 p. 145, &c. hæc habent “ Quæ dicitis B. Theodoretum sen-
 “ sisse, virum & sapientem & divinum, & magnam eloquentiæ
 “ laudem consecutum: si quidem etiam apud nos ita se ha-
 “ bere deprehenderentur, haberent utique aliquam ratio-
 “ nem, & nonnulla fortassis defensione egerent. Nunc vero
 cuni

“cum in multis illius quæ apud nos extant scriptis nihil tale
 “unquam dixisse comperiat, ne verbis quidem ad illa opus
 “esse censem, &c.

12. De Augustini super purgatorio sententia nihil fere certi statui potest. Purgatorias enim aliquas poenas post hanc vitam ante resurrectionem futuras non nullis locis asserere videtur, videtur, inquam, potius quam diserte asserit. in hanc sententiam citantur hi loci, præsertim a Bellarm. aliisque Romanensibus.

13. Ex lib. 21. de civit. Dei cap. 16. ubi de infante baptizato moriente loquens August. non tantum, inquit, poenis, &c. Sed quando ait, nec ulla post mortem purgatoria tormenta pati, intelligi possunt verba de tormentis purgatoriis in fine mundi, &c. Similiter & illa in fine ejusdem cap. Purgatorias autem poenas nullas futuras opinetur, nisi ante illud ultimum tremendumque judicium, i. e. nisi ante illam ultimam sententiam prolatam. Manifeste enim aliqui sibi contradiceret August. nam l. 20. de civ. [Dei cap. 25. hæc habet “ Ex his quæ dicta sunt, videtur evidentius apparere in
 “ illo judicio quasdam quorundam Purgatorias poenas futuras, &c. & l. 16. cap. 24. significatur isto igne dies judicii dirimens Carnales salvandos per ignem & in igne damnandos.

14. Ex Augustini eodem opere l. 21. cap. 24 citantur a plurimis Romanensibus hæc verba “ tales (adultos scilicet fideles cum venialibus peccatis decedentes) constat ante
 “ judicii diem per poenas temporales, quas eorum spiritus patiuntur, purgatos, receptis corporibus æterni ignis suppliciis non tradendos, &c. Citat etiam Bellarm. hunc locum bis. l. 1. c. 10. & rursus cap. ultimo S. ad quartum ; & vocem illam, Constat, cum aliis Romanensibus valde urget. ac proinde fallitur Vossius doctissimus & diligentissimus aliqui scriptor, quando in disputatione altera de statu animæ separate thesi 5. p. 109 ait ; mirari fortasse aliquem posse locum illum illustris non meminisse Bellarm. &c. Sed ut recte monet Vossius ibidem, in plurimis Augustini editionibus, ut Basilienfi Anno 1556. Lugdunensi 1560. & aliquot aliis addet etiam Parisiensi 1613. locus hic longe aliter exstat apud Augustinum : sic enim habent editiones hæc, “ nam pro defunctis quibusdam, vel ipsius Ecclesiæ, vel quorundam
 “ Piorum exauditur oratio : Sed pro his, quorum in Christo rege-

“ regenerantium, nec usque adeo vita in corpore male gesta
 “ est, ut tali misericordia judicentur digni non esse, nec
 “ usque adeo bene, ut talem misericordiam reperiantur
 “ necessariam non habere. Sicut etiam facta resurrectione
 “ mortuorum non deerunt, quibus post pœnas, quas pati-
 “ untur spiritus mortuorum, impertiatur misericordia, ut
 “ in ignem non mittantur æternum, &c. In antiquis e-
 “ tiam libris (teste Ludov. Vive in comment. in locum) Bru-
 “ gens. & Colon. non leguntur isti decem aut duodecim, qui
 “ sequuntur, versus. “ Sic enim scribitur, inquit, nam pro
 “ defunctis quibusdam, vel ipsius Ecclesiæ, vel quorum-
 “ dam piorum exauditur oratio ; sed pro iis quorum in
 “ Christo regenerantium, nec usque adeo vita in corpore
 “ male gesta est. &c. reliqua non habentur, ac neque in
 “ exemplaribus Friburgi exculis, & tamen stylus non ab-
 “ horret ab Augustiniano ; forsan aut defunt in aliis codi-
 “ cibus, aut ex alio aliquo Augustini opere huc sunt
 “ adscripta, ceu scholium primum, deinde contextui ora-
 “ tionis admista, hæc ille. Hoc affirmat August : ut
 “ probabile tantum, non ut quid certum & definitum (nisi
 “ forte hac in parte a se ipso aperte alibi dissentire Augustinum
 “ malimus,) admista etiam lectione illa dubiæ fidei, Tales
 “ Constat, &c. neque enim discrete & clare dicet, Constat
 “ animas mortuorum purgari post hanc vitam, ante resur-
 “ rectionem scil. (ut affirmat Bellarm. l. 1. cap. ult. S. ad
 “ quartum, &c.) Sed tales, inquit, Constat ante iudicii diem
 “ per pœnas temporales, quas eorum spiritus patiuntur, purgatos
 “ (quod illi probabile videbatur) receptis corporibus, æterni ig-
 “ nis supplicii non tradendos, &c. de quo ille certo constabat
 “ ex Dei verbo.

15. Locus ex Homil. 16. e numero 50 homil. qui tem-
 “ poralibus pœnis, &c. de igne extremi iudicii intelligendus
 “ est. Præterea de authoritate illius Homilæ, ut & aliarum
 “ quarundam ex illis 50. Dubitant multi cum Romanenses tum
 “ protestantes Vide R. Coci censuram, &c. p. 196. &c. Certe
 “ bona pars homiliæ 3. de Epiphania, quæ Eusebio Emiseno ad-
 “ scribitur, & de qua supra dictum, eadem est cum postrema hu-
 “ jus homiliæ parte, in qua leguntur hæc verba, quæ pro purga-
 “ torio citari solent.

16. Locus quem citat Bellar. l. 1. c. 5. ex August. in psal.
 “ 37, alias 38. “ in hac vita purges me & talem me reddas, cui
 “ jam

“jam emendatorio igne non opus sit, &c. (Nota obiter Lector in quibusdam Codicibus legi, cui jam emendato, igne non opus sit, atque hanc lectionem quibusdam protestantibus maxime probari, alteram autem depravatam videri. Vide Chamier. de purgat. c. 5. n. 25. sed nihil est quod vetet legere cum diversis Augustini editionibus, Cui jam emendatorio igne non opus sit. Lectio enim hæc optime cum verbis & sensu etiam Augustini congruit. Videatur locus ipse, &c.) & infra. “Quia dicitur, inquit, salvus erit, &c. De igne etiam extremi judicii intelligendus est. Videatur August. in ps. 6. ubi hæc habet “arguuntur enim in die judicii
 “ omnes qui non habent fundamentum, quod est Chris-
 “ tus : emendantur autem, i. e. purgantur, qui huic
 “ fundamento super ædificant lignum, fœnum, stipulam,
 &c.

17. Locus lib. 2. de Genesi contra Manich. cap. 20. qui forte agrum non coluerit, &c. similiter intelligi potest, ut etiam locus de civit. Dei lib. 21. c. 13. “sed temporarias pœ-
 “ nas alii in hac vita tantum, alii post mortem, alii etiam
 “ nunc & tunc, veruntamen ante judicium illud severissimum
 novissimumque patiuntur, &c. locus etiam sermone 41. de sanctis ; ita peccata in hoc seculo purgantur, &c. Sed sermones isti de Sanctis non sunt omnes Augustini, ut ingenue fatentur multi etiam Romanenses. Videatur Coci censura. Atque sermo hic 41. idem est cum homilia 1. de Eleemosyna, quæ Eusebio Emisseno, sive ut alii malunt, Cæsario Arelatensi adscribitur. Videatur idem Cocus p. 201.

18. Quod si autem in quibusdam locis prædictis, vel etiam alibi, Augustinus ἀποεικνῶς seu assertive, de purgatoriis pœnis animarum ante resurrectionem corporum loqui videtur; qua de re nihil audacter pronuncio ; Certe non nisi problematice & dubitative hac de re loquitur ; lib. 21. de civit. Dei c. 26. post istius sane corporis mortem, &c. non redarguo, quia forsitan verum est. In Enchirid. c. 69. “Tale aliquid
 “ etiam post hanc vitam fieri, incredibile non est, & utrum
 “ ita sit, quæri potest ; & aut inveniri aut latere, &c. Et de octo quæstion. Dulcitii eadem leguntur. “sive in hac tan-
 “ tum vita ista homines patiuntur, sive etiam post hanc vitam
 “ talia quædam iudicia subsequuntur, non abhorret, quan-
 tum

“ tum arbitror, a ratione veritatis iste intellectus hujus sententiae. Quae ipsa verba repetuntur lib. de Fid. & operib. cap. 10.

19. Frustra & omnino præter Augustini mentem respondet Bellar. cum multis aliis Roman. l. 1. cap. 10. vide etiam cap. ult. non dubitare his in locis August. de poena animarum purgatoria, sed de modo & qualitate“ nam
 “ in illo de civit. Dei, inquit, dubitat solum Augustinus, an ignis purgatorius idem sit in substantia cum
 “ igne gehennæ, qui æternus est, in Enchiridio autem,
 “ an post hanc vitam urendæ sint animæ igne illo doloris
 “ de amissione temporalium, quo hic uti solent, cum
 “ rebus valde dilectis carere coguntur. Sed hoc certe non est verba Augustini interpretari; Sed in sensum plane a mente illius alienum detorquere: multum enim ista differunt, Augustinum dicere, Forte verum esse, spiritus defunctorum, qui ligna, scænum, stipulum secum portaverunt, ignem aliquem transitoriae tribulationis perpeti, quem non sentiens illi, quibus non sint ligna, scænum, stipula; quæ verba sunt Augustini loc. cit: de civit: Dei, &c. Et dubitare Augustinum, an ignis ille purgatorius idem sit cum igne gehennæ; de quo dubio nullum inibi verbum legere est. Et rursus, longe aliud est, nonnullos fideles forte per ignem quendam purgatorium, quanto magis minusve bona pereuntia dilexerunt, tanto tardius citiusve salvari, quod dicit Augustinus in Enchirid; & ad Dulcitium, quam dubitare Augustinum, an urendæ sint animæ igne doloris de amissione temporalium, &c.

20. Dubitavit Augustinus non solum de qualitate poenarum, & circumstantiis aliquibus purgatorii, Sed etiam de ipso purgatorio: sicut ex locis citatis, si recte expendantur, cuivis perspicuum esse potest. Atque sic etiam Augustinum intellexit Erasmus Contra Parisienses tit. 8. p. 685. edition. Basiliens. tom 9. “ multa, inquit, sunt, de quibus non solum dubitarunt olim homines contentiosi, verum etiam docti juxta ac pii. veluti de purgatorio diu dubitavit Augustinus, nec ille tamen solus, &c. Alphonsus de Castro adversus hæreses l. 12. tit. purgatorium, similiter hunc locum Augustini in Enchirid: intellexit; nulla habita ratione glossæ Bellarminianæ “ B. Augustin. inquit,

“ inquit, in Enchir, &c. postquam locum illum Pauli
 “ (1 Cor. 3.) exposuerat de igne tribulationis in hac vita
 “ cap. 69, sic ait, tale aliquid etiam post hanc vitam fie-
 “ ri incredibile non est, &c. Et J. Homeisterus in exposi-
 “ tione precationis Missæ, edition. Pariliens. 1573. p. 126.
 “ in Enchirdio, &c. inquit “ tamen si, cap. 69, videatur
 “ Augustinus de purgatorio dubitanter scribere, tamen in 110.
 “ disertis verbis in hunc modum scribit; non negandum est,
 “ defunctorum animas pietate suorum viventium relevari,
 “ &c. Sed hoc nihil ad purgatorium Romanens. pro-
 “ bandum facit, ut infra dicemus. Sic & Author Ex-
 “ aminis pacifici de purgatorio, cap. 1. vers. anglicæ pag.
 17.

Suarez. etiam in defensione Fidei Catholicæ, l. 2. c. 15, n. 14.
 “ Item, inquit, in libro de octo quæstionibus ad Dulcit.
 “ licet in quæst. 1. solum dicat August. Salvari aliquos
 “ sic tamen quasi per ignem; & non esse incredibile ita
 “ contingere aliquibus post hanc vitam, utrum vero ita
 “ sit, quæri posse. tamen in quæst. 2. repetit, quæ dix-
 “ rat l. de Cura pro mortuis agenda cap. 1. quod allegat
 “ & definite, & tanquam certum docet suffragia vivorum
 “ prodesse aliquibus ex mortuis licet idem. infra numero 21.
 “ Augustini dicta in quibus dubitat eodem modo quo Bellarm.
 “ explicet, Fateor inquit, J. Barnesius vir doctissimus & mode-
 “ ratissimus in suo catholico Romano pacifico 9. de purgato-
 “ rio, Augustinum aliquando vacillasse de punitione in purga-
 “ torio, de civit. Dei l. 21. c. 26. Et de Fide & operib. cap.
 16, &c.

21. Græci in Apologia sua de purgatorio igne “ Augus-
 “ tinus, inquiunt, Ambros. & Gregor. ὁ δὲ λόγος (legen-
 “ dum δὲ λόγος ut mox dicitur) partim nihil in universum
 “ aperte de purgatorio igne, sed docent tantum mortuos litur-
 “ giis & precibus, quæ pro ipsis fiunt, juvari, &c. Et infra
 “ Quid, quod & hisce patrum dictis moderatio quædam &
 “ medela ad ferri possit, & quidem valde recte. Ex ipso enim
 “ B. Augustino & Gregorio manifeste apparet, neque ipsos,
 “ neque quotquot hoc dixerunt, pro autoritate potestateque
 “ sua id statuisse, neque sententiæ suæ tanquam veræ mor-
 “ dicus inhæsisse; Sed veluti impulsos quodammodo, &
 “ angustiis rationem contrictos ad majus malum tollen-
 “ dum

“ dum coactos fuisse. Erat autem hoc, omne peccatum esse
 “ expiabile; ut nonnullis visum est. Multorum enim opinio-
 “ ni ex adverso reluctari, violentum esse existimantes, ut veri-
 “ simile est; & metuentes, ne parum probabilia dicerent, si
 “ cum illi omne peccatum expiabile esse statuerent, ipsi e-
 “ contrario nullam mediam viam ingressi sunt, & minus ma-
 “ lum admittentes, ut opinionem suam probabiliorē facien-
 “ tes, majus malum tollerent. Iis vero, quæ nonnulli certo
 “ quodam respectu dispensative dixerunt, non esse omnes
 “ parte firmiter acquiescendum, omnes facile judicaverimus.
 “ Quin imo etiam hi, tanquam ita sentientes planeque statu-
 “ entes hæc dixerint, ne sic quidem necessarium est, ut eos se-
 “ quamur, eorumque sententiæ acquiescamus. Si enim ex
 “ dicto B. Pauli ad hoc feruntur, atque inde argumentantur,
 “ existimantes illum ibi (1 Cor. 3.) de tali aliquo tempore
 “ ratio igne loqui (quid autem ille senserit abunde dictum est,
 “ etc.) quo nam pacto nos facile fidem adhibuerimus illi sen-
 “ tentiæ, quæ ex tali aliquo initium sumit, quod nobis non
 “ probatur, atque inde procedenti unde contrarium inferitur?
 Hæc illi.

22. Citantur in primis multa ex Gregorii Magni dialogis pro
 Purgat. Romanens. Sed primo dialogi hi videntur plurimū
 Protestantibus, atque aliis etiam quibusdam viris perdoctis
 ipso etiam Possevino fatente, supposititii & non legitimus
 Gregorii primi fœtus. Ut innumeros alios Protestantes si-
 lentio prætereamus, vide Criticos, Cocum in censura scripto-
 rum Gregorii Magni pag. 222. & seq. qui pluribus contendit
 alium quemvis potius recentiorē, quam Gregorium cogno-
 mento Magnum, illorum authorem extitisse; & Riverum
 Critici sacri. lib. 4. cap. 26. Sed eos ut legitimum Gre-
 gorii fœtum recipiunt alii, inter Protestantes Vossius in primis,
 in Patrum lectione versatissimus disputatione altera de statu
 animæ separatæ, thes. ultima pag. 3. Et de historiis latinis lib.
 2. cap. 23. ubi prolixè hac de re disserit. Sed hoc Gregorij
 opus esse non tantum præter alios multos veterum affirmat
 Beda lib. 1. hist. Anglic. cap. 14. sed ipse etiam Gregorius
 lib. 2. Epist. 89. cap. 50. cum ait: Fratres mei, qui mecum
 familiariter vivunt, omnimodo me compellunt aliqua de mi-
 raculis Patrum, quæ in Italia facta audivimus, sub brevitate
 scribere. Secundo de dialogorum illorum fide, in nonnullis
 dubitat etiam M. Canus lib. 11. cap. penultimo. Unde adver-
 sus

sus Canum vehementissime insurgit, & differit Baronius in Martyrologio Rom. ad 23. decembris, authores ipsos, Lector erudite, consule. Sed quicquid contra Canum hic suo more declamet Baronius, nos quidem Gregorii Magni ut & Bedæ magnam pietatem, & zelum promovendæ religionis suspicimus & veneramur; utriusque tamen nimiam illam miraculorum & apparitionum credulitatem, quæ neccum S. Literis, nec cum Patrum priorum & meliorum seculorum sententia satis congruit, probare non audemus, imo admodum suspectam habere profiteamur.

23. Græci in sua Apologia præter prædicta hæc habent de Gregorio notatu digna. “atqui, inquiunt, dicitis etiam B. “Gregorium in quarto dialogorum libro multis exem- “plis & revelationibus demonstrare Purgatorium. Statuit qui- “dem revera Purgatorium ignem post mortem, ante “futurum illud iudicium, sive allegorice hoc intelli- “gens, sive etiam vere ita sentiens. Quæ vero testimonia ex “S. Scriptura ad hoc stabiliendum confirmandumque adfert, “nihil omnino necessarij secum adferunt: quemadmodum & “antea a nobis dictum est, & narrationes revelationesque, “quas adfert, nihil in universum definiti habent, quo in loco “Purgatorium ignem statuunt. Nonnullos enim eorum qui “purgantur, ad thermas relegatos iis qui lavantur ministrare “dicit: alios per revelationem apparuisse ustos diversis in locis. “Quæ quidem omnia videntur nihil aliud esse, quam miracu- “la & revelationes ad conversionem & resipiscentiam viventiu- “um a Deo privatim ostensæ, universalem autem esse ignem “purgatorium, nulla ex iis necessaria ratione probatur. At “vero per ea, quæ postea subjungit, tale de Purgatorio igne “dogma plane evertitur. Nonnulla enim eorum, quæ dicun- “tur levia sive minutissima peccata in justis, per recompensati- “onem aliorum bonorum operum in hac vita ab ipsis præsti- “torum purgari dicit; nonnulla vero, in exitu animarum è “corpore, per ipsum & quidem solum metum purgari tradit; “nonnulla etiam post mortem per beneficia & oblationes, quæ pro ipsis fiunt, &c.

24. Nota autem obiter, Lector, dialogos hos Gregorii Papæ sesquiseculo post authoris obitum græce redditos fuisse à Zacharia Papa, ut testatur Petrus Diaconus lib. 4. de vita Gregorii Magni, & Sigebertus de illustribus Scriptoribus, cap. 77. (vide Vossium de historicis Latinis ubi supra) & Gregorium

gorium horum dialogorum conditorem a lucubratione isthæ dialogi seu dialogistæ, non Theologi, ut mendose in Apologia Græcorum legitur, cognomen accepisse.

25. Ad ea, quæ citantur ex aliis multis Scriptoribus Latinis, Augustino atque etiam Gregorio Magno posterioribus, multis respondere non libet. Sensum enim pravum, valde saltem incertum, licet probabilis illis videretur, loci obscurissimi Apostoli, 1 Cor. 3. imprudentes secuti sunt. Deinde Augustini etiam dubitationes, & postea audaciores Gregorii Magni assertiones, ut alia sicut vocantur motiva prætermittam, huic opinioni de purgatorio magnas in multorum animis addiderunt vires, & tandem tantam conciliarunt fidem & auctoritatem in Ecclesiis Occidentis, ut jam dogma fidei statuunt esse Romanenses de quo dubitare nefas sit.

26. Hoc tamen observandum (utut nonnulli Augustino posteriores animas justorum post mortem, ante corporum resurrectionem, propter peccata venialia igne purgatorio puniri censuerint) nullos tamen ignem illum purgatorium statuuisse, pro solis etiam peccatorum mortalium pœnis temporalibus; hic non plene ex solutis, quemadmodum hodie communiter docent Romanenses. Unde Gregorius ipse dialog. lib. 9. cap. 39. hæc tantum habet, “ sed tamen de quibusdam levibus “ culpis esse ante iudicium purgatorius ignis credendus est.

CAP. III.

In quo Purgatorium Romanensium Patrum doctrina repugnare ostenditur, & simul de Oratione pro mortuis agitur.

I. **M**ulta in Patrum Scriptis legere est, quæ ad purgatorium Romanensium refellendum clarissime faciunt. Nos pauca tantum è multis brevitatis gratia citabimus. Hoc tamen hic in limine te præmonitum volumus lector, licet nemini unquam concessuri simus piæ vetustati, plus debitæ auctoritatis ac venerationis ut tribuat, plusve timoris ac honoris deferat, quam ipsi facimus; in Patribus tamen jam citandis aliisque

aliisque etiam haud pauca occurrere loca, in quibus de statu & loco animarum post mortem, etsi purgatorium Roman. Maxime improbent, non modo tamen alii ab aliis, sed etiam ipsi a seipsis nonnihil desentire videntur. Neque mirum; de rebus enim futuri seculi citra revelationem divinam, quam extra sacras literas de iis omnibus, quæ ad salutem cognitu necessaria sunt, reperiri non est, ecquid certi & explorati habere possunt mortaliū etiam doctissimi & sanctissimi? Sacrae autem literæ admodum parce & quidem consulto de rebus istiusmodi loquuntur, utpote ad salutem minus necessariis, ut homines etiam falli & aliquando pugnantia dicere potuerunt.

2. Dionys. Arcopag. l. de Ecclesiastica Hierarchia c. 7. parte 1. loquens de sanctis quibuscumque, & non de solis perfectioribus ut Bellarm. alique Romanens. volunt, in morte constitutis: "norunt, inquit, profecto se totos jucundam gratamque Græce
 "πρὸς Χρῆστον εἰς τὴν αἰώνιον, ad Christi speciem, requiem esse ad-
 "epturos, cum ad extremum vitæ hujus venerunt, viamque ad
 "immortalitatem suam, & viciniorem jam factam, clarius in-
 "tuentur, &c. Videatur author ipse. Subdit autem imme-
 "diate, sceleribus nefariisque sordibus coopertorum finem me-
 "tuendum, &c. Locum hunc Dionysii inter primos producit Bellarm. cum aliis Roman. contra Græcos, de sanctorum Beatitudine lib. 1. cap. 4. S. secundus sit Dionys. &c. Vide Bellarm. qui alia quædam ex eodem cap. parte 3. ibid. pro-
 fert verba,

3. Sed quandoquidem in hujus Dionysii mentionem nunc incidimus, hoc post alios notatum volumus: scriptorem hunc vetustum quidem esse & insigniter doctum, quem tertio vel quarto potius seculo vixisse verisimile est; minime tamen illum Apostolorum contemporaneum, cujus mentio facta est, Act. 17. quemadmodum communiter hodie cum permultis Græcorum existimant Romanenses. Hoc multis argumentis præter alios Protest. demonstrant R. Cocus, in censura pag. 50. & 51. &c. Rivetus in spec. Critici Sacri, lib. 1. cap. 9, 10, 11. Chamærus de Canone lib. 9. cap. 3. n. 28. Et aliquot sequentibus. Et de autore hujus operis non dubitant, ut audacter affirmat Bellarm. de Scriptoribus Ecclesiasticis, soli hæretici Lutherani & quidam Scioli (ut viros doctos, Vallam, Erasmus, &c. appellat ille) Sed alii etiam viri graves; Theodorus Gaza in præfatione ad problemata Aphrodisæi, Cajetanus

tanus in Act. 17. de Valla & Erasmo in eundem locum nihil nunc dicam Guilielmus Grocinus Anglus Theologus summus & Romanensis, teste Erasmo; vide Erasin. non tantum loco citato, sed & epistola præfixa Paraphrasi in 1 Cor. tom. 7. operum; & in Schol. in Hieronym. de Ecclesiasticis Scriptoris; & contra censuras Theologorum Paris. titulo 31. Bellarm etiam ipse non nisi timide lib. 2. de Sacramento confirmationis cap. 7. S. jam vero Cernitius, &c. ait opus hoc esse auctoris antiquissimi & optimi, licet non sit certum, an sit illius cuius nomen prærefert. P. Faber vir doctissimus, & in Tolosano Senatu præses in dodecameno sive de Dei nomine, &c. cap. 4. pag. 55. “adde, inquit, alterum Dionysii sive Areopagitæ seu vetustissimi alterius auctoris testimonium, &c. & rursus pag. 200. “Magnus ille (sive Areopagita sive alius quispiam) Dionysius, auctor sane vetustus ac locuples, &c. Cassander de baptismo parvul. edit. operum Paris. pag. 683. ad marginem hæc habet, “Si Dionysius Areopagita ille sit vixit ætate Pauli Apostoli: sin post Clementem Alexandrinum, ut minimum centesimo ab excessu Johannis anno, & rursus in Epistolis epist. 47. pag. 1142. “de Dionysii, inquit, ætate non satis convenit, &c. Videatur author ipse. Videatur etiam Coelius Rodigin. antiq. Lect. lib. 2. c. 3. addi possent ex aliis plura, sed quia res non tanti momenti est, ea missa facimus.

4. Justinus Martyr sive potius recentior aliquis, lib. quæst. & respons. ad Orthod. q. 75. a Bellarmino etiam productus, contra Græcos, ubi supra. “post exitum animarum e corpore illico εὐδὸς, justī ab injustis segregantur. Abducuntur enim ab Angelis ad condigna sibi loca: ac justorum quidem animæ in Paradisum, ubi consuetudine & aspectu fruuntur angelorum & archangelorum per visionem Dei & ipsius servatoris Christi pro eo atque dictum est, peregre absumus a corpore, & præsentēs adsumus apud Dominum, &c.

5. In aureis libellis Cypriani de mortalitate, & Ambrosii de Bono mortis, tot extant clarissima & præclarissima in hanc sententiam dicta, ut pauca quædam aliorum more inde huc adscribere neutiquam placeat, Legantur potius atque etiam sæpius relegantur libelli ipsi toti dulcissima consolatione contra acerbissimas, quæ in purgatorio post mortem finguntur pœnas, plenissimi.

6. Locus extat illustris apud Cyrillum l. 12. in Johannem cap. 36. quem etiam citat. Bellarm. contra Græcos : “ crede-
 “ re debemus cum a corporibus sanctorum animæ abierint,
 “ tanquam in manus charissimi Patris bonitati divinæ commen-
 “ dari, &c. Et paulo post, Firmiter credentes in manibus
 “ Dei nos post mortem futuros, vitamque multo meliorem ac
 “ perpetuo cum Christo victuros. Ideo enim Paulus deside-
 “ ravit resolvi et esse cum Christo.

7. Gregor. Nazianz. in oratione funebri in laudem Cæsarii fratris. “ Sapientum verbis adducor, ut credam, pulchram
 “ omnem animam & Deo charam, posteaquam hinc excesserit,
 “ protinus (ἐνδὺς) bonum, quod eam manet, persenti-
 “ entem, & contemplantem, &c. Mirabili quadam volup-
 “ tate affici, &c. Et summa cum hilaritate ad Dominum suum
 “ tendere.

8. Macarius Eremita Ægyptius homil. 22. De duplici statu eorum, qui ex hac vita decedunt, ubi evolaverat e corpore anima hominis, &c. “ Sanctis servis Dei ἀπὸ τοῦ νῦν, ab hoc tempore astant angeli, ac spiritus illi sancti circumdant & custodiunt eos : καὶ ὅταν ἐξέλθωσιν ἀπὸ τοῦ σώματος, cumque exierint e corpore, Chori angelorum assumptas eorum animas in suam partem pertrahunt in seculum perpetuum, & sic adducunt eos ad dominum. Videatur author ipse pro in seculum perpetuum Græce, εἰς τὸν αἰῶνα αἰῶνα legitur in seculum purum.

9. Insignis habetur locus apud Chrysostom. homil. 3. in epist. ad Philip. quem & allegat Bellarm. contra Græcos : “ Peccatores, inquit, ubi fuerint, procul a rege sunt, atque
 “ ideo digni qui fleantur. Justi vero sive hic sive in futuro seculo fuerint, cum Rege sunt, illic tamen magis & propius
 “ διὰ τὸ οὐδὲ non per ingressum (mendose sic legit Bellarminus cum aliis :) legendum εἰς τὸ σπῆρ non per speculum (vide edition. Savilianam in margine) alludit enim Chrysostomus ad verba I Cor. 13. εἰς διὰ πίστεως, ἀλλὰ, &c. Facie ad faciem. Eadem legere est homil. 69. ad popul. Antioch. & homil. in illud Sap. 5. justorum animæ in manu Dei sunt.

10. Augustinus, qui de Purgatorio quodam punitivo post mortem dubitasse videtur, ut supra diximus lib. 13. de civit. Dei in fine capitis 8. hæc habet ; “ in requie sunt animæ pi-
 “ rum a corpore separatæ ; impiorum autem pœnas luunt,
 “ donec istarum ad æternam vitam, illarum vero ad æternam
 mortem, quæ secunda dicitur, corpora reviviscant. Et tracta-
 tu 49. in Joannem : “ habent omnes animæ, cum de seculo
 “ exierunt, diversas receptiones suas ; habent gaudium bonæ,
 “ & malæ tormenta : sed cum facta fuerit resurrectio, & bo-
 “ narum gaudium amplius erit (quando scilicet cum corpore
 “ gaudebunt) & malarum tormenta graviora, quando cum
 “ corpore tarquebuntur, &c. Et paulo post ; “ requiem quæ
 “ continuo post mortem datur, si ea dignus est, tunc accipit
 “ quisque cum moritur, &c. quotidie boni fideles, &c. inepte
 respondet Bellarminus ad hunc locum lib. 1. cap. 13. ingens
 gaudium & requiem habere etiam animas quæ in Purgatorio
 torquentur ; quia scilicet certæ sint æternæ suæ salutis. At-
 qui hæc ex diametro inter se pugnant, torqueri animas pœnis
 etiam gravissimis, & simul etiam gaudere & requiescere, &
 nulla pati tormenta.

11. Locus qui non ex Augustino, sed ex Gennadio Mossi-
 liensi presbytero apud Augustinum tom. 3. ex libro de Ec-
 clesiasticis dogmatibus cap. 79. citatur : “ post ascensionem
 “ Domini ad cœlos, omnium sanctorum animæ cum Christo
 “ sunt, & exeuntes de corpore ad Christum vadunt, expectan-
 “ tes resurrectionem corporis sui, ut ad integram & perpetuam
 “ beatitudinem cum ipso pariter immutentur, &c. Notatu
 dignus est ; ut & ille, qui licet Augustini non sit, extat apud
 Augustin. tom. 9. de vanitate seculi cap. 1. “ Scitote quod
 “ cum anima a corpore evellitur, statim aut in Paradiso pro
 “ meritis bonis collocatur, aut certe pro peccatis in inferni tar-
 “ tara præcipitatur. Et ibidem de consolatione mortuorum, Ser-
 mone 2. cap. 1. “ recedens anima ab angelis suscipitur, & col-
 “ locatur aut in sinu Abrahamæ, si fidelis est, aut in carceris infer-
 “ ni custodia, si peccatrix est, donec veniat statutus dies, quo
 suum recipiat corpus.

12. Citant contra Purgatorium plerique omnes Protest.
 atque etiam nonnulli moderatiores Roman. Erasmus in mar-
 gine ad illa verba, tertium penitus ignoramus &c. P. Picherel-
 lus de missa p. 152. J. Barnesius in Catholico Rom. pacifico ubi
 supra) locum ex autore Hypognost. (apud August. tom. 7.)

lib. 5. cap. 5. " primum locum fides Catholicorum divina au-
 thoritate regnum credidit esse cœlorum; secundum gehennam,
 " tertium penitus ignoravius, imo nec esse in Script. S. inveni-
 nus. Sed locus ille ad rem parum videtur facere; loquitur
 enim author ille de locis æternis, quemadmodum vere respon-
 dent Roman. quæ (omnibus vere catholicis consentientibus)
 duo tantum sunt, cœlum scilicet & gehenna. Fingebant au-
 tem Pelagiani, contra quos hic disputatur, parvulus non bap-
 tizatos æternum beatos fore loco aliquo tertio extra cœlos &
 gehennam, ubi nec visione Dei gaudeant, nec dolore aut mo-
 lestia ulla afficiuntur, unde verbis hunc locum immediate præ-
 cedentibus dicitur " da mihi (Pelagiane) præter hunc
 " (regnum scilicet cœlorum) alterum locum, ubi vitæ possit
 requies esse perennis. Et verbis proxime sequentibus. " Fin-
 " ge, Pelagiane, locum ex officina perversa dogmatis tui ubi
 " alieni a Christi gratia requiem etiam gloriæ possidere parvuli
 possint, &c.

13. Nec aliter intelligendus est locus ille lib. 1. de peccat.
 mer. & remiss. cap. 28. " nec est ullus ulli medius locus; ut
 " possit esse nisi cum diabolo, qui non est cum Christo; ut pa-
 tet ex verbis quæ continentur subdit August. " Hinc & ipse
 " Dominus volens auferre de cordibus male credentium istam
 " nescio quam, medietatem, quam conantur quidam parvulis
 " non baptizatis tribuere; ut quasi merito innocentiae sint in
 " vita æterna, sed quia non sunt Baptizati non sint cum Christo
 in regno ejus, &c. Similiter intelligendus est locus ille August.
 tom. 10. serm. 14. de verbis Apost. c. 3. " Nullus relictus est me-
 " dius locus, ubi ponere queas infantes. Et rursus; " nullum
 " medium locum in Evangelico novimus. Non negasse enim
 simpliciter Augustinum, aut authorem Hypognost. quisquis
 fuit, Augustini sequacissimum, tertium locum temporarium
 post hanc vitam, non tantum ex eo constare potest, quod an-
 te Christi passionem animas fidelium V. Test. in sinu Abraham,
 id est, loco a gehenna distinctissimo & remotissimo, atque etiam
 extra sanctuarium cœli fuisse existimaverit; sed etiam,
 quod nonnunquam cum aliis plurimis Patrum in secretis
 receptaculis quietem animarum justorum post excessum
 suum collocaverit; ut jam dicemus. Limbum commen-
 titium infantem non baptizatorum hæc Augustini dicta
 manifeste refellunt; sed contra Purgatorium non æque
 directe militat. Loca etiam alia nonnulla Augustini
 ad

ad rem minus facientia consulto mittimus.

14. Augustinus sequutus plurimorum aliorum Patrum sententiam, animas justorum usque ad diem resurrectionis corporum in sinu Abrahamæ, vel in quibusdam abditis & secretis receptaculis extra cœlum beatorum requiescere, affirmat; aut saltem de loco ambigit: in psal. 36. lib. 9. confess. cap. 3. in Enchirid. cap. 108. lib. 12. de civit. Dei cap. 9. &c. Sed quicquid de loco. in quo Sanctorum animæ usque ad diem ultimum requiescunt asserat, vel dubitet; affirmat tamen easdem quiescere, sine fine felices esse, gaudere, &c. quæ nulla ratione cum gravissimarum Purgatorii poenarum expressione conciliari possunt. “ Non dubitat, inquit Ludovicus Vives in locum illum duodecimo de civit. Dei c. 9. “ Secretis animarum receptaculis, de animarum gloria etiam ante iudicium, sed de loco gloriæ. Nam ubique possunt beatæ esse, cum ubique sit “ Deus, cujus fruitione fiunt beatæ.

15. Gregorius primus Papa, cui tamen plus quam ulli alii Patrum Purgatorium Romanensium debet, ut diximus lib. 13. in Jobum cap. 20. hæc habet. “ Quia auctoris nostri gratia “ redempti sumus, hoc jam cœlestis muneris habemus, ut cum a carnis nostræ inhabitatione subtrahimur, mox ad cœlestia præmia ducamur, &c.

16. Multa alia testimonia Patrum, quibus clarissime purgatorium Romanens. refellitur, citari possent; Sed brevitati studemus. Audiatur post alios Olympiodorus, in Ecclesiast. 11. 3. Vide Bibliothec. Patrum edit. 4. tom. 2. Græco-Latin. “ In quocunque loco, seu illustri, seu tenebroso, hoc est, “ siue in turpi scelerum statione, siue in honesta virtutum deprehendatur homo cum moritur in eo gradu atque ordine permanet in æternum. Nam vel requiescet ἐν φῶτι μετὰ τὸν δίκαιον, &c. In lumine felicitatis æternæ, inquit interpretes, cum justis & Christo Rege universorum, vel in tenebris cruciatur cum iniquis, & principe hujus mundi diabolo.

Dicamus nunc de Orationibus & oblationibus pro mortuis, unde Romanenses Purgatorium suum validissime probari existimant.

17. Sed hic primum improbanda est quorundam rigidiorum

Protestantium sententia, qui preces pro mortuis omnino improbant, & damnant : quia scilicet nec in Canonicis V. Test. neque etiam N. Test. libris ullum talium orationum præceptum vel exemplum legere est. Certe consuetudinem hanc esse vetustissimam, & in universa Christi Ecclesia receptissimam, ut in publicis etiam Ecclesiæ precibus commemoratio fiat defunctorum, & quies illis petatur a Deo, qui pie & in pace Ecclesiæ mortui sunt, inficiari non audent etiam quibus mos hic maxime improbat.

Ut Tertullianum, Cyprianum, Arnobium, Dionysium Areopagit. sive quicumque ille fuit, brevitatis causa omitamus.

Audiat Augustinus testis fide dignissimus, lib. de cura pro mortuis cap. 1. "Adjungis, inquit, vacare non posse, "quod universa pro defunctis Ecclesia supplicare consueverit, &c.

Et infra, confirmans hanc sententiam Paulini, ad quem scribit Augustinus ; "In Machabæorum, inquit, libris legimus oblatum pro mortuis sacrificium. Sed etsi nusquam "in Scripturis Veteribus omnino legeretur, non parva tamen "est universæ Ecclesiæ, quæ in hac consuetudine claret, auctoritas ; ubi in precibus sacerdotis, quæ Deo ad ejus altare "funduntur, locum suum habet etiam commendatio defunctorum.

Et tom. 10. de verbis Apost. serm. 32. "Hoc a Patribus "traditum, universa observat Ecclesia, ut pro eis, qui in Corporis & sanguinis Christi communione defuncti sunt, cum "ad ipsum sacrificium loco suo commemorantur, oretur, ac pro illis quoque id offerri commemorantur.

Esse etiam Apostolicam traditionem affirmat Chrysostom : homil. 3. ad Philip. ut alios mittam, quod tamen vix pro certo affirmare auserim. Dogma adversarium Aerii, orationes & oblationes pro mortuis damnantis, damnatum fuisse ex Epiphanio, & August. cui non constat ? Fuit etiam mos ille antiquissimus pietatis plenus ; Verissime etiam Cassand. consult. art. 24. "Omnibus, inquit, Christianis animis hoc perpetuo insitum "fuit ; ut Spiritus eorum, qui Christi Sacramento initiati, in "confessione nominis ejus cum aliquæ poenitenti significatione ex hac vita excesserunt, Dei clementiæ commendarent, "ut eis remissionem peccati, quietem æternam, & consortium electorum precarentur. Et quamvis de statu illo animarum, "quibus

“ quibus hæc prodesse, non satis constaret; nec inter om-
 “ nes conveniret; omnium tamen hoc officium, ut testi-
 “ monium Charitatis erga defunctum & ut professionem
 “ fidei de immortalitate animarum, & futura resurrectione
 “ Deo gratum & Ecclesiæ utile esse judicarunt.

18. Hanc antiquissimam, & universalem ecclesiæ consue-
 tudinem permulti etiam doctissimi protestantes haud impro-
 bant. Apol. confess. Augustan. “ scimus veteres loqui de
 “ oratione pro mortuis, quam nos non prohibemus. Vide-
 antur Chemnicus in exam. concil. Trid. de purgator. Ment-
 zerus contra Pistorium disp. 12. Thes. 26. & 39. Lutherus
 teste Chemnicio ubi supra, in confessione sua dicit. “ pro
 “ mortuis, quia scriptura nihil meminit existimo non esse
 “ peccatum ex libera devotione, ita vel similiter orare,
 “ ut Deus; animæ si in tali statu sit, misereatur, utque
 “ satis sit, quando semel vel bis id factum fuerit,
 &c.

I. Gerard. Loc. Theol. tom. 8. de morte p. 147. “ Quæritur,
 “ inquit, an quando in oratione funebri pro beata defuncto-
 “ rum ad Dominum emigratione gratiæ aguntur, liceat clau-
 “ sulam illam *ἐκ τῆς χάριτος* subjungere; deus det ei pacatam quie-
 “ tem, & beatam ad vitam resurrectionem. Negat Calvinus
 “ epist. 366. Sed August. confessionis Apologia illud concedit,
 &c.

Urbanus Reginus in formula caute loquendi, cap. de sancto-
 rum cultu, “ hæc, inquit, erat olim & nunc est in Ecclesia,
 “ memoria defunctorum, quæ evidens testimonium est Cha-
 “ ritatis & fidei de gloriosa carnis resurrectione; & cum sit
 “ fidei fructus, quæ per charitatem operatur, nemo eam reji-
 “ ciat, nisi Epicureus & Sadduceus. Hujusmodi defuncto-
 “ rum memoriam celebravit vetus Ecclesia, ut est apud or-
 “ thodoxos, a quorum sententia recedere non est tutum nisi
 “ repugnet verbo Dei, &c.

Vide Cassand. ubi supra. Vorstius in antipist. parte. 2. Vo-
 ta & preces ad Deum pro beata ipsorum resurrectione, seu con-
 summata ipsorum gloria, neminem bonum improbare posse as-
 serit p. 435. Vide & ejusdem Enchiridion controversia-
 rum, &c. de purgatorio, & Anti-Bellar. p. 260. circa fi-
 nem.

Gerhardus Vossius in disput. Theol. super hoc eodē argum.

R.

R. Fieldus de Ecclesia l. 3. c. 29. in append : ad hunc librum p. 221, &c. Et in altera appendice parte 1. sect. 5. Episcop. Vinton : in respon : ad cap. 18. libri Replicationis Cardin : Perronii, &c. “ Quod ad orationes & oblationes pro defun-
 “ tis attinet, parum est quod eis contradici queat; nega-
 “ ri non potest consuetudinem eam esse vetustam, &c. Sed
 ut innumeros alios in re tam perspicua silentio transmittamus,
 audiatur Ecclesia Anglicana in Rituali sive Libro communi-
 um precum, tempore Edovardi impresso 1549. & latine verso
 ab Alexandro Alezio Scoto, S. Theol : Doctore, verba nume-
 ro sequente sibi exhibemus Lector. in administratione Cœnæ
 Dom :

19. “ Commendamus etiam tibi, ô Domine, reliquos om-
 “ nes servos tuos, qui ex vita hac decesserint, cum signo fidei,
 “ & nunc requiescunt in somno pacis. Concede illis, quæ-
 “ sumus, misericordiam tuam, & æternam pacem, & ut in
 “ die universalis resurrectionis, nos & omnes, qui sunt mem-
 “ bra mystici corporis Filii tui, sistamur a dextra ipsius, ut
 “ audiamus illam suavissimam vocem; Venite ad me bene-
 “ dicti, &c. Et de sepultura mortuorum; Deus cui omnes
 “ spiritus mortuorum, & cum quo omnium Electorum ani-
 “ mæ post liberationem oneris carnis, feliciter & in gaudio
 “ vivunt, præsta huic famulo tuo, ut peccata, quæ in hoc
 “ mundo commisit, non imputentur ei; Sed ut superatis
 “ portis mortis, & æternæ caliginis, semper in regione lu-
 “ cis habitet cum Abrahamo, Isaaco & Jacobo; ubi nul-
 “ lus luctus, dolor aut mæror. Et cum tremenda dies judicii
 “ advenerit, fac eum resurgere cum omnibus justis & elec-
 “ tis, &c. Hasce preces antiquissimas & piissimas Buceri
 aliorumque monitu & consilio, postea præsules Ecclesiæ An-
 glicanæ expunxere; aut in aliam, nescio quam formam,
 hodiernam novitatem redolentem convertere. Isaacus Ca-
 saubonus in respon : ad epist : Card : Perronii nomine Sere-
 nissimi Su. Britannix Regis scripta, affirmat hunc ritum o-
 randi pro mortuis Ecclesiam Anglicanam & si non damnet
 in primis seculis, hodie tamen sibi non putare retinendum,
 &c. p. 54, &c. Sed utinam (ut nihil detraham laudibus
 serenissimi, & nunquam satis laudati principis Jacobi sexti,
 qui cum nihil haberet prius & antiquius pacis & concordix
 piæ inter Christianas Ecclesias procurandæ studio, nunquam
 tamen per morosa & rixosa multorum Theologastarum ingenia
 id

id consequi aut effectum dare potuit, quod maxime voluit) Ecclesia Anglicana, quæ singularem certe alioqui meretur laudem ; ob magnam multis aliis in rebus, & si forte non paris momenti, moderationem adhibitam, universalis Ecclesiæ antiquissimæ consuetudini hoc in negotio, ut & in aliis nonnullis, sese potius conformas, sed ; quam ob errores & abusus, qui paulatim irrepsent postea, ingenti cum aliorum fere omnium Christianorum scandalo simpliciter rejecisset, & penitus sustulisset.

20. Ex orationibus autem & oblationibus pro mortuis apud Patres purgatorium Romanorum. Minime probari posse loculentissime demonstrarunt infiniti viri doctissimi, Græci, Romanenses, Protestantes.

21. Censuerunt enim primo, complures ex veteribus, cum Græcis tum latinis, justorum animas ante diem judicii Dei visione non frui, sed in abditis quibusdam receptaculis, vel cœlestibus, vel extra cœlos detineri : ubi quiescunt beatam corporum resurrectionem, & gloriæ promissæ consummationem, cum gaudio in visione humanitatis christi, & frequentium angelorum visitatione expectantes. Prolixum Patrum, quibus istud persuasum fuit, Catalogum vide apud Staplet : in defensione Ecclesiasticæ autoritatis cap. 2. Sixt. Senen. Bibl. l. 6. annot. 345. Bellar. de sanctorum beatitudine l. 1. c. 1. qui cum aliis quibusdam Romanens. pleraque illorum dicta ad alium quidem sensum, sed frustra, trahere conatur. Videatur etiam Maldon : in Matth. 27. ad verba, Hodie mecum eris in Paradiso. Sanderus de visibili Ecclesiæ monarchia l. 7. aliique plurimi. Et ante synodum Florentinam circa annum Christi 1450. ita sentire licuisse, sine periculo hærelis, fatentur etiam ipsi Romanenses citati. Adde Pamelium in Tertul. paradoxo, 9. Tertulliani, & Bellar. l. 4. de pontif. cap. 14, ubi differit de Johanne 22 Papa, qui eandem etiam sententiam defendit. Vide & Bellar : de sanctorum beatitudine cap. 2.

22. Eadem etiam fuit atque etiamnum manet sententia Græcorum, aliorumque plurimorum Christianorum Orientalium ab externa Romanæ Ecclesiæ Communionis dis-junctionum, ut satis omnibus constat.

23. De Johan : Calvinii inter Protestantes sententia nullum inter Partes contenditur : an scilicet : exultimaverit etiam il-

le, justorum animas ante diem judicii visione Dei frui & in cœlos recipi necne, Inter Romanens. videantur Bellarm. ubi supra de sanctorum Beatitudine. Becanus de Purgatorio Calvinistarum, aliique plurimi; inter Protestantes Chamærus tom. 3.º lib. 25. de beatitudine animarum, &c. I. Rainoldus de Rom: Ecclesiæ idololatria lib. 1. aliique complures. Videatur etiam Archi-Episcopus. Spallat: de Rep: Eccles: lib. 5. cap. 8. n. 110. & aliquot seq. ubi ex plurimis operum Calvinii locis ostendit contra Bellarm. Calvinum omnem animæ beatitudinem & gloriam, nisi in sola spe, ante resurrectionem non negare; & agnoscere eum passim quandam inchoatam gloriam & beatitudinem; negare tantum animas ante extremum diem frui tota & completa illa summa Dei gloria, in scripturis promissa; & quæ visio Dei scil. clara & cominus nuncupatur.

Hiscæ autem in locis jam citandis quam parce & sobrie hac tota de re. Multis verba facere videatur, audi & æqua mente expende Lector. Institut: 3. cap. 25. S. 6. “ Quum scriptura ubique jubeat pendere ab expectatione adventus Christi, & gloriæ Coronam consequi differat, contenti simus his finibus, divinitus nobis præscriptis: animas piorum militiæ labore perfunctas in beatam quietem concedere, ubi cum fælici lætitiâ fruitionem promissæ gloriæ expectant, atque ita omnia teneri suspensa, donec Christus appareat redemptor, &c.

Ibidem tamen paulo antea affirmarat, Christum illis præsentem esse, & eas recipere in Paradisum, ut consolationem percipiant, &c. Et. lib. 4. cap. 5. S. 12. “ Quæ ob hoc unum Ecclesiæ dissideant, si altera citra contentionis libidinem, citra pervicaciam asserendi, animas a corporibus demigrantes in cœlum convolare putet; altera nihil ausit definire de loco, cæterum vivere tamen Domino certo statu- at, &c.

Et in libro quem inscripsit Psychopanych: p. 78. & seq. “ sunt sanctorum animæ post mortem in pace, quæ extra manum hostis evolarunt. Sunt in opulentia, de quibus dictum est, ibunt de abundantia in abundantiam. Ubi vero surrexerit in gloriam suam cœlestis Jerusalem, rusalem,

“ rusalem, & verus Solomon Christus, Rex pacis, subli-
 “ mis sederit in tribunali, regnabunt cum suo Rege veri
 “ Israelitæ, &c. Hæc ex scripturis facile discere pos-
 “ sunt, quicunque Deo auscultare didicerunt. Hæc e-
 “ tiam nobis per manus tradiderunt, qui parce & reveren-
 “ ter tractarunt Dei mysteria, &c. plurima deinde subjicit Pa-
 trum testimonia, quæ legere ne graveris, &c. Alia ejusdem dicta
 omitto.

Nicolaus Gallasius Theologus Genevensis in fine nota-
 rum suarum in Ireneum, dicit; non esse nostrum inquirere
 ubinam interea, *Viz.* post mortem, futuræ sint justorum
 animæ, cum qui in cælo esse dicunt, nihil aliud intelligunt,
 quam cœlesti & immortalī vitæ potiri. Vide authorem, &
 Balthasari Lydii notas in disputationes Taborit. ad cap.
 19.

24. Tho. Bilsonus Episcopus nuper Winton. in recognitio-
 ne passionum Christi parte 2. p. 340. & seq. pluribus con-
 tendit ex scripturis, Patribus, Calvinī locis nunc citatis,
 Justorum animas ante diem judicii in supremum cœlum, ubi
 Christus ad dextram Patris sedet, &c. non admitti, neque
 plena gloria & beatitudine, non solum extensive, ut vo-
 lunt Romanenses sed neque & intensive frui. atque hic
 ille est, de quo loquitur R. Fieldus honorifice, suppresso
 tamen illius nomine, append. ad lib. 3. de Ecclesia p.
 223.

25. Gerardus Vossius in disputatione de statu animæ se-
 paratæ p. 106. hanc eandem sententiam non improbat; affir-
 mat enim cum cæteris supra citatis, justorum animas Domino
 vivere, gaudioque eas frui, sed imperfecto, & post resurrectio-
 nem complendo, & de loco non esse pertinaciter contendend-
 um.

Imo Bellar. ipse de Sanctorum Beatitudine lib. 1. c. 6. S. ad
 Tertium dico, &c. hæc habet “ dico Christi animam ante re-
 “ surrectionem corporis sui non ascendisse quidem ad cœlum
 “ corporeum, tamen fuisse in Paradiso cœlesti formaliter;
 “ nempe fuisse beatam & gloriosam. Quod si hoc tribuere
 “ vellent adversarii (Græci scil. cum aliis) animabus sancto-
 “ rum, non essemus multum solliciti de cœlo isto corporeo.
 Hæc ille.

26. Hanc ob rem quid miri est, si veteres defunctis optarunt
 refrigerium, pacem, lucem? Quis etiam dubitet hac mente primi-
 tus

tus in canone Missæ precationem fieri solere, “ ut Deus me-
 “ minerit eorum, qui nos præcesserunt cum signo fidei, &
 “ dormiunt in somno pacis. ipsisque & omnibus in Christo
 “ quiescentibus locum refrigerii, lucis, & pacis indulgeat?
 “ nempe respicientes (ut inquit Vossius, ubi supra de Ora-
 “ tionibus pro defunctis, &c.) statum animæ separatæ,
 “ refrigerium postulabunt propter æstum desiderii, quo ad
 “ resurrectionem, & gloriæ plenitudinem animæ anhelarent:
 “ Lumen item iis optabant, hoc est, lumen beatæ
 “ visionis: item pacis: h. e. ab omni etiam damni, malo
 “ immunitatem, &c. Hanc orationem apud Veteres usurpatissimam corporum resurrectionem & iudicium extremum tantum spectasse, quemadmodum affirmat P. picherellus, De Missa p. 149. 150. & multi protestantes, quorum sententiæ Vossius etiam loco citato se multum adversari nolle dicit, probabile non est. Certe oratio hæc nulla ratione de animabus in pœnis purgatoriis constitutis, quam admodum hodie communiter Roman. sentiunt, intelligi potest; cum ipsa orationis verba glossam istam clarissime refellunt. Unde etiam qui
 . Johann: 22. Papæ sententiam, de qua nunc dictum, tutati sunt, eidem firmandæ hanc orationem Ecclesiæ allegare solebant; teste Occamo dial: parte 2. to. 2. cap. 3. “ Rursus,
 “ inquit, ad hoc, quod animæ sanctæ in cœlo Deum ante
 “ diem iudicii scil: minime sunt visuræ, allegatur oratio
 “ Ecclesiæ, quæ dicit pro defunctis: Qui nos præcesserunt, &
 “ dormiunt in somno pacis, &c. pro quibus orat Ecclesia,
 “ ut lucem vivendi Deus eis concedat, in futurum, scil: post
 “ diem iudicii. Etsi dicatur eis, quod hæc oratio est pro defunctis, quorum animæ sunt in purgatorio, hoc im-
 “ probare conantur, dicentes? quod hoc non est Verum,
 “ quia in oratione Ecclesiæ præmittitur, quod dormiunt
 “ in somno pacis, & non pœnæ & afflictionis. Ex quibus
 “ bus clare patet, quod oratio illa non sit pro animabus
 “ in Purgatorio existentibus, sed pro illis animabus,
 “ quæ sunt in pace & quiete, & expectant post ultimum
 “ iudicium, & non ante, Dei visionem, &c. Hæc Occamus joannitarum, ut appellat, argumentum proponens; ad quod ille communi Romanensium more respondet, i. e. omnino præter & contra Veterum mentem. Subjungit deinde responsionem multo meliorem; hanc scil, quod Ecclesia
 “ in oratione prædicta orat etiam pro animabus sanctis in
 “ cœlo

" cœlo; ut scil: animæ sanctæ, quæ dormiunt in somno
 " pacis, resumptis corporibus, ad locum refrigerii, lucis & pa-
 " cis quæ ultimum gradum essentialem & accidentalem pa-
 " cis, æternæ, quam quandoque habituræ sunt, includit, per-
 " veniant; quam pacem animæ in cœlo ante diem iudicii
 " non habebunt. Quamvis enim nunc videant Deum, &
 " sint beatæ, beatitudo tamen earum, & per consequens pax
 " earum æterna erit post iudicium augmentata, quia tunc cla-
 " rius videbunt Deum; & de resurrectione corporum, & com-
 " pletionem civitatis æternæ, & aliis pluribus tunc post gaude-
 bunt

• 27. Alias etiam fuisse veteribus causas, citra purgatorium, propter quas preces oblationesque pro mortuis facerent; & quod etiam orarint & obtulerint veteres pro universis in fide defunctis, etiam pro Patriarchis, prophetis, Apostolis, Evangelistis, Martyribus, Confessoribus, quos in cœlis esse non dubitant, ipsis ex patrum scriptis, & antiquis Liturgiis, quarum pleræque quidem supposititiæ, quædam tamen genuinæ eorum, quorum nomina præ se ferunt, sed diversimode a posteris interpolatæ, fuscè demonstrarunt multi doctissimi Protestantes, alii-que. quos adi.

28. Peccata etiam quædam leviora in hac vita quo ad culpam & poenam forte non remissa, post mortem remitti, per intercessionem Ecclesiæ in precibus publicis; ac præsertim illis, quæ fiebant in Tremendorum mysteriorum celebratione, & per orationes, oblationes seu eleemosynas a privatis pro illis factas seu datas, censuerunt plurimi Patrum, nixi loco 2. Machab. 12. Sancta & salubris est cogitatio pro defunctis orare, ut a peccatis salvantur, & illo Matth. 12. ubi dicit Dominus, esse quoddam peccatum, quod non remittitur, neque in hoc seculo, neque in futuro. Ex priore loco non negant Protestantes hoc probari: Sed quia liber ille a multis extra Canonem positus est, probationem eam tanti non faciunt. Ex altero loco concedunt ipsi etiam Romanenses, secundum regulas Dialecticorum non sequi id quod insertur ex verbis Domini, sed tantum secundum regulas Prudentiæ, &c. complures tamen ex Patribus hisce non obstantibus sic censuerunt, quibus suffragantur etiam multa concilia, & vetustissima Ecclesiæ consuetudo, nemini temere spernenda aut rejicienda, nisi scripturis aperte adversetur, quod hac in re difficillimum certe est demonstratu. Loca multa ex veteribus huc
 con-

congerere cum res tam clara sit, plane super-vacane-
um est.

29. Repondere quidem solent Protestantes ad loca quæ ex Patribus objiciuntur; Ecclesiam Deum rogasse, ut pie defun-
ctis extremi judicii die, juxta promissionem in Christo factam, peccata sua non imputaret; non quasi peccata aliqua, quæ hic remissa non sunt, istic sint remittenda; sed quia quod semel remittit, remittat semper, completamque extremo judicio habiturum sit remissionem. Quæ verba sunt Vossii, ubi supra. Communis autem est Protestantium responsio, minime tamen satisfacit plerisque Patrum locis, ut cuivis ea vel leviter inspicienti perspicuum est.

30. Multo magis ingenue Græci, quibus tamen purgatori-
um nunquam creditum, in sua Apologia. “ De Testimonio
“ a vobis (alloquuntur Latinos) ex Machabæis & divino
“ Matthæo allato non multa faciemus verba. Manifestum enim
“ cuivis est remissionem peccatorum nonnullis vita sanctis
“ concedi. Quonam vero modo & an per punitionem, & qui-
“ dem illam per ignem, ne meminerunt quidem in universum :
“ porro quod hæc purgatorium ignem non inferant, sole clarius
“ est. Quid enim commune est remissioni cum purgatione per
“ ignem & punitione ? aut enim punitione, aut remissione, sive
“ condonatione est opus, & non simul utroque. Ei enim qui
“ blasphemaverit in Spiritum S. non remittetur, neque in præ-
“ senti sæculo, neque in futuro, nihil amplius addit. Præterea
“ nihil, etiam illud ex Machabæis (dicens Bonum esse ac sa-
“ lutare, pro mortuis orare, ut a peccatis suis absolvantur) ni-
“ hil inquam, de pœna, atque hac quidem nominata agit, sed
“ tantum hortatur, ut Deum pro mortuis oremus, spem fore,
“ ut ipsis peccata remittat, &c. Et paulo ante dum statum
quæstionis controversæ formant. “ Quod Deus post migrati-
“ onem e corpore peccata remittat iis, qui venalia commiserunt,
“ quod & primum erat eorum quæ in quæstionem venerunt.
“ Hoc etiam a Doctoribus dicentibus audivimus, ita ut illa
“ docent. Hæc illi.

31. Archi-Episc. Spalat. de Rep. Ecclesiast. lib. 5. cap 8.
n. 132. “ deinde etiam stantibus iis quæ de statu animarum
“ supra consideravi non esset absurdum fateri peccata leviora, si
“ quæ in hac vita quoad culpam remissa non sunt, post mortem
“ remitti, idque paulo post obitum, dum piæ & religiosæ exe-
“ quæ Ecclesiasticæ peraguntur; virtute Ecclesiasticæ in-
tercessionis,

tercessionis in precibus publicis , ac presertim illis quæ fi-
 bant in sacra Liturgiæ celebratione, ut supra Chrysostomus
 (homil. 3. in epist. ad phil. &c.) observabat. Et concil.
 Carthaginense 3. & 4. satis clare commemorat, &c. Et
 numero 133. " Cum vetera concilia, quæ pro purgatorio pro-
 fert Bellar. nihil aliud contineant, nisi hanc peccatorum scil.
 leviorum post mortem, etiam quoad culpam, a nobis hac-
 tenus explicatam remissionem, & Ecclesiæ pro illis interces-
 sionem, ad confirmandum purgatorium nihil valent, &c.
 Et n. 134. Hæc quæ dixi de remissione alicujus culpæ veni-
 alis post mortem, per Ecclesiæ intercessionem, licet ut cun-
 que modo explicato admitti possint, & sua meo judicio,
 non careant probabilitate, ut sic Ecclesiæ preces pro defun-
 ctis utiles esse, & non ociosas asseramus, quatenus ex Aposto-
 lica institutione mos ille Ecclesiæ orandi pro defunctis,
 putetur, ut fatetur Chrysostomus, & videtur valde probabi-
 le, promanasse: ponere tamen remissionem venialium per
 Ecclesiæ preces, etiam diu post mortem hominis pro quo
 oratur, seu pro omnibus defunctis in genere, etiam pro
 illis, qui jam diu e vivis excesserunt, non videtur esse adeo
 constans, adeo tutum, adeo probatum, ut ad apostolicam traditionem
 id quoque duci trahive debeat, &c. vide & n. 150. Si inquit, ut
 admodum probabile concederem, aliquem posse & solere ex hac
 vita decedere cum aliquo ex his peccatis venialibus, quod in
 hac vita remissum non fuerit, idque in alia vita paulo post mor-
 tem remitti, hinc tamen purgatorium nostrum non necessario
 colligeretur; remitterentur enim talia peccata intercessione
 Ecclesiæ. Vide & n. 162. 163. Quod autem toties dicit Author
 hic paulo post mortem, &c. de hoc non-nihil cap. seq. dicetur.

32. Ut hoc caput tandem concludamus; quicquid nonnulli
 etiam Catholici & non ii tantum, qui pro hæreticis habiti sunt, ali-
 quando dubitaverint, utrum orationes & oblationes quæ fiunt
 pro defunctis, aliquid eorum conferant animabus? ut studiosè
 colligit Jac. Usserius Archi-Episcopus, nunc Armachanus
 in sua responsione ad Jesuitam Hibernum, loco de oratione
 pro mortuis p. 251. 252. ex Augustino ad Dilectum: q. 2. Cy-
 rillo Cateches. 5. Mystagog. ex Anastasio Sinaita p. 540. edi-
 tione Græco-latina: ex p. Cluniacensis Epistola contra Petro-
 brufianos; Maxim. Schol. in Eccles. Hierarch. cap. 7. imò an
 etiam preces & oblationes pro mortuis licitæ sint, ut idem
 ibidem probare nititur ex Grego. 2. vel 3. epist. ad Bonifac.
 in tomis conciliorum, & ex Hug. Etheriano de Animar.

regress. ab inferis cap. 13. Ecclesia tamen universa hunc ritum non solum licitum, sed etiam defunctis aliqua ratione utilem esse existimavit, & religiosissime ut si non ab ipsis Apostolis, saltem a patribus antiquissimis traditum semper observavit, quod ex innumeris Patrum locis, præsertim ex Augustino de cura pro mortuis c. 2. & c. 4. atque aliis permultis decantatissimis, ipso sole clarius patet, unde Isaac Casaubon. in resp. ad Epist. Card. Perronii de precibus pro mortuis inquit; "Quicquid est, quod in hac parte veteres fideles fecerunt, id omne Rex ad illud caput utilium vel licitorum refert, de quo supra dictum &c. Quod autem subjungit hunc ritum non esse absolute necessarium, exigui est momenti; concedatur enim, licitum atque etiam utilem piæ vetustati semper visum, & universalissime in Ecclesia receptum fuisse, atque etiam ut jam hodieque usurpetur, de absoluta illius usurpandi necessitate haud magnam Theologi moderatores litem movebunt contradicentibus. Videatur doctissimus Desiderius Heraldus ad Arnobii librum 4. ad verba: pax cunctis & venia postulatur, &c. adhuc vitam degentibus, & resolutis corporum vinctione, &c. ubi multa præclare hoc de ritu annotat: & Conradus Ritterhusius J. C. prudentissimus in Comment. ad Salviani Massiliensis l. 2. de Avaritia, ad verba; ut eorum memoria dignus fiam, &c. sententia autem de liberatione animarum ex pœnis purgatoriis per orationes & oblationes pro illis factas, locum in Ecclesia non habuit, neque etiam habere potuit nisi circa annum Christi quadringentesimum, ut supra dictum.

CAP. Ult.

Quo ex plurimis Virorum doctissimorum & moderatissimorum dictis, quid de Purgatorio Romanensium & orationibus pro mortuis ad illud re-latis sentiendum sit, ostenditur.

1. **O**THo Frisingensis qui scripsit Anno Dom. 1146. l. 8. chro. c. 26. Esse, inquit, apud inferos locum purgatorium, in quo salvandi vel tenebris tantum afficiantur, vel

“ vel expiationis igne decoquantur, Quidam asserunt, &c.
 “ Unde patet Purgatorii assertionem, privatam tantum quorundam fuisse tunc temporis opinionem, non autem communem Ecclesiæ fidem.

2. Græci in sua Apologia de Purgatorio igne a nobis jam antea sæpius memorata; “ ignem purgatorium & punitionem per ignem temporarium finemque omnino habiturum, nos a nostris Doctoribus traditum non accepimus, neque Orientalem Ecclesiam ita sentire scimus. Porro Ecclesiæ pro de functis preces cum iis quæ ipsorum obitum antecesserunt precibus conjunctus aliquid præstare posse, hoc etiam prorsus statuimus, Credentes iis quæ hac de re a Patribus sunt decreta, &c. Et rursus, “ Animas per ignem purgatorium transmissas ad vitam æternam pervenire nequaquam statuimus; quod neque a quoquam Doctorum hoc traditum accepimus: ac præterea non exiguus metus nos incessat, ne temporarium atque purgatorium ignem statuentes, universum Ecclesiæ consensum labefactemus, &c. Videatur libellus ipse. His igitur de causis nunquam in hunc usque diem tale quicquam statuimus, neque omnino statuemus, &c. Et in fine Apologiæ, “ has ob causas nunc etiam propositum dogma de purgatorio igne exterminandum est ab Ecclesia, ut negligentiam sedulorum animis inducens, ac persuadens ipsis ne omnibus viribus adnitantur, ut in hac vita seipsum expurgent, cum alia post hanc vitam purgatio expectetur. Fuit hæc Apologia a Marco Motropolita Ephesi conscripta, teste Sixto senenli lib. 6. Bibliothec. S. annot. 259. & Lecta ac data reverendissimis Patribus & Dominis Deputatis, Synodi Basilli. die Sabbathi. 14. Mensis Junii, Anno 1438. in sacristia Fratrum Minorum, Basileæ præsentata Nicolao Cusano, teste Martino Crusio in Turco-græcia libro 2. pagina. 186. ex lib. M. S. Johannis Capnionis.

3. Græci quidem anno proxime sequenti 1439. quo facilius a Latinis auxilia contra Turcas impetrarent, & quam celerime in Patriam redirent, in synodo Florentina Latinis concessere; si vere pœnitentes in Dei charitate decesserint, antequam dignis pœnitentiæ fructibus de commissis satisfacerint & omissis, eorum animas pœnis purgatoriis post mortem purgari, & ut a pœnis hujusmodi releventur, prodesse

“ eis fidelium vivorum suffragia , &c. Sed hoc atque alia
 etiam sine totius orientalis Ecclesiæ autoritate fecere.
 Legantur ipsa Concilii Florentini acta , Multum semper re-
 clamavit Marcus Ephesius & concilio Durante , & post
 Concilium in epistola Encyclica contra Concilii illius defini-
 tionem , quam legere est apud Biniū in Historia concilii
 Florentini. Unionem autem hanc , Græcorum Ecclesiæ nun-
 quam sunt amplexæ , teste Laonico Chalcocondyla de rebus
 Turcicis lib. 1. haud procul ab initio “ Græci reversi, By-
 “ zantium (a synodo Florentina) acta edocent eos qui
 “ domi manserant ; qui quidem noluerunt stare his , quæ
 “ acta erant in Italiæ synodis ; putantes sibi neutiquam fas
 “ esse , Consensum præstare Romanis nefaria asserenti-
 “ bus. Hinc perpetuo discordiam fovisse Græcos in nego-
 “ tio religionis adversus Romanos constat , &c. Ean-
 dem Græcorum sententiam contra purgatorium Romanen-
 sium hodieque ut & antea semper innumeræ aliæ Christia-
 norum in Oriente atque etiam alibi Ecclesiæ mordi-
 cus retinent & tuentur , ut omnibus eruditis con-
 stat.

4. Wesselus Groningensis , a multis Lux Mundi appella-
 tus , qui etiam Concilio Basileensi interfuit , in Epistolis
 de purgatorio, &c. p. 906. “ hanc seriem ducatus animarum
 “ a lumine Lucernæ presentis exsilii , quo pusilla sapientia
 “ fidei nostræ sicut granum sinapis est , & velut parvum Cen-
 “ trum , quod crescere oportet in illam cœlestis globi immen-
 “ sitatem , universum processum , & felix animarum incre-
 “ mentum usque ad orientem solem , purgationem puto. Et
 “ in hac purgatione non pœnam , sed ad omnia valentem pie-
 “ tatem , & illam pietatem per se purgatricem. Habet nihilo-
 “ omus illa pietas imo flagrans amor dilatus , languorem &
 “ pœnam suam , habet etiam felicem consolationem. Consola-
 “ tur presentia pastoris & salvatoris. Verum quia Doctor &
 “ Evangelista est , Missus a patre , docens amorem , quo ipse
 “ Patrem amavit & amat , & illum suum amorem imitari , in-
 “ ardescunt igitur illic amore. Sed quia nondum digne amant ,
 “ adhuc differuntur , & adfligitur anima eorum. Hæc adflic-
 “ tio non dolor est , sed mæror est secundum Deum , &c.
 p. 907. “ Neque putat Augustinus mox deposita carne om-
 “ nes malos amores una depositos , omnemque simul charita-
 “ tis imperfectionem transisse ad perfectum. Estque in eun-
 “ dem

“dem sententiam Guilielmus Paris. cap. 100. primæ partis: &
 “id multis argumentis ad longum. Unde istos malos amo-
 “res arbitror peccata illa, quæ in futuro seculo remittentur.
 “ut etiam illic, donec perfectæ justitiæ Sol eis oriatur, dice-
 “re non possint, sese peccatum non habere. Contrarium
 “vero per quem locum regulæ fidei. Stabiliri possit, nondum
 “video. Unde valde miror communem Doctorum scholæ
 “nostræ inadvertentiam, qui non veterina primævæ Eccle-
 “siæ auctoritate moventur, purgatorium ignem punitorio
 “distinguentium. Gregor: Nazianzenus purgatorium ig-
 “nem dicit, quem Dominus Jesus Misit in terram, volens
 “ut arderet (Luc. 12. 49.) Et istum, quia sordes rationa-
 “nales imperfectæ sapientiæ, imperfecti de Deo judicii, &
 “imperfectæ justitiæ purgare debet, rationabilem esse o-
 “portebit; quod etiam Paulus innuit, quando dicit 1. cor.
 “3. v. 13. ignem illum Probatum: qui si probat, uti-
 “que cognoscit quale uniuscujusque opus fuerit. Puni-
 “torium vero ignem dicit illum, quem præparat Dia-
 “bolo & angelis ejus. Multum enim insolens & nova
 “verborum licentia, ut purgare dicamus illum, qui
 “nihil impurum aufert, &c. p. 908. vide reliqua apud
 authorem loco jam citato & de purgatorio p. 829,
 & aliquot seq. Edit. Johannis Lydii Amsterodami Anno
 1617.

5. Georgius Wicelius Methodi Concordiæ Ecclesiasticæ
 cap. 8. tit. Funus “Neque errat neque peccat Ecclesia pro
 “filiis suis orans, sive in corpore sive extra corpus illi sint.
 “Præterea non pontificium inventum est, exorare pro mor-
 “tuis; Sicuti non novum est, oblationes & Eleemosynas
 “pro iisdem largiri. Revolvant partes Apostolicorum Vi-
 “rorum Scripta, qui & ipsi spiritum Dei habuisse putandi
 “sunt, &c. Cæterum Vetus contentio est de purgatorio ig-
 “ne. At mea sententia melius ageretur cum rebus Eccle-
 “siæ, si vitam hanc ocyssimam ita viveremus, ut non sit cur
 “metueremus a pœna. Qui potissimum de hoc disputant,
 “fere ita vivunt, ut citius in gehennam quam purgato-
 “rium sint involaturi; ab utraque futuri tuti, si cum
 s^c scriptura & priscis Patribus pure sentientes, Christum
 “viæ vitæque Ducem recta sequerentur. Erat igitur
 “cautius disputandum de eo, quod Deus in universum
 “scire nos voluit. Nam ut maxime sint loci purgabiles, sic

enim loquitur Bernardus , qui excipiant corpore nudatas
 animas non tamen deceat sapientes ac graves viros, tam cer-
 to omnia definire & metiri , quod scripturæ Dei non satis
 expreſſerunt, nec antiquorum traditio expoſuit. Neque
 enim nitendum eſt allegoriis Ambroſii & Gregorii , præſer-
 tim cum regula Theologiæ habeat, allegoriam non pro-
 bare, pie creditur locum eſſe in quem deferantur , pro
 quorum peccatis exorat Eccleſia ; ſed ubi qualis, qui-
 bus tormentis inſtructus , quo ſine circumſcriptus , nun-
 quam fuit cognitum, &c. Proinde ut in unum coaleſ-
 cant Chriſtianorum animi , temperent ſibi Theologi ab
 immodica aſſeveratione & qualitatum deſcriptione. Lu-
 therani contra temperent ſibi ab audaci & pertinaci nega-
 tione ac convitiis diritate. Recolat Lutherus verba ſua,
 Ego credo purgatorium eſſe, & conſulo ſuadeoque creden-
 dum, ſed neminem volo cogi. Hæc ille, &c. Videatur Au-
 thor ipſe.

6. Idem in via Regia, articulo de Miſſa. “illud extra contro-
 verſiam liquet , hoc ſacrum Eucharifticum olim in Eccleſia
 Græcorum & Latinorum ad ſublevamen eorum, qui in fi-
 de deceſſerant , peractum fuiſſe ; etiam id, quod arbitror,
 per preces vivorum, ac obſecrationes accidiſſe, &c. Li-
 bellum hunc pro pacificatione Eccleſiæ univerſalis juſſu
 Ferdinandi primi, & Maximiliani ſecundi Romanorum im-
 peratorum immortalis laude dignorum ſcripſit author hic
 Anno 1564. G. Caſſander in Centuria prima Episto-
 larum ſelectiorum illuſtrium & Clarorum virorum, &c. epiſt. 16.
 ad Rever. & illuſtrem Dominum Guilielmum electum Mo-
 naſterienſem “ Vitium præcipuum in his (Romanæ ſcilic.
 Eccleſiæ precibus pro mortuis) eſt, quod a multis ad purga-
 torium ſtabiliendum hæc detorqueantur, quod hic totum in
 opinione eſt poſitum, &c.

7. Idem in conſultatione art. 12. de pœnitentia, &c. “Quod
 has temporarias pœnas , quibus peccati ſordes in animo
 nondum perpurgato hærentes , eluuntur, etiam ad futu-
 rum ſeculum ſcholastici referunt , in eo graviffimos & anti-
 quiſſimos auctores (ſed modum hic excedit Caſſander ;
 longe enim antiquiores auctores & aſſertores habet con-
 traria ſententia) & longiſſimum Eccleſiæ uſum ſequun-
 tur ; nihilque quod merito paſſionis Chriſti, quo ſo-
 la pœna æterna & culpa condonatur , adverſum ſit,
 & im-

“ & impium merito damnari debeat, asserunt; quamvis ab
 “ imperitis & superstitiosis hominibus, multa inepta & sus-
 “ pitiosa afficta, & simplici populo persuasa sint, quæ
 “ graviori concilio prudentiorum pastorum dissimulari,
 “ & paulatim in desuetudinem & oblivionem adduci debeant,
 “ &c.

8. Idem ubi supra, artic. de Missa, ut dictum ante “ Et
 “ quamvis de statu illo animarum, quibus hæc (orationes
 “ scil. pro mortuis) Prodesse, non satis constaret, nec
 “ inter omnes conveniret; omnes tamen hoc officium, ut
 “ testimonium charitatis erga defunctum, & ut professionem
 “ fidei de immortalitate animarum, & futura resurrectione
 “ Deo gratum, & Ecclesiæ utile esse judicarunt.

9. Episcopi Ecclesiæ Anglicana in pia & Catholica Christi-
 ni hominis institutione edita sub Henrico 8. Anno 1544. in
 fine de oratione pro mortuis “ quandoquidem & charitas
 “ dictat, & Machabeorum liber, ac veterum Ecclesiæ Doc-
 “ torum scripta confirmant, sanctum & salubre, esse ora-
 “ re pro mortuis; & quoniam hic mos in Ecclesia ab an-
 “ tiquis, atque adeo ipsis, Apostolorum temporibus duravit,
 “ proinde orationes pro defunctis Deo gratas nequaquam
 “ irritas esse, existimandum est. Et certe palam est, Chris-
 “ tianæ Charitati consentaneum esse, ut proximos seu vi-
 “ vos seu vita defunctos precibus Deo commendemus;
 “ aliosque, ut ita nobiscum orent, invitemus; & juxta Ec-
 “ clesiæ consuetudinem, atque antiquorum Patrum sen-
 “ tentiam, fratrum mortuorum memoriam in missarum ce-
 “ lebratione & exequiis haberi, aut eleemosynas pro illis
 “ dari curemus. Hæc enim ut illis pro quibus fiunt, utili-
 “ tatem & fructum adferre sperandum est; ita nostram
 “ etiam in vita sanctos charitatem declarant, &c. Quan-
 “ tum autem aut quibus, aut quatenus hujusmodi preces
 “ nostræ valeant, aut quanto, quove temporis spatio a nobis
 “ subleventur, solus Deus novit; qui etiam solus ejusmodi
 “ orationem merita & fructus recte pro sua sapientia dis-
 “ pensat & inæstimabili justitiæ & misericordiæ suæ li-
 “ bra trutinat: nostrum vero est arcana in abyssu judiciorum
 “ Dei recondita omittere, & pietatis tantum officium & lince-
 “ ræ orationis pro universis tum vivis tum mortuis præstare,
 “ &c. Porro, quoniam de loco, ubi animæ degant, de illius
 “ nomine, de illarum statu & conditione incerti sumus, prop-

terea hæc & cætera hujusmodi omnia Deo relinquenda
 sunt. cujus misericordiæ æquum & congruum est, eos a
 nobis commendari, cum hac spe & fiducia, quod Deus
 preces nostras gratas acceptasque habiturus sit. Quod su-
 perest Deo totum committamus, cui animarum status &
 conditio explorata est. Nos vero nihil in alterutram par-
 tem temere definiamus in his rebus adeo ab hominum cog-
 nitione remotis. Postremo necessarium admodum est, om-
 nes ejusmodi abusus, qui ante hæc per Romani papatus
 assertores, & illius farinæ homines in Ecclesiam intro-
 ducti sunt, penitus abrogari; & proinde ut abstinence
 vocabulo purgatorii, nec amplius de eo disputetur, sub
 cujus fuce multa inania & indigna in Ecclesiam irreperunt
 atque in pretio habita sunt, ut indulgentiæ ille Romanæ,
 quibus vulgus a pœnis & culpis statim liberari credebat;
 & quod Missæ scalares aut certis locis decantatæ animas,
 expiarent, quodque certæ & præscriptæ precatiuncule,
 aut illarum constitutus numerus, idque adeo ad certas sta-
 tuas præ aliis, animas liberarent. Nam ejusmodi soni-
 nis imperiti fidebant. Qui omnes abusus omnino abo-
 lendi & rejiciendi sunt. Hæc illi: quos hoc singulari elogio or-
 nat Lancelotus Andreas Episcopus nuper Wintoniensis in
 responsione ad Cardinal. Bellarm. Apologiam, Cap. I.
 p. 23. “ Viri, inquit, fuere summi, eruditionis lau-
 de (quam late patet orbis Christianus) notissimi,
 &c.

10. Græci venetiis degentes in responsione ad quæstio-
 nem 9. Claudii Cardinal. Guisani; scilic. credunt ne Græci
 purgatorium quendam ignem esse, quo prius animæ pur-
 gentur, quam in cœlum perveniant? hæc habent “ ne-
 quaquam post mortem restare purgatorium quendam ig-
 nem credimus, &c. Tentationes quidem illas, quas
 in hac vita experimur, quasi purgatorium quendam ig-
 nem esse statuimus. Nam ejusmodi tentationum diutur-
 nitate, quæ nostri castigandi causa contingunt, homi-
 nes interdum a peccatis expurgantur, quemadmodum
 in illo dicto significari vides, per ignem & aquam tran-
 sivimus, & eduxisti nos ad recreationem. Quod si
 esset ante judicium ejusmodi purgatorius animarum
 ignis a morte, nimirum universæ animæ infinita-
 tem-

“ temporis diuturnitate sic perpurgarentur, ut iudicii tempore
 “ nulla pœnis obnoxia reperiretur. Ex quo porro consequere-
 “ tur, a Christo frustra dictum, hi quidem ad supplicium æter-
 “ num, iusti vero ad vitam æternam abibunt, &c. Hæc est
 “ Orientalis Ecclesiæ sententia inquit, quam in hodiernum
 “ usque diem retinet. Et ad quæst. 10. “ Existimantne (Græ-
 “ ci) post hanc vitam animas suppliciis quibusdam propterea
 “ purgari, quod in hac vita meritis pœnas non dederint? Sic
 “ respondent; Eorum hominum animæ, quorum quasi media
 “ quædam conditio est, qui scilicet mortiferis in peccatis diem
 “ extremum non clauserunt, nec tamen omnino expertes cul-
 “ pæ fuerunt, pœnitentiæve fructus declararunt, harum, in-
 “ quam, animæ creduntur a nostris ejusmodi delictorum ratio-
 “ ne purgari, non per purgatorium aliquem ignem, vel deter-
 “ minata certo quodam loco supplicia (nam id nusquam tra-
 “ ditum extat) sed nonnullæ in ipso diremptu a corpore per
 “ solum metum; uti Gregorius ille cognomento Theologus
 “ (lege dialogus ut supra dictum) pronunciat, nonnullæ post
 “ diremptum e corpore, fortassis etiam apud Orcum detentæ;
 “ non quod in igne suppliciose sint, sed velut in custodia &
 “ vinculis coerceantur. His omnibus opitulari preces eorum
 “ nomine factas dicimus, concurrente cum his divina bonitate
 “ & clementia, quæ ad hujusmodi peccata plæraque connivet,
 “ eaque mox condonat, nimirum si quæ ex imbecillitate hu-
 “ mana, commissa sunt, &c. Fuerunt hæc quæstiones 12. &
 “ responsiones ad easdem Latine versæ a J. Leuvenclavio & Ba-
 “ sileæ impressæ Anno, 1571.

11. In Concilio Tridentino, ut legere est in Histor. lib. 8.
 pag. 893. Ex prælatis, quibus tradita est provincia formandi
 decretum de Purgatorio, aliqui de loco & foco purgatorii, si-
 cuti in Concilio Florentino mentionem factam cupiebant:
 alii quod ea res non careret difficultate, nec facili negotio verba
 inveniri possent, ad id exprimendum, quæ omnibus satisfacere-
 rent putabant nihil aliud dicendum, quam bona opera fide-
 lium mortuis ad pœnarum remissionem conducere, &c. Vide-
 atur historia loco citato.

12. Erasmus operum tom. 1. pag. 685. ut supra eti-
 am dictum est; “ multa sunt, de quibus non solum dubita-
 “ runt olim homines contentiosi, verum etiam Docti juxta ac
 “ pii veluti de purgatorio diu dubitavit Augustinus, nec ille ta-
 “ men solus, &c.

13. P. Picherellus cujus singulare legere est elogium apud Jac. Ang. Thuanum in libro 4. de vita sua in dissertatione de Missa pag. 150. & aliquot seq. multis Rom. Ecclesiæ dogma de purgatorio gravissime impugnat; & purgatorio fovendo, imo ne excitando quidem nulla in omnibus Bibliorum sylvis ligna inveniri affirmat. Vixit tamen hic Author, atque etiam mortuus est in externa Romanæ Ecclesiæ communione.

14. Author examinis pacifici doctrinæ Hugonottorum, &c. quem falso J. Brierleus in Apologia protestantium pro Romana Ecclesia, tractatu secundo cap. 2. Sect. 14 p. versionis latinæ. 427. authorem proculdubio protestantem fuisse asseverat (contrarium enim ex ipsius libelli attenta lectione aperte constat. adde quod Angelus, qui e lingua Gallica in Anglicam transtulit, in Epistola ad Lectorem, virum generosum hujus libelli authorem H.C. affirmat usque ad extremum vitæ halitum fuisse & permanisse Catholico-Romanum; atque hoc in Anglia plurimis optime notum fuisse) is inquam in fine cap. 1. ita de purgatorio loquitur : “ Augustinus existimavit illud
“ rem tantum probabilem esse, & non necessariam; nihil ali-
“ ud dicens, quam Forsitan Verum est. Neque etiam ipsi in-
“ ter se Catholici de illo convenire possunt, &c.

15. Joh. Barnesius Angelus Monachus Benedictinus, Vir doctissimus & pacis Ecclesiæ amantissimus, qui cum propterea a Romanensibus zelotis iniquissime nuper actum est Anno 1627. in suo Catholico Romano Pacifico; “ de purgatorio,
“ inquit, quia pii in Domino morientes sunt beati, & requi-
“ escunt a laboribus suis, & æumnis hujus vitæ Apoc. 14. non
“ videtur asserendum purgatorium ullum punitorium, in quo
“ pii post obitum ignis gehennalis pœnas patiantur; ad quas
“ transeuntes non abeunt a laboribus hujus vitæ ad quietem,
“ sed a quiete ad summos labores. Cum tamen libri Maccha-
“ bæorum approbati in Canon. 84. Apostolorum recepto in
6. Synodo Can. 2. orationem pro defunctis commendent, &
“ praxis universalis Ecclesiæ in omnibus Liturgiis eam retine-
“ at, & præstantissimi Patrum sentiant orari posse pro existen-
“ tibus, in cœlis (non clare videntibus secundum suum videri
“ Deum) sufficit, cum viris doctis asserere, purgatorium ex-
“ piatorium, in quo sine tormentis Gehennalibus magis magis-
“ que usque ad diem visionis Dei claræ, fruenter consortio hu-
“ manitatis Christi & sanctorum perficiunt se in Dei charitate
“ per servida & morosa suspiria. Hæc ille : late eadem in se-
quentibus

quentibus confirmans. Et sic tandem concludit : “ Fateor
 “ Augustinum aliquando vacillasse de punitione in purgatorio:
 “ de civit. Dei lib. 21. cap. 26. non redarguo, Forſitan verum
 “ eſt. Et de Fide & Operibus cap. 16. Non abhorret, quantum
 “ arbitror, a ratione veritatis, &c. Punſtio egro in purgatorio
 “ eſt res in opinione humana poſita, quæ nec ex Scripturis, nec
 “ Patribus, nec conſiliis deduci poteſt firmiter. Imo (ſalvo
 “ meliori iudicio) oppoſita ſententia eis conformior videtur.
 Sic ille.

16. Archi-Epiſcopus Spalatensis de Republ. Eccleſiaſt. lib.
 7. cap. 11. n. 9. “ Purgatorium nullum eſſe in eo ſenſu, in quo
 “ a noſtris ponitur, arbitror me ibi (lib. 5. cap. 8.) demon-
 “ ſtraſſe. Et moneo articulos fidei de purgatorio & indulgen-
 “ tiis nullos eſſe, niſi novitios, perperam a noſtris ſuper indu-
 “ ctos, &c. igitur per regulas a me aſſignatas, nulla poteſtas
 “ eſt in terris, quæ illis fidei certitudinem poſſit addere, & con-
 “ ſequenter noſtri non poſſunt juſte pro hærecicis illos habere,
 “ qui purgatorium & indulgentias negant : ideoque hoc no-
 “ mine eos a communione Eccleſiaſtica non poſſunt abjicere.
 “ Sed neque Proteſtantes poſſunt hinc tanquam hæreticos
 “ damnare, & a communione ſua (quantum in ipsis eſt) re-
 “ pellere Pontificios, licet & purgatorium & indulgentias mor-
 “ dicus retineant. In his enim proculdubio errant ſed non con-
 “ tra fidem, exceſſus eſt hic ſed non defectus : neque per hos
 “ falſos articulos ulli vero articulo fidei fit injuria. Moneo ta-
 “ men non eſſe damnandas orationes & oblationes ſacrorum
 “ myſteriorum pro defunctis : illæ enim ſi non ex Scriptura,
 “ ſaltem ex uſu & praxi antiquiſſima Eccleſiæ, quæ ad Apo-
 “ ſtolicam traditionem facile poſſit & ſoleat a Sanctis Patribus
 “ revocari, ſuam habent deſenſionem ; ac licet inde verum
 “ Purgatorium non colligatur, colligitur tamen locus aliquis
 “ animarum, in quo peccatorum poſſint illæ indulgentiam
 “ Eccleſiæ precibus obtinere : plura de purgatorio aſſerere eſt
 magnæ vanitatis & temeritatis, &c.

17. Inter Proteſtantes Franc. Junius adverſus Bellarm. de
 Purgatorio lib. 1. cap. 10. “ Cum juvari animas mortuorum
 “ cœperunt credere Patres, intellexere de adjumento in bonum:
 “ poſtea vero invaleſcente errore Purgatorii, intellexere de ad-
 “ jumento ad liberationem illius ; priorem ſententiam tollera-
 “ ramus, poſteriore pernegamus, &c. Et ibidem Sect. 24.
 “ aſſignat, male confundi iſta duo doctrinæ capita de Sancto-
 rum

rum requie in expectatione gloriæ, malo (scilicet positivo si-
 ve poena sensus) carentium, & ad gloriam perfectam an-
 helantium; pro quibus orabatur prius, & de pœnis purga-
 torialibus in eadem expectatione subeundis, pro quibus
 orant Pontificii. Nos, inquit, prius tolleramus, posterius
 negamus. Hæc Junii sententia Vossio probatur disput. de
 orationibus & oblationibus pro defunctis, &c. Thesi.
 ultima.

18. P. Martyr. in cap. 3. 1 ad Cor. pag. 43. facie averſa;
 vidimus jam Purgatorium non esse dogma creditu necessari-
 um, deinde quod si opinione aut suspitione accipiatur, in-
 firmas & debiles habet quibus innitatur rationes, atque pie-
 tati potius officiat, quam eam promoveat. Quamobrem qui
 ipsum esse opinantur non recte faciunt, si id credendum Ec-
 clesiæ proponant, in qua ut fidei objectum, tradi non oportet,
 nisi ex Scripturis certo ac indubitato constet.

19. Episcopus Wintoniensis in respons. ad Card. Bellarmi.
 Apolog. c. 8. p. 208. de purgatorio verba faciens hæc habet:
 Cujus quidem in S. Literis basis firmior non est, locum id
 habere potest inter Opiniones Scholæ, quæ non sine formidi-
 ne contrarii sunt; inter fidei articulos non potest. Loco ergo
 suo consistat, opinio sit, &c. ad fidem ne pertingat ne dogma
 quidem Ecclesiasticum habeatur, &c.


20. Sed ut considerationi huic (in qua quæ forte desideras
 Lector erudite ea ex aliis qui controversiam hanc fusius per-
 tractarunt, petenda esse memineris) finem tandem impona-
 mus. Ad controversiam hanc tollendam vel saltem minuen-
 dam Romanenses opinionem suam de Purgatorio punitivo,
 quum nullis certis fundamentis nec in Scripturis, nec in primo-
 rum Seculorum Patribus, nec in Priscis consiliis nitatur, ut su-
 pra demonstratum est, pro fidei articulo nec habeant ipsimet,
 neque aliis obtrudant. Protestantes etiam, quibus opinio ista
 improbatur, & quidem jure meritoque, hæreseos tamen aut im-
 pietatis aperte eandem ne damnent. Sententiæ vero com-
 muni Græcorum atque etiam quorundam virorum doctorum
 in Latina Ecclesia de purgatorio expiatorio (quod solum pur-
 gatorii non enim proprie loquendo meretur) in quo sine pœnis
 gehennalibus, animæ sanctorum, quorum quali media quæ-
 dam conditio est, in cœlis quidem, sed in cœlorum loco, Soli
 Dei noto, magis magisque usque ad diem visionis Dei claræ
 fruenter conspectu & consortio humanitatis Christi, & sancto-
 rum Angelorum perficiunt se in Dei charitate per servida &
 morosa

morosa suspiria, ut supra dictum est, neutri pertinaciter ob-
stentur. Sua enim atque ea quidem haud exigua probabilita-
te minime destituitur. Mos autem orandi & offerendi pro de-
functis antiquissimus, & in universa Christi Ecclesia ab ipsis fer-
me Apostolorum temporibus receptissimus ne amplius a Pro-
testantibus ut illicitus vel saltem ut inutilis rejiciatur. Reve-
reantur Veteris Ecclesiæ judicium, & perpetua tot seculorum
serie confirmatam praxin agnoscant & religiose dehinc hunc
ritum, licet non ut absolute necessarium, seu lege divina im-
peratum, ut licitum tamen, atque etiam utilem, semperque
universæ Ecclesiæ probatum, cum publice tum privatim usur-
pent, ut orbi Christiano pax tantopere omnibus vere doctis &
piis exoptata tandem redeat. Faxit Deus Ter Opt. Maximus.

Τῷ μόνῳ Θεῷ δόξα.

Tertul. lib. 1. contra Marcionem.

Omnino res Christiana sancta antiquitate stat nec ruinosa
rectius reparabitur, quam si ad originem censeatur.






Consideratio
CONTRORSIÆ
HODIERNÆ
DE
ANGELORUM
ET
SANCTORUM
Intercessione & Invocatione.

PARS. I.

In qua de Utrorumque Intercessione agitur.

- I.  Ngelos omnes generatim, & qui in causis ac necessitatibus particularibus nostri curam gerunt, speciatim pro nobis orare non negant Protestantes doctiores; ut nec orationes nostras ab Angelis istis offerri Deo; intelligendos scilicet solam ministerialem precumstrarum oblationem, non autem propitiatorium: hæc enim soli Christo Mediatori

Mediatori nostro unico convenit. “ Offerre dicuntur custo-
 “ des Angeli orationes suorum, inquit Vasquez. in primam
 “ S. Th. tom. 2. disputat. 245. cap. 1. cum simul ipsi depre-
 “ cantes eorum orationes proponunt, non ut Deo illas mani-
 “ festent, cum nihil ipsum lateat, sed ut ipsi pro nobis simul
 “ deprecantur. Largimur (inquit Apologia Augustanæ con-
 “ fessionis) quod angeli orent pro nobis. Extat enim testi-
 “ monium Zach. 1. ubi Angelus orat, &c. M. Chemnitius
 Loc. Theol. parte prima de creatione pag. 333. edit. Franco-
 furtenf. Anno 1608. “ Angeli offerunt orationes nostras Deo.
 “ Tob. 12. vers. 12. orant pro nobis. Zach. 1. vers. 12. Job.
 “ 33. 23. Act. 10. vers. 3. & 4. Adjungunt suas preces nostris.
 Apoc. 8. vers. 3. & 4. &c. Joh. Gerardus in L. C. loco de
 Scriptura pag. 188. “ Novimus sane magnum illum Theolo-
 “ gum D. Chemnit. tom. 1. loco, &c. Inter officia Angelo-
 “ rum etiam hoc recensere, quod preces nostras Deo offerant,
 “ &c. Sed si tale quid Angelis tribuere vellimus, necessario
 “ distinguendum erit inter oblationem precum *ἱσχυρὴν* firmi-
 “ plicem, ac *ἰλαστικὴν* propitiatoriam, per quam preces nostræ
 “ Deo gratiæ & acceptæ redduntur, qui honor Soli Christo
 “ relinquendus, &c. Zanchius de operibus Dei, &c. lib. 3.
 cap. 14. “ Quicquid agimus vel boni vel mali, illud ab An-
 “ gelis custodibus nostris spectatur & observatur. Hoc idem
 “ confirmat & hic (Act. 10.) & alii loci, ubi legimus, preces
 “ nostras deferri in conspectum Dei per Angelos, ut Tob, 12.
 &c. Videatur idem Zanchius paulo post cap. 22. circa initi-
 um. Petrus Martyr. L. C. classe prima, cap. 12. Sect. 17.
 “ Quod si legeris in Scripturis (in margine citatur Tob. 12.
 “ 12.) Angelos deo offerre nostras preces, id ab eis non fit ad
 “ Deum instituendum sive docendum, &c. quod idem Ange-
 “ lis invenire asserendo quid incomodi accedat? Hæc Aug.
 scripsit l. 15. de Trinit. c. 13. &c. Videatur Author ipse in Loc.
 Apoc. 8. 3. 4. “ Primasius, Beda, Haymo, &c. Imo pleri-
 “ que interpretes, inquit Basilius de Viega Jesuita comment.
 “ in loc. per Angelum illum Christum intelligi volunt. Neque
 “ enim alteri (inquit Viega) apte accommodari possunt,
 “ quæ hoc loco ponuntur cujus enim alterius est universæ Ec-
 “ clesiæ incensa, *b. e.* orationes in thuribulo aureo tanta ma-
 “ jestatis specie Patri offerre? Cujus est, præterquam Christi,
 “ de igne quo thuribulum aureum erat impletum, partem in
 “ terras

“ terras misisse ; easque divini amoris igne, & ignitis Spir.
 “ Sancti donis inflammasse ? &c. inter Romanenses tamen
 (ut alios multos prætermittam) contendit Ribera in locum
 non Christum sed Angelum aliquem intelligi creatum. Ratio-
 nes quibus sententiam suam confirmat, videantur apud Autho-
 rem ipsum. Vide & Cornelium a lapide in loco.

Estius in locum utramque sententiam Lectori liberam re-
 linquit. Hæc autem illius verba observentur. “ Cæterum
 “ ex eo quod Angeli orationes nostras offerant Deo, bene se-
 “ quitur, quod pro nobis orent. Non enim aliter intelligi
 “ possunt orationes nostras Deo offerre, quam eas commen-
 “ dando, ut Deus illas suscipere, acceptare, & exaudire dig-
 “ netur. Hoc autem est suas orationes nostris adjungere, su-
 “ isque orationibus nostras adjuvare, &c. Inter Protestan-
 tes Beza in locum, de Angelo intelligit, & affirmat sanctorum
 orationes in hoc mundo, *viz.* “ Pura illa precum & benefi-
 “ centiæ sacrificia Deo quotidie offerentium, per Angelorum
 “ ministerium Deo offerri, &c. Chemnit. in examine Con-
 cilio Trident. de invocatione Sanctorum ad hunc locum re-
 spondens inquit, “ vel si intelligatur de Angelo simpliciter,
 “ idem erit, quod Scriptura alibi dicit : Angelos offerre ora-
 “ tiones nostras Deo, & referre exauditionem earum. Tob.
 “ 12. Dan. 9. & 10. Luc. 1. Act. 10. &c. Et illis addi incen-
 “ sum odoris fragrantis coram Deo non ex Angelorum digni-
 “ tate aut meritis, sed ex ara quæ est ante thronum Dei, &c.
 Vossius in thesibus suis de invocatione Sanctorum disp. 3.
 thes. 6. “ Atqui non aliud hinc (Apoc. 8. 3, 4.) colligi po-
 “ test, quam orationes nostras ab Angelis offerri Deo, atque
 “ ab iisdem exauditionis nuncium interdum afferri. Quod eti-
 “ am docemur, Dan. 9. 22. & 10. 12. Tob. 12. 15. &c.
 “ Quanquam & in hoc Apoc. loco cum Primasio & aliis per
 Angelum possumus intelligere Christum, &c. Idem Vossius
 disp. 2. thes. 3. locum Jobi cap. 33. 23. “ Si fuerit pro eo
 “ Angelus, &c. quem alii Protestantes de propheta, nuncio
 “ & interprete divinæ voluntatis intelligunt, cum doctissimo
 “ Mercero de Angelo intelligendum esse putat : (Mercerum
 “ vide) ita ut ex hoc loco colligi possit, Deum ad hoc Ange-
 “ lorum ministerio uti, ut hominum preces ac negotia ad se
 “ perferant : Quod quemadmodum ex plurimis Scripturarum
 “ locis manifestum est) passiva ac vulgaris in populo Dei
 “ opinio

“ opinio fuit. Sic ille. De tota hac re legatur locus insignis apud Aug: lib. de Trinit. 15. cap. 13. videatur & epistola 121. cap. 9. Bernard. serm. 7. in Cantica, aliique. Adis etiam Nicolaum Serarium Jesuit. prolixè hac de re differentem in Tob. cap. 3. in alteram cap. partem Qu. 4. 5. 6. 7, &c. Certe debili admodum argumento pugnant rigidiores Protestantes contra non solum Canonicam istius libri auctoritatem (quam certe illi tribuendum esse non existimamus) Sed etiam contra veritatem multorum quæ in illo continentur, inter alia, quia cap. 12. & 15. Angelus dicitur offerre preces sanctorum Deo. Videantur contrariæ super hoc qualicunque, argumento disputationes Anglorum Puritanorum, & molliorum adeoque meliorum, & doctiorum Protest. impressa Anno 1608. p. 171. & seq. Vide & Vorstium in Antibellar. parte 2. p. 142.

2. Cuique saltem fideli ordinarie certum aliquem Angelum tanquam custodem & curatorem assignatum esse, quamvis extra ordinem plures etiam nonnunquam ad eum, pro Dei beneplacito majoris consolationis causa, mittantur, qui ejus salutem procurent, vel orationibus, vel etiam officiis, prout occasio tulerit, vel postulaverit, Multi doctissimi Protestantes probabile, licet non de fide, esse existimant; contra aliorum rigidiorum sententiam, quibus hoc vel falsum commentum, vel saltem omnino incertum esse videtur. Hoc enim multi scripturæ loci probare omnino videntur. Matth. 18. Angeli eorum, &c. Act. 12. ipsius Angelus est. Loquebantur enim fideles illi juxta receptam in populo Dei sententiam. Gen. 48. Angelus qui eruit me, &c. quo de loco paulo post pluribus dicemus. Citantur & alii scripturæ loci qui huic sententiæ firmandæ servire videntur “ in hac autem sententia (inquit Zanchius de operibus Dei lib. 3. “ cap. 15. thesi 1.) quam magis probabilem esse diximus, omnes Patres fuisse videntur. Patrum vero communis & “ constans consensus, multum apud me habet ponderis “ & auctoritatis, nisi S. literæ contrarium aperte doceant, &c. Legatur Author ipse fuscè hac de re isthuc differens. Gul. Bucanus in L. C. de Angelis Qu. 28. consentit Similiter & Joannes Rivius vir doctissimus in libro de præsidio Angelico. Martinus Borrhæus in Ecclesiast. ad verba cap. 5. Neque dicas coram Angelo, &c. pag. 58. 59. Richardus

Richardus Montacutius contra quendam Controvers. Ab-
breviatorem cap. 23. Rich. Crakanthorp in defensione Ec-
clesiæ Anglicanæ, &c. cap. 58. p. 370. n. 4. "Putamus
" equidem & nos adesse nobis Custodem Angelum; puta-
" mus, inquam; de fide hoc esse, indubitatum esse, ex
te aut quovis tuorum scire volumus, &c. Joan. Salkel-
dus Anglus in tractatu de Angelis cap. 44. & 45. diffuse hoc
ex Patribus cum Græcis tum Latinis probat. Ad istis tracta-
tum ipsum ab Authore, postquam desertis Romanensibus sese
Protestantibus adjunxisset, conscriptum & excusum, Londini
A. 1613. A. Rivetus summæ controv. tract. 2. quæst. 47. p.
649. post alia nonnulla "illud tamen non est alienum a scrip-
" tura, nec probabilitate caret, quod Deus cuilibet electorum
" certum ac peculiarem Angelum, qui ipsum a nativitatæ or-
" tu usque ad obitum custodiat, assignaret; præter eos quos
" ipsi in difficultatibus extraordinarie ad majorem securita-
" tem ac consolationem largitur. Hæc ille. Plures in re adeo
clara citare non est necesse. Romanenses ipsi hoc de fide
esse non affirmant, sed assertionem hanc quamvis non sit ex-
pressa in scriptura vel ab Ecclesia definita, tanto tamen con-
sensu Ecclesiæ universis receptam esse, & in scriptura, pro ut
a Patribus intellecta est, tam magnum habere fundamen-
tum, ut sine ingenti temeritate ac fere errore negari
non possit. Ita Suarez. de Angelis. lib. 6. cap. 17. n.
8. Vasquez in 1. d. Th. tom. 2. disp. 245. cap. 1. n. 2. ali-
que.

3. Singulis etiam provinciis certos ordinariæ præfectos
esse Angelos; extra ordinem vero plures quoque & di-
versos ad eas mitti iisdem antedictis, aliisque moderatio-
ribus Protestantibus verisimile, & cum scripturis Dan.
10. & 11. & 12. & Apoc: 12. 7. &c. consentaneum
esse videtur. consentiunt & Patres, de quibus alii-
fuse.

4. Angelum Custodem non deserere penitus alumnum su-
um, quamdiu hæc vita durat, etiam si peccet, & peccata
multiplicet, docent multi Roman. probabile esse; nec refra-
gantur Protest. multi moderatiores. Zanch. ubi supra cap. 17.
"Angeli, inquit, quorum curam ex Dei mandato gerunt, eos
" nunquam penitus omnive officii genere deserunt, &c. Con-
sentiunt & alii, quibus idem verisimile, & scripturis & pluri-
morum Patrum testimoniis maxime consentaneum videtur.

Nonnulli tamen ex Patribus asserunt, homines peccando Angelos a se profligare, vel ab illis Angelos disjungi. Basilii in psalm. 33. "omni credenti in Dominum Angelus affidet, si non ipsum nos per prava opera fugaverimus, &c. Orig. hom. 2. in Jerem: in fine tractans illud Jerem. si Curavimus Babylonem, &c. Bernardus in suis sermonibus non semel idem docet. Res utcunque probabilis sit, de fide tamen, & indubitata non est. Salmeron, tom. 4. &c. p. 449. Non opus est ut semper homini assistat Angelus custos, quemadmodum nec artifex horologio ex rotis ferreis constante non semper adest, sed ubi aut perturbatum est, aut ubi mota destitit. ita Angeli custodes, ubi nostros Affectus ab ordine rectæ rationis recedentes emendaverint, & ad motum bonorum operum tepentes nos excitaverint, in cœlum se recipiunt, ubi semper vident faciem patris.

5. Ab Angelis custodibus, quæcunque fiunt & dicuntur ab illis, quorum custodiæ sunt deputati, ea ab illis præsentibus, ut semper adesse probabile est, licet de fide non sit, videri & observari extra controverliam est. Quæ autem in nobis sunt cogitationes, desideria & affectus, nisi per externa effecta, vel si na sese utrimque prodant, vel a Deo revelentur, cognosci ab Angelis minime posse recte & congruentur sacris literis 1. Cor. 2. 11. 1. Reg. 8. 39, &c. Patrum doctrinæ asserunt Protestantes. Subscribunt huic sententiæ Romanenses. omnes saniores. Suarez. de Angelis lib. 2. cap. 21. n. 3. "omissis particularibus opinionibus Theologorum, assertio Catholica est; Angelum non posse naturaliter actum seu consensum liberum voluntatis creatæ in se certo ac evidenter cognoscere, vel intueri, nisi ab habente talem liberum affectum alteri manifestetur. Quam assertionem ita indistincte sumptam, inquit, censeo esse de fide, licet in modo explicandi possit fortasse aliqua opinionum dissensio intervenire vel permitti, &c. Et hanc assertionem prolixè probat cum ex scripturis tum ex Patribus, quoad cogitationes internas, & aliorum Angelorum & hominum; cogitationes autem nostras semper Angelis Custodibus, nedum aliis omnibus a Deo revelari, quis sine divina revelatione ausit dicere? Angeli quidem lætantur super resipiscentiam peccatoris (ut dicitur Luc. 15. 10. qui locus Romanensibus omnibusque, indoctioribus præsertim sem-

semper in ore est) qui scilicet custodes sunt istius peccatoris ; sive perpetui & velut a latere sint, live hoc officio ad tempus fungentes , de cuius peccatoris conversione vera & sincera , vel ex revelatione divina , vel ex effectis & signis externis optime observatis illis constat : quamque vel iidem aliis Angelis revelant , vel etiam Deus ipse. Unde magnum existit gaudium in cœlo coram Angelis Dei super peccatore poenitentiam agente. Sed omnes & singulas nostras cogitationes & desideria idcirco a Deo revelari , vel per externa effecta & indicia Angelis etiam custodibus , nedum aliis semper innotescere minime inde efficitur , neque sine temeritate aliqua asseritur. Atque hæc de Angelorum intercessione.

6. Quicquid rigidiores Protestantes vel aliquando docuerint , vel etiam hodieque doceant certum non esse ; quod sancti mortui orent pro vivis , ne quidem in genere , omnium tamen æquiorum & saniorum ea mens est , quæ fuit Jac. 6. M. B. R. laudatissimi in Resp. per I. C. ad epist. Card. Perron. scripta p. 59. edit. Londin. 1612. “ Beatos Marty-
“ res , & alios sanctos cum Christo Capite utriusque Eccle-
“ siæ triumphantis , & Militantis, nunc regnantes, veneratur
“ ipsius Majestas, eosque pro necessitatibus Ecclesiæ assidue
“ orare non dubitat , precesque ipsorum non esse inutiles fir-
“ miter credit, &c.

7. Imo in particulari etiam pro quibusdam viventibus sanctos defunctos orare non negant quidam Protestantes probabile esse. Episc. Winton. in resp. ad cap. 20. lib. 5. Re-
plic : Cardin : Perronii p. 44. R. Crakanthorp in defensione Ecclesiæ Anglicanæ contra Archi-Episc. Spalat. cap. 59. n.
“ 4. “ Non negamus tum Hieron. tum Cypr, tum Nazian-
“ zen. tum alios in ea opinione fuisse (quam nos quoque
“ ut piam amplectimur , & probabilem) ut putarent
“ sanctos defunctos pro aliquibus , qui ipsis noti prius e-
“ rant , & chari, etiam in particulari apud Deum preces
“ fundere. Hinc Virgines mox ad Dominum cum martyrii
“ corona migraturas, hortatur, qui illis & cognitus probe-
“ fuit & charus , Cyprian. de discipl. & habitu Virg. in fi-
“ ne. Mementote tunc nostri , cum incipiet in vobis Virgi-
“ nitas honorari, &c. & Cornelium sibi familiarem valdeque
“ dilectum alloquitur iterum idem Cyprian. l. 1. ep. 1. si quis
“ nostrum prior divinæ dignationis celeritate præcesserit ,

“ perseveret apud Dominum nostra dilectio, pro fratribus &
 “ sororibus nostris apud misericordiam Patris non cesset ora-
 “ tio. Quod idem de Basilio opinatur Nazianz. orat. funeb.
 “ in laudem Basil. ille, inquit, nunc in cœlis degit, ibique pro
 “ nobis (pro nobis, inquit, in particulari, quos charos hic ha-
 “ buit) *ὡς οἶμα* ut arbitor, sacrificia offert, ac pro po-
 “ pulo (hoc nempe particulari quem charum habuit)
 “ Orat.

“ Hoc sensu capienda etiam Hieron. verba tam illa ad Pau-
 “ lam, de Blesilla pia ipsius filia tunc defuncta; pro te Do-
 “ minum rogat, mihi que veniam impetrat peccatorum;
 “ quam illa ad Heliodorum, Veniet postea dies, quo Hieroso-
 “ lyman cœlestem Vir fortis coronatus incedas; Tunc pa-
 “ rentibus tuis ejusdem civitatis jus petes : tunc & pro me
 “ rogabis, qui te ut vinceret, incitavi.

“ Erat Paula, erat & Hieron. Blesillæ erant Heliodoro tum
 “ Parentes ipsius tum Hieronimus non noti solum, sed sum-
 “ me chari. Cur tales a defunctis in particulari Deo com-
 “ mendari diffidamus? Quis vel parentum in filiis, vel fili-
 “ orum in Parentum animabus separatis memoriam recentem
 “ adhuc, & charitatis ardore flagrantem, oblitteratam sentiat
 “ credatve? Quis Sanctos Deum intuentes, vel memoria vel
 “ charitate debiliore opinetur in cognatos, charosque amicos
 “ quam erat in fratres suos miser ille & immisericors Epulo!
 “ Roget igitur pro parentibus & amicis notissimis sibi & cha-
 “ rissimis Blesilla, roget Heliodorus, rogent pro similibus alii;
 “ Aliqui etiam, si vis, pro illis particularibus Ecclesiis, regnis
 “ aut provinciis, quorum dum vivi erant, ardentio rem curam
 “ gerebant : quid hoc ad nos, aliosque quos de facie de no-
 “ mine, de conditione & statu penitus ignorant? &c.

Et paulo post : “ orare Sanctos defunctos, etiam & in
 “ particulari orare pro eis, quorum notitiam & memoriam
 “ adhuc calentem habent, & secum in cœlum ferunt, libenter
 “ arbitramur, &c.

R. Montacutius contra J. Cæsarem Bulengerum pag. 21.
 22. prolixè in eandem sententiam disserit. “ Sancti, inquit,
 “ ad Christum in cœlo relecti possunt de via ordinaria per
 “ Christum apud Deum Patrem amicos, familiares, *ὄντας*,
 “ notos precibus commendare, & adjuvare in genere; de
 “ rebus

“ rebus ad salutem necessariis procurandis de malis avertendis
 “ averruncandisque tractare, &c.

Hoc late deinceps ex Cypr. variis locis probat, “ illa in-
 “ quit, Cypriani & similia Patrum, antiquorum testimonia,
 “ ubi noti cum amicis, familiares stipulantur cum familiaribus,
 “ nihil prorsus adjuvant enormem illam paxin & opinionem,
 “ quæ nunc obtinent in Ecclesia pontificia, &c.

Idem in tractatu de Invocatione Sanctorum idiomate An-
 glico scripto fuisse probat pag. 101, 102, 103, 104, 105,
 106, 107, & aliquot seq. admittit etiam ibidem ut probabile,
 quendam vel quosdam Sanctorum defunctorum posse alicujus
 vel aliquorum hominum vel populorum, &c. ex speciali qua-
 dam dispensatione, vel deputatione vel ardenti aut pio affectu,
 &c. non quidem ordinarie, sed extraordinario modo curam
 magis specialem gerere, &c. Vide Authorem.

Affirmat idem & alius Anglus, Petrus, Heylinus in Histo-
 ria quinti Georgii Cappadocis nuper asserta, &c. & excusa
 Anno 1631. pag. 203. &c.

8. Sed orare Sanctos pro illis in particulari quorum notiti-
 am nullam ante obitum habuerunt, & scire eos aut parentum,
 aut liberorum, aut amicorum, aut quorumcunque post ipso-
 rum egressum vel omnes actiones, vel conditionem vel preces,
 non solum vocales, sed etiam mentales; ut pro eis quæ tum
 petunt in particulari intercedere possint, si non falsum, saltem
 dubium admodum & incertum esse recte Protestantes arbi-
 trantur; contra Bellarm. de Sanct. Beatit. lib. 1. cap. 20.
 Sect. deinde ob. 1. non est verum, &c. aliosque plurimos
 Roman.

9. Certe nullæ Scripturæ hæc docent : ad ea enim loca,
 quæ vulgo adduci solent a Rom. Jerem. cap. 15. v. 1. 2 Pet. 1.
 14. 15. Apoc. 2. 26, 27. & 3. 12. 21. 5. 8. & 6. 10. & 8. 3. 4.
 Matth. 24. 26. abunde a Protestantibus responsum est; quos
 adifis.

Imo Scripturæ contrarium docere videntur Esa. 63. 16.
 1 Reg. 8. 39. 2. Reg. 22. 20. &c. Solius scilicet Dei &
 Christi Mediatoris, seu hominis ratione Unionis Hypostaticæ
 proprium esse, omniū hominum dicta facta, & cogitata nosse;
 res humanas ubiq; curare & administrare; ac preces gemitusq;
 omnium

omnium ubicunque orantium piorum exaudire, &c. nulli autem vel Angelorum vel Sanctorum defunctorum idem datum aut communicatum. Unde etiam liquet, quam infirme sint ratiunculæ, quæ petuntur ab Angelis, & a quibusdam sanctis in terris, Elizeo, Daniele, &c. Ad probandum, Sanctos in coelis singula quæ hic a piis dicuntur, fiunt & cogitantur in locis etiam longissime distitis, idque sive simul, sive etiam successive nosse. Nihil nunc dicam de male intellecto loco Luc. 20. 36. ubi dicuntur beati fore ἰσχυροί, unde colligunt, non minus animas beatas quam Angelos, scire nunc quæ in terris gerantur. Videantur Protest. inprimis Vossii theses Theolog. de Invocatione Sanctorum.

10. Neque unquam hoc in Ecclesia certum fuit, & de fide plurimi enim patrum, ut constet, & confitentur ipsi Rom. Staplet. defens. Ecclesiastic. authorit. lib. 1. cap. 2. alique multi, ut nos alibi ostendimus, animas Sanctorum usque ad diem iudicii non clare videre Deum existimarunt : apud illos igitur certum esse non potuit, quod res humanas clare aut certo sciant.

11. Orig. lib. 2. in epist. ad Rom. cap. 2. " jam vero si etiam extra corpus positi Sancti, qui cum Christo sunt, agunt aliquid, & laborant pro nobis ad similitudinem Angelorum, qui salutis nostræ ministeria procurant, &c. habeatur hoc quoque inter occulta Dei, nec chartis committenda mysteria. Loquitur autem Orig. de particulari animarum beatarum pro nobis intercessione, illi Angelorum simili, qui salutis nostræ ministeria, ut recte ait, procurant officii de mandati ratione. Viedatur idem in Cant. Hom. 3. non erit inconueniens si quis arbitretur, &c. Nazianz. orat. 1. in Julianum. " Audi hæc etiam Constantii Magni (sic enim legendum est, non autem ut multi vulgo ex Basil. edit. citant Constantini Magni : Vide R. Montacut. in notis ad orationem hanc : Vide etiam Frontonis Ducæi notas in eandem Orat. 3. in edit. Parisiensi) anima (cœlo, ut ipse charitatis iudicium secutus existimabat, illata) εἰς τὴν αἰώνιον, si quis mortuis sensus est omnesque eorum, qui imperium ante ipsum tenuerunt, piæ Christi que amantes animæ. Sic Billius, &c. Et rursus in fine orationis in Gorgoniam sororem suam εἰς τὴν Κοίτην, &c. " Si qua tibi nostrorū sit cura, atq; hoc præ-

“ mihi sit Sanctis animis a Deo concessum, ἡ τοιούτων ἐπι-
 “ δόξα, ut ista sentiant; suscipe quoque orationem nostram
 &c.

Perperam Bellarm. aliique Rom. respondent in his locis, præsertim in hoc posteriori illud (Si) non esse dubitantis, sed affirmantis, ut cum dicit Apostolus ad Philem. Si habes me socium, suscipe illum.

Et Dominus Malach. 1. Si pater ego sum, ubi est honor meus? &c. Et si Deus est animus, &c. ut sensus sit, Audi Constantii anima, quia tibi sensus est, &c. Quia tibi ἡ μετέπων cura est, atque hoc præmii, &c. Quis enim a partium studio alienus, hæc dicta Nazianzi dubitantis potius esse, quam aliquid tanquam indubitatum præsupponentis esse non videat?

Græcus Scholiastes in locum priorem aperte inquit, pag. 2. Edit. Etoniensi, Ἰσχυρότατον τῆτο; & verba, ἢ τις αἰδέησιν, per hæc explicat, ἐὰν τις αἰδέησιν ἐπὶ τῇδε ἀκρίβει.

Hæc autem ἐὰν τις ἐπὶ verba sunt non adjurantis, sed dubitantis. Idem Nazianz. Orat. in laudem Basilii. “ Et nunc
 “ ille quidem in cœlis est, illic sacrificia pro nobis offerens,
 “ & pro populo preces fundens, ὥς οἶμαι, ut opinor, ni fallor
 pro ut vertit Billius.

Vide Edit. Paris. Quod in funebri Patris oratione ait πείδομαι, ego mihi persuadeo. “ Nec dubito, ut vertit idem
 “ Billius, quin hoc nunc quoque tanto magis deprecatione sua,
 “ quam prius doctrina præstat, &c.

Male a Billio versum est. Verbum enim πείδομαι significat certam animi persuasionem de re quapiam, sive certa sit morali duntaxat certitudine, cui falsum subesse contingat sive certitudine fidei & infallibili. Vide Philip. 1. 6. 2 Tim. 1. 5. Hebr. 6. 9. Rom. 15. 14.

Præterea nihil hoc spectat ad particularem hanc Sancto-
 rum pro nobis intercessionem, de qua jam controvertitur;
 sed ad illam, de qua numero sept. dictum, quæ valde probabi-
 lis, est.

12. Observa obiter Lector minus attente hunc locum legisse D. Vossium quando in disp. Historica altera de invocatione Sanctorum, thes. 8. verba quæ hac eadem in sententia leguntur *ὃ μὴ πολυηρόν τῷτο εἶπῃν* dubitationi Nazianzi de particulari Sanctorum intercessione probandæ adduxit.

Verba enim illa alio referenda esse vel levis loci inspectio clare ostendit. “ Ego mihi persuadeo, quod hoc nunc quodque tanto magis deprecatione sua, quam prius doctrina præstet, quanto nunc magis Deo appropinquat, ut qui corporeas compedes excusserit, *etc. τῶς καὶ παρρησίας ἀγγελικῆς* “ *εἰ μὴ πολυηρόν τῷτο εἶπῃν, ἀξίεμεν* *Θ.* Angelici ordinis dignitatem & fiduciam (nisi hoc dictu audax est) consecutus. Eundem errorem errarunt ante illum quidam alii Protestantes.

Quod etiam Orat. 24. haud procul ab initio de Athanasio verba faciens Nazianz. ait : “ ille vita defunctus nunc res nostras *εὖ οἶδα* bene scio, (ut persuasum habeo vertit Bellius) cœlitus inspicit, ac virtutis causa laborantibus manum porrigit, *etc.* Illud *εὖ οἶδα* aliud non significat quam *τὸ πείθομαι* superius, opinionem scilicet, & persuasionem valde probabilem de particulari etiam illius intercessione pro Ecclesia omnibusque illius sanis membris propter veritatem fidei (pro qua tuenda innumeras ipsemet dum in vivis esset ærumnas pertulerat) tunc afflictis aut porro affligendis ; sed absque singulari rerum omnium, quæ hic in Ecclesia geruntur, & piorum omnium ac singulorum qui omnibus sæculis ab illius in cœlum migratione mala propter fidei *ὁρδοδοξίαν* perpeSSI sunt, aut ad huc usque ad finem seculi perpeSSuri sunt, cognitione.

Sæpe in communi & populari sermone de quibus tantum valde probabiliter opinamur usurpare solemus illud *εὖ οἶδα*, bene novi, ut constat.

Nimis ergo audax est illa Bell. assertio de Sanctorum Beatitud. lib. 1. cap. 20. Gregor. Nazianzenum passim asserere, Sanctos videre, singulatim scilicet, quid hic agatur ; citato hoc Nazianz. cujus nunc meminimus, loco.

loco. Contrarium ex antedictis apparuit. Sed pergamus.

13. Ambrosius de obitu Satyri fratris : “ Qua eras sanctæ
“ mentis misericordia in tuos , si nunc urgeri Italiam tam
“ propinquo hoste cognosceres , quantum ingemisceres !
“ quam dolores in Alpium vallo summam nostræ salutis con-
“ sistere ! &c.

14. Hieronimus in Epitaphio Nepotiani (de quo ibidem Hieronymus fidenter : “ Scimus Nepotianum nostrum esse
“ cum Christo & Sanctorum mixtum Choris) circa initium :
“ Quicquid dixerō , quia ille non audit , mutum videtur : &
“ haud procul a fine ; Fœlix Nepotianus , qui hæc non vidit ,
fœlix qui hæc non audit ; nempe Barbarorum incursiones. Inepte respondet Cardin. Perron. Replicationis ad epistolam Seren. M. B. R. lib. 5. cap. 20. ut videre est in opusculis posthumis Episc. Winton. Nepotianum hæc non vidisse nec audivisse oculis & auribus scilicet corporis , &c. Quid enim aliud per videre & audire hic intelligit Hieronymus , quam Cognoscere ? Sicut Ambrosius supra locutus est Si nunc urgeri Italiam tam propinquo hoste cognosceres. Et in fine ejusdem Epitaphii : “ Cum quo loqui non possumus ,
“ de eo loqui nunquam desinamus. Cum quo loqui , & ad quem loqui , ut scilicet certum sit illum audire quæ loquimur , Hieron. hic idem sunt ; ut rursus inutilis sit Card. Perronii distinctio hic adhibita inter , parler avec , & , parler a cum , aliquo loqui , & aliquem alloqui.

Augustinus Lib. de cura pro mortuis capite 16. ait defunctos per naturam propriam vivorum rebus interesse non posse , nec quid agamus quidve patiamur novisse cap. 13. quod fuse ibid. probat exemplo piæ suæ matris , ex psal. 26. Pater meus & Mater mea dereliquerunt me , &c. Ex Esaia cap. 63. vers. 16. & 2 Reg. cap. 22. v. 20. Vide locum “ Proinde fatendum est , inquit , .cap. 15.
“ nescire quidem mortuos quid hic agatur , sed dum hic
“ agitur ; (ubi igitur est speculum Sanct. Trinitatis , in
“ quo Sancti singulatim omnia nostra vident ?) postea
“ vero audire ab eis qui hinc ad eos moriendo pergunt ;
“ non quidem omnia , sed quæ sinuntur indicare , qui
“ sinuntur etiam ista meminisse ; & quæ illos , quibus hæc
“ indicant , oportet audire. Possunt & ab Angelis , qui rebus ,
“ quæ

“ quæ aguntur hic, præsto sunt, audire aliquid mortui,
 “ quod unumquemque illorum audire debere judicat, cui
 “ cuncta subjecta sunt, &c. Possunt etiam spiritus mortuorum
 “ aliqua, quæ hic aguntur, quæ necessarium est eos nosse,
 “ non solum præterita, vel præsentia, verum etiam futura
 “ revelante spiritu Dei cognoscere. Sicut non omnes homi-
 “ nes, sed prophetæ, dum hic viverent, cognoscebant, nec ipsi
 “ omnia, sed quæ illis esse revelanda Dei providentia judica-
 “ bat, &c. Quam modeste & prudenter hæc Aug. dicta! &
 cap. 16. dubitare se significat, num Martyres generaliter orent
 pro indigentia supplicantium “ sicut nos, inquit, oramus
 “ pro mortuis, quibus utique non presentamur, nec ubi sint,
 “ nec quid agant scimus, an vero speciatim pro singu-
 lis. Nec explicat inquit Estius in 4. sent: dist: 45.
 S. 20. utrum singulorum preces sigillatim percipiant.
 15. Idem Aug: lib. de vera religione. cap. 55. “ Quis-
 “ quis Angelorum vel hominum in Deo manet, & potest
 “ humanas preces sentire, in illo me exaudit. Resp. Bell. loco
 “ supra citato mane tantum *ἡμετέριον* est. Vide lo-
 cum.

16. Bernardus (quem ultimum Patrum recte vocabat V. Cl:
 “ Nicolaus Faber) In obitum Humberti Monachi. Quam-
 “ diu viveret in ejus laude non aperui os meum, ne forte
 “ possemus, ve ego adulationis notam, vel ille culpam in-
 “ currere vanitatis: Ex hoc sane neutrum jam timetur,
 “ nec ego eum video, & ille forsitan me non audit. Sed etiam
 “ audiat, non movetur hominum verbis, &c.

17. Hugo de S. Victore, æqualis S. Bernardi ut constat;
 quæst: 228. in epist: ad Roman. “ Quæritur, inquit, an
 “ sancti, quorum patrocinia postulamus, pro nobis interpel-
 “ lent, & quomodo? Respondit sanctos pro nobis interpellare
 “ non est aliud quam Deum pro meritis eorum bonos affectus
 “ quos habemus in eos propter Deum, remunerare: Et ideo
 “ nihil interest si nos audiant si non. Et de sacramentis l.
 2. parte 16. cap. 11. “ multi, inquit, in quæstionem adducunt,
 “ an sancti preces supplicantium audiant, & cum ad inter-
 “ cedendum invocantur, utrum vota postulantium usque
 “ ad ipsorum cognitionem perveniant. Difficile est de hu-
 “ jusmodi judicare. Quomodo enim scientia nostra certa
 “ esse potest de ipsis, qui eam, quam de nobis habent scienti-
 “ am, nec capere possumus, nec investigare? Hoc unum
 “ certum

certum est, animas sanctorum in secreto divinæ contem-
plationis constitutas, eorum quæ foris aguntur tantum sci-
re, quantum vel illis ad gaudium vel nobis ad auxilium
prodesse constat. Nos intercessores quærimus apud Deum.
Quid amplius vis? Times ne forte non orent, qui semper
orant? Quomodo non orabunt pro te, quando tu non
oras, qui & quando tu non oras, orare tamen non cessant.
Si non audiunt, inquis, & ego in ventum verba fundo, non
audientibus & non intelligentibus loquens? Ecce dicamus,
non audiunt sancti verba postulantium; neque ad beati-
tudinem illorum attinet ista nosse quæ foris aguntur. Ecce
dicamus, non audiunt. Nunquid Deus non audit? Quid
ergo laboras investigare, quid audiant & quantum audiant
Sancti quos oras; cum ipse Deus audiat propter quem o-
ras? ipse videt humilitatem tuam, qui remuneraturus est
devotionem tuam. Tamen si audiunt & quantum audi-
unt, quid est audire, nisi scire? Unum enim est lumen
in quo & audiunt ad percipiendum, & vident ad cognos-
cendum: in quo si quid forte foris agitur, quod modo inter-
rim non audiunt, aut non vident, mysterium est dispensati-
onis, non detrimentum felicitatis. Inveniuntur tamen qui-
dam Sanctorum Patrum (Gregor. Magnum intelligit in Jo-
bani, &c.) quædam ita dixisse, quasi nihil sit in creaturis,
quod non videant qui videntem omnia vident. Ego amplius
judicare non præsumo, nisi hoc solum, quoniam tantum vi-
dent, quantum illi placitum est quem vident, & in quo vi-
dent. Hæc ille.

18. Magister sentent. lib. 4. dist. 45. "Non est incredibile
(minime igitur certum, & de fide) animas Sanctorum,
quod in abscondito faciei Dei veri luminis illustratione læ-
tantur, in ipsius contemplatione ea quæ foris aguntur in-
telligere, quantum vel illi ad gaudium, vel nobis ad auxi-
lium pertinet, &c. Gabr. Biel in Canone Missæ lect 31.
citato illo, quem nuper adduximus ex Hug de S. Victore de
sacramentis &c. loco, inquit, "Unde Probabiliter dicitur,
quod licet non necessario sequitur ad Sanctorum beatitudi-
nem, ut orationes nostras audiant, de congruo tamen Deus
eis revelat omnia quæ ipsis ab hominibus offeruntur; sive
ipso magnificando & laudando; sive eos orando & auxilia
implorando, &c.

19. Cajetanus in 2. 2. qu: 88. art: 5. "certa ratione
nesci-

“ nescimus an Sancti nostra vota cognoscant, quamvis pie
 hoc credamus Gul. Estius in 4. sent. dist. 45. S. 18. circa
 finem, “ si recte invocantur sancti, ut habet totius Ecclesiæ
 “ fides : ergo valde probabile est, imo, plus quam probabile,
 “ quod preces invocantium se cognoscant. Quamvis autem
 “ Tridentini Concilii patres istud tanquam rem fidei definire
 “ noluerint, docent tamen Sess. 25. eos impie sentire, qui asse-
 “ runt stultum esse in cœlo regnantibus voce vel mente sup-
 “ plicare ; quique sanctorum, ut pro nobis etiam singulis
 “ orent, invocationem esse dicunt idololatriam. Et rursus ibid.
 Sect. 20. circa finem “ non est necesse affirmare, quod semper
 “ omnes sancti cum Christo regnantes cognoscant particula-
 “ riter omnium & singulorum preces quomodocunque genera-
 “ liter ad se directas. Et forte ob hujusmodi dubitatiunculas
 “ non fuit visum Patribus Trid. concilii quæstionem hanc,
 “ an Sancti preces viventium cognoscant, absolute defi-
 “ nire.

20. G. Cassander in epist. ad Jo. Molinæum (num. 19.)
 p. 1108. & 1109. “ De interpellatione Sanctorum jam
 “ olim in Litanis publicis usitata, scripsi non videri mi-
 “ hi, cur minus liceat beatos illos spiritus ex quadam
 “ pii desiderii redundantia compellare atque exhortari ut
 “ id faciant, quod eos ultro facere credimus ; ut perinde
 “ valeat, Omnes sancti orate pro me, atque utinam
 “ omnes sancti orent pro me, &c. Huc me primum in-
 “ duxit quod de hac quæstione, an, quatenus & quo-
 “ modo sancti cognoscant & exaudiant singulorum eos
 “ interpellantium preces, nihil apud veteres neque re-
 “ centiores definitum, Sed probabiliter tantum disputa-
 “ tum videam. Notum est quid Aug : de cura pro mor-
 “ tuis de ea re disputat. Et Scotus manifeste asserit, non
 “ esse ex ratione beatitudinis, quod Beati audiant ora-
 “ tiones nostras, probabile tamen esse quod Deus ipsis
 “ revelat. in 4. dist. 45. qu. 4, &c. Movit quoque
 “ me potissimum, quod apud Hugonem de S. Vict. le-
 “ geram, non ideo inanes fore nostras preces, quibus
 “ sanctos ad orandum pro nobis invocamus, etiamsi
 “ concedamus eas voces postulantium non audire ; Ec-
 “ ce inquit, dicamus, non audiunt, nunquid Deus non
 “ audit ? Quid ergo laboras investigare, quid audiant
 “ & quantum audiant sancti quos oras, cum ipse Deus
 audiat

“ audiat propter quem oras ? Quare cum videre non ne-
 “ cessarium . ut statuamus sanctos intelligere nostras pre-
 “ ces ; credebam ad calumnias nonnullorum repellendas
 “ satis esse si dicamus , per modum desiderii eas interpellatio-
 “ nes explicari posse ; quod minus habet absurditatis , & di-
 “ vinarum literarum exemplis congruit. Si quis autem hujus-
 “ modi compellationes pro intimatione quoque desiderii, &
 “ directa (ut ita loquamur) alloquutione haberi velit , non
 “ repugno. Crediderim tamen hujusmodi intimationi taci-
 “ tam conditionem subesse debere qualem Greg. Nazianz.
 “ in oratione funebri sororis Gorgoniæ exprimit, cum ait ;
 “ Proinde si nostri sermones vel parumper tibi curæ sint,
 “ honorque talis sanctis a Deo donatur animabus , ut talia
 “ resciscant , suscipe & tu sermonem nostrum. Hæc omnia
 “ Cassander.

21. Georg. Wicelius in methodo Concordiæ Ecclesiastice & 14. de oratione p. 47. “ quid consilii dabitur, ut
 “ non prorsus sublata intercessione (sanctorum) amicitia
 “ inter nos sancta fiat ? Ecclesiastici ponant modum dogmati
 “ suo, & non faciant articulum symboli ex pia persuasione,
 &c.

22. Jo : Baptista Folengius Monachus Benedictinus
 multum Jac : Augustino Thuano laudatus Hist. lib. 23.
 in 1. epist. Joan. cap. 2. ad verba ; “ sed & si quis pecca-
 “ verit, advocatum habemus , &c. Absurdum minime
 “ est opinari , ut inter quos una est Charitas , una e-
 “ tiam sit voluntatis , atque adferendas his , qui in acie
 “ adhuc laborant suppetias , desiderium & affectus , quem
 “ convenientissima voce precationem appellarunt sancti Dei
 “ interpretes. Quid, oro, Ecclesiæ puritati officit istiusmo-
 “ di persuasio ? Nihil certe video detrahi posse fidei can-
 “ dori ; si milites jam in tuto positos pro his, qui in ago-
 “ ne etiam num contendunt, &c. sollicitos esse credamus,
 &c. Nihil hic de singulari cognitione & intercessione dici-
 tur.

23. Jo. Barn. in suo Cath. Rom. pacifico manuscr. S. 10. de
 invocatione sanctorum. “ Ex praxi interpellantium san-
 “ ctos non est necesse inferre eos nos certi audire sanctis est
 inter-

“interpellatores eorum pie id credere, eos ab illis audiri.
 “Et in Paralipomenis ad Sect. hanc affirmat, Sanct. Patres,
 “quando mente præsentes sanctos alloquuntur & orant,
 “tacitam conditionem subaudire. Adducit deinde locum
 Nazianz. de laudibus Gorgoniae supra citatum. Et illud orat.
 1. contra Julianum *ἡ τῆς αἰωνίου*. Et de Basilio *ὡς οἶμα*.
 illud Hieronimi in Epitaphio Nepotiani, Non audit quicquid
 dixero. Aug : de cura pro mortuis cap 13. & de sp. & litera
 cap. 29. (sed falso videtur scriptum) Orig : lib. 2. in ep : ad
 Rom. concluditque “ & si non sit certum sanctos clare vide-
 “re Deum certum esse nequit, quod res nostras clare aut cer-
 “to sciant pie tamen (inquit ibidem) credimus sanctos nostra-
 “rum rerum curam gerere, & credulitatis hujus suspiciones
 “non desunt probabiles nempe 1. Eph. 2. 19. sumus conci-
 “ves & domestici & commembra sanctorum : Pronum ergo
 “est suspicari, eos conversantes cum Christo familiariter
 “multa ob eo de nobis petere & discere. 2. Angeli ad nos
 “missi sciunt distincte res nostras. Tob. 12. Zach. 1. Dan. 10.
 Matth. 18. Cur non referunt aliis? &c. Hæc ille.

24. Jeremias Patriarcha Constantinopol : in censura, &c.
 cap. 21. “Neque aut Petrus aut Paulus ipse exaudit eorum
 “quemquam, qui illum invocant, sed gratia & donum quod
 “habent, juxta illud promissum; Ego, inquit, vobiscum
 “usque ad consummationem seculi, &c. Neque mi-
 “rum est, sentire Ecclesiam Orientalem, quum sanctos ante
 “diem judicii Deum clare videre neget.

25. Archiep. spalat. de Rep. Eccles. lib. 7. cap. 12. n. 11.
 “sanctorum animas beatitudine sua inchoata cum Christo
 “frui in cœlis, licet nondum ante resurrectionem perfecta,
 “posui, &c. In atriis eas esse, non in Regiis cubiculis dixe-
 “runt aliqui viri sancti Orthodoxi scriptores, &c. ac proin-
 “de meo quidem judicio, nondum aptæ sunt ad perfecte nos-
 “tra curanda, quantum tamen earum status fert, & inchoata
 “illa requirit beatitudo (ac multo plus si jam perfecta
 “fruuntur gloria intra Regia cubicula, quod multi censent,
 “& ego id eis ut probabile relinquo) illas apud Deum pro
 “nobis mortalibus, etiam in particulari intercedere videtur
 “Ecclesiæ Catholicæ id perpetuo fuisse certissimum.

Audacter sane hoc dictum, ut ex antedictis liquidissime;
 patet

patet nisi dextre accipiatur. Et rursus n. 27. affirmat sanctorum animas cognoscere nostras preces, atque hoc dogma certum esse, licet quomodo & Angeli & sanctorum animæ cognoscant nostra, & nostras audiant preces, præsertim corde solo suas, nobis ignotum sit.

Ibidem tamen ex Cassandri epist. 19. ad marginem citata subjungit. “ Optime sane Hugo de S. Victore putat, non
 “ ideo inanes fore nostras preces quibus sanctos ad oran-
 “ dum pro nobis invocamus, etiamsi concedamus eas vo-
 “ ces postulantium non audire, &c. Nam neque hoc du-
 “ bium (inquit) audiant nec ne, impedire potuit Greg.
 “ Nazianzenum ne invocaret sororem suam Gorgoniam
 “ defunctam: proinde inquit, Si quid, &c. Videtur ita-
 “ que in his Sanctorum invocationibus saltem tacita adesse
 “ conditio talis, qualem expressit Gregor; & invocatio hæc
 “ magis, est voti & desiderii, quam allocutiones. Hæc
 ille; sed male hæc ab eo dicta cohærere videntur.

Ita sæpe illi, licet alias viro doctissimo & controversiarum hodiernarum intelligentissimo in suis libris accidit, ut dum in diversa animus raperetur, & utrique parti gratificari impensissime studeret, haud pauca non satis attente & considerate scriberet. In opere tam longo laborioso juxta ac invidioso nihil mirum bonum quandoque dormitasse Homerum.


26. De modo autem quo Sancti preces nostras omnes intelligunt quantopere dubitent Romanenses ipsi an scilicet a principio beatitudinis suæ videant omnia quæ a nobis geruntur in speculo divinitatis, ut inepte appellant sive in intuitu divinæ essentiæ, an vero ab ipso Deo revelentur orationes nostræ illis quos invocamus, eo ipso momento quo oramus; an vero per Angelos, qui nunc ascendunt in cœlos, nunc inde ad nos descendunt cognoscunt; an per animas Sanctorum de corporibus in cœlum migrantēs; an denique aliqua alia ratione nobis incomperta neminem latet qui ipsorum Scripta legit. Videantur Bellarm., videantur & cæteri omnes atque etiam Protestantes.

Aliquid probabile certe offerri potest, quomodo quædam
 U quæ

quæ hic geruntur, ea scilicet quæ Deus illis nota vult intelligere possint, sed nihil certi.

Det Dominus pro immensa sua gratia, ut ad sobrietatem sapiant omnes Christianæ pietatis cultores præsertim in iis, quæ non sunt clare in Scripturis revelata, nec curiosas & inutiles consecretur aut scrutentur quæstiones. Atque hæc de Angelorum & Sanctorum intercessione sufficiant.

P A R S



PARS ALTERA


In qua de Eorundem

INVOCATIONE

Agitur.

CAP. I.

In quo Eorundem Invocationem variis ipsorum Romanensium testimoniis non esse simpliciter necessarium ostenditur.

I.  Ideri possent Patres Concilii Tridentini necessitatem invocandi Sanctos astruere, quando Sess. 25. cap. 2. decernunt, impie illos sentire, qui negant Sanctos, invocandos esse : verba enim hæc postrema, ambiguum, ut constat, habent sensum : Sed quum ibidem statuunt tantum bonum & utile esse suppliciter illos invocare, nos iudicium charitatis secuti, hanc invocationem illis non simpliciter necessariam visam esse existimamus.

2. Bell. etiam, cum titulum hunc præfixisset cap. 19. lib. 1. de Sanctorum beatit. Sanctos esse invocandos, & quamvis aperte etiam necessitatem istiusmodi invocationis, asserere videri possit cap. 25. ejusdem libri, cum ad commune Protestantium

um argumentum ; quod invocatio Sanctorum nullum habeat Scripturæ mandatum, et cætera. respondet, nullum certe mandatum requiri, quando ipsa nos impellit necessitas, hanc tantum tamen thesin subjungere contentus fuit cap. 14. " sancti sive Angeli, sive homines pie, " atque utiliter a viventibus invocantur. Et cap. 10. respondens ad locum Ambrosii, sive alicujus alterius potius in 1. ad Rom. Sic inquit, " Quod in fine addit, ad Deum pro- " merendum non esse opus suffragatore ; intelligitur ex parte " Dei, &c. tamen ex parte nostri opus esse suffragatoribus, " vel saltem id esse utilissimum idem Ambrosius clarissime docet, &c.

3. Jo. Faber. Episc. Viennensis contra Oecolampad. de intercessione Sanctorum pag. 169. " Contendit Oecolampadi- " us in meis scriptis me præcepisse, ut sancti invocentur. Quod " ego in me conflictum assero, & qui legent accuratius, ita esse " comperient, non enim præcepi, sed nos hoc posse facere affir- " mavi : nec enim me latet quot Mosis tabula præcepta com- " plectatur, &c.

4. Suares in defensione fidei Catholicæ adversus Anglicanæ sectæ errores lib. 2. cap. 9. " In hoc puncto (de invoca- " tione sanctorum loquitur) necessarium est opus a fide, & " usum a judicio secernere. Nam licet alicui satis fortasse possit esse ad salutem, Deum per J. Christ. invocare, etiamsi " sanctos non invocet ; non tamen sola per Christum invoca- " tio satis erit ad salutem, si de sanctorum invocatione male " sentiat vel judicet, quia per hoc judicium pertinax hæreticus " constituitur, &c. Deinde, quanvis homini de fide invoca- " tionis sanctorum recte sentienti usus talis invocationis possit " non esse impositus sub præcepti necessitate, & ideo satis illi " esse possit Deum per Christum invocare : multis vero, quibus " necessitas invocandi sanctos ex officio & debito. ac præcepto " incumbit non satis est Deum per Christum invocare, nisi " sanctos invocando obligationi suæ ac præcepto sibi imposi- " to satisfaciant, &c.

5. Nicol. Serarius de Litanis lib. 2. quæst. 25. " An " Catholico cuilibet necessarium sit sanctos invocare ? Au- " dire, inquit interdum licet tam Catholicos quam hæreticos, " qui hoc interdum sciscitentur, & iis breviter & clare, isto " fere modo respondendum. Primo, Catholico necessarium " est credere, rectam & Christianæ pietati consentaneam esse " sanctorum

“Sanctorum invocationem; partim quia tota illa docet Ca-
 “tholica Ecclesia; partim quia & facit. Secundo, Cum pub-
 “licis interest Catholicis quispiam precibus, sive in Liturgia,
 “sive in Litania, sive in similibus aliis, & cum publicas pre-
 “cari preces debet, verbi causa, si ordine sacro initiatus sit, be-
 “neficiū habeat Ecclesiasticum, vel alia quacunque de causa,
 “tenetur is sanctos invocare; quia vel suam precibus publi-
 “cis siquidem earum velit esse parriceps, mentem ac volunta-
 “tem conjungere, vel eas etiam totas ac integras probare ac
 “orare debet. Tertio, Cum privatim orat quis, sive domi hoc
 “agat, sive in templo ut Publicanus ille Luc. 18. vers. 13. aut
 “alibi nulli ulla Catholico lex aut necessitas, ut sanctos invocet;
 “sed solum, nullo sanctorum adhibito precatore, affari
 “& invocare Deum potest. Quum vero si quis omnibus ne-
 “cessario invocandos Sanctos pertinaciter doceret, non aliter,
 “heræseos damnaretur quam qui res alioqui bonas sed adia-
 “phoras omnibus ad salutem necessarias contenderet, &c.
 Hæc ille.

6. Cardin. Perronius in ep. ad Seren. M. B. R. Jacob. 6
 distinguit in hac re atque id genus aliis inter necessitatem acti-
 onis & necessitatem approbationis. Vide resp. Casaub. pag. 30.
 & Liturgiam Ecclesiæ Anglicanæ improbat; quia invocationem
 sanctorum qui in cœlis sunt, damnat. v. p. 46. Imo
 Episcopus Wintoniensis vir gravissimus in sua Responsione
 ad cap. 15. lib. 5. Replicationis Cardinalis Perroni, in-
 ter opuscula posthuma pag. 57. refert sæpe sibi a C. L.
 Casaub. narratum, quod sibi cum Cardinale de invoca-
 tione Sanctorum dissertanti, Cardinalis libere fassus uerit,
 nunquam tota sua vita se quenquam sanctorum orasse, nisi cum
 forte processionem sequi contingeret, tunc quidem cum cleri-
 cis cantasse, ora pro nobis, sed non alias.

7. Georg. Cassander in Consult. Art. 21. pag. 986. edit.
 Paris. “Hæc, quæ de interpellatione Sanctorum dicuntur,
 “non eo pertinent, ut simpliciter horum interpellatio ad
 “salutem necessaria putetur; (notum est enim illud Chry-
 “sost. Homil. de profectu Evangel. Cæterum non opus tibi
 “Patronis apud Deum, &c. Sed licet solus sis patronoque
 “careas, omnino tamen voti compos eris, &c.) Sed ut ne re-
 “mere universam Christi Ecclesiam damnemus, quia hujus-
 “juscmodi interpellationē tam regnantium quam peregrinantium

Sanctorum utilem esse Ecclesia judicavit : item, ut nec superbe
 “ hujusmodi Sanctorum preces rejiciamus & aspernemur.
 Hæc ille.

8. Pontificius ille Anglus Anonymus F. T. qui contra respon-
 sionem Episcopi Eliensis, ad C. Bell. Apologiam Angli-
 lice scripsit c. 7. n. 29. fatetur Sanctorum invocationem ad sa-
 lutem non esse necessariam. Videatur Episcopi defensio per
 Collinum pag. 276.

9. “ Bonum est quandoque rogare Sanctos, inquit Jo. Bar-
 nelius in suo Catholico-Romano pacifico manuscr. Sect. 10.
 “ de Intercessione Sanctorum, ut Deum orent pro nobis ex af-
 “ festu humanitatis quo ipsi in nos feruntur, &c. non igitur
 simpliciter necessarium est.

10. Archiep. Spalat. in ostensione errorum Fr. Suarez. cap.
 2. n. 20. “ Invocationem Sanctorum non esse ad salutem ne-
 “ cessariam quod lubens lego & amplector) concedit Suarez.
 “ & sufficere, fideles ad Christum solum Mediatorem confu-
 “ giant, &c. An vero articulus fidei sit licite & utiliter posse
 “ Sanctos invocari, ita ut hæresis sit id negare disputo lib. 7.
 “ suo loco : & ostendo hunc nullo modo posse esse articulum
 “ fidei : sed si sermo sit de invocatione religiosa, esse Ethnicis-
 “ mum, Dei proprium honorem in creaturam transferentem.
 “ Si vero invocatio sit pure humana, eam esse tollerabilem,
 sed periculosam. Hæc ille. Atque hæc de non-necessitate In-
 vocationis Angelorum & Sanctorum ex ipsis Romanensibus
 dicta sunt.

C A P. II.

*In quo eorum Invocationem religiosam aut orationem
 ad eos proprie loquendo illicitam esse de-
 monstratur.*

1. **I**Nvocationem Angelorum & Sanctorum plurimi Roma-
 nensium actum esse religionis, seu religiosi cultus, vel
 duliæ religiæ, & orationem ad eos religiosam esse affirmare
 haud verentur. Bellarm. lib. 1. de Sanct. beatit. in Ordine
 disput.

disput. eximium adorationis genus appellat. “ Sanctos non
 “ solum honoramus eo cultu (inquit Jo. Azor. Inst. moral.
 “ tom. lib. 9. cap. 10.) quo viros virtute, sapientia, potentia
 “ aut qualibet alia dignitate, præstantes, sed etiam divino cul-
 “ tu & honore, qui est religionis actus. nam ille cultus, qui vi-
 “ ris primariis desertur, non est religionis, sed alterius longe in-
 “ ferioris virtutis, quæ observantia vocatur, actus & officium.
 “ Sed divinos cultus & honores Sanctis non damus propter
 “ ipsos ; sed propter Deum, qui eos sanctos efficit. Hæc
 “ ille.

Nicol. Serarius de Litanis lib. 2. quæst. 27. hac ipse de re
 verba faciens, “ Quid inquit, si & una religionis virtus sit quæ
 “ latriam dulciamque contineat? Certe plurimis atque sapientis-
 “ simis ea est opinio.)

2. Adorationem tamen religiosam, quocunque insigniatur
 nomine sive latriæ, sive doliæ, Soli Deo deberi, pariter & om-
 nes illius actus atque officia clarissime docent tam Scripturæ
 quam Patres, quemadmodum Protest. copiose demonstrarunt,
 quos Lector benevole Consule.

3. De invocatione autem religiosa, sive oratione proprie sic
 dicta quæ præcipuus quidam Latriæ actus est, ad solum Deum
 dirigenda Scripturæ pene ubique & quidem disertissime lo-
 quuntur. Invoca me in die tribulationis, &c. psal. 50. qui
 exaudis orationem : ad te omnis caro venit psal. 65. 3. Quo-
 modo invocabunt, in quem non crediderunt? Rom. 10. &c.
 Ad locum hunc Rom. 10. Bell. lib. sæpe citato cap. 20. Card.
 Perron. Replicat lib. 5. cap. 20. pag. 149. alique etiam Rom.
 absurdissime respondent, non posse quenquam Sanctos invoca-
 re, ut sanctos & amicos Dei, qui suo modo in eos non credit,
id est, non credit esse sanctos, nec in eis sperat, ut in Patre-
 nis, &c.

Ad hoc probandum allato illo ad Philem. vers. 5. Audiens
 tuam charitatem & fidem, quam habes in Dominum J. & in
 omnes Sanctos.

Nova certe est hæc Theologia, & Veteribus plane incognita,
 qui credendum in Deum semper dixere, nec in quenquam præ-
 terea hoc sensu. Greg Nazianz. Orat. 37. Ruffinus in Sym-
 bolum inter opera Cyr. Aug. sive quis est alius Tom. 10. ope-
 rum Aug. serm. 131. “ Sciendum est, quod Ecclesiam credere,
 • non tamen in Ecclesiam credere debeamus : quia Ecclesia non
 est Deus, sed domus Dei est, &c.

“ Credere in aliquem, inquit Estius in locum ad Philem. citat :
 “ Ecclesiastica phrasi e Scripturis desumpta, professio divini-
 “ tatis est. Unde & Christus quando dixit Jo. 14. creditis in
 “ Deum, & in me credite, Deum se esse significavit. Quan-
 “ quam Hieron. super locum sine scrupulo concedit, adeoque
 “ affirmat, etiam in sanctos, credendum esse ? sed hoc sensu,
 “ quia qui credit in Deum, consequenter omnia credit quæ de
 “ sanctis Deo autore tradita sunt in Scripturis. Quin &
 “ apud Veteres hic sermo legitur credere in sanctam Ecclesiam
 (sed nota Lector haud alio sensu quam quo dicunt alii fere
 omnes, credo Sanctam Ecclesiam) &c. “ Sed nobis, in-
 “ quit Estius, admodum probatur Theodoreti distinctio, qua
 “ singula reddantur singulis, ita quidem ut fides ad Dominum
 “ Christum referatur, charitas ad omnes Sanctos, &c. Sicut
 “ 1. Colos. 4. legitur audientes fidem vestram in C. J. & dile-
 “ ctionem quam habetis in Sanctos omnes. i. e. Christianos
 egenos & afflictos, &c.

Alias ineptas, quæ a Rom. adhibentur ad hunc locum &
 consimiles, responsiones silentio prætereo. Legantur Protestan-
 tium hac de re disputationes.

4. Patres orationem semper definiunt per relationem dire-
 ctam & expressam ad Deum, & ad nullum alium. Videantur
 quinque illæ Orationis definitiones, quas Bell. lib. 1. de bonis
 operibus in particulari, qui est de oratione cap. 1. ex Patribus
 Basil. Gregor. Nysseno, Chrysost. & Jo. Damasc. collegit.
 Innumeris Patrum testimoniis probari posset, Deum solum
 oratione sive invocatione religiosa colendum & adorandum
 esse. Sed quia luculentissime id ab aliis demonstratum est, nos
 hoc labore supersedebimus.

Videantur tamen hi Patres. Tertull. de oratione cap. 1. &
 cap. 9. & Apologet : cap. 30. Ireneus lib. 1. cap. 23. & cap.
 35. lib. 2. 17. Orig. contra Celsum lib. 5. & lib. 8. Athan.
 orat. 4. contra Arrianos. Nunquam quispiam precaretur
 aliquid accipere a Patre & Angelis, aut ullis rebus creatis,
 &c. Ambr. de obitu Theodolii “ sed tamen, tu solus Do-
 “ mine invocandus es ; te rogandus, ut eum in filiis represen-
 “ tes. De interpellatione lib. 3. cap. 12. Chrysost. hom. 6.
 in 1. ad colos. v. 6. & Hom. 9. in 3. ad coloss. v. 16. & in 1.
 cor. 1. v. 2, &c. Basil. in psal. 5. ad verba “ Quoniam ad
 “ te orabo. Oratio siquidem non ad hominem, inquit, sed
 “ ad Deum solum dirigitur, &c. S. Ephrem Tom. 1. qui
 germanus

germanus est illius fœtus, Deum sic affatur " Ad te, & præ-
 " terquam ad te, non facio orationem. *Illaita ve Jchaveta lam*
at labu ut habent verba in libello Maronitarum Romæ
 impr. 1584. lingua quidem Arabica, sed characteribus syria-
 cis. Aug tract. 23. in Evang. Joan. " Hæc est religio Chris-
 " tiana, ut non colatur, nisi unus Deus, quia non facit
 " animam beatam nisi Unus Deus. & lib. 22. Contra Faus-
 " tum. Colimus Martyres cultu dilectionis & societatis,
 " quo & in hac vita coluntur homines sancti. & de vera
 " relig. cap. 55. Honorandi sunt propter imitationem, non
 " adorandi propter religionem; Charitate non servitute ho-
 " noramus eos, &c. Videantur & alia multa Aug. loca
 Hieron. epist. ad Riparium advers. vigilant. Chrysostom.
 item lib. 1. de oratione & lib. 1. Alios plurimos brevitatis
 studio cogor prætermittere, ut Epiphani. cæterosque de quibus
 Protest. copiose. Concil. Loodic. can. 35. Quod non o-
 " porteat Christianos Ecclesiam Dei relinquere & abire
 " ἡ ἀγγελὸς ὀνομάζειν atque angelos nominare (pro An-
 gelis admodum inepte & absurde quidam Rom. vel in textu
 legunt, vel ad marginem annotant angulos forte legendum aut
 legi posse, Carranza, Sagittarius, Joverius, Petrus Crabb.
 Surrus, Binius, Henricus Canisius, &c.) & congregationes
 " facere, quæ interdicta noscuntur si quis igitur inventus fue-
 " rit πῦτη τῇ κεχυμένῃ ἰδωλατεία huic occultæ i-
 " dololatriæ, serviens, sit anathema, quia dereliquit D. N.
 " J. C. Filium Dei, & se idololatriæ tradidit. Theodoret. in
 Coloss. 2. " Qui legem defendebant, eos etiam ad Angelos
 " Colendos inducebant, dicentes fuisse legem per eos datam.
 " Mansit autem diu hoc vitium in Phrygia & Pilidia Quocir-
 " ca Synodus quoque quæ convenit Laodiceæ, quæ est phry-
 " giæ metropolis, lege prohibuit, ne precarentur Angelos.
 " Et in hodiernum usque diem licet videre apud illos, &
 " eorum finitimos, oratoria sancti Michaelis; illi ergo hoc con-
 " sulebant utique humilitate utentes, dicentes universorum
 " Deum nec cerni nec comprehendere, nec ad eum posse per-
 " venire, & oportere per Angelos divinam sibi benevolentiam
 " conciliare. Hoc autem dixit in humilitate & cultu An-
 " gelorum, &c. & in cap. 3. Coloss. Quoniam enim illi
 " Angelos jubebant adorare, ipse contrarium præcipit, ut
 " & dicta & facta exorment, recordatione Christi Domini.

“ Et Deo, inquit, & patri gratiarum actionem emittite per
 “ ipsum, non per Angelos. Hanc etiam legem sequens
 Laodicensis Synodus & volens veteri illi morbo mederi, lege
 cavit, ne precarentur Angelos, & ne relinquerent D. N. J.
 Ch. &c. Ad hæc loca Concilii Laod. & Theodori Bell.
 Card. Perron. aliique Rom. multa respondere solent, quæ
 ab aliis abunde confutata sunt. Sed hoc imprimis, quod hæ-
 retici illi, de quibus Paulus ad Coloss. Synodus Laod. &
 Theodoret. loquuntur, docuerint; nimirum posse per Chris-
 tum ad Deum accedere, sed per Angelos, illosque idcirco ex-
 cluso Christo religiose colendos esse. Et citant Chrysost.
 Hom. 7. in Coloss. sed nec synodus nec Theodor. illis hære-
 ticus tribuit, quod disertis & expressis verbis Christum Media-
 torem excluderent aut rejicerent, sed cultum illum religiosum
 quo precum sacrificiis (quando enim Angelis ut Diis pro-
 prie sacrificandum esse docuisse illos Bell. & Perron. affir-
 mant, ineptiunt) Angelos colendos esse docuerunt, pro
 Christi exclusionem sive derelictionem habent, imo ut occultum
 quoddam idololatriæ genus damnant. Chrysost. autem eo
 loco, quem citant, affirmat, ideo dixisse hæreticos illos, Non
 oportere per Christum accedere, sed per Angelos, ἐκ τῆς ὑ-
 μῆζος ἔστιν ἢ καθ' ἑμᾶς præ humilitate id dixisse, fortasse
 non vera, sed in speciem tamen apparente. Majus enim id esse,
 quam ut nobis conveniat, recta scilicet adire Christum, & sine
 Angelorum interventu. Indignum id esse majestate & amplitu-
 dine unigeniti, quod per unigenitum adduceremur ad Pa-
 trem; humanæ tenuitati commodius esse, ut Angeli nostræ
 adductioni inserviant. Inde autem factum, ut per totam ca-
 put illud, sursum Apostolus & deorsum, quæ de Christo ver-
 saret, sanguinem crucis, passionem, dilectionem, quo vitio-
 sum illam humilitatem excuteret, & ad Christum ἀνέβας
 vel sine Angelis perveniri posse, indicaret: ut recte respondet
 Episc. Eliensis in resp. ad C. Bell. Apologiam cap. 8. p. 180.
 181.

5. Imo quidam etiam ex Romanensibus ipsis, qui de invo-
 catione sanctorum præsentis Ecclesiæ Romanæ doctrinam &
 praxin acerrime defendunt, adorationem & cultum, qui san-
 ctis exhibetur, cujus illorum invocationem partem præcipuam
 constituunt, vi veritatis coacti concedunt, non esse opus re-
 ligionis; ut quæ circa cultum solius Dei versetur, sed peculia-
 ris

ris virtutis à religione distinctæ, nempe singularis observantiæ. .
 D. Thom. 2. 2. qu. 81. art. 1. " Religio importat ordinem ad
 " Deum; & art. 8. Religio est virtus exhibens Deo servitium
 " in iis quæ specialiter pertinent ad Deum. Vasq. in 3. D.
 " Thom. Tom. 1. disp. 98 cap. 1. " cum religio circa cultum
 " Dei solum versetur, cultus & honor, qui proxime sanctis
 " deferitur, ad ipsum non poterit referri, alioquin si esset actus
 " religionis, latriæ quoque diceretur. Latria enim & reli-
 " gio idem sunt, &c. Vide plura in eandem sententiam,
 " ibid. Suarez. de orat. lib. 2. cap. 10. n. 8. " orationem quam
 " ad sanctos fundimus, non esse actum a virtute religionis
 " elicited per se loquendo, sed a virtute Dulæ, quam esse
 " distinctam a Religione, supra ostensum est. Greg. de Va-
 " lentia lib. 3. de idololatria cap. 7. " cultus sanctorum, sicut
 " neque aliorum hominum, proprie non est cultus religionis
 " erga Deum, sed alterius definitæ virtutis, re ipsa a religione
 " distinctæ, nempe singularis observantiæ, &c. Unde &
 " Aquinas expresse 2. 2. qu. 83. art. 4. ad. 1. " illi soli impen-
 " dimus orando religionis cultum, a quo quærimus obtine-
 " re quod oramus. quia in hoc protestamur eum bonorum
 " nostrorum authorem; non autem eis quos requirimus quasi
 " interpellatores nostros apud Deum. Vide etiam hic Ada-
 " mum Conzen in cap. 6. Matth. v. 9 qu. 2. " nulla creatura,
 " inquit, invocanda est oratione religiosa, sed alia rogari po-
 " test, sive vivat in hoc seculo, sive cum Deo in cœlis
 " conjuncta per eum nostras necessitates agnoscat v. p. 48. b.
 " Adamus Contzen Jesuita, &c.

6. Sed hisce Missis veniamus ad Theologos moderatores.
 Georg. Cassander in defensione L. de officio pii viri p. 849.
 " Veteres adducti scripturæ testimoniis & exemplis, quibus
 " manifestum est preces justorum hominum pro aliis suscep-
 " tas plurimum apud Deum valere, ad hæc certo persuasi ho-
 " mines non extinguere morte, sed Christo conjunctos beatam
 " vitam agere, eorum quoque precibus in cœlo regnantium,
 " se in hac vita peregrinantes juvari magnopere optarunt ac
 " postularunt, &c. ut precibus illorum, quas plurimum
 " apud Deum valere credebant, nostris quoque precibus ad-
 " junctis, facilius a Deo patre per unicum mediatorem &
 " propitiatorē Christū quod vellent impetrarent, &c. Neq; per
 " hoc puram & Legitimam Dei invocationem ullo modo cor-
 " rumpi censebant, non sane magis quam cum in hac vita fra-
 tres

. “ tres obsecramus, ut nos precibus suis apud Deum laboran-
 “ tes adjuvent. Hoc autem vel ipsi scholastici viderunt, in
 “ quibus Alexander Alensis qu: 92. membro 1. art. 4.
 “ disputans de eo qui sit orandus, solum Deum simpli-
 “ citer adorandum & invocandum asserit; ut a quo solo
 “ sit omne bonum; sanctos vero magis se habere ex parte
 “ orantium quasi coadjuvantes, quam illius qui oratur.
 “ Hæc inquit, nemo sanus impietatis damnare poterit, &c.
 Vide & ejusdem consult. art. 21. ubi p. 965. eadem legere
 est.

“ Jo. Barnesius loco supra citato. Invocatio sanctorum
 “ non est actus religionis, aut oratio Theologice loquen-
 do (quod in Paralipon. adductis variis Patrum & quibus-
 dam Romanensium “ ipsorum testimoniis probat) magis
 “ quam cum oramus viros justos hic viventes, quos san-
 “ ctos reputamus, ut sint nobiscum, & pro nobis apud Deum
 “ comprecatores. Atque hic sententiam Cossandri loco jam
 “ allegato laudat. Et rursus, proprie ergo loquendo non ora-
 “ mus aut invocamus sanctos religioso cultu (qui soli Deo
 “ debetur) sed quadam humanitate eos monemus & roga-
 “ mus, ut Deum pro nobis vellent religioso cultu interpel-
 lare.

7. Jeremias P. Constantinop. in censura de præcipuis,
 &c. cap. 21. “ Nos dicimus invocationem quidem vere &
 “ proprie soli Deo convenire, illique primo & propriissime
 “ deberi, eam autem quæ sanctorum est, invocationem non
 “ proprie dici, sed ex accidenti, ut ita dicam, quodammodo,
 “ & ex gratia & privilegio quodam. Neque enim aut Petrus
 “ aut Paulus ipse exaudit eorum quenquam qui illum invo-
 “ cant, sed gratia & donum, quo habent, juxta illud promissū.
 “ Ego inquit, vobiscū sū, usq; ad consummationē seculi, &c.

Hanc Orientalis Ecclesiæ sententiam approbat Anonymus
 ille Th. A. J. C. Gallus in suo erudito ad concordiam inter
 Christianos conciliandam tractatu de Catholicis traditionibus
 qu. 40. p. 205. 206. versionis Anglicanæ.

Arch. Spalat. in ostensione errorum Fr. Suarez. cap. 2. n.
 20. “ si sermo sit de invocatione sanctorum religiosa, est Eth-
 “ nicismus, Dei proprium honorem in Creaturam transferens
 “ Si vero invocatio sit pure humana, ea est tolerabilis, sed
 “ periculosa. Et de Rep. Eccles. l. 7. c. 12. n. 27. Si sanctorum
 “ invocatio fiat cū religioso cultu, omnino sequitur, injuriam
 “ fieri

“ fieri Deo ; qui tamen sciunt , & non negant fideli patere
 “ aditum etiam immediatum ad Deum orandum , & san-
 “ ctorum solum postulant patrocinium, eosque secum conan-
 “ tur habere comprecatores, idque ab eis postulant solo huma-
 “ no non religioso cultu , neque se interim , suaque religioso
 “ cultu sanctis subiiciunt ii profecto injuriam Deo nullam fa-
 “ ciunt, &c.

8. Ex dictis liquido apparet , quam inanes & frivola sint distinctiones illae a C. Perron. in sua Replic. de sanctorum invocatione differente nuper excogitatae , ut clarissimae luci tenebras offunderet ; Deo soli convenire orationem directam, absolutam, summam sive supremam & finalem & sacrificalem. Angelis autem & sanctis orationem tantum obliquam sive indirectam, relativam, subalternam, transitivam extra sacrificalem, ut ita cum illo loquamur. Honor enim & cultus religiosae invocationis, sive orationis proprie sic dictae nulla ratione ulli convenit creaturae, sed soli Deo. ille enim solus scit omnes cogitationes humanas, semperque gemitus veros a simulatis potest discernere; omnipotens est, & omnipraesens, &c. in quem denique fiducia cordis collocari possit.

Humanam autem Christi naturam, secundum quam duntaxat proprie Mediator noster est, hic semper exceptam volumus, tum quia λόγος secundae Deitatis personae unita est, tum quia ad supremum gloriae gradum supra omnes scilicet alias creaturas a Deo Patre est evecta. Facebat hinc Ubiquitariorum, uti appellantur deliramentum, sed quod scripturae apertissime docent, non est idcirco negandum.

C A P. III.

*In quo solam invocationem sive Compellationem
 Angelorum & sanctorum ut una nobis cum,
 & pro nobis Deum creent: nec ut illicitam,
 neque etiam ut inutilem damnandam esse probatur.*

1. **N** Uda Angelorum & sanctorum compellatione qua moneantur & invitentur, ut nobiscum, & pro nobis Deum
 orent

orent, quomodo a piis hic viventibus petimus, ut pro nobis apud Deum intercedant, suas preces nostris conjungant, iisdemque nostram salutem sedulo commendent, cum protestantibus iis, qui paulo cautius & distinctius aliis in hoc argumento loqui amant, Advocationem potius, quam invocationem (*a calling unto, rather then a calling upon*) appellamus. Invocationis enim vocabulum, ut de sanctis usurpetur, Protestantium aures communiter vix ferre possunt; quia invocare Deum proprie est religioso cordis affectu eum in se in auxilium, imo in cor suum vocare; ut Hieron. vel potius Beda in Proverb. lib. 1. cap. 2. & Aug. lib. 1. confess. cap. 2. testantur; id quod de sanctis dici nequit, & quia verbum invocandi nusquam in scripturis pro viventium compellatione accipitur, nisi forte quis huc referat illud Esaie 34. v. 12. Regem potius invocabant juxta vers. vulgatam. Et illud Ose. 7. 11. Ægyptum invocabant, &c. Advocationem appellare malunt, R. Montacutus in suo tractat. de invocatione sanctorum passim. J. Usserius Arch. Armach. contra Jesuit. Hibern. de hac controversia plurimis in locis R. Cranth. in Defens. Eccles. Anglic, &c. cap. 58. p. 370, &c. ut alios omittam. Alioqui in significatione vocis lata nihil vetat invocationem appellare.

2. Nullum extare scripturæ mandatum vel etiam idoneum & formale exemplum hujusce vel ullius omnino Angelorum & sanctorum atque horum imprimis advocationis seu compellationis plurimi Romanensium ingenue fatentur. Eccius in Enchiridio cap. 15. sub fin. “explicite non est præcepta
 “ sanctorum invocatio in sacris literis. Non in V. T. ubi po-
 “ pulus alioquin erat propensus in idololatriam, & Patres
 “ erant in Limbo nondum beati (clara scilicet Dei visione)
 “ Esa 63. Abraham nescivit nos, &c. sub Evangelio etiam
 “ non fuit præcepta, ne gentiles conversi crederent se iterum
 “ induci ad cultum terrigenarum, ac pro veteri more sanctos
 “ non ut Patronos, sed ut Deos adorassent, sicut Lycaoniæ
 “ Paulo & Barnabæ sacrificare volebant. Porro si Apostoli
 “ & Evangelistæ docuissent Sanctos venerandos, arrogantia
 “ datum eis fuisset, ac si ipsi post mortem gloriam illam quæsi-
 “ vissent. Noluit ergo spir. S. expressis scripturis docere
 “ venerationem sanctorum, sed ejusmodi firmatos in fide do-
 “ cuit per miracula & sanctorum auxilia, fufis ad eos preci-
 “ bus, illos venerandos, &c. Similiter Alanus Copus
 dial.

dial. 3. " nec desunt causæ, cur scripturæ disertam mentio-
 " nem hujus invocationis non faciant, &c. Canisius in
 Catech. folio 230. sanctorum invocationem non constare ex
 scripturis fatetur.

Tannerus jesuita in compendiaria relatione Colloc. Ratis-
 bon. p. 37. " Fateantur ipsi (Lutherani) quæso, si lubet,
 " multa fide infallibili & divina esse credenda, quæ in scriptu-
 " ra sola non contineantur, nec ex ea sola evidenter dedu-
 " cantur; & tunc nihil cum illis amplius magnopere conten-
 " demus: fateantur inquam Purgatoriam, fateantur invoca-
 " tionem sanctorum, cultum imaginum, transubstantiatio-
 " nem in Eucharistia, &c. & similia multa, quæ Catholici
 credunt, aut observant, &c. Censura Colon. p. 230. concedit
 scripturam nusquam aperte docere sanctorum invocationem,
 seu implorare ab illis auxilium, nihilominus tamen esse cre-
 dendam & recipiendam contendit. Salmeron in 1. T. m. 2.
 disp. 8. " Dicendum est ideo, non fuisse morem in V. T. ad-
 " eundi sanctos intercessores, quia nondum erant beati & glo-
 " rificati, ut modo sunt, ideo non debebatur illis tantus ho-
 " nos, quantus est iste, &c. erat etiam olim periculum ido-
 " lolatriæ, unde etiam sublatus fuit imaginum usus, &c.
 " Ad alium vero quod non sit in N. T. expressum, dicendum
 " est; quod abunde id expressum fuit, si non scripto, sal-
 " tem traditione viva & consuetudine, quæ vim legis habet,
 " &c. & durum esset, id Judæis præcipere, & occasio dare-
 " tur Gentibus putandi sibi exhibitos multos Deos pro mul-
 " titudine Deorum, quos relinquebant. Et hoc quantum ad
 " scripturas. Nam quantum ad verbo & ore traditam doc-
 " trinam, non est dubium, quin Ecclesiis Apostoli eam
 " tradiderint. Videatur etiam Peresius de Traditionibus,
 &c.

Tertia parte de cultu sanctorum fol. 140. " Et quod ante
 " Cornelium Martirem, inquit, nulla extet mentio (quod
 " ego viderim) invocationis & intercessionis sanctorum,
 " in causa forte fuit modestia & humilitas Apostolica. Quid
 " enim dicerent, qui eos hæc docentes audirent, nisi quod de
 " se magna præsumerent, & si quasi Deus facerent? Cum
 " ergo toti intenti essent prædicationi & divulgationi E-
 " vangeliæ, & aliarum rerum, quæ magis ad substantiam
 " salutis attinebant, & captum etiam hominum excede-
 " bant, expectabant circa hæc apertam Dei volunta-
 " tem,

rem, frequentia miraculorum non multo post declarata in;
 &c. Card. Perron. in Replic. contra M. B.R. l. 5. p. 981. in-
 genue fatetur, de invocatione sanctorum nullum neque præ-
 ceptum neque etiam exemplum illius formale in S. scripturis
 inveniri. Vide Molinæi Resp. lib. 7. cap. 6. Bell. ipse de
 Sanct. beatit. lib. 1. cap. 19. "Notandum est, inquit, quia
 "ante Christi adventum sancti qui moriebantur, non intra-
 "bant in cælum, nec Deum videbant, nec cognoscere pote-
 "rant ordinarie preces supplicantium, ideo non fuisse consue-
 "tum in T. V. ut diceretur, Sancte Abraham ora pro me,
 &c. (idem etiam Suarez. affirmat in 3. part. Tho. tom. 2.
 disp. 42. sect. 1.) idem legere est. c. 20. atque etiam in ordi-
 ne. disputationis post præfat. in libri principio. Qua con-
 scientia igitur Bell. cum aliis Romanensibus e V. T. libris invo-
 cationem sanctorum probare nititur, imo exempla illius
 plurima in utroque Testamento extare haud veretur affirmare
 cap. 20. Certe nullus omnino scripturarum vel V. vel N. T.
 locus a Rom. 69. pro invocatione sanctorum adduci solet, quæ
 non Veteres plerique omnes, & ex Rom. 69. ipsi aliqui doctis-
 simorum rectius interpretentur. De singulis locis vide Vossium,
 Mornæum, Chemnitium, Chamierum, aliosque Protestan-
 tes.

3. Duo autem sunt scripturæ loca, quæ Angelorum advo-
 cationi sive compellationi haud parum favere videri possint,
 de quibus propterea nonnihil nobis dicendum. Gen. 48.
 16. Angelus, inquit, Jacobus, qui eruit me de cunctis malis,
 benedicat pueris istis. Hic aperte ait Bellarm. cap. 14. sancti s;
 Jacob Angelum invocavit. Respondent Protestantes 1. in-
 telligendum hunc locum non de Angelo finito & creato, sed
 de Christo Angelomagni consilii quem septuaginta interpre-
 tes legunt Esa. 9. sive Angelo fœderis, ut appellatur Mal. 3.
 ita intellexisse Novatianum de Trinitate cap. 15. Athanas.
 contra Arrianos orat. 4. quem lege diligenter. Cyril. Alex.
 Thesauri lib. 3. cap. 1. Chrysost. in Gen. cap. 48. Hom. 66.
 Procopium Gazæum in Gen. 48. aliosque nonnullos Patres.
 Sed quia alii cum veteres tum recentiores Protest. etiam An-
 gelum creatum hic intelligunt, ut Chrysost. sermone de Ascen-
 sione. Basil. lib. 3. contra Eumonium, qui citant hunc
 locum, ut probent Angelis homines esse curæ. Calvinus
 similiter instit. lib. 1. cap. 14. S. 6. etsi in comment. in Genes.
 dicat necesse esse eo loco Christum intelligi. Musculus in
 Genesin.

Genesin. Mercerus etiam in locum, aliique nonnulli; respondent secundo & quidem recte, nullam hic esse directam & formalem Angeli invocationem seu compellationem Angele Dei benedic pueris istis, sed duntaxat vehemens desiderium, quo Jacob ita fieri cupiebat, sive votum & seriam præsidii Angelici exoptationem: quomodo August. lib. 7. de baptis. cap. 1. "Adjuvet, inquit, nos orationibus suis Cyprianus, & donante Domino quantum possumus, bona ejus imitemur.

"Et in Concil. Calcedon. art. 11. acclamatum est a Patribus: Flavianus (qui in Ephesina secunda Synodo, "ἀνσπικῆς cæsus fuerat, cum Dioscoro se opposeret) post mortem vivit, Martyr. pro nobis orat. Qui locus a Bellarm. & ab omnibus fere Rom. pro invocatione Sanctorum tanquam maxime illustris adfertur. Cum tamen votum duntaxat sit, non formalis invocatio sive compellatio, quæ fere fit vocandi casu: ora Martyr pro nobis.

Vide Episc. Eliensis Resp. ad C. Bell. Apol. cap. 1. pag. 38. 39. Quam insolenter autem hic insultet Romanensibus aliisque etiam Crakanthropius in defens. Eccles. Anglic. cap. 59. pag. 383. &c. dum hæc verba Martyr. pro nobis oret, longe aliter quam vel Romanenses vel Protestantes cæteri omnes (quod quidem sciam) intellexerunt, explicanda esse contendit.

Vide Lector loc. citat. "Expeditam, inquit, paucis quarum nam verborum istorum mens sit, eoque libentius, ut non fraudes solum tuorum hominum videas (affatur Arch. Spalat.) sed & ineptias, & quam vere infantuli sint in concilio- rum & Patrum lectione, in quibus ultra extremam corticem, nil sapiunt. Hæc ille, non sine singulari jactantia & vanitate.

Immo G. Cassand. cum dubitaret, an sanctico gnoscant & exaudiant singulorum eos interpellantium preces, ut supra ostendimus illud in Litaniis, omnes Sancti orate Deum pro me, sic intelligendum esse censuit; utinam omnes Sancti Deum orent pro me! quam velim ut omnes sancti Deum orent pro me! Quis autem cum Deum orat, non cupiat omnes, quot quot in cælo & terra sunt pios, preces suas una cum suis precibus conjungere? &c.

Vide Hymnos Eccles. cum Scholiis Cassand. pag. 141.

& Arch. Spalat. lib. 7. de Rep. Eccl. cap. 12. n. 27. ait invocationem hanc magis esse voti & desiderii, quam allocutionis.

4. Alter locus est Apoc. 1. 4 Gratia vobis & pax ab eo, qui est, &c. & a septem spiritibus qui in conspectu throni ejus sunt. Hunc locum pro invocatione Angelorum vehementer urget M. Becanus disp. de invocatione sanctorum cum aliis nonnullis Romanens. Respondent Protest.

Primo, Septem spiritus multos hic interpretari Spiritum Sanct. septiformem, cujus septem dona numerantur, ut Primasium, Amber. Bedam, Ansbertum, Rupertum, Haymonem, Thomam, &c.

Alios, (quod idem est) septem dona spiritus sancti, ut Victorinum Martyrem, & Joachimum Abbatem. Anselmum utroque modo. Consentit & Alcasar Jesuita in locum. “Bona, inquit, Theologia non fert, ut gratia & pax Evangelica ab Angelis postuletur. Vestius p. 183.

Sed dicunt alii probabilius esse, hos septem spiritus esse angelos, qui sunt in conspectu Dei, non ut æquales sed ut ei ministrantes.

Aretas, Ribera, Basilus Vega, multique alii Romanenses inter Protestantes Beza in locum. Dei Majestati inquit, adjungit suos stipatores (hos septem spiritus) non quasi illos ulla in parte vel Deo exæquet, vel cum Christo conferat. Sicut etiam Paulus testes una citat Deum, Christum & Angelos. 1 Tim. 5. 21. Nam quod septem hos spiritus nonnulli pro spir. sancto acceperunt, cujus septiformis sit (ut loquuntur) gratia, manifeste refelli potest vel ex ea quod scribitur infra, c. 5. 6.

Ac ne quis hoc loco offendatur, quasi ad istos spiritus aliquid transferatur, quod ad Deitatem tantum pertineat, &c. Septem isti spiritus ut ministri ante thronum collocantur: ergo etiam coram Christo, ut qui Deo Patri affideat.

Denique ut nemo possit de hoc ambigere, iidem isti sept. spiritus infra 5. 6. Agni cornua & oculi (i. e. ministri) dicuntur. Hæc ille.

Drusius præteritorum lib. 10. ad illa Apoc. 14. 7. spiritibus. Spiritus vocat Angelos, juxta illud, qui facit Angelos suos spiritus. Septem autem Angelos esse, qui ministrant in conspectu throni ejus, docet nos historia Tobie. Hos alii Archangelos appellant, &c.

Unde

Unde rursus (ut hoc obiter dicamus) patet quam infirmo
argumento pugnent rigidiores Protestantes contra veritatem
libri Tobix propter septem Angelos coram Domino astantes,
quorum ille meminit, cap. 12. vers. 15.

Vide Serar. in locum Tobix pag. 107. etc. Juxta horum igitur sententiam quamvis Joannes iisdem verbis obliquis, & a Deo, & a Christo, & a septem illis spiritibus gratiam & pacem postulet, quod tamen ad Deum & Christum attinet, invocatione religiosa usus est; quod vero ad septem spiritus, votum & serium animi sui desiderium, quo ab illis tanquam spiritibus administratoriis, & in ejusmodi negotio curam nostri habentibus, gratiam & pacem optat, expressit.

Votum igitur hic rursus cernere est ; non formalem & directam invocationem seu compellationem Angelorum. Neque tamen propterea hæc Angelorum & Sanctorum compellatio, ut una nobiscum, & pro nobis Deum orent, ut illicita rejicienda est ; licet nullum istius rei mandatum, nullum exemplum formale in Scripturis inveniatur ; ut Protestantes hodie communiter contendunt.

Episcopus Eliensis vir alioqui doctissimus in Responsione ad Cardin. Bellarmini Apologiam cap. 1. pag. 37. eo usque provehitur, ut affirmet, licet sanctos quos compellamus, nos audire liqueret vel maxime; a nobis tamen eos invocandos vel compellandos non esse, cum præceptum ea de re nullum acceperimus: præceptum autem acceperimus in lege disertis verbis: Quod tibi præcepero, hoc tantum facias. Deuteronom. cap. 12. vers. 32. “Inde, inquit, id tantum audemus facere, de quo præceptum habemus, &c. & pag. 38. atque ut præceptum haud ullum, ita nec exemplum, &c. Vide etiam pag. 45. Quod ad primum illud licet liqueret vel maxime, &c.

Audiatur R. Montacut. Præsul nunc Anglicanus contra
J. C. Bullengerum Antidiatriba I. p. 23. " Tu mihi proba, &
" demonstra, Bullingere, posse me certum esse de scientia san-
" ctorum particulari, quocunque tandem modo acquisita (id
" enim tibi largior, neque enim de matutina aut vespertina
" hæc aut illa litigabo vel sollicitus ero) Ego certe quod ad
" me ipsum attinet, sanctos defunctos, Beatum Virginem
" *Σωτήριον*, sanctissimos Apostolos, cæterosque gloriosissimos
" Martyres, Stephanum, alios, de quorum conitat æterna fe-
" licitate,

“licitate non verebor adire, interpellare, alloqui, supplicibus
 “precibus deprecari; habeant me commendatū & adjutū suis
 “intercessionibus apud Deum Patrem, per J. Christ. Generis
 humani *μισίτην & ἀπολυτρωτήν*. Nimirum non ad alium
 “modum, quam quo & possum & debeo e vinclo illo charita-
 “tis in communione sanctorum, viros virtute & sanctitate con-
 “spicuos rogare, Ecclesiæ præsules, & ad sacra altaria Deo in-
 “servientes obsecrare, velint pro me apud Deum intercedere,
 “&c. ita unum hoc demonstra & doce in hac causa sancto-
 “rum scientiam *περιστάσεων, &c.* De cæteris convenit inter
 “nos facillime de sanctorum intercessione & interpellatione
 “non laborabimus. Hæc ille.

Vide eundem in eandem sententiam in Tract. Anglic. de in-
 vocat. sanct. pag. 119. &c. Quod ad alterum attinet, quia
 nullum extat præceptum de hac re, &c. audiatur Rob. Bur-
 hillus Anglicus contra M. Becani controversiam Anglicanam,
 &c. & pro Episc. Eleensis Resp. ad Apolog. Bell. cap. 6. qu.
 21. “Episcopus inquit, non vult nihil in quocumque rerum
 “genere fieri quod præceptum non est; sed de iis tantum re-
 “bus loquitur, in quibus substantialis pars aliqua divini cul-
 “tus ponatur. Et rursus Deut. 4. 2. de tota lege, dicitur, ne
 “addite ad id quod præcipio vobis neque detrahite; puta quo
 “ad substantiam cultus divini, &c. & Deut. 12. 32. dicitur
 “quod in cultu Dei (puta quoad rerum substantiam) nihil
 “faciendum sit, nisi quod ipse expresse præceperit.

Similiter & Collinus in sua Episcopi defensione supra cita-
 ta respondet pag. 305. &c. At in sanctorum invocatione
 sive interpellatione ne ipsi quidem Rom. saltem doctiores &
 modestiores, substantialem aliquam partem cultus divini po-
 nunt, cum non simpliciter eam necessariam esse existiment, ut
 supra demonstravimus, sed ritum tantum sua natura adiapho-
 rum, licitum, imo pium etiam & utilem.

Audiatur, quæso Episcopus ipse pag. 36. “De iis quæ ad
 “salutem necessariæ verba Regis sunt; quæ vero Cardinalis
 “adduxit, privatæ devotionis obsequio a quibusdam facta,
 “publica Ecclesiæ doctrina vel necessitate ulla facienda ab
 “omnibus non proponuntur. Multum interest, animine ar-
 “dore abreptus quis rem faciat, cui inquit, indulgeri potest
 (at non inquam ego, si rem illicitam & præcepto divino re-
 repugnantem faciat, ut hodie putatur a plerisque Protest.)

“ Si quis sanctos interpellit, an quasi id ei (si salvus esse velit)
 “ necessario sit faciendum.

“ Nec enim id de vestris (credo) quispiam ita frontem
 “ perfricabit, ut affirmet, tam hæc necessaria esse ut qui quo-
 “ tidie, sedulo Deum per Christum invocet (uti Christianum
 “ par est) etsi sanctos non interpellet penitus ; aut qui Reli-
 “ quias haud unquam viderit, vel si viderit, dubius animi sit,
 “ an veræ Reliquiæ sint, nec proin adoret ; salutem conse-
 “ qui non possit, aut anima ei inde valde periclitetur. Hæc
 ille.

Multos ritus, tanquam licitos & pios a Patribus acceptos,
 de quibus nullum præceptum, nullum etiam exemplum in S.
 scripturis invenias, retinet & usurpat hodieque Ecclesia An-
 glicana ipsa, ut consignationem frontis baptizati per signum
 crucis ; geniculationem in percipienda Eucharistica ; jejuni-
 um quadragesimale ; & alia jejunii statuta tempora, & id genus
 multa alia : Puritanis frustra reclamantibus, & continuo ob-
 jectantibus, ne addite ad id quod præcipio vobis.

Satis est, quum res tantum adiaphora sit, si sacris literis
 non repugnet, sed cum iisdem congruat : Patres certe ad-
 ducti scripturæ testimoniis & exemplis, (ut inquit Cassand.
 loco supra citato) quibus manifestum est, preces justorum
 hominum pro aliis susceptas plurimum apud Deum valere ;
 ad hæc certo persuasi justos non extinguere morte, sed Christo
 conjunctos beatam vitam agere, & multo nunc ardentius,
 quam unquam antea, pro nobis orare, cum sint majori cha-
 ritate præditi, quam antea & (ut loquitur Cypran. sermone
 de mortalitate) de sua immortalitate securi, & de nostra in-
 columitate solliciti, eorum quoque precibus in cælo regnanti-
 um, se in hac vita peregrinantes juvari magnopere optarunt
 quod nemo non licere dixerit) ac postularunt (quatenus
 scilicet illis rerum nostrarum sensus esset :) etsi enim
ἡ νότα δειὰ ut Protestantes quidam loquuntur) ac par-
 ticularem necessitatum & calamitatum nostrarum sen-
 sum illos obtinere maxime incertum sit, *συμπάδεια* tamen &
 communem sensum, quem habent ex Dei verbo & propria ex-
 perientia, quis sanæ mentis illis ademerit ? atque votum illud

suum ac desiderium vel omnes in universum, vel nominatim quoque aliquos ex iis, tanquam spiritu & animo præsentes, appellando, tum in publicis tum in privatis precibus declararunt: non quo illos mediatores summos & propitiatores apud Deum constituerunt; sed ut precibus illorum, quas plurimum apud Deum valere credebant, nostris quoque precibus adjunctis facilius a Deo Patre per unicum Mediatorem & propitiatorem Christum quod vellent, impetrarent.

6. In Patribus etiam, qui Nicænum Concilium primum præcellere, *id est*, tribus primis vixerunt seculis, nihil legere est, unde certo ac perspicue invocatio sive directa compellatio in precibus aut angelorum aut sanctorum probari possit.

Frustra sententiæ contrariæ probandæ citat Bell. Dionys. Areopagit. cap. 7. Eccl. Hierarch. “ Impossibilem superflua
“ spe ille suspensus est; qui sanctorum flagitat preces,
“ & naturæ ipsorum consentaneas sacras operationes abi-
“ git; cum author ille quisquis fuit posterior fuerit Ni-
cæna Synodo, ut supra diximus, cum de Purgatorio age-
remus.

Neque etiam clare loquitur locus de directa petitione per medium formalis compellationis precum sanctorum defunctorum pro aliis; sed de precibus sanctorum, sive ἐν τῷδε τῷ βίῳ sive defunctorum ad Deum quatenus pro aliis valeant.

Irenæus etiam lib. 5. contra hæreses ultra medium. “ Et sicut illa (Eva) seducta est, ut effugerit Deum, sic hæc
“ (Maria) suasa est obedire Deo, ut Virginis Evæ Virgo Ma-
“ ria fieret advocata. Ubi Bellar. exultans exclamat;
Quid clarius? nihil probat. “ Cui enim verisimile fiat (ut recte respondet Vossius disp. Historica prima de invoc. sanctorum thes. 1.) “ hoc Irenæum unquam scripsisse, ea saltem mente, qua vult Bell. quippe seu Eva statim post obitum; sive ut Patres censent; demum cum Christo in cælum translata fuit
“ sane multo ante Mariam in cælum fuerit translata. Sed sine
“ dubio, inquit, παρακληπεν scripserat Irenæus (scripsit enim Græce.) quæ vox cum Consolatricem hic significaret
“ (solatium enim Evæ post peccatum, promissumq; salvatorem
“ in Maria Virgine fuisse dici potest, non quidem καθ’ αὐτὴν sed

- “sed metonymice vel synechdochice, qua salutaris incarnatio-
 “nis organum futura erat) Vetus interpres advocatam vertit,
 “quomodo & Tertul. ac Novatianus aliquoties Christum di-
 “cunt apud Johan. discipulos promittere alium advocatum ;
 “cum advocati appellatio magis convenat Christo, consola-
 “toris autem spiritu sancto.

Vide hic Chemnit. Chamierum aliosque etiam Protestantes sermo de sanctissima Deipara falso Athanasio tribuitur, ut confitetur Petrus Nannius professor Lovanienlis in præfat. Athan. imo ipse Bell. lib. de Script. Eccles. in Athanas. & Baron. in Annalibus anno 48. num. 19. & seq. Locus qui ex Eusebio lib. 13. præparat Evang. cap. 7. citatur a Bell. aliisque Rom. in Latina versione Trapezuntii corruptus est, ut sæpe responderunt Protestantes quos consule, confer tantum exemplar Græcum cum Trapezuntina translatione, & luce clarius apparebit. De aliis qui Concil. Nicænum præcesserunt, vel potius præcessisse a quibusdam Rom. finguntur, lege eos qui hanc controversiam fusius pertractant. Peresius de Traditionibus parte tertia de cultu sanctorum pag. 140. fatetur, a tempore Cornelii martyris tantum scriptis Sanctorum, intercessionibus sanctorum (particulares scil.) commendatos ; & a tempore Basilii invocationes Sanctorum in scriptis Patrum memoratus fuisse “licet, inquit, cū non appareat illos ista dogmata primos
 “docuisse, sed quali jam vetustate quadā firmata ipsa recensu-
 “isse ; & exemplis commendasse, nulli dubium sit, quin de
 “divino magisterio descenderit, quod universalis Ecclesia
 “Martyrum & sanctorum doctorum circa hæc docebat.

Censura Colonienlis pag. 209. affirmat sanctorum invocationem etiam apud priscos Patres ante annos 200. vulgarem ac usitatam fuisse: sed nullum profert ex Patribus testimonium ante Basil. & Greg. Nazianz. Card. Perron. Repl. suæ, &c. pag. 104. diserte ait, “ in Patribus Apostolorum seculo vici-
 “nioribus, nullum penitus istius consuetudinis invocandi san-
 “ctos vestigium reperiri.

Vide Molinei, resp. lib. 7. cap. 7. p. 24. Neque ii quorum scripta adhuc supersunt, Justinus Martyr. scil. Ignatius, Irenæus, Clem. Alexand. Orig. Tertul. Cypr. Arnob. Lactant. Athanas. Euseb. alique numero tam pauci sunt quam quæ

fuerit Veteris illorum seculorum Ecclesiæ fides & praxis nos abunde edocere possint : ut frustra C. Perron. cum aliis quibusdam Rom. excipiat maximam partem vetustissimorum illorum scriptorum periisse. Sed Deus bone ! quam irreverenter injuriose & contumeliose de Patribus primorum illorum seculorum loquitur C. Perron. pag. 1044. 1045 ? quod scilicet in

“ scriptis suis contra Gentes sæpe dixerint non quæ crederent
 “ ipsimet, sed ea dissimularint & dixerint quæ causæ suæ
 “ inservirint ad objectiones Gentium refellendas, quod multa celaverint, dissimulaverint, (& disguisent) &c. &
 “ alienam quasi personam interdum induentes occultaverint,
 “ quod quantum potuerunt fugerint & declinarint occasiones
 “ omnes verba faciendi de precibus Ecclesiæ ad sanctos ; ne
 “ Gentiles existimarent superficialem quandam esse convenientiæ seu conformitatis speciem (licet falsam & æquivocam) inter illud quod ab Ecclesia sanctis præstabatur,
 “ & illud quod Gentes falsis suis Diis deferebant ; atque
 “ inde ansam arriperent, licet immerito propriam Ecclesiæ
 “ praxin in ipsos Patres retorquendi. Hæc omnia verbatim ille. Vide Episc. Winton. contra Perron. p. 51. 52. Atque hæc illius est qualis mirifice jactare solebat erga Patres illos veteres reverentia illos in signis hypocriseos insimulare. Multum ille Romæ cum esset Anno 1605. gloriatus est coram Fr. Suario aliisque permultis, de Responsionibus novis ad Patrum, quæ a Protest. opponuntur, testimonia a se excogitatis, & quarum inquit ipsemet in Epist. ad Card. Bell auctor ante me nullus, (vide Vitam C. Bell. lib. 2. cap. 7. R. 3.) certe ut de multis aliis illius responsionibus nunc sileam, indigna est hæc proxime allata tantæ eruditionis tantæque famæ viro eoque Cardinali.

7. Neque tamen vel hoc nomine Compellatio in precibus Angelorum vel sanctorum de qua dictum rejicienda seu damanda est. Multi enim ut constat, ritus liciti et utiles a Patribus & Conciliis subsequentium seculorum, imprimis quarti & quinti in Ecclesiam injecti sunt ; de quibus in præcedentium seculorum scriptoribus nihil legere est. Par enim & æquale fuit jus Ecclesiæ quarti seculi, atque trium præcedentium ritus licitos et utiles instituendi. Nemo ni fallor, sani cerebri hoc negaverit. Quare pergamus.

8. Circa

8. Circa annum Christi trecentessimum septuagesimum ad sanctorum invocationem publice præire hi populo cœperunt, quibus cura ejus instituendi commissa erat ; ut ingenue fateatur Vossius disp. Histor. secunda de hoc argumento , thesi prima. Ac in Græcia quidem primi vel e primis sanem hunc duxerunt Basilus , Nyssenus , Nazianz : ut inquit ille.

Basil. M. in orat. in 40. Martyres “ qui aliqua premitur
 “ angustia ad hos confugit κατὰ φεῦγῃ : qui lætatur, ad
 “ hos recurrit. ἐπ’ αὐτὲς ἀποτρέχει (Male interpres Latinus ; quem Bell. multique alii Rom. sequuntur. Qui aliqua premitur angustia, ad hos confugiat, qui rursus lætatur, hos oret. Vide Episc. Eliens. Resp. ad C. Bell. Apol. cap. I. p. 40. Chamierum , aliosque) Ad hos i. e. ad horum martyrum memorias (scilicet) ubi Deum oret, & martyrum preces cum suis conjungi postulet. Unde paulo post, μετὰ μαρτύρωντες ἰέδω τα αἰτήματα ὑμῶν. cum illis martyribus fiant preces vestrae. i. e. cum illorum precibus vestras jungite preces. Et licet hæc, ad hos confugit, ad hos accurrit, indicantis modo dicuntur, non imperantis ; nihilo tamen minus intercessioni interpellationi sanctorum favet hic locus Basilii (ut recte notat Fronto Duxæus in Notis in hunc locum) cum constat, nunquam hæc sanctum hunc Patrem ut exemplum imitandum prolaturum fuisse, quæ non probaret, aut quæ in crimen idololatriæ vocari possent ; presertim cum addat, eos, qui sic orant ; exaudiri : at peccatores non exaudit Deus. Joan. “ 9. denique πρεσβυτέρους συνάτωπάτης. legatos, h. e. oratores, intercessoresque potentissimos eos appellat. Unde & Vossius ipse loco supra citato ingenue, inquit, “ interea fatemur zelum hunc populi non impro-
 “ bari Basilio. Hoc enim satis docet ἐκφώνησις ad Marty-
 “ res quam subdit.

Illustris est locus apud Greg. Nyssenum fratris Basilii admiratorem & sectatorem studiosissimum orat : in B. Theodorum martyrem circa finem “ intercede, inquit, ac deprecare
 “ pro patria apud communem Regem & dominum, &c. vide locum. Suspiciatur Chamierus de uno Mediatore lib. 8. cap. 7. n. 27. orationem eam non esse Greg. Nysseni. Similiter & Episc.

Episc. Wintoniensis in Resp. ad cap. 20. lib. 5. Replic. C. Perron p. 56. 57. Sed non sic diligentissimus Vossius loco cit: cui locus hic valde illustris videtur " Nyssenum vero sic " sensisse, inquit, minus mirandum, cum admirator & sectator. fuerit fratris Basilii; Neque etiam Cocus aut Rivetus Critici. Gregor. Nazian. orat. in S. Cypr. (ubi obiter observa propter Authoris errorem de Cypriani illius quam laudat persona, orationem tamen non esse rejiciendam, satis liquide enim fidei alioqui esse & vere Greg. Nazianz. multis viris doctissimis videri) " Virgo Iustina Virginem Mariam " rogat, ut sibi perclitanti open ferat, &c. Durior est (inquit Chamier. de cultu creatur. lib. 20. cap. 5.) hic locus. Vossius similiter clare sententiam Greg. Nazianz. explicare affirmat.

Male autem, illud puellæ illius factum non quidem a Greg. Naz. reprehensum; sed cum idem ejusdem sexus multæ facerent, acriter reprehendisse Epiphani. eodem seculo in Collyridianis, respondet doctissimus Episc. Eliensis contra Bell. p. 42. & contra Perron. p. 34. Adorationem tantum religiosam B. Virginis per orationem proprie sic dictam & per oblationes in Collyridianis reprehendit acriter, & quidem merito Epiphanius; non autem nudam illius compellationem, ut nos orationibus suis apud Dominum adjuvet vel ille vel quisquam alius ex Patribus. Videatur & finis orat. illius & orat. 20. in Basil. & 21. in Athanas.

9. Citatur a Bell. aliisque Rom. a Vossio etiam, locus ut videtur insignis ex Chrysost. Homil. 66. ad pap. Antioch. siue potius (nam ex 80. illis homiliis ad pop. Antioch. primæ tantum viginti & una Chrysost. sunt. Videatur Possev. apparatus in Chrysost. & Bell. ipse lib. de script: Eccl. in Chrysost.) Hom. 66. in 2. Cor. de imperatore ad sepulchra martyrum *Ἰστοῦντες τὸν ἀγιὸν*. sanctos orante, ut pro se apud Deum intercedant. Versiones tamen sunt ab ipsis Roman. editæ, in quibus nihil tale reperias, nec vel paginas integras, quæ clausulam illam vel antecedunt vel sequuntur. Vide Episc. Eliensum contra C. Bell. p. 41. & contra C. Perron. p. 30. 31. Jo. Garetijs de sanctorum invocat. p. 96. citat sub nomine Theodori cujusdam Daphnopathi, qui seculis aliquot post Chrysostomum vixit. Sed extant hæc verba in Græcis quos habemus codicibus, etiam in illa laudatissima H. Savilii editione

editione Chrysost. Chamierus hic versionem accusat, male enim redditum; Fastu deposito stat sanctis supplicaturus, ut pro se apud Deum intercedent, & tentoriorum opificem ac piscatorem patronos etiam defunctos orat, qui diadema gestat. Græce enim, inquit habes *δεόμεν & ὁ δὲ ἀγίων*: & postea *δείται, &c.* Ast id verbum norunt omnes, non tantum esse orare, sed etiam indigere; longe melius reddideris; Fastu deposito stat indigens sanctis, ut sibi ad Deum præeant; Et tentoriorum opifice, &c. Patronis etiam defunctis indiget is, &c. Sed inane & ineptum est hoc subterfugium. locus enim Chry. recte perpensus exposcit sic cum aliis omnibus Interpretibus cum Rom. tum Protest. reddamus, Fastu abjecto supplex stat, sanctos obsecrans vel Orans, ut ipsi apud Deum sibi præsidio sint, *ὥστε αὐτοὶ προσῆναι παρὰ τὸν Θεόν*, vel intercedent pro ipso apud Deum, &c. Consule Chrysost. ipsum. Episc. Eliensis contra Bell. p. 41. “ si detur
“ denique quod isthuc sic narret Chryst. factum hic narra-
“ tur modo, statutum nullum recitatur. Factum autem vo-
“ luntarium, ut liberæ devotionis; non autem, ut rei, ad salu-
tem æternam necessariæ. Sed neque hoc quaeritur, an impe-
ratoris factum officium fuerit pietatis, simpliciter necessarium,
sed an licite & pie & consentaneæ Ecclesiæ tunc temporis doc-
trinæ & praxi istud fecerit; & an Chryst. probatum vel im-
probatum fuerit. Ut adhuc certius Chryst. mentem super hac
re intelligas, audi illum Tom. 5. sermone in sanctos Martyres,
Bernicem, Prosdocen & Dominam. p. 481. edit: Iavil.
“ *μὴ μόνον ἐν τῇ ἡμέρᾳ τῆς εὐροτῆς ταύτης ἀλλὰ καὶ ἐν ἑτέ-*
“ *ραις ἡμέραις προσεδρένουμεν αὐταῖς, παρακαλῶμεν αὐ-*
“ *τὰς ἀξιῶμεν γενέσθαι προστάτιδες ἡμῶν.* rogemus, obsecre-
“ mus eas, petamus, postulemus ab illis, &c. ut præsideo no-
“ bis sint, vel nobis patrocinentur, &c. *πολλὴν γὰρ ἔχουσιν*
“ *παρρησίαν ἐχὶ ζῶσαι μόνον, ἀλλὰ καὶ τελευτήσασαι ἢ πολ-*
“ *λῶ μᾶλλον τελευτήσασαι.* Nunc enim stigmata gestant
Domini, &c. Alia loca, ut quæ minus clara sint, silentio præ-
tereo. Ridiculas R. Montacutii responsiones ad locum proxi-
me ex Chrysostomo citatum vide in ejusdem tractatu de invo-
catione sanct. p. 106 & aliquot seq.

10. Eodem tempore in occidente consuetudinem eandem probavit & secutus fuit Ambr. qui plurimum Græcos imitari, sæpe etiam exscribere solet. “Atque in primis illustris est, inquit Vossius, ejusdem locus lib. de Viduis, altera medium: obsecrandi sunt Angeli, qui nobis ad præsidium dati sunt, Martyres obsecrandi, quorum videamur nobis quoddam corporis pignore patrociniū vendicare. Possunt pro peccatis nostris rogare, qui proprio sanguine etiam si quæ habuerunt peccata laverunt, &c. Durior est, inquit Chamierus, hic locus, quia scilicet per figuram Prosopopæiæ vel Apostrophes eludi non posse cernebat. Loca enim Patrum, Basilii, Nazianz. & quorundam aliorum, qui inter concionandum sanctos compellaverunt, eorum pro se ipsis & aliis preces serio expetentes, eludere solent multi Protest. per figuram Prosopopæiæ vel apostrophes, qualis est illa Oratoris ad mortuum O Marte Druse te appello, & illa Poetæ ad alium, Audisne hæc Amphiaræ sub terram abdite? non attendentes interim, vel plane rejicientes illorum testimonia, qui vel sanctorum interpellationem nobis commendant, vel narrant, a quibus interpellati sunt. Doctissimus Eliensis contra Bellarm. p. 45. & contra Perron. p. 38. 39, &c. respondet; Ambrosio adhuc Neophyto scriptum fuisse librum illum de Viduis, quod ex eo facile deprehendi posse affirmat, quod ibidem dicat Ambros. lavisse martyres sua peccata proprio sanguine, superfluum enim certe sic esset sanguis Christi. & quod addat, si qua habuerunt peccata, dubitans quasi an Martyres ulla habuerint peccata, nec ne, &c. Sed an fuerit Ambr: Neophytus, nec ne, cum librum illum scriberet (scripsit certe primo sui Episcopatus anno, ipso Eliensi confite) non laboramus; certe ex iis quæ carpit Eliensis minime apparet eum tunc adeo in Theologia hospitem fuisse, ut ipsa pene illius principia ignoret. Illud, Si qua habuerunt peccata, simile est dicto Jacobi cap. 5. 15. Et oratio fidei servabit infirmum, &c. & si peccata commisit, remittentur ei.

Quod ait lavisse Martyres sua peccata proprio sanguine, idem affirmat Tertull. in Theologia, credo, non infans, in fine Apologetici. “Quis non, ubi requisivit, accedit? ubi accessit, pati exoptat? ut Dei gratiam redimat, ut omnem veniam ab eo compensatione sanguinis sui expediat? omnia enim huic operi delicta donantur, &c. Chrysost: etiam
“ sermone

“ sermone de S. Luciano, & quemadmodum ii qui bapti-
 “ zantur aquis : ita qui martyrium subeunt, proprio sangui-
 “ ne abluuntur. Multi Patrum quemadmodum baptismate
 aquæ peccata omnia tolli existimabant & elui, ita & marty-
 rio, quod baptisma sanguinis appellabant ; ut omnibus doc-
 tis constat ; nullum tamen in eo Christi sanguini qui solus
 est causa meritoria, & principalis ablutionis nostri a peccatis
 injuriam inferentes. Baptisma enim aquæ, & illud sanguinis :
 pro mediis tantum subordinatis, vel causis secundariis & instru-
 mentalibus habebant, per quæ virtus sanguinis Christi nobis
 applicatur. Sic martyres & Angelos observandos dixerunt,
 ante illum, ut jam videmus, Græci Patres, quorum ille sedu-
 lus fuit Lector & imitator. Quod citat Eliensis ex Ambr.
 magis provecto jam, melius edocto ut ait, in ad Rom. I. “ ad
 “ Deum (quem nihil latet, omnium enim merita novit) pro-
 “ merendum, suffragatore non est opus (certe nec obsecratio-
 “ re, inquit Eliensis) sed mente devota. primo non nescie-
 bat vir doctissimus commentarios in Epist. Paulinas, qui An-
 brof. vulgo ascribuntur, illius non esse, sed alicujus alias an-
 tiqui scriptoris. Vide contra C. Perron. p. 41. 42. secundo
 ut ineptas aliorum responsiones omittam, non aliud vult au-
 thor ille, ut recte respondet Estius in 4. sent : dist. 45. S. 17.
 quam non esse accedendam ad Deum per suffragatores, eo
 modo quo itur ad hominem ; quasi viz. Rex ille cœlestis
 egeat monitoribus qui causas supplicantium ei explicent simul
 & precibus suis commendent, sicut egent reges terreni ; cum
 Deus non tantum preces singulorum audiat, sed etiam inti-
 ma cordis perspiciat. Unde author addit tantum opus esse
 mente devota scilicet ad hoc necessaria, ut Deus nos exaudiat.
 Quæ tamen mens devota loco & tempore non omittit aliorum
 etiam pro se suffragia implorare. Quod adducit idem Episco-
 pus ex Ambr. in obit : Theodos. Tu solus, Domine, invocan-
 dus es contra humanam & civilem (ut quidem doctissimi The-
 ologi etiam Romanenses appellant) sanctorum invocationem
 nihil faciat, sed omnem religiosam invocationem soli Deo ex-
 hibendam esse clarissime ostendit. Quomodo etiam ipse Ambr.
 fratrem Satyrum defunctum invocet, vide illius orationem in
 obitum Satyri circa finem.

II. De mente Hieronymi Greg. Naz. discipuli quis dubi-
 tet ? in Epitaphio Paulæ circa finem “ Vale, inquit, o Paula,
 “ & cultoris tui ultimam senectutē orationibus juva, Fides &
 opera

“ opera tua te Christo sociant , præsens facilius quod postulas, impetrabis. Non est hic inanis prosopopœia vel apostrophe rhetorica, ut Protest vulgo. affirmant , sed compellatio seria, & petitio efficax orationum Paulæ , ex qua vir sanctissimus sibi auxilium pollicebatur. Erat solita (constantia femina Cypria , cujus generum ac filium Hilarion de morte liberarat olei unctione) pervigiles in sepulchro ejus noctes ducere , & quasi cum præsentē ad adjuvandas orationes suas fermocinare. ut Hier. scribit in extrema Hilarionis vita. Et contra Vigilant : qui intercessionem sanctorum pro
 “ vivis, a qua eorundem interpellatio dependet, negabat ; de
 “ barathro pectoris tui cænosam spurcitiam evomens, audes
 “ dicere, Ergo cineres suos amant animæ Martyrum, & cir-
 “ cumvolitant eos , semperque præsentēs sunt, ne forte si quis
 “ precator advenerit , absentes audire non possint. Derilisse videtur Vigilant : eos qui sanctos invocabant, ut ex illis duabus vocibus precatores & audire colligere licet. (An enim precatores suos martyrum animæ audire queant nisi invocatæ ?)

Unde (quo erat genio) Hier. adeo acerbè hic eum excipit. Nihil falsius, nihil etiam B. Hier. magis injuriose affingi potest , quam quod a rigidioribus Protest. fingitur, Hier. in dogmate quidem de intercessione beatarum animarum pro vivis a Vigil. dissensisse : sed quantum dogma de invocatione Sanctorum spectat ei plane assensum , & ut inepte loquitur R. Crakanth. l. scelerato cap. 52. p. 330. Hier. totum Vigilantianum hic esse. Videantur alii, qui prolixius hæc pertractant.

CAP. IV.

*Eadem sententia fusius adhuc Compro-
batur.*

PRIUSquam, quæ huic sententiæ firmandæ ex Aug. proferri possunt, Loca adducam ; operæpretium duco, ad locum quendam Aug. in quo omnes ad unum hic dissentientes miri-

mirifice exultant, & tantum non triumphant, accurate respondere. Nam ex aliquo Aug. rivulo quicquid refertur, inquit doctissimus Episcopus Eliensis contra Bell. p. 46 unica ejus sententia tanquam sole siccatur, quam habet "in opere suo
 " palmari de Civitate Dei lib. 22. cap. 10. Ad quod sacrificium, Martyres (sicut homines Dei qui mundum in ejus
 " confessione vicerunt) suo loco & ordine nominantur : non
 " tamen a sacerdote, qui sacrificat invocantur. Qui minus
 " autem a Sacerdote, inquit Eliensis, quam a populo ? aut
 " extra sacrificium cur liceat, quod ad sacrificium non licet ?
 " Quid non ad missam, cur ad Matutinas ? Quod, alioqui
 " licitum est, ecqua in sacrificio vis, vel Altari, ut reddat illicitum ? Hæc ille, vide & contra Perron. p. 37, &c. Respondere solent Rom. & quidem vere, loqui Aug. loco citato de invocatione in Liturgia, & ad altare, ubi cum sacrificium Deo vere offeratur (licet in illius sacrificii ratione explicanda multi Rom. errent, ut ilias, Deo volente, demonstrabimus) invocatio ad solum Deum dirigenda est. Sic enim Aug. ibidem " scribit. illi (Gentiles scil.) talibus Diis suis, & templa ædificaverunt & statuerunt aras, & sacerdotes instituerunt, & sacrificia fecerunt. Nos autem martyribus nostris non templa sicut Diis, sed memorias, sicut hominibus mortuis, quorum apud Deum vivunt spiritus, fabricamus : nec ibi erigimus altaria, in quibus sacrificamus martyribus, Sed uni Deo, & martyrum & nostro sacrificium immolamus : ad quod sacrificium, &c. & statim post illa verba ; non tamen a sacerdote, qui sacrificat, invocantur. Deo quippe, inquit, non ipsis sacrificat, quamvis in memoria sacrificet eorum : quia Dei sacerdos est, non illorum. ipsum vero sacrificium Corpus est Christi, quod non offertur ipsis, quia hoc sunt & ipsi. Et de civit : Dei. lib. 8. cap. 27. " Quis autem divit aliquando fidelium stantem sacerdotem ad altare etiam super sanctum corpus martyris, ad Dei honorem cultumque constructum, dicere in precibus : offero tibi sacrificium Petre, vel paule, vel Cypriane, cum apud eorum memorias offerat, Deo, qui eos & homines & martyres fecit, &c.

Eadem legere est contra Faustum. lib 20. cap. 21. unde in Canone Missæ post Cathalogum sanctorum " subditur : Et
 " omnium sanctorum tuorum : quorum meritis precibusque
 " concedas, ut in omnibus protectionis tuæ muniamur auxilio.

lio. Ubi non sancti, sed solus Deus invocatur “ In Liturgia,
 “ inquit Wicelius in Methodo Concordiæ Eccl. cap. 5. de
 “ Eucharistia p. 19. non oratur ad Divos sed ad Deum unum,
 “ ut is ob amorem quo Divos ardet, calamitatem nostram in
 “ hoc periculolissimo vitæ salo clemens respiciat. Quod ait
 “ Aug. serm. 17. de verbis Apostoli : Habet Ecclesiastica dis-
 “ ciplina, quod fideles noverunt, cum Martyres eo loco reci-
 “ tant ad Altare Dei, ut ibi non pro ipsis oretur, pro cæteris
 “ autem defunctis oretur? injuria enim est orare pro Martyre,
 “ cujus nos debemus orationibus commendari. Vide etiam
 tract. 84 in Joan. apud illum eo loci, commendari martyrum
 orationibus, non est directe eos invocare, sed tantum rogare
 Deum, ut non nostris solum, sed ipsorum quoque pro nobis
 orationibus flectatur Deus; ut si non nostras, quæ sæpe fri-
 gent, illorum tamen ardentissimas pro nobis orationes audire
 dignetur. In Missa quidem Catechumenorum, quæ non est
 proprie sacrificium, in versiculis post lectionem obiter sancti
 directe interpellantur; sed in Missa fidelium (uti appellatur)
 quæ incipit ab oblatione, nunquam sancti directe invocantur.
 v. Bell. lib 2. de Missa cap. 8. imo in Synodo Carthagenensi 3.
 Can. 23. cautum est “ ut cum ad altare assistitur, semper ad
 “ Patrem dirigatur oratio: licet istud non propter necessi-
 tatem, quali videlicet personam Filii vel spiritus sancti ad
 Altare compellare nefas sit, sed propter convenientiam factum
 sit; ut cum in sacro illo mysterio commemoratio sacrosan-
 ctæ illius oblationis, qua semet ipsum Christus obtulit imma-
 culatum Deo & Patri peragatur, ad ipsum quoque sacrificium
 precum nostrarum, & gratiarum actionis dirigatur: ut recte
 Cassander observat in fine Hymnorum Eccles. p. 298. Nam
 alioqui in Canone Missæ Ecclesiæ Romanæ in fine dicit sacer-
 “ dos placeat tibi sancta Trinitas obsequium servitutis meæ,
 “ & præsta, ut hoc sacrificium, quod oculis Tuæ Majestatis
 “ indignus obtuli, sit tibi acceptabile, &c. & 3. collectæ ad
 “ Christum ipsum diriguntur. 1. Domine Jesu Ch. qui dixisti,
 “ &c. 2. Domine Jesu Ch. Fili Dei vivi, &c. & 3. perceptio
 corporis & sanguinis tui. D. Jesu Ch, &c.

2. Ex quibus omnibus liquet, cur in oblatione & invoca-
 tione sacerdotis ad Altare sacrificali nulla sanctorum interpel-
 latio adhibeatur, ut ait Aug. extra sacrificium tamen ea uti
 liceat. Neque rejicienda est simpliciter distincto Perroniana
 orationis sacrificalis, & extra sacrificalis: sed interpellationem
 sanctorum

sanctorum male ille orationem, si modo orationem proprie sic dictam intelligat, appellat. Aug. autem Martyrum invocationem non improbari, quod loco citato, & rursus p. 51. Episc. Eliensis affirmat, patet ex De cura pro mortuis cap. 4. sed cum talia virorum solatia requiruntur, quibus eorum pius in suos animus appareat, non video quæ sint adjumenta mortuorum, nisi ad hoc, ut dum recolunt ubi sint posita eorum, quos diligunt, corpora, eisdem sanctis illos tanquam patronis susceptos apud Dominum adjuvandos orando commendent. Et paulo post. Cum itaque recolit animus ubi sepultum sit charissimi corpus, & occurrit locus nomine Martyris venerabilis, eidem Martyri animam dilectam commendat recordantis & precantis affectus, &c. Vide etiam cap. 15. & 16. Mortuos inquit R. Montac. contra Biding. Anti-diatrib. 1. p. 21. "vivorum rebus non interesse opinabatur Aug. solertissimus omnium in fidei dogmatibus discutiendis. Cum vero quereretur, quomodo tum Martyres implorabantur, respondebat, aliter dispensatum fuisse cum Martyribus. Viam ergo introducebat extraordinariam. Certum vult esse, propter usum tum frequentiore, licet non de fide definitum, Martyres imploratos exaudire & adjuvare. sed quomodo adjuvent invocantes, definire ait vires superare suæ intelligentiæ, &c. Hæc ille. Quanquam, inquit Aug. ista quæstio vires meæ intelligentiæ vincat, quemadmodum opitulentur Martyres iis quos per eos certum est adjuvari? utrum ipsi per se ipsos asint uno tempore tam diversis locis, & tanta inter se longinquitate, discretis, sive ubi sunt eorum memoriæ, sive præter suas memorias ubicunque adesse sentiuntur, an ipsis, in loco suis meritis congruo, ab omni mortalium conversatione remotis, & tamen generaliter orantibus pro indigentia supplicantium, Sicut nos oramus pro mortuis, quibus utique non præsentamur, nec ubi sint, nec quid agant scimus, Deus omnipotens qui est ubique præsens, &c. exaudiens martyrum preces, per angelica ministeria usquequaque diffusa, præbeat hominibus ista solatia, quibus in hujus vitæ miseria indicat esse præbenda: & suorum merita martyrum ubi vult, quando vult, quomodo vult, maximeque per eorum memorias, quoniam hoc novit expedire nobis ad ædificandam fidem Christi, pro cuius illi confessione sunt passi, mirabili atque ineffabili potestate ac bonitate commendet. Res hæc altior est quàm ut a me possit attingi, & abstrusior quàm ut valeat a me perscrutari, &c.

Vide locum. Buceri candor hic placet, qui in defens. Reform. Christ. cap. " 43. sic scribit : ea ratione & modo, quæ
 " cœlesti eorum vitæ consentanea est , orant sane pro nobis
 " omnes sancti. Utrum vero peculiariter id faciant pro iis
 " qui ipsos invocant, vel memorias eorum honoribus afficiunt,
 " vel ipsorum cognati aut affines sunt , an vero generaliter
 " pro omnibus , ut pro Electis D. N. J. Christi, &c. id D.
 " August. fatetur adhuc sibi esse ignotum , quoniam sacra
 " scriptura nihil de eo commemorat. Non dubitabat ille, quin
 " Augustini seculo Sancti ipsi invocarentur, licet non in oratio-
 " ne Liturgica, neque tamen hanc Ecclesiæ vel piorum tunc
 " temporis praxin damnassee Aug. vel affirmat, vel etiam, si
 " maxime affirmasset , unquam probare potuisset. Aug. lib. 20.
 " contra Faustum cap. 21. populus Christianus memorias
 " martyrum religiosa solennitate concelebrat, & ad excitandam
 " imitationem , & ut meritis eorum consocietur, atque
 " orationibus adjuvetur : ita tamen ut nulli Martyrum , sed
 " ipsi Deo martyrum sacrificemus, &c. R. Montacut. in
 " suo tractatu de invocatione sanctorum, licet nullam non quar-
 " rat rimam qua elabatur, ut clarissima veterum testimonia elu-
 " dat, pag. tandem 214. 215. 216. respondere cogitur, dicta
 " Aug. quæ pro sanctorum invocatione allegantur, imo pene
 " omnia, quæ in hanc sententiam ex veteribus produci solent,
 " ex opinione tunc communiter in Ecclesia recepta loqui de
 " Martyrum tantum intercessione vel invocatione , & quidem
 " ad memorias eorum, vel in Natali eorum die. i. e. in passio-
 " nis die, quo martyres secundum vitam animalem ac tempo-
 " rariam orbi denascentes vitam cœlestem vivere cæperunt ;
 " Inde autem colligi non posse . Sanctos omnes in cœlis vi-
 " ventes & Angelos nobis interpellandos esse, speciali enim præ-
 " aliis omnibus saltem sanctis privilegio ex probabili veteris
 " Ecclesiæ sententia in negotiis nostris procurandis gaudere
 " Martyres.

Laudo quod ingenue Martyrum saltem invocationem ad-
 " misisse Aug. fateatur, sed Angelorum atque aliorum etiam san-
 " ctorum interpellationem præ vetustati probatam fuisse perpe-
 " ram negat ; ut ex prædictis clarissime constat.

Doleo certe Joanni Barclaio in sua parænesi, &c. lib. 2. c.
 " 7. p. 339. causam tam justam cum doctissimo Eliensi Episc. hic
 " expositulandi datam. " Serenissimi Britanniarum Regis Elec-
 " mosynarium hic, inquit, alloqui lubet : illi Rex credit,
 " alii

alii multi credunt, & toties in culpa est, quoties alios in culpa esse facit. Videat porro quanto errore negaverit, Aug. placere, ut Martyres invocentur.

In Resp. ad Apologiam C. Bell. cap. 1. sic loquitur. Aug. autem assentemur, &c. Nam Aug. Martyres non invocantur, &c. Immo, inquit, invocantur Martyres Aug. nisi ipsi Aug. non credimus, &c. Vide locum. Aug. lib. 22. de civit. D. cap. 8.

“ Florentinus, inquit, Hipponensis noster, homo religiosus
 “ & pauper, qui Sattoris se arte pascebat, casulam perdiderat,
 “ & unde sibi emeret non habebat : ad viginti Martyres, quo-
 “ rum memoria apud nos est celeberrima, clara voce, ut veli-
 “ retur, oravit, &c. Adis locum. Loci hi sunt ex libris, qui
 certo sunt Aug. loci autem qui a multis aliis adducuntur, sunt
 ex scriptis dubiis vel suppositis iis petiti.

3. Aliorum quarti & quinti seculorum Patrum testimonia
 brevitatis causa omitto. Quod autem privatas illas sancto-
 rum compellationes (ut loquuntur) Protest. temporibus
 Basilii & Nazianzeni usurpari coeptas, tandem circa tempora
 Gregorii M. i. e. ante annos 1000. publicis Litaniis inser-
 tas fuisse, & non prius, affirmant, id exigui est momenti ; cum
 primo non Greg. Magn. primum, sed Patrum etiam ante-
 riorum seculorum, Græcorum & Latinorum, doctissi-
 morum juxta ac sanctissimorum temporibus publice cum
 in scriptis tum in concionibus usurpatæ & probatæ fuerint
 istiusmodi compellationes ut demonstratum est ; secun-
 do narrat Walafridus Strabo lib. de rebus Eccles. cap. 28. Li-
 taniam sanctorum post Eusebiani Martyrologii epitomen a
 D. Hieron. latine factam, credi in usum assumptam ; vel po-
 tius (ut alii Strabonis mentem explicant) ante conversum
 ab Hieron. Eusebii Martyrologium tanto numero quidem san-
 ctos in Litania recensitos non fuisse. Tunc enim præcipui tan-
 tum aliquot, B. Virgo, &c. & qui in uno quoque loco tele-
 briores erant, nominabantur : cæteri universe interpellaban-
 tur. Editio vero Martyrologio plurimum nomina, quod in
 Gregorio Cordubensi Episcopo, in Concilio Episcoporum a
 Theodosio Imperatore laudatum idem Strabo refert, memo-
 rari coeperunt. Vide Serar. de Litaniis lib. 1. cap. 1. ali-
 osque.

Denique multis jam sæculis in universa Ecclesia, in Oriente
 non minus quam in Occidente etiam in Aquilone apud Mus-

rovitas, Litania est decantata; ut puta. S. Petre ora pro nobis. Totius autem Ecclesiæ universalem consensum spernere aut damnare res est longe periculosissima.

4. Certe melius & modestius de hac sanctorum compellatione in Reformationis principio, præcipui quidam Protestantium senserunt & scripserunt; si in ea sententia, quam initio cum veteri Ecclesia communem habebant, permansissent, atque intra abusu tantum reprehensionem constitissent, melius fortasse auctoritati & paci Ecclesiæ consulissent; ut sapienter admonet G. Cassander in consult. art. 21. M. Lutherus in Epist. ad Georgium spalatinum Anno. 1518. scripta quæ adhuc extat “ Mi Spalatine, non fuit mens mea unquam
“ Venerationem sanctorum esse superstitiosam, neque invocaciones eorum pro causis vel corporalissimis. Hoc enim sapiunt hæretici illi vicini nostri Picardi Bohemia, &c. Et in
“ Epist. ad Erfurdienses Anno 22. Sinite ut divorum implorent nomina, quando ita volunt, ea tamen lege; ut sciant
“ sibi cavendum, ne quam fiduciam & præsumptionem persuasionis falsa inducti, in ullum sanctorum ponant, sed in solum Christum, &c. Et in purgatione quorundam articulorum: de intercessione sanctorum cum tota Ecclesia Christi sentio, & judico, sanctos a nobis honorandos esse, atque
“ invocandos. Et de præparatione ad mortem in mortis articulo B. Virginem, suum Angelum & delectum a se Apostolum, & sanctos reliquos, &c. invocare non cesset ut pro se intercedant ad Dominum.

5. J. Occolampad: in annotat. in serm. Chrysost. in Juveninum & Maximum Martyres Basileæ excusis. Anno 1623. p. 163. “ Sunt qui de sanctis volunt nihil audire aliud quam
“ quod dormiant & quiescant in Christo expectantes revelationem & diem D. N. J. Chr. recepturi tunc utramque stolam
“ simul: nunc neque intercedant; neque si intercedant, quod ægre admittunt, invocandi sint. Interpellandi officium dicunt solius Christi esse, &c. & nusquam scripturam nos adhortari, ut sanctos precibus nostris imploremus.
“ Neque enim huc quadrat illud ultimi psalmi, Laudate Dominum in sanctis. Vel illud ex Job, convertere ad aliquem sanctorum, &c. Habet opinio hæc aliquid
“ haud contemnendum, cui refragari fas non fuerit. Attamen ei per omnia nequaquam accesserint. Neque enim
inter-

intercessionem sanctorum inficias ierim : neque impiorum
 & idololatorum esse asseveraverim cum illis implorare Pa-
 trocinia sanctorum. Cæterum precor votis omnibus, ut
 prætercursis sanctorum, Angelorumque & omnium quæ
 in medio sunt, cunctis agminibus, summa fide & alacritate,
 ad ipsum Angelorum regem & cælorum Conditorem con-
 tendamus. Quamvis a nullo exigere ausim ; fidem enim
 ad mensuram cuique Deus ipse suppeditat ; optari tamen,
 &c. & p. 166. 167. “ sancti quoque in cælis sua charitate
 flagrantes non desinunt pro nobis intercedere. Quid igi-
 tur mali, si hoc petamus fieri, quod credimus Deum velle,
 etiamsi nihil tale præceperit ? Quid mali, si & commen-
 demus Patrocinia sanctorum, modo id circumspicte, oppor-
 tune & modice fiat, pro auditorum qualitate ? id quod hic
 agit Chrysost : & Nazianz. quoque in laudibus Cypr. Et
 observant hoc ferme omnes Ecclesiæ, tam orientis quam oc-
 cidentis, &c.

6. M. Bucerus contra Episcop. Abrinensem. “ si quis,
 inquit, perpensa infinita illa Dei in sanctos indulgentia &
 facilitate, & simul illorum in nos miseros ad huc conservos
 suos & commembra charitate, animi ardore huc prorumpat,
 ut illos ceu præsentis præsens appellet, proque se in-
 tercedere ad Deum roget ; id, licet in nulla scriptura do-
 ceatur si sic tamen fiat, nulli damnamus. Et postea in ani-
 mis, inquit, sic comparatis, ubi videmus nihil tribui huma-
 nis meritis, sed omnia misericordiæ Dei, & redemptioni
 D. N. J. C. ita quod divos, ut pro se orent, invocant,
 licet id faciant absque ullo & sensu & exemplo scripturæ,
 damnare tamen non possumus. Atque hunc solum in mo-
 dum videmus Orthodoxis Patribus sanctorum cælitum in-
 vocationem usurpatam & traditam Et in ad Rom. cap. 8.
 p. 413. intercessio, quam pridem Divis tribuunt Ecclesiæ,
 non potest ex scripturis statui aliud esse, quam perpetua illo-
 rum Vota de nostra redemptione consummanda. Quibus fi-
 dere ex se impium, quærere ea incertum est. affectus tamen
 salutis, qui eousque sese attollit, ut Divorum quoque
 intercessionem in Christo non præ Christo quærat, non ex-
 cutiens quam certum sit quo feratur damnari non debet. Et
 hoc reverentiæ detulisse Veterum observationi hac in re,
 quæ scilicet usu, nullo autem oraculo scripturæ inolevit, sa-
 tis fuerit.

7. Joachimus Camerarius, Vir doctissimus in lib. de piis Catholicae Ecclesiae precibus cum de sanctis hominibus jam Christo fruentibus loquitur : “ pia, inquit, affectio erga illos
 “ & votum communium precum non potest, ut opinor, dam-
 “ nari : cum neque adversetur doctrinae veritatis coelestis, &
 “ exempla vetustatis extent.

Vide Cassandr. in defens. lib. de officio pli viri. pag. 847. Orationem illam in Canone Missae, Omnium sanctorum tuorum precibus concedas, ut in omnibus protectionis tuae muniamur auxilio Philip. Melancton in Consilio de moderandis controversiis Religionis, scripto ad Gallos Anno 1535. Intolerabilem non esse censuit. Docti, inquit, de hac forma deliberare possent, &c. Vide pag. 234. partis primae Consil. Theol. p. M. R. Fieldus in Appendice ad lib. 3. de Ecclesia. pag. 223. edit. ult. asserit nihil continere, quod a Protestantibus improbetur. Th. Mortonus appellat : Cathol. &c. lib. 2. cap. 12. Sect. 2. pag. 227. Nullum in ea idololatriae periculum inesse posse, cum non ad sanctos directe, sed ad Deum dirigatur.

Audiat autem super hac re author Enchirid. Colonis in Decalogum pag. 253. “ si rem acutius perpendamus, tota contentio (modo absit superstitio) in verbis tantum sita est (inquit,) Convenit enim & absque controversia est, sanctos qui in Domino obdormierunt, sedulo & continue orare pro nobis, veluti unius ejusdemq; corporis membra, qui nostram salutem sine quibus consummandi non sunt expectant & desiderant.

“ Alioqui articulus de sanctorum Communione symbolo fidei eximendus erit; aut Ecclesia triumphans a militante rescindenda ; quod plane Christianae aures abhorrent. Jam quid prohibet, ut quos sedulo pro nobis Deum deprecari scimus eorum etiam precibus concedi petamus, ut in omnibus divinae protectionis muniamur auxilio ? Certe non poterit nobis fructus communionis sanctorum Ecclesiae triumphantis, applicari, quemadmodum nec alia, quae symbolo continentur, nisi per fidem, quae piis votis ac desideriis excitanda est.

“ Ergo etsi nihil sanctis hinc accedat, quod eos interpellamus, ut Deum pro nobis deprecentur, tamen eo ipso fidem communionis sanctorum in nobis excitamus, ut quod illi pro nobis assidue faciunt, nobis etiam applicetur, & salutare
 “ sit

“ sit, quemadmodum Aug. in De cura pro mortuis dicit :
 “ non contemnendum esse affectum morientis, qui desiderat,
 “ rit, post obitum corpus suum in Basilicam Martyris poni,
 “ siquidem is crediderit animam suam precibus Martyris ad-
 “ juvari. Hoc enim, quod (ut subdit) ita credidit, suppli-
 “ catio quædam fuit, & hæc profuit, si quid profuit. Non-
 “ respuit igitur Ecclesia, quicquid citra injuriam Dei fit, quo-
 “ fides in nobis excitatur, veluti cum sanctos nos, tanquam
 “ Patronis post Christum apud Deum adjuvandos orando
 “ commendamus. Deus enim cordis inspector est, & voti
 “ pietatem examinat, non structuram verborum.

“ Nam quid refert apud Deum, si dicamus : scimus o
 “ Deus, S. Petrum orare pro nobis : ejus itaque precibus con-
 “ cede, ut nos tuæ protectionis auxilio muniamur, quam si di-
 “ camus ; S. Petre ora pro nobis : nisi quod quantum ad nos
 “ attinet, cum sanctos nominatim appellamus, non solum fi-
 “ nem, sed etiam mutuæ charitatis affectum exprimimus, per-
 “ suasum habentes Apostolos & Martyres, qui adhuc in cor-
 “ pore constituti, & voluerunt & potuerunt pro cæteris orare,
 “ nunc tanto magis pro nobis esse sollicitos. quanto post coro-
 “ nas, victorias & triumphos nos ardentiori charitate com-
 “ plectuntur. Hæc omnia ille.

8. J. Casaub. in Resp. ad epist. Card. Perron. pag. 59.
 “ respondet Rex ; primis nascentis Ecclesiæ temporibus, ali-
 “ um præter unum Deum Opt. Max. fuisse orari solitum, de-
 “ monstrari omnino haud posse, &c. Postea morem esse in-
 “ troductum orandi ad memorias Martyrum : ac paulatim cœ-
 “ pisse apostrophas fieri, ad sanctos, extra Dei cultum : optari
 “ etiam & vota fieri, non ad illos quidem primo, sed ut illi Deū
 “ orarent. Quod si hæc sine exempla novo stetissent, ne rex qui-
 “ dem illorum temporum consuetudinem vehementer repre-
 “ henderet : certe non ita damnaret, ut quod postea receptum
 “ est moribus, &c. & pag. 60. postremo seculi illius (quarti
 “ scilicet) morem inter utilia aut licita si admiserunt pii Pæ-
 “ tres. (Sed cur dubitanter hac de re de qua pii illi Patres nun-
 “ quam dubitarunt, loquitur Casaub. ? at inter absolute necessa-
 “ ria ad salutem nunquam profecto posuerunt : Sed nec doctiores
 Roman. hoc asserunt.

Jo. Gerhardus Loc. Theol. Tom 8. de Morte pag. 603. &
 604. n. 377. “ Sciendum est, inquit, non esse quæstionem de
 “ nuda sanctorum compellatione, qua sancti moneantur & in-
 vitentur

“ vitentur & pro Ecclesia in terris adhuc militante orent, quo-
 “ modo a piis in his terris viventibus vel coram vel per literas
 “ petimus, ut pro nobis apud Deum intercedant, suas preces
 “ nostris conjungit, iisdemque salutem nostram fideliter
 “ commendent, &c. Quamvis enim, inquit, nec hanc de-
 “ functorum sanctorum compellationem simpliciter probe-
 mus (neque tamen simpliciter eam damnare audebat; sed ra-
 tiones ipsius cur non simpliciter probet audiamus.) “ Cum
 “ illi non amplius ut sancti in terris adhuc viventes rebus no-
 “ stris intersint (esto, rogamus tamen non frustra ut Deum
 pro nobis orent ex charitatis affectu, quo ipsi in nos feruntur,
 & ex eo rerum nostrarum sensu quem habent. De generali
 nulla est controversia, quod ad particularem sensum atinet,
 non rogamus nisi hypothetice *ei tñs tñs*, &c. Multa etiam
 scire possunt in particulari, de quibus nobis nihil certo constat)
 “ nec de tali compellatione præceptum vel exemplum extet in
 script. (Atqui res tantum adiaphora est ac proinde nullum de ea
 “ præceptum vel exemplum in script. extans necessario exigen-
 “ dum est, &c.) “ Cumque periculum sublit, ne ex tali compel-
 “ latione absentium ad religiosam eorundem invocationem fiat pro-
 gressus. (Sed non continuo propter periculum abusus aut abusum
 etiam quem re ipsa cernimus, legitimus rei usus cum scandalo
 totius Ecclesie tollendus aut damnandus est) “ tamen ex
 “ praxi & confessione Pontificiorum constat, eos non esse
 “ tali Sanctorum compellatione contentos, sed religiose
 “ eosdem invocare, &c. Sed de erroribus quorundam
 Romanensium hac in re cum Deo capite sequente dicemus.

Fr. Whittæus contra Fisherum Jesuit. in ipso disputationis
 sue hac de questione vestibulo p. 288. timide sic scribit. “ Etsi,
 “ inquit, daretur modum quendam petendi aut compellan-
 “ di Sanctos & Angelos, ut nobiscum sint comprecatores
 “ & pro nobis apud Deum intercedant, licitum esse (citatur
 hic ad marginem verba Alex. Hal. 4. qu. 26. m. 2. Artic. 3.
 de quibus vide supra, & Buceri verba supra Rom. 8. jam antea,
 allegata, quibus diserte affirmatur, Veterum observationem
 hac in re damnari non debere.) “ Invocatio tamen
 “ eorundem, juxta Ecclesie Romanæ praxim, &c. appro-
 banda non est.

10. R. Montacut. unus tunc ex Canonicis Windesoriensi-
 bus coram Rege J. VI. B. M. tractans verba illa psal. 50. invo-

ca me in die tribulationis, &c. & sanctorum atque etiam Angelorum absentium invocationem stultitiæ saltem & fatuitatis damnans, pro concione ipsomet consistente in Tract. de invocatione sanct. p. 96. & impotenter hic in Arch. Spalat. qui concioni tunc interfuit, debacchante & mirifice Paratragediante hæc dixit, de Angelo Custode fortassis ampliandum. Non quia, ut ait ipsius Hyperaspistes R. Crakanth. contra Arch. Spalat. c. 58. p. 375. prolixiorem tractatum res hæc desiderabat, aut quia cum in Angelo custode maior sit pontificiis & spes & species in hac invocationis causa, ampliorem quoque de eo orationem, quam temporis illius angustia paterentur, habendam censuit.

Sed quia ut ipse diserte mentem suam loco prædicto explicans dicit cum opinio sit recepta, & quidem jam diu recepta fuerit, licet de fide non sit unumquemque saltem justum Angelorum custodem habere, atque hunc præsentem semper adesse ex Dei mandato & deputatione, nihil absurdi esse existimabat in natura neque analogia fidei aut scripturis ullo modo adversari, multo minus impium esse dicere, Sancte Angele Custos ora pro me, hoc scilicet supposito quod dictum est, & quod Patres semper maxime probabile esse censuerunt. Vide pag. 97, 98, 99. Sed salus Reip. inquit, non vertitur in istis.

Idem ibid. pag. 183. respondens ad factum Justinæ Virginis a Nazianzeno orat. in Cyprianum memoratum; quæ primum ad Deum confugit, sponsum suum Christum defensorem assumpsit, denique Virginem Mariam rogavit, ut periclitanti Virgini opem ferret, &c.

“ Hanc, inquit Rom. compellans, libertatem nobis concede,
 “ dite, & litem vobis jam non movemus. Si illi (Rom. scilicet)
 “ hoc facerent ipsimet, & profelytos atque novitios suos
 “ in omnibus necessitatibus docerent facere, quod fecit Virgo
 “ hæc, ad Deum scilicet, & Christum primo confugere, & deinceps
 “ inceptis ex abundanti sive adjuvent sive non adjuvent in auxilium
 “ advocare B. Virg. Mariam, S. Petrum, S. Paulum, *ἐν τῇ ἀνάγκῃ*,
 “ ut loquitur Nazianz. &c. non contendemus. In Ecclesiæ Romanæ praxi res longe aliter se habet. Hæc ille. Vide locum.

Sed his missis, audiamus judicia Theologorum moderatorum & concordia Ecclesiasticæ apprimè studiosorum.

Erasm.

11. Erasmi. ep. lib. 25. in ep. ad J. Sadoletum Episc. Carpentoract. pag 984. " Constat nullum esse in divinis volumi-
 " nibus locum, qui permittit invocare divos; nisi fortassis huc
 " detorquere placet, quod Dives in Evangelica parabola im-
 " plorat opem Abraham. Quanquam autem in re tanta novare
 " quicquam præter auctoritatem scripturæ merito periculo-
 " sum videri possit, tamen invocationem divorum nusquam
 " improbo, nec improbandam sentio; modo absit superstitio,
 " quam aliquoties noto, nec id sine causa, &c. Et de amabili
 Ecclesiæ concordia: " religiosi affectus est, credere sanctos,
 " &c. nonnihil apud Deum precibus suis posse. Ac quibus
 " diversa sedit opinio pura mente, sinceraque fide invocent Pa-
 " trem Fil. & Sp. S. nec obturbent odiose iis qui citra supersti-
 " onem implorent divorum suffragia. Superstitio, quam fateor
 " in invocatione & cultu divorum esse plurimam; congruenda
 " est pius ac simplex affectus interdum tollerandus est, etiamsi
 " sit cum aliquo conjunctus errore, ut enim nostra voto non
 " sentiant divi: sentit tamen Christus, qui & amat simplices
 " animas, & si minus per sanctos, recte pro sanctis dabit nobis
 " quæ petimus.

12. Andr. Fricius cujus aliquoties nobis mentio supra fa-
 cta est lib. 4. de Ecclesia cap. 13. citatis hisce ultimis Erasmi
 verbis sic loquitur: " Quamobrem moderate mihi & scienter
 " Erasmus hanc sententiam sic temperasse videtur: Religiosi
 " affectus est, &c. & in fine cap. Cum igitur multi sint ita
 " instituti, ut in causis religiosis acquiescere nulla in re possint,
 " ejus demonstrationem habere non queant ex divinis elo-
 " quiis: par fuerit, ut sanctorum invocatio aut autoritatibus
 " Bibliorum confirmanda sit, clavis & certis: (sed nullam ef-
 " se hujus rei necessitatem sæpe nobis dictum est) aut arbi-
 " trio ejusque permittenda, nec quisquam ad eam cogendus:
 " sitque de earum quæstionum numero, in quibus cuique sen-
 " su suo abundare liceat.

13. Episcopi Ecclesiæ Anglicanæ in pia & Catholica Chri-
 stiani hominis institutione tempore Henrici Octavi, edita in
 explicatione præcepti Decalogi tertii: " Cæterum precari
 " sanctos, ut nobiscum apud Deum ac pro nobis intercedant:
 " in his quæ a Deo petimus, quæque a Deo Solo nobis con-
 " ferri expectamus, modo non eos ut ipsorum donorum &
 " gratiarum datores, sed intercessores tantum veneremur, ve-
 " rustissimo

“tutissimo simul & perpetuo Catholicæ Ecclesiæ usu receptum & approbatum est.

In libro Cæsari tradito a quibusdam viris doctis & bonis ad promovendam conciliationem, &c. Ratisb. An. D. 1541. (vide apud Goldastum constituit Imperial. Tom. 2.) artic. 19. qui & de gnata quædam, quæ Ecclesiæ autoritate declarata, firmata sunt. “ Nec damnandum est, inquiunt, si
 “ quis religiosa quadam pietate, & animi quodam errore in
 “ commemorationem tam intimæ nostræ cum sanctis in
 “ Christo unionis, eos etiam nominatim appellat. Sed extra
 “ preces, quæ ad altare offeruntur : in quibus ad solum Deum
 “ Patrem per Christum dirigenda est oratio, ut habet
 “ Concil. Carthag. 3. Sic tamen ut tota fiducia in solum Jes.
 “ Chr. omnis boni authorem reponatur, & nihil quod Deo
 “ proprium est, sanctis tribuantur, tantum vero ut conservi
 “ (qui jam meruerant fieri supernorum civium consortes)
 “ non secus quam qui nobiscum adhuc in carne sunt sancti
 Dei homines adjuvandas nostras preces apud Deum implorentur. De Georgii Cassandri sententia ex supradictis facile cuivis constat. Vide Consulat. art. 21. Defens. libelli de officio pii viri p. 849. &c. Epist. 19. quæ est ad Joan. Molinæum.

15. De sententia G. Wicelii, lege dissertationem ejusdem super hoc argumento Lipsiæ impressam Anno 1538. Et methodum Concordiæ c. 14. “ Quid vero, inquit, concilii dabitur, ut non prorsus sublata intercessione sanctorum, amicitia inter nos sancta fiat : Ecclesiastici ponant modum dogmati suo, & non faciant articulum symboli ex pia persuasionem. Partes non vociferentur inipium, quod est probabile, nec obturbent cupientibus suis precibus intercessionem cœlicivium accedere. Æqua ni fallor hæc conditio est, quam si utique accipiant, atque eam non resugiant, pax est, &c.

16. Arch. Spalat. l. 7. de rep. Eccles. c. 12. n. 20. & aliquot seq. invocationem humanam, & ut ita dicam, inquit, civilem Angelorum, B. Virg. Mariæ, & sanctorum in cœlis beatotum, antiquam Ecclesiam puram adhuc, & incorruptam usurpasse fuisse probat ex patribus ; licet quædam, quæ allegat, testimonia, ex scriptis tantum dubiis, vel supposititiis deprompta sint. Et n. 27. ad ea quæ Protest. communiter objectant, quod scilicet absque aliqua aut Dei aut Christi injuria non fiat, quod sanctorum animæ nostras invocationes non audiant, denique quod nullum sit Scripturæ mandatum vel exemplum aut promissio.

missio de invocat. sanct. respondet, & n. 28. docet quo sensu Aug. de civ. Dei l. 22. c. 10. negaverit sanctos a nobis invocari.

17. Et tandem partes ad mutuam tollerantiam sic hortatur.
 “ Ne ergo propter hunc invocationis sanctorum ritum schis-
 “ mata fiant. Qui sanctos invocant, caveant & plebem instru-
 “ ant soepissime, ne adsit periculum indebiti, & illiciti sancto-
 “ rum cultus idololatrici: & bene has invocationes perpurgent.
 “ Ac sanctorum invocandorum habeatur delectus, cum sola
 “ canonizatio Papalis non sufficiat: qui vero invocationes
 “ hasce abjecerunt, ne illas absolute ut in se malas damnent, si
 “ caute fiant, sed ut periculosas omittant, & neutri aleros abji-
 “ ciant sed cum charitate tolerant. Sic ille.

18. J. Barnesius in libro & loco supra memoratis, “ bonum
 “ est quandoque rogare sanctos, ut Deum pro nobis orent, ex
 “ affectu humanitatis quo ipsi in nos feruntur, &c. Et ex pra-
 “ xi interpellantium sanctos non esse inferre eos, nos certo au-
 “ dire. Satis est interpellatores eorum pie id credere, eos ab
 “ illis audiri. Et Theol. docent ad actum virtutis moralis, qualis
 “ est religio, sufficere, pie credere, quod adsit objectū, circa quod
 “ versatur ut ad exercitium eleemosynæ, satis est credi illum
 “ esse pauperem, qui stipem mendicato petit: esto pauper non
 “ fit. Ita ut conversemur cum sancto sat est pie credere, cum
 “ rerum nostrarum curam gerere. Credulitatis hujus suspiti-
 “ ones non desunt probabiles, &c. Vide reliqua quæ subdit
 supra.

Vide Authorem examinis pacifici, &c. cap. 1. p. 10. versi-
 onis Anglicanæ. Et authorem libri de traditionibus Catholi-
 cis. Quæst. 40. ubi invocationem sanctorum p̄ scripturis re-
 pugnare neque etiam inanem & inutilem esse, licet sancti om-
 nes interpellationes nostras non cognoscant, ex mente Orien-
 talis Ecclesiæ ostendit. Imo ritum hunc ab Antiquitate in uni-
 versali Ecclesia receptum esse affirmat. Vide etiam finem
 Tractatus pag. 233. 234. ubi controversiam hanc inter Orien-
 talem Ecclesiam præsertim, & Protestantes in verbis tantum
 sitam esse judicat.

CAP. Ult.

*Varie Corruptele & sædi abusus in doctrina &
praxi hodierna Ecclesie Romana circa
invocationem sanctorum monst-
rantur & breviter refutantur.*

1. **A** Udaçter, si non etiam falso docent multi hodie Rom. certum esse imo de fide, quod sancti omnes orationes, quas ad illos fundimus, etiam quæ solo cordis affectu proferuntur, cognoscant. Bell. de Sanctor. beatit. lib. 1. cap. 20. “ Et si, inquit, dubitatio esse possit, quemadmodum cognos-
cant absentia, & quæ solo cordis affectu interdum proferun-
tur, tamen certum est eos cognoscere, &c. Alexander Pe-
fant. in prima thes. quæst. 12. artic. 10. disput. 7. Concl. 6. “ Notandum quod est de fide, beatos cognoscere oratio-
nes quas ad illos fundimus, alias frustra fierent. Similiter docent & multi alii, vide quæ supra contra hanc sententiam deferuimus.

2. Non solum ab Angelis, sed etiam a Sanctis regi & gubernari omnes fideles viventes, male a Bell. lib. prædicto cap. 18. aliisque plurimis ut dogma certum statuitur. Neque loca quæ citantur ex Apoc. 2. & 3. & Matth. 24. necessario aut clare id evincunt Videantur doctissimi interpretes etiam e Roman. in loco. Consultantur etiam Protestantes. Existimarunt quidem veterum multi Martyres, utpote speciali præ aliis privilegio donatos, nostros esse Præsules, ut loquitur Ambr. lib. de Viduis, & Speculatores vitæ actuumque nostrorum, sed probabili tantum opinione; certum autem id esse, & de fide nunquam statuerunt, neque etiam sine expressa revelatione statuere potuerunt.

3. Male tam solliciti & anxie Scriptores multi sed, concionatores longe plures in Eccles. Roman. invocationem sanctorum urgent; perinde ac si huiusmodi invocationis necessitatem populo maxime persuasam optarent, quam tamen aperte defendere non audent, doctiores saltem & modestiores ex iis.

“ Et si

“ Et si enim bonum sit quandoque rogare sanctos, inquit
 “ J. Barnelius, ut Deum pro nobis orent, ex affectu humani-
 “ tatis, quo ipsi in nos feruntur, tamen utilius est Deum reli-
 “ giose orare. Et de hac re moneri deberet populus, ne plus re-
 “ ligionis putent esse in rogandis sanctis, quam in orando
 Deo.

Atque hic citat Chrysost. qui Homil. de profectu Evang. ex-
 presse monet, Per te ipsum Deum preceris, neque tam facile
 Deus annuit, cum alii pro nobis orant, ut cum ipsimet oramus.
 Et Theophyl. in cap. 15. Matth. “ Licet, inquit, sancti orent
 “ pro nobis, tamen nos pro nobis ipsis petentes magis audi-
 “ mur. Jac. Sadoletus Episc. Carpentoract. Epist. l. 4. epist.
 2. ad Erasmus “ illud item censuerim, cum jam accepta
 “ vulgo quædam sint, quæ suapte natura ita redolent pieta-
 “ tem, ut solum in eis, quod nimium est, subaccusari posse
 “ videatur (cujusmodi est, inquit, quorundam sanctorum
 “ veneratio, & picturarum crebritas) non esse popularibus
 “ studiis obliuendum. Non quin multo sit rectius figere in
 “ Christo cogitationum summam; sed neque ista a fide nos-
 “ tra aliena sunt, & non queunt omnes ad sublimiora illa fa-
 “ cile ascendere. Hæc ille, Sanctorum interpellationem non
 quidem damnans, quam a fide nostra non alienam esse censet,
 agnoscens tamen ingenue multo rectius esse in Christo cogi-
 tationum summam figere. Sed nimis molliter aleas supersti-
 tionis popularis tangit, & tangi vult, cum ait populi opinionibus
 & studiis non esse obliuendum. Dominus Sotus de
 iustitia & jure l. 10. q. 5. p. 993. “ Supremus scopus orandi
 “ esse debet cor & mentem quam maxime fieri queat deifi-
 “ care. Quocirca si possibile esset, in Deitatem ipsam, satius
 “ semper foret attendere. Quod si vel in alios sanctos, vel
 “ in sacram Virginem attendatur, non sic debet illic mens
 “ gradum figere, ac si ultimus esset scopus: de quo indocta
 “ plebs sæpissime errat: sed debet id tanquam medium acci-
 “ pi, per quod ad Divinitatem, quantum Deus dederit, as-
 “ cendatur. Quapropter oratio a sanctis sic describitur, ut sit as-
 “ census mentis, non in Divas neque in alias supremas sub-
 “ stantias, Sed in Deum ipsum. Hæc ille. Archiep. Spa-
 lat. de Rom. Eccl. lib. 7. cap. 12. n. 28. “ Cum necessaria non sit
 “ invocatio sanctorum, & tutior ac utilior pro nobis precator
 “ sit Christus, tutius & utilius erit ad ipsum solum confugere.
 J. Hofmeisterus, post multa e Patribus de invoca. sanct.
 testi-

testimonia coacervata, tandem concludit illa sententia, quæ extat, in libris de Visitatione infirmorum, qui Aug. adscribuntur lib. 2. cap. 2. “ tutius & jucundius loquor ad meum
 “ Jesum, quam ad aliquem sanctorum spirituum Dei : plus
 “ debet mihi Christus, quam alicui cœlestium spiritu-
 “ um.

4. Sancti orationis & intercessionis Mediatores, nisi in significatione vocis mediatoris, perquam lata, impropria, & scripturis inusitata, male a quibusdam, imo a plurimis Roman. appellantur. Sed multo pejus eorum suffragia & preces hoc animo expetuntur, quasi sint exorabiliores Deo & Christo. Sicut enim unus est Deus, ita quoque unus est Mediator Dei & hominum, &c. 1. Tim. 2. 5. Homines omnes Christiani inquit Aug. lib. 2. contra Parmenian. cap. 8. “ invi-
 “ cem se commendant orationibus suis : pro quo autem nul-
 “ lus interpellat, sed ipse pro omnibus, hic unus verusque me-
 “ diator est.

Jo. Hesselius in 1. Tim. 2. “ ob eam causam, inquit,
 “ Christus dicitur Mediator Dei & hominum, quia Deum
 “ hominibus reconciliat placando eum super peccatis commis-
 “ sis, & impetrando nobis spiritum obedientiæ, quo deinceps placeamus Deo. Itaque ex dictis manifestum est,
 “ sanctos homines & Angelos non esse Mediatores, ut scriptura loquitur, quia non possunt per seipsos Deo placere;
 “ imo ut impropria locutione Mediatores dicantur, non
 “ tamen Mediatores esse Dei & hominum, sed si ita loquendum est, Mediatores ad Mediatorem. Quicquid enim
 “ aut Angelus aut homo sanctus a Deo petit, id petit per
 “ Christum mediatorem, neque ipse ad Deum immediate accedit, ut Christus.

Claud. Espenc. in digressionem de Christo Mediatore ad 1. Tim. cap. 2. 1. cap. 120. “ non est, inquit, quod moderni
 “ hinc (quia scil. sancti pro nobis orant) tam vulgarem
 “ de Mediatore exstimationem habeant, ut alios mediato-
 “ res, nisi forte valde late & improprie captos interponant,
 “ Cum Mediatoris præse proprieque accepti ratio non in hoc
 “ sita sit, quod pro cæteris oret; numquid enim omnes tibi
 “ Mediatores qui pro te orent? Ergo universi quantum libet peccatores, invicem alii aliis omnes omnibus mediatores
 “ sunt : sed in hoc, quod reliquorum omnium preces & merita in eo, ejusque nomine, & per eum Deo placent & accepta
 sunt,

sunt, Joh. 14. 16, &c. Jo. Barneſius ubi ſupra “ Sancti
 “ non ſunt Mediatores noſtri apud Deum, qui interveniunt
 “ inter Deum & nos : ſed potius ſunt præclara Chriſti mem-
 “ bra, quæ dignantur eſſe nobiſcum collaterales comprecato-
 “ res, qui ſe nobiſcum facto agmine præſternunt coram Ag-
 “ no, Mediatore Chriſto, ut Deus per ipſum velit nobis
 eſſe propitiuſ. Quod Mediatores eos interdum appellant Pa-
 trum aliqui, ut objicit Bell. 1. cit. cap. 20. cum aliis multis
 Rom. nominatim Bernardus, quem ultimum Patrum recte
 cum N. Fabro appellaveris, ut ſupra dictum id non niſi im-
 proprie & Catachreſtice faciunt. Quomodo autem majore
 ſtudio, & pleniore fiducia plerique Virg. Matris & aliorum
 ſanctorum, quos ſibi patronos & advocatos delegerunt, non-
 nunquam etiam obſcurorum & incertorum, quam ipſius
 Chriſti patrocinio & interceſſioni ſe commendarint, ac pro-
 prios Chriſti, tanquam jam advocati & interceſſoris officio de-
 functi titulos, ad matrem tanquam potiore, vel certe lenio-
 rem & mitiorem tranſtulerint ; Neque id a vulgo tantum
 imperito factitatum, ſed etiam doctorum Theologorum
 ſcriptis & concionibus comprobatum. Vide Caſſand. in
 deſenſ. libelli de officio pii viri p. 849. 850. Et in conſult.
 Art. de meritis & interceſſione ſanctorum, alioſque per-
 multos. Inepte a Bellar. de bonis operibus in partic. lib.
 1. cap. 15. ſingulæ partes Antiphonæ illius, quæ inci-
 pit, Salve Regina. in B. Mariam rectiſſime convenire aſ-
 ſeruntur, & ſcripturæ maniſeſtiſſime eo detorquentur ab
 illo.

5. Quod Eccl. Romana in ſolennibus quoque precibus ad
 Deum Patrem non tantum ſanctorum interceſſione, ſed etiam
 meritis per Chriſtum juvari poſtulat, & quidem more vetuſtiſ-
 ſimo (niſi ſancti ſuis meritis, i. e. ex condignitate ſuo-
 rum operum, quæ ex juſto & æquali valore ac pretio, ponde-
 re ac menſura præmio vitæ æternæ reſpondet, ut quidam Rom.
 præſertim Jeſuitæ hodie docent, quæ poſtulamur nobis obti-
 nere intelligantur) errore & culpa omni vocare ingenuè con-
 ſitentur doctiſſimi quidam Proteſt. M. Bucerus in diſputatis
 Ratiſbonæ Anno 46. p. 596. “ Cum in his precationibus
 “ (intelligit publicas Eccleſiæ preces, quas Collectas vo-
 “ cant) quicquid divorum tribuitur interceſſionibus, vel
 “ meritis, id totum non ab ipſis diviſ, ſed a miſericordia Dei,
 “ & per D. N. J. Chr. petitur, eo ipſo, qui ſic orant, confi-
 “ tur

“ tur & testantur, se ea, quæ a Deo per sanctorum intercessio-
 “ nem & merita orant, agnoscere, esse gratuita Dei dona, ne
 “ ipsis quidem divis, per quorum merita illi orant, debita u-
 “ trimque Deus & eo divos suos glorificet, ut propter ipsos
 “ etiam hominibus benefaciat. Nam & nos istud libenter
 “ agnoscimus atque prædicamus, Deum sanctorum suorum
 “ bona opera remunerari, non tantum in ipsis, verum etiam in
 “ iis, qui ad illos pertinent, & pro quibus intercedunt ipsi :
 “ promisit enim se diligentibus, & in suis præceptis studen-
 “ tibus benefacturum in mille generationes.

“ Hinc domum Abimilechi Regis, non nisi Abraham in-
 “ tercedente, sanare voluit, & Moysi donavit salutem totius
 “ populi, cum pro eo intercederet : D. Paulo animas om-
 “ nium cum ipso navigantium, Numero 176. Hæc
 ille.

Idem contra Abrincensem, “ Sanctis seu divis, ut ipse ap-
 “ pellat cœlestibus tribuit nostri summam charitatem, nostræ-
 “ que salutis voluntatem, Deo quoque illos tanti esse, & pro-
 “ pter eos nobis plurima largiatur. Ibidem, “ Sicut fidem
 “ ipsam, inquit, bonorum operum ac meritorum fontem,
 “ donum Dei gratuitum agnoscimus, licet & ipsa opera &
 “ merita, Dei gratuita munera confitemur, quæ ex se nihil
 “ ex dignitate autem Dei meritoque Christi, id sive nobis, si-
 “ ve aliis merentur, quod illis Deus ex ultronca sua benevo-
 “ lentia rependere statuit.

Ibidem, “ Fatemur, inquit, eam esse communionem
 “ Ecclesiæ, ac mutuam Spiritus Sancti totius divinæ be-
 “ neficentiæ subministrationem, ut alii aliorum gratia, in-
 “ gentia a Deo beneficia, tum interna tum externa per-
 “ cipiant.

Verbis illis Bucerii primo citatis R. Fieldus Theologus An-
 glus in Appendice libri tertii de Ecclesia pag. 224. neminem
 Protestantium contradicere asserit.

Videatur Caslander. in Consult Artic. de Meritis & in-
 tercessione Sanctorum. Et epist. 34. ad Renierum Solinandrum
 pag. 1127. & 1128.

6. Perperam non tantam intercessionem, sed ipsa cœlestia,
 non terrena duntaxat, bona a sanctis petunt & expectant : &
 cum Ecclesia universa, inquit Bell. lib. prædicto. cap. 17.
 (viz. de bonis operibus in particulari lib. 1. cap. 15.) In
 hymno ad Virginem dicit.

*Maria mater gratia,
Mater misericordia,
Tu nos ab hoste protege
Et hora mortis suscipe.*

Et in hymno Apostolorum :

*Quorum præcepto subditur,
Salus, & languor omnium,
Sanate egros moribus,
Nos reddentes Virtutibus.*

Egre Bellarm. hæc & id genus alia excusans, ibidem inquit :
“ Notandum est, cum dicimus, non debere peti a sanctis, nisi
“ ut orent pro nobis, nos non agere de verbis, sed de sensu ver-
“ borum, nam quantum ad verba, licet dicere, S. Petre, mise-
“ rere mei, salva me, aperi mihi aditum coeli, item, da mihi
“ sanitatem corporis, da patientiam, da mihi fortitudinem,
“ &c. dummodo intelligamus, salva me, & miserere mei oran-
“ do pro me, da mihi hoc & illud tuis precibus & meritis,
“ &c.

Affirmat quidem ille sic loqui Greg. Nazianzenum orati-
one in Cyprianum, & in Basilium, & alios multos veterum.
Sed quis in dictis illis Nazianzeni, suscipe dirige, pascere, osten-
de, abige, & si qua id genus alio sunt, durissimam *ἀνεργλο-
γίαν*, & Catachresin non inesse videt? ut recte ait Gregor.
Wicel. Commentariolo de intercessione Divorum, & quidem
non in privatis, nedum in publicis Ecclesiæ orationibus ad
imitationem trahendam.

Verissime & certissima ex scientia Arch. Spalat. ubi supra
n. 28. “ Plebem rudiores inquit, religiose sanctos invocare
“ & magis plurimos interne religioso affectu erga B. Virg. aut
“ aliquem sanctum affici, quam erga Christum, non est dubi-
“ um. Neque enim invocant sanctorum tanquam peccato-
“ rem, sed tanquam principalem adiutorem. Neque dicunt
“ ora, sed adjuva, salva, &c. Neque aut exprimunt, aut
“ mente intelligunt, ut hæc fiunt orando, sed ut ipsi sancti se-
“ ipsis immediate hæc faciant, eosque rogando plurimi V. Ma-
“ riæ & sanctis se totos, totam animam, totum spiritum, & in
“ spiritualibus penitus subjiciunt, quæ est idololatria quædam
“ formata.

Wicelius, ubi supra “ Cæterum in periculis, inquit, invoca-
“ re

“re sanctos, inventum est superstitiosorum, aut certe incauto-
 “rum, quorum gratia Messyhiim seu Christiani nos apud
 “judæos male audiamus. Vereor ne tale cedat in opprobri-
 “um neglecti Dei qui adiutor est in tribulatione; invoca me
 “in die tribulationis tuæ, &c. Unus servator tam corporis
 “quam animæ existens, utpote qui unus utrumque concedit,
 “quique unus utrumque sospitare potest. Utinam vulgus fide-
 “lium errore liberaretur, quo hæcenus præsidio sanctorum
 “plus filius est quam Dei sui. Hæc ille.

Vide prolixam hujus sententiæ defensionem in lib. 4. ep.
 Wicelii cujus summam Balthasar Lydius studiose in notis in
 disput. Taborit pag. 125. collegit. Lege etiam multa in hanc
 sententiam (divos non invocandos ut salvent, sed ut pro nobis
 intercedant, implorandos.) In Postill. Wicel. Super Evang.
 Dom. 5. post Natalem Christi pag. 154.

“Non hæc dicimus, inquit sub finem, quod litaniam Eccl.
 “&c. velimus correctam aut abolitam. Aliud est, sanctos auxi-
 “liatores invocare, & aliud ad intercedendū pro nobis ad De-
 “um implorare. Sacro-sancta est Litania, quæ dicit, salvator
 “mundi, adjuva nos, salva nos. Item S. Maria ora pro nobis;
 “sancta Dei genetrix ora pro nobis, &c. Nusquam audis Eccl.
 “cantum alium. Quæ unquam Eccl. cecinit, Salvator mundi
 “ora pro nobis? aut S. Petre, adjuva nos? Quam velim, eos
 “qui sese Eccl. esse volunt & contendunt, mentem Eccl. rite
 “perspicere; & satis perspectam, tandem strenue etiam mor-
 “dicus asserere? Quod nisi fecerint, & schismatum & su-
 “perstitionum materiam cadunt, de utroque errore Domino
 “aliquando poenas daturi. Hæc ille.

Th. Aquinas in 2. 2. quæst. 83. artic. 4. in corp. diserte do-
 cet, nos non porrigere sanctis preces nostras, quasi per ipsos
 implendos. “Solius enim inquit, Dei est gratiam & gloriam
 “dare ps. 83. Sed quasi per ipsos sua intercessione impetran-
 “das. Et Bell. ipse cap. illo 17. propositione prima idem do-
 “cet & Valide probat, licet male sibi conscius & gnarus plura
 a multis doctioribus Rom. Eccl. sanctis adscribi, cautelam il-
 lam de qua supra dictum, Notandum tamen est, &c. Postea
 subjiciat. Similiter & Card. Perron. in Replic. loco sæpe no-
 bis supra allegato, Orationem ad sanctos tantum ut pro nobis
 orent (*prier pour prier*) astruit.

Vide Resp. Epif. Winton. pag. 57. & seq. aliquot. Vide-
 Z 2 atur

atur etiam Hof. Confess. Cathol. fidei cap. 58. Enchirid. Colon. p. 254, Etlus in Ephes. 3. v. 12.

7. Certe vix gravius a Collyr. Epiphani, sæculo in provocatione & cultu B. Virg. peccatum fuit, quam hodie non tantum a rudi plebe sed etiam a plerisque Rom. Eccl. doctoribus peccatur. Qua de re supra non nihil a nobis dictum est. Audi nunc paucis alia nonnulla.

In nonnullis Eccl. Canitur, Ora matrem & jube filio, &c. Item O fælix puerpera, Nostra pians scelera, Jure Matris impera Redemptori. Hoc negat Bellar. 1. cap. 16. Negat & Hayus Disput. lib. 2. cap. 6. Contrarium affirmat Cass. in consult. loco supra citato. Habet Missale inviolatæ Reformationis Fontisebrandi concordii omnium conventum consensu Pariliis tersum & emaculatum Anno 1534 in prosa cujus initium, Mariæ præconio serviat, &c. fol. 41. In aliis etiam de B. Maria prolis multa istie impia legere est. Deinde defendit Bell. sed timide: præterea, inquit, si Jos. 19. dicitur: obediente deo voci hominis cur non posset aliquo modo dici? &c. Sed impudentius id facit P. Cott. V. Cham. l. 20. de cultu creaturarum. cap. 1. Adilis Eras. contra Bed. p. 500. & 515. Et Bedam p. 250. & Eras. Rursus pag. 955. 956. B. Virginis, psalterium Bonaventuræ vulgo adscriptum, de quo v. Cassand. ubi supra, & quod " inquit, Wicel. in Via Regia, excogitavit " & evulgavit in Angeli figura ipse diabolus, altum dormientibus Episcopis & negligentibus Prælati, Cardin. Bell. haud " ita pridem defendere non puduit in Apolog. contra M. B. R. Vide Resp. Is. Casaub. ad Epist. Cardin. Perron. pag. 58. vide etiam P. Molinæ Resp. ad C. Perron. lib. 7. cap. 14. pag. 47. 48. Quæ ex Gaber. Biel in Can. Missæ Lect. 80. Ex Barradio Jesuita in Concordiam Evang. Tom. 1. l. 6. c. 11. atq; aliis etiam permultis citari possent, cum apertæ non superstitionis tantum, sed etiam impietatis plena sint, prudens omitto. Clarus Bonarsius, i. e. per Anagrammatismum Carolus Scribanus, Jesuita, auctor Amphitheatri honoris vel horroris potius, ut jure appellandum esse censet Is. Casaub. in epist. ad Font. Duc. pag. 22. 23. &c. quem librum socii tanquam exquisitæ Eruditionis plenum laudant lib. 3. p. 356. &c. Ad Divam Halensem & Buerum Jesum hoc impium scribit carmen.

*Hæreo lac inter meditans interque cruorem,
Inter delicias uberis & lateris;*

*Et dico (si forte oculos supra ubera tendo)
 Diva Parens, mammae gaudia posco tuae.
 Sed dico (si deinde oculos in vulnera ve, ro)
 O Jesu, laeteris gaudia malo tui.
 Rem scio, prensabo, si fas erit ubera dextra,
 Leva prenabo vulnera si dabitur.
 Lac Matris miscere volo cum sanguine Nati ;
 Non possum Antidoto nobiliore frui.
 Cætera apud Authorem ipsum lege sis.*

Judicium D. Leïdhresseri viri doctissimi & moderatissimi
 (ut hoc obiter dicam) in dissertatione sua politica super do-
 ctinæ captibus inter Academiam Paris. & Soc. J. Patres con-
 troversis I. excusa Francof. An. 1613. l. 2. c. 3. p. 95. de hoc
 Car. Scribanii Scripto, qui inter alia multa a se edita, etiam de
 cultu & invocatione sanctorum librum emilit; mihi non pro-
 bari non potest. “ Certe, inquit, de Amphitheatro honoris
 “ quum loquuntur aut scribunt (Jesuitæ) tanquam de ope-
 “ re omni eloquentia & eruditione exculcto, quam ipsi sint ista-
 “ rum rerum periti satis ostendunt. Quid enim, quæso, post
 “ literas natas visum est spurcius, turpius, ineptius ? Et tamen
 “ illius operis autor, tanquam is in Rep. literaria censuram,
 “ vel potius dictaturam obtineat, de præstantissimis & confun-
 “ matissimis quibusque hominibus audet sententiam ferre. O
 “ stupendam perditissimi nebulonis audaciam ! O vesaniam
 “ eorum vecordiam, qui se huic homini, a quo eorum societas
 “ tam erudito volumine defensa est, plurimum se debere pro-
 “ fitentur. Hæc ille.

Ex pictura etiam in Silvædicensi templo (referente G. Vos-
 sio in disp. Theolog. 3. de invocatione sanct. thesi. 21.) ab
 Episcopo Masio constituta apparet, quomodo se dubitare pro-
 fiteantur, utrum ad ubera Virg. Mariæ an ad sanguinem Chri-
 sti sit recurrendum. Lipsii delirantis ineptias in Hallenli sua
 diva, ut & in altera Aspricolli ; “ ad quam, inquit, non so-
 “ lum viri magni & religionis nostræ Antistites, sed ipse meus
 “ animus, vocarunt, haud moror. Vide sis G. Thomsonum
 “ lib. 2. adversus J. Lipsii pseudoparthenon Alpric. Card.
 Bell. hac solemnî doxologia libros suos omnes de controversiis
 concludit Laus Deo, Virginique Matri Mariæ : & laus Deo,
 Virginique Matri Mariæ, Deo item J. C. æterno filio laus &
 gloria. In fine controv. de cultu sanct. Lugduni Anno 1596.

Et Gregor. de Valentia. Laus Deo, &c. & Virgini Matri,
&c. Item J. Ch, &c. In fine lib. de Missa & de Purgato-
rio.

8. Superstitione crassa & detestabili officia inter Sanctos &
Orationes sunt distributæ. Frustra molitur hujus superstiti-
onis ulcus tegere Bellar. cap. 20 cum aliis multis Rom. “ Su-
“ perstitutionem interpretor, inquit Erasim. in Epist. supra citata
“ ad Jac. Sadoletum, quum omnia petuntur a Divis, quasi
“ Christus sit mortuus. aut quum hoc animo Divorum opem
“ imploramus, quasi sint exorabiliores Deo aut quum a singu-
“ lis pecularia quædam petimus, quasi hoc possit præstare
“ Catharina, quod non potest Barbara. aut quum illos incla-
“ mamus, non ut intercessores, sed ut autores eorum bonorum
“ quæ nobis largitur Deus.

“ Hæc admonere non arbitror tibi impium videri, ne su-
“ pervacaneum quidem sat scio; si prodigiosam nostratum
“ hac in re superstitionem cognoscas Irrepsit, fatemur,
“ inquit Author Enchirid. Colon. Explicatione in De-
“ calogum pag. 254. Pastorum dormitantium incuria er-
“ ror in Ecclesiam, quo vulgus veræ pietatis non satis intelli-
“ gens singulorum morborum curam singulis sanctis assigna-
“ vit, &c.

“ Hic itaque inquit paulo post, vigilandum est Parochis,
“ ut plebem a superstitione contineant, & ad pietatem revo-
“ cent, quod fecerint, si populum docuerint, ut Deo
“ tanquam omnis boni ac salutis tam spiritualis quam cor-
“ poralis auctori, suas preces offerat, sanctis vero non aliter,
“ quam intercessoribus, conjecta interim omni cura in solum
“ Deum, &c.

“ Multi christiani (inquit Ludov. Vives Notis in Aug.
“ de civit: Dei lib. 8. cap. ult.) in re bona plerumque pec-
“ cant, quod Divos Divasque non aliter venerantur, quam
“ Deum. Nec video in multis, quod sit inter illorum opinio-
“ nem de sanctis, & id quod Gentiles putabant de Diis suis dis-
“ crimen. Hæc verba ex censura facultatis Theolog Lovaniensis
omissa sunt in Editio. Aug. de C. D. Paris. 1613.

9. Multi etiam sancti obscuro, incerti quidem etiam quo-
rum historias apocryphas & incertas esse ipsimet Roman.
Bellar. Serar. alique non dissentunt, sed & in rerum natura
extitisse aliquando Rigidiores Protest. inficiantur, sed ni-
mis forte audacter in Ecclesia Romana invocari solent.

Ex horum numero sunt S. Georgius, Christophorus, Catharina. Assertionem historię S. Georgii Cappadocis contra Objectamenta Jo. Rainoldi aliorumque nuper edit. Anno 1631. Petras Heilinus Anglicus, quem Consule^o si libet. Sed de S. Georgio cæterisque de quibus dubitatur, adis Serarium Litan. Et 2. qu. 20. & aliquot seq. aliosque nonnullos.

10. Alios abusus & superstitiones Romanensium in invocatione sanctorum tangere non patitur brevitatis affectata. Sed ut Diatribam hanc tandem concludamus; Deus solus religiose adoretur, solus oretur per Christum Mediatorem inter Deum atque homines vere & proprie loquendo unicum & solum. Vetustissima consuetudo in universali Ecclesia tam Græca quam Latina recepta Angelos & Sanctos ad eum quem diximus modum interpellendi ne ut impia neque etiam ut vana & stulta a Rigidioribus Protest. damnetur aut rejiciatur. Fœdi abusus & superstitiones, quæ irrepsere tollantur, atque sic pax in posterum quoad hanc controversiam, inter Patres facile conciliari & sanciri poterit. Quam concedere dignetur Deus pacis & omnis concordie piæ propter Filium suum unigenitum.

Soli Deo gloria.



Consideratio brevis
HODIERNÆ
CONTROVERSIÆ
DE
CHRISTO
MEDIATORE
& EIUS
MERITO

A Cardinale Bellarmino Lib. 5. de Christo
pertractatæ.

PARS. I.

*Qua differitur, secundum quam Naturam Christus
sit Mediator.*

1.



Hristum, qua Deus erat, etiam antequam incarnaretur inter Patrem & Angelos, atque etiam homines, in statu innocentiae constitutos Mediatoris officio functum, perperam arbitrantur multi Rigidorum Protestantium. Calvinus in epistolis suis ad Polonos, quarum alteram omnium Ministrorum Ecclesiae Genevensis nomine contra Stancarum scripsit. Vide in epistolis Calvinis epist. 35 2. •
Ministri

Ministri Rheticarum Ecclesiarum in disputatione Tiranensi contra Pontificios, Anno 1595. & 1596. super hac ipsa controversia habita parte 1. p. 27. & parte 3. p. 159. & aliquot seq. (De hac disputatione , ut obiter te hoc moneam Lector benevole) vide Thuani histor. lib. 114 p. 597.) alique non pauci. Propter Christi incarnationem quidem, & merita ejus prævisa, non solum primo homini, Sed etiam Angelis omnem gratiam collatam post Rupertum. lib. 13. in Matth. & lib. 3. de processione spiritus sancti cap. 20. senserunt aliquot antiquiores Scholastici, & quidem recentiores plerisque tamen aliis Theologis Romanens. dissentientibus (vide inter alios Vasq. in 3. D. Th. tom. 1. disp. 10. cap. 4. L. Lessium in disputat. de Prædestinatione Christi. Lege etiam inter Protest. Armin. in Collatione cum Fr. Junio p. 143. 144.) sed Mediatores etiam officio functum, quatenus Deus, non nisi periculosissime dici potest, ut mox dicemus.

2. Christum etiam sub Vet. Test. quando nondum carnem assumpserat, sed Deus solum erat, in quibusdam jam actu Mediatoris munus obiisse falso dicitur. Labet hic apponere verba nuperi scriptoris Andr. Riveti, qui in comment. in cap. 12. Hoseæ, hanc quæstionem pertractans p. 377. sic scribit “ Et
 “ sane de quibusdam actionibus, imo de omnibus, quæ pro-
 “ prie ad redemptionem pertinent, & munus sacerdotale, non
 “ contendimus; quia certum est talem obedientiam non potu-
 “ isse actu præstari, nisi in humana natura actu existente, &
 “ per eandem (idem affirmat in psal. 110. p. 157.) Quod si
 “ reconciliator dictus fuerit Christus Filius Dei, & pro re-
 “ demptore & propitiatore habitus a fidelibus, ante adventum
 “ suum, quod certe necessarium fuit; id intelligi non potuit,
 “ nisi respectu humanitatis suo tempore assumendæ, per
 “ Deum ante omnem æternitatem (dicendum fuit ab omni
 “ æternitate) destinatæ ad id, &c. Sed præter illam ratio-
 “ nem, qua filius Dei Mediator dici potuit & redemptor,
 “ non quod tunc aliquem hujus officii actum exercuerit extra
 “ carnem; dicimus etiam, eum ante incarnationem potuisse
 “ aliquos mediatoris actus exercere, quibus caro assumpta
 “ non fuit actu necessaria; & si quæ tunc fecit mediatorio
 “ nomine non fuerint sine aliqua relatione ad futuram in-
 “ carnationem, cujus communicatio illa cum hominibus
 “ per æconomiam in persona sua, fuit velut prævium quid,
 “ & indicium certum, &c. Et paulo post; Filius Dei fuit
 “ semper

“ semper Mediator omnis doctrinae coelestis, quatenus per
 “ ipsum Deus se hominibus patefecit, &c. Præterea si ali-
 “ qua ratione Christus fuit Mediator ante assumptam car-
 “ nem, sequitur esse etiam mediatorem secundum divinam
 “ naturam, ergo etiam qua Deus, fuit & est mediator, &c. Sic
 ille. Sed rursus non minus hic & hisce libet opponere verba
 Johannis Piscatoris Scriptoris alioqui rigidissimi, sed in hac
 causa multo multis aliis Protestantibus sanioris in Responsio-
 ne ad amicum Duplicationem Vorstii parte 3. p. 19. hæc con-
 tra Vorstium scribit “ Quod ad officia Christi attinet, cer-
 “ tum est, nullum officium, quatenus officii rationem ha-
 “ bet, ad naturam ejus divinam pertinere Quia officium est
 “ opus alicui a superiore mandatum atque præscriptum ad ef-
 “ ficiendum. At naturæ divinæ seu Deo, quatenus est Deus,
 “ nihil mandari a quoquam potest: quippe quum non ha-
 “ beat aliquem superiorem. Est igitur a Majestate Dei alie-
 “ num, ut officium ei aliquod adscribatur. Interim certum
 “ & hoc est, Christum officiis quibusdam suis (puta sacer-
 “ dotali & regio) fungi non potuisse, neque adhuc posse, nisi
 “ non tantum homo, sed etiam Deus esset. Ad propheti-
 “ cum vero ejus officium, quod attinet, potuisset illo fungi,
 “ etiam si nudus homo fuisset, quales fuerunt reliqui prophe-
 “ tæ. itaque tu hic erras quum dicis, munus propheticum ad
 “ Christum totum, *b. e.* secundum utramque naturam per-
 “ tinere. Item quum dicis, omnia mediatoris officia sic com-
 “ parata esse, ut ad legitimam ipsorum executionem nullum
 “ aliud suppositum, seu principium agens, quam tota Christi
 “ persona, quanta quanta est, vel aptum, vel sufficiens, vel dig-
 “ num sit. Hoc enim de sacerdotali tantum & regio Christi
 “ officio verum est, de prophetico non item. Hæc ille. &
 p. 20. “ Etsi Christus, inquit, quum loqueretur ut minister
 “ circumcisionis, non nudus homo, Sed Deus simul & homo
 “ erat; tamen tum loquebatur ut nudus homo, non autem ut
 “ Deus: quia loquebatur, ut propheta; prophetico autem mu-
 “ nere fungi a Deo, qua Deus, alienum est, &c. Et p. 81.
 “ Christus, inquit, tum (in Vet. Test. scilicet) non est
 “ functus officio ullo Mediatoris: quippe ad quæ peragenda
 “ requirebatur, ut non solum Deus, sed etiam homo esset.
 “ Etsi autem officia illa in Novo demum Test. peregit; tamen
 “ ut Deus etiam Electos Vet. Test. & illuminavit & serva-
 vit. Et ad locum 1. Pet. 3. 19. a Vorstio objectum sic res-
 pondet

pondet ibid “ Quod 1. pet. 3. 19. Christus dicitur prædica-
 “ se spiritibus, id non est intelligendum tanquam proprie
 “ dictum, de officio scilicet ejus prophetico: ad quod requi-
 “ rebatur, ut prædicaret in assumpta natura humana, & per
 “ illam, ore scilicet suo Evangelium annuntians: Sed intelli-
 “ gendum illud est per metonymiam subjecti, de prædicatione
 “ per Noachum facta: quippe quam potentia sua divina ad hæc
 “ excitavit, &c. Vide Authorem. Et p. 89. “ Dicis, inquit,
 “ regenerationem esse proprie officium mediatoris. At Deus
 “ electos regeneravit in Vet. Test. antequam Christus in mun-
 “ dum per incarnationem venisset, & officio mediatoris fun-
 “ geretur. Hæc ille.

3. Verum quidem est, ubi dicit Paulus Gal. 3. 19. legem
 ord. natam per Angelos in manu mediatoris. Mediatorem hoc
 loco Christum plerosque tam Græcos quam Latinos, (ut recte
 annotat Estius in locum) intelligere, ut sensus sit, legem Is-
 raelitico populo traditam fuisse per manum, *i. e.* virtutem,
 potestatem, & directionem Mediatoris Christi, populum illum
 in suum adventum hoc modo præparantis: Sed loquuntur
 Patres illi (ut respondet Bellarm. de Christo mediatore. lib.
 5. cap. 8.) de Mediatore materialiter, non formaliter; non
 enim dicunt Christum fuisse mediatorem, aut mediatoris pro-
 prie loquendo munus in lege danda Hebræis obivisse, sed di-
 cunt, Christum Mediatorem, *i. e.* illam personam, quæ pos-
 tea futura erat Mediatrix, atque etiam erat, licet non actu,
 tamen in Decreto & destinatione Dei, esse verum Deum, &
 auctorem legis, &c. Diserte enim Chrysostomus & Theo-
 phylactus hic dicunt, legem tulisse Christum, ut ita in arbitro
 ejus sit, eam rursus tollere, quippe qui Dominus ejus sit.
 Unde clarissime sequitur, eum non ut Mediatorem, Sed ut
 Auctorem primum id fecisse. Nec enim Mediator est auc-
 tor, nec legem abrogare potest, qui non est Auctor; ut recte
 affirmat Bellarm.

Veterum tamen nonnulli alii (ut ingenue confitetur Cha-
 mierum de Uno Mediatore lib. 8. cap. 6. n. 5.) per Mediato-
 rem hoc loco Moysen intelligunt, non Christum; ut Epiphani-
 us contra Manichæos, Theodoretus, Genadius, apud Oecu-
 menium, &c. Inter Romanenses ut alios mittam, Cornel.
 a Lapide & Gul. Estius in comment. loci. Verba Estii, quia
 efficaciora sunt, hic tibi exhibeo “ Alii, inquit, Mediatorem,
 “ hoc loco Moysen intelligunt. Qui sane intellectus multis
 “ modis

“ modis sit probabilis ; primum , quia Christus non Vet.
 “ Test. sed Novi Mediator est ; quomodo eum aperte nun-
 “ cupat Apostolus Heb. 8. & 12. Quo præterea faciunt, quæ
 “ ibidem, nec non ejusdem Epist. cap. 2. & 9. de differentia
 “ Christi & moysis quoad utriusque ministerium, disseruntur.
 “ Quam & Joan. brevi sententia aperuit , dicens. cap. 1. Lex
 “ per Moysen data est, Gratia & veritas per Jes. Christ. facta
 “ est.

“ Adde quod Moyses ipse sequestum & Medium , quoad
 “ legislationem , inter Dominum & filios Israel se vocat , ac
 “ multis deinde verbis declarat Deut. 5. Ad quem locum,
 “ hic Paulum respexisse valde verisimile est. Quamvis autem
 “ per manum in scripturis metaphorice potentia significari
 “ soleat ; quoties tamen aliquid a Deo factum dicitur in ma-
 “ nu cujuspian, non potentia , sed ministerium aut instru-
 “ mentum intelligitur , ut cum factum dicitur verbum Domi-
 “ ni in manu Aggæi aut Malachiæ prophetæ. Atqui legem
 “ ministerio Moyli latam a Deo fuisse , planum est ; idque
 “ hac ipsa phrasi , in manu Moyli, multis locis scriptura sig-
 “ nificat. ut Levit: 10. & 26. Jos: 4. 17. 21. & 22. 2. Paral.
 “ 33. 34. 35, &c. At ministerio Christi datam aut latam
 “ fuisse eam legem, nec dicitur usquam, nec sine errore dici po-
 test, &c.

Hæc omnia ille. E. Protest. Th. Beza prolixa annotatione
 hanc sententiam defendit contra Joh : Calvini qui alterum
 intellectum sequutus est , interpretationem. Bezzæ judicium
 Piscator etiam approbat. Alios commemorare nihil necesse
 est.

4. Nullo igitur Mediatoris officio Christus ante incarnatio-
 nem functus est. Quamvis enim concederetur, Deum Pa-
 trem nunquam nisi per Verbum Ecclesiæ suæ patefecisse ;
 Christum tamen , qua Deus est , idcirco Propheticum mu-
 nus (quo non summa aliqua & *αὐτοκράτωρ* potestas sig-
 nificatur , sed opera tantum ac ministerium) obiisse non sine
 errore dici potest. Christus autem ante suam incarnatio-
 nem sacerdos esse non potuit ; quia , ut alia omittam, sacer-
 dotiū functio est hominum propria , ideo Christus ut esset
 sacerdos ex hominibus fuit assumptus , ut recte disserit ex
 Apostolo. A. Rivetus in psal. 110. p. 457. Ecclesiam etiam
 pari, imo eadem cum Patre & spiritu sancto potestate rexit
 &

& gubernavit, summa scil. non subordin. qualis est mediatoria.

5. Ad quæstionem autem illam, de qua hodie inter partes tantopere contenditur; An scil. Christus post incarnationem suam mediator fuerit ut Deus, an vero ut homo, vel certe conjunctim, ut Deus & homo? piis omnibus, & pacis Ecclesie amantibus sufficiat responsio illa Gregorii de Valentia lib: de Christo Redemptore, & Mediatore. part. 2. c. 4. " si, inquit, " Quæstio sit, per quid Christus proxime & immediate ob- " ierit officium Mediatoris: dicendum est, illum Mediato- " rem fuisse tantum, ut hominem, quod etiam asseruit D. " Tom. 3. p. q. 26. artic. 2. Si vero communius quæritur, " per quid omnino Mediator fuerit, sive tanquam per id, " quo proxime exercuerit id officium, sive tanquam per id " certe a quo valorem acceperit ejus muneris functio: ex " communi & orthodoxa sententia Patrum responderi debet, " Mediatorem Christum fuisse, non tantum ut hominem ne- " que tantum ut Deum, sed conjunctim ut Deum & homi- " nem. Et paulo post " Nam primum secundum utramque " naturam, licet alia & alia ratione, omnino est operatus re- " conciliationem nostram cum Deo. Deinde secundum utram- " que naturam conjunctim, ab utroque etiam extremo per se " considerato differt. Ita nihil ad rationem mediatoris eo mo- " do deest. Hæc ille.

Nec alia est Bellarmini sententia, quando ait lib: cit: c. 1. " ipsum quidem Mediatorem, sive (ut Theologi loquuntur) " principium, quod operabatur opera Mediatoris, non fuisse " Deum solum vel hominem solum sed utrumque simul, *h. e.* " Verbum incarnatum, sive Deum humanatum. Et. cap. 2. " non potuisse Christum esse efficacem Mediatorem, nisi " esset divina persona, quæ officium mediatoris exerceret, " &c. ac proinde (ibid) opera Christi mediatoris infini- " tæ fuisse dignitatis, quia non fuerunt opera suppositi huma- " ni, sed divini. Principium tamen, quo illa opera a Media- " tore fiebant, fuisse naturam humanam, non divinam. Falli- " tur igitur A. Rivetus quomodo in comment. cap. 12. Hof. p. 378. affirmat Gregor: de Valentia paucis illis præallegatis to- " tam Bell. disputationem de Mediatore refellere. Et summæ " Controv. Tract. 2. qu. 50. p. 675. contra doctissimum Cha- " mierum, qui sententiam Gregorii de Valentia cum ea quæ est " Bellarm. & Vasquesii confundit, discrepare tamen ab ea con- " tendit. Cornel. a Lapide in cap. 3. ad Gal. v. 19. " Christus, " qua

“ qua Deus tantum, sicut & qua homo tantum pars est; &
 “ alterum extremorum, ergo ut sic, mediator non est, sed ut
 “ est Deus homo, ut enim est Deus homo sic utramque partem
 “ & extremum scilicet tam Deum, quam hominem in se quasi
 “ medio junxit & univit; atque qua Deus mediatoris auctori-
 “ tatem & dignitatem, qua homo Mediatoris opera, passionem,
 & merita exercuit. Hæc ille.

Estque hæc communis Romanens. sententia. Et sufficere
 visa est ad pacem & concordiam conciliandam Hier. Zanchio
 epist. lib. 10. epist. ad Fratres per Poloniam. De mediatore.
 “ Quæ nobis videatur, inquit, posse illis (ministris scilicet
 Ecclesiarum Polonicarum, inter quos per Fr: Stancarum gra-
 vis tum temporis super hac re “ excitata fuerit contentio) for-
 “ ma proponi, quæ & ad pacificationem faciat, & veritatem
 “ integram puramque retineat atque conservet, paucis acci-
 “ pite. Cum fateantur, eum qui debebat esse mediator, o-
 “ portuisse Deum esse & hominem; fateantur ergo ad offici-
 “ um Mediatoris perficiendum, utramque naturam, divinam
 “ simul & humanam fuisse necessariam. Humanam, ut ha-
 “ beret Mediator, quod offerret, &c. Divinam, ut ejus vir-
 “ tute efficax ad redemptionem fieret sacrificium, &c. ac
 “ Proinde Christum secundum utramque naturam fuisse me-
 “ diatorem; & sacrificium quidem fuisse ab humanitate,
 “ vim vero sacrificii a Deitate. Et certe optima & necessa-
 “ ria est hæc illatio. Non potuit perfectus esse mediator
 “ inter Deum & homines, nisi qui verus Deus esset, & homo:
 “ Ergo ad perficiendum verum Mediatoris officium, non mi-
 “ nus divina, quam humana natura fuit ei per necessaria; &
 “ ea re, neutra fuit aut esse potest in eo otiosa & vacua a Me-
 “ diatoris officio. Quare si Christus officium Mediatoris
 “ perfecit, non hoc perfecit, quatenus homo tantum, sed etiam
 “ quatenus Deus est. Admittant igitur hanc consequenti-
 “ am, quæ necessario consequitur ex assumpto. Et facta
 “ fuerit Christiana pax atque concordia. Videtur nobis hæc
 “ componendi ratio non posse merito nec debere ab illis fra-
 “ tribus rejici, quod et certissima sit & plana, et ad concordi-
 “ am faciat, & illorum etiam existimationem conservet. Sic
 “ enim poterunt semper suam explicare sententiam, nimirum
 “ se, cum dixerunt, Christum esse Mediatorem secundum hu-
 “ manam naturam tantum, ipsum etiam tantum externum
 “ Mediatoris spectasse officium, quod quidem officium est
 cum

“ eum primis pati & mori , sed id quod certe Christo minime
 “ convenit, nili quatenus homo est. Est enim passus carne, ut
 “ ait Petrus. Cæterum se nunquam inficiatos fuisse vim &
 “ efficaciam sacrificii Christi ab ipsius Deitate & spiritu in
 “ carnem derivatam fuisse. Hæc omnia vir doctissimus suo
 “ & collegarum nomine scripsit. Quin imo A. Rivetus loco
 supra citato ex summa Controv. p. 673. “ Cum hoc tempo-
 “ re, inquit, qui inter Pontificios causam illam agunt, admit-
 “ tant, unionem hypostaticam fuisse ad mediatorem necessa-
 “ riam, & ex ea pendere totam dignitatem & efficaciam, eo-
 “ rum quæ Christus in humana natura pro nostra salute pere-
 “ git, minor erit difficultas, & fortasse potius de verbis, quam
 “ de re ipsa erit controversia, Hæc ille. Neuter tamen alias
 sibi hac in re satis constat, ut mox demonstrabimus. Vide
 Zanchium in epist. ad Wilh. Stuckium & Rivetum in locis
 infra citandis in generali etiam Synodo Sendomiriensi Anno
 1570. consensus Ecclesiarum Reformatarum Majoris & Mi-
 noris Poloniæ cum quibusdam fratribus Ministris, qui seque-
 bantur dogma de Mediatore controversum, in hunc modum
 factus est, ut legere est in Harmon : confess : “ Quidam pii
 “ fratres, qui inter nos controversam de Mediatore sententiam
 “ modestæ & pietatis regula observata componi cupiebant, &
 “ Ecclesiæ communionem desiderabant, hanc proposuerant
 “ Ecclesiæ formulam sopiendæ hujus controversiæ gratia :
 “ Credimus Mediatorem Dei & hominum esse Christum
 “ Jes. ita ut mediationis in humana natura peractæ vim to-
 “ tam ac efficaciam, a divinitate ejusdem Filii incarnati, Pa-
 “ tris non incarnati, spiritus sancti non incarnati processisse
 “ non negemus, sed constanter asseveremus. Quam qui-
 “ dem confessionem illorum Synodus generalis orthodoxe
 “ intellexit, recepit, & approbavit, hosque Fratres in numerum
 membrorum Ecclesiæ suæ suscepit, &c. Sic ille. Vide etiam hic
 J. A. Thuanum Hist. lib. 47. p. 636. qui rem eodem refert
 modo.

6. “ Sed plerique rigidiorum Protest. hac explicatione
 “ non contenti contendunt Christum ut mediatorem, non
 “ tantum fecisse humanas operationes, quibus vis & officia
 “ a Christi divinitate processit, Sed etiam operationes divi-
 “ nas ; divinas, inquam, non tantum ratione principii,
 “ quod, seu suppositi : sic enim omnes Christi operatio-
 “ nes, etiam illæ, per quas munus Mediatoris exercuit,
 “ fuerunt

“ fuerunt divinæ, quia illius, qui verus erat Deus; sed e-
 “ tiam ratione principii quo, *i. e.* a divina natura,
 “ tanquam principio, quo eliciuntur & efficiuntur opera
 “ mediatoria, non minus quam natura humana procedentes.

7. Sed contra hanc sententiam illud primum maxime facit, quod ex ea necessario sequitur, Christum secundum divinam naturam Patre minorem, eique subiectum & obedientem fuisse, quod sine errore dici non potest. Responsio autem vulgo hic usurpari solita a Protest. Christum sic Patre minorem eique subiectum & obedientem statui secundum divinam naturam non simpliciter & in se consideratam, quæ hæresis est Ariana, sed pro ratione gratiose illius Oeconomix seu dispensationis, ad quam se nostri causa voluntarie demisit homo factus, non est solida. Simpliciter enim impossibile est (ut recte respondet Gretserus Bellarm. Hyperaspistes) ut Christus etiam voluntarie, secundum naturam divinam Patri se subjiciat proprie loquendo de subiectione; quia non potest velle id, quod per nullam potentiam effici potest. Impossibile autem est, ut ubi est eadem numero res & naturæ identitas, ibi sit subiectione; ut & ibi, ubi profus est eadem auctoritas, majestas, potestas summa & suprema, quæ in realiter distinctis personis S. S. Trinitatis inest. Nec valet similitudo ex rebus humanis petita, ubi non solum æqualis æquali, sed etiam major se subdere potest sponte minori, quia natura humana, saltem moralis, quoad dignitatem, majoritatis & minoritatis, ut sic loquar, per Vices capax est; minime autem natura divina Christi quæ cum sit omnium suprema, nullius protestati sese subdicere potest. Implicat enim contra dictionem hæc subiectione. Subiectione enim omnis vera & proprie dicta, sive sit libera seu voluntaria sive necessaria & naturalis, imparem sortem & conditionem essentialiter includit. Hoc ultro & ingenuè confitetur ex Protest. Joh. Piscator in Notis ad C. Vorstii Amicam Collationem sect. 95. Nam ad verba Vorstii
 “ Nihil vetat, Christum respectu naturæ divinæ, simpli-
 “ citer & per se consideratæ, Patri suo esse æqualem; & ta-
 “ men quo ad ordinem subsistendi, sed maxime quoad Oeco-
 “ nomicam officii Mediatorii susceptionem Deo Patri subjec-
 “ tum, &c. ad marginem notat 11. Nequaquam: nam
 “ æqualitas naturæ divinæ subiectionem omnem respuit.
 “ Et ad verba: Nostri illas Veterum regulas: Æqualitas
 “ Naturæ non tollit ordinem, aut subordinationem divina-
 “ rum personarum, sic notat 12. Confundis diversa. Ordo

“ quidem est inter tres personas ; at non est inter eas subor-
 “ dinatio, quia hæc pendet a voluntate subordinantis : at ille
 ab ipsa natura.

Et ad verba. Et sane si Christus etiam in Vet: T. quum
 nondum homo natus esset, subinde Legatum Patris egit, sive
 ut Angelum Dei sese gessit. 14. Istud nomen tribuitur filio
 Dei improprie. Et ad sequentia, sique (ex 15.) imperio (&
 16.) ordinatione Patris tandem in carnem venit, ut in ea opus
 Redemptionis perficeret, &c. 15. “ Hoc (ex imperio scilicet)
 “ nusquam, inquit, docet scriptura, & pugnat istud cum ma-
 “ jestate naturæ divinæ, cui imperari nihil potest. Cum Deus
 “ sit supremus Dominus. (16.) Illa ordinatio fuit Patri
 “ cum Filio & spiritu sancto communis ; quia est de opere ad
 “ extra. Verbo ut dicam, tota illa sectione contendit contra
 Vorstium totum Christum, sive secundum utramque naturam
 non fuisse in potestate Patris, quod dixerat ille, qua non secun-
 dum divinam. Atqui Christus ut Mediator Patris potestati
 proculdubio subditus est. Quæ quidem Protest. ex Cyrillo lib.
 10. Thesauri c. 8. ciunt de subjectione Filii secundum divi-
 nam naturam ; etiam, ut affirmant, Patri, nihil ad hanc rem fa-
 ciunt, ut cuivis locum legenti clare apparere potest. Et subjec-
 tionis vocabulū aliquando ibi valde improprie usurpat Cyril-
 lus. Perperam etiam ad hanc Oeconomicam subjectionē Filii
 ut Dei Patri, rapiunt (Et decreverit exinanitionem illam, de
 qua Paulus philipp. 2.) Exinanitio enim hæc non consistit in
 aliqua submissione & dejectione divinæ naturæ intrinseca,
 (nullo enim modo possibile est, ut Christus vel ulla persona di-
 vina in natura divina ; etiam voluntarie & œconomice sese ex-
 inaniet, vel alteri subjiciat) sed in hoc quod Deus manens id
 quod erat, *h. e.* Deus, humanam naturam assumere, & sibi hy-
 postatice unire voluit ; quodque etiam secundum humanam
 naturam, vitam adeo inopem, variisque ærumnis & molestiis
 obnoxiam elegit, ut explicant Theologi.

8. Juxta hanc sententiam Christus, ut Deus, mediator est
 inter nos & seipsum etiam, ut Deum (tota enim Trinitas, non
 Pater solus, nobis propter offensas irata fuit placanda) &
 οἰκονομικῶς se ipso φυσικῶς considerato minor est ; Christus
 etiam qua Deus, quod plane intelligibile est. Videantur aliæ
 rationes, quæ contra hanc sententiam adduci solent apud alios
 qui latius hanc controversiam pertractant. ad quas nihil solidi
 a diversum sentientibus respondetur.

9. Locus Apostoli 1. Tim. 2. Unus Deus, unus & mediator Dei & hominum, homo Christus J. clare demonstrat, secundum quam naturam persona Christi, seu Christus Deus & homo operationes Mediatorias exercuerit, secundum humanam scilicet, unde expresse ait Apostolus, homo Christus Jesus.

10. Locum hunc certe sic intellexit, & sententiam supra traditam clarissime confirmat Aug: lib. 2. de peccato Originali cap. 28. “ non per hoc, inquit, mediator est, quod æqualis Patri, per hoc enim quantum pater, tantum & ipse a nobis distat. Et quomodo erit Medietas, ubi eadem ipsa distantia est? ideo Apostolus non ait, unus mediator Dei & hominum Christus Jes. sed homo Christus Jesus. per hoc ergo mediator, per quod Homo inferior Patri, &c. Et in ps. 103. concione 4. de tertia parte ejusdem psalmi. Christus mediator, inter hominem & Deum, non quia Deus; sed quia homo: non quia Deus æqualis Patri, sed si æqualis Patri, non mediator. ut autem sit mediator, descendat a superiore ad inferiorem, ab æqualitate Patris, faciat quod ait Apostolus semet ipsum exinanivit formam servi accipiens, &c. & lib. 10. confess. c. 43. “ in quantum homo, inquit, in tantum mediator, in quantum autem verbum, non medius, quia æqualis Deo, & Deus apud Deum, & cum Patre & spiritu sancto unus Deus. Et tract. 82. in Joann. “ Mediator, inquit, Dei & hominum, non in quantum Deus, sed in quantum homo est Jesus Christus, &c. Vide etiam l. 1. de Trinit. c. 7. “ ubi Christus, inquit, in forma Dei æqualis Patri, in forma servi, mediator Dei & hominum, &c. l. 10. de civitate Dei c. 20. & locos alios non paucos. Similiter Fulgent. de incarnat. & gratia Christi c. 13. “ Hic in humana natura, in qua mediator Dei & hominum factus est, justitiam habuit ex Patre, mortem ex matre, ut per ipsam liberaremur ab omni peccato, &c. Adi etiam B. Vigil. l. 5. contra Eutychen. Theodoretum in locum. ex. 1. Tim. 2. præcitatum, aliosq;.

11. Quod ad hæc testimonia, maxime autem Augustini, respondent dissentientes Protest. aliiq; nonnulli, verborum horum hunc esse sensum. quod Christus, non quia Deus nudus, sed quia Deus homo factus, nec sine homine sit mediator (quo ipso obiter nota Lector manifeste destrui sententiam illorum, qui etiam ante incarnationem Christum munus mediatoris aliqua ex parte obivisse affirmant) sicut ipse Aug. l. 11. de civit. Dei cap. 2. inquit. “ Ad Deum iter est homini per hominem Deum. per hoc enim Dei

« filius mediator, per quod & homo. Unde inferunt, non
 « quod homo sine Deo, sed quod non solus Deus, verum per
 hominem sit mediator, &c. Verbis Augustini aperte adversa-
 tur: Negat enim Augustin. diserte Christum, in quantum
 Deum, esse mediatorem, quia in quantum Deus est æqualis
 Patri, mediator autem debet esse medius, distans a duobus ex-
 tremis. Christus etiam Deus homo æqualis est Patri, non enim
 propter assumptam humanitatem factus est Patre inferior. Dein-
 de si hæc August. mens fuisset, dicendum illi fuisset, Christus
 in quantum homo, in tantum non mediator, vel in quantum Deus
 non mediator, in quantum vero homo Deus Mediator. non au-
 tem simpliciter, in quantum homo, in tantum mediator, in quan-
 tum Deus non mediator. Denique licet non neget Aug. Mediator-
 rem, *b. e.* eum, qui officio Mediatoris fungitur, esse Deum &
 hominem, negat tamen eum fungi officio Mediatoris, ut Deum
 utrumque illud Aug. de civit. Dei l. 11. c. 2. exprimit. Ad
 Deum est iter homini per hominem Deum, (tanquam principi-
 um quod) per hoc enim, principium, quo mediatorialia opera ex-
 ercentur & immediate eliciuntur, Dei Filius mediator, per quod
 & homo. Quod frequenter in ore habent Protest. rigidiores, il-
 lud Leonis Magni in Epistola illa celeberrima ad Flavianum:
 Agit utraque forma, *i. e.* utraque natura, Christi cum alterius
 communione quod proprium est, verba scilicet operante, quod
 verbi est, & carne ex sequente, quod carnis est, impertinenter
 huc trahitur? quia B. Leo non dicit utramque formam, agere
 opera mediat. sed utramq; formam cum alterius communione agere
 quod proprium est. De quo nemo sanæ mentis dubitat. Quæ
 a dissentientibus producuntur testimonia ex Patribus, Iren. l. 3.
 c. 20. Epiphani. in Anchorato. Chrysost. Ambr. Theodor. Theo-
 phyl. in locum. 1. Tim. 2. præ-allegatum. Aug. Enchirid. c. 180.
 & aliis quibusdam locis, nihil aliud probant, quam media-
 torem Dei & hominum debuisse utramque naturam in se ha-
 bere, ut Deum & homines in amicitiam redigeret; ut ab
 aliis fuisse demonstratum est. Quæritur semper de principio, quo
 operum Christi mediatoriorum, non de principio quod. Argu-
 tias & subtilitates Vasquesii hic disputantis in 3. D. Th. tom. 1.
 disp. 83. c. 3. contra aliorum suorum gregalium sententiam de
 principio quod operandi in Christo, utrum sit tantum supposi-
 tum, an natura ipsa etiam abstracte considerata non mora-
 mur. Quod ad rei summam attinet, ille cum cæteris consentit.
 12. Sed videamus quas illi velint actiones mediatorias esse
 Christi,

Christi, ut Deus est, proprias. Remittere peccata solius, in-
 quunt, Dei est. Potestas tamen hæc ad Mediatorem pertinet.
 Resp. potestas suprema & prima remittendi peccata solius Dei
 est Patris, Filii, & spiritus sancti. satisfacere pro peccatis
 nostris, & remissionem peccatorum promereri, est proprium
 Christi mediatoris & hominis; ut etiam peccata remittere,
 potestate communicata & delegata, sed modo longe excellenti-
 ori & eminentiori, quam ministris Ecclesiæ concessa est. Quo-
 circa illam recte vocant scholastici distinctionis gratia potesta-
 tem excellentiæ, hanc autem potestatem ministrum. Illuminare
 hominum mentes, renovare corda, & dare spiritum sanctum,
 &c. Sed hæc operationes quum sint ad extra, Patri cum Filio
 & spiritu sancto communes sunt. Christus ut mediator & homo
 ad has actiones non concurrit, nili instrumentaliter & merito-
 rie; sed ut instrumentum conjunctum & singulare, non sepa-
 ratum & commune; qualia instrumenta fuerunt Apostoli &
 Prophetæ; ut recte Romanenses. recte etiam Vasq. in 3. D.
 T. tom. 1. disput. 79. c. 1. " Quamvis dicere possemus, Chris-
 " tum meruisse, ut ad nos mitteretur Spir. S. tamen dici nulla
 " ratione potest, meruisse ad nos mittere. Spirit. Sanct. ipse enim
 " solum potuit mittere Sp. sanctum, quatenus erat verbum, &
 Filius Dei, & hac ratione non potuit missio cadere sub meri-
 " tum ipsius, &c. Calvin. ipse in Joh. 14. 16. Spiritum hic
 " vocat donum Patris, sed quod ipse precibus suis impetra-
 " vit: alibi a se ipso dari promittit. utrumque vere & apte
 " dicitur, nam quatenus Christus mediator & patronus noster
 " est, a patre impetrat gratiam spiritus quatenus Deus est eam
 " a se ipso largitur. Hæc ille. Salvare & nos vita æterna do-
 nare, &c. Respondeat Sibrandus scriptor rigidissimus l. 1. con-
 tra socinum de Christo servatore c. 6. p. 67. " Christus, qua
 " Deus dat nobis vitam efficientia, qua homo (adde & me-
 diator, Hæc enim duo sere semper ibi conjungit, ut videre
 licet) " dat eam nobis merito & obedientia. Sicut p. 202. l.
 " 2. cap. 11. Christus, ut Deus & ut mediator remittit pecca-
 " ta, sed non eodem modo; ut Deus efficienter, ut mediator
 meritorie.. Hæc ille. incarnari seu assumere naturam huma-
 nam, &c. sed Christus ut Deus, assumpsit formam servi, non
 quia in forma Dei mediator fuit, aut unquam futurus erat,
 sed ut mediatoris officio secundum naturam humanam fun-
 gi possit, Sacrificare. Christus enim ut Deus, obtulit Deo
 Patri humanam naturam in mortem ut victimam, &c.

Sic enim non solus Stanislaus Sarnicius multum a Calvino laudatur, sensit, sed permulti etiam alii protest. quorum nominibus parco. Vide sis Lector Æque Chamierum de officio Mediatoris lib. 7. cap. 7. n. 17, &c. At quid clarius illis Cyrilli verbis in Apologia pro 12. capitibus contra Orientales? “ Quando Christus factus est homo, vocatus est etiam Pontifex, non quod tanquam Majori Deo offerret sacrificium, sed quod sibi ipsi & Patri, &c. Et infra. Audiens, quod dictus est sacerdos, propter humanitatem, erubescis ne? Deinde quomodo non admiratus es, quod non secundum sacerdotum morem, alteri detulerit sacrificii modum, sed sibi ipsi potius, & Patri, ut dixi? “ Quando dicis, indignum esse Deo, ut sacrificet, adstipulor & ego. Sed si solum esset & absque carne verbum, recte diceres: at vero quia factum est Caro, vide & sacrificantem propter humanitatem, & in dignitatibus ultra creaturam, sicut Deum, confidet enim cum Deo & Patre, itaque vide ipsum sacrificantem secundum humanitatem confidentem ut Deum, &c. vide Aug. l. 1. de Trinit. c. 10. in psal. 109. & lib. 10. de civit. Dei. c. 20. ubi hæc habet. Unde verus ille mediator, in quantum formam servi accipiens, mediator effectus est Dei & hominum; cum in forma Dei sacrificium cum patre sumat, cum quo unus est Deus, tamen in forma servi sacrificium maluit esse Et lib. 1. de consens. Evangelii. c. 3. Theodoret. in ps. 109. & in c. 2. ad Hebræ. in verba; ut misericors fieret, & Fidelis pontifex apud Deum “ Hæc dicta sunt, inquit, quoad humanitatem. Neq; enim noster pontifex est, ut Deus, sed ut homo. Et in c. 7. de Christo verba faciens “ Est, inquit, hominis fungi sacerdotio, Dei vero ea quæ offeruntur, suscipere, &c. Greg. Nazianz. orat. 4. de Theologia. Ambr. l. 3. de fide c. 5. Aliosq; plurimos in eandem sententiâ conspirantes legere est. Unde nonnulli etiâ Protest. multo hic sunt aliis modestiores. Negat A. Rivetus, ut supra diximus, Filium Dei potuisse sacerdotem esse, ante suam incarnationem, quia sacerdotii functio, inquit, est hominum propria, ideo Christus ut esset sacerdos, ex hominibus fuit assumptus. v. Comment. in ps. 110. p. 457. & summ. Controv. Tractat. 2. Qu. 50. p. 675. non tantum sacerdotalis dignitas, inquit (eam plane a Christi divinitate removens) partem muneris mediatorii illius facit, sed etiam prophetica & Regia, &c. Vide locum Piscator. in verba Heb. 9. 14. “ Christus obtulit se ipsum per spiritum æternum Patri

“ (ex

“ (ex quibus communiter probant Christum secundum di-
 “ vinitatem sacrificasse vel obtulisse seipsum Patri) per spi-
 “ ritum æternum, id est, inquit, per animam immortalem, &c.
 “ Quo minus autem per hæc verba videatur intelligenda Dei-
 “ tas, vel spiritus sanctus, ratio est. quia Deitatis non est offer-
 “ re sacrificium, sed ipsa est, cui offertur sacrificium ab homi-
 “ ne, quatenus homo. Hæc ille. Sed falso per spiritum æter-
 “ num intelligit animam Christi immortalem. Verus verborum
 “ sensus est, Christus obtulit se per spiritum sanctum, i. e. im-
 “ pellente & cooperante spiritu sancto; obtulit se, inquam, sed
 “ secundum naturam humanam: ad hoc enim sacrificium offe-
 “ rendum a spiritu sancto impulsus est. Vide præter Romanenses
 “ doctissimum A. Hyperium in locum, ut alios mittam. Rich.
 “ Fieldus l. 5. de Ecclesia c. 16. “ Neque arbitramur Christum
 “ mortuum vel seipsum in arâ crucis obtulisse, vel denique
 “ orasse pro nobis secundum naturam divinam, sicut quidam
 “ calumniantur nos dicere, &c. sed revera multi rigidiorum
 “ Protest. diserte affirmant, quicquid ille neget, Christum ut
 “ Deum non tantum sacrificasse, sed etiam Patrem pro nobis o-
 “ rasse, imo & obedivisse Patri; quæ omnia a Dei majestate ali-
 “ enissima sunt: quum hæ actiones omnes sint subditorum & in-
 “ feriorum: neque commentitia illa distinctio, de qua supra quic-
 “ quâ illos juvat, ut ante ostensum. Videantur hic scripta Luthe-
 “ ranorum, aliorumq; Aug. in ps. 87. “ Oravit Dominus, non se-
 “ cundum formam Dei, sed secundum formam servi, secundum
 “ hanc enim & passus est. Et in 85. orat pro nobis, ut sacerdos
 “ noster; orat in nobis, ut caput nostrum; oratur a nobis, ut
 “ Deus noster. Vide eundem in præfat. enarrat. 2. ps. 29. “ Ex quo
 “ enim homo (Christus) ex hoc & infirmus ex quo infirmus ex
 “ hoc & orans, &c. Et tract. 102 in Joan. Quia brevitati stude-
 “ mus, consulantur hic alii “ sed cum sit Rex mediatorius, inquit
 “ A. Rivetus summ. controv. loco ante citato, quatenus Deus
 “ homo, & regni illius administratio solis humanæ naturæ ac-
 “ tionibus terminari non possit, necessarium est, ut admittantur
 “ etiam actiones divinæ naturæ, in persona mediatoris? quibus
 “ suos regat per spiritum suum, eosque tueatur contra omnes
 “ adversarios, daturusque sit eis, salutem & vitam æternam.
 “ Sed longe aliter Aug. lib. 1. de consensu Evangel. cap. 3. “ se-
 “ cundum hominem, inquit, Christus Rex & pontifex effectus
 “ est. Christus ut Deus eadē potestate, suprema scilicet, & cum pa-
 “ tre & spiritu sancto Ecclesiā & omnia regit ac gubernat, &c.

Qua homo & mediator, ad regiam dignitatem & potestatem, quæ supremæ subdita est, propter obedientiam suam usque ad mortem exaltatus est a patre, & eundem per modum instrumenti sed hypostatice cum divinitate conjuncti & uniti exercet, ut omnes saniores Theologi docent.

Thom. Mortonus Anglus in sua non inerudita prioris Epist. ad Corinth. expositione Londini excus. Anno 1596. in verba c. 15. 24 Deinde finis, quum tradiderit regnum Deo & Patri, &c. "Christus, inquit, ut duplicem naturam, ita duplex regnum, i. e. summam potestatem & authoritatem, qualis est in regibus, habet.

" Nam ut est Deus, potestate omni infinita præditus est, primarie a se ipso, æqualiter & una cum Patre ab æterno in æternum regnans. Hoc regnum ut a nemine accepit, ita nemini unquam tradet.

" Deinde secundum humanam naturam non est privatus homo, sed potius rex, omnem potestatem in cœlo & terra sibi datam habens; idque in hunc finem, ut illius virtute omnia ad officium mediatoris & salutem Ecclesiæ pertinentia efficere possit, &c.

Et paulo post " Hanc authoritatem, ut & officium Mediatoris & humanam naturam a Deo Patre accipit, (qui prædicta omnia non immediate per se ipsum, sed per Christum hominem operatur) delegatam habet, eamque suscepit quidem una cum humana natura & mediatoris officio, at non exercuit, & palam ostendit, usque dum Sathanæ, peccato, morte, & reprobis omnibus, qui ei adversantur, devictis, in cœlum triumphans ascenderet, &c.

Et paulo post " tum demum hæc Christi authoritas cessabit, non quidem omnino; nam in æternum & Electis & reprobis dominabitur.

" Sed quoad hanc gubernandi rationem & mediatoris officium tradetur Deo, qui immediate sine mediatoris ope Ecclesiam reget, & in æternum incolumem servabit. Et Patri, i. e. Deo Patri, qui omnium creaturarum, actionum,

“ actionum, authoritatem, qui humanæ Christi naturæ,
 “ mediatoris officii, hujus temporarii regni author & pri-
 “ mum principium est, tradet quidem, vel potius accipit
 “ Christus hanc authoritatem sibi ipsi quatenus Deus est sed
 “ Scriptura ad clariorem humanæ naturæ Christi & officii
 “ Mediatoris explicationem, ubique humanam, raro autem
 “ divinam Christi naturam commemorat, sed uni Patri ac
 “ si solus Deus esset, deitatem attribuit. Hæc ille.

Vide eundem ibid. ad vers. 28. Et ad verba I Cor. II.
 vers. 3. Caput autem Christi Deus. “ Christus, inquit,
 “ quatenus est homo & Mediator, Deo Patri ejusque volun-
 “ tati & imperio per omnia subjicitur, eum omnium suarum
 “ actionum authorem habet & agnoscit, ab eo omnem suam
 “ dignitatem, authoritatem & gloriam capit, &c. Hæc ille
 multis aliis hac in re, ut in aliis quibusdam multo sa-
 nior.

Vide etiam hic si libet apologiam pro confessione Remonst.
 &c. Ad censuram cap. 2. pag. 39. Joan. Davenant. in
 cap. 3. Epist. ad Coloss. v. 1. in verba, ubi Christus est
 in dextra Dei sedens pag. 333. “ Illud inprimis tenendum,
 “ inquit, hæc dici de Christo proprie & præcipue secundum
 “ naturam ejus humanam, qua resurrexit & ascendit, & sedet
 “ ad dextram Patris, ut habetur in symbolo Apostolico,
 &c.

Et paulo post : “ Hac sessione significatur, Christum qua
 “ homo est, peracto opere redemptionis nostræ, non modo
 “ immortalitate, & perfecta beatitudine donatum, sed in
 “ cœlos evectum, supra omnes creaturas collocatum, to-
 “ tius mundi Dominum, Gubernatorem, & judicem; Ec-
 “ clesiæ autem inprimis Regem & Patronum gloriosissi-
 “ mum & potentissimum constitutum.

Vide Authorem ipsum, qui tamen alibi sibi vix consta-
 re videtur.

13. Distinctio hic a plerisque usurpari solita non absolu-
 te Christum secundum divinam naturam toti Trinitati
 communem, esse Mediatorem, sed secundum naturam
 divinam in hypostasi filii existentem; inepta est, ne
 quid gravius dicam. Una enim & eadem imo unica est
 divinitas, quæ toti Trinitati est communis, & quæ in
 Filii hypostasi existit : etiam prout in illa existit, ut
 recte

recte Gretserus contra Frid. Baldam Luther. nam & hac ratione a parte rei communis est Patri & spiritui sancto, licet concipi a nobis possit, ut in solo filio existit. Christus Deus incarnatus est, & in carne assumpta perfunctus est munere Mediatoris sed non ut Deus, *h. e.* secundum divinam naturam est incarnatus vel Mediator est; necessario enim inde sequeretur, Patrem itidem & spiritum sanctum incarnatos & Mediatores esse; cum quicquid filio secundum naturam divinam primo & per se competit, commune sit Patri & Spiritui sancto: alioqui Christum, ut Deum, *h. e.* ut hypostasin divinam, incarnatum esse, & fuisse, atque etiamnum esse Mediatorem, at non secundum divinam, sed humanam naturam, verissimum est, & nemo fidelium dubitat, nedum inficias it, ut idem Gretserus verissime affirmat.

14. *Æ.* Espencæus Vir alias doctissimus in tractatu de Christo Mediatore qui extat in digressionem in cap. 2. ad Tim. a sententia Protestantium rigidiorum videtur non omnino alienus fuisse, licet non raro admodum obscure & ambigue loquatur.

“ Et hæc, inquit, cap. 5. illa est Helena, propter quam mirati sumus Polonos tam acriter dimicare, etiam aliunde accersitis ex Germana & Helvetia copiis auxiliari-
bus.

“ Esse nimirum, qui Mediatorem Dei & hominum Christum Jesum, secundum humanam tantum naturam esse dicique adeo præfracte & mordicus tueantur, ut secus sentientes, Mediatorem juxta utramque simul naturam divinam atque humanam defendentes, Arianismi & id genus in filium Dei Deum hæreseon insimulent.

“ Præstabat utique Augustinum Aug. ne dum cæteris, conciliare, quam committere vel collidere.

“ Cum igitur de mediatione hic loquamur, inquit, non patienter tantum, aut ad mortem usque & mortem crucis obediens, sed victoriosa, *h. e.* tot victoriarum, nimirum contra diabolum, peccatum, carnem, mundum, mortem, & inferos reportatrice.

“ Sic Mediatorem sentimus non magis hominem sine Deo, quam Deum sine homine esse fore, vel fuisse.

“ Sic inquam, sentimus, vel potius cum omnibus totius rectro Ecclesiæ patribus consentimus.

Quibus

Quibus cum nobis sunt de hoc sensu & consensu communes rationes.

1. Est non minus de ratione mediatoris esse, quod in aliquo utriusque extremi particeps sit, quam quod in aliquo ab utroque extremo distet.

2. Si mediator est Christus ut homo tantum, paralogismus est, & non syllogismus Patrum Græcorum Latinorumque ex mediatoris vocabulo etymologia ratione, officio divinam in Christo naturam inferentium.

3. Quid quod iidem mediatorem non ideo tantum dictum interpretantur, quod homines Deo reconciliaret, sed duo extrema in se uno conjunxerit, unus idem vere Deus, vere homo ? &c.

Respondet etiam ad illud 1 Tim. 2. vers. 5. Et locus Aug. in speciem pugnantes, ut ait, summopere conciliare laborat. Sed vir doctissimus rationibus suis nihil aliud probat quam oportuisse Mediatorem Dei & hominum, Deum simul & hominem esse, & dignitatem ac efficaciam operum, quæ Christus ut Mediator & homo præstitit, a dignitate personæ procedere

Nec tamen ob hoc (inquit Aug. lib. 9. de Civit. Dei. cap. 15.) Mediator est, quia Verbum : maxime quippe immortale, & maxime beatum verbum longe est a mortalibus miseris, sed Mediator per quod homo, &c.

Responsio ad locum 1 Tim. 2. 5. & conciliationis locorum Aug. quas adducit, plane violentæ sunt, nec de Aug. mente, quicquid ille contradicat. Ibidem tamen cap. 6. affirmat, Christum orare, & offerre, qua hominem tantum. Ac de Mediatore, inquit, non tantum orante aut offerente agimus sed etiam exorante, perlitante, & propitiantе, qualis homo simplex non erat futurus, & nisi Deo juxta hypostasim conjunctus.

Sed semper confundit actiones Mediatorias proprie sic dictas, & illarum dignitatem & efficaciam ; quæ tamen duo si exacte loqui velimus, distinguere debent, varia alioquin & gravia incommoda ex confusione necessario sequuntur.

In eadem sententia videtur etiam fuisse Jac. Gorscius Polonus Romanensis, qui prælectionum Plocensium l. 2. dicato serenissimo Poloniæ Regi (liber editus est Coloniae 1608. Vide Riveti Summ. Controv. loco ante sæpe allegato. Contra non

“non paucos, inquit, Catholicorum, & hujus ætatis hæreticorum cum illum contentiosum Fr. Stancarum contendit; Christum secundum utramque naturam Mediatorem esse, ita tamen, ut alia divinitatis ejus sint, alia humanitatis officia & operationes, quæ tamen unum & idem mediationis opus conficiant. Sed in verbis illis, quæ A. Rivetus ex eo producit, minus dextre & commode subinde loquitur.

Qualia enim sunt ista: quia humiliavit se ipsum & exinanivit, & obediens Deo Patri fuit, eo ipso Deum patrem placavit, quæ divinitatis sunt, humiliatus enim Christus secundum divinitatem, non quod divinitas aliquid inde contumeliæ caperet, pura semper & in eadem gloria manens, sed quod forma servi accepta, inferior Patri factus sit, &c. Sed quæso an forma servi accepta secundum divinitatem, cujus eadem semper mansit gloria ipsomet confitente, seipsum exinanivit, & inferior & minor Patri factus est?

Alia quæ ex eodem libro citat ibidem Rivetus ex Stanislai Orichovii Roxolani Chimæra contra Stancarum descripta & laudata, ut refert Gorscius ab aliis quibusdam Romanensibus in Italia & Hispania maxime Compluti a Gaspara Cardillo Villapandeo, non moror.

Neque enim omnium Theologorum vel Roman. vel Protest. judicia æque exacta sunt; ut nec eorum, quæ ab iis, qui secus quam ipsi sentiunt, dicuntur intelligentia æque clara.

15. Sed ut diatribam hanc tandem concludamus; in hoc conveniunt partes dissidentes, ad Mediatoris personam constituendam, & munus Mediatorium plene & efficaciter exercendum, necessariam fuisse utriusque naturæ in Christo hypostaticam unionem; & actionum ac passionum omnium Mediatoriarum, in humana Christi natura, atque per eam peractarum efficaciam & pondus, a dignitate personæ Christi esse & fluere.

Atque hoc solum sufficiat viris moderatis & pacis Ecclesiæ amantibus. Certe non nisi admodum incommode immo & periculose asseritur, Christum etiā secundum divinā naturam munus aliquod Mediat. exercuisse aut exercere, ut propheticū, Ecclesiam etiam ante incarnationem, ministerialiter docendo, sacerdotale, offerendo se ipsum ut hominem in hostiam, & orando; Regiū, potestate dependenti & subordinata, atque a Patre libere & liberaliter, Filio etiam ut Deo donata Ecclesiam regendo.

do. Neque tam libenter audio, diversum hac in re sentientes, Arianismi, Eutychianismi, & similium Hæreseon, jam olim ab Ecclesia damnatarum, quasque nulli magis quam illi ipsi detestantur & damnant, licet propter humani judicii imbecillitatem, quid ex quo hic necessario sequatur, clare non videant insimulari & damnari; quod a multis contentiosis scriptoribus, hætenus, sed perverso more factitatum est. Videntur extrema, & pax esto.

P A R S



PARS ALTERA,

Qua Christum
M E D I A T O R E M
Sibi etiam aliquid Meruisse,
Paucis Ostenditur.



I. **Q**uæstionem hanc ; An Christus Mediator obedientia vitæ & mortis, non solum nobis gratiam & gloriam, sed etiam aliquid sibi meruit seu acquiescerit, stultæ curiositatis, & ejusdem definitionem temeritatis damnare non verentur nonnulli e Protest. rigidioribus, imo assertionem hanc Scripturis manifeste repugnare affirmant, ut constat.

2. Christum præcipue quidem incarnatum, & passum ad restitutionem generis humani clarissime & scèpissime docent Scripturæ & Patres ; neque dissentientur Romanenses alique qui Meritum Christi proprium tuentur.

Vasq. in 3. D. T, tom. 1. disp. 79. cap. 1. “ Ad testimonia, inquit, illa omnia, in quibus Christus dicitur pro nobis laborasse, & aliquid nobis meruisse, Resp. in illis exprimi id, quod fuit primariæ intentionis Christi, non tamen negari, aliquid sibi meruisse. Nostra redemptio ; non autem ea, quam Christus sibi meruit, gloria fuit præcipua causa adventus & passionis ejus. Hæc ille.

Similiter Bell. Joan. Busæus in Apologet. contra Gerlachium Lutheranum cap. 4. thesi. 41. pag. 96. Et rursus pag. 109. cæterique omnes consentiunt.

Non

Non tamen idcirco negandum est, Christum sua obedientia & passione vere promeruisse etiam exaltationem suæ humanitatis & glorificationem carnis ; nam petiit a patre non nos tantum, sed se etiam glorificari. Jo. 17. gloria corporis, & exaltatione nominis sui, ut exponit ibi Aug.

3. Immo multa scripturæ loca ostendunt, passionem Christi non solum antecessisse ut respondere solent dissentientes, sed etiam causam meritoriam consecutæ exaltationis & glorificationis fuisse, psal. 110. de torrente in via bibit, propterea exaltabit caput. Esa. 53. 11. & 12. Philip. 2. qui locus inprimis illustris est, humiliavit semet ipsum, &c. Propter quod & Deus exaltavit illum, &c. Heb. 2. Cum autem qui modo quam Angeli minoratus est, videmus Jesum propter passionem mortis gloria & honore coronatum, &c. Sic enim Græci, et multi alii hunc locum intelligunt, licet alii aliter explicent & structura totius orationis, quam alii sua expositione distrahunt, & verba quæ sequuntur quibus Apostolus quasi causam reddens, cur propter passionem mortis gloria & honore fuerit coronatus. Decebat enim, inquit, authorem salutis, &c. Hunc verborum sensum maxime probabilem faciunt Apoc. 5. Dignus est Agnus qui occisus est, accipere virtutem, &c.

4. Patres omnes communi consensu docent, Christum non tantum nobis salutem, sed sibi etiam exaltationem promeruisse. Illorum testimonia apud alios legantur. Nos in re clara omniumque oculis exposita, nolumus millies ab aliis actum agere. Videatur inprimis Aug. lib. 2. contra Maxim. cap. 5. & l. 3. cap. 2. Et tract. 104. in Joan. Ubi verba Apostoli explicans, propter quod & Deus, &c. Humilitas Christi, inquit, charitatis est meritum, claritas humilitatis est præmium, sed hoc factum est, in forma servi, &c. Consulantur & cæteri, locis ab aliis monstratis.

5. Multi etiam ex doctissimis Protest. contra alios rigidiores hanc sententiam defendunt. Hier. Zanchius in confess. fidei suæ præfat. ad Lectorem. “ Cum jam, inquit, absoluta esset
“ totius libri editio : certior factus fui, non deesse, qui impro-
“ bent, quod scripsi, c. 11. Apoc. 15. Christum non solum
“ sibi sed etiam nobis vitam æternam promeruisse : quasi illud
“ Sibi, impie a me positum fuerit ; miratus sum initio, & non
“ parum sum miratus : cum nihil hac doctrina sit clarius apud
“ Patres a quibus & Scholastici acceperunt. Sed simul ac in
“ mentem

“ mentem mihi venit ; diversa esse hominum Palata ; & aliis
 “ quidem ut juvenibus vina nova ac dulcia, magis sapere, aliis
 “ ut senibus, vetera tanquam salubriora magis probari : sta-
 “ tim desii mirari,

“ Veterem illam esse doctrinam, liquet ex veteribus Patri-
 “ bus, qui locum illum ad Philip. 2. Propter quod & Deus ex-
 “ altavit illum, &c.

“ Sic interpretati sunt, ut dixerint, Christum sua humi-
 “ litate, obedientia & morte, sibi illam exaltationem prome-
 “ ruisse, quod probat ex Augustino in Joh. tract. 104. in
 cap. 17.

Beda in cap. 2. ad Philip. Ambr. & Hier. in eundem Apo-
 stoli locum, Vigilio contra Eutychen lib. 5. concludit tan-
 dem.

“ Hæc certe vetus est Ecclesiæ doctrina, Rogo igitur con-
 “ vivas meos, ut si vino & veteri & novo in mensa proposito,
 “ ego tanquam senex, relicto aliis novo, de veteri bibam ; ne
 mihi succenseant, &c.

Vide ejusdem epistolam ad Wilhelmum Stuckium Epist.
 lib. 1. in qua idem tuetur dogma, & ad contraria objectamen-
 ta respondet. Idem Stuckius ibidem in Zanchii responsione
 se acquiescere ingenue confitetur.

Legatur idem Zanchius in cap. 2. ad Philip. ut & And.
 Hyperius in eundem locum, similiter Joan. Piscator scribit in
 2. ad Philip.

And. Rivetus in cap. 53. Isaia v. 11. “ Quæritur hic, in-
 “ quit, num Christus passione sua gloriam corporis ad exalta-
 “ tionem illam, ad quam evectus est, meruerit ? Id conten-
 “ dunt multi non solum ex Pontificiis, sed ex Orthodoxis
 “ inprimis Cl. Theolo. H. Zanchius in sua confessione
 &c.

Et paulo post, pag. 469. “ Etsi existimemus argumenta
 “ Calvinii esse alicujus momenti, nec in ea re valde insisten-
 “ dum, num ratione gloriæ corporis & exaltationis Christi,
 “ obedientia ejus, habeat veram & propriam rationem meriti
 “ id tamen nollemus præfracte negare ; tum qui loci sacr.
 “ scripturæ adducti, etsi ad rationem antecedentium & con-
 “ sequentium referri possint, videntur tamen aliquam causam
 “ inferre : tum quia communis fuit veterum sententia, in qua
 “ nihil videtur esse, quod scripturæ sacræ repugnet.

“ Certe Aug. diserte scribit tr. 104. in Joh. Christum su-
 isse

“ ille prius humiliatum in passione , quam in resurrectione
 “ glorificatum. Humilitatem claritatis esse meritum , clari-
 “ tatem humilitatis præmium. In hac sententia nihil mali
 “ esse existimamus, si recte intelligatur, & cætera. Hæc
 ille.

Idem tamen in Psal. 110. vers. 7. pag. 483. 484. super
 hac re differens mirifice fluctuat ; negat tamen se velle
 huic opinioni nigrum præfigere theta. Adi authorem ip-
 sum.

Vorstius in Anti-Bellarmino, &c. pag. 55. 56. “ Et si
 “ de hac quæstione non prorsus eadem est omnium Evangelii-
 “ corum sententia ; plerique, tamen doctiores in eam partem
 “ inclinant, ut cum Pontificiis hac de re non magnopere
 “ contendendum esse putent ; præsertim si verbum moerendi
 “ generatim pro verbo comparandi, vel per industriam & la-
 “ bores acquirendi sive obtinendi atque adipiscendi accipia-
 “ tur. Quo quidem sensu Veteres sæpissime id usurpasse
 “ constat. Itaque consensus utrinque facile constitui poterit,
 “ si modo logomachia & studium cavillandi absuerit. Om-
 “ nes enim ultro fatentur, Christum hominem, licet ex certa
 “ & gratiosa Dei ordinatione cœlestem gloriam necessario ad-
 “ eptus sit, revera tamen non nisi per viam obedientiæ, &
 “ passionis ad eam pervenire potuisse : immo sua obedientia
 “ & humiliatione, utpote omnium dignissima & perfectissima,
 “ tanquam causa antecedente, sive efficiente, prædictam glori-
 “ am vero sibi peperisse atque obtinuisse, &c. Vide locum
 ipsum.

Hanc eandem sententiam acriter defendit contra Sibrandum
 errore 68. &c. Et in Scholis Alexiacis pag. 166. & sequen.
 Item pag. 95. & seq. & pag. 114. & seq. Petrus Martyr.
 in cap. 14. ad Roman. vers. 9. Thomas Bilsonus Episc.
 Winton. in Recognit. Passionum Christi pag. 672. circa fi-
 nem, & pag. 20. 21. Lancel. Andreas Episc. etiam nuper
 Winton. in Concion. Anglic. super Rom. 6. vers. 9, 10, 11.
 pag. 389. & super Philip. 2. 8. 9. &c. pag. 469. & 474. R.
 Hookerus lib. 5. de Eccles. Polit. Sect. 55. pag. 303.
 Alios silentio prætereo, præsertim cum res adeo mani-
 festa sit.

6. Unde Junius in animadversionibus suis hoc saltem fa-
 teri cogitur, sive hoc dogma probemus, sive improbemus, non
 propterea laboraturam Christianorum fidem. Et Chamierus

de officio Mediatoris lib. 7. cap. 8. n. 6. Non esse de hoc articulo sic contendendum, ut de summa religionis Christianæ, sive de fundamentali quopiam articulo fidei, in quo definiendo non queat non gravissime errari, si erratur, &c. Sed quis, quæso, pro fundamentali articulo fidei Christianæ hoc habet?

Dogma tantum Scripturis & Patrum judicio maxime consentaneum esse existimat omnes qui id tuentur, & non nisi temere & sine errore aliquo id ab aliis negari aut in dubium vocari.

Certe sic plus quam par est, controversiæ augmentur, & triste schisma hodiernum, quod nullis lacrymis satis deplorari potest, fovetur, & alitur. Piarum mentium est litibus, quantum per veritatem licet, minuendis, non vero augendis, quod hodie prohi dolor, quam multi nimis cupide facitant! studere.

7. Quod objectant diversum sentientes gloriam corporis Christi, & exaltationem nominis non ex merito aliquo profluxisse, sed ex unione hypostatica; propter dignitatem personæ; manifeste adversatur verbis Apostoli supra citatis, qui propterea *διουγι*, i. e. propter humilitatem, obedientiam & passionem Deum exaltasse Christum, & dedisse illi nomen, quod est super omne nomen, diserte affirmat.

Præterea duo hæc non repugnant sibi absolute, ut recte monent Romanenses aliquid esse debitum ex unione hypostatica, & cadere sub meritum, præsertim si posteriore demum tempore acquiratur (quemadmodum gloriam corporis & alia nonnulla in ipso unionis hypostaticæ puncto Christus non accepit, sed longo post tempore) quia bene fieri potest, ut idem pluribus nominibus sit debitum.

Zanch. in epist. ante allegata ad Stuckium. “ At jure, in-
“ quis, illi debebatur? &c. quo jure Unionis humanæ naturæ cū
“ divina *καθ' ὑπόστασιν*? Sed hoc non tollit, quin etiam pro-
“ pter obedientiam, &c.

“ Non est absurdum, propter diversas causas aliquid alicui deberi.

“ Non fuerunt igitur Patres, aut impii aut imperiti Scrip-
“ turarum: quando dixerunt; Christum sua obedientia
“ gloriam sibi apud Patrem promeruisse, & humilitatem fu-
isse

" isse glorificationis meritum, glorificationem autem humili-
 " tatis fuisse præmium. Hæc ille. Et ibi, Christus de se dice-
 " bat, Pater meus diligit me, quia quæ placita sunt ei facio
 " semper diligebat tamen eum aliam etiam ob causam : nemi-
 " pe, quia filius erat ipsius. &c.

8. Alias objectiunculas abunde dissolverunt alii, quos con-
 sule Lector Candide, Nos ad alia majora, Deo valitudinem
 & vires benigne concedente, pertractanda properamus.

Soli Deo gloria.



Consideratio Æqua & Pacifica

CONTROVERSIÆ

Hodiernæ Gravissimæ

DE

SACRAMENTO

EUCHARISTIÆ


LIBER I.

In quo de reali Christi in Sacr. Script.

EUCHARISTIA præsentia &
participatione, ac de modo utri-
usque breviter tractatur.

CAP. I.

De rebus hisce generaliter disseritur.

I.  Nil in hoc tristi Religionis Dissidio magis dolendum, quam hoc S. S. Eucharistiæ Sacramento, ideo peculiariter a Christo Domino institutio, ut per id arctius ei incorporemur, & ab eo vitam, continuo tenore hauriamus, mutuaque charitate inter nos suo uno capite Christo eo tenacius conglutinemur ; Satanam tamen humani generis hostem atrocissimum,

mum, sua improbitate ac audacia & quam plurimos ecclesiæ doctores ac ministros ex φιλονείκῃ καὶ φιλαρχίᾳ, i. e. contendendi ac dominandi libidine, multis jam retro sæculis, atque hoc nostro quam maxime, ad contentiones & factiones alendas abusus & adhuc indies abuti. Faxit misericors Deus in Christo cum Spiritu Sancto. ut omni contentione sublata citra veritatis creditu necessariæ jacturam, in hac materia, ut & in aliis omnibus concordibus animis iterum omnes Christiani coalescant. Sed de re jam proposita dicamus.

2. Sententia Zuinglii, quam Theologi Tigurini mordicus retinuerunt ac defenderunt, Christum Scilicet contemplatione tantum fidei esse in Eucharistia præsentem; Nullum hic miraculo locum dandum esse cum sciamus qua ratione Christus carnæ suæ adsit, nimirum spiritu vivificante, spiritualiter & efficaciter: unionem sacramentalem in significatione totam consistere, &c. (Vide Rodolph. Hospin. Tigurinum, Historiæ Sacramentariæ parte altera pag. 161. 162.) minime probanda est, quum Script. & communi patrum omnium sententiæ apertissime, adversetur, quemadmodum millies ab aliis demonstratum est.

Hanc tamen sententiam Zuinglii, rejecta illa Calvinii de qua jam dicemus, apud Lugdunenses in Gallia, Lodovicus Alamannus Italus acriter defendit. Vide inter epist. Bezzæ epist. 5. ad eundem hac ipsa de re scriptam, & nuper qui in Fœderato Belgio vocantur Remonstrantes, in Apologia pro confessione sua cap. 23. pag. 256. Aperte enim ibi profitentur, sed gravissime errantes, se Zuinglii, quem optimum hujus ceremoniæ doctorem inepte, ne quid gravius dicani, appellant, sententiam sequi, ut simplicissimam, & ad idololatriam omnem evitandam in hac materia imprimis necessariam & pag. 257. quæ a Calvino illiusque sequacibus dicuntur de communione in cœna cum physica corporis & sanguinis Christi substantia, non modo ironice incomprehensibilia & ineffabilia illa mysteria vocant, quæ humana seu curiositas, seu superstitio in hoc tam simplice, tam plano, & a nullo non ingenio facile perceptibili ritu finxit potius quam reperit, sed etiam manifestam in se continere tum absurditatem, & ex isto fonte emanavisse, hodieque adhuc fluere ingentem illam idololatriam, qua major concipi vix potest, &c. audacter asseverant.

Sed qui hic abjecte de hoc augustissimo Sacramento sentiunt, ut hi alique hodierni Novatores, eos non mirum nihil

in eo reperire, quod mirentur. Longe aliter pii patres senserunt & scripserunt, qui *ὀρίαν* hoc *μυστήριον*, tremendum mysterium, appellare consuevi, nunquam sine sacro & religioso horrore de re tanta cogitari voluerunt : quia scilicet firmissime crediderunt, qui digne hæc mysteria corporis & sanguinis Christi sumit, illum vere & realiter corpus & sanguinem Christi in se, sed modo quodam spirituali, miraculoso, & imperceptibili sumere, ut postea dicemus.

3. Sententia Joh. Calvini ista Zuingliana multo sanior & tolerabilior est. Archiep. Spalat. De Rep. Eccl. l. 7. cap. 11. n. 7. “ An ita, &c. inquit, a Magistro Calvino reformati
 “ sentirent, diu dubitavi, & volui, dum hæc imprimenda parabam, plane sententiam Calvini agnoscere. Atque hæc
 “ quæ sequuntur dicta in ejus opusculis reperi. in tract. de
 “ Cœna Dom. Blasphemia est negare in Cœna Dom. offerri
 “ veram Christi communicationem pani & vino corporis &
 “ sanguinis nomen attribuitur, quod sint veluti instrumenta
 “ quibus D. J. C. nobis ea distribuit, panis non est figura nuda,
 “ & simplex, Sed veritati suæ & substantiæ conjuncta
 “ panis merito dicitur corpus, cum id non modo representet,
 “ verum etiam nobis offerat Intelligimus Christum nobis in
 “ Cœna veram propriamque corporis & sanguinis sui substantiam
 “ donare; panis in hoc consecratus est, ut repræsentet
 “ & exhibeat nobis corpus Domini. Zuinglius & OEcolumpadius
 “ debuerunt adjungere ita signa esse, ut nihilominus
 “ veritas cum eis conjuncta sit : & testari debuissent se non
 “ eo tendere, ut veram communionem obscurarent, quam nobis
 “ hoc sacramento Dominus in corpore & sanguine exhibet.

“ Lutherus propterea incensus est in eos, quia volebat Sacramentum efficax, &c. Fatemur omnes, nos cum juxta
 “ Domini institutum, fide sacramentum recipimus, substantiæ
 “ corporis & sanguinis Domini vere fieri participes. Quomodo
 “ id fiat, alii aliis melius definire, & clarius explicare possunt.
 “ Ne vis sacrosancti hujus mysterii imminuatur, cogitare
 “ debemus id fieri occulta & mirabili Dei virtute, &c. Sic ille inquit Spalat.

4. Hæc Calvini dicta Arch. Spalat. Loco citato n. 8. ad pacem & concordiam, inter partes conciliandam sufficere existimat : “ Omnes, inquit, & Pontificii & Lutheri & Calvini
 “ discreti

“ discreti sectatores in eo convenimus, nobis in eo verum ac
 “ reale Christi corpus vere & realiter exhiberi. Cur ergo in
 “ hoc non sistimus omnes &c.

Hanc tamen, ut appellat, ingenuam Calvinī confessionem,
 & Spalat. 15. Joh. Barnelius in suo Catholico Romano pacifi-
 co S. 7. in paralipom. ad literam B. verbatim ex Spalat. trans-
 cribens sibi non probari profitetur, ut quæ consubstantiationi
 maxime faveat, Sicut infra dicemus. Interim inquit, cum bo-
 na venia & Calvinī & Spalat. non est additio ad sensum aper-
 tum verborum Christi (ut ibi doceat locis citatis) dicere
 corpus Christi esse in Eucharistia, cum substantia panis
 permanentis, aut transeuntis, &c. Sed de hac re infe-
 rius.

5. Quam religiose, reverenter, & patrium stylo conveni-
 enter etiam alibi in scriptis suis de hoc augustissimo mysterio
 loqui videtur idem Calvinus; Instit. l. 4. c. 17. S. 7. “ Nihil,
 “ inquit restat, nisi ut in ejus mysterii admirationem prorum-
 “ pam cui nec mens plane cogitando, nec lingua explicando
 “ par esse potest. & S. 10. etli autem incredibile videtur in
 “ tanta locorū distantia penetrare ad nos Christi carnem ut no-
 “ bis sit in cibum; meminerimus quantū supra sensus omnes
 “ nostros emineat arcana Spiritus, S. virtus, & quam stultum
 “ sit, ejus immensitatem modo nostro velle metiri. Quod
 “ ergo mens nostra non comprehendit, concipiat fides, spiri-
 “ tum vere unire quæ locis disjuncta sunt. & S. 32. porro,
 “ inquit, de modo si quis me interrogat, sateri non pudebit,
 “ sublimius esse arcanum, quam ut vel meo ingenio compre-
 “ hendi vel enarrari verbis queat. Similiter Beza de re sacra-
 “ men. qu. 4. Sed nihilominus, inquit, fatemur incompre-
 “ hensibile esse mysterium Dei, quo sit, ut quod est, & manet
 “ in cœlis, & non alibi, nobis qui nunc in terra sumus, & non
 “ alibi, vere communicatur, &c. & infra Quo sit ut tota hæc
 “ actio valde proprie *μυστήριον* vocetur. Improbat etiam idem
 Calv. loco quo supra Instit. 4. c. 17. S. 5. sententiam Zuinglii
 qui manducationem corporis & bibitionem sanguinis Christi,
 nihil aliud esse dicit, quam in Christum credere “ Sunt, inquit,
 “ qui manducare Christi carnem, & sanguinem ejus bibere
 “ uno verbo definiunt; nihil esse aliud, quam in ipsum
 “ Christum credere: Sed mihi expressius quiddam ac subli-
 “ mius videtur voluisse docere Christus in præclara illa con-

cione ubi carnis suæ manducationem nobis commendat :
 nempe vera sui participatione nos vivificare: quam mandu-
 candi etiam ac bibendi verbis ideo designavit, ne quam ab
 ipso vitam percipimus, simplici cognitione percipi quispiam
 putaret, &c. plura in eandem sententiam ex eodem scrip-
 tore adferri possunt.

6. Sed quod cum bona venia Calvinī & sectatorum illius dictum esto, Calvinī sententia & doctrina super hac re, maxime incerta & dubia atque lubrica multis viris doctissimis semper visa est? & abunde id a plurimis cum Romanensibus tum Lutheranis Theologis est demonstratum; quos adi si libet. Sola illa consensio mutua in re sacramentaria Ministrorum Tigurensis Ecclesiæ & Joh. Calvinī diligenter perpensa istud Lucidissime ostendit. Vir fuit atque etiamnum est apud multos Protest. magni quidem nominis, ut & meriti, Sed nemo doctorum in verba illius jurare addictus est. Tanti est & esse debet ut utar verbis doctissimi Episc. Eliensis in Tortura Torti p. 309. quanti rationes, quas offert pro se, nec pluris & ut idem rursus in Resp. ad Card. Bell. Apologiam cap. 7. p. 162. Tam non Calvinum quam neque Papani sequimur, ubi a patrum vestigiis, hic vel ille discedit. Dum nunc his, nunc illis gratificari studuit, haud pauca male sibi cohærentia scripsit.

7. Tutissima & rectissima videtur illorum Protestantium aliorumque sententia, qui corpus & sanguinem Christi vere, realiter, & substantialiter in Eucharistia adesse, & sumi existimant, imo firmissime credunt, sed modo humano ingenio incomprehensibili, ac multo magis inexorabili, soli Deo noto, & in scripturas nobis non revelato, non quidem corporali, & per oralem sumptionem, sed neque etiam solo intellectu, ac pura puta fide, sed alia ratione, soli Deo, ut dictum est, cognita, illiusque omnipotentia relinquenda.

8. Philip. Melanct. postquam illi Lutheri sententia, quam diu defenderat, displicuisset, in epistola ad Vitum Theodorum, &c. De negotio cœnæ sic scribit: (vid. R. Hosp. I. supra cit. p. 169, &c.) “Ego ne longius recederem a veteribus, posui in usu sacramentalem præsentiam, & dixi: datis his rebus Christum vere adesse, & efficacem esse. Id profecto satis est. Nec addidi inclusionem, aut conjunctionem talem, qua affigeretur τὸ ἄρτον τὸ σῶμα, aut fer-
 rum in ceretur

“ ruminaretur aut misceretur. Ego vero, etfi, ut dixi, rea-
 “ lem pono (præsentiam) tamen non pono inclusionem seu
 “ ferruminationem, sed sacramentalem, *h. e.* ut signis po-
 “ sitis adsit Christus vere efficax; quid requires amplius? &c.
 “ & in locis communibus Anno 38. Witemb. &c. quid de
 “ verbis cœnæ senserint ecclesiastici scriptores, ex dictis eo-
 “ rum apparet. Paulus inquit, panis est communicatio corpo-
 “ poris Christi, &c. Itaque datis his rebus, pane & vino in
 “ cœna Domini, exhibentur nobis corpus & sanguis Christi,
 “ & Christus vere adest Sacramento suo, & efficax est in no-
 “ bis, sicut Hilarius inquit: Quæ sumpta & hausta faciunt,
 “ ut Christus sit in nobis, & nos in Christo. Mirum profecto
 “ & ingens pignus est summi erga nos amoris, summæ miseri-
 “ cordiæ, quod hac ipsa cœna testatum vult, quod seipsum
 nobis impertiat, quod nos sibi adjungat tanquam membra,
 ut sciamus nos ab eo diligi, respici, servari, &c. v. Hospin. p. 274

9. Caspar Cruciger, Theologus Witebergenſis, & Melan-
 chr. intimus qui etiam tractatui Concordiæ Witebergenſis
 interfuit, in literis ad eundem Vitum Theodorum hæc scripsit,
 ut legere est apud Hospin quo loco supra p. 171. “Ego quantum
 “ possum, disputationibus illis (lege locum) interim se-
 “ politis, sequor, quod existimo tutissimum; veram, adeoque
σωτηριαν πνευματικὴν esse in usu Eucharistiæ, quam verba
 “ Cœnæ, & Paulus omnino videntur Ponere, & verba Nicæni
 “ Concilii plane testantur. Sed ut præsentiam omnino po-
 “ nendam esse sentio, ita de modo *πνευματικῆς* non disputo.
 “ puto hoc simplicitati fidei sufficere, credere, quod vere adsit
 “ Christus, & ejus corpus & sanguis vere exhibeantur utenti-
 “ bus, &c.

10. Videantur & diligenter perpendantur Retractatio M.
 Buceri de cœna Domini, quam suis enarrationibus in quatuor
 Evangelistas inseruit, Ad editionem Hervagianam p. 483. &
 ejusdem scripta Anglicana p. 642. & seq. Historia de concordia
 circa negotium Eucharisticum inter Lutherum, & superioris
 Germaniæ Theologos Anno 1536. Witembergæ inita; in
 Scriptis Anglic. p. 648. & seq. Censura M. Buceri de Tribus
 propositionibus a P. Martyre Oxonii ad disputandum propo-
 sitis A. 1549. ubi secundam propositionem Martyr. Corpus
 & sanguis Christi, non est carnaliter aut corporaliter in pane
 & vino: nec ut alii dicunt, sub speciebus panis & vini? sic ex-
 pressam

pressam optabat. Corpus Christi non continetur localiter in pane & vino : nec iis rebus affixum aut adjunctum est ulla mundi ratione ; & 3. Corpus & sanguis Christi uniuntur pani & vino sacramentaliter ; voluisse subjici : ita ut credentibus Christus hic vere exhibeatur. fide tamen , nullo vel sensu, vel ratione hujus sæculi intuendus legatur etiam epist. ejusdem ad P. Martyrem eidem censuræ præfixa. Bucerii definitio plenior. S. Eucharistiæ cum explicatione sua, ad petitionem D. Petri Alexandri Atrebatensis, Script. Anglic. p. 551, &c. Defensio doctr. Christian. contra Rob. episc. Abrinc. p. 613. & seq. Idem contra Tigurinos defendit Christum in Cœna præsentem esse, præsentia vero modum inexplicabilem, & proinde omnipotentia divinæ committendum esse. Vide Hospin. ubi supra pag. 162. Epistola Bucerii ad Joannem a Lasco de re sacramentaria, quam legere est in epistolis selectioribus Illustrium & clarorum vivorum, &c. Lugd. Batav. excus. An 1617. Centur. I. epist. 5. Sibi tamen non semper satis constare videtur Bucerius, ut neque etiam recte dubitare, quid vel ubi cœlum illud sit, in quod Christum ascendisse credimus. Vide Confess. Bucerii de S. Eucharistia, Argentina in Schola publice dictat. Script. Angl. p. 700. & seq. vide etiam p. 697. & seq.

11. Caspar Hedio Lh. D. & Concionator Argentin. Bucerii collega, de pace Eccl. Catholicæ apud Goldatum “ De
 “ Eucharistiæ dissidio, quod forte in spongiam cadet prope-
 “ diem, optimum videretur consilium, quandoquidem E-
 “ vangelistæ & paulus de Eucharistia circumcise meminerunt,
 “ veriti nimirum ne quid de tanto mysterio secus dicerent,
 “ quam oportet ; optimum videretur, si fidelis & prudens
 “ verbi minister, videns plærosque sic tractare Theologiam,
 “ ut incidant in Matæologiam & ipse paucis & circumcise, &
 “ verbis Evangelistarum & S. Patrum de pane & poculo illo
 “ mystico loquatur. In hoc mihi qui dissidium hoc semper
 “ deflevi & pejus angue odi Phocionis Atheniensis sententia
 “ placuit, qui dum alii solliciti essent, ut quam plurima di-
 “ cant, quo videantur disertis : illi diversa cura erat, nimirum
 “ ut quæ ad rem faciebant verbis quam paucissimis complec-
 “ teretur. Errat qui paulo ac Evangelistis prudentior esse vult
 “ deplorate errat cui pudor est in consilio, qui errorem etiam
 “ intellectum vult defendere, & in summa de rebus divinis dis-
 “ ferere periculosissimum est, taceo definire velle. confessio de
 “ cœna

“ cœna Domini est, quod Christus ut in ultima cœna, ita
 “ etiam hodie discipulis suis & credentibus, quando juxta
 “ verba Christi, Accipite, edite, Hoc est corpus me-
 “ um, &c. cœnam servant, in hoc Sacramento suum
 “ verum corpus & sanguinem vere ad manducandum &
 “ bibendum dat, in cibum animarum vitæ æternæ, ut
 “ ipsi in Christo, & Christus in nobis manere possit. Hæc
 ille.

12. Theologi Witembergenses Malancht. studiosissimi tunc
 temporis sectatores, in conventu Dresdenli (v. R. Hospin. de-
 origine & progressu libri concordix cap. 3. p. 20.) & con-
 sensu in eo facto “ Firmiter credimus præsentiam veri corpo-
 “ ris & sanguinis Christi in cœna, &c. & paulo post : Vita-
 “ mus etiam peregrina, & ad institutionem cœnæ nihil
 “ pertinentia certamina, quæ ipse quoque Lutherus tandem
 “ præcidit, &c. De sacramento corporis & sanguinis
 “ Christi, nunquam docuimus, neque adhuc docemus, quod
 “ Christus e cœlo, vel de dextra patris descendat vel ascendat,
 “ visibiliter aut invisibiliter : Sed firmiter retinemus articu-
 “ los fidei, Ascendit in cœlos, sedet ad dexteram patris, &c.
 “ Et omnipotentix Dei relinquimus quomodo corpus & san-
 “ guis Christi exhibeantur nobis, &c. vide hic etiam Hos-
 pin. Historiæ Sacram partem alteram pag. 292. “ qualis au-
 “ tem (inquiunt Witemberg. & lipsenses Theologi, &c.) sit
 “ exhibitiones & præsentix modus, cum sit revera impervest-
 “ tigabilis, inquirere & pervestigare nolumus sed affirmanti
 “ & vere exhibenti, veraci & omnipotenti Domino reveren-
 “ ter credimus. Joachimus Camerarius vir doctissimus &
 Malancht. amantissimus, in Notis suis in N. T. in cap. 26.
 Matth. pag. τὰ πρὸς τὸ αἶμα nimirum τὸ ἐν τῷ ποτηρίῳ,
 “ Vescentibus ipsis, distribuit Jesus præsentibus panem cor-
 “ pus suum, poculum in quo esset sanguis ipsius, Sive,
 “ quemadmodum Chrysost. ἐκεῖν τὸ ἀπὸ τοῦ πλάγους ρεύσαν.
 “ Sunt autem hæc ejusmodi, quæ non intelliguntur ab ulla
 “ humana sapientia extra Ecclesiam Christi, & soli religiose
 “ fidelique pietati nota ; nec profanis disputationibus ad
 “ captum humanum quasi enucleanda, ut religionis san-
 “ ctitas conservetur, & rerum arcanarum, quæ Græci, μυστή-
 “ ρια, & latini sacramenta appellaverunt In 1. Cor. 11. p.
 “ 49.

49. Cum autem hæc Institutionis sint & ὁρίσιντα non debet ἀλληγορεῖν aut πύπθ, neque τρεῖς θ, inque verbum significatione, idest, διαβολα χίμα quæri, Sed id intelligi simpliciter & religiosa fidei assensione comprehendere oportet, quod dicitur. Ubi non est intelligendus omnem simpliciter tropum excludere, nam neque Lutherani rigidiores tropum aliquem in verbis cœnæ inesse negant: Sed huiusmodi tropum, quo vera & realis præsentia, atque exhibitio corporis & sanguinis D. cum elementis sanctificationis excluditur & eluditur: fuit enim Camerarius tenacissimus doctrinæ Melancht. ut omnibus doctis constet.

13. Ut multos alios Germanos silentio prætereamus; legati Wormatiæ Missi ab ecclesiis reformatis Gallicis A. 1557, &c. (vide Hospin. ubi supra in hist. Sacramentaria p. 251.) hanc de cœna confessionem Lutheranis exhibuerunt "Fatemur in cœna Domini, non omnia modo Christi beneficia, sed ipsam etiam filii hominis substantiam, ipsam, inquam, veram carnem, &c. & verum illum sanguinem, quem fudit pro nobis non significari duntaxat, aut symbolice, typice vel figurate, tanquam absentis memoriam proponi, sed vere ac certo repræsentari, exhiberi, & applicanda offerri; adjunctis symbolis minime nudis, sed quæ, quod ad Deum ipsum attingit, promittentem & offerentem semper rem ipsam vere ac certo conjunctam habeant, sive fidelibus sive infidelibus proponantur. Jam vero modum illum, quo res ipsa i. e. verum corpus & verus sanguis Domini cum symbolis copulatur, dicimus esse symbolicum sive sacramentalem. Sacramentalem autem modum vocamus, non qui sit figurativus duntaxat, sed qui vere & certo sub specie rerum visibilibus representet, quod Deus cum symbolis exhibet & offert nempe quod paulo ante diximus, verum corpus & sanguinem Christi, ut apparet nos ipsius corporis & sanguinis Christi præsentiam in cœna retinere & defendere. Et si quid nobis cum vere piis & doctis fratribus controversiæ est, non de re ipsa, sed præsentia modo duntaxat, qui soli Deo cognitus est & a nobis creditur, disceptari, &c. & paulo post; Modum, quo res ipsa vere ac certo nobis communicatur, non facimus naturalem, aut localem copulationem imaginamur, &c. aut crassam illam ac diabolicam transubstantiationem, non

“ non denique crassam quandam commixtionem substantiæ
 “ Christi cum nostra. sed spirituales modum esse dicimus, id
 “ est, qui incomprehensibili spiritus Dei virtute nitatur, quem
 “ nobis in hoc suo verbo patefecit. Hoc est corpus meum, &c.
 “ Huic confessioni, inquit Hospin. loco cit. Farellus, Beza,
 “ Carmelus & Budæus legati scripserunt, idque eo titulo, quod
 “ in Gallia, Helvetia & Sabaudia ad istum modum de cœna Do-
 “ minica doceatur & credatur. Displicuit confessio hæc Bezæ
 “ & collegarum Tigurinis quos diversum ab illa sentire lippis &
 “ tonsoribus notum erat, ut haud obscure fatetur ipse Beza.
 “ Nam cum ei illud objecisset Claudius de sanctis in exami-
 “ ne Calvinii. & Bezanæ doctrinæ de cœna D. Beza in prima
 “ sua Apologia ad eundem Claudium responderet, quod si Fidei
 “ nomen additum fuisset, rectius factum esset. neque Favelli ne-
 “ que mea fides unquam apud illos (Tigurinos sc.) in dubium
 “ venit. Optassent tantum plenius illa fuisse a nobis perscripta.
 “ Hoc sicuti par erat, mihi & communibus amicis (Calvinum
 “ intelligit) significarunt, quod vererentur ne qui nostro illo
 “ scripto abuterentur. Hæc ille, quem profecto nihil erat quod
 “ puderet aut pœniteret confessionis istius; sed tamen non satis
 “ bona fide in Gallia, Halvetia & Sabaudia ad istum modum de
 “ cœna D. doceri & credi affirmavit vir doctissimus.

14. Episcopus Eliensis in Resp. ad Card. Bell. Apolog. c.
 “ 1. p. 11. Quod carnitalem non latet, nisi violentem & ultro,
 “ dixit Christus, Hoc est corpus meum: Non hoc modo, hoc
 “ est corpus meum. Nobis autem, vobiscum de objecto con-
 “ venit; de modo lis omnis est. De, Hoc est, fide firma tene-
 “ mus, quod sit: De, Hoc modo est (nempe Transsubstantiato
 “ in corpus pane) de modo quo fiat ut sit: Per, sive In,
 “ sive Cum, sive Sub, sive Trans, nullum inibi verbum
 “ est. Et quia Verbum nullum, merito a fide ablegamus procul,
 “ inter Scita Scholæ fortasse, inter fidei articulos non poni-
 “ mus. Quod dixisse olim fertur Durandus, neutiquam no-
 “ bis displicet: Verbum audimus, motum sentimus, modum
 “ nescimus, præsentiam credimus; præsentiam (inquam)
 “ credimus, nec minus quam vos, veram. De modo præ-
 “ sentiæ nil temere definimus, addo nec anxie inquirimus; non
 “ magis quam in baptismo nostro, quomodo abluat nos san-
 “ guis Christi non magis quam in Christi incarnatione, quo-
 “ modo naturæ Divinæ humana, in eandem hypostasim uniat.
 “ Inter mysteria ducimus (& quidem mysteriū est Euch. ipsa)
 “ cujus,

“ cuius quod reliquum est, debet igne absumi (id est) ele-
 “ ganter imprimis Patres, fide adorari, non ratione discuti.
 Hæc ille. vide etiam ejusd. conciones p. 9. 16. 22. 43. 52. 79.
 118. 157. 454.

15. H. Casaubonus in Respon. ad Epist. Card. Perron. ci-
 tato & descripto integro illo Episc. Eliensis loco ex libro contra
 Bell. pag. 51. affirmat hanc esse fidem Regis, & Ecclesiæ
 Anglicanæ super illa re & p. 48. “ Legimus, inquit, in Evan-
 “ geliis, Dominum nostrum cum hoc sacramentum institue-
 “ bat, panem sumplisse & dixisse, Hoc est corpus meum : quo-
 “ modo panis corpus suum esset, ne verbulo quidem uno ex-
 “ plicuisse legimus. Quod legit ecclesiæ Anglicana, hoc pie
 “ credit ; quod non legit, pari pietate non inquit ; Mysteri-
 “ um istud magnum esse, humano ingenio incomprehensibile,
 “ ac multo magis inenarrabile, fatetur & docet, &c. vide au-
 thorem ipsum.

16. J. Ep. Rossensis, De potestate Papæ in rebus temporali-
 bus, &c. contra Card. Bel. In præf. ad lectorem “ Bernardi, inquit,
 “ sententia hæc est ; Quod videlicet usque hodie, eadem ca-
 “ ro nobis, Sed spiritualiter, utique non carnaliter exhibetur.
 “ Huic consona est per omnia doctrina Ecclesiæ Anglicanæ,
 “ quæ (in Catechismo nuper aucto) corpus & sanguinem
 “ Christi in Cœna Domini, vere & realiter exhiberi, & fide
 “ recipi assêrit, modum autem spirituales (& proinde inef-
 “ fabilem & incognitum tradit Et a quæstione *πὲρ τῆς* *τε-
 πῆ* sive de modo præsentiaæ abstinendum esse docet. Ibidem
 ex Cyrillo in Joan. 1. 4. cap. 13. & Theophylacto in Joan. 6.
 Verba Durandi speculatoris, supra citata, & versus illos satis
 notos probat :

“ Corpore de Christi lis est, de sanguine lis est.

“ Deque modo lis est, non habitura modum.

Citat etiam verba Hardingi in responsione ad art. Episc. Juelli
 (hac in re sententiæ Tigurinorum & P. Martyris addictissi-
 mi) De reali præsentia Art. 5. sect. ult. Modum præsentiaæ
 juxta omnes Catholicos verum & realem, sed longe sublimio-
 rem & excellentiorem, supernaturalem, supersubstantialem, in-
 visibilem, inenarrabilem, hujus sacramenti proprium, non
 tantum spirituales, & tamen spirituales esse. verbo modum
 præsentiaæ talem esse, qualem Deus unus novit ; Pontificios
 tantum

tantum reprehendit, qui modum hunc definiunt, per viam sc. transubstantiationis, quam ignorent antiqui.

17. Consentit R. Montacutius in Antidiatrib. contra Buelengerum Diatriba 13. p. 143. & contra Anonymum Controv. Abbreviat. Art. 35. & in Appel. ad Cæsarem, contra Purit. parte 2. cap. 30.

18. Doctissimus Hookerus De politia Ecclesiastica l. 5. sect. 67. Hyperaspistes ipsius Wilielmus covellus Art 17. De Transubstantiatione contra puritanos. Theophilus Fieldus episcopus Landavenfis, in libello, quem Parasceven paschæ inscripsit, Hookeri sententiam magnopere laudat p. 113. & seq. Bilsonus Episc. Winton. Ad Apol. Jesuit. parte. 4. ubi de Eucharistia tractat. Christoph. Suttenuus in libello de hoc sacramento conscripto pene toto; maxime cap. 70. edit Londin. A. 1622. quod caput tum latine, tum Anglice scriptum restat de hac controversia lectu apprime dignum Nuperrime Georg. Singus in sua defensione Jac. Usheri Arch. Armachani, &c. parte 1. Anno. 1632. excus. pag. 12. diserte affirmat, neminem latere, quod multi in Ecclesia Anglicana præsentiam Christi in sacramento consiteantur, licet modum non assignent.

19. Arch. Spalat. ut constat, hanc sententiam prolixè tueretur, D. Rep. Eccl. lib. 5. cap. 6. & lib. 7. cap. 11. n. 7. & n. 8. “ Hic, inquit, est tam atrocis & periculosa dissensionis facillimus modus sopiendæ: ut omnes veritatem corporis Christi “ in sumenda Eucharistia exhiberi uno ore fateamur; & circa “ modum quo fiat hæc exhibitio, quippe ineffabilem & “ inexplicabilem, nobis omnibus silentium perpetuum indicamus: & ex hac dissensione schismata coalita extinguamus. Hæc ille. vide etiam eundem contra errores Fr. Suarez. cap. 2.

20. Legatur etiam Petri Picherelli viri longe doctissimi, & moderatissimi Expositio verborum cœnæ, & dissertatio de Missa, &c.

21. Author etiam Diallastici de veritate corporis Christi in Eucharistia pluribus contendit, & ex scripturis ac Patribus ostendit; Eucharistiam non solum figuram esse corporis Domini, Sed etiam veritatem ejusdem, naturam atque substantiam in se comprehendere: licet quæ de discrimine inter illud corpus Christi, quod in sacramento distribuitur, & id quod de Virgine Maria assumptum, in cœlos ascendit, &c. Bertram sequutus, differit, facile aliquos offendant, (ut Cassan
dr

dri verbis utar in lib. Epist. epist. 3.) quibus, ex verbis Christi persuasum est. & quidem vere non aliud corpus in sacramento fidelibus dari, quod a Christo pro fidelium salute in mortem traditum fuit. Quamvis autem (inquit) hic distinctione, aliqua opus sit, malim tamen illam ad modum præsentiæ & exhibitionis, quam ad ipsam rem subjectam h. e. corpus Christi adhiberi, &c. Diallacticon hoc exstat in fine Volum. secundi Tractationum Theologicarum Bezzæ. Author hujus libri fuit J. Ponetus Episc. Wintoniensis Anglus, & non alio consilio scriptus & editus est, quam ut dissidentes Lutheranos & Zuinglianos in gratiam reduceret. Vide Hospin. loco quo supra pag. 245. 246.

22. Sed quia sententia hæc non sat recte intelligitur, neque explicatur a multis, qui eandem sequi videntur, ac proinde concordia inter dissidentes impeditur, paulo distinctus hac de re, quam multi alii consueverant, dicamus.

23. Multi hanc veram & realem præsentiam Corpus & Sanguinis Christi in Eucharistia, & utriusque communicationem ne oralem & corporalem aliquam admittere & afferre videantur, spiritualiter tantum & per fidem utramque effici & perfici affirmant. Ecclesiæ Anglicanæ fidem sic exprimit Casaub. in Resp. ad Epist. Card. Perr. Loco quo supra “ Ecclesiæ Anglicana, ut rem omnem
“ brevi compendio complectar, in Cœna D. realiter participem se fieri credit corporis & sanguinis Christi,
“ ut Patres Græci dicunt, & quod Bell. ipse fatetur,
“ spiritualiter. Per fidem enim Christum apprehendunt
“ & manducant, &c. Eadem Ecclesiæ in exhibitione panis mystici, hæc verba Ministro præscribit dicenda;
“ Corpus Domini, &c. accipe, & ede hoc in commemorationem mortis Christi pro te, & temet illo ale in corde tuo per fidem cum gratiarum actione. vide etiam alios.

24. Spiritualiter profecto corpus Christi in Eucharistia exhiberi, & accipi nonnulli Veterum diserte dixerunt. Athan. in illud Evangelium, Quicumque dixerit, &c. “ Quot hominibus corpus ejus suffecisset ad cibum, ut universi mundi alimonia fieret. Sed propterea ascensionis suæ in coelum mentionem fecit, ut eos a corporali intellectu abstraheret,

“ abstraheret, ac deinde carnem suam (de qua locutus erat)
 “ cibum e supernis cœlestem, & spirituales alimoniam
 “ (*καὶ πνευματικὴν τροφήν*) ab ipsis donandam intelli-
 “ runt. Quæ enim Locutus sum vobis, inquit, spiritus &
 “ vita sunt; quod perinde est, ac si diceret, corpus meum
 “ quod ostenditur, & datur pro mundo, in cibum dabitur,
 “ ut spiritualiter (*πνευματικῶς*) unicuique tribuatur,
 “ & fiat singulis tutamen præservatioque ad resurrectionem
 “ vitæ æternæ. Hæc sive ille, sive aliquis alius scriptor Ve-
 “ tus. Macarius Homil. 27. “ Illo tempore Magnates, Justī,
 “ Reges & prophetæ noverant venturum esse Redemptorem;
 “ at passurum esse, crucifigendum, &c. non norant, &c. ne-
 “ que ascendit in eorum cor baptismi futurum ignis ac spiritus
 “ sancti item in Ecclesia offerendum esse panem & vinum, an-
 “ titypon carnis ejus & sanguinis, sumentesque de pane visi-
 “ bili, spiritualiter, *πνευματικῶς*, carnem Domini esuros,
 “ &c. Bern. in Serm. de S. Martino affirmat, in Sacramento
 “ exhiberi nobis veram carnis substantiam, sed spiritualiter, non
 “ carnaliter, ut ipse Bell. fateri cogitur, De Eucharistia lib. 1.
 “ cap. 2. S. Tertia Regula “ licet, inquit, non videatur hæc vox
 “ (spiritualiter) multum frequentanda, quia periculum es-
 “ set, ne traheretur ab adversariis, non tam ad modum,
 “ quam ad ipsam naturam significandam. Sed illud, Spi-
 “ ritualiter, neque Romanenses ipsi recte explicant, adesse
 “ sc. Christum in Eucharistia, non carnaliter, non corpo-
 “ raliter, id est, eo modo quo suapte natura existunt cor-
 “ pora, nec sensibilibus, mobiliter, &c. Sed spiritualiter,
 “ id est, modo existendi spirituum, cum Christus totus sit
 “ in qua libet parte, adesse tamen per transsubstantionem, ita
 “ ut motis speciebus vere moveatur corpus Christi, quamvis
 “ per Accidens: quomodo anima nostra vere mutat Lo-
 “ cum, cum corpus mutat locum, & ut vere & pro-
 “ prie dicamus Christi corpus in Eucharistia, attolli, de-
 “ poni, deferri, collocari in altari, vel in pixide, trans-
 “ ferri a manu ad os, & ab ore ad stomachum ut loqui-
 “ tur Bellarm. Loco quo supra, S. Ideo sit regula Sex-
 “ ta, &c. & ut recte in Concilio Romano sub Nico-
 “ lao II. compulsus sit Berengarius confiteri Christi cor-
 “ pus, ratione specierum sc. sive accidentium, quibus
 “ Cc conjunctum

conjunctum est , sensualiter Sacerdotum manibus tangi &
 frangi ut asserit Bell. ibid. S. Quinta regula. Hæc omnia at-
 que id genus alia plurima nec Scripturæ nec Patres unquam
 nobis tradiderunt. Neque etiam Protelt. illi, qui illud, spi-
 ritualiter, sic intelligunt, nos solo intellectu, ac pura fide re-
 cipere in nos corpus Christi, Mentem Sp. S. in Scripturis, &
 Patrum assequuti sunt “ sic enim (ut verbis utar Arch. Spa-
 “ lat. De R. Eccl. l. 5. cap. 6. in Appendice ad Cyrill. Alex.
 “ n. 8.) nihil differret Sacramentalis receptio, a fide incarna-
 “ tionis (adde etiam mortis & passionis) differt tamen plu-
 “ rimum, non in effectu, quia ut vidimus in Hilario per fidem
 “ incarnationis assequimur & animæ salutem, & corporis
 “ immortalitatem, & in Eucharistia idem. Sed in modo ope-
 “ randi ; in Eucharistia enim, præter fidem, quæ est necessa-
 “ ria, & qua per solum intellectum unimur carni Christi, quæ
 “ est objectum nostræ fidei, ponimus conjunctionem quan-
 “ dam spirituales veræ & realis carnis Christi cum anima &
 “ corpore etiam nostro, quam melius vocare non possumus,
 “ quam sacramentalem *h. e.* quæ per viam comestitionis fiat ;
 “ ut dum panem sacrum comedimus, simul cum pane, non
 “ via corporali, sed alia soli Deo nota, quam spirituales vo-
 “ camus, quia certum est, non posse esse corporalem, eam ve-
 “ ro fatemur cum patribus esse ineffabilem, inexplicabilem,
 “ inexquiritam (ut Cyrill. vocat) *h. e.* non inquirendam, nec
 “ indagandam, sed sola fide credendam, nobis exhibeatur ip-
 “ sum verum corpus Christi, &c. & paulo post. Et hæc unio
 “ realis, sacramentalis in modo longe diversa a sola unione fi-
 “ dei, omnes machinas, omnia argumenta, omnia commenta
 “ Perronii demolitur, & vera Patrum sensa a reali præsentia &
 “ soli Deo cognitus. Alterum vero (corporaliter) omnino est
 “ in Cyrillo admittendū, quia & objective, & etiā subjective il-
 “ lud intelligit. ita ut corpus Christi sit receptionis abjectū, &
 “ corpus nostrū sit ejusdē receptionis subjectū & non solus spi-
 “ ritus aut intellectus sed modus hujus receptionis sit penitus,
 “ etiā fidei nostræ, ut dixi, occultus, ut Christi corpus sit in no-
 “ bis non solū objective sed etiam subjective, modo tamen quo-
 “ dā divino spirituali & ineffabili. Hæc ille, apud quem mul-
 ta alia in eandem sententiam ibi atque alibi legere est.

25. Ac proinde male docetur a multis Pro. hanc præsentia
 & communicationē per fidē effici, quia, ut inquiunt illi, fides
 verbo Dei nitens, res facit præsentēs quæ promittuntur Fides,
 ut

ut constat, magis proprie dicitur accipere, & apprehendere, quā vel polliceri vel præstare, Verbū Dei, & promissio, cui fides nostra nititur, præsentia reddit quæ promittit, non fides nostra. Vide Cl. Espensæum Oper. p. 923. & seq. De collatione habita Sangermani inter Prot. & Rom. aliquot Anno 1561. & J. Aug. Thuanum Hist. l. 28. p. 47, &c. promissio hujus præsentis & communicationis effectum quidem, maxime salutarem, non operatur neque obtinet, nisi in fide viva credentibus, & digne communicantibus, utriusque tamen causa & fundamentum, est, verbum promissionis Christi, non fides nostra.

26. Falso etiā asseritur, haud aliter nos corpus Christi in Eucharistia comedere, quam Patres V. T. qui crediderunt in Christū. Haud dubie præci fideles, ante Christi incarnationē carnem Christi spiritualiter edebant in manna & rebus aliis figuratam, & sufficienter pro statu œconomis illius, ad salutem. 1. Cor. 10, &c. Sed nihilominus per communicationem carnis Christi in Eucharistia, multo altius & solidius nos Christianos incorporari Christo, quam præci fideles, qui Christi incarnationem præcesserant, qui spiritualiter tantum, sive per solam fidem carnem Christi manducabant, credidit semper Ecclesia Catholica. Quod in re sumebatur a Judæis in esu agni Paschalis (ut recte affirmat Arch. Spalat. De R. Eccl. lib. 5. cap. 6. n. 49.) nihil aliud erat nisi agnus, cibus de se consumptibilis. Christi enim corpus, etsi spiritualiter sumeretur per fidem, non tamen in re ipsa sumebatur sed in spe. At vero panis noster exhibet ipsum Christi corpus reale in re ipsa, & non in spe tantum: illi igitur manducabant cum agno Christum fide rei futuræ, & speratæ, nos vero comedimus eundem Christum fide quidem ut illi, sed fide rei præsentis, quæ actu ipso, & non sola spe, nobis cum pane exhibeatur, modo tamen ineffabili, certe non corporali, quod illis non contingebat, & sic illi re ipsa non comedebant corpus Christi, &c. v. etiam eundem ibid. n. 51. & 77. pag. 167. & n. 97. pag. 191. Admissa igitur illa, ut supra innui Aug. expositione loci 1. Cor. 10. Patres nostri eandem escam spirituales manducaverunt, &c. i. e. (ut ait ille in ps. 77. & tract. 26. in Joan) Hæbrei fideles eandem escam spirituales comederunt, quam nos, (licet Chrysost. Theophil. & alii multo rectius verba illa intelligant de esca eadem inter omnes Hæbreos tum

Bonos tum malos , non autem nobiscum) nihil aliud inde conficitur, quam eandem Judæorum & Christianorum escam fuisse quoad significationem, non autem quoad rei significatæ & figuratæ præsentiam & exhibitionem. Aliud est Pascha inquit Aug. l. 2. contra literas Petiliani, c. 37. quod Judæi de ore celebrant, aliud quod nos in corpore & sanguine Domini accipimus. Et in Psal. 75. Idem, inquit, in mysterio cibus, & potus illorum, & noster; sed significatione idem non specie, quia idem ipse Christus illis in Petra figuratus, nobis in carne manifestatus. Haud absurde igitur dicitur agnum pascalem, manna, Petram, &c. Fuisse Sacramenti Eucharistiæ typos & figuras quia quod illa typice significabant & figurabant, hoc non tantum significat & figurat, sed re ipsa etiam exhibet, sed bonis & fidelibus tantum; ut infra dicemus licet panis mysticus nec substantialiter sit ipsummet Christi corpus, neque etiam corporaliter idem in se, &c. contineat.

27. Perperam etiam asseritur non aliter in sacramento esse Christi corpus quam inesse in verbi prædicatione & auditu atque res easdem esse, Christum in baptismo induere & ipsius carnem ac sanguinem in cœna sumere. Christum illiusque cœlestia beneficia per Verbum, Baptismum & alia Sacramenta (de quibus alias Deo propitio dicemus) atque per fidem maxime ex parte nostra, modo viva sit ea, nobis a Deo exhiberi & a nobis accipi certissimum est: Sed non minus certum est per manducationem mysticam corporis D. & potum ejus sanguinis in Eucharistica nos multo efficacius & plenius, sublimius & augustius, strictius & arctius corpori & sanguini Christi uniri & incorporari quam per illa. Quam ob causam hoc sacramentum dicitur per excellentiam Communio; ut recte annotat Is. Casaub. exerc. 16. pag. 508. 509. quia sc. hunc modum per manducationem mysticam Christus instituit longe efficacissimum, perficiendæ unionis & conjunctionis, quam arctissimæ inter sese & membra sua, itemque membrorum ipsorum inter se.

In cœna enim per admirabilem virtutem Spiritus Sancti, invisibiliter substantiæ corporis Christi communicamus, cujus particeps efficimur, haud secus ac si visibiliter carnem & sanguinem ejus ederemus & biberemus. In baptismo lavacrum est, sed hic alimentum. Baptismus ingressus est in Ecclesiam: Cœna nutrimentum in ecclesia & conservatio. Baptismus est salus, Sacramentum corporis Christi vita, ut ait Aug.
de

de peccatorum merit. & remiss. lib. 1. c. 24. Vide P. Picherellum de Missa pag. 208. & 210. & ad mysticam manducationem verum Christi corpus, non tantum animæ, sed etiam corpori nostro, spiritualiter tamen, hoc est, non corporaliter, exhibetur, & sane alio ac diverso, nobisque propinquiori modo, licet occulto, quam per solam fidem : ut recte Arch. Spalat. ubi supra pag. 237. “ Et licet Johan. cap. 6. de esu sacramenti non agat, &c. inquit P. Picher. pag. 193. tamen de eadem carnis Christi manducatione spirituali, mysticaque cum Christo conjunctione ; illic certe per fidem de conjunctionis initio ; in Sacramento autem conjunctionis majoris propinquitate, augmento, confirmatione, & strictiore arctioreque vinculo, loquitur. Et fides qua proprie Christi caro in Eucharistia spiritualiter, *b. e.* incorporaliter, manducatur non est ea sola, ut quidam dicunt, qua Christus pro peccatis nostris crucifixus & mortuus creditur ; Ea enim fides præsupponitur quidem & prærequiritur sacramentali manducationi sed non est ejus propria ; Sed ea fides est, qua creditur verbo Christi dicentis, Hoc est corpus meum, &c. Credere enim Christum ibi esse præsentem, etiam carne vivificatrice, & deliderare eam sumere, nimirum hoc est spiritualiter & recte eam manducare in Eucharistia : unde Aug. super Joan. tract. 25. Quid paras dentem & ventrem? crede & manducaſti, &c. ut doctiores norunt & notant.

28. Denique gravissime erratur, quando Christum non esse realiter in Eucharistia, hisce ratiunculis urgetur. Christus est in cœlo, loco circumscriptus, &c. igitur non est reipsa vel realiter in Eucharistia. Nemo enim sanæ mentis, Christum e cœlo vel de dextra partis descendere visibiliter aut invisibiliter, ut in cœna vel lignis localiter adsit, existimat : Fideles omnes unanimi consensu & uno ore profitentur se firmiter retinere articulos fidei, Ascendit in cœlos, sedet ad dextram Patris & modum hujus præsentis credere se non esse naturalem, corporalem, carnalem, localem per se, &c. Absque ulla tamen cœlorum desertione, sed supernaturalem, vide scripta Buceri Anglica pag. 548. &c. Nimis tamen audacter quamplurimi, multis retro sæculis, atque imprimis hoc nostro rixosissimo; nimis inquam audacter, imo plus satis crasse & materialiter de præsentis modo loquuti sunt, hodieque loquuntur, quem nos infinitæ Dei sapientiæ & potentiæ omnino reliquendum censemus. De cæteris quæ de orali, etiam indignorum manducatione

catione corporis D. dicenda restant, supersedemus scribere donec de Transubstantiatione & Consubstantiatione paucis disseruerimus.

CAP. II.

In quo de Transubstantiationis possibilitate agitur.

I. **Q**UOD ad Transubstantiationem attinet, admodum periculose & nimis audacter negant multi Protest. Deum posse panem substantialiter in corpus Domini convertere. Multa enim potest Deus omnipotens facere supra captum omnium hominum, imo & angelorum. Id quidem quod implicat contradictionem, non posse fieri concedunt omnes; Sed quia in particulari nemini evidenter constat, quæ sit uniuscujusque rei essentia, ac proinde quid implicet, & quid non implicet contradictionem, magnæ profecto temeritatis est propter cæcæ mentis nostræ imbecillitatem; Deo limites præscribere, & præfracte negare omnipotentia suæ illum hoc, vel illud facere posse: Placet nobis judicium Theologorum Wirtembergicorum in confessione sua Anno 1552. Consilio Tridentino proposita cap. de Eucharistica: (Vide Harmon. Confess.) Credimus, inquiunt, omnipotentiam Dei tantam esse, ut possit in Eucharistia substantiam panis & vini vel annihilare, vel in corpus & sanguinem Christi mutare. Sed quod Deus hanc suam absolutam omnipotentiam in Eucharistia exerceat, non videtur esse certo Verbo Dei traditum, & apparet Veteri Ecclesiæ fuisse ignotum. Hæc illi modestè satis. Consentit Andr. Fricius lib. 4. de Ecclesia cap. 16. pag. 295.

2. Zuinglius & OEcolump. aliquoties, ut constat. concesserunt Luthero, & illius sequacibus, ac proinde & Romanensibus, ut qui idem non minore contentione urgent in transubstantiatione sua defendenda, quam illi in consubstantiatione sua, Deum quidem hoc posse efficere, ut unum corpus sit in diversis locis, sed quod idem in Eucharistica fieret, & quod

quod Deus id fieri vellet, id vero sibi probari postularunt. Utinam hic pedem fixissent, nec ulterius progressi fuissent discipuli. In Col. Malbrunnenſi actione oct. Jacobo Andreæ Lutheranò obſcipienti Calviniſtas negare, Chriſti corpus cœleſti modo pluribus in locis eſſe poſſe, ita reſpondet Zach. Uſſinus, Theol. Heidelburgenſis. Non negamus, eum ex Dei omnipotentia pluribus in locis eſſe poſſe, hoc in controverſiam non venit, ſed an hoc velle Chriſtum, ex verbo ejus probari poſſit. Itaque hoc te velle exiſtimavimus, Chriſti corpus non tantum poſſe, ſed etiam reiſſa oportere in S. Cœna præſens eſſe. &c. v. Uſſ. &c. p. 155. Idem Uſſin Actione ead. p. 153.

“ Conaberis etiam oſtendere (alloquitur Jacobum Andream)

“ elevari & imminui a nobis omnipotentiam Dei, cum dicamus

“ Deum non poſſe facere, ut corpus in pluribus ſit locis, aut ut

“ Chriſti corpus per lapidem penetret : De quo reſponſum

“ eſt non ſemel, nunquam quaſitum eſſe aut diſputatum, an

“ poſſit Deus hoc aut illud efficere ; ſed hoc tantum, an ita ve-

“ lit, &c. Quam vere hæc ultima dicta ſunt, judicet Lector

æquus. Sæpe enim Matth. Martinus contra Mentzerum, aſ-

ſerit poſſe quidem Deum, ſed non velle, &c.

3. P. Martyr. in Diſput. de Euchariftia cum Romanenſibus habita Oxon. 1549. illis conceſſit, per miraculum Chriſti corpus, per aliud corpus ſolidum forte penetrare potuiſſe, atque ſic duo corpora ſimul in eodem loco fuiſſe, licet negaret, propterea unum corpus in pluribus locis ſimul eſſe poſſe.

Utrumque tamen iſtud plurimis Philoſophis & Theologis doctiſſimis in natura æque abſurdum & impoſſibile, & Deo tamen poſſibile eſſe videtur, Verba P. Martyris hic adſcribam.

“ Quum Morganus Theologus Romanæ partiſ locum obſeſ-

“ ſet Chryſoſtomi in cap. 20. Joan. hom. 86. de penetratio-

“ ne corporis Chriſti ad diſcipulos januiſ clauſiſ, reſpondit

“ P. Martyr pag. 139. Chryſoſtomus, inquit, aſcribit corpori

“ Chriſti, levitatem & tenuitatem tantam, ut januiſ clauſiſ

“ ingredi potuerit, & craſſitudinem tantam aufert quanta

“ potuit impedire illum ingreſſum, non tamen omnem ; Sub-

“ jecit continuo Morganus, corpus Chriſti intravit clauſiſ fo-

“ ribus, craſſitudine non impediente, ut dicis, ergo tunc erant

“ duo corpora in uno loco. Martyr ad hæc inquit, duo reſpon-

“ deo : primum quod S. Literæ nobiſ narrant hoc miraculum

“ ideo facile illiſ creditur. Verum quod corpus Chriſti ſub-

“ ſtantialiter præſens ſit in multis lociſ nuſquam docent, &c.

Alterum, quod assero est: In illa penetratione corporis Christi
 ad discipulos vi divinitatis potuisse quantitatem parietis ita
 cedere, ut duo corpora non fuerint simul eodem loco. Et
 memini Tertullianum (quia soletis etiam adducere corpus
 Christi egressum ex utero Virginis clauso) in L. de Carnis
 Resurrectione scribere, Christum nascendo vulvam matris
 apperuisse. Quod etiam Cypr. in expos. Symboli affirmat,
 & Hier. ad Eultochium, &c. scribit Christum de utero Vir-
 ginis cruentum egressum esse. Sunt qui existimant Chri-
 stum egressum uterum Virginis integrum omnino & clau-
 sum. Ut ergo non omnes idem sentiunt quoad hoc, ita ego
 duplicem tibi dedi responsionem; Unam, qua penetrationem
 istam concedo per miraculum, non tamen ita ut, corpus
 Christi omnem quantitatem penetrando aniserit, a simili
 autem, non concedo corpus Christi esse in multis locis, quia
 hoc non tradit scriptura, sed secus ostendit. Altera responsio
 est, vi divinitatis cessisse fores, ut aliqui dicunt apertum Vir-
 ginis uterum, &c. Et p. 198. Deinde Patres qui hanc pene-
 trationem sic affirmant, non habuerunt forte pro tam absur-
 do in natura duo corpora esse simul in eodem loco, quam
 unum corpus esse simul in multis locis. Hæc ille. Idem con-
 tra Gardinerum p. 37. Mihi inquit, dubium non est, vi divi-
 na, partes ostii (per quod sc. Christus ad discipulos ingressus
 est) & lapidis (monumenti sc. vide loc.) cedere potuisse,
 donec transieret Domini corpus, atque post illud ossequium
 rursus fuisse conjunctas, &c. Sed vos fingitis, mansisse
 lapidis & ligni soliditatem, atque ea salva neque cedente,
 corpus Christi transisse. Cur suam potius non relinquitis
 corpori Christi soliditatem cui lapis & lignum ad momentum
 cesserit? profecto quod a me dicitur, & facilius est, & longe ve-
 rissimilius. Si cui tamen videretur vestræ imaginationi assenti-
 ri, quod mihi non videtur, posset adhuc rixam movere, an tan-
 tundem absurdi habeant: Duo corpora simul in eodem loco
 esse, & unum idemque corpus; præservatim humanum, per
 multa loca defundi. Vos, scio, dicetis paria hæc esse. Quid
 si ille negarit? Dixeritque hic tolli atque aboleri naturam
 humani corporis, ibi vero servari? Quibus, obsecro, ratio-
 nibus illum a sua sententia dimovebitis; Hæc ille.

4. Rod. Hosp. in lib. de Formula concordie p. 33 facie altera.
 Subito disparere, super aquas ambulare, cæteraq; ejusmodi,
 veritatem

“ veritatem corporeæ substantiæ non tollunt : neque etiam
 “ per corpus solidum penetrare, quia sunt duntaxat *παρρη-
 “ σιν* & *ὑπερρουσιν* sed plurimis simul locis esse totum, &c.
 “ omnia hæc sunt vere *ἐντεταλμένα*, unique Deitati quadrant.
 Vide Authorem, P. Mart. addictissimum.

5. Bened. Aretius Theologus Bernensis, in Joan. 20. 19.
 “ Ars vero clausis relictis foribus sit ingressus Christus incer-
 “ tum est, inquit, fieri potest ut apertæ sint sponte ad Christi
 “ præsentiam; tamen Theophil, & Chrysost. & Cyril. sic acci-
 “ piunt quasi divinitatis hinc argumentum eluceat. vide Cyril.
 “ lib. 12. in Joan cap. 53. & Theophil. in hunc locum. Quæ
 “ sententia nihil habet absurdi si ad Majestatem solius Christi
 “ referatur. Nam qua potentia supra aquas ambulavit, eadem
 “ fores vel aperire vel transire potuit, ut Deo nihil illi invium
 “ sit, &c. Sic ille.

Joh. Camerarius vir præstantissimus in c. 20. Joh. “ Jam
 “ sub noctem advenit Jesus, nihil obstantibus aut impedenti-
 “ bus clausis foribus ædium, & mirabilem accessionem illam
 “ fuisse indicatur. Vide illius notas in Nov. Test.

6. Th. Bilsonus, Anglus Episc. Winton. De Christiana sub-
 jectione, &c. Parte 4. p. 373. edit. in 8. de perpetua B. Mariæ
 Virginitate disserens, sententiam Augustini in Enchiridio ad
 Laurent. cap. 34. (Quod si vel per nascentem corrumpetur
 ejus integritas, jam non ille de Virgine nasceretur, &c.) pro-
 bare videtur quod sc. B. Virgo non minus post partum, quam
 illius conceptionem, virgo permanserit, i. e. non solum (ut
 multi alii Prot. explicant) sine cogitatione viri, sed, absq; om-
 ni omnino corporis læsione; & hunc sententiæ Aug. firmandæ
 multa alia ex Aug. operibus ibidem adducit. Vide locum.

7. Similiter scribit Lancel. Andr. Episc. nuper Winton. in
 concione super Isaïæ cap. 8. v. 14 Ecce Virgo concipiet. p.
 74. circa finem & pag. 574 affirmat, ante revolutum per An-
 gelum monumenti lapidem, Christum reddivivum exiisse, li-
 cet de lapidis penetratione nihil diserte dicat.

8. Audiatur hic etiam, si libet lector benevole Joan. Casus
 Anglus Philosophus, & in medicina D. Oxoniensis, in Com-
 ment. in 8. l. Physic. Arist. l. 4 c. 3. p. 523. “ Non tamen hic,
 “ inquit, nego, quin divina potentia hoc fieri possit, ut unum
 “ numero corpus in pluribus simul existat locis : cum constet
 “ divina virtute corporum penetrationem fieri posse ,
 quæ

quæ manifesto probat duo corpora esse posse in uno lo-
 co. Quare pari modo non minus possibile est, per eandem
 virtutem unum corpus in locis pluribus contineri. De priori
 parte nemo Christianorum philosophorum dubitat, qui
 credit Christum illæso Virginis utero natum, clauso sepul-
 chro surrexisse, iterum ad discipulos obseratis foribus fu-
 isse ingressum, & denique ad patrem ascendentem cœlum
 penetrasse. De ultera vero parte quis litigare debet, si pla-
 ceat divinæ majestati potentem virtutis manum Petro por-
 rigere, ut super aquam ipambulet? & D. Ambrosio, ut in
 eodem instanti divinis rebus Mediolani assistere, & Turone
 exequiis D. Martini præsens, interesse dicatur: si Autoni-
 no (viro fide non indigno) sic narranti credamus. v. An-
 ton. 2. p. S. 10. cap. 114. Neque est quod hinc concludas
 contradictionem in Deo. Quæ enim potest esse in infinito
 contradictio, quantumvis hominem in Belluam, aut statu-
 am falis vertat? At dices esse contra dictionem naturæ,
 quam ut ancillam sub umbra alarum fovet. Non est, tum
 quoniam illam ut servam suæ voluntati & potentix subje-
 ctam fecit: tum quoniam illius naturam non immobilem
 sed flexibilem mutabilemque fecit. Adde etiam quod hoc
 concessio, non tamen sequetur contradictio quia natura unius
 vel alterius contra legem naturæ concussa aut mutata, uni-
 versalis natura eodem motu labefactata non concidit. Hoc
 Ergo imperium in multis sibi reservat Deus, ut mortales vi-
 dentes mirabilia Dei, & Deum esse, & mirabilem in suis ope-
 ribus existere semper agnoscerent. Et paulo post. Inte-
 rim moneo curiosos sophistas istius ætatis, in qua (heu!)
 nimis multi Athei esse contendunt, ne in rebus sacris, divinæ
 potentix, mirisque & occultis miraculis naturæ, nimium
 increduli persistant. Incredulitas enim in mysteriis Dei in-
 fidelitatis filia est, spuriosque infinitos nomine Christianos
 gignit. Si rationem ergo non videas, &c. ne statim exclames
 (ut soles) hæc fabula est, fieri non potest: Immo sine con-
 traditione Deus efficere non potest, ut unum idemque cor-
 pus numero in duobus simul subsistat locis, aut duo in uno.
 Qui enim omnia ex nihilo finxit, efficere potest, ut corpus
 clauso sepulchro (non per Angelos, ut ais remoto lapide)
 surgat: ut clauso ostio, non cedente (ut somnias) ad di-
 scipulos intret. Quo concessio, cur spasmo, & paralipsi il-
 lius jam dextram laborare dicis, ut hæc non possit? Nam
 quamvis

“quamvis tecum consentiam, quod raro hæc faciat, dissensio
 “tamen si doceas, quod omnino non possit. Hæc omnia ille,
 quem cum opere mirifice laudant plurimi tum Theologi, tum
 etiam Medici & philosophi Oxonienses, ut videre est in ope-
 ris initio. Viri moderationem commendo. Sæpe tamen est
 aliter valde oportuna locutus.

9. Christum Luc. 2. 23. & a quibusdam etiam Patribus (vi-
 de hic Maldon. in locum Luc. nunc indicatum) Christum na-
 scendo matris uterum aperuisse dicitur : sed quo sensu vide-
 antur. Interpretes. Quam recte autem dicta illa explicant, nos
 quibus brevitatis hic maxime placet nihil dicemus impræsentia-
 rum : certe complures ex Patribus hæc duo ut miracula,
 Christi scil. nativitatem, seu ingressum in mundum per clau-
 sum matris uterum, & ingressum ad discipulos januis clausis
 sæpe conjungere solent ; in utroque totam rationem facti esse
 potentiam facientis, ut loquitur Aug. in Epist. 3. ad Voluf.
 affirmantes. Videantur hic alii hisce de rebus suse differentes.
 Sed, ut dicamus quod res est, nihil hic certi, & tanquam de
 fide, statui potest ignorantiam nostram humiliter agnoscamus
 omnes in plurimis quæ a Deo facta leguntur, quæque etiam non
 raro hodie fieri cernuntur, potentiam divinam admirari disca-
 mus, & caveamus ne propter nostri pectoris angustias quic-
 quam absolutæ Dei potentix, qui operatur supra quam petimus
 aut intelligimus (Ephes. 3.) detrahamus aut derogemus.

10. De modo quo Christus in cælum assumptus est, placet
 modestia Gulielmi Eltji, qui in Anotat. Marc. ult. vers. 19.
 sic scribit : “ Curiosius nonnulli scrutantur, an Christo ascen-
 “dente divisi fuerint cœli, an vero sine divisione eos penetra-
 “verit quomodo clausis januis ingressus fuerat ad discipulos.
 “ Arbitror dicendum Christum pertransivisse cœlos æthereos,
 “ eo modo quo nunc est in summo cœlo ; & quomodo omnes
 “ beati cum gloriosis suis corporibus illic vesaturi sunt. Sed
 “ quo id modo fiat ? Nihil certi : Crediderim tamen cœle-
 “stia corpora cessura sanctorum corporibus, eo modo quo
 “ nostris hic corporibus aer cedit. Nam perpetuam illic di-
 “mensionum penetrationem ponere, minus habet rationis.
 Hæc ille, qui etiam de B. Virginis partu differens Annotat.
 Luc. 2. vers. 23. sic loquitur : “ Vel dici potest, secundum
 “ multos Catholicos doctores, uterum Virginis nullo modo
 “ fuisse apertum, sed miraculo quodam supernaturali, sic
 “ Christum prodixisse utero clauso, sicut prodixit clauso sepul-
 “ chro,

“sepulchro, & sicut ingressus est ad discipulos januis clausis. vel
 “secundum Hieronymum, & alios quosdam dici potest, per
 “naturalem meatum exiisse factum, sine ulla materni corpo-
 “ris violatione, qualis sit in aliis matribus, quæ proinde mag-
 “no cum dolore pariunt, maxime in primo partu. Itaque li-
 “cut in primo statu fuisset partus naturalis, per meatus natu-
 “rales, sine detrimento maternæ integritatis; ita dici potest,
 “& in illa matre id accidisse, cui soli contigit sine corruptione
 “concipere. Nam & in primo statu conceptus & partus, sine
 “virginitatis detrimento fuisse, quia corruptio est ex peccato.
 Hæc ille.

11. Accidentia etiam, per divinam omnipotentiam extra
 omne subiectum posse existere, putavit David Corlæus Ultra-
 jectinus in suis Exercitationibus Philosophicis, exercit: 5.
 Sect. 2. p. 93. “Quin & extitisse, ait videri deduci ex histo-
 “ria creationis. Dicitur namque lucem esse conditam. Hæc
 “erat inquit, accidens, non aliqua substantia lucida. Ap-
 “pellavit enim lucem Deus diem, tenebras noctem. At dies
 “non est substantia aliqua lucida, sed lumen productum, quod
 “est accidens. Lux hæc in nullo erat subiecto. Quodnam
 “quæso fuisset illud? An aer? Sed ille die secundo demum
 “producebatur. An terra? Sed hæc est corpus opacum. An
 “aqua? Sed hæc erat terræ permixta. Taceo, quod aqua il-
 “luminata dies vocari nequeat. An cælum primo die condi-
 “tum? Sed illud est Empyreum. In eo vero non fuit hæc lux,
 “quia in eo non fuit dies, no fuit nox. Lux vero dies voca-
 “batur. Fuit ergo accidens extra subiectum, &c. Sic ille,
 qui tamen ut ab aliis Rigidiorum quorundam Protest. pla-
 citis non penitus abhoruisse illum videas, exercit. 10. De
 loco Sect. 1. p. 212. contendit non posse unum corpus esse
 in duobus locis, ut nec duo corpora in uno loco, &c. Ra-
 tio hæc de prima luce ab omnibus fere Rom. huic senten-
 tiæ probandæ offertur; in eandem sententiam citato etiam
 Basil. hom. 2. de Opere sex dierum, & rursus hom. 6. & Joan.
 Damasc. lib. 2. De Fide Orthod. cap. 7. Vide Bell. de Euch.
 lib. 3. cap. ult. aliosque fere omnes. Sed supra hac re pla-
 cet magis iudicium Bened. Pererii in 1. Gen. 3. “Si
 “Basil. inquit, ut præ se fert, sensit, lucem quæ est
 “Accidens, ab omni materia separatam, esse a Deo
 “primo die creatam, maximum profecto inducit mi-
 “raculum, & nunquam alias factum preterquam in unico
 Eucha-

“ Eucharistiæ sacramento. In prima vero rerum effec-
 “ tione ad miracula non est confugiendum. Quod si Ba-
 “ sil. existimavit primam illam lucem fuisse factam in aliqua
 “ materia, quæ postea Soli sit adjecta, vel ex qua Sol forma-
 “ tus fuerit, idem sentit Beda & Greg. Nazianz. in oratio-
 “ ne de Novo die Dominico. Sic ille. Audiamus etiam Es-
 “ tium in Annot. Gen. 1. 3. “ Probabilissimum inquit, vide-
 “ tur, per illam lucem intelligi, vel corpus aliquod lucidum,
 “ vel potius ipsam qualitatem lucis, magna cœli parte diffu-
 “ sam; Quæ quidem lucida cœli pars, deinde fuerit instar ma-
 “ teriæ, ex qua postea in partes distributa, ac veluti in igneos
 “ globos condensata, Sol, Luna, cæteræque stellæ factæ fuerunt,
 “ &c. Sic ille.

12. Christoph. Sheiblerus Lutheranus, Introd. Log. c. 6. p.
 302. 303. “ Pontificii quidem, inquit, dicunt. Divina virtu-
 “ te posse Accidens a substantia separari, sicut aiunt sac-
 “ tum esse in Eucharistia; in qua post consecrationem di-
 “ cunt esse quantitatem, & figuram, & saporem, & colorem,
 “ &c. panis; ablata substantia panis, Sed hæc sententia
 “ efficaciter refutatur ex scriptura, quæ post consecrationem
 “ etiam nominat panem, neque ulla est necessitas hic a lite-
 “ ra recedendi. Nunc autem non definimus, an alioquin divina
 “ virtute possint accidentia extra subiectum subsistere. Sic
 ille.

Jo. Juellus Episc. Sarisburiensis, vir quidem doctissimus,
 sed Tigurinis & P. Martyri in controversia Sacramentaria ni-
 mium addictus, ut supra monui, in Replicatione ad Hardingi
 responsionem, &c. Art. 10. De Accidentibus sine subiecto, in
 “ fine. Novimus, inquit, Deum omnipotentem esse, & posse non
 “ solum Accidentia sustinere (sine subiecto sc.) sed & mortuos
 “ postquam computruerint, ad vitam revocare. Sed ut Tertull.
 “ contra praxeam ait. Non quia omnia potest facere, ideo cre-
 “ dendum est, illum fecisse: sed, an fecerit, requirendum. Sic ille.
 Similiter Arthurus Bathomens. & Wellens. Episc. in concione
 super Marc. 14. 35. 36. p. 147. affirmat Romanenses in Argu-
 mento Transsubstantiationis multum de possibili divina poten-
 tia differere, quum Prot. solum de possibili secundum volunta-
 tem divinam loquantur. vide locum.

Certe haud pauca firmiter credimus omnes, quæ, si ratio hu-
 mana consulatur, non minus impossibilia esse, & contra-
 dictionem

ditionem manifestam implicare videntur, quam ipsa Transsubstantiatio, de quibus lege sis alios, qui hæc fusius pertractant; dogma de resurrectione eorundem numero corporum, ut alia mittamus, post Originistas & huius sæculi Anabaptistas, hodie etiam Remonstr. tot non minus difficilibus quam curiosis, ineptisque quæstionibus, quæ aptæ natæ sunt, fidem & veritatem totius Articuli de Resurrectione mortuorum plane suspectam reddere ac dubiam, obnoxium esse videtur; ut affirmare non vereantur, de eo se nihil certi definire posse, sed unicuique suum iudicium derelinquere liberum, donec summus Arbitrarius quæstionem decidat. Vide Resp. ad Specimen Calumniarum, &c. pag. 121. & Apolog. &c. cap. 19. &c. Nimirum horum hominum hac in re, ut & in aliis multis audaciam in dubium vocandi ea, quæ ab omnibus orthodoxis semper credita sunt, & quidem Scripturis clarissime suffragantibus, probare non possumus; discant tamen hinc omnes, si Paganam infidelitatem, vel etiam Scepticam ἐποχὴν, Pyrrhonicam hæsitantem & Theologiam Problematicam, ut appellant devitare velint, mature capistrum lascivix rationis nostræ injicere, & sub fidei obsequium, in iis quæ clare sunt in Scripturis tradita, humiliter captivare; in aliis etiam, quæ non adeo clare nobis patefacta sunt, infinitam tamen Dei potentiam non nimis coarctare & restringere ad communem naturæ cursum & rationis nostræ captum. Interest enim & nostræ pietatis, & Dei immensitatis, ea sentire, quæ sentire non possumus: sentire quidem in ipso per ipsum, quæ per nos sentire nequeamus. Nunquam satis fuerit homini cœlicis ingenii, cogitare omnia magnifica, ingentia, immensa de ineffabili omnipotentia Dei. Nam quotusquisque nostrum ignorat inscitiam suam? Quam tum demum cum vera sapientia commutabit: ubi non invitus ac vere lubens, fatebitur se nihil scire, ut præclare inquit Schaliger exercit. 365. Sect. 9.

CAP. III.

In quo, Transubstantiationem de fide non esse, immo cum Scripturis & Patribus vetustioribus pugnare, hereseos tamen minime damnandam esse paucis ostenditur.

1. **N**ON extare locum ullum Scripturæ, tam expressum, ut sine Ecclesiæ declaratione in Concilio Lateranensi (scilicet sub Innocentio tertio congregatæ) evidenter cogat transubstantiationem admittere, dixit Scotus, ut fatetur Card. Bellarm. De Eucharistia lib. 3. cap. 23. “ Atque id (inquit Bell.) non est omnino improbabile. Nam etiam si Scriptura, quam nos supra adduximus (nempe hoc est corpus meum) videatur nobis tam clara, ut possit cogere hominem non protervum; tamen an ita sit, merito dubitare potest cum homines doctissimi & acutissimi (qualis imprimis Scotus fuit) contrarium sentiant. Sic ille.

2. Gabr. Biel. in Canone Missæ Lect. 40. “ Quamvis expresse tradatur in Scriptura, quod corpus Christi veraciter sub speciebus panis continetur, & a fidelibus sumitur: tamen quomodo ibi sit Christi corpus: an per conversionem alicujus in ipsum, an sine conversione incipiat esse corpus Christi cum pane, manentibus substantia & Accidentibus panis, non invenitur expressum in Canone Bibliæ.

3. Cajetan. in 3. Qu. 75. A. 1. “ Dico autem, ab Ecclesia, quoniam non apparet ex Evangelio coactivum aliquod, ad intelligendum hæc verba proprie, nempe, Hoc est corpus meum. Vnde Alanus, lib. 1. de Eucharistia cap. 34. p. 419. “ Cajetanus, inquit, & aliqui vetustiores audienti non sunt, qui dicunt panem definire esse, non tam ex Evangelio, quam ex Ecclesiæ autoritate constare.

4. Episc. Roffensis contra Captiv. Babil. c. 9 p. 99. “ Corpus Christi fieri per consecrationem, non probatur nudis Evangelii verbis, sine pia interpretatione Ecclesiæ & cap. 1. “ Neque

“ Neque ullum hic (de loco Matthæi loquitur) verbum po-
 “ politum est, quo probetur, in nostra Missa veram fieri car-
 “ nis & sanguinis Christi præsentiam (qualem sc. Romana
 “ Ecclesia docet) Sic ille.

5. Gul. Chedzeus Anglicus. Theologus Romanæ partis in
 Disput Oxon. cum p. Martyre de Eucharistia p. 75. “ Quan-
 “ tum, inquit, ad præsentiam corporis tui in sacratissimo
 “ eucharistiæ sacramento, firmiter credo (Domine) ex ore
 “ tuo, &c. p. 76. De modo autem, quo, aut qua ratione
 “ ibi sit, an cum pane, transubstantato, & (ut dicunt)
 “ transubstantiato pane 107. apertis verbis Scriptura non
 “ docet. Sed quid dicemus? apertis verbis non docuit, ergo
 “ non docuit? absit, Docuit, Sed obscurius, quando dix-
 “ it, Hoc est corpus, &c. docuit postea per Spiritum san-
 “ ctum, clarius, docuit Ecclesiam, docuit Concilia, docuit
 “ Patres omnem veritatem, &c. Sic ille.

6. Præter multos ex doctissimis Protest. qui dogma Trans-
 substantiationis, cum Scripturis, tum Patribus adversari lu-
 culentissime demonstrarunt, adi, obsecro, Lector, eruditam
 P. Picheielli expositionem Verborum Institutionis Cœnæ
 Domini, &c. & ejusdem dissertationem de Missa. Lege, & di-
 ligentissime considera. Vide etiam Arch. Spalat. l. 5. de Rep.
 Eccl. cap. 6. fusissime hoc dogma impugnantem & refellen-
 tem.

7. Inter locos quamplurimos, qui ex Patribus, contra hoc
 dogma produci solent, hi maxime illustres sunt: Jo. Chry-
 sost. in epist. ad Cæsarium monachum contra hæres. Apolli-
 narii “ Sicut, inquit, antiquam sanctificetur panis, panem no-
 “ minamus: divina autem illum sanctificante gratia, medi-
 “ ante sacerdote, liberatus est quidem ab appellatione panis,
 “ dignus autem habitus est Domini corpus appellatione, etsi
 “ natura panis in ipso permansit: & non duo corpora, Sed
 “ unum Filii corpus, corpus prædicatur, sic & hic divina
 “ mundante natura (vel potius divina natura in corpore insiden-
 “ te, Græce enim *ἐνδησώμενος* legitur) unum Filium, unam
 “ personam, utraque hæc fecerunt. Negant quidem Rom.
 (v. Bell. de Euch. lib. 2. cap. 22. aliosque) hanc epistolam
 Chrysost. esse, cum inter Chrysostomi opera nusquam repe-
 riatur: extitisse tamen illius MS. in Bibliotheca Florentina
 exemplar, unde ista transcripsit: testatur P. Martyr, ut ex eo
 affir-

affirmat Steph. Gardinerus, episc. Winton. lib. 2. de Eucharistia qui etiam ibid. ait, extitisse ejus exemplar in Bibliotheca vel Archiepiscopi vel Archidiaconi Cantuariensis. Vid Crankanthorp. contra Arch. Spalat. cap. 73. p. 354. Hanc epistolam etiam citatam invenies in Collectaneis contra Severianos quæ ex Fr. Turriani Jesuitæ versione habentur in 4. Tomo Antiq. lect. Henr. Canisii, & Biblioth. Patrum Tom. 4. Part. 2. p. IIII. & in fine. libri Jo. Damasc. contra Acephalos apud eundem H. Canis. Loco. citato. Alia Romanensium effugia vana omitto.

8. Nihil clarius verbis Theodoretī Dial. 1. “ Symbola & “ signa quæ videntur, appellatione corporis & sanguinis honoravit, ἡ πρὸ φύσιν μεταβαλὼν, ἀλλὰ πρὸ χάριν τῇ φύσει “ *οὕτως* δεικνὼς, non naturam quidem mutans, sed naturæ “ gratiam adjiciens. & Dial. 2. ἔδε γὰρ μετὰ τῆ ἀμασίδος τὰ μυστικὰ σύμβολα τῆ οἰκείας ἐξίσταται φύσεως μένει γὰρ ὅτι τῆ *προτέρας* εἰσίας, καὶ τῆ *ἡμῶν*, καὶ τῆ *ἐκείνης*, *οὕτως*. Neque enim “ Symbola mystica post sanctificationem recedunt a sua natura. Manent enim in priore substantia, & figura & forma, “ & videri & tangi possunt, sicut & prius, *οὕτως*. Sic illud “ corpus Christi puriorem habet formam, figuram, circum- “ scriptionem, & (ut summatim dicam) τὴν τῆ *ῥωμαίου* εἰσίαν, etiam post resurrectionem immortale factum sit, & “ immune ab omni corruptione, *οὕτως*. Inepte Bell. hic, ubi supra cap. 27. & alii Rom. respondere solent, per naturam & substantiam symbolorum, quam Theodor. dicit remanere & non mutari, intelligere illum naturam, & essentiam seu substantiam (ut Bell. absurde loqui placet) accidentium; parum etiam Christianæ charitatis & modestiæ illis inest, qui tanti nominis & meriti Patris autoritate elevare conantur (vid. Greg. de Valentia lib. 2. de Transsubstantiatione cap. 7. aliosque plurimos) ex eo, quod de quibusdam erroribus in Concilio Ephesino notatus fuit, tametsi postea resipuerit (ut ipsimet fateri coguntur) nempe ut hac rima elabantur, dum negare non possunt Theodoretum asseruisse elementa in priore substantia manere : quod tamen scripsit in dialogis illis, quos contra Eutychianos, magna cum laude & Ec-

clesiæ approbatione , Nestorii hæresin detestatus scrip-
sit.

9. Gelasius siue is fuerit Episcopus Romanus, ut quidam etiam Rom. arbitrantur, siue alius quidam ejusdem nominis (videantur hic Critici) testis certe antiquus satis, & incorruptus, libro de duabus naturis in Christo contra Eutich. & Nestor. Bibl. patr. Tom. 4. “ Certe sacramenta, quæ su-
“ minus corporis & sanguinis Christi, divina res est propter
“ quod, & per eadem divinæ efficimur consortes naturæ; &
“ tamen esse non desinit substantia, vel natura panis & vini.
“ Et certe imago & similitudo corporis & sanguinis Christi
“ in actione mysteriorum celebrantur. Satis ergo nobis eviden-
“ ter ostenditur, hoc nobis in ipso Christo domino sentien-
“ dum, quod in ejus imagine profitemur, celebramus: & su-
“ minus: ut, sicut in hanc, scilicet, divinam transeunt spi-
“ ritu sancto perficiente substantiam, permanent tamen in
“ suæ proprietate naturæ, sic illud ipsum mysterium princi-
“ pale, cujus nobis efficientiam virtutemque veraciter repre-
“ sentat, ex iis quibus constat, permanentibus, unum Chri-
“ stum, quia integrum, verumque permanere demon-
“ strat.

10. Similiter Ephremus Patriarcha Antiochenus, contra Eutychianos (vide Photii Bibliothecam num. 229) probare intendens per hypostaticam unionem, nullam fieri naturarum in Christi persona confusionem, sed unamquamque suam substantiam & proprietates retinere, ad id similitudine utitur Sacramentalis unionis; negans in sacramentis mutationem unius substantiæ in aliam fieri “ Si enim, inquit, & unius
“ personæ, & utrumque nempe manibus tractabile, & in-
“ tractabile, nemo tamen qui mentem habeat, poterit di-
“ cere eandem esse naturam tractabilis & intractabilis,
“ sub aspectum cadentis, & invisibilis. Sic etiam, cor-
“ pus Christi quod a fidelibus accipitur καὶ τῆς ἀϊδι τῆς ὑσίας
“ ἐκ ἐξίσταται, & a sensibili substantia non recedit (mala fide Andreas Schottus Jesuita, siue quis alius interpolator reddidit & sensibilis essentia non cognoscitur.) “ & manet insepara-
“ tum a gratia intelligibili, & baptismus spiritualis totum &
“ unum quid factus & existens, proprium sensibilis essentiæ,
“ aquæ dico, servat, τὸ ἰδίον τῆς ἀϊδι τῆς ὑσίας, τὸ ὕδωρ
“ λέγω διασῶζει (ubi rursus male Schottus interpres,
Hocque

“ Hocque substantiæ sensibilis proprium est , per aquam
 “ inquam servat) nec amittit quod factum est. Sic
 ille.

II. Observet hic lector verba , quæ habentur in præfatio-
 ne, editioni Dialogorum Theodoretæ Romæ excus. per Ste-
 phanum Nicolinum Anno 1547. præfixa “ Quod de Sacro-
 “ sanctæ Eucharistiæ mysterio dicet Theodoretus, &c. dictum
 “ esse videtur ex eorum sententia , qui falso asseruerunt esse
 “ in eo pane corpus Christi remanente tamen panis substantia
 “ quod quidem falsum est , &c. Quanquam Theodoretus
 “ hoc fortasse nomine aliqua venia dignus videatur, quod de
 “ ea re ejus tempore ab Ecclesia nondum fuisset aliquid pro-
 mulgatum, &c. Greg. de Valentia loco supra cit. “ Quod si,
 “ inquit, auctores illos (Theodoretum, Gelasum, &c.) no-
 “ lint Panis nobiscum ita interpretari, ut certe possent ; da-
 “ bimus aliud breve & simplex & sine ullo incommodo res-
 “ ponsum. Enimvero antequam quæstio ista de transsubstan-
 “ tiatione in Ecclesia palam ageretur , minime mirum est ,
 “ si unus aut alter , aut etiam aliqui ex veteribus minus con-
 “ siderate & recte hac de re senserint & scripserint. maxime
 “ cum non tractarent ex instituto ipsam quæstionem. Sic ille
 Ruard. Tapper. Art. 14. contra Transsubst. p. 211. ad testi-
 monium Gelasii respondens “ Quamvis, inquit, ante defini-
 “ tionem Ecclesiæ Catholicæ veniale fortassis fuerit de hoc
 “ articulo disputare & errare, nunc tamen sententia per Eccle-
 “ siam pronunciata grandis est impietas hanc transsubstantia-
 “ tionem impugnare, &c. Vide etiam Hardingum contra
 Apolog Eccle. Anglic. apud Iuellum p. 248. Fisherum con-
 tra Joan. Whitum p. 514. c. 56 Martin. Eisengren. de Ecclesia
 cap. 8. p. 64. “ De illo, inquit, primario dogmate, nempe
 “ de Christi existentia in Eucharistia apud Catholicos patres
 “ nunquam fuit dubitatum, quandoquidem per illa verba,
 “ Hoc est corpus meum , Catholica Ecclesia semper rea-
 “ lem Christi corporis existentiam intellexit, & primario-
 “ rum dogmatum ignoratio, nedum error, sinceritati repug-
 “ nat. Utpote illa religionis sunt primaria dogmata. Illud
 “ vero dogma, Eucharistia est adoranda , & cætera hujusmo-
 “ di dogmata (ut dogma transsubstantiationis, unde maxi-
 “ me Eucharistiæ adoratio dependit) ex primariis collecta,
 “ ante illorum definitionem, aut ignorare, aut dubitare,
 “ aut circa illa aliter, quam res se habet, citra pertinaci-

“ am asserere, fidei synceritati non repugnat. Siquidem hu-
 “ jusmodi dogmata nec primo, nec explicite proposita fue-
 “ runt ad credendum, sed ex primariis tantum dogmatibus
 “ colliguntur. Ante hujusmodi enim dogmatum authenticam
 “ propositionem & expositionem atque definitionem, illo-
 “ rum ignoratio aut error, modo sit citra pertinaciam, non
 “ pugnat cum fide. Vide licet aliqui pastores & Doctores ali-
 “ quando hujusmodi dogmata ignorassent, aut de illis discor-
 “ dasset, aut circa illa errassent, nihilominus tamen in Ca-
 “ tholicæ Ecclesiæ communione & fide perseverarunt. Hæc
 ille Quædam recte dicta sunt, quædam perperam, ut paulo in-
 ferius dicemus. Vide etiam alios in hanc sententiam conspi-
 rantes. Non audent igitur Romanenses ipsi paulo veretundiores
 saltem, negare dogma transsubstantiationis communi Patrum
 omnium consensu minime niti.

12. De sententia Bartrami satis constat ex lib. de Corp. &
 Sang. Domini ad Carolum Calv. Imperatorem scripto. “ Panis,
 “ inquit, ille vinumque figurate Christi corpus & sanguis
 “ existit. Nam secundum creaturarum substantiam, quod
 “ fuerunt ante consecrationem, hoc & postea consistunt,
 &c. Adis autorem ipsum, multum a Trithenno in cata-
 logo Ecclesiast. Illust. Scriptorum Laudatum; ut ut nunc
 Bellarm. alii que recensiores Romanenses ipsum, ut hæreti-
 cum scriptorem damnent. Neminem fere latet, quæ fuerit
 sententia Theologorum Belgarum, aliorumque quorundam
 de hoc Bertrami libello In suo Indice expurgatorio “ Quan-
 “ quam, inquiunt, librum istum (Bertrami) magni non
 “ existimemus momenti, itaque non magnopere laboraturi si-
 “ mus, si vel nusquam sit, vel intercidat; attamen cum
 “ jam sæpe recusatus sit, & lectus a plurimis, & per inter-
 “ dictum nomen omnibus innotuerit hæreticis, constet de
 “ ejus prohibitionem per varios Catalogos; fuerit Catholi-
 “ cus Presbyter ac monachus Corbeienlis Cœnobii, Carolo
 “ non tam Magno, quam Calvocharus ac venerabilis, juvet
 “ historiam ejus ætatis; in Catholicis veteribus aliis plurimos
 “ feramus errores, & extenuemus, excusemus, excogitato
 “ commento per sæpe negemus, & commodū iis sensum affin-
 “ gamus, dū opponuntur in disputationibus, aut in conflictio-
 “ nibus cum adversariis; non videmus cur non eandem æquita-
 “ tem & diligentem recognitionem mereatur Bertramus, ne hæ-
 “ retici ogganniant nos antiquitatem pro ipsis facientē exurere
 “ &

“ & prohibere : itaque mirum non esse , pauca pro ipsis vide-
 “ ri facere, nobis Catholicis tam irreverenter antiquitatem vel
 “ in speciem a nobis dissentientem exhibilare ac perdere. Quin
 “ & illud metuimus, ne liber iste non solum ab hæreticis,
 “ verum immorigeris quoque Catholicis, ob interdictum, avi-
 “ dius legatur, odiosius allegetur, & plus vetitus, quam per-
 “ missus, noceat. Hæc Censores illi. In fine censuræ verba
 ista notatu digna “ sunt. Tametsi non diffitear Bertranum
 “ tunc temporis nescivisse exacte, accidentia ista absque sub-
 “ stantia omni subsistere, & cætera, quæ subtilissime & verissime
 “ posterior ætas per S. S. addiderit. Et Fol. 1137. versu 2.
 “ Legendum invisibiliter pro visibiliter : & infra, v. 36. Se-
 “ cundum creaturarum substantiam, quod prius fuerunt ante
 “ consecrationem, hoc & postea consistunt, explicandum est,
 “ secundum externas species Sacramenti, &c. An hoc sit
 cum veteribus scriptoribus Catholicis candide, & bona fide a-
 gere judicet æquus Lector. Audiatur hic Henricus Boxhor-
 nius Theologiæ licentiatus Lovaniensis, qui relicta externa
 Ecclesiæ Romanæ communione lib. 3. de Eucharist. Har-
 monia, non procul ab initio sic exclamat ; “ Sed ô incre-
 “ dibilis in me Dei Opt Max. beneficentia ! postquam
 “ Repurgatorii Indicis, quem tyrannizante Albano, Benedictus
 “ Arias Montanus, in piorum virorum lucubrationes injurius
 “ conceperat, exequutor inter primos factus, sexcentas contra
 “ falsa doctrinæ pontificiæ capita observationes, virgula censo-
 “ ria annotaveram, quam optarem Lachrymis & sanguine meo
 “ eluere. Deo misericorditer animum meum concutiente, &
 “ aperiante oculos meos, in Papatu abominationē, &c. animad-
 verti. Hæc ille. Vixit & scripsit Bertramus sub Carolo Calvo,
 quod fuit, ut ipse Index Belgicus explicat, sub annum Domi-
 ni 870.

13. Ælfricus vir doctrina præstans, circa annum D. 990.
 in Serm. Saxonico Legend. in Festo Paschat. in Ecclesia An-
 glicana ; In “ Baptismo duo videmus ; juxta veram naturam,
 “ aqua est corruptibilis ; per mysticam benedictionem vim ha-
 “ bet sanctificandi. Itidem in sacra Eucharistia, quod vide-
 “ tur, panis est & corruptibile corpus ; quod spiritualiter
 “ intelligimus, vita est, & immortalitatem donat. Multum
 “ differunt invisibilis hostis virtus, & visibilis propriæ
 “ naturæ forma. Natura, est panis corruptibilis, & vi-
 “ num corruptibile. Potentia Dei, est vere corpus Christi &
 “ sanguis ;

“ sanguinis : non sic tamen corporaliter, sed spiritualiter, &c.

14. Walafridi Strabonis verba De rebus Eccles. cap. 16. in quibus panis & vini substantiam in Eucharistia agnoscit brevitate studio omitto : ut & sententiam Ruperti Abbatis Tui-tiensis, quæ licet nova & peregrina fuerit in Ecclesia, dogmati tamen transubstantiationis omnino contrariam fuisse omni-bus notum est, docuit enim panem Eucharistiæ hypostaticè assumi a Verbo, eo prorsus modo, quo natura humana ab eo-dem Verbo assumpta est. Vid. Bell. De Euchar. lib. 3. cap. 11. Lege Rabanum Maurum. De Institut. Cleric. l. 1. c. 31. vixit A. 835.

15. Testimonia aliorum veterum, immo Vetustissimo-rum scriptorum Irenæi lib. 4. cap. 34. Tertull. Orige-nis in cap. 15. Matth. Cypriani, Ambrosii, Augustini, &c. consulto præterimus, ne millies ab aliis actum aga-mus.

16. Inter Theologos Scholasticos Scotus in 4. dist. 11. q. 3. ut dicit non extra ullum scripturæ locum tam expressum, ut sine Ecclesiæ declaratione evidenter cogat transubstantionem admittere: quod non esse omnino improbabile fatetur Bellarm. ipse, ut supra dictum est, ita etiam nullam Ecclesiæ in Conci-lilio generali declarationem, aut definitionem eam de fide esse, ante lateranense Concilium agnoscit. Adducit quidem duas auctoritates Ambrosii, remittitque se ad alias multas quæ habentur de Consecr. d. 2. & apud Magisti. dist. 10. & 11. Sed nullum nominat Concilium ante lateranense Hoc in illo minime probat Bell. l. 3. de Euchar. cap. 23. Penini, in-quilt, ille dixit quia non legerat Concilium Romanum sub Gregorio 7. Sed ut recte respondet Author Apologiæ Apo-logeticæ pro Scoto parisi. excus. Anno. 1623. p. 252. “ Illa
“ auctoritas Concil. Rom. habetur de consecr. d. 2. cap. Ego
“ Berengarius, quam vidit & legit Scotus; ubi tamen non a-
“ gitur ex professo de transubstantiatione, seu de panis & vi-
“ ni definitione, sed de veræ & reali Christi sub speciebus
“ panis & vini præsentia, quam Berengarius negabat. Hæc ille. Hugo Cavellus in Scholio ad locum illum Scoti;
“ Dicendum quod Ecclesia declaravit istum intellectum
“ esse de veritate fidei in illò symbolo edito sub Innoc.
“ tertio in Concil. Lateran. Firmiter credimus, &c. ad
“ marginem notat; Antea si ita credebatur, non ita
expresse.

expresse. Tartaret. in 4. d. 10. q. 1. " Non est necesse ad sal-
 " vandum hoc (videlicet presentiam corporis Christi in Sa-
 " cramento) fugere ad conversionem panis in corpus Christi,
 " qua a principio Institutionis hujus Sacramenti, fuit necessa-
 " rium credere corpus Christi esse sub illis speciebus, quia in
 " hoc consistit veritas, & tamen non fuit in principio ita
 " manifeste dictum, quod panis convertatur in corpus
 Christi. Joh. Unbarn. in 4. d. n. 4. 3. Disp. 42. Sect. 1. " In
 " primitiva Ecclesia, de substantia fidei erat, corpus Christi sub
 " speciebus contineri: tamen non erat de fide, substantiam pa-
 " nis in corpus Christi converti, & facta consecratione illinc
 recedere. Faber Faventinus in 4. Sent. d. 11. disp. 45. cap. 4.
 " Istæ rationes D. Th. (quibus probat deduci evidenter ex S.
 " Scriptura non manere substantiam panis in Eucharistia) licet
 " multi Laborent earum efficaciam ostendere, proculdubio se-
 " clusa autoritate Ecclesiæ, minime cogunt, habent tamen
 " multam probabilitatem. Unde Scotus non dicet absolute,
 " illas non concludere, Sed non cogere, qui enim oppositam
 " partem sustineret, illis non convinceretur evidenter & neces-
 " sario. Ratio ergo efficax sumitur ex autoritatibus SS. PP.
 " quæ a Magistro adducuntur dist. 10. & 11, &c. sed quod maxime
 " arget est autoritas Ecclesiæ, habetur enim extra, de hæreti-
 cis &c. Hæc ille. eadem est reliquorum Scotistarum senten-
 tia.

17. Petrus de Alliaco in 4. Sent. q. 6. " Quarta opinio &
 " communior est, quod substantia panis non remanet, sed
 " simpliciter desinit esse. Cujus possibilitas patet, quia non
 " est Deo impossibile, quod illa substantia subito desinat esse,
 " quanvis non esset possibile creata virtute. Et licet ita esse
 " non sequatur evidenter ex Scriptura, nec etiam Videre me
 " ex ceterminatione Ecclesiæ, quia tamen magis favet ei
 " communis opinio Sanctorum & Doctorum, ideo te-
 " neo eam. Et rursus. Ille modus qui ponit substan-
 " tiam panis remanere, nec repugnat rationi nec au-
 " thoritati Bibliæ, immo est facilior ad intelligen-
 " dum, & rationabilior, & non ponit accidentia si-
 " ne subjecto, quod est unum de difficilibus, quæ hic ponun-
 " tur.

18. Sententia Durandi qui panis saltem materiam per-
 manere existimavit cui erudito ignota est? Erasmus inter
 scriptores recentiores in Annot. in. 1. Cor. 7. " In syntaxi

“ transsubstantiationem sero definivit Ecclesia , diu sa-
 “ tis erat credere , sive sub pane consecrato , sive quocun-
 “ que modo adesse verum corpus Christi. Subdit qui-
 “ dem , Ubi iam propius contemplata est , ubi exactius
 expendit , certius præscribit. Sed quam certo judicet Or-
 bis Christianus. & in Delectione Præstigiarum libelli cu-
 jusdam “ Si recipimus, inquit, recentium opinionem, non-
 “ ne species panis & vini Symbola sunt corporis & san-
 “ guinis Domini. Sin minus , nonne panis & vinum con-
 “ secratum symbola sunt corporis & S. D. sub his La-
 “ tentium ? Vide Tomum 9. 1281. Alphonsus de Cai-
 tro adversus hæres. l. 8. Tit. Indulg. “ De Transsubstantiati-
 “ one panis in corpus Christi , rara est in Antiquis Scripto-
 ribus mentio. Idem Erasinus, qui supra, p. 780. T. “ 9. olin-
 “ satis erat credere corpus Domini adesse per consecrationem
 “ Sacerdotis , post inventa est transsubstantiatio. Tonsal-
 lus Dunelmensis , episcopus , vir doctissimus , De veritate
 Corporis & S. D. in Eucharistia p. 46, &c. “ Ab exordio
 “ nascentis Ecclesiæ , nusquam quisquam Catholicus ad bap-
 “ tismum admissus , dubitavit de præsentia Christi in Eucha-
 “ ristia, sed omnes antequam ad Lavatri fontem admittebar-
 “ tur, ita edocti, se id credere profitebantur, uti Justinus Ma-
 “ tyr in secunda apologia sua contra gentes testatur. Cæterum
 “ quomodo panis qui ante consecrationem erat communis, in-
 “ effabili spiritus sanctificatione transiret in corpus ejus, vete-
 “ rum doctissimi quique inscrutabile existimaverunt, necum
 “ Capernaitis non credentes verbis Christi, sed quomodo id
 “ fieret quærentes, tentarint supra sobrietatem sapere plusquam
 “ oportet. illis vero satis superque visum est , omnipotentis
 “ ac verbis Christi firmiter credere, qui fidelis est in omni-
 “ bus verbis suis, quique mirabilium suorum operandi mo-
 “ dum, solus cum Patre & spiritu sancto novit. Poro ante
 “ Innocentium tertium Rom. Episc. qui in Lateranensi Con-
 “ cilio præsedet, tribus modis id posse fieri, cuoriosius scru-
 “ tantibus visum est : Aliis existimantibus una cum pa-
 “ ne, vel in pane Christi corpus adesse , veluti ignem in
 “ ferri massa , quem modum Lutherus secutus videtur :
 “ Aliis panem in nihilum redigi , vel corrumpi. Ali-
 “ is substantiam panis transmutari in substantiam cor-
 “ poris Christi , quem modum secutus Innocentius ,
 “ re.

“ reliquos modos in eo Concilio rejecit, quamvis miracula
 “ non pauciora, imo vero plura quam in reliquis reiectis ab eo
 “ modis, oriri curiosius investigantibus videantur. Sed Dei
 “ omnipotentiae, cui nihil est impossibile, miracula cuncta
 “ cedere his qui cum Innocentio in eo Concilio interfuerunt
 “ visum est, quod is modus maxime cum verbis hisce
 “ Christi Hoc est, corpus meum, &c. congruere illis vi-
 “ sus est. Nam I. Scotus in 4. Sent. d. 11. q. 3. vocitando
 “ Innocentium, ait tres fuisse opiniones: Una quod panis
 “ manet, & tamen cum ipso vere est corpus Christi: Alia
 “ quod panis non manet & tamen non convertitur, sed de-
 “ linet esse, vel per annihilationem, vel per resolutionem
 “ in materiam, vel per corruptionem in aliud: Tertia,
 “ quod panis transubstantiatur in corpus, & vinum in
 “ Sanguinem. Quælibet autem istarum voluit istud com-
 “ mune salvare, quod ibi vere est corpus Christi, quia
 “ istud negare est plane contra fidem. Expresse enim a
 “ principio institutionis Eucharistiae, fuit de veritate fi-
 “ dei, quod vere ibi & realiter corpus Christi contine-
 “ tur. Haftenus I. Scotus, &c. An satius autem fuisset
 “ curiosis omnibus imposuisse silentium, ne scrutarentur
 “ modum quo id fieret, cum viae Domini sunt investigabiles,
 “ Sicut fecerunt prisci illi qui inscrutabilia quærare non ten-
 “ tabant, & facile Deum aliquid efficere posse putabant,
 “ cujus nos rationem investigare non possumus. Scribit nam-
 “ que Augustinus ad Volus. epist. 3. dicens: Demus Deum
 “ aliquid posse, quod nos fateamur investigare non posse: in
 “ talibus rebus tota ratio facti, est potentia facientis: An
 “ vero potius de modo quo id fieret, curiosum quemque suæ
 “ relinquere conjecturæ, Sicut liberum fuit ante illud Con-
 “ cilium, modo veritatem corporis & sanguinis Domini in
 “ Eucharistia esse fateretur, quæ fuit ab initio ipsa Ec-
 “ clesiae fides: An sortasse melius de tribus illis modis
 “ supra memoratis, illum unum eligere, qui cum verbis
 “ Christi maxime quadraret, & cæteros modos abjicere,
 “ ne alioqui inter nimis curiosos illius ætatis homines, fi-
 “ nis contentionum non fuisset, quando contentioso
 “ illo sæculo linguis curiosis silentium inponi alio modo
 “ non potuit, Justum existimo (hoc tempori cedens
 “ loquitur) ut de ejusmodi, quia Ecclesia columna est verita-
 “ tis, firmum ejus omnino observetur judicium. Hæc omnia ille.

19. Refert Bernardus Gilginus Tonstabili cognatus (vide illius vitam a Gregorio Carletono episcopo Cicestrensi nuper descriptam pag. 33. 42. & 48.) Tonstallum sæpe dixisse, Innocentium tertium in definienda Transubstantiatione, ut fidei articulo, temere & inconsiderate egisse quum antea Nberum esset opinionem illā amplecti vel respuere; & quod si Concilio illi interfuisset ipsimet Pontifici persuadere potuisset, ut ab illa definitione abstineret.

20. Bened. Arias Mont. in Luc. 22. 19. “Hoc est corpus meum, (hoc est) verum corpus meum in hoc Sacramento panis continetur Sacramentaliter & subdit; cujus arcanam & mysteriis refertissimam rationem ut explicatio- rem habeant Christiani, dabit aliquando Deus. Hic procul dubio aqua illi hærebat.

21. Cardinalis Lothar. in Colloquio possiaceno, Beza sermonem interrumpens, “equidem existimo, inquit, me posse tueri transubstantiationem: Sed non magnopere fuisse necesse illam a Theologis excogitari arbitror: nec puto hac de causa divisiones debere fieri in Ecclesiis. Vide Hospin. Hist. Sacrament. part. Alter. pag. 300. Calvinus Epist. pag. 518. Cl. de Saintes Resp. ad Apolog. Beza pag. 64.

22. J. Ferus, “Cum certum sit ibi esse corpus Christi, quid opus est disputare, num panis substantia maneat, vel non? in Matth. 26. ut citatur a D. Huncfredo, Jesuitismi parte 2. rat. 3. & a Joh. Barresio in suo Catholico-Romano Pacifico; Ferus, inquit, doctus Franciscanus in Matth. 26. & cætera ut jam dixi. Sed in posterioribus Feri editionibus locus sæde corruptus est, & quibus authoribus, quis nescit? (Cum certum sit ibi esse verum Christi corpus, certum est panis substantiam non remanere) Videatur etiam Author exam. Pacifici c. 1. p. 15. vers. Anglic.

23. Joh. Lasicius Polonus de Religione Armeniorum pag. 59. “In Sacramento Eucharistiæ elementa naturas suas amittere negant Sacramentum religiosius Russis venerantur: per- suasi Christum esse in illo, qualem Maria peperit Christum plus quiddam in Liturgia pati, quam in cruce perpeffus sit, ex Chrysostomo hauserunt. Id autem corporis ejus Sacramentalem fractionem dicunt. Quærente vero me ex illis, quo id fieret modo, siquidem naturæ panis & Vini, etiam facta con-
“secratione

“secratione, immutatae permanerent : vi divina respondebant,
 “cui fides habenda sit, &c.

24. Cardin. Perronius tunc temporis, Episcopus tantum
 Ebroicens. in Colloq. Fontibellaq. cum D. de Pless. pag.
 16. Interprete Jacobo Comthono Burgundo. “Adit (Pless.)
 “pro eodem proposito a Card. Bellarm. reprehendi Scotum,
 “quod putaverit transsubstantiationem non fuisse articulum
 “fidei ante Concilium Lateranense ; id verum est ; non erat
 “articulus fidei formaliter, id est, non erat articulus fidei quo-
 “ad formalitatem publicae professionis, & quoad prohibitio-
 “nem, ne quis hoc ignorans excusaretur : non plus quam pro-
 “fessionem Spiritus Sancti esse etiam ex filio, aliaque similia
 “ante idem concilium lateranense, pro articulis fidei publice
 “profitendis habebantur. Vide hic Resp. D. de Pless. p. 9.
 “De Colloq. Fontisbel. Idem (en Harangue au Tiers estate
 pag. 33. (vide P. Prestonum alias Windrington. Discussione
 Concil. Lateran. part. 1. sect. 1. pag. 12.) “Si nihil plane
 “ad doctrinam & disciplinam Ecclesiasticam spectans in eo
 “Concil. (Lateran.) ex communi Patrum assensu de-
 “cretum esset, sequeretur posse ut falsum impugnari articulum
 “de Transsubstantiatione. J. Casaub. in Resp. ad Card.
 Perron. “Miratur vero Seren Rex, cum fateatur tua illustris
 “dignitas non *αὐτομάτως* quærere vos, ut credatur Trans-
 “substantiatio ; sed ut de praesentiae veritate ne dubi-
 “tetur.

25. Jesuitae Angli, cum in ipso tum carcere essent (ad mi-
 nimum) Confessores : Rem, inquiunt, Transsubstantiatio-
 nis antiqui “Patres ne attigerunt quidem. Vide Discur-
 “sum modestum de Jesuitis Anglis pag. 13. apud E. Eliensem
 contra Apolog. Card. Bell cap. 1. pag. 7. & Watsonum,
 Quodlibet. 2. Art. pag. 31. Locus Eliensis episc. Lectu dig-
 nissimus est.

26. Joh. Barnesius in Catholico-Romano Pacifico S. S.
 De Eucharistia : “Assertio Transsubstantiationis, seu muta-
 “tionis substantialis panis, licet sit opinio communior, non
 “tamen est fides Ecclesiae, & Scripturae ac Patres-docentes
 “*μετεσθίαν* sufficienter exponi possunt de admiranda & su-
 “pernaturali mutatione panis, per praesentiam corporis Christi
 “ei accedentem, sine substantiali panis desitione *μετεσθίαν*
 “illam in augustissimo sacramento factam plerique graves &
 antiqui

“ antiqui Scriptores ita explicant , ut non fiat per desitio-
 “ nem substantiæ panis Sed per receptionem supernatura-
 “ lem substantiæ corporis Christi in substantiam panis. Hæc
 “ ille , qui plurimorum Scriptorum qua veterum qua re-
 “ centiorum testimoniis eandem sententiam comprobat.

27. Cardin. Cusanus similiter Excitationum lib. 6. p. 522.
 Tamen “ Si quis intelligeret, inquit, panem non transubstan-
 “ tiari, sed supervestiri nobiliori substantia, quemadmodum
 “ nos expectamus lumine gloriæ supervestiri, nostra substan-
 “ tia salva prout quidam veteres Theologi intellexisse repe-
 “ riuntur, qui dicebant non solum panem , sed & corpus
 “ Christi esse in sacramento : ille habet ad vim vocabuli atten-
 “ dere.

28. Suarez. Tom. 3. disp. 5. S. 1. “ Scholastici quidem hanc doctri-
 “ nam de Transubstantiatione non valde antiquam esse dixe-
 “ runt inter quos Scotus , & G. Biel. Bell. Recognit. p. 8. S.
 “ eodem. Dixi conversionem panis in corpus Christi non
 “ esse productivam Sed adductivam : quod dictum video a
 “ nonnullis perperam acceptum, qui inde colligunt , non esse
 “ hanc veram conversionem Sed translocationem. Vasq. in 3.
 “ D. T. Disp. 18. cap. 1. Cum hoc mysterium conversionis
 “ (panis & vini in corpus & sanguinem Christi) ita posset
 “ explicari , ut rudibus etiam & ignavis ad intelligendum
 “ facile redderetur , Sicut Antiqui Scholastici illud expli-
 “ carunt ; audito nomine transubstantiationis , tanta in-
 “ ter Recentiores aliquos Scholasticos de natura illius ex-
 “ orta fuit controversia , ut quo magis se ab ea extricare
 “ conati fuerint , eo majoribus difficultatibus seipsum im-
 “ plicaverint. Ex quo etiam effectum est , ut myste-
 “ rium fidei nostræ , non modo difficile ad explicandum
 “ & intelligendum ab eis redditum fuerit , Sed etiam
 “ adverteriariorum nostrorum argutiis & cavillationibus illud
 “ magis exposuerunt ; cum alias , si sincere & plane expli-
 “ caretur, sagittæ parvulorum, plagæ hæreticorum effecta fu-
 “ issent.

“ Ipsa vero vox conversionis & transubstantiationis dis-
 “ sensioni & controversiæ occasionem dedit : quod actio-
 “ nem physicam, alicujusque rei productionem primarie
 “ significare videretur. Quare tota eorum disputatio, in in-
 “ quirenda natura hujus actionis , & termino per eam pro-
 “ ducto, posita est, hoc est, solícite inquirunt, qualis actio
 “ sit

“ sit hæc conversio, & ad quem terminum per ipsam pro-
 “ ductum terminetur : quo sane principio supposito, ne-
 “ cesse fuit, plures inter Scholasticos, opiniones oriri, cum
 “ nihil quod plane hac via difficultatem explanet, inveniri
 “ queat.

29. Et quia sæpe ante dictum a Romanensibus & aliis in Concilio Lateranensi primum transubstantiationis dogma definitum, quantum fidei illius Concilii decretis tribuendum sit, videat Lector præter Protestantes, eruditam disputationem apud Widdringtonium, in Discussionis Decreti Concil. Lateran. contra Lessium Jes. parte prima Sect. 1. Ne caput in immensum crescat cætera in Caput sequens rejicimus.

C A P. IV.

In quo nec Transubstantiationem, neque consubstantiationem hereses esse ostenditur, & simul de orali, atque etiam indignorum manducatione Corporis Christi agitur.

I. **A** Sæculis aliquam multis creditam fuisse Transubstantiationem quibusdam fidelium, ut Scriptores antiquiores silentio præteream, clare testatur Bertramus Presbyter in præfatione lib. de corpore & sanguine Domini. “ Dum enim (inquit) quidam fidelium in Sacramento corporis sanguinis-
 “ que Christi quod in Ecclesia quotidie celebratur, dicunt
 “ quod nulla sub-figura, nulla sub obvelatione fiat, sed ipsius
 “ veritatis nuda manifestatione peragatur : quidam vero te-
 “ stantur, quod hæc sub mysterii figura contineantur, & aliud
 “ sit quod corporeis sensibus appareat, aliud autem quod fides
 “ aspiciat non parva diversitas inter eos esse dignoscitur. Et
 “ cum Apostolus fidelibus scribat, ut idem sapiant & idem di-
 “ cant omnes, & schisma nullum inter eos appareat, non par-
 “ vo schismate dividuntur, qui de mysterio corporis sanguinis-
 “ que Christi non eadem sententias eloquuntur, &c. Hæc ille.

2. Eadem

2. Eadem sententia licet non ab omnibus, a quamplurimis tamen jamdiu recepta fuit, atque etiamnum defenditur, in Ecclesia non solum Romana sed & in Græca; quod patet ex Græcis recentioribus (ut alios paulo antiquiores o-mittam) Nicetæ Thesaur. Orthod. Gr. MS. in Bibl. Bodleiana Euthymio panophia tit. 21. Nicolao Methonenſi, Samona Gazenſi, Nicolao Cabosila, Marco Ephelio, & Bessarione, qui omnes in suis opusculis apertissime Transsubstantiationem confitentur. Et in Consilio florentino non fuit quæstio inter Græcos & Latinos (ut Kemnitiſ alique multi Protest. affir-mant) An panis substantialiter in corpus Christi mutaretur; sed quibusnam verbis illa ineffabilis mutatio fieret, an solis verbis Domini an vero etiam sacerdotis & Ecclesiæ oratione, &c. Videantur acta Concil. Florent. Jeremias Patriarca Con-stantinop. in censura ad Augustanam confessionem cap. 10. in quo de Cœna Domini agitur. “ Multa, inquit, in hac parte
“ de vobis referuntur quæ nobis nullo pacto probari possunt.
“ Ecclesiæ igitur sanctæ illud judicium est in Sacra Cœna
“ post consecrationem, & benedictionem, panem in illud ip-
“ sum corpus J. C. vinum autem in illum sanguinem, virtute
“ Spiritus Sancti transire ac immutari. Et paulo post, Ne-
“ que vero aut tunc, cum illis porrigebatur, ea caro, quam ipse
“ Dominus gerebat, in cibum dabatur Apostolus aut sanguis
“ in potum; aut nunc in divina mysteriorum administratione,
“ tanquam corpus illud sursum translatus, de cœlo iterum
“ descendat (blasphemum enim hoc est) sed & tunc, & nunc
“ transformatis & transmutatis (μεταποιεμένε καὶ μετασθα-
“ λομένε) gratia Sp. S. & ejusdem invocatione, qui omne
“ hoc perficit & consummat Sacramentum, speciebus, per di-
“ divinas & sacras preces, dominicaque verba; ipso quidem
“ pane, in verum corpus Domini, vino autem in verum sangui-
“ nem traseunte & immutato. Et rursus : Illud ipsum ve-
“ rum corpus Christi, sub speciebus fermentati panis contine-
“ tur, &c. Græci qui Venetiis vivunt in Resp. sua ad 12.
“ Quæstiones a Claud. Card. Guis. propositas (scriptum ex
“ Interpretatione J. Levenklaii prodit. Anno 1571. Basil.)
“ quarum prima fuit. “ Creduntur Græci, panis ac vini sub-
“ stantiam in Christi corpus mutari, manentibus tantum pa-
“ nis accidentibus sine subjecta substantia? ita respondent,
“ Credimus & Confitemur, panem in Christi corpus, ac limi-
“ li

" Si ratione vinum in Christi sanguinem ita mutari, ut neque
 " panis neque substantiæ ipsius accidentia maneant (in quo
 " provehantur !) sed in divinam substantiam transelementen-
 " tur. De quo magni Patris illius Chrysost. testimonium in
 26. Matth. audito. Quum Christus ait. H. E. C. M. &c.
 citant & verba Theophylacti in 14. Marci ad verba H. E.
 C. M. & verba Damasc. Orthod. fid. lib. 3. cap. 14. Cabali-
 læ, &c. & aliorum quorundam. Ante paucos annos, cum
 hac de re ego cum Episcopo Dypac. viro certe non indocto,
 conferrem, Transsubstantiationem clarissime confitebatur, &
 ex Chrysostomo tueri conabatur. Caspar Peucerus Historicus
 & Medicus clarissimus in Historia carcerum, &c. pag. 527.
 " Transsubstantiationem Pontificii sibi fecerunt propriam, &
 " pro ea sola pugnant. Vocabulum cum re ipsa primæ & pu-
 " riori Ecclesiæ ignotissimum, natum est in Ecclesia Romana,
 " & ab Authoribus Sententiariis & Scholasticis introdu-
 " ctum atque usurpatum Recentiores Græci cum hujus
 " opinionis ex Romana Ecclesia profectæ meminerunt, μετα-
 "βολήν, ut ostendunt Canon. Græcæ Missæ & Damascenus
 " & μετασχηματισμῶν, i. e. mutationem & transelementatio-
 " nem vocant. An μετασίαν, seu Transsubstantiationis voca-
 " bulo utantur dubito. μεταβολῆς appellatio eadem est ;
 " quia primi authores hujus sententiæ finxerunt conversatio-
 " nem physicam simplicem panis & vini in corpus & sangui-
 " nem Christi, quam posteriores Romani & Scholastici ma-
 " nentibus accidentibus panis & vini, defendere ut possent,
 " commenti sunt μετασίαν, seu Transsubstantiationem. Hæc
 " ille.

Sandius Anglus, eques Auratus in speculo Europæ p. 233.
 " Græci cum Romanis consentiunt in dogmate Transsubstan-
 " tiationis & in universum de sacrificio, totoque corpore Mis-
 " sæ. Videatur etiam Christ. Potterus in lib. nuper edito
 contra tractatum Scriptoris Pontificii pag. 86. Sect. 7. cui ti-
 tulus (Charitate Mistaken, &c.) Petrus Arcudius Corcyreus
 Presbyter lib. 3. De concordia Ecclesiæ Occidentalis & Ori-
 entalis in septem Sacramentorum administratione cap. 2. in
 " Sacramento Eucharistiæ imprimis Græci agnoscunt, & am-
 " plectuntur, quin & firmissime credunt veram μετασίαν,
 " transsubstantiationem, ut satis constat ex Antiquis, & omni-
 " um

um ætatum Patribus Græcis ; Sed hoc falso dicitur ut supra
 " ostensum est) Novissime autem ex ipsomet Hieremia P.
 " Constantinop. cap. 10. suæ sensuræ contra Lutheranos, &
 " quamvis eo nomine non utantur, sunt tamen auctiores alio-
 " rum nominum quibus eam, quantum fieri potest, appellant,
 " & exprimunt. Dicunt enim μεταβάλλειν, & μεταβυλῆν,
 " μεταποιᾶν & μεταποίησιν, μεταβαίνειν & μεταβάσιν,
 " μεταρρύθμιζεν, μετασκευάζεν μετασχηθεὶν τελείωσιν
 " & τελειῶν, μετένεξιν, aliaque id genus, &c. Hæc
 " ille.

Non possum igitur non mirari, quomodo Thomas Morto-
 nus, Episcopus, &c. in libro tertio de Sacramento Eu-
 charistiæ capite 4. Sect. 7. pagina 144. negant Hieremiæ
 Patriarchæ Transubstantiationem creditam fuisse ; & ut hu-
 jus rei fidem faciat, hæc ciet verba ex Actis Theologorum
 Wirtemberg. & Hieremiæ P. C. " Non enim hic nominis
 " tantum communicatio est, Sed rei identitas : etenim vere
 " corpus & sanguis Christi mysteria sunt : non quod hæc in
 " corpus humanum transmutentur, sed nos in illa melioribus
 " prævalentibus. Non enim hic negat transmutationem pa-
 " nis in Corpus Christi sed transmutationem corporis & sangui-
 " nis Christi in corpus humanum, &c. sicut August. ait :
 " Non tu te mutabis in me, sed ego mutabor in te. Certe
 " Cyrillus P. Constantinop. in sua confessione fidei nuper scri-
 " pta Constantinopoli & Sedani excus. Anno 1629. hæc habet
 " verba : " In Eucharistiæ administratione præsentiam veram
 " & realem Christi confitemur & profitemur, at illam quam fi-
 " des nobis offert, non autem quam excogitata docet trans-
 " substantiatio, &c. per omnia fere ad mentem Calvini. Un-
 " de P. Arcudius prænominatus in Præf. sui operis ad Sigisfun-
 " dum 3. Poloniæ R. sic in illum impotentur debacchatur.
 " Non destiterunt unquam illi ipsi hæretici vexare infœlices
 " Græcos Ruthenosque, ac viro probo nec a Rom. Pontifice dis-
 " sentiente, Patriarcha Timotheo Constant. vi veneni nuper
 " extincto, alium quendam Cyrillum Pseudo-patriarcham
 " Alexandrinum (qui nunc P. Const. Est, si factum non est fun-
 " ctus) Calvinianæ furis alumnus, &c. Soluta Turcarum
 " Imperatori pecunia Græcis Constantinopolitanis, quasi al-
 " terum Antipapam obtruserunt. Is quamvis genere, nomi-
 " ne, habituque sit Græcus, alterius tamen gentis nefaria dog-
 " mata

“ mata toto pectore hausit, quæ deinde Græcis in ipsorum
 “ provinciis, simplicioribus autem Ruthenis in tua ditione,
 “ abjecta simulatione palam propinavit. Hæc ille; sed quic-
 quid hac de re senserit Cyrillus, certum est recentiores Græcos
 a Transubstantiationis opinione non fuisse neque etiamnum
 esse omnino alienos. Hosce autem omnes Christianæ pietatis
 cultores, hæreseos aut erroris exitialis damnare, magnæ profe-
 cto est audaciæ & temeritatis.

3. Lutherus ipse in Captiv. Babilonica Anno 10. scripta:
 “ Thomistica doctrina est transsubstantiari panem & vinum,
 “ liberum est & citra salutis periculum, imaginari, operari, &
 “ credere, remanere aut non remanere substantiam panis & vi-
 “ ni permittō, inquit, qui volet utramque opinionem tenere:
 “ Hoc solum nunc ago, ut scrupulos conscientiarum de medio
 “ tollam, ne quis se rerum hæreseos metuat, si in altari verum
 panem verumque vinum esse crediderit. “ Sed liberum esse si-
 “ bi sciat citra periculum salutis, alterutrum imaginari, opinari,
 “ & credere, cum sit hic, nulla necessitas fidei. Et rursus: In
 “ Sacramento, ut verum corpus, verusque sanguis sit, non est
 “ necesse panem & vinum transsubstantiari, &c. Permitto ta-
 “ men aliis opinionem alteram sequi, quæ in Decretali (Fir-
 “ miter) statuitur, modo non urgeant suas opiniones pro
 “ articulis fidei acceptari. Et in libro ad Waldenses fratres A.
 1523. errorem quidem esse dicit, affirmare, panem in Sacra-
 mento non manere, sed tamen in isto errore non multum esse
 situm. modo corpus & sanguis Christi cum verbo ibi relinqua-
 tur. Et An. 1528. In confessione majore rursus scribit; Se
 hætenus docuisse & adhuc docere, parum referre nec magni
 momenti quæstionem esse, sive quis panem in Eucharistia
 manere, sive non manere sed transsubstantiari credat. Hæc
 ille, cum paulo pacatior esset. Vide Hospit. Historiæ Sacram.
 part. altera p. 7. 8. Lutheri inconstantiam in aliis scriptis non
 excuso.

4. Chemnicus in exam. Decret. Conc. Trid. De Transub-
 stantiatione. “ Sed dicat quis: Quare ita contendamus, an
 “ substantia panis in Eucharistia vel remaneat vel non remane-
 “ at: cum thesaurus Eucharistiæ sit non panis materialis &
 “ vinum vulgare, sed vera & substantialis præsentia, exhibitio
 “ & sumptio corporis & sanguis Christi? & cætera. Re-
 “ spondeo, inquit, nullo modo pari momento censemus
 E • panem

panem & corpus Christi, & Lutherus semper dixit, se in tota hac disputatione, magis spectare præsentiam corporis & S. C. in cœna, quam præsentiam panis & vini. Sed quia transubstantiatio pro articulo fidei, sub poena anathematis proponitur necessario contradictum est, &c. Hæc ille.

5. Longius Consubstantiatorum quam Transubstantiatorum sententiam a Christi verbis recedere; si vel litera spectetur, siue sensus affirmat R. Hospin. Hist. Sacram. parte altera pag. 7. & cæteri Calvini communiter, Beza tamen parte altera Responsionis Ad acta Colloquii Montisbelgard. pag. 253. Verum est, inquit, fuisse per nos obnixe flaggitatum fraternitatis dextram, non quasi per omnia consentiremus, sed ut omni offensione animorum sublata placidæ disquisitioni deinceps aditus patefierit. Concensus Sendomiriensis Evangelicorum Fratrum quantum ad controversiam de S. Cœna D. sic se habet. Quantum ad infelix illud dissidium de Cœna D. attinet convenimus in sententia verborum Domini nostri Jesu Christi ut illa Orthodoxe intellecta sunt a Patribus, & imprimis Irenæo: qui duabus rebus scilicet terrena & cœlesti hoc mysterium constare dixit. Neque elementa signave nuda & vacua illa esse asserimus, sed simul reipsa credentibus exhibere & præstare Fide quod significant, &c. Hujus autem Sancti mutuique Consensus vinculum fore arbitrati sumus, convenimusque, ut quemadmodum illi nos, nostrasque Ecclesias, & Confessionem nostram, in hac Synodo publicatam, & Fratrum Orthodoxas esse testantur: sic etiam nos illorum Ecclesias eodem Christiano amore prosequamur, & Orthodoxas fateamur extremumque Valedicamus: & altum silentium imponamus omnibus rixis, distractionibus, dissidiis, &c. Ad hæc recipimus, Mutuo consensu, omni studio nostris fratribus omnibus persuasuros, atque eos invitatu- ros ad hunc Christianum & unanimem consensum amplectendum, colendum & conservandum, illumque alendum & obli- gandum, præcipue auditione verbi (sequendo tam hujus quam alterius cujusque confessionis coetus) & Sacramentorum usu, &c. Formula hæc Consensus sancita fuit Anno 1570. Vid. Paræi Ierenicum cap. 22. Paræus ad 3. 1. ad Cor. v. 12. Stipulas & ligna intelligit Apostolus dogmata non plane hæretica, impia, blasphema, cum

“ cum fundamento pugnantia, sed erronea, vana, curiosa,
 “ non necessaria doctrina fundamentali admixta, &c. Et
 “ post stipularum acervum, eumque bene magnum conge-
 “ stum subdit : Credere quod caro Christi ubique sit, quod
 “ in pane sit, & oraliter manducetur, idque etiam ab im-
 “ piis, &c. Stipula & palea est. Hæc ille.

Non sunt igitur dogmata hæretica & cum fundamento doctrinæ salutaris pugnantia. Idem in Irenico capite 13. pagina 68. 69. “ Porro qui in uno tantum doctrinæ ca-
 “ pite, eoque fundamentum directe non concernente, dissen-
 “ tiunt, eos charitatem nequaquam abrumpere, sed
 “ pacem colere, &c. omni modo convenit, &c. Et pau-
 “ lo post : Verissime jam inde a scismatis hujus exortu non
 “ fuit controversia Evangelicis, nisi de corporali præsentia
 “ in pane Eucharistico & orali manducatione corporis Chri-
 “ sti, quam fidelibus & infidelibus communem esse volunt
 “ Lutherani. Et pagina 71. Utrumvis sit, dicimus esse er-
 “ rorem non de fundamento, sed esse stipulam fundamento,
 “ superstructam, cujuscunque illa sit, esse paleam, &c.
 “ Fateatur enim pars altera, oralem manducationem sine
 “ spirituali, nemini ad salutem prodesse, sed noxiam ef-
 “ se : infidelibus item cum fidelibus communem esse.
 “ Quid igitur igitur de ea litigabimus ? &c. Et rursus :
 “ Ponamus veram esse oralem & impiorum manducatio-
 “ nem cum non sit de fide salutis, an quisquam eam
 “ non credens erit hæreticus ? ab Ecclesia excludendus ?
 “ Certe neutra opinio est de fide salutis. Hier. Zanchi-
 “ us in lib. de dissidio in cœna D. Tollendo ait : “ Istud de
 “ Cœna D. inter Ecclesias dissidium non est tale ac tan-
 “ tum, ut propter illud debeant turbæ in mundo excitari,
 “ aut alterutræ Ecclesiæ damnari. Rich. Hookerus, licet &
 Transubstantiationem & Consubstantiationem improbet pro
 opinionibus tantum superfluis, & quæ ut necessariæ minime
 urgendæ sint, habet. Vide lib. 5. De Eccles. politica
 Sect. 67. Vidiatur & Covellus ipsius Hyperaspistes Ar-
 tic. 17. De Transubstantiatione, qui eandem sententiam
 defendit.

6. Arch. Spalat. De Rep. Eccles. lib. 7. cap. 11, n. 6.
 “ Fateor neque Transubstantiationem, neque ubiquitatem
 “ hæresin ullam directe continere, ac propterea qui eas
 Be 2 “ teneant

“ addi ad verba Christi non contentum in iis aperte.
 “ Non continetur autem in verbis Christi substantiam
 “ panis desinere adveniente corpore Christi ad panem, ac
 “ propterea litigandum non est ea de re, cum iis qui ad-
 “ mittunt realem corporis Christi præsentiam in Sacra-
 “ mento, ita ut corpus Christi in pane intret in os, &
 “ manducetur non solum spiritualiter fide cordis, sed e-
 “ tiam sacramentaliter fide oris; Juxta id Augustini con-
 “ tra Advers. Legis & Proph. lib. 2. cap. 9. qui ait,
 “ Nos in Eucharistia Jesum fidei corde & ore suscipere,
 &c.

8. Petro Picherello nec Transsubstantiatio, neque e-
 tiam Consubstantiatio probata fuit, sed mystica præsentia,
 & participatio corporis Christi, spirituali modo infallibili:
 De iis tamen qui Transsubstantiationem defendebant, quam
 modestissime sensit & Locutus est, & in Communionem
 Ecclesiæ Romanæ suaviter & placide obdormivit, ut patet
 ex illius Dissertatione de Missa cap. 3. circa finem “ Finem
 “ autem, inquit, hic faciam de pane & vino in Coena rema-
 “ nentibus: si ante lectorem admonuero, nempe in quadam
 “ oratione (intelligit orationem Cardinalis Lotharingi in
 “ Colloquio Possiaceno, unde facile colligi potest quo
 “ tempore fuerit hic tractatus ab autore scriptus) celeberrimo
 “ conventu ante aliquot dies habita, & magna immensæ
 “ multitudinis attentione audita, magnoque applausu accep-
 “ ta: Quod ex fructibus terræ acceptum, & prece mystica
 “ consecratum consumitur, fuisse pronunciatum corpus & san-
 “ guinem I. C. esse: verum id nec habent, nec ferre possunt
 “ pulchra Augustini duo loca lib. 3. de Trinit. alterum cap. 4.
 “ alterum. Io e regione ad marginem orationis adnotata, &
 “ ab oratore permixta, confusa & deprobata. Idque pace, bo-
 “ naque venia tanti viri, tanta valentis authoritate, tot doti-
 “ bus, tot beneficiis, tot gratiis a Deo cumulati, veritatis ergo
 “ tantum dictum velim, &c. immo ex advers. uterque locus ex
 “ purioribus ac posterioribus diligenter animadversus & con-
 “ sideratus, multum ab iis stat, qui panem volunt esse super-
 “ stitem. Sic ille. Vide etiam Conclusionem contra Transsub-
 stantiationem & Consubstantionem in fine Dissert. ejusdem. p.
 212. & seq.

9. Contra oralem seu corporalem corporis Christi
 manducationem, vel potius receptionem, sumptionem,
 Ee 3 partici-

participationem ut loqui amant, qui magis sobrie sapiunt & loquuntur cum Romanenses tum Lutherani (carnem enim Christi dum in hoc Sacramento recipitur & sumitur a nobis, non dentibus atteri seu frangi existimant modestiores omnes contra alios qui crassissime hac de re loquuntur, quia Christi caro in hoc Sacramento tangi nequit, estque immortalis & impartibilis. Manducatio autem realis requirit contactum rei edendæ ut possit dividi & transmutari. Quod hic de corpore Christi fieri nequit. Quæ verba sunt Salmer. Jesuit. Tom. 9. Tract. 20. pagina 136. aliorumque multorum eadem mens est) multa præclare a multis Protestantibus aliisque viris moderatis scripta sunt, ut & contra indignorum seu impiorum manducationem. Hæc nos ad suos authores unde peti & possunt & debent, rejicimus.

Author Dialectici de Eucharistia supra citatus pag. 63.
 “ Quod autem negatur malos edere posse corpus Christi,
 “ quod necessario fieret, si virtus & gratia spiritualis cum
 “ pane conjuncta sit responderi potest, distinctione uten-
 “ dum esse. Nam si spectemus ipsam Sacramenti natura-
 “ turam, divina virtus abesse a signo non potest, quia
 “ Sacramentum est, & huic usui servit : sin mores & in-
 “ genium accipientis, illi vita & gratia non est, quod
 “ alioqui natura sua utrumque est, &c. Videatur Cy-
 prian. de Cœna D. Aug. contra literas Petiliani lib. 2. cap.
 47. & lib 5. de Baptismo contra Donatist. cap. 8. & con-
 tra Crescent. lib. 1. capite 25. quos author hic citat. Sub-
 dit autem : “ Ex his & aliis multis locis patet quod
 “ Eucharistia, quantum ad Sacramenti naturam attinet ve-
 “ re corpus & sanguis est Christi, vere divina & sancta
 “ res est, etiam quum ab indignis sumitur : quum ta-
 “ men illi minime participes fiant gratiæ illius [& sancti-
 “ moniæ, sed mortem inde hauriant & condemnationem,
 “ &c. Vide Authorem. Christum autem in Eucharistia
 “ comburi, a bestia rodi, &c. Posse, Christianis au-
 “ ribus indigna sunt, & multi etiam Romanenses vix
 “ ferre possunt. Crassus est hic post alios multos Bel-
 larm. De Eucharistia lib. 3. capite. 10. error. Neque
 Bellarminum quicquam hic juvat, quod Christum non
 in propria, sed in aliena specie hæc pati posse di-
 cat.

Quomodo-

Que
 cidere
 Videat
 onibu
 aliq
 10
 rum
 sam,
 ranis
 tas,
 enim
 Christi
 dum
 mus.

II.
 per E
 cum
 & Sal
 realen
 quena
 prolix
 Disp.
 27. c

12.
 tur cla
 sum
 ac pro
 ab h
 aliis
 consul

Ac
 animu
 Episc
 edito
 mini I
 moder
 modo
 is, ut
 liabiler

Quomodocunque enim hæc dicantur Christi corpori accidere posse, dictu absurdissima, & auditu indignissima sunt. Videantur alii modestiores, qui ab hisce portentosis assertionibus abhorrent. Hardingus apud Juellum Art. 23. &c. aliique permulti.

10. Ob hanc tamen sententiam de oralis etiam indignorum manducatione corporis Christi, sobrie & modeste defensam, quod a plerisque cum Romanensibus tum Lutheranis fit, nolim illos infamari & damnari, ut Capernaïtas, carnivoros, Christicidas, ἀματόποτας, &c. Hæc enim convitia, ut nihil in se veri habent, ita ab omni Christiana charitate aliena sunt : ac proinde ab aliis abstinendum est, si Deum, si veritatem, & unitatem Ecclesiæ amamus.

11. De Controversia inter ipsos Romanenses agitata, An per Eucharistiam consequamur solam unionem spirituales cum Christo per charitatem ut nonnulli in Complutensi & Salmanticensi Academia defenderunt, an vero etiam realem & substantialem carnis nostræ cum carne ejus, quemadmodum Cardin. Mendoza contra eos defendit, vide prolixam disputationem apud Vasquez. in 3. D. T. Tom. 3. Disp. 204. Vide etiam Th. a Jesu de Oratione lib. 4. cap. 27. &c. aliosque permultos.

12. Rationes quibus Protestantes rigidiores sibi videntur clarissime demonstrasse utrumque dogma & Romanensium, & Lutheranorum cum fidei articulis pugnare, ac proinde hæretica impia & blasphema esse, abunde cum ab harum sententiarum defensoribus, tum etiam ab aliis Ecclesiæ unitatis cupidis dissolutæ sunt. Quos consule.

Ac proinde ut hunc librum concludam, non lev's subit animum meum admiratio, quando apud Th. Mortonum Episcop. Ecclesiæ Angliæ, in Opere de Eucharistia nuper edito Anno 1631. Lib. 4. cap. 1. Sect. 1. lego ; Nemini Protestantium, saniorum scilicet ut ille intelligit, eam moderationem placere posse, de discrepantibus super modo præsentis corporis Christi in Sacramento sententiis, ut Sectam Romanam vel Tolerabilem, vel Reconciliabilem esse existimet ; præsertim cum quæstio duntaxat

fit de modo, ac proinde tota controversia hac de re inutilis & inanis sit. Hæc ille. Faxit Deus, ut extremis vitæ piæ veritatem, quæ sæpiusculæ in medio polita est, in charitate omnes sequeamur.

Soli Deo gloria.

LIBER

In c

In qu

I.

Bibite
Cio
tendu

2.
in his
cipite



LIBER II.

In quo de Communionem, sub una, vel
utraque specie, de Veneratione
EUCHARISTIAE, atque
aliis nonnullis dogmati-
bus controversis,
paucis agitur.

CAP. I.

*In quo de Communionem sub una, vel utraque specie
paucis agitur.*

I. **R**ES non est adiaphora, vel libera fidelibus ex
calice Eucharistico bibere, aut non bibere, sed
necessaria (extra casum necessitatis sc. qua de
re inferius) & imperata a Christo D. Quos
in Institutione Coenae suae jussit man-
ducare, eos similiter bibere omnes jussit.

Bibite ex hoc omnes. Ac proinde alterius speciei interdi-
ctio plane illicita est; quicquid Romanenses contra con-
tendunt.

2. Res inquam, necessaria est; nam si aliqua est necessitas
in his verbis: Accipite, manducate perinde & in his erit. Ac-
cipite, bibite. Si nulla, possunt igitur laici non manducare,
quem-

quemadmodum bibere illos non est necesse. Nam res non necessarias citra omnem culpam omittere, cuique fas est, ut recte argumentatur Andr. Fricius In defensione Cœnæ D. integre a populo sumendæ pag. 599. alique viri doctissimi.

3. Frustra sunt quando aiunt illud Bibite omnes, omnes inquam restringi debere ad Apostolos, quos alloquitur solos. Apostoli enim illic Ecclesiam totam repræsentabant, quocirca (π omnes) universe ad omnes fideles pertinet. sic Patres omnes verba Christi intellexerunt. Etiam Paschasius Radbertus (qui claruit A. D. 820.) lib. de Corp. & S. D. cap. 15. " Bibite ex hoc Omnes ; Id est, inquit, tam ministri quam reliqui credentes. Hic est calix sanguinis mei, novi & æterni Testamenti. Et sane mens fuit Christi, quamvis soli adessent Apostoli, præscribere Ecclesiæ universæ rationem administrandi hoc sacramentum, quam observari vellet, usque ad consummationem sæculi. Quod nisi nobiscum fateri Romanenses volent ; unde quæso comprobabunt manducationem panis, ad laicos pertinere ? præsertim cum de ea non desertim (omnes) dicatur, quod in calicis præcepto fit ut recte Vossius Disput. 5. de Sacra Cœna. Inanis etiam est illa commentitia distinctio de sacrificantibus & non sacrificantibus ; illis scilicet necessitatem impositam esse utramque speciem sumendi : istis alteram tantum, nempe panem. Omnino enim si sacrificantes necessario utraque specie utuntur, ut ostendant, in summo illo Christi sacrificio sanguinem ex corpore effusum fuisse : & cœnantes utraque utantur necesse est, quod Christus convivis suis in memoriam ejusdem sacrificii utrumque dederit, & cibum & potum, & quidem separatim utrumque Fricius quo supra. " Concilium Constantinense, in quo primum alterius " speciei interdictio sancita fuit Sess. 13. clarissime Christi verba sic eludere conatur, ut licet Christus instituerit, & dederit Sacramentum post cœnam, sub utraque specie discipulis, hoc non obstante observanda est Ecclesiæ consuetudo, ut non sumatur nisi a jejunis, Ecclesiam pariter, etsi Christus sub utraq; specie sacramentum instituerit & dederit discipulis, jus habere præcipiendi, ut Laicis sub altera tantum specie præbeatur. Sed dispar valde horum ratio est, ut inquit Vossius post alios innumeros viros doctos ; Nam Christus, ut calix bibatur, mandavit,

mandavit, cum dixit, *Bibite ex hoc omnes, &c.* Matth. 26. & Hoc facile, quotiescunque biberitis, in meam commemorationem. 1. Cor. 11. At non dixit similiter, Hoc facite post coenam. Nam si (ut inquit Aug. Epist. 118. ad Januar.) hoc ille monuisset, ut post cibos alios semper sumeretur, credo quod eum morem nemo variasset. Frivola tandem est distinctio illa ab illis usurpari solita inter Christi institutum & mandatum. Quis enim Christi institutum pro mandato non habeat, praesertim cum ita expresse dicatur: *Bibite ex hoc omnes.* Legatur hic Apostolus Paulus, quo nemo Christi mentem rectius nos docere potest, 1 Cor. 10. & clarius cap. 11. Quae contra ex Scripturis objiciuntur, nihil in se veri vel Solidi habent. Videantur Protest.

4. Quod ad Ecclesiae Primitivae praxin attinet, ipsum Constantinense Concilium Loquatur. Sess. 13. “ Licet Christus
“ suis discipulis administraverit sub utraque specie panis &
“ vini, tamen. Hoc non obstante, &c. & mox. Hae
“ consuetudo ad evitandum aliqua pericula & scandala est
“ rationabiliter introducta; quod licet in primitiva Ec-
“ clesia hujusmodi sacramentum reciperetur a fidelibus
“ sub utraque specie, postea a conficientibus sub utra-
“ que, & a laicis trantummodo sub specie panis suscipia-
“ tur.

5. Quae respondet Bell. (cum aliis) lib. 4. De Eucharistia ad objectiones ex patribus, mera & inania subterfugia sunt, ut intelligenti Lectori obscurum esse non potest. Notatu digna sunt illa verba, quae in principio cap. habet “ *Revera*
“ *Patres bene intellecti* (audax est haec assertio) nihil eo-
“ rum habent quae ipsi illis tribuunt. Nec tamen mi-
“ randum esset, si aliquis eorum obscurius Loqueretur,
“ cum tempore ipsorum non fuerit ista quaestio intro-
“ ducta, sitne utraque species necessario sumenda. Hae ille. Post plurimos alios qui hanc Ecclesiae Romanae mutilationem Eucharistiae cum scripturis, tum Patribus adversari clarissime ostenderunt, videantur inter Protest. Juellus Mortonus in opere Eucharistico nuper edito, & Fetleyus De grandi sacrilegio Ecclesiae Romanae, &c. ut alios innumeros taceam, brevitati enim studio, praesertim cum res tam clara sit.

6. Cassander in Consultatione De Sacra Communione Christiani populi in utraque specie, licet eam non jure divino simpliciter

simpliciter necessariam esse existimet, fatetur tamen " Veteres
 " omnes tum Græcos tum Latinos, in ea sententia fuisse vi-
 " deri, ut existimaverint in legitima & solemni celebratione
 " corporis & sanguinis D. & administratione ac dispensatione,
 " quæ in Ecclesia fideli populo e sacra mensa fit, duplicem
 " speciem, panis & vini, esse exhibendam: Atque hunc
 " morem per universas Orientis & Occidentis Ecclesias anti-
 " quitus observatum fuisse, tum ex priscorum Patrum mo-
 " numentis, tum ex vetustis divinatorum mysteriorum formu-
 " lis apparere. Inductos autem fuisse primo exemplo & man-
 " dato Christi, qui instituendo hujus Sacramenti usum, Apo-
 " stolis (fidelium sacramenta participantium personam repre-
 " sentantibus) quibus dixerit: Accipite & Edite, iisdem ipse
 " mox dicebat, Bibite ex hoc Omnes, quod ex Veterum sen-
 " tentia interpretatur Paschasius Ratbertus, (tam ministri
 " quam reliqui credentes) &c. Vide Authorem ipsum, qui
 " multos hic citat patres, imprimis illud Gelasii memorabile de-
 " cretum (de Consecr. dist. 2. cap. Conperimus) quo jubet
 " eos, qui superstitione aliqua impediti, a calice sacrati cruoris
 " abstinere, aut integra sacramenta percipere, aut ab integris
 " arceri quod diviso unius ejusdemque mysterii sine grandi sacri-
 " legio nequeat provenire. & p. 1025. edit. oper. parisi. " His,
 " inquit, & hisce similibus rationibus inducta Christi Eccle-
 " sia, Orientalis quidem in hunc usque diem, Occidentales
 " vero, sive Romana mille amplius annis continuis, non aliter
 " quam sub duplici specie in conventu Ecclesiæ sacramentum
 " hoc administrasse legitur, idque in pane & vino, atque adeo
 " separatim, &c. Ætate autem Leonis & Gelasii Pontificum,
 " Manichæi hunc universalem & perpetuum Ecclesiæ ritum
 " violarunt, &c. & p. 1027. Non puto demonstrari posse,
 " totis mille amplius annis in ulla Catholice Ecclesiæ parte
 " hoc Eucharistiæ sacramentum aliter in sacra Synaxi è menta
 " Dominica fideli populo, quam sub utroque panis vinique
 " symbolo, administratum fuisse. Nisi quod apud Latinos,
 " Parascees die solo pane pridie sanctificato & reservato com-
 " munio fieri videatur. Sed graviores auctores, &c. & p.
 " 1028. Non satis igitur considerate scribere videntur, qui
 " apud Veteres etiam in publicis conventibus, & ordinaria ad-
 " ministratione indifferentem usum hujus Sacramenti in una
 " vel duplici specie probare nituntur. Nam ut aliquando in
 " altera specie vel panis vel vini Eucharistia data & precepta
 " sit.

“ sit : id tamen privatam & extra ordinem , & non nisi quo-
 “ dammodo necessitate impellente factum apparet, &c. Le-
 gatur integer ille tractatus : lectu enim dignissimus est , &
 omnia fere quæ de hoc Argumento dici possunt, istic reperias.
 Videatur idem in Consultatione sua Artic. 22. ubi eadem
 supra tradita breviter repetit , & in Epist. 19. quæ est ad Joan.
 Molinæum p. 1105. & seq. & in Epist. 102. quæ est ad Joan-
 nem à Loviano. & in epist. 106. quæ est ad eundem. & epist.
 73. quæ est ad Gul. Lindanum , ubi ait optimos quosque
 desiderio calicis teneri, sed plerosque expetendo non rectam ra-
 tionem sequi, quod illum ita simpliciter a Christo præcep-
 tum , atque adeo necessarium putent , ut nullo tempore in al-
 tera specie verum sacramentum corporis Domini præberi pos-
 sit, quæ persuasio , illis facile , & damnandæ tot sæculis Ec-
 clesiæ Romanæ observationis, & ab ea deficiendi occasionem
 præbeat. Vide etiam Epist. 115. quæ est ad Georgium Wi-
 celimii Rectissime affirmat Cass. in epist. 19. supra citata,
 “ antiquioribus sæculis ad plenam legitimam & solennem
 “ communionem, utriusque Sacramenti corporis & sanguinis
 “ Domini participationem necessariam habitam fuisse de ex-
 “ traordinaria, inquit, infirmorum, abstemiorum, infantum,
 “ peregrinorum, domestica item & privata (de quibus Tertull.
 “ & Hieron.) hic nil loquor, &c. Vide etiam ejusdem Litur-
 gica c. 31.

7. G. Wicelius. In via Regia “ De Communione sub una
 “ specie est in confesso, sumptionem Sacramentalem de altari
 “ æque omnibus Christianis communem extitisse ad salutem,
 “ per omnia Novi Testamenti tempora ; oblitteratam quidem
 “ paulisper apud nos Occidentales, & ab usu promiscuo semo-
 “ tam suas ob causas , at non deletam omnino atque extin-
 “ ctam, &c. Sed male Ecclesia Romana in publica Synaxi
 “ usum calicis intermisit, neque ullæ justæ causæ cur hoc fa-
 “ ceret, nedum ut illo laicis interdiceret, subsuerunt. Subdit
 “ autem : Ejus rei cum nube quadam certissimorum testium
 “ septi simus, plerophoriam amplectimur , omni excluso du-
 “ bio ; alteram quidem in hoc Sacramento speciem, cui assue-
 “ vimus Latini, non impugnantes , nec ullis modis condem-
 “ nantes, aut improbe irridentes sed æqui bonique consulen-
 “ tes ; & quidem ita tulerunt tempora novissima. partem in
 “ meliorem interpretantes, pro aliorumque infirmitate, igno-
 “ rantia ac meticulositate aliqua sufferentes, multa etenim
 “ sunt

“ sunt ejusmodi in reformatis etiam Ecclesiis ac utrumque
 “ restitutis toleramus : necesse erit ut sciamus, ad perfectio-
 “ nem viam esse difficillimam, &c. Vide eundem in Me-
 “ thodo Concordiæ cap. 5. p. 20. “ De participatione commu-
 “ nionis facilis erit consensus, si necessitatem legis (absolu-
 “ tam necessitatem intelligit) de utraque specie Laxarint
 “ Sectarii, sique Ecclesiastici utraque vescentes Erebi duci
 “ non miserint, sed medium utrique tenuerint. enimvero
 “ laudandum, si Generali Synodo consentiatur καὶ δὲ ἄλλῃ in
 “ utramque, siquidem olim, ita communicatum in Eccle-
 “ sia.

8. Gerardus Lorichius lib. de Missa publice proroganda in
 7. pt. Canonis “ Sunt pseudo-catholici, qui reformationem
 “ Ecclesiæ quoquo modo remorari non verentur. Hi ne Lai-
 “ cis altera species restituatur, nullis parcunt blasphemis,
 “ &c. Idem lib. de Sacra Euch. fol. 73. “ Non possum non
 “ culpae nostrates qui non animadvertunt, Sacramentum
 “ Eucharistiæ hinc in Simonix labi crimen, illinc in hæreseos,
 “ & homicidiorum causam rapi, propter alterius speciei sub-
 “ tractionem. Nec hujusmodi malis obviam eunt, sed ma-
 “ gis dissimulant & adnivant. Vnde omnium hujusmodi ma-
 “ lorum Dominus ab illis rationem in illo die poscet, &c.
 Vide Ejusd. Epitomen Textus & Glossemat. in c. 6. Joan-
 nis.

9. Vide Petrum Picherellum fuscè in Dissert. De Missa c. 4.
 De concomitantia & Communionem sub utraque specie disse-
 rentem.

10. Legatur etiam Ferdinandi Imper. Rescriptum de Usu
 Calicis Rem ita narrat Andr. Dudithius Episcopus Quinque-
 ecclesiensis Cæsar. Majestatis Legatus, in Orat. habita in
 Concilio Tridentino pro permissione calicis in sacra Cœna
 Anno 1562. “ Etsi antea satis perspicere potuistis, quæ Cæ-
 “ saris mens fuerit cum a Sancta Synodo Calicis permissio-
 “ nem pro regnis & provinciis sibi subjectis petendam cura-
 “ vit, intellexistisq; tam ex eo libello, qui Cæsareæ Majest. suæ
 “ nomine vobis oblatus est, quam ex accurata Illustrissimi
 “ Domini Mantuani primi legati oratione, iustis & necessa-
 “ riis causis Majestatem suam adductam esse, ut hoc pe-
 “ teret, &c. Vide Goldast. Constit. Imperialium Tom.
 2. p. 399. Cæsareæ Majestatis. Articulos (in quibus hic unus
 est)

est) de Reformatione Ecclesiæ per Oratores in Conc. Trid. propositos v. p. 376. & Oratorum scriptum De Communionem Corporis & S. C. sub utraque specie p. 377. & 378. & Imperatoris ipsius Rescriptum p. 379, &c. Id se tum suo, tum Ducis Baviaræ generi sui nomine petere ait : persuasum, rem dignam pietate ipsius Pontific. & sibi gratissimam, facturum. Literas Ducis Baviaræ, earum saltem summam, habes in Hist. Conc. Trid. lib. 8. p. 922. edit. Francof. & apud Goldast. loco quo supra. p. 399. Idem etiam petiit Rex Galliarum per suos Oratores vide Goldast. ibid. Leges Jac. Aug. Thuanum Hist. lib. 35. Anno 1564. Hist. Conc. Trid. lib. 6. & Authorem Anonymum Gallum Recognit. Concil. Trid. lib. 2. cap. 1. Nihil tamen hic præstitum est.

11. In Conc. Trid. Cardin. Madrucius absque omni exceptione Calicem permittendum censuit. Similiter Episc. Mutinensis, Caspar de Casal. episcopus Leivienfis, natione Lusitanus, viret vitæ exemplaris, & præstantis doctrinæ. Andr. Dudithius episc. Quinque Ecclesiensis tanquam præsul, non tanquam Cæsare M. Legatus tantum ; quanquam plurimis aliis contradicentibus. Vide Hist. Concil. Trid. lib. 6.

12. Joan. Barnesius in Catholico-Romano Pacif. Sect. 7. " Communio sub utraque specie Scripturis, Patribus & Universalis Ecclesiæ consuetudini est conformior, ac per se loquendo jure divino præscribitur ; per Accidens tamen potest fieri, ut plebs sub una tantum specie communicet : & idem late probat ex Cassandro, & Authoribus ab illo citatis in Consult. Art. 22. Et in tractatu de sacra Communionem, &c. Alia plurima, quæ ex Romanensibus ipsis citari possent ad ostendendum hanc fuisse antiquissimam & quidem universalis Ecclesiæ consuetudinem ante secula pauca posteriora brevitatis causa omittimus, & lectorem sedulum ad Auctores alios ex quibus hæc peti possunt & debent, remittimus.

13. De inconstantia Lutheri de Communionem sub una vel utraque specie, tum a Romanensibus, tum etiam ab iis qui vulgo Sacramentarii dicuntur, sæpe exprobrata nihil nunc dicam. Vide Hospin. Hist. Sacram. parte altera p. 12. 13. aliosque. Historia Augustanæ Confessionis D. Chytræi p. 254. edit. Francof. An. 78. de Confessione quæ super hac re Romanensibus

manentibus. facta dicitur Augustæ a Protest. rem ita refert.
 “ Dehinc de utraque specie Sacramenti non indicatur, quo
 “ modo aut qua ratione excusemus illos, qui una specie utun-
 “ tur: & ex odio adjicitur, quasi nolimus docere, quod qui
 “ sacramentum sub una specie percipiunt, non peccent.
 “ Qui hoc ita obiter legit, possit opinari, nos consentiri
 “ in unius speciei communionem, atque nihilominus vel ex
 “ odio, vel aliis iniquis de causis in publicis concionibus
 “ nolle hoc profiteri. Nos autem e contra verbis & scrip-
 “ tis multoties exposuimus, quo pacto eos qui unam
 “ speciem per necessitatem, quæ multiplex & varia esse
 “ potest, excusatos habeamus: Hac autem Concessione
 “ prohibitionem alterius speciei non approbavimus,
 “ &c. Vide Joh. Dietericum Lutheranum Contra Johan.
 “ Lampad. Tertiam Melliseii Historici partem. pag.
 “ 37.

14. Bucerus in Defens. Christ. Reform. Herman. Archiep.
 Colonens. cap. 73. “ Necesse igitur est, ut totalem hanc
 “ calicis Domini, ac dispensationis ejus sublationem fina-
 “ mus esse gravissimum sacrilegium, & abominandam ope-
 “ ris ac mandati I. C. perversiorem: nemoque ullo suco
 “ ordinationem seu dispensationem Ecclesiasticam ex ea fa-
 “ ciat, etiamsi multa millia filiorum Dei, ac verorum mem-
 “ brorum Christi sacrilegium istud ex ignorantia, sicut etiam
 “ alios abusus, longo jam tempore tolerarunt, ac simul exer-
 “ cuerunt. Hæc ille pag. 238. & rursus pag. 241. Si quis
 “ esset, qui vinum bibere non posset, & tali solus panis Domini
 “ porrigeretur, &c. hæc sane esset Ecclesiæ in hoc Sacramento
 “ dispensatio, quæ illi juxta exemplum & verba Domini de
 “ sabbatho licita esset & concessa. At integrum Sacra-
 “ mentum, cujusmodi est dispensatio calicis Christi, uni-
 “ versæ Ecclesiæ penitus subtrahere, id ei nullo modo li-
 “ cet.

15. Episc. Eliensis contra Card. Bell. Apol. cap. 8. p. 192.
 “ Si qui in extremis viaticum petant, ab hac autem vel illa spe-
 “ cie abhorreant; quæri potest porro, an eo casu dispensari
 “ possit, ut altera tantum specie communicent: & an (ne-
 “ cessitate id urgente) immutari possit quid, in Eucharistia
 “ (ut olim in Baptismo (linicorum) gratia divina, huma-
 “ num defectum supplente, cum sacramentum propter homi-
 “ nem factum sit; non homo propter Sacramentum. Verum
 “ casus

casus ille in legem trahendus non esset : (ut jam apud
vos Lex est) Sed cessante ferrea necessitate , de reli-
quo , redeundum mox ad Christi institutum. Hæc
ille.

16. If. Casaub. in Epist. exercitationibus præfixa "Quid?
audebuntne, &c. Dicere doctrinam de adempto populis
calice extra casum necessitatis, &c. esse illam Judæ Aposto-
li semel traditam fidem? Vorstius in Anti-pistorio De
communione sub utraque specie part. 2. pag. 350. Status
quæstionis verus est, An ordinarie in cœtu fidelium, ubi
nullum est necessarium impedimentum, utraque Sacramen-
ti species omnibus communicantibus & quidem necessario,
puta ex ipsius Christi institutione & precepto administran-
da ac percipienda sit : an vero Laicos, item Clericos non
consecrantes, sola panis specie contentos esse oportea-
t. Nos priorem sententiam tenemus, nimirum fre-
ti ipsa Christi institutione & praxi Ecclesiæ Apostolicæ
immo etiam continua observatione sequentis Ecclesiæ
per mille amplius annos, &c. Speciales tamen casus
hic semper excipimus, in quibus alteram speciem fortasse
sufficere posse, non admodum contentiose negamus. Hæc
ille.

17. Archiep. Spal. De Rep. Eccl. lib. 5. cap. 6. n. 278.
Dico primo Perfectum ac verum Sacramentum consistere in
utriusque speciei sumptione : ea enim fuit prima Christi in-
stitutio, &c. Vide Authorem. & n. 279. Dico 2. Non esse
adeo sub præcepto, ut Eucharistia & in cibo & in potu sem-
per a fidelibus sumatur, quin ex gravi, sed privata privato-
rum causa, Possit cum fructu, & licite etiam sub solo pane
sumi licet in tali casu Sacramentum vere & proprie, ut dixi,
integrum non sit. Casus vero potest esse, vel ubi vinum
non adsit : vel in abstemio, vel commoditatis privatæ gra-
tia, puta quia quis malit domi communicare, quam in Ec-
clesia, ex legitima causa ; is enim ferre secum panem po-
test, vinum non solet, ut exempla antiqua docent (apud
Bell. de Eucharistia lib. 4. cap. 24.) Sed lege universali prohi-
bere Laicis omnibus, & auferre etiam invitis usum calicis,
ubi nulla necessitas cogit, Ecclesia nullo modo potuit, aut
potest : quod enim Christus concessit omnibus, perperam
ab Ecclesia negatur : & ubi commode exhiberi potest, &
debet integrum Sacramentum, cum maxima iniquitate

“mutilatur & dimidiatur: & hoc merito expresse sub Anathemate vetatur a Gelasio Canone Ecclesiastico De Consecr. dist. 2. cap. Comperimus. Hæc ille. Vide alia apud Authorem ibid. & in Olensione Errorum Suarezii cap. 2. n. 14. & 15. plura de re adeo certa & clara scribere non libet: Legantur alii, qui fusius hanc quæstionem tractarunt; imprimis præter hætenus citatos, tres Dialogi And. Fricii Modrevii, De utraque specie Cœnæ D. & Defensio eorundem per eundem authorem, Disputatio Theologica 5. Gerardi Vossii, De Sacris Cœnæ Dominicæ Symbolis, accurata, & nervosa, alios innumeros ut omit-
tam.

C A P. II.

Quibus verbis fiat Consecratio Eucharistia, & Simul de ejusdem reservatione, & venera- tione.

1. **V**ERBA quibus Eucharistia conficitur, debere esse consecratoria, non concionalia tantum, i. e. non tantum dici debere ad populum instruendum, sed etiam, immo potius ad Eucharistiam consecrandam fatentur omnes saniores Protest. Sed consecrationem non aliis verbis fieri, quam istis, H. E. C. M. Et. H. E. S. M. quemadmodum contendunt Romanenses contra Græcos, id plane inficiantur plerique. Non enim solis illis Christi verbis consecrationem fieri exultant, Sed etiam mystica prece, qua Spiritus Sancti adventus imploratur, qui elementa sanctificet, atque adeo actione tota, quatenus ea, cum a ministro, tum a communicantibus fit secundum institutionem Christi.

2. Scriptura certe sententiæ Protest. magis favet, & pluri-
mi Patrum passim dicunt prece atque invocatione elementa consecrari. Vide hic Archiep. Spal. lib. 5. De Rep. Eccles. cap. 6. n. 5. 6. & seq. fuse hoc probantem. Cassand. Epist. 72. quæ est ad Ducis Cliviæ Cancelliarum “De discrimine
“Græco-

“ Græcorum & Latinorum videtur tua excellentia non satis
 “ scripti mei sententiam observasse: nam diserte & expresse
 “ ibi scribitur, veteres Latinos cum veteribus Græcis, non
 “ solum in sententia de consecratione, quæ mystica prece
 “ fit, Sed etiam in precandi forma, qua Sp. S. adventus im-
 “ ploratur, qui proposita munera sanctificet, convenisse,
 “ idque probatur testimoniis Hieronymi, Fulg. Gelasii, Ildo-
 “ ri. Veterum autem Latinorum, qui precis & invocationis
 “ meminerunt, passim obvia sunt, & commemorantur in An-
 “ tidi-dagmate Coloniensi, ni fallor. ut est illud Hier. ad Evag-
 “ rium, &c. & Aug. de Trinit. lib. 3. cap. 4, &c. (verba vide
 “ apud Authores & Cassand.) De posterioribus vero Latinis,
 “ qui a quingentis annis fuerunt, præsertim Scholasticis,
 “ manifestum est quod formam consecrationis constituerint
 “ in solis istis verbis Dominicis H. E. C. M. reliquas autem
 “ preces ad formam pertinere, &c. & paulo post. Multo
 “ tutiorem existimo veterum Latinorum & Græcorum con-
 “ sensum, ut ex Ecclesiarum omnium consuetudine invoca-
 “ tio quoque adhibeatur. Hæc ille. Gul. Lindanus Pano-
 “ pl. lib. 4. cap. 41. eandem sententiam mordicus defendit ex
 “ Justino Martyre Apol. 2. & Basil. de Sp. S. cap. 27. Autho-
 “ res Antidi-dagmatis Colon. ut patet ex ipsorum libro, & Bu-
 “ ceri Defensio Christi Reform. &c. cap. 102. ubi male hoc
 “ novum dogma appellat, & non solum Scripturæ, & omnibus
 “ Patribus, Sed etiam ipsis Doctoribus Scholasticis repugnare
 “ contendit. Christoph. de Capite fontium Archiep. Cæsari-
 “ en. Tract. var. ad Sixtum Quintum Pontif. Paris. 1586. cap.
 “ 1. prolixè defendit, non in sola verborum illorum H. E. C. M.
 “ prolatione Consecrationem fieri, sed etiam Sacerdotis benedic-
 “ tione, seu precatione. Huic sententiæ firmandæ adducit mul-
 “ tos patres post Scripturam, & inter Scholasticos Scotum, &
 “ Scholasticorum turbam qui Scotum sequuntur, Alphonsum
 “ etiam a Castro, & Lindanum, ad Missales etiam libros anti-
 “ quos sive Liturg. &c. fidenter provocat omnes Lectores. vide
 “ Episc. Mortonum de Euchar. lib. 1. cap. 2. p. 8. & Gerard.
 “ Vossium Disp. Theol. 2. De Sacris Cœnæ D. Symbolis
 “ Thesi. 2. Alios innumeros brevitatis ergo, silentio præte-
 “ reo.

3. Hæc Controversiola diu jam, & magno animorum ser-
 “ vore agitata est inter Græcos & Latinos, & multi Latini cum
 “ Romanenses, tum etiam Protest. defendunt nonnulli Græco-

rum , alii Latinorum sententiam. Neutra tamen gravis
aut impii erroris damnanda est “ Multo tutiorem , in-
“ quit Cassander , Loco supra citato , existimo veterum
“ Latinorum & Græcorum consensum , &c. Vide su-
pra. Archiep. Spalat. loco citato n. 5. “ Major difficul-
“ tas est quibus verbis sit facienda hæc Consecratio ? liqui-
“ dem neque Scriptura, neque traditio ea præcise explicat.
“ Omnes enim supra citati Patres eam precibus fieri con-
“ tendunt , certas preces non explicantes ; nonnulli etiam
“ verba Christi H. E. C. M, &c. Consecratoria & Christo
“ fuisse , & nobis esse volunt , adeo ut Scholastici jam
“ ferme omnes in his verbis Domini constanter asseverent
“ consistere vim Eucharisticam consecrandi ; Roma vero
“ hodie pro hæretico puniat si quis negaret. Ego autem
“ (ut ingenue dicam quod sentio) ita probabilem pu-
“ to hanc sententiam , propter alicujus Patris , qui eam
“ tenuisse videatur , assertionem , ut tamen longe pro-
“ babiliorum existimem aliam , nimirum precibus Eccle-
“ siæ fieri Eucharistiæ consecrationem : nam & Scriptura
“ huic Sententiæ magis favet , & plures Patres eam
“ docuerunt , & paucioribus implicata est difficultati-
bus. Et de Rep. Eccles. lib. 7. cap. 12. n. 104. “ Alæ ve-
“ ro a Calvino Reformatæ Ecclesiæ , si sola concione , &
“ ministri adhortatione conficiunt Eucharistiam multis
“ specialibus adhibitis precibus Sacramenti consecrato-
“ riis , ego plurimum suspicor eos veram Eucharistiam
“ non habere , neque video quam excusationem pos-
“ sint afferre , cur antiquas aut non accipiant , aut non
“ imitentur in partibus essentialibus saltem , liturgias ,
“ & præsertim Latinæ Ecclesiæ antiquissimæ. Erasmus su-
per illud 1. Cor. 11. H. E. C. M. “ In omnibus in-
“ quit , accedendum est judicio Ecclesiæ , licet hic sermo
“ videatur jam panem consecratum porrigentis. Mihi in to-
“ tum videtur consultius de rebus hujusmodi , quæ certis
“ Scripturæ testimoniis doceri non possunt , Sed ab hu-
“ manis pendent conjecturis , non adeo fortiter asseverare ,
“ ut nostram opinionem oraculi vice haberi postulemus , ac
“ fortasse tutius sit Ecclesiasticos procures non temere pro-
“ nunciare de quibuslibet , quæ doceri non possunt , quum &
“ ipsi sint homines & labi queant. Idem in Apologia adver-
sus Monachos Hispanos Tom. 9. p. 868. “ Christum his verbis
consecrasse

“ consecrasset H. E. C. M, &c. nondum mihi constat
 “ expresse pronunciatum ab Ecclesia, etiamsi constaret a
 “ Christo nobis traditam hanc consecrandi formam, & juxta
 “ speciem probabilius videtur quibusdam, quod benedictione
 “ consecraverit. Nec ipse Thomas, nec hoc recentior Gabriel
 “ dissimulant, varias Theologorum hac de re fuisse sententias,
 “ etiam orthodoxorum, quorum nullus pronunciat hæreticum
 “ esse de hoc dubitare, nec ullum inducunt authorem qui
 “ hoc affirmavit, præter Eusebium Emisenum, authorem pa-
 “ rum secundæ famæ, si modo illius sunt verba quæ referun-
 “ tur in Decr. de Consecr. dist. 2. Quia corpus, &c. Vide
 alia ibid. in eandem sententiam. Atque hæc hac de lite suffici-
 ant, in qua nihil temere & tanquam de fide definiendum
 est.

4. Verus & Legitimus hujus Sacramenti usus in mandu-
 catione & potu consistit. Hoc ex parte etiam vidit inter re-
 centiores Scholasticos Gabriel Biel. in Can. lect. 36. “ Re-
 “ missio peccatorum, inquit, plus fit per usum hujus Sa-
 “ cramenti, quam per ipsum in se. Non enim tantum pro-
 “ dest in pyxide conservatum, sicut oblatum & sump-
 “ tum in vera fide & devotione. Causam deinde sub-
 “ dit, quia manducatio & potus, hujus sacramenti est usus.
 “ Hinc, inquit, & volens discipulos suos Christus, fructus
 “ hujus sacramenti participes fieri: postquam corpus suum
 “ consecravit, non sistebat in consecratione. Neque dedit
 “ discipulis ut ipsum honorifice conservarent: sed dedit in
 “ sui usum dicens: Accipite & manducate. Et paulo post:
 “ Ex his satis patet, quod consecratio ad usum, qui est ejus
 “ manducatio, tanquam ad finem quodammodo proximum
 “ ordinetur. Quia Christus, postquam accepit panem, bene-
 “ dixit, dedit discipulis suis, ut manducarent. & Lect. 38. Ipsa
 “ enim Consecratio non est simpliciter finis consecrantis, sed
 “ potius usus fidelium. Ad hoc enim consecratur corpus &
 “ sanguinis, ut fideles eo utantur manducando, & mandu-
 “ cantes capiti & membris fortius uniantur. Hæc ille.
 Videatur etiam Humbertus Episc. contra libellum Nice-
 tæ Monachi apud Cassand. in Liturgicis cap. 20. circa fi-
 nem.

5. Negari tamen non potest, in veteri etiam Ecclesia obti-
 nuisse reservationem Eucharistiæ, prius privatam domi ab
 ipsis fidelibus, quod multa Patrum loca clare evincunt

(vide Bell. de Euchar. lib. 4. cap. 4. Gerard. Vossium Disp. 41. de Sacram. Euchar. Thes. 8. aliosque) quanquam Locus ille Orig. seu Cyrilli in cap. 7. Levit. hom. 5. Dominus panem, quem Discipulis dabat, cum dicebat, Accipite & manducate, non distulit, nec servari iussit in crastinum, morem illum non omnibus placuisse innuere videatur. Sed clarissime idem ostendit Concil. Cæsaraugustanum in Hispaniis ætate Damasi habitum Anno. scil. 381. quod morem istum esse abrogatum istic saltem demonstrat Can. 3. atque idem confirmatur Concilio Toletano 1. Anno quadringentesimo Can. 14. unde Bell. Loco supra citato “ Conc. inquit, Tolet. lib. & Cæsaraugust. non prohibent asservari in Ecclesia Eucharistiam, “ sed jubent fidelibus communicantibus, ut in Ecclesia communicent, & non secum asportent venerabile Sacramentum, &c. Deinde morem veterem fuisse (licet de pari antiquitate non satis clare constat) ut sacramentum publice a Sacerdote in paltrophorio, vel pyxide asservaretur, uti & dilationem ad absentes, atque infirmos patet ex historia de Serapione apud Euseb. lib. 6. Hist. Eccl. cap. 36. Quo autem tempore Sacramentum publice administrabatur, ad ægrotos, atque alios qui adesse non possunt, per Diaconum mitti solere etiam Justin Martyris seculo clarissime constat ex ipsius Apolog. 2. pro Christianis, posterioribus vero seculis, cum quotidie fideles communicare non solerent, reliquias Eucharistiæ, vel igni tradi, vel a pueris absumi solere docet Concil. Matisconense 2. (habitum anno 588) can. 6. Hesychius lib. 2. in Levit. cap. 8. Evagrius Scholasticus lib. 4. cap. 35. Niceph. lib. 17. hist. cap. 25. Concil. Aurelianense, testibus Ivome & Burchardo. Gnitmundus lib. 2. & Algerus lib. 2. cap. 2. Videatur hic Bell. loco præcitato cap. 5. & plurimi protest. imprimis Vossius loco quo supra. Sed publica illa asservatio & delatio, ut nec ubique, nec semper recepta fuit, ita etiam ubi obtinuit pro more libero habebatur, non necessario. Sed Synodus Trid. Sess. 13. cap. 6. retinendum omnino salutarem hunc & necessarium morem statuit : Hæc Synodi verba sunt “ Denique “ in Ecclesia veteri reservabatur quidem Eucharistia, & ad ægrotos atque alios absentes deferabatur : sed utrumque fiebat, ut sumeretur & manducaretur atque hic pius mos ne utiquam dariiari debet. Sed in Romana Ecclesia circumgestatur Eucharistia asservata ad ostentationem & pompam, aut ad incendia, tempestates, aliaque mala averruncanda : atque etiam in

in adoratione ejus peculiaris cultus est institutus, ut post alios innumeros inquit Vossius. Hæc autem commenta utut quibusdam fidelibus placuerint, universæ tamen Ecclesiæ probata fuisse primis & optimis seculis nunquam demonstrari poterit.

6. Vorstius in Anti-Bell. in 3. Tom. p. 406. “Quæstio
 “ hic non est de extraordinaria aliqua S. signorum ad absentes
 “ delatione, aut qualicunque asservatione, in usum ægrotorum,
 “ rum, aut advenarum, &c. sed de ordinaria illa repositione, ad
 “ cultum, aut circumgestionem hostiæ, quam vocant, consecratae,
 “ qualis in Papatu hætenus usitata est. Nostri igitur
 “ generatim omnes affirmant: S. Symbola tantum in usu Communionis,
 “ qualem Christus instituit, pro Sacramento corporis & S. D. habenda esse: contraque diserte negant, extra
 “ hunc Legitimum usum revera ullum esse Sacramentum.
 “ Nec tamen usum illum ad actum manducationis, ac bibitionis,
 “ aut ad certum aliquod temporis momentum, præcise restringunt sed totam Eucharistiæ actionem, sive integrum
 “ illum actum ceremoniale intelligunt: & Sic regulam illam recte accipi volunt, qua dicitur, Nihil habere rationem
 “ Sacramenti extra Legitimum usum, &c. Hæc ille. Tollatur abusus
 “ hodiernæ Ecclesiæ Romanæ, seu el consecratam hostiam, in ciboriis,
 “ ad circumgestionem, & theatricam pompam asservandi; ut quæ non minus extra communionem,
 “ quam in ipsa communionem, vel relatione ad eandem, verum & substantiale Christi corpus sit, & maneat,
 “ quamdiu scilicet ipsæ species durant: quibus forte corruptis etiam corpus & sanguinis Domini evanescant; & hæc controversia tolli potest, non damnata veteris Ecclesiæ praxi, in asservatione, quæ tunc obtinuit.

7. Alias quæstiunculas, de azymo pane, ac firmamento, de vino temperando aqua in sacro calice, ut & de fractione panis omitto, parum enim momenti in his situm est, neque ob hujusmodi minoris momenti lites Ecclesiarum pax turbanda est, aut Ecclesia schismate dividenda.

8. Quod ad adorationem hujus Sacramenti attinet; quum qui digne sumit S. Symbola, vere & realiter corpus & sanguinem Christi in se, corporaliter, modo tamen quodam spirituali, miraculoso, & imperceptibili sumat;

omnis digne communicans adorare potest ; & debet corpus Christi, quod recipit, non quod Lateat corporali-
 ter in pane, aut sub pane, aut sub speciebus & acciden-
 tibus panis ; sed quod quando digne sumitur panis Sa-
 cramentalis, tunc etiam sumitur cum pane Christi cor-
 pus reale, illi communioni realiter præsens, ut inquit,
 Arch. Spalat. lib. 7. De Rep. Eccl. cap. 11. n. 7. "Car-
 nem Christi in Mysteriis adoramus, inquit Amb. lib. 3.
 de Sp. S. cap. 12. Nazianz. in oratione de sancta Gorgonia,
 eum, qui super altare colitur, obtestans. Aug. in ps. 98.
 Nemo illam carnem (Christi sc.) manducat, nisi prius
 adoraverit. Videatur Chrysost. compluribus in scripto-
 rum suorum locis. Consentiunt & reliqui Veteres. Immanis
 est rigidiorum Protest. error, qui negant Christum in Eucha-
 ristia esse adorandum, nisi adoratione interna & mentali, non
 autem externo aliquo ritu adorativo, ut in geniculatione,
 aut aliquo alio consimili corporis situ ; Hi sere omnes
 male de præsentia Christi Domini in Sacramento, mi-
 ro, sed vero modo præsentis sentiunt "Stantes an seden-
 tes proni an supini, erecti an geniculati, manibus pas-
 sis an junctis, Christum in Eucharistia præsentissimum,
 adoremus, adorationis quidem per se non refert, sed tempo-
 rum magis & locorum, & id genus circumstantiarum, ut
 recte ait Claudius Espenc. de Eucharistiae adoratione lib. 2.
 cap. 16. Sed damnare ut illicitum adorationis gestum exte-
 riorem quem plerique sere omnes Christiani ab Apostolorum
 usque temporibus, vel stantes, vel genibus incumbentes in
 suscipienda Eucharistia observarunt, atque etiamnum ob-
 servant, magnæ profecto temeritatis & audaciæ est.
 De adorationis gestu exteriori multiplici Lege Espenc.
 ubi supra. Multa ille refert de veteri standi more ex ve-
 teribus, Die Dominico & a die Paschatis in Pentecost-
 ten meminit præsertim decreti Concilii Niceni I. quod
 quæ jam tum irrepserrat, genua in paschali tempore ac gau-
 dio flectentium, difformitas, eam ad non flectentium
 conformitatem reduxit. narrat etiam ibid. fuisse in Gal-
 liis e contrario (anno 1555.) qui subortam in Ecclesia
 Lugdunenli, eandem in hoc Sacrorum mysteriorum mo-
 mento non geniculantium disparitatem intolerabilem,
 (ne quid gravius dicam) rati, ad geniculantium paritatem
 censerent reducendam, non obstante quavis ejus Ecclesiæ
 consuetudine

consuetudine contraria “ Cujus ejusdem controversiæ (in-
 “ quit) quis exitus fuerit, haud certo scio, nisi quod audio
 “ a Christianiss. Rege nostro Henrico 2. ex consilio Cardi-
 “ naliū Lotharingii & Turnonii, ad eum, in quo ante litem
 “ motam, statum reductas, & in eodem manere justas. Hæc
 ille.

Ruardus Tapperus Art. 14. p. 212. “ Nec articulus, in-
 “ quit, habet, quod prostrati Eucharistiam suscipere debea-
 “ mus; sed quod recte a nobis adoratur signo externo pro
 “ conditione loci, temporis & qualitatis personarum, &
 “ hominum cum quibus conversamur consuetudine. Nam
 “ cum desertur ad infirmos, genua flectimus si nullum sit
 “ impedimentum: in plateis autem immundis detegimus ca-
 “ put cum aliquo alio reverentiæ signo. Si infirmi per pla-
 “ teas portamur, si curru vehimur signum ostendimus reve-
 “ rentiæ, quod patitur conditio temporis, loci, & personæ:
 “ Item decumbentibus aut sedentibus infirmis istud sacra-
 “ mentum ministramus, præstita reverentia quam possunt.
 “ Et sacerdotes in Missa consecrant & sumunt stantes. Hæc
 ille.

De antiquissimo ritu standi in Eucharistia recipienda,
 Vide etiam Doctissimum Gabrel. albasinani Aurelien-
 sem Episcopum, De Veteribus Ecclesiæ ritibus, Observati-
 onem lib. 1. Observ. 12. pag. 82. “ eadem, inquit, religio-
 “ ne atque ob eandem causam, cum Eucharistia reficiendi
 “ essent fideles, non genibus nixi, non humi jacentes,
 “ sed erecti, & in cælum intuentes preces concipiebant. vi-
 de etiam eundem pag. 121. Vide his multos Protest. præ-
 fertim Anglos, qui de exteriori adoratione Christi in Eu-
 charistia adversus Puritanos, quos appellant, scripse-
 runt.

9. Perperam ἀρτολατρεία Romanensibus a Plærisque Prot.
 objicitur, & illi idololatriæ crassissimæ & gravissimæ ab his
 insinulantur & damnantur; quum plærique Romanenses ut
 & alii fideles credant panem consecratum non esse am-
 plius panem, sed corpus Christi, unde illi non panem a-
 dorant, sed tantum, ex suppositione, licet falsa, non tamen
 hæretica aut impia vel cum fide directe pugnante ut superi-
 ore libro ostensum est; Christi corpus quod vere adorandum
 est, adorant. In Eucharistia enim mente discernendum esse
 Christum

Christum a visibili signo docent ipsi ; & Christum quidem adorandum esse, non tamen Sacramentum quia species illæ sunt res creatæ & inanimæ & consequenter incapaces adorationis : neque enim satis est ut Christus sub illis sit, quia etiam “ Deus est in anima, tanquam in templo suo, & tamen “ adoratur Deus & non anima ; ut ait Suarez. Tom. 3. Qu. 79. Artic. 8. Disp. 65. Sect. 1. Bellarm. lib. 4 de Euchar. cap. 29. “ Nullus, inquit, Catholicus est qui doceat “ ipsa symbola externa per se & proprie esse adoranda cultu latriæ, sed solum veneranda cultu quodam minori qui omnibus Sacramentis convenit, cultu autem Latriæ dicimus per se, & proprie Christum esse adorandum, & eam adorationem, ad symbola etiam panis & vini pertinere, quatenus apprehenduntur ; ut quid unum cum ipso Christo quem continent. Quemadmodum, qui Christum in terris velitum adorabant, non ipsum solum, sed etiam vestes quodammodo adorabant, &c. Quod ad primam Bellarmini assertionem attinet de symbolis venerandis cultu quodam minore, &c. admitimus ; Sed quod ait adorationem Latriæ licet Christo per se & propriæ debeatur & exhibeatur, ad symbola etiam pertinere ; quatenus apprehenduntur ut quid unum cum ipso Christo quem continent, & quibus quali vestibus tegitur & absconditur ; falsum est ; & repugnans plurimorum aliorum sententiarum. Species enim illæ ad suppositum Christi non spectant, neque unum faciunt cum illo ; unde ipsemet fluctuans ait paulo post. “ Quicquid sit de modo loquendi, status questionis non est, nisi an Christus in Eucharistia sit adorandus cultu latriæ. Sed de hoc Protestantes saniores non dubitant, in sumptione enim Eucharistiæ, ut utar verbis Archiep. Spalat. adorandus est Christus vera Latria, siquidem corpus ejus vivum & gloriosum, miraculo quodam inexplicabili digne sumenti præsens adest ; & hæc adoratio non pani, non vino, non sumptioni, non comestioni, non signis, sed ipsi Christi corpori immediate per sumptionem Eucharistiæ exhibito debetur & perficitur.

10. Dan. Tilenus in Parænesi ad Scotos, &c. cap. 12. “ Scilicet, inquit, ignorant Angli discrimen quod est inter “ Christum & Christi Sacramentum quod ne Pontificii quidem ignorare videri volunt. Tametsi hi panem adorant (ex sententia Protestant. scilicet) non tamen panem adorandum esse dictitant : ideoque nondum consecratum panem populo

“populo ostendi vetant, ne ab imperita plebecula temere adoratur; sed neque post consecrationem in Transubstantiationis tragelapho, accidentia sine subiecto, sed solum Christum adorari dicunt. Hæc ille.

Adorationem elementorum seu specierum negare Romanenses fatetur etiam Episc. Rossensis Anglus in Tractatu suo de hoc argumento scripto Anglice p. 37. aliique complures. Vide Urlinum in Confid. Com. Clytræ; & contra Theses Rungii. Thes. 7.

11. Cassander in consultat. “De Adoratione Eucharistiæ ita ex Veterum mente statuendum puto. Cum in hoc Sacramento Christus Deus & homo & corpore & sanguine suo præsentem se exhibeat, consequens est, ut in hoc quoque mysterio adoretur, quæ adoratio non ad ipsum signum quod exterius videtur, sed ad ipsam rem & veritatem quæ interius creditur, referenda sit, quamvis & ipsi signo, cuius jam virtus intelligitur, tanquam religioso, & sacro sua veneratio debeatur. Hanc verissimam suam sententiam confirmat testimoniis Patrum Ambr. lib. 3. de Sp. Sancto. August. hunc imitati in ps. 98. & epist. 120. Chrysost. in 1. ad Corinth. 10. hom. 24. Theodoret. Dialogo 2. “Intelliguntur (inquit, Theodoretus) mystica symbola ea esse quæ facta sunt, & creduntur, & adorantur tanquam ea existentia, quæ creduntur. Hæc Cassand. in Artic. de Adorat. Eucharistiæ, Archiep. Spalat. De Rep. Eccl. lib. 7. cap. 11. num. 7. “Respondeo, inquit, me nullum Idolatricum crimen in adoratione Eucharistiæ si recte dirigitur Intentio, agnoscere. “Qui enim docent panem non esse amplius panem, sed corpus Christi, illi profecto panem non adorant, sed solum, ex suppositione, licet falsa, Christi corpus vere adorabile, adorant. Nam neque nostri dicunt species panis & vini, hoc est Accidentia illa, esse adoranda, sed dicunt corpus Christi verum & reale, quod sub illis speciebus latet, debere adorari. Et in hoc nulla est idolatria; docti enim nihil aliud nisi Christi corpus, ex suppositione, ut dixi, adorant. “Quod si scirent sub specibus illic panis, & vini aut sub pane & vino non latere verum Christi corpus, certe nullam illis exhiberent adorationem; tota ergo mens adorantium ad solum Christi corpus vivum immediate, & non ad aliquid aliud dirigitur. Hæc ille, qui tamen in ejusd. libri cap. 12. n. 44. Parum sibi constans affirmat doctos etiam plurimos nedum

nedum rudem plebem, adorare id quod vident, id est panem, seu si vis species panis : quibus nostri dicunt Christum ipsum quasi vestibus tegi & abscondi, &c. Sententia enim ista plurimis Doctoribus Romanensibus displicet ; neque audet Bell. ipse quem ibi impugnat, eam aperte defendere, sed conatur elabi subtili imo futili distinctione, quam ipsemet cum paucis aliis quantumvis doctis, nedum populus imperitus, non intelligunt. Vide Authorem.

12. Joh. Barnesius libro sæpe citato ubi supra : “ Corpus Christi est ibi cum pane, vel permanente vel transiente, uno vel alio modo, Ac per consequens non est Idolatria adorare Christum ibi in Eucharistia realiter præsentem.

13. Erasmus de Amabili Ecclesiæ Concordia : “ Si in Eucharistia totus est Christus, cur non est adorandus ? Nihil est tam stolidum, ut humanam Christi naturam adoret pro divina, aut ut panem & vinum adoret pro Christo. Nihil est Sacramentum tam humile, cui non assistamus nudis capitibus, cum administratur ; velut in Baptismo, in confirmatione puerorum : quid sentiunt igitur, qui putant Idolatriam esse, si huic Sacramento caput aperiant, etiam si Christi corpus & sanguis tantum ibi sint in sacro signo ? &c.

14. Græci Venetiis. viventes in Respons. ad Quæst. 6. Cardin. Guisani. “ Huic actioni, quum adsunt Laici, ad terram usque coram Eucharistia religiosa cum reverentia procidunt. Reliqui etiam Græci omnes adorant Christum in Eucharistia : & quis ausit omnes hos Christianos Idolatriæ arcessere & damnare ?

15. Author Dialactici Eucharistiæ : “ Veteres, quum de Sacramentis loquebantur variis vocibus usi sunt, honorandi, venerandi, adorandi ; quibus tamen haud alium quendam honorem & reverentiam sacris rebus convenientem significare voluerant, quam illam adorationem quæ præcipitur a Deo quum ait Dominum Deum tuum adorabis, & illum solum coles, ut duplex adoratio esse definiatur ; altera, qua Deum ipsum prosequimur ; altera, qua præscripta signa & mysteria divina ; juxta illud, Adorate scabellum pedum ejus, quod plerique de arca foederis intelligunt, alii de humanitate Christi interpretantur : aut si eandem utrobique adorationem esse sensent, poterimus docere adorandam carnem Christi, quamvis creatura sit, propter conjunctam divinitatem, adorandam arcam foederis propter divinæ majestatis

“ statis præsentiam quam Deus ipse pollicitus est, affuturam.
 “ Ad quem modum etiam Eucharistiam possumus adorare,
 “ propter ineffabilem & invisibilem, ut ait August. Christi
 “ gratiam conjunctam, non venerantes id quod videtur & tran-
 “ sit, sed id quod creditur & intelligitur. Hæc ille. Atque hæc
 de Adoratione dicta sint.

16. Consuetudinem vero qua panis Eucharistiæ in publi-
 ca pompa conspicuus circumfertur, ac passim omnium homi-
 num oculis ingeritur, recte affirmat Casland. ubi supra præter
 Veterum morem & mentem, haud ita longo tempore inductam
 & receptam esse. “ Veteres enim hoc mysterium in tanta reli-
 “ gione (inquit) & Veneratione habuerunt, ut non modo ad
 “ ejus perceptionem, sed ne inspectionem quidem adnitte-
 “ rent, nisi fideles, &c. & paulo post : Quare videtur hic cir-
 “ cumgestionis usus, citra grave Ecclesiæ damnum, immo,
 “ cum ipsius lucro (si modo id prudenter fiat) omitti posse,
 “ cum & recens sit, & sine ea circumgestatione, Sacramento
 “ suus honos constiterit, & hodie constare possit. Deinde cum
 “ hodie plerumque non devotioni populi, sed pompæ magis
 “ & ostensioni serviat, &c. Vide Authorem ipsum.

17. Erasmus ubi supra : “ Christus in eo Sacramento est,
 “ sub ratione cibi ac potus, ut summa cum animi puritate su-
 “ matur, non ut ostentetur, aut in ludis publicisque pompis,
 “ circumferatur, aut in equo circum arva vehatur. Id nequa-
 “ quam est veteris exempli, sed in hoc multitudinis affectui
 “ plus satis indultum est, &c. Consule Authorem.

18. Regina Galliæ Anno 1561. referente Thuano Histor.
 lib. 28. pag. 39. &c. Ex Joannis Monlucii Valentini episco-
 pi viri longe doctissimi, ut creditur consilio prolixas ad ponti-
 ficem dedit literas, quibus inter alia sacræ communionis usum
 integrum hoc est, sub utraque specie sine personarum distincti-
 one restitui debere ostendit ; nec constantiensis Concilii, quod
 Dei mandato præponderare minime debeat, auctoritatem quo
 minus id fiat, obesse posse : recens etiam & nuper inventum
 Dominici corporis festum, quod multarum offensionum cau-
 sam præbeat & minime necessarium sit, abolendum esse, nam
 mysterium illud ad orationem & spirituales cultum, non ad
 pompam & spectacula institutum esse, &c.

19. Urbanum quartum instituisse primum festum corporis
 Domini, & solennem illam processionem Bell. ipse negare
 non potest ; sed quod contendit eam institutionem nullo mo-
 do

do reprehendi posse, quinimo optimas fuisse rationes ejus festi
introducendi quam id verum sit, ex prædictis judicet lector
æquus. “ Certe circumgestare hoc vestrum (ut ait Episcop:
Eliensis in Resp. ad Cardin. Bell. Apolog. cap. 8.) præcepto
“ Christi contrarium est, nec ei usquam Scriptura favet. Con-
“ trarium & instituto. Institutum enim tum sacrificii, ut ab-
“ sumi; tum Sacramenti, ut accipi, manducari, non recondi
“ & circumferri, &c. Sed de his hæc sufficiant, reliqua con-
troverſa De Eucharistia in librum sequentem rejicimus, ne hic
ultra modum excrescat.

Soli Deo gloria.

LIBER

cerc
etiam
dive
cas
2.
ut v
stola
Don
Casa
test.




LIBER III.

DE

Sacrificio MISSÆ
& Annexis.

CAP. I.

*An in MISSA verum sacrificium Deo
offeratur.*



1. Q UOD ad nomen Missæ attinet. “ Hebraicum vel Chaldaicum esse, putidissimum commentum est, inquit, post alios plurimos doctissimos viros; inprimis autem Picherellum presbyterum in locum Matth. de S. Coenæ Institutione, & Dissertat. de Missa cap. I. Is. Casaub. Exercit. 16. pag. 582. Et seq. hanc sententiam Bellarminus etiam & alii docti Romanenses exploserunt dudum, ut qui diversum sentiunt, plane ridiculi sint, & neque Hebraicas neque Caldaicas literas se intelligere manifeste ostendant.

2. Vocabulum certe Latinum est, & inventum circa finem, ut videtur, tertii seculi, vel paulo ante. Nam si vera est Epistola Cornelii Papæ ad Lupicinum Viennensem, circa annum Domini 250. notum jam erat istud vocabulum; ut recte ait Casaub. ubi supra. Neque a Missæ nomine abhorrent Protest. æquiores, ut ex confessione Augustana, & Rituali Anglicanæ

glicanæ Ecclesiæ, in quo legere est nomina illa (*Christinus* & *Michaelmas*) Missa Christi, & Missa Michaelis, evidenter patet.

3. Neque etiam a nomine oblationis, sacrificii & immolationis abhorrent Oecolampad. in epistola ad Hedionem Epist. lib. 1. " Quid mali est cum majoribus nostris tam Orientalibus quam Occidentalibus, recordationem tanti sacrificii, immolationem vocare? modo absint perniciosæ opiniones aliæ. Natus est semel Christus, mortuus est semel, resurrexit semel? & egregii concionatores declamare solent in Genethliis; Christus nascitur, glorificate: Christus e cœlis, occurrere: Christus super terram, exaltemini. Et pietas pie dictum, pie intelligit, &c. Episc. Eliensis contra Cardin. Bell. Apolog. cap. 8. pag. 184. " Vos tollite de Missa Transubstantiationem vestram; nec diu nobiscum lis erit de sacrificio Memoriam ibi fieri sacrificii, damus non inviti Sacrificari ibi Christum de pane factum, nunquam daturi sacrificii vocem, scil. R. M. B. Patribus usurpata, nec ponit inter res novas, at vestri in Missa sacrificii, & audet & ponit, &c. Et paulo post, Nec a voce vel sacrificii, vel Oblationis abhorremus. Legantur etiam quæ habet in Concione Anglicana de Imaginationibus pag. 35. ubi patres affirmat usus non minus, verbo Sacrificii, quam Sacramenti; Altarias quam Mensæ; offerendi, quam manducandi, sed utrisque promiscue, ut ostendant utrumque ibi peragi. Videatur etiam Casaub. in Resp. ad Epist. Cardin. Perronii pag. 52. De Sacrificio in Ecclesia Christiana, & idem Eliensis jam nominatus Concione 77. de Resurrectione pag. 453. aliique complures.

4. Panem & vinum aliquo modo in Missa Deo offerri, Sacra Scriptura clare & diserte non docet. Ex loco famoso Gen. 14. Melchisedecus Rex Salem (מלך השלם *hotli*) protulit, vel ut alii vertunt, obtulit panem & vinum, & erat (alii erat enim) Sacerdos Dei altissimi: & benedixit ei, &c. evinci necessario non posse ingenue fatetur Cardin. Cajetanus ipsi in locum, non posse inquam necessario evinci, quod Melchisedec obtulerit panem & vinum Deo ac proinde Argumentum quod petitur a Sacerd. Melchis. utut figura fuerit Christi, illiusq; Sacerd. ad probandū quod Christus in ultima Cœna panē & vinū Deo obtulerit, non satis habere roboris, " Nihil, inquit, hic scribitur

“ scribitur de sacrificio seu oblatione, sed de prolatione seu
 “ extractione, quam Josephus dicit factam ad reficiendum
 “ victores. Consentiant Pagninus & Vatablus & omnium
 fulissime P. Picherell. Dissert. De Missa cap. 2. p. 116. & seq.
 & in Appendice de Missa contra Maldon. p. 333. & seq. Sed
 patres magno consensu, qui non est spernendus, affirmant,
 Melchisedec panem & vinum non tantum protulisse & exhibu-
 isse Abrahamo ad alendum exercitum, sed Deo primum quem
 præclarissimæ victoriæ auctorem agnoscebat, usitato modo,
 obtulisse & libasse : ac proinde & Christum cujus ille figura
 fuit, in institutione Eucharistiæ, ut sacerdotem idem egis-
 se. Testimonia Patrum cum Græcorum tum Latinorum
 magno studio colligit post alios Romanenses Bell. de Missa
 lib. 1. cap. 6. Idcirco illis recensendis nos supersedebi-
 mus.

5. Unde inter Protest. Andr. Chraſtovius Polanus De opi-
 ficio Missæ lib. 1. contra Bellarm. cap. 4. de Sacrificio Melchi-
 sedechiano differens : thesi 65. inquit “ etſi autem utraque
 “ pars non nititur expreſſo ſcripturæ testimonio, dum hæc ait:
 “ panem oblatum fuiſſe ad ſacrificandum : illa vero non ad
 “ ſacrificandum, ſed militibus ad reficiendas corporis vires :
 “ tamen propior eſt illorum ſententia veritati, qui unius con-
 “ vivii putant fuiſſe duas actiones. Hic enim regale ſacer-
 “ dotium oſtenditur, non ex militum ſuſtentatione vitæ, ſed
 “ ex ſufficienti hoſtiarum oblatione & Abrahamæ benediſtione;
 “ c. & theſ. 66. “ Conſenſum porro & interpretationis harmo-
 “ niam, Chriſtianis Paſtoribus abjicere non licet : idque cum
 “ propter Apoſtolici ſæculi vicinitatem, tum propter ſingula-
 “ rem omnium concordiam, quæ in omnibus locis habetur.
 “ Cujusmodi conſenſum neque ſanctorum invocatio, neque
 “ Purgatorii ignea lotio habere poſſunt : quia in his & aliis
 “ controverſiis apud Patres diverſa invenitur locorum Scrip-
 “ turæ interpretatio : hic autem omnium veluti conſpiratione,
 “ oblatio Melchisedeci ſacra proponitur ; ut non tantum A-
 “ brahæ militibusque, ſed etiam Deo incruentum ſacrificium
 “ ſymbolice oblatum videatur. Quod ſi, nonnulli Doctores
 “ Melchisedecum panem & vinum Abrahamæ dediſſe aſſerunt,
 “ primariam tamen illam oblationem quæ fit Deo, non ne-
 “ gant : ſed in conſequenti antecedens ponunt : quod confir-
 mat teſtim. Chryſoſt. Hom. 33. in Genef. & Hom. 66. &
 Aug. lib. 11. contra Adverſarium legis & prophetarum cap.

20. & thesi 68. adducit testimonia Patrum qui loquuntur de oblatione Melchisedeci, & impletione ejusdem figuræ in Eucharistia per Christum. Et thesi 72. ad præcipuam Protestantium objectionem respondens ait "Apostolus minima quæcunque excutiens, omiserat factam a Melchisedecho panis & vini oblationem, non propter auditorum tarditatem & indignitatem, sed propter historiæ notitiam, & rei propositæ excellentiam. Non, inquam, propter indignitatem; quia erant fideles. Non propter tarditatem; quia illis altissima de Filii Dei generatione; & humani generis redemptione mysteria sunt ab eo exposita. Et quamvis Apostolus dicat cap. 5. De quo grandis est nobis sermo & ininterpretabilis ad dicendum: quoniam imbecilles facti estis ad audiendum; tamen hæc redargutio dispositionem magis, quam perfectum habitum sonat. Ait enim se de iis meliora sperare. Notitiæ igitur causa omisit prolationem panis & vini, quæ piis atque bonis ultro involat, quoties de sacrificio Crucis ex collatione Melchisedechiana loquitur. Dum ergo vocat Apostolus Sermonem ininterpretabilem, de toto, non de parte istius dogmatis accipiendum est: Neque tantum de omiſsa oblatione panis a Melchisedecho facta: sed etiam de explicato, & scriptis commemorato Dei mysterio intelligi debet: quandoquidem hoc textus ipse requirit, &c. & Thesi 74. contra Bell. differens inquit: Benedicere, decimas accipere, oleo insensibili ungi, nullique succedere, & esse sine geneologia, possunt esse in scripturis, multis communia. Nam & Adam & Abel nemini successerant: & Helix geneologia non describitur: & Levitæ populo benedicebant. En tibi concedo, Bellarmine, panis & vini oblationem sic pertinere ad sacerdotium Melchisedeci, cum sit proprius ejus actus, ut ne Aaronico quidem competat. Nam ibi sacrificium panis & vini erat ut pars quædam, & quasi condimentum alterius sacrificii nec simul panem solum cum vino Deo offerebant. Quid hinc statuis? Realem Christi oblationem? At hæc illatio non ad Sacramentalem, sed ad personalem veritatem pertinet, &c. & Thesi 75. "Poterit autem quispiam dicere; nos invicem pugnare, aliorumque rationes, alios expugnare. Sed quicumque principalem controversiæ statum intuebitur. optime videbit, nos mutuo nobismet ipsis inservire. Quas enim affert vel Calvinus, vel Chemnicus rationes, non pa-

nis

" nis & vini benedictionem, sed realem corporis & sanguinis Christi, sub specibus panis & vini oblationem expugnant. Nam & Judaicarum figurarum explicatio, & methodus illa scribendi ad Hæbræos commemorationem Christi symbolicam non extinguunt: sed oblationem corporis incorporæi ac invisibilis Papisticam: quandoquidem ibi Apostolus confert legales umbras cum sacrificio principali, non cum sacrificio minus principali. Et Thesi. 81. ex vi igitur historię præfigurantis hoc mysterium, atque etiam consensu Patrum orthodoxo adhibito, neque refutationem nostrę partis, neque Argumentorum Jesuiticę familię constitutionem pertimescimus: sed in Domino Deo confidenter dicimus Melchisedeci oblationem typicam non admittere invisibilis Christi immolationem. Hæc omnia ille, quæ ideo adscripti quia nemo Protest. hanc rem fufius pertractat. Quare totum istud caput diligenter Legatur.

6. Franc. Masonus Anglicus, De ministerio Anglicano, l. 5. c. 3. p. 573, &c. " Sacrificasse Melchisedechum, multæ rationes Patribus suadere poterant. 1. Melchisedechi, addo etiam & Abrahami, pietas & religio. 2. Munus sacerdotale. 3. Mos antiquorum, quibus, post partam victoriam, sacrificare erat in usu positum. Denique ne convivia quidem egregia sine sacrificio iniri solebant. Quare si hæc opinio proponatur tantum ut conjectura humana, hunc honorem Patribus delatum esse volumus, ut eandem, tanquam non improbabilem, amplectamur: verum si obtrudatur, ut dogma Theologicum necessario credendum, penitus repudiamus, quia fundatur in humanis duntaxat conjecturis, non in divinis scripturis.

7. Th. Mortonus Anglicus & episcopus, De Eucharistia lib. 6. cap. 3. Sect. 1. " Quia quæstio de prolatione panis & vini Abrahamo, &c. a Melchisedecho facta, quo scil. fine, an ut Deo sacrificaret, an (ut multi existimarunt) tantum ad reficiendos Abrahæ milites, id egerit; Patrum iudicio illorum scil. qui sacrificium id appellarunt, exploranda venit; hoc supponimus cum Bellarmino lib. 1. de Missa. c. 6. quod panis & vinum prolata, Deo fuerint per Melchisedechum oblata, & non tantum Abrahamo, &c. exhibita. caute sane neque enim illum latere potuit, nisi volentem & ultro, quæ esset Patrum super hac re sententia.

8. " Litem de æternitate sacerdotii Christi secundum ordinem Melchisedec recte ait Chraстовius ubi supra Thef. 80. " Legem subalternorum tollere posse. Si enim ea quæ subalterna sunt non pugnant, neque æternitas Chemniciana, " neque æternitas Bellarminiana inter se pugnabunt. Chemnicus enim æternitatem considerat ratione causæ, & effectus Sacrificii Crucis. Bell. autem ratione dispensationis " mysteriorum Dei & applicationis. Quare frustra expugnare nititur Bell. rationes Chemnicii, cum sint fundatæ in " petra verbi Dei: Chemnicus non est adeo demens, ut " nesciat quid sit quod Paulus ait: Mortem Domini annuntiabitis, donec veniat. Æternitatem infinitam optime " Chemnicus in sacrificio Crucis ostendit. Finitam Bell. " in sacramentali oblatione non invenuste inquit, si modo recte intelligit: Nam & antiqui scripturæ interpretes oraculum hoc, Juravit Dominus, &c. Tu es sacerdos in æternum, secundum ordinem Melchisedec, ad formam exterioris sacrificii applicant, quod probat testimonio Augustini " lib. 1. contra adversarium Legis & prophetarum cap. 10. & " Anselini in 5. cap. ad Hebr. Tu es sacerdos, inquit, id est, " sacra dans per te & per tuos; In æternum, id est, quamdiu durabit hoc sæculum: quia non transibit sacerdotium Christi, ut aliud succedat, sicut transivit Leviticum. Quin ipse Paulus dicens, Mortem Domini annuntiabitis, donec veniat, an non aperte indicat, finitam æternitatem dispensationis mysteriorum Dei? Hæc ille Disputat quidem Gabr. Vasquez contra sententiam Bell. aliorumque in 3. pt. Thom. Disp. 85. cap. 3. ubi dicit se non posse satis mirari Theologos sui temporis doctissimos, qui censent ex vita æterna & perpetua ipsius Christi sub unione hypostatica, non recte colligi perpetuitatem sacerdotii ejus, &c. Sed quam solida sit illius refutatio judicet lector æquus & harum rerum intelligens.

9. Sed ut dimissio sacrificio Melchisedechiano ad propositum redeamus, dicimus, licet & Scrip. clare & dilucide evinci non possit panem & vinum in Missa offerri, Patres tamen passim hoc docere, ut constat ex Irenæo lib. 4. cap. 32. ex variis Cypriani locis; ex Fulgent. lib. de Fide ad Petrum Diaconum cap. 10. aliisque fere innumeris. In Liturgia etiam Latinæ Ecclesiæ, cum ante consecrationem dicunt " Suscipe, " sancte Pater hanc immaculatam hostiam; certe pronomen Hanc

Hanc demonstrare ad sensum id, quod tunc manibus tenent ; id autem panis est , ut fatentur ipsimet Romanenses. Et Similes sunt in Liturgia non paucæ sententiæ , quæ panem offerri clarissime demonstrant. Eodem modo intelligunt pleraque Canonis verba etiam doctissimi Protest. Sed in re clara & certa non est necesse diutius immorari. Panis Eucharisticus Deo consecratur , quia de profano seu non sacro sacer fit : Deo etiam specialiter dedicatur ut constat ex rebus factis , & verbis dictis circa ipsum : Ideo negari non potest , quin Deo specialiter offeratur : illi etiam oblato advenit benedictio , advenit comestio : immo ad hoc offertur ac benedicitur , ut comedatur. Fit igitur ibi quodammodo sacrificium panis , qui offertur Deo , & circa quem ex Christi instituto tot mystica verba dicuntur , & ritus sacri peraguntur ; ut recte Casalius , De sacrificio Missæ lib. 1. cap. 20.

10. Dicunt etiam sæpissime S. Patres in Eucharistia offerri, & sacrificari ipsum Christi corpus , ut ex innumeris pene locis constat, sed non proprie & realiter omnibus sacrificii proprietatibus servatis ; sed per commemorationem & representationem ejus , quod semel in unico illo sacrificio Crucis , quo alia omnia sacrificia consummavit Christus summus Sacerdos noster, est peractum , & per piam supplicationem ; qua Ecclesiæ ministri propter unici illius sacrificii perpetuam victimam , in cœlis ad dexteram patris assistentem , & in sacra mensa modo ineffabili præsentem , Deum patrem humilime rogant, ut virtutem, & gratiam hujus perennis victimæ, Ecclesiæ suæ, ad omnes corporis & animæ necessitates efficacem esse & salutarem esse velit.

11. Disertissime enim affirmat Apostolus Hebr. 10. esse tantum unicum oblationem Christi , qua consummavit in sempiternum sanctificatos. v. 14. adeo ut , v. 18. non sit amplius oblatio pro peccato. Similiter Patres docent : Chrysost. quo crebrius nemo hujus Sacrificii meminit in cap. 10. Epist. ad Hebr. postquam quod in Ecclesia peragitur sacrificium *θύσαν* nominasset , continuo subjungit , sive explicationis , sive etiam correctionis loco *μαλλὸν ἢ ἀνάμνησιν θυσίας*. Ambr. in eundem locum Euseb. de Demonstrat. Evangel. lib. 1. cap. 10. Cypr. lib. 2.

epist. 3. Passio est enim Domini sacrificium quod offerri-
mus Theodor. in Hebr. 8. Theophylac. in Hebr. 10.
Aug. epist. 23. quæ est ad Bonifacium episcopum. &
lib. 20. contra Faustum cap. 21. Author libri ad Pe-
trum Diaconum de fide , cap. 19. aliique quampluri-
mi quorum testimonia summa diligentia colligerunt
alii viri doctissimi, quos consule sis, præsertim Patres ip-
sos.

12. Quotquot autem Roman. defendunt in Missa vere
& proprie corpus Christi sacrificari, mirum quam ipsis
aqua hæreat, & inter se pugnantibus sententiis concer-
tent. Novem opiniones super ea re affert episc. Antuer-
piensis Malderus Tract. 10. de Justitia & Jure cap. 3.
quas omnes refellere nititur, ne Bellarmini quidem sen-
tentia excepta, quam sexto ponit loco. Ipsius etiam
Malderi sententia nihilo aliorum sententiis melior est. In
omni certe vero & proprie sic dicto sacrificio, necesse est
ut victima destructiva quadam mutatione consumatur,
ut ipsi communiter fatentur. At in Missa corpus Christi
neque destruitur neque mutatur ut constat. Nam quod
ait Bellarm. (de Missa lib. 1. cap. 27.) cum aliis mul-
tis; corpus Christi nullam in se læsionem pati, neque
esse suum naturale amittere cum manducatur in Eucha-
ristia: amittere tamen esse Sacramentale, & proinde
desinere realiter esse in altari: desinere esse cibum sensi-
bilem; ridiculum est & ineptum subterfugium: nam Si
corpus Christi vere destruitur destructione sacramentali
(licet non naturali, quia jam est impatibile) quia per
destructionem specierum cessat esse ubi fuerat, pariter
etiam Deus ipse immutari & destrui dicendus esset;
cum desinit esse ubi fuerat, per destructionem rei in qua
erat, aut ejusdem annihilationem. Responsio a Vasquez
recens excogitata, sacrificium aliquod esse absolutum, ali-
quod autem esse relativum seu commemorativum, in quo
quanvis non fiat immutatio rei, quæ hoc modo offer-
tur, reperitur tamen vera significatio, & nota divinæ om-
nipotentiae, Sicut in sacrificio absoluto; videtur ad veri-
tatem proprius accedere, non tamen satis solida est. Nam
posito, de quo tamen maxime quaeritur, Christum conti-
neri sub speciebus, nunquam vel suis persuadebit, rem il-
lam quæ nullo modo in se immutatur, etsi præsens sit,
vere

vere & proprie in sacrificium offerri ob representationem aliquam mortis præteritæ ejusdem illius rei. Neque etiam per Christi vivi & gloriosi præsentiam in Eucharistia video, quomodo significetur Deum esse authorem vitæ & mortis, qua in re essentiam sacrificii constituit aliis omnibus antea incognitam, ut recte Andr. Rivetus in Psalm. 40. pag. 283, &c. Vide Vasq. in 3. part. Th. Tom. 3. disp. 222. cap. 8.

13. Longe modestius & verius veteres Roman. super hac re quam recentiores multi senserunt. Lombardus lib. 4. dist. 12. "Quæritur, inquit, si quod gerit sacerdos, proprie dicatur sacrificium, vel immolatio? & si quotidie Christus immoletur, vel semel tantum immolatus sit? Ad hoc breviter dici potest, illud quod offertur, & consecratur a Sacerdote vocari sacrificium & oblationem: quia memoria est & representatio veri sacrificii, & sanctæ immolationis factæ in arce crucis. Et semel Christus mortuus in cruce est, ibique immolatus est in semet ipso: quotidie autem immolatur in sacramento, quia in sacramento recordatio fit illius, quod factum est semel. Bellarm. inepto respondit lib. 1. De Missa cap. 15. Lombardum hoc loco accipere nomen sacrificii & immolationis pro occasione, &c. An autem sit quod Sacerdos gerit, sacrificium proprie dictum Lombardum non quærere, sed præsupponere, ut omnibus notum est. Duas enim Lombardi quæstiones & solutiones pro unica ponit. Neque enim ille quærît: An quod gerit Sacerdos, sit dicenda Christi occisio: nefas enim est hoc asserere; sed primo interrogat: An quod gerit Sacerdos, proprie dicatur sacrificium, vel immolatio? hoc est, An Christus realiter in Cœna, Deo in sacrificium offeratur; & ad hanc quæstionem respondet Christum non vere nec proprie, sed commemorative ac representative in cœna Deo asferri. Secunda autem quæstio est, An semel tantum Christus immolatus sit, an vero quotidie in Eucharistia immoletur? Et ad hanc quæstionem Lombardus respondet: Semel in Cruce, quotidie in Sacramento. In Sacramento autem, quia ibi recordatio fit illius, quod factum est semel; ut recte Andr. Chrástov. ubi supra cap. 10. Thesi. 86.

14. Neque aliter sensit Thomas in Sum. part. 3. q. 83. art.

1. " Duplici ratione, inquit, celebratio hujus Sacramenti di-
 " citur immolatio Christi : primo quidem : quia sicut dicit
 " August. ad Simplicium : solent imagines earum rerum
 " nominibus appellari, quarum imagines sunt. &c. Cele-
 " bratio autem hujus Sacramenti imago quædam est repræ-
 " sentativa passionis Christi quæ est vera ejus immolatio. Et
 " ideo celebratio hujus sacramenti dicitur Christi immola-
 " tio. unde Ambros. super Epist. ad Hebr. cap. 10. dicit.
 " In Christo semel oblata est hostia ad salutem sempiternam
 " potens ; quid ergo nos, nonne per singulos dies offerimus ?
 " sed ad recordationem mortis ejus. Alio modo quantum
 " ad effectum passionis Christi : quia scilicet : per hoc sacramen-
 " tum participes efficiamur fructus Dominicæ passionis. Unde
 " in quadam Dominicali oratione sacrata dicitur : Quoties
 " hujus hostiæ commemoratio celebratur, opus nostræ re-
 " demptionis exercetur. Frustra hic Bellarni. ubi supra res-
 " pondet S. Thomam ut & alios Scholasticos non fuisse solli-
 " citos de eo, quod nunc est in controversia, sed solum qua ra-
 " tione sacrificium Missæ possit dici Christi immolatio, id est
 " occisio, & ideo fere respondere solere, dici immolationem,
 " quia est repræsentatio immolationis, vel quia habet effec-
 " tum similem cum ipsa vera & reali Christi occasione. Sed
 " si hoc effugium obtineat, certe doctrinam Thomæ de re
 " maximi momenti, quantumvis doctus & subtilis fuerit,
 " ut & aliorum multorum Scholasticorum valde man-
 " cam & diminutam fuisse, necesse est fateatur. Sed
 " nunc vident noctuæ, quod antea aquilæ non vide-
 " runt.

15. Lyranus in Heb. 10. " Illud quod emundat pecca-
 " tum oportet quod sit cœleste & spirituale : & istud quod
 " est tale, habet efficaciam perpetuam : & per consequens
 " non est reiterabile. Sic autem est dicendum de oblatione
 " Christi in cruce, ratione deitatis adjunctæ : & ideo non
 " reiteratur, quia semel facta sufficit ad delendum om-
 " nia peccata commissa & committenda. Sed ad hoc
 " dices, Sacramentum altaris quotidie offertur in Ecclesia,
 " &c. Dicendum quod non est ibi sacrificii reiteratio :
 " sed unius sacrificii in cruce oblatis quotidiana commemo-
 " ratio. Propter hoc dicitur Luc. 22. Hæc facite in me-
 " am commemorationem : quia idem offertur quod ipse obtu-
 " lit.

16. Erāsmus in Apologia adversus Monachos Hispan. Tom. operum 9. pag. 867. " fateor missam esse sacrificium,
 " licet non eodem modo quo Christus verum sacrificium
 " peregit in Cruce : totoque pectore dissentio ab his qui
 " contendunt, Missam esse abrogandam. & paulo post. At
 " de rationibus quibus Eucharistia dicatur sacrifici-
 " um, adhuc disputatur inter Theologos ; quemad-
 " modum multa disputantur de primatu Pontificis ;
 " quod genus, an sit supra Concilium universale, nec
 " ne.

17. Concil. Provinc. Colon. celebratum Anno 1536. de Administratione Sacramentorum cap. 27. " Docendus item
 " est populus, quale sit Missæ sacrificium nempe repræsentati-
 " vum. Semel quidem Christus mortuus est justus pro injustis.
 " semel in manifestatione sui corporis, in distinctione suorum
 " membrorum omnium, &c. & tamen quotidie immolatur in
 " sacramento, non quod toties Christus occidatur, sed quod il-
 " lud unicum sacrificium mysticis ritibus quotidie renovetur,
 " quotidianaque recordatione mortis Domini (qua liberati
 " sumus) in edendo, & potando carnem & sanguinem, quæ
 " pro nobis oblata sunt, hoc ipsum repræsentetur, quod olim
 " factum est ; facitque oblatio ista sacramentalis moneri
 " nos, tanquam videamus præsentem dominum in cru-
 " ce ; elicientes subinde nobis ex illo fonte inexhausto gra-
 " tiam salutarem, immolamusque hostiam pro vivis & defun-
 " ctis, dum pro illis Patrem per Filii mortem deprecamur.

18. Enchirid. Colon. de Eucharistia (cujus author fuit I. Gropperus) pag. 65. " Patres non dubitarunt, hoc Christi
 " corpus in altari, Sacrificium & salutarem victimam ap-
 " pellare, non ratione sacrificii quod in cruce oblatum est
 " semel. & pag. 66. Quatenus Ecclesia verum corpus &
 " verum sanguinem Christi Deo patri offert, sacrificium
 " mere representativum est ejus quod in cruce semel est
 " peractum. Et pag. 67. Dum non habemus quod Deo
 " dignum offerre valeamus pro omnibus quæ retribuit no-
 " bis, calicem salutaris accipimus, id est, passionem
 " ejus, repræsentantes Deo Patri opus nostræ redemp-
 " tionis, ut illius sacrificii semel in cruce pro nobis
 " oblati, & nostra commemoratione reficati, participes
 " facti maneamus & vivamus in ipso, per ipsum. Passio
 " enim

enim Domini est (ut inquit Cypr. ad Cæcil.) sacrifici-
 cium quod offerimus, id est, quod offerendo repræsentamus,
 memores illius unici & summi sacrificii, & sanctæ
 immolationis in cruce factæ. Immolatur ergo Christus
 in altari, sed sacramentaliter & mystice, quia in sacramento
 recordatio illius fit, quod factum est semel. & paulo
 inferius: Quibus verbis quid aliud inculcat B. ille
 pater (Chrysost. Homil. 17. ad Hebr.) quam quod in
 hoc sacrificio ex parte rei oblata sit verum corpus Christi,
 quum dicat unum ubique esse Christum, & hic plenum
 & illic plenum, & utrobique unum corpus. Sed
 quod ad oblationem nostram attinet, eam esse exemplar
 illius in cruce factæ, hoc est, sacrificium repræsentativum.

19. Citatur in eandem sententiam Antididagma Colon.
 & Liber a Cæsare propositus ad rationem concordia in-
 eundam in controversiis religionis art. 19. apud Goldastum.
 Imperial. constit. tom. 2. pag. 197. cum aliis quibusdam
 a Richardo Fieldo in Appendice lib. 3. ultimæ edit. pag.
 211. & seq. Illum adi, quia nos brevitati studemus.

20. Wicelius examine catechistico Missam definit, quod
 sit sacrificium rememorativum, item laudis & gratiarum
 actionis, Et in examine ordinandorum inquit: Missa est
 recordatio passionis Christi, in publico Christianorum
 conventu, ubi a multis aguntur gratiæ ob pretium redemptionis.

21. Cassand. in Consult. De sacrificio corporis & sanguinis
 Christi: Manifestum est veterem illam Ecclesiam ita semper
 sensitisse: Corpus & sanguinem Christi semel in cruce
 oblata, ad salutem totius mundi victimam esse perpetuam,
 quæ semel oblata consumi non potest, sed efficax manet ad
 remissionem quotidianorum delictorum, quare & Christus
 in cœlis perpetuum habens sacerdotium quotidie hanc
 rennem victimam pro nobis quodammodo offert, quando
 apud Patrem interpellat pro nobis. Itaque Ecclesiæ
 ministri, idem illud corpus Christi ex ipsius mandato
 quotidie offerunt, per mysticam repræsentationem, & commemorationem
 sacrificii semel peracti, cujus sacrificii perpetuam
 victimam, in cœlis ad dexteram Patris assistentem,
 in sacra mensa præsentem habet; per quam Deo Patri supplicant,

“ plicant , ut virtutem & gratiam hujus perennis victimæ
 “ Ecclesiæ suæ, ad omnes corporis & animæ necessitates effi-
 “ cacem & salutarem esse velit, &c. Non igitur hic novum
 “ est sacrificium, nam & eadem hic est hostia , quæ in cru-
 “ ce oblata fuit , & sacrificii illius in Cruce peracti in myste-
 “ rio commemoratio , & continuati in cœlis sacerdotii , &
 “ sacrificii Christi in imagine representatio. Vide eundem
 “ paulo post de Iteratione oblationis Christi semel factæ in
 “ cruce, &c. quod negat ; & ex loco Lyrani in Hebr. 10. supra
 “ adductio refellit “ utpote a quo (ut inquit) pulcherrime
 “ hujus sacrificii ratio exposita sit. Et rursus ibidem Dein-
 “ de est sacrificium corporis Christi ; in quo primum consi-
 “ deratur res oblata, hoc est, ipsum corpus Christi, quod
 “ unicum est perpetuum & propitiatorium sacrificium : non
 “ quidem quatenus hic a terreno sacerdote in altari quotidie
 “ offertur in mortis commemorationem , sed quatenus a
 “ summo & æterno sacerdote in ara crucis semel est oblatum,
 “ &c. Deinde sacrificii , & oblationis voce intelligitur ipsa
 “ actio , seu modus offerendi , qui longe alius est ab eo , qui
 “ factus est in ara crucis ; quamvis hostia , quæ offertur, ea-
 “ dem sit ibi enim oblatum est hoc corporis sacrificium per
 “ passionem & mortem, hic per passionis & mortis mysticam
 “ recordationem & representationem. Et rursus Cum Chri-
 “ stus sacerdos in æternum sit , perpetuum quoque habet sa-
 “ crificium, nam hostia illa semel in cruce oblata perpetuam
 “ habet vim & efficaciam, ad omnia corpus & animi bona
 “ conferenda. Itaque a Christo sempiterno sacerdote , pro
 “ salute membrorum suorum in rei veritate offertur, dum pro
 “ nobis apud Patrem intervenit ; hic autem offertur in ima-
 “ gine & mysterio , cum externis precibus, & interna fide,
 “ & devotione, hostiam illam unicam nomine totius Ecclesiæ
 “ sacerdos Deo Patri listit , & per eam sacrificium hoc laudis,
 “ & fidei ac devotionis , gratum & acceptum esse postulat,
 “ &c.

22. I. Barnesius in Catholico-Romano Pacifico S. 7.
 “ Cum unicum sit sacrificium crucis proprie dictum efficax &
 “ sempiternum , in missa non fit nova iteratio sacrificii alte-
 “ rius proprie dicti. Recte tamen in Missa dicitur a S. Pa-
 “ tribus offerri , & sacrificari corpus Christi : eo sensu quo
 “ asserunt Ecclesiam , quæ est corpus Christi mysticum offer-
 “ re in Missa semetipsam & preces (Aug De Civit. Dei lib.

10. cap. 20. & cap. 6.) 2. quia in Missa representatur &
 commemoratur sacrificium crucis & passionis Christi, nun-
 cupatur sacrificium commemorativum. 3. capiendo, &
 sacrificium passive, pro sacrificato, noviter applicato nobis,
 recte asseritur sacrificium Missæ, quia in ea continetur cor-
 pus Christi, quod fuit vere sacrificatum in unico illo sacrifi-
 cio crucis, quo alia omnia sacrificia consumnavit; & in Pa-
 ralipom. Paulus Heb. 10. docet esse tantam unicam oblatio-
 nem Christi, qua suos perfectos reddit, v. 14. adeo ut, v.
 18. non sit amplius oblatio pro peccato. Ex eo constat,
 non esse iterationem seu novitatem secundi sacrificii in Mis-
 sa. Quare Patres qui docent in Missa peragi sacrificium de
 novo, debent exponi uno ex modis relatis in S. 7. Quod
 pulchre docet Cassand. in Consult. de Sacrificio art. 23.
 ubi ait manifestum esse veterem illam Ecclesiam ita semper
 sensisse, &c. Dicta omnia Cassandri supra citata sunt. Con-
 cludit tandem Barnes. & in hoc sensu admittitur hic incruen-
 tum sacrificium, & per hoc satisficit omnibus Patribus ad-
 ductis a Bell. lib. 1. de Missa cap. 15. pro iteratione sacrificii
 veri.

23. I. Ferus in Genes. cap. 14. "Justissime sacrificium,
 hoc sacramentum nominatur tum quia verus usus hujus sa-
 cramenti est, ut in sumptione ejus Deo laudes & gratias
 offeramus, tum quod in ipso representatur, & quasi ob o-
 culos ponitur unicum illud sacrificium, quod Christus in
 cruce perficit; ac Deo sistitur crucifixus ille filius ejus, ad-
 moneturque ut propter ipsius passionem & mortem nobis
 propitiari dignetur. Denique etiam per sacramentum hoc
 admonemur, ut nos ipsos Deo offeramus. Congrue igitur
 sacrificium dicitur etiam ab antiquis. Cætera & multa alia
 in eandem sententiam Lege apud Authorem ipsum ibidem &
 alibi.

24. De Petri Picherelli sententia super hac re satis constat
 ex ejusdem Dissertatione de Missa. Legatur etiam Archiep.
 Spalat. lib. 5. de Republ. Eccl. cap. 6. fuse hac de re differens.
 Et author Examinis Pacifici, &c. cap. 1. vers. Anglic. p. 15.
 16.

25. De contentione inter Romanenses ipsos in Concil.
 Trid. agitata, An Christus scil. in Cœna seipsum obtulerit,
 an vero præceperit tantum, ut post mortem suam perpetua
 in

in Ecclesia oblatio fieret : quod natura sacrificii verum & proprium sacrificium in Coena offerri non permetteret. vide Histor. Concil. trid. lib. p. 613. edit. Francof. “ Hæc controversia (ut refert Hist :) non, ut solet, multos a paucis , sed “ tam Theologos , quam patres in partes prope æquales dissectuit , atque a contentione prope absuit, Priores enim quippe præfidentiores alteram opinionem incusabant uti erroniam, Anathema requirentes, quo silentium eis imperaretur , hæreseos damnatis omnibus , qui dicerent Christum non obtulisse semetipsum in cœna sub speciebus sacramentalibus. Alteri contra affirmabant , non esse eam temporum conditionem, ut dogmatis fidei firmamenta quærenda sint a rebus incertis novisque opinionibus ab Ecclesia veteri nec auditis unquam, nec cogitatis : sed id tenendum, quod ex S. Scriptura & patribus liquidum certumque; Christum viz. oblationem præcepisse. Ibidem etiam ut legere est , Georgius Ataides Theologus Lucitanus licet Missam esse sacrificium agnosceret ex Apostolica traditione & Patrum communi consensu, argumenta tamen ad id evincendum ex Scripturis ab aliis adduci solita, ut de Melchisedeco , de Agno Paschali, de loco Malachiae , de muliere Samaritana, de verbis institutionis ; Hoc est corpus meum, quod pro vobis datur, & sanguis, qui pro vobis effunditur , de participando sacrificio Judæorum , & de mensa dæmoniorum 1. Corinth. 10. de verbis Christi Hoc facite ; aëria & invalida esse contendit ; & quidem recte si verum & proprie dictum sacrificium corporis Christi urgeatur. Sententiam Archiepiscopi Granatensis & Cardinalis Seripandi Lege p. 617. Episcopi Clonienfis & Veglientis contra Salmeronem Jesuit. pag. 624. Atque hæc de hac questione sufficiant. Reliqua quæ desiderantur , ex aliis petantur qui fusius controversias pertrac-

C A P. II.

In quo disquiritur ; An MISSA sit Propitiatorium atque etiam Impetratorium Sacrificium & quibus prodest.

1. **M**ISSA superiori quæstione de veritate & proprietate sacrificii corporis Dominici, de qua mirifice inter se dissentiunt Romanenses ut vidimus ; sententia tamen quam multi hodie Romanenses tuentur, utut falsa sit minime hæreseos aut erroris impii, cum fide pugnantis damnanda ; paucis de iis quæ in hujus capitis titulo præfixa sunt differamus.

2. Missam non tantum esse sacrificium Eucharisticum & Latrenticum seu honorarium, sed etiam Glasticum seu propitiatorium sano sensu dici posse, recte affirmant Romanenses moderatiores ; non quidem ut efficiens propitiationem, & remissionem peccatorum, quod sacrificio crucis proprium est, sed ut eam jam factam impetrans quomodo oratio, cujus hoc sacrificium species est, propitiatoria dici potest, ut inquit Cassand. ubi supra.

3. Enchirid. Colon. de Sacramento Eucharistiæ. p. 680.
 “ Nemo vel primis rudimentis Christianismi imbutus, igno-
 “ rat, non esse aliam satisfactionem pro peccatis, quam quæ
 “ facta est in cruce, eandemque non tantum pro nostris, sed &
 “ totius mundi peccatis sufficientissimam esse, nullaque sup-
 “ plementione egere, neque requiri ullam aliam hostiam, aut ullum
 “ aliud meritum, per quæ ex impiis efficimur justi, & recon-
 “ ciliemur Deo Patri, &c. Interim tamen omnes scire de-
 “ bent, nenuminem hujus hostiæ participem fieri, nisi tantum
 “ credentem & obtemperantem Evangelio Christi, &c.
 “ Quum ergo in Missa propemodum totius Evangelii summa
 “ recenseatur, &c. Quis non videt Deum per talem fidem
 “ (quæ in hujus repræsentativi sacrificii celebratione, atque
 “ adeo ejusdem corporis pro nobis passi manducatione vel
 “ maxime

“ maxime exercetur) beneficium Christi filii sui, suis fide-
 “ bus applicare, &c.

4. Joan. Barnesius ubi supra : “ Capiendo ꝓ sacrificium
 “ passive, pro sacrificio, noviter applicato nobis recte asseri-
 “ tur sacrificium Missæ, quia in ea continetur corpus Christi,
 “ quod fuit vere sacrificatum in unico illo sacrificio Crucis,
 “ quo alia omnia sacrificia consummavit. Immo plurimi Ro-
 manenses dicunt sacrificium hoc non tantum repræsentativum
 & commemorativum esse, sed etiam applicatorium, propitia-
 tionis scilicet quæ semel in cruce sufficienter facta est, & ea-
 tenus propitiatorium sacrificium recte dici posse ; An-
 tididagma Colon. Wicelius, Sidonius, & authores libri in-
 terim dicti.

5. Gul. Estius in cap. 9. ad Hebr. vers. 25. “ Quod au-
 “ tem negat Apostolus Christum sæpius offerre seipsum, de
 “ ea dicit oblatione quæ per se valeat ad propitiandum De-
 “ um ; qualis sola est illa, qua seipsum obtulit in cruce, ab
 “ hac enim sicuti sacramenta, sic & Missæ sacrificium vim su-
 “ am omnem recipit. Vide eundem in capite 10. ejus-
 “ dem epistolæ. Et omnes saniores Romanenses quam-
 “ cunque tueantur sententiam de modo vere & realis præsen-
 “ tiæ corporis Christi in Eucharistia, agnoscunt oblationem
 “ sacrificii Missæ incruentam, ab illa una cruenta, quæ fa-
 “ cta est in cruce, omnem suam vim & efficaciam haurire,
 “ perinde ut sacramenta Novi Testamenti.

6. Loca patrum huic sententiæ confirmandæ, adduci solita,
 videantur apud alios plurimos qui prolixius hisce de rebus
 scribunt.

7. Quod ad Proest. attinet, audiatur Jo. Barclaius in sua
 Parænesi, &c. lib. 3. cap. 2. pag. 251. 252. “ Dicimus
 “ (Rom. scilicet) Eucharistiæ celebrationem esse sacrificium
 “ vere proprie propitiatorium. Vos (Protestantes) negatis,
 “ aut potius quidam ex vestris nobis enim saltem tacite, eru-
 “ ditiores consentiunt. Is. Casaub. paucis ante obitum
 “ mensibus, in Serenis. Britan. Regis triclinio erat, ego illi
 “ colloquebar, & alius præterea non Catholicus homo ;
 “ Aulicus, adhuc hodie in regis familia & quem si
 “ opus, facillime judicem. Tunc igitur ut sermo
 “ inciderat, contingit de Eucharistia inter nos agi ;
 “ quam ego dum propugno ; nihil inquit Casaub. opus est ut
 “ labores, sponte profiteor, & ex Ecclesiæ antiquæ ritibus
 “ constare

“ constare contendo, Eucharistiam esse sacrificium : Nec sa-
 “ crificium modo laudis, ut plurimi nostrum volunt, sed sacri-
 “ ficiū Propiatorium, sacrificium ἱλάσιμον. Hæc ipsius
 “ verba fuere : ita gemina lingua, ejus generis hoc sacrifici-
 “ um censeret, exposuit. Gaudio ego perfundi, ille alter, qui
 “ tertius colloquio aderat, ita sentientem vehementer mirari ;
 “ & vero plus hac voce se perculsum asserere, quam centum
 “ Papistarum argumentis. Protest. ille veritati testimoni-
 “ um perhibere, vivit enim, & est cum Rege assiduus.
 “ Catholicus autem adeo nunquam fuit, ut timeri nun-
 “ quam possit, ne ex composito, illa fraude nos juvet.
 Hæc ille.

8. Ad locum hunc Barclaii nihil aliud respondet M. Ca-
 saub. filius in pietate contra, &c. pag. 78. quam : “ Ad lo-
 “ cum Barclaii quod attinet, ubi dicit Casaubonum in Aula Re-
 “ gis Seren. asseruisse Eucharistiam esse sacrificium propitiao-
 “ rium, sacrificium ἱλάσιμον multa possent responderi (ne de
 “ Barclaii fide dubitem) ex Patrum sententia, quæ non sunt hu-
 “ jus loci.

9. Amandus Polanus, scriptor alioqui rigidissimus, Sym-
 phonix Cathol. cap. 17. Thes. 3. in declaratione Theseos.
 “ Itaque Cœna D. est sacrificium tum Eucharisticum tum
 “ propitiatorium : Eucharisticum quidem proprium, quatenus
 “ in ejus usu gratias Deo agimus, quod nos a servitute & pœ-
 “ na peccati in libertatem asserere dignatus est, per filium uni-
 “ genitum : propitiatorium vero aliquo modo, quatenus
 “ unici illius sacrificii vere propitiarii memoriam in eo serio
 “ frequentare jubemur, quod Filius Dei a Patre Missus ipse in
 “ propria persona semel pro nobis obtulit.

10. Bucerus in Defens. Reform. &c. cap. 84. pag. 273.
 “ Cyprianus in ante-positis verbis inquit, nostrum sacrificium
 “ esse Christum. Item passionem ejus esse nostrum sacrificium,
 “ quod in sacra Cœna offerimus. Et quoniam alio modo non
 “ possunt sacerdotes passionem Christi, & Dominum ipsum of-
 “ ferre, quam passionem illius, ac fructum qui ex ea enatus est,
 “ &c. annunciendo & prædicando, Deumque Patrem per ip-
 “ sum pro nobis ipsis acceptis beneficiis digna gratiarum actio-
 “ ne laudando & celebrando, denique orando, ut passionem &
 “ resurrectionem dilecti filii sui in nobis efficacem reddat, ut
 “ quotidie peccatum mortificemus, novam vero ac divinam
 vitam

“ vitam in nobis provehamus ac confirmemus, &c. Hoc est
 “ memoriam ejus sicut præcepit celebrare, mortemque ipsius
 “ annunciare, &c.

11. Græci, &c. ad quæst. 4. Cardinalis Guisani, Quale
 “ sacrificium hoc esse statuunt? actionis ne gratiarum, an pro
 “ peccatis expiatorium? sic respondent. Divinum hoc sa-
 “ crum proprie & expiatorium & gratiarum actionis dicitur.
 “ Citant Cabasilam c. 52. Basil. in Liturg. Da Domine ut pro
 “ peccatis nostris & hujusce populi ignorationibus sacrum hoc
 “ nostrum sit acceptum, tibi que gratum. Et rursus: fac nos ido-
 “ neos ut citra condemnationem hæc immaculata vivificaque
 “ mysteria participemus ad remissionem delictorum, & Sp.
 “ Sancti communionem. Simili precatione utitur Chrysost. in
 “ sua Hierurgia. Hæc ille.

12. Sacrificium autem hoc Cœnæ non solum propitiatori-
 um esse, ac pro peccatorum quæ a nobis quotidie committuntur,
 remissione, offerri posse modo prædicto corpus Domini-
 cum, sed etiam esse impetratorium, omnis generis beneficio-
 rum, ac pro iis etiam rite offerri, licet Scripturæ diserte & ex-
 presse non dicant; Patres tamen unanimi consensu Scripturas
 sic intellexerunt, quemadmodum ab aliis fuisse demonstratum
 est; & Liturgiæ omnes veteres, non semel inter offeren-
 dum, orandum præcipiunt pro pace, pro copia fructuum,
 & pro aliis id genus temporalibus beneficiis, ut nemini igno-
 tum est.

13. Francisc. Whiteus Episc. nunc Eliensis, in Orthod.
 Fidei, &c. Explanatione, &c. p. 338. 339. “ Quod ad no-
 “ men sacrificii attinet, Ecclesia Anglicana idem attribuit S
 “ Eucharistiæ neque solum ratione quarundam piarum actio-
 “ num illi annexarum, ut precum, gratiarum actionis, eleemo-
 “ synarum, &c. Sed & ratione Eucharistiæ ipsius, in qua 1.
 “ externa elementa panis & vini, percipientia vocationem
 “ Dei, &c. (ut loquitur Iren. l. 4. c. 34) consecrantur & ad
 “ Domini cultum deputantur, &c. & instrumenta gratiæ ho-
 “ minibus exhibendæ efficiuntur. 2. Corpus & sanguis
 “ Christi, præsentia animæ (nimis jejune hoc dictum) fide &
 “ pietate Pastoris & populi qui hæc mysteria percipiunt, Deo
 “ offeruntur & sistuntur, cum pia supplicatione, ut propter il-
 “ lorum meritum, gratiam & remissionem peccatorum, atque
 “ alia beneficia, illis Largiri dignari velit.

14. Hieron. Zanchius in cap. 5. ad Ephes. De sacerdotio

Christi differens. "Quod si quis, inquit, Sacrificium hoc, de quo
 " dictum est, lasticum a tota Ecclesia, aut etiam per ipsum (ut
 " vocant) sacerdotem, totius Ecclesiae nomine, in publico
 " Cœtu, hoc sensu Deo offerri dicat, nimirum quod quisque
 " hoc solo Christi sacrificio, Semel pro peccatis nostris Patri
 " oblato contentus, in eo totus acquiescat, atque ita Patrum
 " precetur, ut hoc unicum sacrificium, cujus publica commemo-
 " ratio tum verbis, tum ritibus in Coena D. celebratur, lo-
 " co omnium oblationum, satisfactionum, operum, & omni-
 " um denique earum rerum, quæ ad peccatorum nostrorum
 " expiationem, æternamque salutem necessariæ excogitari ab-
 " homine possunt acceptum habeat : cum hoc nos minime
 " altercabitur. Nam ad rem ipsam quod attinet, quis hæc
 " improbare queat ; In huiusmodi etenim sacrificii oblatione,
 " summa Christianæ pietatis consistit : Sed longe aliter vulgo
 " in Pontificatu doceri consuevit (sed non nisi ab indoctiori-
 " bus) Faxit ergo Deus, ut idem sentiamus omnes & consen-
 " taneè cum S. Literis Loquamur. Hæc ille. videatur etiam
 Rich. Fieldus lib. 3. de Ecclesia in Appendice pag. 200. &
 seq.

15. " Cum autem hæc victima (ut Cassandri verbis in
 " Consultatione utar) semel oblata sit pro communi totius
 " orbis salute tam vivorum quam mortuorum, & ad eam salu-
 " tem quotidie efficiendam perpetuam virtutem obtineat, nihil
 " est absurdi si in sacra hac actione, pro vivis & mortuis & com-
 " muni omnium salute offerri dicatur : quando non solum pro
 " iis oblata commemoratur : verum etiam solenni prece pro iis
 " omnibus efficax & salutaris esse postulatur. Itaque hoc modo
 " sacrificare, est preces & gratiarum actiones, ad impetrandam
 " virtutem propolitæ illius perennis victimæ Deo Patri offer-
 " re. Hoc comprobari posset plurimis Patrum testimoniis.
 " Sed videantur hic alii qui hisce de rebus prolixius scribunt.
 " Nos in re certa & clara diutius immorari nolumus. Quod au-
 " tem ad extrahendas defunctorum animas è flammis purgatorii
 " sacrificia missarum exiguntur, & quidem sæpe repetita; otioso-
 " rum hominum & simplicitate populorum ad quæritum suum
 " male abutentium, commentum est. Longe alias ob fines ora-
 " tum & oblatum pro mortuis in veteri Ecclesia, ut contra Ro-
 " manenses fuisse ostendimus, quum de purgatorio & Oratione
 " pro defunctis ageremus. Ad isis tractatum ipsum. Non levi-
 " ter hic peccatur a multis tum Romanensibus tum Protest.

Extrema vicanda sunt, veritas quæ in medio sita amplectenda.

16. Perperam Scholasticis Doctoribus aliisque multis Romanensibus affingitur, quasi docuerint & adhuc doceant opus Sacerdotis in Missa valere coram Deo ex opere operato, sine bono motu utentis, sineque opere operantis, hoc est, etiam si nec sacerdos, nec populus suum opus, hoc est, veram fidem adjungat. Ut ut enim crassus iste error in nimis magna indoctorum sacerdotum & vulgi parte altas radices egerit; Docent tamen doctiores omnes. S. Cœnam juxta institutionem Christi administratam per se bonum ac salutiferum opus esse omnibus, qui ea rite utuntur; etiam si sacerdos omni fide destitutus sit, propter Christi institutionem, unde hujus & omnium sacramentorum efficacia potissimum dependet; nihilominus Summentem judicium sibi sumere, quando sine proprio opere operantis hoc est, opere veræ fidei suæ, opus operatum, quamvis juxta mandatum & institutionem Domini peractum usurpat, vel ejus se participem reddit, ut recte M. Bucerus in Defens. Christ. Reformationis, &c. cap. 101. Vide Cassandri Consult. art. 24. “ Uno ore, inquit, omnes hodie Ecclesiastici scriptores clamant
“ falso Ecclesiam (Romanam) accusari, quod doceat, Missæ
“ actionem ex opere operato, hoc est, ex opere externo, quatenus
“ id a sacerdote fit, mereri aliis remissionem peccatorum,
“ pro quibus applicatur; sed hoc tantummodo docent, corpus
“ & sanguinem Christi, quæ in hac sacra actione religiosa commemoratione offeruntur, & fidelibus dispensantur, ex panis
“ & vini substantiis consecrari, & virtutem sanctificandi obtinere
“ non ex opere operantis, id est, dignitate & merito celebrantis
“ ministri; sed ex opere operato, hoc est, ordinatione & pacto
“ ipsius Christi, hanc sacram actionem instituentis. Itaque sacerdotis
“ actionem, tanquam ministri, quæ in sola sacramentorum celebratione
“ & humili supplicatione, & gratiarum actione consistit, eo tantum
“ valere: ut virtus & gratia, quæ corpori & sanguini Christi pro nobis
“ semel immolati perpetuo inest, iis, qui ad eam suscipiendam apti &
“ dispositi sunt, applicetur & tribuatur Plurima alia in eandem
“ sententiam ibidem legere est, citata ex Enchirido Christianæ
“ institutionis aliisque, ad depellendam calumniam falsæ illius
“ fiduciæ de opere operato, quæ tam odiose universæ Ecclesiæ
“ Romanæ doctoribus objicitur. Lege Authorem.

17. Quod toties hoc cap. sacrificium quod in Cœna peragitur,

tur, non tantum Eucharisticum esse, sed etiam sano sensu
 propitiatorium, & plurimis non solum viventibus, sed etiam
 defunctis prodesse, quomodo scilicet oratio, cujus hoc sacri-
 ficiū species est, propitiatoria, &c. dici potest (ut loquitur
 Cassander) confirmat Bell. ipse de Missa l. 2. c. 5. " Sacrifici-
 " um, inquit, simile est orationi, quod attinet ad efficientiam :
 " oratio enim non solum prodest oranti, sed etiam iis, pro
 " quibus oratur. Unde manducatio Eucharistiæ, quæ fit a
 " sacerdote, ut est Sacramenti susceptio, soli sumenti prodest ;
 " ut autem est sacrificii consummatio, prodest illis omnibus ,
 " pro quibus oblatum est sacrificium.

Soli Deo gloria.



FINIS.

Index Librorum & Capitulorum.

Controversia prima de Justificatione

Liber Primus De Fide Justificante.

- Cap. 1. **I**n quo, de communi fidei distinctione in quatuor species
1. *explicatur.* D. 3.
- Cap. 3. *An sola fides justificat.* p. 9.
- Cap. 4. *In quo litis de sola fide justificante justa consideratio conti-
nuatur.* D. 19.
- Cap. 5. *Quo eadem consideratio fuse compluribus virorum doctissi-
morum Protestantium, aliorumque sententiis confirmatur & con-
cluditur.* p. 25.

Liber 2. Quo Controversia de causa formali justi- ficationis consideratur.

- Cap. 1. *Quo generaliter de ea lite agitur.* D. 28.
- Cap. 2. *Quo specialiter de ea differitur, & inprimis de imputatio-
ne iustitiæ Christi.* D. 40.
- Cap. 3. *In quo jussus adhuc de imputatione iustitiæ Christi tra-
ctatur.* D. 50.
- Cap. 4. *Quo disquiritur, An iustitia Dei nobis infusa & inherens
spectet ad formalem justificationis rationem.* D. 58.
- Cap. 5. *Quo doctrinae præcedente tradita uberius confirmatur.* D. 72.
- Cap. 6. *Quo objectionibus quibusdam occurritur; & hæc discussio
concluditur.* p. 84.

Lib. 3. Quo lites de certitudine, mutabilitate, & inequalitate iustitiæ considerantur.

- Cap. 1. *Quo de certitudine & incertitudine gratiæ seu iustitiæ præ-
sentis agitur.* D. 82.
- Cap. 2. *Quo ejusdem litis æqua consideratio ex Scripturis Doctri-
nis, Protestantibus, aliisque viris moderatissimis continuatur &
concluditur.* p. 103.

Cap. 3. Quo de certitudine Prædestinationis, & finalis in fide & justitia præservantiæ; & simul, an fides & justitia semel habita amitti possint, paucis differitur. pag. 112.

Cap. 4. Quo de inæqualitate justitiæ fidelium paucissimis agitur. p. 122.

Liber Quartus, quo de justitia operum agitur.

Cap. 1. Quo de operum bonorum necessitate ad salutem, & questionibus coincidentibus; utrum justi de usque ad cap. 10. libri Bellarminiani differitur. p. 125.

Cap. 2. An Christus Dominus noster vere Legislatores fuerit; & Evangelium proprie ejus lex sit, & vocari debeat. Et alia nonnulla p. 131.

Cap. 3. Quo de possibilitate præstationis legis Dei in hac vita differitur. p. 139.

Cap. 4. In quo doctrina capite præcedenti tradita fusiùs ex variorum Protestantium, aliorumque scriptis confirmatur. p. 149.

Cap. 5. An omnia justorum opera quantumvis bona, sint peccati aliqua labe maculata. p. 156.

Cap. 6. Quo paucis, an bona opera justificent; & de loco famoso ac celebri Jac. 2. præsertim differitur. p. 168.

Lib. 5. In quo de meritis Operum agitur.

Cap. 1. Sintne opera bona justorum vere ac proprie meritoria salutis æternæ: usque ad cap. 7. libri Bellarmini.

p. 179.

Cap. 2. Quo an fiducia in meritis seu bonis operibus collocari possit, & de intuitu mercedis æternæ in bene operando, paucis disceptatur. Bellar. c. 7, 8, 9. p. 188.

Cap. 3. De meriti vite æternæ vere ac proprie dicti conditionibus brevissime differitur. v. Bellar. a. cap. 10. ad cap. 16. p. 196.

Cap. 4. An opera bona justorum meritoria sint vite æternæ ex condigno, & a. cap. 10. usque ad finem libri p. 199.

Controversia secunda, de purgatorio.

Cap. 1. An Purgatorium Romanensium firmum habeat in sacris literis fundamentum, nec ne? p. 209.

Cap. 2. An ex patribus cerlo & perspicue Purgatorium Romanensium

nenſium probari poſſit ?

p. 222.

Cap. 3. In quo, Purgatorium Romanenſium Patrum doctrina repug-
nare oſtenditur ; & ſimul de oratione pro mortuis agitur. p. 239.

Cap. 4. Quo ex plurimis Virorum doctiſſimorum & moderatiſſi-
morum dictis, quid de Purgatorio Romanenſium, & orationibus
pro mortuis ad illud relatis ſentiendum ſit oſtenditur. p. 256.

Controverſia tertia de Angelorum & Sanctorum In- terceſſione & Invocatione.

Pars prima. De utrorumque interceſſione.

p. 268.

Pars altera. De eorundem Invocatione.

p. 289.

Cap. 1. In quo, eorundem invocationem variis ipſorum Romanenſi-
um teſtimoniis non eſſe ſimpliciter neceſſarium oſtenditur. ib.

Cap. 2. In quo, eorum invocationem religioſam aut orationem ad
eos proprie loquendo illicitam eſſe demonſtratur. p. 292.

Cap. 3. In quo, ſolam invocationem ſive compellacionem Angelo-
rum & Sanctorum, ut una nobiſcum, & pro nobis Deum orent :
nec ut illicitam, neque etiam ut inutilem damnandam eſſe proba-
tur. p. 299.

Cap. 4. Eadem ſententia fuſius adhuc comprobatur,

p. 316.

Cap. 5. Variæ corruptelæ & fædi abuſus in doctrina & praxi hodi-
erna Eccleſiæ Romanæ circa invocationem ſanctorum monſtrantur
& breviter reſutantur. p. 331.

Conſideratio brevis controverſiæ de Chriſto Mediatore & ejus merito.

Pars prima. Qua diſcrivitur, ſecundum quæ naturam Chriſtus ſit
Mediator.

p. 343.

Pars altera. Qua Chriſtum Mediatorem filiū etiam aliquiſque meritiſſe
paucis oſtenditur.

p. 364.

Controverſia de Sacramento Eucharistiæ.

Lib. 1. In quo de reali Chriſti in S.S. Eucharistiæ præſentia, &
participatione, ac de modo uniſſimæ huiusmodi præſentia.

p. 370.

Cap. 1. De rebus hiſce generaliter diſcrivuntur.

ibid.

Cap. 2. In quo de Transſubſtantiatione poſſibilitate agitur.

p. 380.

Cap. 3. In quo Transſubſtantiationem de fide non eſſe, imo cum ſcri-
pturis & Patribus vetuſtioribus pugnare, hæreſeos tamen minime
damnandam

damnandam esse paucis ostenditur p. 397.
Cap. 4. In quo, nec Transubstantiationem, neque consubstantiationem haereses esse ostenditur, & simul de orali, atque etiam indignorum manducatione corporis Christi agitur. p. 411.

Liber secundus, In quo, de Communionem sub una, vel utraque specie, de Veneratione Eucharistiae, atque aliis nonnullis dogmatibus controversis, paucis agitur.

Cap. 1. In quo, de communionem sub una, vel utraque specie, paucis agitur. p. 423.

Cap. 2. Quibus verbis fiat consecratio Eucharistiae & simul de ejusdem reservatione, & veneratione. p. 432.

Liber tertius, De sacrificio Missae & annexis

Cap. 1. An in Missa verum sacrificium Deo offeratur? p. 445.

Cap. 2. In quo disquiritur: An missa sit Propitiatorium, atque etiam impetratorium sacrificium, & quibus prodest. p. 460.

FINIS.

5-4

5